

中國邊疆叢書第二輯

和

坤等修

熱河志

(一)

文海出版社印行

中國邊疆叢書第二輯

和

坤等修

熱河志

(二)

文海出版社印行

中國邊疆叢書第二輯

和

坤等修

熱河志

(三)

文海出版社印行

中國邊疆叢書第二輯

和

坤等修

熱河志

(四)

文海出版社印行

中國邊疆叢書第二輯

和

坤等修

熱河志

(五)

文海出版社印行

新加坡
文海出版社
PDG

中國邊疆叢書第二輯

和

坤等修

熱河志

(六)

文海出版社印行

欽定熱河志卷四十四

行宮二十

王家營行宮

常山峪行宮

巴克什營行宮

兩間房行宮

釣魚台行宮

黃土坎行宮

中關行宮

什巴爾台行宮


波羅河屯行宮

張三營行宮

濟爾哈朗圖行宮

阿穆呼朗圖行宮


王家營行宮



1759

王家營行宮 在常山峪東北四十里康熙四十三年建燧曰
引流成溪凡四重東西所亦如之其陽面山地勢平曠澗壑交
流宮內廊軒接比院宇高明右則民居鱗次場圃縱橫烟村掩
映宛在幽風圖畫間也

常山峪行宮



常山峪行宮 在兩間房東北三十三里康熙五十九年建南
嚮殿五楹曰蔚藻堂內曰青雲梯西曰虛白軒後曰如是室宮
基面山丹崖翠壁列若屏障軒窗披覽領妙延清蔚藻堂之右
曰翠風埭曰綠樾徑曰楓香坂曰陵霞亭皆創於

聖祖時

皇上標爲八景

御書題額分章成詠

天藻敷華地靈增勝矣

御製詩

常山峪行宮 辛酉

憶昔髫齡際趨陪

聖祖前於今巡幸至駐蹕故宮邊湛露曾叨

澤含飴想侍

筵秋風悲此日軒屋尙當年鳥語如懷舊花香故逞妍

恩勤終古慕承顯一身肩

再疊前韻

經國猷垂後承家志繼前三秋修武備萬乘閱嚴邊勝地停鑾御離宮啓玉筵欣逢無事日喜覩有秋年插笏峰爭秀披圖景鬪妍永懷無競烈景仰懼難肩

常山峪行宮疊舊韻 癸亥

景愛三秋始

恩思廿載前

音容魂夢裏歲月鹿蕉邊小憩松篁閣還陳翰墨筵誠知仙是幻堪以日爲年列岫迎窗翠閒花繞砌妍繼繩吾未逮矢此一心肩

常山峪行宮八景

綠樾徑

灌木盤山腰濃陰日翳翳豁開壺中天迥異人間世

虛白軒

虛室能生白一氣常函三閒情空外寄妙道箇中參

青雲梯

青雲信有梯丹崖暫延佇鹿豕出翠微逢迎務光侶

楓香阪

清吟步修阪衣袂泛秋涼金風颯然過微聞山楓香

蔚藻堂

花木暢生意大地蔚菁藻忘言入靜觀忻然愜懷抱

如是堂

如是如是室坐對清秋山遊山室中人不費往與還

翠風隸

野木不知名雨後增新翠誰云塞北山卻有江南致

陵霞亭

危亭構峰頂面面青
唵呀踏石片雲飛去作天邊霞

常山峪行宮懷舊

乙丑

青雲叢處敞離宮

昔日今時駐蹕同捲幔
山嵐千面合開軒巖樹四鄰通
垂紳瀑水無心白對客閒
花著意紅廿載恩勤成一瞬
幾番清暎仰高空

常山峪行宮八景

綠樾徑

灌木重重翠鬱森
秋來猶自有清陰
攜筇不爲尋佳勝
觸目無窮山水心

虛白軒

架得蕭軒三五楹
偶來輒喜向虛明
前秋詩約分明在
指點烟嵐是

舊盟

青雲梯

幾疊林巒碧靄凝盤紆界道一條冰幽偏不是青雲路只許詩人偶一登

楓香阪

欲紅未紅楓樹枝寥蕭涼籟襲人吹恍疑身在普閣窟參得香林拖地眉

蔚藻堂

清秋巒壑澹烟光翰墨香生蔚藻堂西抹東塗渾不藉由來大塊假文章

如是室

室名如是如何是如是室名如是何而我竭來吟七字今原非此昔非他

翠風埭

叢林籟作風含翠曲埭秋來葉有丹一嘯蘇門天地闊飄飄直欲駕
仙鸞

陵霞亭

亭子峰巔四望賒衣裙輕拂惹烟霞問誰倚石雲根動散作天邊一
縷斜

常山峪行宮即景 丁卯

捲幔秋光到座邊雲開爲我羸青蓮步苔衣濕蛩吟露望阪楓香鹿
叫烟自是林泉多蘊藉依然書史得周旋饒他只有松陰鶴夜夜空
山抱月眠

常山峪行宮晚秋

山容似畫淡彌趣秋色如詩老益工拾級丹梯搴霧荔背屏翠壁眄
霜楓

谷口風來聲覺壯溪頭潦盡影含清朝躋一縷因移石去作白雲天
外橫

嶢峰無數入窗紗寫照窗前了不差正慮遙天無點綴林邊恰噪晚
歸鴉

急雨驅雲增暮寒秋英繞砌濕闌干遣懷不若吟情澁底用拈鬚一
字安

常山峪行宮八景 己巳

綠樾徑

隔歲未尋綠樾徑當秋恰到白雲間行圍塞上看山好路便先教看
好山

虛白軒

行宮結宇底須多據景標名便可訝虛室三間無別物到來惟見萬
籤羅

青雲梯

嫩綠濃青杳莫分
天風吹織紫綃雲
自知不是安期侶
足底胡然步入雲

楓香阪

仙人石室青霞封
僊伶招我相陪從
琥珀遺堯不曾食
念茲長謝遊仙蹤

蔚藻堂

吟句無煩求俊逸
淺言亦可暢清懷
翠崖有問如何答
記我今朝意甚佳

如是室

自是新秋坐清晝
不殊前歲對閒窗
碧空似我澄無滓
何所得來心可降

翠風球

巖樹風過翠浪翻重重窈秀入山軒未教楓色霜前紫且聽溪聲雨後喧

陵霞亭

峰頂有亭真翼然下臨無地上空天莫云一宿堂堂過暮靄朝嵐結覽全

常山峪行宮八景

辛未

綠樾徑

一徑引入入勝千林宛爾相親怪底宜來雨後懸崖濺沫垂紳

虛白軒

小軒虛白堪怡匡床憑几棲遲驀憶前秋此際清光不隔多時

清雲梯

蒼勺千重窈秀巉巖百級絕塵大似子房奇士陳平何物堪倫

楓香阪

青楓過雨霏香詰曲蘭椒里強陟頂巒然長嘯千峰紫翠夕陽

蔚藻堂

蔚藻爾時書堂每來翰墨生香正擬搗詞且置無過大塊文章

如是室

秋初山有餘翠霽後室生爽寒最是長宜靜坐奈予每少幾閒

翠風埭

威紆翠埭林穿草蟲花蝶風前俯仰物物自得會心一爲欣然

陵霞亭

夷嶽位置孤亭四隣山色來青六法誰能貌取嵐靄都無定形

常山峪行宮疊舊作韻

乙亥

行宮向題句勒壁跡成前此日方綏遠流沙已擴邊凱歸應勞酒新
附合賓筵翠罕臨遙塞黃雲閱有年窗間一晌靜霽後萬峰妍詎曰
今無事吾方未息肩

常山峪行宮作 丙子

依綠構行館標紅見早楓秋光逢塞外詩意滿窗中

常山峪行宮疊舊作韻 戊寅

好山好活畫面面向人前拱北近仙境 去避暑山莊九十餘里 維南帶古邊 北古

口一帶古邊界地 堂皇開太室俎豆展賓筵風自無塵地雲猶訝且年騁懷

真致靜得句欲捐妍最喜翠微表洪崖可拍肩

再題常山峪行宮八景 庚辰

綠樾徑

寒山秋仲綠猶濃過雨蹊留白鹿踪卻是今來添別致幾枝紅葉出

高峰

虛白軒

一年兩度坐文軒生白恆斯悟漆園七字寧云聊即景清機爾許箇

中存

青雲梯

層層綠樹蔚巖梯尋鹿常教步屣躋宇宙以來便有此龍門卻誤擬夷齊

楓香阪

青楓此虎鎖雲巒意蕊心香靜鼻觀設置江南文翰地又將儀比麝和蘭

蔚藻堂

背山臨水得書堂一宿居停有縹緗更不課虛將叩寂蔚然大塊假文章

如是室

山恆如是室如是一晌棲遲似去年何必炷香參白業金剛四句會當前

翠風埭

莫道山風無色相巖枝潤葉與形容冷然往返誰知見惟有洪崖及赤松

陵霞亭

孤亭迴出衆山頭暮靄朝嵐漾若流峰不黃山三十六也從雲海泛虛舟

七月廿四日常山峪行宮作 辛巳

潦盡朗秋晴

大安亦啓程

是日誠親王奏報恭奉慈輦登程駐石槽溪橋胥穩駕 沿途留諸臣董率

就巖館忽前迎香撲青楓坂虛生白室楹後山親獲鹿飛騎進

行營

再題常山峪行宮八景 癸未

綠樾徑

今年綠樾眞綠樾爲是尋蹊當夏時批閱封章尙餘暇不妨一再與

題詩

虛白軒

生白惟虛蘊妙理一年一度此言徵明朝仍便忽忽去故是斯軒所
獨恆

青雲梯

千層蔚綠倚嶙峋階級分明總絕塵爲問尋梯進步者幾人真是箇
中人

楓香阪

塞山露重如垂雨飛翠流芬潤意凝幾度青楓林下過衆香國裏得
相應

蔚藻堂

靜中動是山水態動裏靜惟花鳥情看待主人無別物起吟佳趣面
前呈

如是室

延清觀妙會心皆擬議寧因梵帙排虛室設爲刮目待猶如是亦底稱佳

翠風球

無色形天有色形鳴條送爽復流青東坡昔日乘涼處翠幕張如擇勝亭

陵霞亭

烟霞負帶迴孤超支父方回若可招賦讀天台工體物居然塞外赤城標

常山峪行宮即景

乙酉

玉露金風候崇山峻嶺間居停有古屋是日闢林關窗納三秋爽門縈一水環置郵傳閣本批閱敢偷閒

再題常山峪行宮八景

丙戌

行宮二十

綠樾徑

曉秋叢樾綠猶濃過雨縱橫印鹿蹤徑欲循蹊到深處忽然一片白雲封

虛白軒

曰虛曰白曰秋時止止生祥引妙思不改昔時此軒樹悽然爲憶此含飴

青雲梯

青青疊樹蔚如雲意寄菁葱亦自忻不似登龍題鳳輩於中覓路望徒勤

楓香阪

散步楓林馥郁然此香非火亦非烟晚華自叶天然靜李賀空稱蜀國弦

蔚藻堂

山葩應恐漏離騷那數人間八斗曹卻笑綺言猶未戒依然對景一揮毫

如是室

天地干支似穀旋今秋丙戌豈殊前屏風

聖藻書唐句卻閱流陰六十年

室內屏風有言絕句八首乃康熙丙戌年所書閱

皇祖御筆唐人七

今星甲適遇在萬流光瞻仰益增追慕

翠風埭

樾埭秋風翠浪翻有聲為寂不為喧了知未可畫工寫雅合攜將靜者論

陵霞亭

塞天過雨大羅淨祇剩東南幾片霞著我山亭霞以上騁懷遊目正無涯

常山峪行宮即景

丁亥

南北連山色東西接路程有軒真可憩無牖不含清近聽禽鳴樹遙
看鹿食苹偶因吟舊句仍復發新情

常山峪行宮晚坐納涼 癸巳

巖館西峰陰上早滿庭喬樹發輕颺何曾關外熱關內畢竟候常非
候移有暇拈毫還摘句乘涼撫古亦臨池晚來西北油雲佈滌暑惟
時雨正宜

常山峪行宮作 甲午

去歲行宮此納涼

去歲于此有晚
坐納涼之作

今來涼卻逼衣裳都緣前日過山

雨遂至峭風解夏陽路近因之到常早齋虛覺以靜無忙支窗西北
巖雲蔚其庶雨乎引領望

再題常山峪行宮八景 丙申

綠樾徑

萬綠叢中一徑延循名得入景無邊興來擬欲賡前什不覺光陰隔

十年八景詩凡六作止丙戌歲
遯今丙申已越十年矣

虛白軒

電光石火忽旬歲筆點牋鋪又一時比比似虛軒生白者自無而有亦

如斯

青雲梯

行宮計里駐來均例以閣章到此辰向例三日內閣發本一次自啓
變後計日發報必當至常山峪

行宮故云宣召諸臣悉批答阿誰不是步雲人

楓香阪

非烟而靄復非雲葉葉枝枝吐淨芬最是此香無火氣了當領以不

聞聞

如是室

素屏

羲畫寫唐詩室內素屏八扇丙戌歲藻翰如新每一仰瞻倍生欽慕拱讀

恆生若

見思明月清風七十載室猶如是景光披

蔚藻堂

書堂七十春秋閱猶憶當年

聖藻垂趨侍幼齡方撫象

康熙壬寅余年甫十二趨侍山莊獲親筆妙而追

憶之餘如見天文飛動也

天文妙處未能窺

翠風球

陣雨收雲纔片刻層層球樾翠如湔風來西北翻林海雅勝五音奏

管絃

陵霞亭

八柱山亭特據高肩輿尋勝陟蘭臯颯然爽氣滿襟袖霞舉因之興

亦豪

再題常山峪行宮八景 己亥

綠樾徑

夏仲千林葉已稠
容容張蓋綠如油
步來仍恐滅明笑
在彼仍當行不由

虛白軒

重到雲軒頓學悲憶常

夏清適于斯歡娛掖

輦那能再虛矣白乎付不知

青雲梯

幾疊青林罨碧疏
雲如是復擬梯如寄
言管簫慕斯者踏實還當戒

踏虛

楓香阪

山楓過雨谷芳馨
低坂高林一色青
展步分明淨香界
恰宜小閱梵

王經

如是室

如是寧云談佛偈今朝如是有餘思屏風八扇

奎文煥

室內屏風爲書唐人七言絕句

皇祖御

繼述

鴻規豈外茲

蔚藻堂

不須啓祕更抽妍大塊文章列目前試看形形與色色起予無盡自

天然

翠風埭

風豈翠乎林翠之請觀葉颭與林披一盤飛動菁蔥者舍巽一能能

更誰

陵霞亭

岡頭一笠欲凌空塔下鋪雲日照紅設以赤城相比擬亦堪賦句傲

興公

常山峪行宮晚景 庚子

雨後夏增爽況於關外居四山雲吞吐一谷稼穡與高樹夕陽朗閒
庭晚籟虛例斯批閣本有暇亦翻書

常山峪行宮八景 辛丑

綠樾徑

行過獨樹如張繖忽入連林似設帷一例青油布陰處問誰煮葑染
爲之

虛白軒

此軒終歲守恆虛此日忽看生白與借問誰爲爲妙者究之非彼亦
非予

青雲梯

展步層巖認作梯分明百級有高低士無賢不肖由此應識南華論

物齊

楓香坂

山花野草無不馥何事其香獨屬楓意謂秋來變霜露饒他幾點特
餘紅

如是室

向年入室人如是今歲入仍如是人試曰相應定何者一篇說著古
稀新

蔚藻堂

遠觀近攬總相宜筆研精良又此時三百一言蔽之耳笑予何必以
多爲

翠風埭

風自有聲卻無色偶參合相愜於斯泠泠天籟翻崖落借得林光與
翠之

陵霞亭

西嶺翻來晚照明林欺霞色鬪新晴今朝祇喜無纖翳豈計尋常點
太清

常山峪行宮三疊舊作韻 壬寅


黃土纔過嶺青石梁東為黃土嶺即常山常山峪常山見目前蹕途數里近行館一溪

邊知路步幽徑據床梯翰筵耐他今日景伴我古稀年野鳥殷勤語

閒花自在妍

聖蹤欽想像瞳若敢云肩

巴什坎营行宫



巴克什營行宮 出古北口十里許以巴克什營爲止頓殿五楹南嚮後殿左右各二重旁東西嚮康熙四十九年建規制純樸南望邊牆高出山上雉堞參差與雲烟出沒惟聞潮河聲奔流入塞自昔安屯置戍之區今日田疇井里婦子嘻然不覺在邊關外矣

金
文
素
江
元

冬
四
十
四

十
七

兩房間行宮



兩間房行宮 塞外多山出古北口四十餘里爲兩間房行宮
康熙四十一年建南嚮殿五楹額曰秀抱清芬曰鏡風含月後
殿越小橋當山東北隅曰澄秋軒盤折而東高出木杪有亭曰
暢遠題額並

御書塞外山川茲地首當形勝自昔以兩間房得名者今日且成聚成
都農酈布列烟火相望鷄犬之聲相聞矣

御製詩

兩間房行宮即景 甲申

樹陰深處覺微涼脫卻單衣換袷裳開戶對山如話舊隔林見鹿不
能詳庭禽喜客殷勤語砌卉當和自在芳墾種人家已滿百昔名猶
說兩間房

兩間房行宮即景 丁亥

數點猶稱房兩間而今倍徙聚酈園到來循逕欣憑座所喜開牕便

見山繞砌秋花饒野意當庭古柏越蒼顏綠旗藝武陳觀罷


古北口提標兵

每于此陳習勁弓籐牌角勝技輒于行宮門校閱行賞 著句聊消片刻閒

兩間房行宮作 丙申

塞外氣本清矧值新晴後白水自繞門青山欣入牖行館架五楹詎
止兩間久每來供靜憩樸室饒虛受披襟喜爽涼夏五如秋九況罷
軍書問兼冀農功有心怡神自謚得句亦無垢

釣魚臺行宮




釣魚臺行宮 在避暑山莊東北十三里乾隆七年建自熱河
啓蹕至木蘭中關爲首程釣魚臺爲止頓宮門南嚮殿東嚮廊環遶
宇亭枕屏山地距山莊甚近土人舊呼雙黃寺當熱河上流三
源既會水勢涵蓄實產嘉魚故名釣魚臺云

金史卷之八

卷之八

一

宮行坎土黃




黃土坎行宮 在釣魚臺東北十七里康熙五十六年建自熱

河至中關

清蹕止頓者再一爲釣魚臺一則黃土坎也南嚮殿五楹後殿九楹
左右各三重院宇明淨規制淳樸宮之北則賽音河會入固都
爾呼河邇道元水經注所謂武列水三川派合者也

中 關 行 宮



中關行宮 在黃土坎行宮東北七十里康熙五十一年建南
嚮殿五楹榜曰松間明月後殿榜曰雲林蔚秀聯曰松籟座中
聞笙竽風遞山屏窗外列錦繡雲開過


行宮東十餘里有峰嶄然洞穴嵌空錫名玲瓏峰自宮中望之縹緲
雲際若方壺圓嶠可望而不可即也

金
史
卷
之
一

卷
之
一

三
十

宮行台爾巴什



什巴爾台行宮 在中關行宮北三十七里康熙五十九年建
自中關至波羅河屯以什巴爾台爲止頓南嚮大殿五楹後爲
永懷堂左傍喬峰右倚蘭若殿後陟山及半有亭清溪遠岫曠
望高深俯視則塞田萬頃秋稼盈疇可以見豐亨之景象可以
驗

膏澤之旁流也

自
方
學
之
三
名
四
一
四

一
二
一

宮行屯河羅波



波羅河屯行宮 在什巴爾台行宮北十八里康熙四十二年
建殿南嚮後依崇巘前俯平林有額曰山泉賞曰秋澄景清曰
簷際千峰聯曰山月滿庭篩竹影松風遶壑亂泉聲東望筆架
三峰峩峩隱見益知塞山清奧蘊秀含靈又非荆關筆墨所能
到也

御製詩

駐蹕波羅河屯 丁卯

涼颼獵獵裊旂旂乾鵲喧鳴霽景浮塞外山川還似昔谷中禾黍總
登秋離宮平楚依清賞金令豐原事大蒐鱗集名藩環道左愧予何
德此懷柔

迴鑾至波羅河屯

大獮時修返翠鑾築場正及按途看村炊香氣騰饘粥頓解心顏爲
益餐

金 卷 第 一 冊 第 四 頁
比櫛崇墉似去秋今來稍解望年愁長官道左休誇稔耕九餘三好
共壽

行宮秋景尙清嘉喜先重陽對菊花丹翠林光依畫壁淺深山色入
窗紗

波羅河屯作 己巳

塞館清涼車駕停仰流鱗集衆藩屏亦咨力穡秋稱好
蒙古今亦知稼穡爲重矣
更喜攻駒境永寧長計何須誇絕幕恩柔遂以撫來庭尋常視此殊

艱致

謨烈躬承勉德馨

波羅河屯行宮作 壬申

秋日散清輝秋空澄碧落我意與之然去來何執著寒花步今逕陰
樹褰昔幕會心足希夷容膝且寬綽是處有縹緗無妨讀書樂

波羅河屯行宮作

塞垣秋彌薄言歸別館纔經廿日違便有迎人三逕菊更欣送暖一窗暉興餘豪處應還澹思不紛時可入微試看滿庭張錦樹風來落葉亦霏霏

波羅河屯行宮作 癸酉

一谷輕寒破曉風幾灣流水溯源通已看別館行來近且喜山田報處豐過兩秋苔依砌綠含霜野菓綴枝紅底緣到此多吟興筆架三峰正峙東

行宮東三峰矗立土人名曰筆架山

波羅河屯行宮疊舊歲韻

白雲背塞垣紅葉間村落流來內地民日久成土著何敢誇奠甌惟是欽調幕連朝閱豐收劬農心爲綽別館景依然靜憩饒清樂

九日波羅河屯行宮作 乙亥

秋彌言從塞上還行宮佳節值清閒花饒惠逮鏐錫長綵筆吟聯侍從班數朶金鈴還栗里三峰玉架儼龍山

行宮東山三峰矗立名筆架山

詔人萬古

如斯景河畔盈盈月一彎

波羅河屯行宮即景 己卯

山峰過筆架

行宮東峰俗名筆架山

誰歟凌鮑謝河屯到波羅誰歟演檀那由

來名象曾何關梵言華語都須刪太古以來此川野數字行宮蔥蒨
間風清月白鎖如是那識客往與客還

波羅河屯行宮即景

雲裏遙看筆架峰到來行館憩從容
鷓師狗監先來候甫草山猶隔
幾重

一株松樹滿庭陰可識離宮歲月深
攬鏡霜華畧增昔于中不改繼
繩心

秋宇剛欣霽色霽西山蒼蔚復淅

傳支帳尋高阜今夜恐防雨

漲溪

于波羅河屯行館作 乙酉

處處有行館匪奢惟樸佳秋菟常駐蹕

聖藻永懸齋雲外山爲障風前葉點階晚來霏細雨吟興又安排

于波羅河屯行宮作 丁亥

青城何代蹟

蒙古語波羅謂青又謂舊河屯謂城此處有舊城蹟故得名

蔓草護堆沙獵圍經常

駐行宮樸弗華向暄逢綠樹應節有黃花 是日重陽 明便承

慈豫山莊喜不遐

迴園至波羅河屯行宮作 己丑

外藩都遣去內吏屢迎來納稼野村畢駐旌行館開潦消崖脚聳葉
落樹根堆再宿山莊莅心旌先幾迴

波羅河屯即景 壬辰

舊城今不見

蒙古語舊謂波羅城謂河屯

新戶日加增難考金元蹟欣看稼穡登

黃雲一谷滿素節仲秋憑筆架轟東壁 行宮東有筆架峰 聞誰倚筆能

於波羅河屯作二首一韻

青城仍此度

蒙古語波羅青色又訓舊河屯城也

民舍較前增內外寧界限耕桑到處

興柔遐要安近勉繼亦貽繩蜀郡洞天上仙踪底藉徵

秋收逢倍好高廩圃場增筆架度峰峻

行宮東三峯時立土人謂之筆架山

詩裁即景

興怡神行畫幪騁目緩鞭繩菜坂畧資雨隨時驗庶徵

至波羅河屯行宮作 壬寅

筆架遠瞻峰

在行宮之東山

行行別館逢風開林逕曲露茂菜田濃最是心

之賞

室懸山泉賞額御筆也向有賦得之作

皇祖

寧惟膝所容青城譯舊語

波羅河屯蒙古語譯

漢則為

懈惰問仙踪

賦得山泉賞 壬午

雲房

聖藻懸

志在賞山泉堪會知仁趣都包今古詮動歸緣有靜後樂以憂先實

政吾猶未

崇情祇喟然


欠三九可示

卷四十四

行宮二十

一十二

宮行營三張



張三營行宮 在波羅河屯行宮北六十二里康熙四十二年
建北即石片子也地近崖口山勢雄奇峭拔積翠霏藍送爽迎
秋雲烟萬狀歲行

秋獮東道由波羅河屯

駐蹕于此殿額曰雲山寥廓過此則

御行營逮木蘭

迴蹕

宴賞從獵諸蒙古亦多于此舉行

御製詩

木蘭蹕駐張三營行宮之作 丙子

駸駸羽騎木蘭迴別館依然此去來窸窣聲中楓葉落
菴藟香處菊花開圃場且喜千村稔橐籥明參一氣培輔相對時
緊我責無厭從獸豈宜哉

出哨駐張三營行宮作 丙申

出哨行宮駐翠旄木蘭北望興猶豪往來幾日無多子窗牖明曦爾
許高先節黃花標菊逸經霜綠樹識松操諸藩散遣教歸去行賞因
之獎衆勞

張三營行宮即事 己亥

夜雨曉來晴山蹊歷坦平當秋看納稼未午駐行旌執役迎獵騎爾喀

沁隨來之佈圍蒙
古例於此接駕 獻新來射生不同往年事

向年入崖口之前先遣
射生者於圍場外捕得

麋鹿即遣侍衛馳進
以獻新味迴思往事不禁戚然 懺懺若爲情

宮行圖朗哈爾濟



濟爾哈朗圖行宮 在波羅河屯行宮西北五十八里入圍場
有二道東道自張三營入崖口西道自濟爾哈朗圖及阿穆呼
朗圖入伊瑪圖口乾隆二十四年

命建行宮於茲地制最簡樸殿內

御書聯曰所無逸而安行蒐講武亦有秋可樂省斂歌豐濟爾哈朗
圖者蒙古語安樂所也地在伊瑪圖川之右水泉甘美庶草蔚
豐因以得名

御製詩

濟爾哈朗圖行宮作 己卯

濟爾哈朗圖者蒙古語謂安樂所也凡水草佳處則名之以居
波羅河屯卜克達坂之中命發內府餘儲建行宮數字以省行
營駝載之勞工既落成蹕適旋駐賦以七字詩得二章

北來按頓有行宮

自熱河至崖口沿路行
宮 皇祖時所建

卜克今年路再通致遠欲

休羣畜力

此木關中十餘里有獵場日行不過廿數里自卜克至

發儲匪藉

庶民攻溪山不盡足真趣藻績毋施愛樸風容膝已佳此多矣禹無

間處企難同

納稼田餘棟穗多富秋歷閱喜無過一溪流水村前繞四面晴山戶

外羅便犒諸藩歌湛露

是日以圍罷宴資諸外藩及行圍衆蒙古

兼宣翰苑詠卷阿蘇門

審勢差相似不約而同安樂窩

濟爾哈朗圖行宮疊去歲韻 庚辰

幾架巖齋也號宮山姿入望四隣通恰欣秋令來棲宿況復西陲罷
戰功白石磷磷溪漲雨翠峰濯濯樹搖風分明去歲初經地此日襟
懷了不同

已安客膝底須多茅土階茨較太過山是真圖非筆染戶無長物有
書羅愛觀颯景開虛牖不盡崇情寄迴阿秋雨既優晴實好豐隆傍
晚擘雲窩

濟爾哈朗圖行宮作 壬午

卜克嶺名今秋西取途先臨濟爾哈朗讀作平聲圖戢橐早慶貞符彼過卜

克嶺曾有詩作安樂蒙古語濟爾哈朗圖漢語為安樂也非謀悅志吾黃野稼逢澇餘

有碧空雲斂晚來無勤民習武均心黽詎為高齋景足娛

濟爾哈朗圖行宮作 癸巳

巖館枕烟郊獵還駐翠旂詎寧容膝愜那克暢懷嘲白髮存公道蒼

山是故交巒楓盡紅葉庭柳尚青梢歐氏書畫舫邵家安樂巢蒙古語

爾哈朗圖即漢語安樂所也芸編如有語慙愧四年拋未由此處行者蓋四年矣

濟爾哈朗圖行宮作 壬寅

癸巳向曾駐壬寅今重去聲臨訝看松檜古消幾樂衰心葉自當秋落

鳥如話別吟九年纔一瞬何以惜分陰

四照亭口號

行館依山圍石牆山亭四照額楣昂雖云遊目宜因迴可識一心遍

萬方

阿穆呼朗圖行宮



阿穆呼朗圖行宮 在濟爾哈朗圖行宮北四十三里乾隆二
十七年建

御書聯曰勝地叶貞符詩廣臺戢那居供靜憩疇衍康寧當西入圍
場之路間歲

清蹕一臨架構無多而山色泉聲足資

聽覽地在伊瑪圖口之外于獵場最近囊韃左右以候

六飛阿穆呼朗圖者蒙古語康寧也

御製詩

阿穆呼朗圖行宮作 壬午

一宿圍場近構齋此憩停天然足山水成趣得軒庭率省牽馱力堪
頤情性靈顧名每思義寰海願康寧

蒙古語阿穆呼朗
漢語爲康寧也

阿穆呼朗圖行宮作 甲申

一由甸里路非遙滿谷秋田倍覺饒數字軒庭頗足憩千廬竿幟各

為招石泉陡澗銀拖界霽景巖峰翠落標甌研適當神謐處閒來攜句亦清超

阿穆呼朗圖行宮魯壬午舊作韻 丙戌

今歲從西進 自東入木蘭由崖口進自西入則自伊瑪圖口進今歲由西此處為必經之路 行宮一宿停秋

中涼滿谷樹久陰 去聲 盈庭景與神心洽山資翰墨靈射生獲新鹿 人命

于近圍場處獲鹿即遣騎進山莊 使騎獻

慈寧

阿穆呼朗圖行宮作 己丑

秋獵路由西於焉駐馬蹄三年如昨日 自丙戌至今始從此路進 一晌閱前題蛩

脇報寒鼓鳥喉話別啼嶺名欣卜克 進圍西嶺曰卜克向 願即協佳

吓 經畧大學士傅恆月初當自夏鳩至猛拱佇盼佳音

阿穆呼朗圖行宮即事 壬寅

獵蹕又從西十年景迅兮一區山表見千騎路傍徯 蒙古行圍者千二自騎舉成數

也。以今日來迎。至止成新。憩徘徊。讀舊題。虞人呈初獲。覩物益增悽。丙戌經鹿

即馳進之句。今已不可復得。祇增悽感。

欽定熱河志卷四十四

欽定熱河志卷四十五

圍場一

國家德威遐播疆索恢宏木蘭千里泉甘壤沃界以崖嶺互以周絡

我

聖祖仁皇帝因藩部敬獻牧場肇開

靈囿歲行秋獮

皇上式遵

前典每以八月行圍上塞

六飛于邁雲合景從名王左右躬屬囊韉以効馳驅將忱悃習勞宣

愷意莫隆焉夫易表三驅禮重四畋雖在盛明不忘肄武若

今日中外一家懷柔震疊獻禽表貉大小從公古未有也謹詳考規

制恭錄

綸言

御製於簡端而以

宴賞

勞還羣藩上

壽諸典依次編載具列于篇志圍場第五

聖祖諭旨

康熙六十一年九月

諭議政大臣等曰從前曾有以朕每年出口行圍勞苦軍士條奏者不知國家承平雖久豈可遂忘武備前噶爾丹攻破喀爾喀并侵擾我內地扎薩克至烏蘭布通朕親統大兵征討噶爾丹敗走後又侵犯克魯倫朕統兵三路並進至昭莫多勦滅之今策妄阿喇布坦無端侵犯喀密地方朕徵發阿爾泰及巴爾庫爾兩路兵進勦策妄阿喇布坦聞之心膽俱碎乃遣策零敦多卜等潛往西藏劫掠毀壞寺廟土伯特地方已被殘蠹朕又遣大兵前往擊敗策零敦多卜等復

取西藏救土伯特於水火之中我兵直抵西藏立功絕域此皆因朕平時不忘武備勤於訓練之所致也若聽信從前條奏之言憚於勞苦不加訓練又何能遠至萬里之外而滅敗立功乎爾等諸臣咸宜知之

皇上諭旨

乾隆六年

上舉行秋獮之典將以七月啓行先是二月御史叢洞奏

皇上念切武備巡幸行圍誠安不忘危之至意第恐待從以狩獵爲

樂臣工或以違遠

天顏漸生怠安所關匪細方今紀綱整肅營務罔弛伏祈暫息行圍

以頤養

天和奏入

上諭曰古者春蒐夏苗秋獮冬狩皆因田獵以講武事我朝武備超

越前代當

皇祖時屢次出師所向無敵皆因平日訓練嫻熟是以有勇知方人思敵愾若平時將狩獵之事廢而不講則滿洲兵弁習於宴安騎射漸至生疎矣

皇祖每年出口行圍於軍伍最爲有益而紀綱整飭政事悉舉原與在京無異至巡行口外按歷蒙古諸藩加之恩意因以寓懷遠之畧所關甚鉅

皇考因兩路出兵現有徵發是以暫停圍獵若在撤兵之後亦必舉行況今昇平日久弓馬漸不如前人情狃於安逸亦不可不加振厲朕之降旨行圍所以遵循

祖制整飭戎兵懷柔屬國非馳騁畋遊之謂至啓行時朕尙欲另降諭旨加恩賞賚令其從容行走亦不至苦累兵弁朕性耽經史至今手不釋卷遊逸二字時加警省若使逸樂是娛則在禁中縱所

欲爲罔恤國事何所不可豈必行圍遠出耶朕廣開言路叢洞胸有所見即亦陳奏意亦可嘉但識見未廣將此曉諭知之

三月

諭直隸總督孫嘉淦曰國家武備不可廢弛朕於本年秋月出口行圍原以訓練兵丁仿古獮狩之禮昔我

皇祖每歲舉行所經由道路及一切事宜俱有章程朕今歲踵行悉遵舊制但恐歷年已久地方官員或借端派累隨從之人或有恣意需索及強買物件不按時價者著總督孫嘉淦不時查參毋得容隱

九月

諭諸王大臣等曰朕行圍回京之後恭讀

太宗皇帝實錄內載昔

太祖時我等聞明日出獵即豫爲調鷹蹴毬若不令往泣請隨行今

之子弟惟務出外遊行閒居戲樂在昔時無論長幼爭相奮勵皆以行兵出獵爲喜爾時僕從甚少各牧馬披鞍析薪自爨如此艱苦尙各爲主効力國勢日隆非由此勞瘁而致乎今子弟遇行兵出獵或言妻子有疾或以家事爲辭者多矣不思勇往奮發而惟耽戀室家偷安習玩國勢能無衰乎此等流弊有關於滿洲風氣是以蒙

太宗皇帝諄切訓諭朕此次行圍諸王大臣中竟有耽戀室家托故不願隨往者朕已爲姑容亦不明指其人夫行圍出獵旣以操演技藝練習勞苦尤足以奮發人之志氣乃滿洲等應行勇往之事若惟事偷安不知愧恥則積習相沿實於國勢之隆替甚有關係嗣後倘有不知悛改仍蹈前轍者朕斷不輕爲寬宥可徧行傳諭諸王大臣及官兵等知之

謹按行圍講武所以習勞軍士綏馭羣藩實我

聖朝萬年

家法伏讀

聖祖成訓我

皇上明諭合揆同符蓋行健勵勤即以持盈保泰懲文恬武嬉之失
爲久安長治之圖嗣是膚公疊奏實賴八旗勁旅敵愾同仇所
以訓厲戎行者義深遠矣

金 貞 集 江 一

卷 四 十 三

四

圖全場園



1849

圍場規制

國語謂哨鹿曰木蘭圍場爲哨鹿所故以得名地在蒙古各部落中
周一千三百餘里南北二百餘里東西三百餘里東北爲翁牛
特界東及東南爲喀喇沁界北爲克西克騰界西北爲察哈爾
正藍旗界西及西南爲察哈爾正藍鑲白二旗界南爲熱河廳
界圍場外北爲巴林東爲土默特西爲西四旗察哈爾南則入
圍場之路也圍場四面立界曰柳條邊自波羅河屯入圍場有
二道東道由崖口入即石片子也西道由濟爾哈朗圖入每歲
行圍俱出入崖口乾隆二十四年建

行宮于濟爾哈朗圖于是

車駕行圍由崖口入則

迴鑾由濟爾哈朗圖若由濟爾哈朗圖入則

迴鑾由崖口遂以爲例云

聖祖御製詩

六十一年秋出哨四集

歲歲經行處山川照舊時峰巒不改色鬢髮已如絲勝地清涼適衰
年水土宜非因耽逸豫實借憇神思隔嶺疑圍關聞聲呼鹿隨歸營
常早歇撫景自堪怡行伍原齊備屏藩任指麾薄來厚往義遠近普
恩施

御製詩

入崖口辛未

朝家重習武靈囿成自

天匪今而斯今

祖制垂奕年巉巖圍疊嶂崖口爲之關壁立衆山斷伊遜奔赴川秋
彌常經過每爲遲吟韞雙峰開霽烟一水流潺湲翠葉復黃葩高低
入影妍去年巡洛伊伊亦有崖口三塗及七谷較此夫何有一得考

功詩羶蕪傳至茲我爲是崖歎表章將待誰

於木蘭作

天文漏分野地志闕開縣博覽山海經荒略一二見上林牟內地木
蘭關塞甸中外久一家敬奉金甌奠

單于讓牧場朝家置靈囿深戒武備弛於焉習獮狩崇岡旣壇曼叢
樾亦美茂以故百物滋取豐留尙富

霜華霏漠宇窪稜紺絳斑蒙茸紫獺裳八月披曉寒呦鹿隨哨至樂
此誠忘餐樂亦不可極於古戒遊盤

吳越近江巡山水信清美饒復藉人工未足云觀止隱現固有時美
善盡無比獨待表章人一爲宣其理

宣理理乃昧紛然起毀譽不及無名稱故吾猶古初劉羸今何有守
禦長城隅長城更以外時來習三驅

繡壁琳琅標樂動笙簧幽眺聽欣不凡發思凌清秋青山生白雲雲

去山還留寄此片時興萬劫高峰頭

觸緒偶即景得句恆因心申命鄒枚侶染翰賡予吟清詞出衆表妙
理入細斟寧無不盡意祕稿貽知音

帳殿張雁塞毳服蒙龍光嘉賓式燕喜乳酒湘黃洋錫爵洽衆歡湛
露流霞觴戒旨非所知古俗猶敦龐

楓葉續疊峻楊絲鎖曲隳動靜無窮觀知仁有餘樂佳景四時宜最
宜乃金昊曷其可久耽言旋勤政要

入崖口 壬申

伊遜九轉來遙源

伊遜即蒙古語所謂九也

崖口爲束奔流湍重重鎖鑰羅炭垣

壁立萬仞天風寒地利一夫可當關太平時節誰泥丸清秋按轡凌
層巒駕言大獮朝可汗控弦騎士數逮千發蹤指使遵虞官約束匪
嚴亦匪寬要欲上下同和歡詎惟從禽事遊盤于時獵也有道存

聖人家法敬繼旃

罷獵出崖口

罷獵出崖口休茲藩部羣蹠瞻仍戀戀歸去各欣欣山向南來暖情

留北望殷豐碑讀前作去歲度崖口得詩命樹礪崇岡上緯武要經文

入崖口作癸酉

縈紆塞外赴山蹊霧斂高峰秋色淒仙境直攀千級磴雄關誰藉一丸泥嘖榛石鼠如飛擲隱葉山禽不住啼靈囿天成教習武往來每

為駐驄蹄

出哨

納稼多完民氣和往來廿日覺無何詎貪朔塞連圍樂且喜山村高

廩多閒卻鷹韝徐駿騎馱來鹿角簇封駝帷宮賦就權弢筆近著後哨鹿賦

因問數日未詠觸緒依然事一哦

入崖口乙亥

寒村野郭取次殫山盤水厓入木蘭兩峰排闥相關闥萬林開畫紛

黃丹伊遜之流來西北橋上青驄催得得駝裝車載各遵途快獵非
 關歌勅勒去秋未此吟鳴鞭去秋由中關取道幸吉林未入木蘭故不經此今歲秋光如昔
 年鏡瀾俯看忽自笑如何添許星星然

出崖口作

崖口臨秋季景光又一新輜裝載三獲村落見高困潦盡鳴寒瀨林
 稀露衆皴最憐石田熟茅屋尙多貧

入崖口 丙子

底須連網結周陸獵壤神臬控廣輿自有萬峰作郭郭天然雙嶂是
 門闕入來草木皆仙意無礙山河只古初懷遠習勞

家法凜詎因哨鹿每勤予

入崖口 丁丑

九曲伊遜出峭崖伊遜即蒙古語九數也是水發源木蘭中凡九曲而出崖口故云巖關秋色正清
 佳行時閱武仍於是舊部新藩率與皆緣棧疑從畫屏度俯溪每聽

綠琴諧常年命駕非耽樂

仁祖鴻模慎永懷

出崖口 戊寅

廿日木蘭事大蒐惠遐示度禮粗修罷園纔出峭崖口遵路旋過野
渡頭漫戀友羣歌悉率恰欣場圃報登秋山莊錫宴應聊駐懷遠寧
教愷澤稠

入崖口 己卯

九曲伊遜 讀作平聲伊遜
蒙古語九數也 水雙尖崖口山又將試秋獮曾未改峰顏

習武朝家重來王諸部閒駝鈴過輻重活畫翠巖間

出峭

出峭過巖柴山川頓爾殊可耕地無隙 凡山頭崖口
墾闢率遍 有獲戶多愉爲

去聲 喜食衣足寧詢賦稅輸觀光殷父老莫漫警前途

入崖口 辛巳

九轉伊遜漲始消吉驄攬轡渡溪橋按程也欲與情愜習獵從來典制昭紅點綠林蜀錦織水淙石激塞琴調巖葩盡是芬陀利便爾香

山未覺遙

香山亦有崖口見宋之問詩

出哨 壬午

出哨登平陸行行見野莊千山棲晚稼一嶺隔秋霜

園場內已降霜伊遜谷口以外

則無蓋一嶺之隔也穫祇常年半較猶內地強釜炊賴少濟慰不抵憂長

鹿柴

鹿柴護周陸虞人謹守諸設聽雉兔往了識谷陵虛

木蘭各口例用木柵為限猶不

免竄竊設竟如孟氏言圍果七十里已實估芻蕘雉兔地什之七且芻蕘雉兔者必將相爭滋事久之芻蕘空而雉兔絕又將何以為圍

盡信彼為穿吾聞亦子輿朝川又曾有較此竟何如

入崖口 癸未

崖口隔年入獵場間

去聲

歲移依然九曲瀉

崖口蒙古名伊遜伊遜者九數也是水凡九曲而出

崖口故越好萬峰披小試平原騎

每入崖口就平川試行小圍國語謂之阿達密

無殊大獮

規行營遙在望蔽野列旌旗

於木蘭即事雜詠

獵所

天開玉塞垠年年秋令一來巡若論七十里文囿十倍過之不礙民
奮武柔遐

祖意深習勞率衆勵予心邇來頗益新歸附執役輪年厠羽林

迷離莎阪曉霜輕寥廓秋空每放晴宜獵固然且宜詠好山處處有
逢迎

疊林極目渥如丹初試毳衣迫曉寒詎是靈臺舛節候卻緣一嶺過
興安

白露爲霜鹿有聲哨來叉角面前呈鮮肥恰供

慈寧膳勝百圍中射獲情

秋空大野夕風吹月色如霜萬帳披牧馬歇駝聲盡好少卿當日厭

聞時

文臣日日候和門分鹿均教以次論曰勢曰時可無此想非徒作面

從言

點筆惟言意遇欣雕蟲那復用心勤便教獯祭窮工力寧出相如賦

所云

出哨口見村居秋成頗佳詩以誌事

東進由西出輪年景頓殊柳條橫野限

結柳條以為邊限木蘭及盛京圍場皆有之楓色

隔峰無火種山皆濯霜收圃不孤行行接民舍歷歷驗農劬虎落一

家聚魚鱗薄賦輸幸逢今歲耳敢忘去年乎縱見高困慰還懷漏釜

吁何非靡民莫豈曰事遊娛

柳條邊 甲申

盛京柳條邊木蘭建一致彼乃互界設此惟據要置所以限內外事

孟子斥齊

殊實同意周遮禽獸山匪牟耕桑地麋鹿穿誠甚雉兔往斯愧

園曰爲穿稱文園曰同民其辭皆已甚而害意木蘭原有盜獸之罪
重亦不過發遣豈有如殺人之罪之理然誠使雉兔芻蕘者羣往而
不禁則民將爭占相攻久而雉兔芻蕘之獵罷出崖口柳條尙餘翠
地且不可得矣所謂盡信書不如無書也
守吏邊外迎出柳條邊則掃除皆地方有司董之非圍場章京之事矣孰不遵茲制猶然上古風
示此結繩治

出哨

出哨歷山田納稼率已畢町疃圃場間崇墉積一律往歲霜降早晚
蕎或致失今歲霜降遲收蕎倍堅實隴蜀望全副索陶葺廬室不飢
自鮮盜村村樂寧謐椎髻蓬頭輩迎蹕里門出爾我誠何修幸茲遇
豐吉

入崖口 乙酉

九曲轉羊腸伊遜之水由崖口出伊遜蒙古語九數也是河崖口實發源圍場中凡九轉而至此俗又謂之羊腸河

扼要於天法漢橫於地象河繞孕育關靈境富有供獵校詰戎具深
意

次定熱可志

卷四十五 圍場一

十

祖武敢弗劭是時正快霽紫翠繪萬峭舊藩及新附執役咸如約撫
此益戒慎詎日斯尋樂

出崖口

圍期減兩日圍期率以廿日為度茲欲速百里更偷程向例東入西

東出以程圖展表懷切兼紓

慈念繁武謨良具葳農物幸豐成南望山莊近仍馳進鹿伴以出附

福隆安先馳至山莊聞
安並進園中所獲鹿

出崖口 丙戌

獵返循流下峰形九轉皴伊遜水九轉而出崖口水九轉則圍期仍

致減急欲旋程以二十日為期昨歲因今年仍循例減四圍云懸念欲

因申邊限綠柳在今歲秋暄異常柳途登黃土新外地方官始修路

沿觀深慰者原復見高困熱河一帶夏雨稍缺深厲秋成或減茲足

慰殷懷也

入崖口 丁亥

溯源九曲水

崖口蒙古名伊遜喀卜齊爾伊遜者九數喀

扼要兩崖

山地限神仙境天開虎豹關錦屏圍匝琴峽瀉潺湲小獵宜新霽

是日登程逢陣晴諸藩喜動顏

入崖口 丁亥

水抱山環歷幾重獵場出便閱村農塞田節令先一月納稼全疑屆

孟冬

詰戎聊寓習威儀往不遷延返不遲急欲山莊申定省近年每復減

圍期

入崖口 戊子

壁立幾千仞縈迴九曲流笙竽吹謾籟錦繡繪清秋過峽得寬甸小

圍例試蒐警磨一發中

進崖口日例佈小圍適一磨逸至親發馳進

命官郵

入崖口 庚寅

崖口入圍場川圍小試張 入崖口後例于平川先試小 野流左復右

塞樹綠兼黃見獵心猶喜少年習未忘然今知鄭重弗亟驟龍驤

出哨

出哨坐輿行 自京師啓行日乘馬圍畢出哨乃乘輿今歲有勸自啓行即以乘輿者未從其請也 例然不欲更

棉披滿谷暖玉積數峰晴散遣北藩騎評量秋讞情 每歲此際乃閱秋審冊時人命

所係不審 圍場一再減所獲尙豐盈

入崖口 辛卯

河非亦九曲 是處河名伊遜蒙古語九數也自發源處九曲而出崖口 地險設雙崖秋景依然好

小圍按例排 甫入木蘭境例試平 馬調磨足怯鷹攫雉毛筵十里穩

廬近拈吟正復佳

出哨

哨裏今秋暖哨寒出哨逢化工具神運

慈愛有殊鍾筑奏風鳴樾畫張雪積峰是日微雪行宮原避冷拈詠得從

容

入柳條邊癸巳

盛京柳條邊延袤數百里木蘭柳條邊長無半里耳彼於平地此於山每因谷口為植援事半功倍聊示禁遮羅崇嶺原周千里如雄關木蘭周千餘里本喀爾沁漢翁牛特諸部地康熙年間其王公等以地進獻遂為圍場並非奪民之產而近省流民至者不可不防其壘佔每於邊界依谷口植柳為援以示限制而非朝家習武有常例申以厲禁人自不敢潛越耕牧之法誠盡善也非牟民產奪耕地流來雁戶反侵佔不可無斯為限制春柳青青秋柳黃入邊咫尺即圍場平原策馬小試獵非關心喜應自強

入崖口甲午

柳條邊界植援摺九曲伊遜讀作平聲又溯之排闥兩峰錦與繡張屏四面畫兮詩懸流水嚮平流寂遠望山高近望卑豈不常年熟經歷一迴到別一興思

入崖口 乙未

源溯伊遜

平聲

那藉航野橋度騎安而康雙峰畫意興詩思八月今時

即昔光例試小圍平甸合

謂用三四百人于平甸列小圍國語

仍驅吉

駿六鈞良一麈一箭無多獲

近射阿達密每入崖口即中一麈

適接軍書便賜將

駐行營後適阿桂等奏至現已合圍勒烏圍指日可克既批答諭示即以前射之應分賜阿桂豐昇額明亮俾均愷惠且因初圍獲雋為

成功獲醜之兆

出哨

此進還此出人情率習常

伊瑪圖卜克嶺皆可出哨但由彼二處行則多一兩程故人皆願仍由伊遜之路而

出遂亦從之

向南因漸暖白露未為霜九月尚遲穫

往歲出哨則收穫已畢今年節遲故尚有

未穫完者 千邨始築場雨滋弗種麥

昨沾雨而北地候寒不可種秋 翻袋

總農忙

入崖口 丙申

伊水崖口纔五渡伊遜崖口乃九迴

伊遜水自源頭至此凡九曲木因得名伊遜蒙古語謂九也

蘭行圍率由入壁立萬仞一線開一夫當關萬夫退年年秋獮慣往
來成功將士羣扈蹕金川險問倍此哉不翼而飛附而上堅礪林立
無弗摧既喜既懼既憐憫身異爾勞心實陪

木蘭雜詠 丙申

修獮行秋令憑輿避曉涼

向至木蘭從無乘輿之事近因余春秋已逾六十數年來自行營至看城始乘肩輿

以避曉涼至上圍則仍乘馬

臂雖病猶勉心不息斯強扈此舊新部

內扎薩克蒙古王公台吉

及輪流入覲之士爾扈特年班回部伯克等並扈從行圍

非他左右王孫曾慎聰聽

家法莫教忘

習武將柔遠未當廢以偏往還期廿日

自八月初八日回蹕熱河計達至九月

聖母僅二十一日然越數日即遣御前侍衛馳至山莊請

安並以親射之鹿麇等恭進

温清闕

高年遞驛恆知

豫射生時進鮮前茲原不覺進歲每情牽

草淺獸肥候非春合是秋當塗言豈當

魏文帝典論謂歲之暮春和風扇物弓燥手柔草淺獸肥

云云其言非知獵者蓋春草雖淺而獸不能肥必待秋深草枯蕪原
平淺方堪馳騁而獸亦至此時乃肥碩至于弓力尤須風高始勁若
春多陰雨弓
安得燥乎
司馬諫難由射祇勝弓弱馳非下阪修
猶常命中但不似向天然景如繪亦每有詩酬
能挽強而獸不至

日之馳射峻阪耳
天然景如繪亦每有詩酬

孔有其祁類鹿麋麀射麀儻儻紛上塞颯颯鄙西京直闡帳棚入生
搏僕役爭獻禽畧閣部翎褶果循名
大學生于敏中於行帳中獲活
鹿一以獻因今年新賜以雙眼

翎黃褶故
戲及之

等城近咫尺
尖營及看圍城俗皆謂
曉往便傳餐調鼎或親視廚盤

協衆歡
每遇看城傳膳之日親視調和湯飯並盤列羔羊賜御前大
臣侍衛及扈從行圍之舊藩新部諸王公台吉等早餐衆皆

歡欣
因之悟飽煖寧即忘飢寒設曰大烹養惟期戎索安

玉塞秋行旅徐家畫不如
石渠寶笈有徐
林疎風拂葉嶺峻騎牽輿

肩輿上山繫繩杆下令侍衛騎馬在
前分左右拽引以減奉輿校尉之勞
布帳開山市牛車趁晚墟入宵

景更好星野朗安居

入崖口已亥

仲秋入崖口九曲溯雲源又值行圍候毋忘

家法原兩年閱瞬息小獵習囊韉初入崖口必先小試行圍予亦親御囊韉遇鹿輒射之以次日即

有圍場預為演習也試看南流水動中不動存

入崖口小獵作辛丑

我昔伊水遊崖口無過即景吟數首木蘭行獵崖口經習武

家法惟敬承以此較彼輕重擬我意在此不在彼去年大慶因罷圍

今歲依例秋獮舉叶通閨林凋塞草黃鷹眼疾馬蹄輕矣駐營平甸

試小獵三麇連中衆竹喜臂病兼之逾古稀自揣不謂能如是斯實

宿學所致然可以絜矩於萬理

出鹿柴門

門經鹿柴總肩輿向年出入鹿柴門率乘馬自己亥始乘肩輿而圍中仍騎射如常云歲過古稀應是

如遵養因圖理幾政自強寧祇在佃漁筐篋率已大娛衆弓馬原仍

未廢初六十年來於此矣余自十二歲恭隨乾隆辛酉後敬承皇祖木蘭行圍自

今六十靜思一瞬閱居諸
年矣

木蘭雜詠 壬寅

木蘭

皇祖幸高年繩

武而今勵佛肩設以憲書論甲子亶然中更益悽然

進圖崖口路從西今歲迤西雨澤稽以此林中鹿遊少尋思豈爲獲

禽兮

馬卿諫失詰戎訓文帝馳忘馭朽篇執兩由來在斟酌用中亦欲達

經權

隨獵諸藩舊與新有宜左右日相親思量致此非容易

祖德勤承告後人

出鹿柴門

西進今年向東出伊遜平聲仍此渡谿河往還廿日纔一霎仲季今秋

消幾多自是龍沙爲戶闌底須鹿柴費遮羅興來欲問王摩詰較爾
輞川竟若何

欽定熱河志卷四十五

欽定熱河志卷四十六

圍場二

圍場規制

木蘭四面樹柵界別內外按八旗以一營房統五卡倫方位則鑲黃北之東正黃北之西正白東之南正藍南之東鑲藍南之西正紅西之北鑲紅西之南鑲白在正藍鑲藍之間各有地界分司稽察

營房八旗各一鑲黃旗在奇卜楚高正白旗在納林錫爾哈鑲白旗在什巴爾台正藍旗在石片子正黃旗在錫拉扎巴正紅旗在扣肯陀羅海鑲紅旗在蘇木溝鑲藍旗在海拉蘇台

卡倫八旗各五鑲黃旗曰賽堪達巴漢色欽曰阿魯色呼曰阿魯呼魯蘇台曰英格曰拜牲圖正白旗曰巴倫崑得伊曰烏拉台曰錫喇諾海曰納林錫爾哈曰格爾齊老鑲白旗曰噶海圖

日卓索日什巴爾台曰麻尼圖曰博多克正藍旗曰木壘喀喇
沁曰古都古爾曰察罕扎巴曰汗特穆爾曰納喇蘇圖扎巴正
黃旗曰庫爾圖陀羅海曰納喇蘇圖和碩曰沙勒當曰錫喇扎
巴曰錫拉托巴色欽正紅旗曰察罕布爾噶蘇台曰阿爾撒朗
鄂博曰麻尼圖布拉克曰齊呼拉台曰布哈渾爾鑲紅旗曰海
拉蘇台曰姜家營曰西燕子窩曰郭拜曰和羅博爾奇鑲藍旗
曰珠爾噶岱曰蘇克蘇爾台曰卜克曰東燕子窩曰卓索溝八
旗官兵分守焉

色呼圍場

謹按國語稱圍場曰輝罕

在鑲黃旗阿魯色呼卡倫之西色呼

河源出焉

呼魯蘇台圍場在鑲黃旗阿魯呼魯蘇台卡倫西南

巴爾圖圍場在呼魯蘇台圍場西南

岳樂圍場在巴爾圖圍場西南有碑一恭鐫

御製虎神鎗記壬申九月作其北有塔錫呼達巴漢

御製文

虎神鎗記

虎神鎗者我

皇祖所貽武功良具用以殄猛獸者也國家肇興東北累洽重熙惟是詰戎揚烈之則守而弗失

皇祖歲幸木蘭行圍諸蒙古部落雲集景從予小子雖不敏纘承之志其敢弗夙故數年以來巡狩塞上一如曩時蒙業藉

靈四十九旗及青海喀爾喀之仰流而來者亦較前無異焉若輩皆善射重武使無以示之非所以繼

先志也圍中有虎未嘗不親往射之弓矢所不及則未嘗不用此鎗用之未嘗不中壬申秋於岳樂圍場中獵人以有虎告而未之見也一蒙古云虎匿隔谷山洞間彼親見之相去蓋三百餘步朕約略向

山洞施鎗意以驚使出耳乃正中虎虎咆哮而出負嵎跳躍者久之復入復施一鎗則復中之遂以斃焉蓋向之發無不中乃於谿谷叢薄目所能見之地斯已奇矣而茲岳樂所中則隔谷幽洞並未見耽耽闕如之形於揣度無意間馥焉深入不移時而殫猛獸則奇之最奇其稱爲神良有以也夫萬乘之尊詎宜如孟克特庫之流誇一夫之勇哉孟克喀爾沁蒙古人特庫滿洲今爲內大臣皆能獨搏猛獸如馮婦者而習武示度必資神器以效奇而愉快則是鎗也與兌戈和弓同爲宗社法守不亦宜乎

珠爾圍場在岳樂圍場之西其南有鄂爾楚克哈達北則珠爾河源出焉

巴顏木墩圍場在珠爾圍場之西其西北有五虎爾濟達巴漢南有旺展達巴漢東則巴顏木墩河源出焉伊遜河源在其西所謂伊遜色欽者也會諸小水南流一百七十餘里由伊遜哈巴奇出圍場界

默爾根烏里雅蘇台圍場在鑲黃旗拜牲圖卡倫之西默爾根烏里雅蘇台河源出焉

巴顏郭圍場在默爾根烏里雅蘇台圍場之西其西南巴顏郭河源出焉

以上圍場東北界

巴顏布爾噶蘇台圍場在正白旗巴倫崑德伊卡倫之西北與默爾根烏里雅蘇台圍場接其西有畢老哈爾巴齊達巴漢其南敦達烏拉台河源出焉

溫都爾華圍場在巴顏布爾噶蘇台圍場之東南準烏拉台河源出焉

諤爾根郭勒圍場在巴顏布爾噶蘇台圍場之西南其西南則巴隆烏拉台河源出焉所謂烏拉台三河源也敦達烏拉台準烏拉台二河源西流經諤爾根郭勒圍場與巴隆烏拉台河合

爲烏拉台河東流六十里至正白旗烏拉台卡倫出圍場界
達顏德爾吉圍場在諤爾根郭勒圍場之西其西北有達顏達
巴漢達顏河源出焉其北有碑一恭鐫

御製古長城說

恭載古蹟卷內

壬申九月作

畢圖舍哩圍場在達顏德爾吉圍場之西南其南有納瑪達巴
漢

德爾吉圍場在畢圖舍哩圍場之西

多們圍場在畢圖舍哩圍場之南其東北即巴隆烏拉台河

布扈圖圍場在正白旗烏拉台卡倫之西

威遜格爾圍場在布扈圖圍場之西

御製詩

威遜格爾 己卯

蒙古語樺皮室也傳聞

皇祖時奉

太皇太后避暑於此遺址尙存穆然起敬

威遜之言謂樺皮格爾平聲乃室憩居宜

東朝奉養

康熙代西苑較贏宣德時夏清常欽

孝思永秋蒐每撫

聖蹤遺即今

家法遵無斃歲歲觀圍侍

祖慈

阿濟格赴圍場在德爾吉圍場之南阿濟格赴河源出焉東北則伊遜烏藍哈達更東北則布扈圖口乾隆二十三年以西城諸藩於此入

覲

賜名伊綿峪

以上圍場東界

錫喇諾海圍場在正白旗錫喇諾海卡倫之西有錫喇諾達巴

漢

噶海圖圍場在錫喇諾海圍場西北其西噶海圖河源出焉

巴顏喀喇圍場在噶海圖圍場西南其北有拜布哈達巴漢拜

布哈河源出焉

察罕扎巴圍場在巴顏喀喇圍場東南

固爾班錫納圍場在察罕扎巴圍場東南

永安莽喀圍場在巴顏喀喇圍場西南有碑一恭鐫

御製永安莽喀詩甲午八月作

永安莽喀

國語沙謂之永安岡謂之莽喀是地為入崖口第一圍場甲午

第一圍場猶近邊慶慶萃獸已樊然諸藩扈是兒孫輩列爵稱非左

右賢馳愛平岡策紫駿中聯四鹿控朱弦部旗常例笑何謂六十纜

過曰老年兵部八旗遇考驗武職年六十以上者即免試馬射余春秋六十有四馳射如常甚矣部旗成例之可笑也

於永安莽喀作入崖口第一圍場名譯語見昨歲詩題 乙未

沙岡初獵衆軍屯詎是永安徵吉言千二百人仍舊旅列圍者一千二百人皆舊

四十八別三四隊乃新藩土爾扈特都爾伯特青海烏梁海別為旗蒙古爾扈特都爾伯特青海烏梁海別為孫

曾示度期無射朕曾孫奕純今九歲始隨圍

家國詰戎矢弗諼五十三年事重憶射熊如此始承

恩壬寅秋予隨皇祖幸木蘭至永安莽喀圍中有一熊祖御火鎗中之熊皇祖不動久之皇祖謂其已斃命御前侍衛

畢引入武帳之予甫欲上馬而熊突起奔前皇祖御虎鎗燈之事熊事告之語詳避暑

山莊紀恩堂記

永安莽喀行圍 丙申

耳順過猶此據鞍孫曾家法俾勤觀祇因臂病厪已愧仍中去聲麕馳

增衆歡余春秋六十有六且臂病較舊稍甚方恐不能如前之挽強命中深以為歡今日圍場馳過一驪姑引弓試之應絃而殫

風獵諸藩同聲歡忭余
 實不意其仍能如此也
 飛騎山莊進鮮味穹碑
 沙嶺閱精刊甲午秋
 于永安
 設云
 莽喀行圍一日親殘四
 鹿會賦詩紀事並命立
 石其地昨歲始
 詎工今歲上圍經過茲
 地閱之則已豐碑深刻
 屹峙崇岡矣

獵事應徵吉第一圍場即永安

於永安莽喀作己亥

沙岡近崖口第一獵場呈初地受

恩處終身法

祖情光陰驚水逝爽朗喜秋晴
 惜矣無前輩憶壬寅年隨
 于此行圍者今惟予皇祖

人得預其時即茲蒙古王公之
 扈圍者竟無與予同輩之人為
 之悵
 惜甲午秋於此作詩有諸藩扈
 是兒孫輩之句既道其實且以
 恩顧
 也之勉之示後生皇子皇孫
 皆令隨圍
 手柔挽弓燥路熟駕車輕一箭
 中去碩鹿

獻

誰徒意怍今日圍中壹發殪一大牡鹿衆皆欣喜稱頌然不復
 能如往年之遣使馳獻予意實因之增愴耳

坡賚圍場在永安莽喀圍場西北其南則烏藍哈達西即固爾

班固爾班圍場

巴顏錫訥圍場在坡賚圍場西南

默爾根精奇尼圍場在坡賚圍場北其北則默爾根精奇河源出焉

固爾班固爾班圍場在默爾根精奇尼圍場之西其東北則沙第哈達與多們圍場接焉

克依呼圍場在錫喇諾海圍場之南其北則克依呼河源出焉喀喇楚古爾蘇圍場在正白旗格爾齊老卡倫西南其東納林西爾哈河源出焉

愛里色欽圍場在喀喇楚古爾蘇圍場之西其南則布敦哈達布敦河源出焉西流經汗特穆爾圍場布敦河之南木壘喀喇沁河源出焉

庫庫哈達圍場在正藍旗木壘喀喇沁卡倫西北其東南則庫克哈達南則珠爾達巴漢

汗特穆爾圍場在正藍旗古都古爾卡倫之北其西則汗特穆爾達巴漢南則雲特穆爾達巴漢雲特穆爾達巴漢之東有崆郭達巴漢

御製詩

過東嶺 戊寅

東嶺名汗特穆爾過嶺即是獵場山不常經乃喜初遇翠圍紫邏紛
屏顏塞樹新霜紅間綠野水出石潺且浚地近圍界獸雖少逸麇難
避烏號彎是日馳射一鷹隨箭而斃新藩創見咋舌歎時都爾伯特貝勒及扎哈沁烏梁海皆令隨圍舊
屬熟悉額手歡繫我所喜固有在景宜詩更餘清閒

以上圍場東界

塔里雅圖圍場在正藍旗汗特穆爾卡倫之北北接永安莽喀
圍場南則伊遜哈巴齊柵有碑一恭鐫

御製入崖口詩

恭載本卷前

辛未八月作自此西折而南則石片子營房

所謂崖口者也

卜克圍場在鑲藍旗卜克卡倫之北其北有卜克達巴漢卜克

河源出焉有碑一恭鐫

御製於木蘭作詩九首

恭載本卷前

辛未八月作

御製詩

過卜克達阪己卯

常歲迤東獵迤西此重尋

卜克達阪居木蘭之西界每歲行圍

廿圍

倏蒞事二豎待成擒纘

武惟勤已運籌更悉心貞符如卜克願即遞佳音

過卜克達坡疊舊歲韻庚辰

去年出哨過今歲進圍尋果協貞符吉

舊歲九月初過此有貞符如卜克願即遞佳音之句迴鑾

未踰月捷報果至

早傳逆賊擒敢誇無事日益勵有孚心翠柏丹楓處遙聞

呦鹿音

過卜克嶺行圍即景四首

本是賢王遊牧地非牟農父力耕田卻因流寓增於昔私墾翻多占界邊

界限周陸禁制詳鬱盤過嶺即圍場詰戎柔遠於焉在家法昭然敢不獲

過閏今年謂早寒迫來午熱拂秋鞍晚田賴此方成熟南望心因萬姓寬

卜克誠然協瑞符新疆田牧創長圖爾時原未廢遊獵己卯秋過是嶺有貞符如

卜克之句蓋爾時回中雖屢奏捷逆會尚未獻誠今幸諸部胥定屯政具興還憶當年戒徒率獮問批答樞函固無稽曷刻也臨大

事當有若無

過卜克達坂再疊前韻 癸巳

己卯庚辰均嶺度達坂漢語謂嶺也入圍出哨必途尋己卯由出此向欣

吉協三軍戢茲盼貞符二豎擒己卯過此有貞符如卜克願即至西師

之功遂藏茲進勳兩金川惟冀擒索諾木欲苟容翻致借德不能已

僧格桑二逆堅亦如前此之速符吉語耳

那惜勞心兩逆會均以內地土司敢於負恩反噬且於木果木軍營

賊番等特險抗拒攻之頗殊所不易然又減圍冀早山莊到驛騎封函

不能畏難中止雖籌畫煩勞所不惜也

預遞音本擬於重九日迴蹕山莊茲減省一圍即可早到一

布都爾圍場適當中路在鑲白旗博多克卡倫之北其南有博里哈達東則色利呼河源出焉

永安泮圍場在布都爾圍場之北有碑一恭鐫

御製永安泮圍場殪虎詩辛巳九月作碑旁恭鐫

御製永安泮圍場詩壬寅八月作備四體書其東有察爾巴呼達巴

漢達爾巴呼河源出焉南為伊瑪圖河河有二源一為永安泮

河一為齊老圖河至是合流西南由麻尼圖卡倫出圍場界

御製詩

永安泮圍場殪虎 辛巳

白沙翠柏山四圍國語永安名久垂國語永安林天石海滂湃

披北人使馬如舟師陸離淫裔張魚麗藏幽伏莽毋或遺獵虞報有

虎負嵎叶遂往殪之率飲飛要遮前後緣岷熾威不可當曳尾馳失

險遽臥淺草坡隔谷下馬相高卑虎神鎗一發斃之厄魯回部胥扈

隨咋舌脫帽欽服其此亦偶然何足奇先是射鹿命炙炊藉草為席

樹為帷割嘗遍賜染指誰君臣和樂逮海涯靈器世守

皇祖貽兌戈和弓竹矢垂同珍其誰曰不宜

永安泮圍場作 壬寅

崖口入臨獵場首東南胥號永安便東伊遜崖口內首圍為永安莽

安泮圍場內地多仍蒙古名惟此二處則國語永安為沙莽喀謂岡

貽謀 泮謂處均 皇祖所賜名而以漢字書永安亦協獵場吉語也

家法雁禹蹟式彌塞疆非舜田詠或羣燕天子日所無逸勵古稀年

圍中鹿少纔見一一箭中之勝獲千今日圍場多鹿祇一鹿偶一箭

不歡忤自庚辰臂病久弗步射木蘭藉馬力尙可馬射今年逾古
稀挽強亦不如前即自亦不知其何以中蓋由自幼學習資深耳

出伊瑪圖口 辛巳

塞山千里是周陞木蘭周千餘里以山爲禁其外出柵依然見室廬

凡谷皆設柵爲限北則遊牧南則民田無圍場矣廿日獮蒐止適可九秋困鹿幸豐餘村村烟火關

民計處處耕桑異古初此處勝朝以前率附之保泰詰戎須要務深

宮高養敢萌予

進伊瑪圖行圍即事 甲申

今歲應西進溯源伊瑪圖雖云小獵試初進圍場交界與其就即是

大蒐模駿馬天山換於烏梁海買駿馬射蒼鷹曠野呼馳麇斃一矢差

不負彎弧是地尙近村莊獸殊少適有一麇馳至發矢斃之

進伊瑪圖口平原小獵 丙戌

輪歲東西進由西例不淆初教試原野亦自例旗旛騰撒雲飛雉馬

驚莽伏麇百年前窳堵突兀見林梢是日駐布都爾昂阿行營其東北平阜有舊塔二層巍然尙存

蒙古呼為阿拜諾顏蘇巴爾汗蘇巴汗者塔阿拜諾顏者圍場首領也蓋舊時營為村落今塔亦祇存其半故俗又呼為半截塔

廣韻有麀字而沈韻未收字彙謂即麀字在肴韻然麀見史記稱一角獸而牛尾乃似異獸世不常見師古註謂似麀麀似麀則信然獨麀無角而麀之角則小於鹿非一角也蓋鹿角八叉而大麀角不過一二叉而小意司馬遷本好異又未經親見遂以一叉為一角而奇其說即師古之注亦不免耳食傳訛因用麀字故證其失于後

進伊瑪圖口小獵即事得句 壬寅

伊遜 平聲 弗溯九迴阿 往年從東進木蘭必由伊遜崖口今歲從西進

也 西進伊瑪 平聲 圖亦河北向寒黃飛落葉秋長暖綠留 去聲 平莎虞人

小獵布空谷吉駿 是口所御馬為端吉駿 徐馳試廣坡一箭中麀衆皆喜勝他

衆畏者誠多

僧機圖圍場在永安泮圍場之東其北有察罕達巴漢僧機圖

河源出焉僧機圖哈達在其東其南少西有古松同根異幹高
百尺千年前物遠望亭亭對立蒼蔥爭茂實則一本分枝

皇上行圍過此

錫名夷齊松

御製詩

夷齊松歌

丁卯

逾僧機圖之巔而南少折而西有松焉側倚翠壁俯臨迴溪雙
幹遙撐干雲霄而上者以尋丈計其頂乃虬蟠埽燥若樓若宮
自遠望之謂兩樹之生有如此相肖乎既至樹下實則同根也
乃名之曰夷齊而繫以歌

有山盤盤有水潺潺逢二老兮其間遠而望之前者友而後者恭若
伯仲也近而睇之日斯邁而月斯征乃同根生也二老之芳踪吾
不得而知也考之古則有其人曰夷齊也夫何飢西山而僵仆者挺

朔漠而輪困維彼與此兮孰主孰賓豈惟周粟之不食兮蓋自賦質
以來曾烟火之未親詎黃農虞夏之不可見兮玄黃初判落落者與
天地而長存雪覆曦暄何涼何燠夏茂冬彫何同何獨獸伏鳥棲何
徵何逐胡倚羸封何榮何辱吁嗟大隱兮視此山木

僧機圖峰 壬申

僧機彷彿嵌空云 蒙古語以山之嵌空者為僧機圖故耳 峯崒玲瓏信莫羣設使飛移

文翰地度星挂月號紛紛

僧機圖 己卯

峰名也下有夷齊松今自燬於火

夷齊我向名松樹重到松燒灰熄飛名象苑枯歸一幻箇僧真善示
禪機

御製文

嘆夷齊松賦 有序 己卯

僧機圖嶺之下有喬松一根而二大幹向名之曰夷齊而繫以歌數歲未經此地今來則已燬於火焦株突兀尙存徘徊其側者久之因感而爲之賦

繫橫嶺之案衍舊傳名曰僧機盤羊腸而就下既南折而少西有喬松之鬱鬱昔號之以夷齊料名實其並壽豈焦爛之不期因循未過忽忽歲時重尋斯徑謂二老之我僊遙瞻失望見枯株之獨遺徘徊落莫於悒吁嘻夫豈挺根拔出庸詎謂沙石之堙剗既其摩空盤翠又寧慮霜雪之凌欺是以閱滄桑而永茂侶椿樗以無危擬西山其無忝攜東壁已有詞豈知火母惟木巽即鄰離匪牧童之偶失蓋谷神所默爲爾其心空脈燥不燃自炊山雨不能息其燄谷風偏復煽其威吾雖未睹其蝟焯陵坂之狀而早想見其灼爇枝葉之時也於是陳根突兀以孤立雙幹南北以紛披鱗甲剝落臥於巖郵山禽尋巢而弗得原鹿擇陰以徒悲惜其淪于灰燼命以車而載之蓋其遭

却爍燬之餘猶足勝棟隆之吉而九牛嶺穿以難移者也嗟夫孰具形而無壞孰有成而弗隳孰云真之匪幻孰恆實之名隨羨枯樹之卓識更感歎其奚爲然而少言之以八百爲春秋者何一經詠纔周紀而頓毀敗其如斯夷齊松歌作於丁卯今適周紀豈二老有待余之名題也旣名立乃飄然返沖漠以無詞也抑謂名者喪實之具而有所弗居也將轉燄輪示第一義諦也其旣隳者斯已毀而弗再其不壞者固將同天地而並垂也知然而猶曉曉不已者豈非余之癡也耶

英圖圍場在永安泮圍場之西

以上圍場南界

們都阿嚕圍場在伊遜色欽之南

圖們索和圖圍場在們都阿嚕圍場之東南

哈達圖扎卜圍場在圖們索和圖圍場之東與德爾吉圍場接

錫喇德卜色克圍場在安巴究達巴漢之南

巴雅斯呼察罕圍場在巴顏圖庫木東北與錫喇德卜色克圍場合

庫爾圖察罕圍場在圖們索和圖圍場之西

額埒蘇錫納圍場在圖們索和圖圍場之南

鄂爾吉庫哈達圍場在英圖圍場之北其南有鄂爾吉庫哈達鄂倫索和圖圍場在鄂爾吉庫哈達之東

以上圍場中界

哈朗圭圍場在鑲紅旗和羅博爾奇卡倫東

珠爾噶岱圍場在鑲紅旗蘇木溝營房之東珠爾噶岱河源出焉

孟奎色欽圍場在哈朗圭圍場之東其北有孟奎達巴漢孟奎河源出焉哈拉錦務呼拉達巴漢在其東南

巴顏陀羅海圍場在鑲藍旗東燕子窩卡倫之北西南則哈瑪

拉達巴漢巴顏陀羅海河源出焉東南與卜克圍場接康熙四

十八年

聖祖仁皇帝於此行圍

親御弓射獲大鹿異常產藏角武庫

皇上御製鹿角記以昭

神武識

謨烈焉

御製文

鹿角記 壬午

鹿陽類也夏至感陰生而角解然解者自其委蛻而新茸即漸長以成角則六陽之義益明蛻其舊而新生必較舊加長且豐兩又四又六又以致八又歷數十年而後成或踰八又者不可辨其年歲蓋千萬中一遇而其鹿亦必數百千年之壽矣嘗閱武庫所藏

皇祖時鹿角一記曰康熙四十八年九月五日

上於巴顏陀羅海所獲其長自割骨至尖各三尺九寸有十分寸之五兩尖抵直得七尺有九寸兩末徑距凡四尺又之數十有六最末者不尖而博狀如魚尾又如芝朶近割者其圍八寸有十分寸之二既堅且澤不紵而昔景鑠哉是蓋我

皇祖神威所攝山靈不敢闕其珍用出瑞獸以燕

聖人而什襲天府示我後昆俾無忘

前烈詰戎益勤也予小子敬仰之下不訝鹿角之奇而思鹿角所由來者奇庸可不表章厥蹟勒冊府以永垂乎月令仲夏鹿角解仲冬麋角解今木蘭之鹿與夫吉林之麋無不解于夏豈古之麋非今之麋乎是又不可得而知矣汲冢周書至謂麋角之角不解爲兵戈不藏不息之兆荒誕更甚毋容闢譌因爲鹿角之記遂並識之

以上圍場西南界

菟濟圍場在正紅旗麻尼圖布拉克卡倫東

浩賚郭勒圍場在菟濟圍場之東南

得勒格楞圭鄂博圍場在浩賚郭勒圍場之東北

明安阿巴圖圍場在德勒格楞圭鄂博圍場東南其西明安阿巴圖河源出焉

喀喇瑪拉哈圍場在明安阿巴圖圍場之東

齊老圖色欽圍場在德勒格楞圭鄂博圍場之東北其西北有

齊老圖達巴漢齊老圖河源出焉

巴顏圖庫木圍場在喀喇瑪拉哈圍場之東北東與額與吉庫哈達圍場接

哈里雅爾圍場在巴顏圖庫木圍場之西北

永安湃色欽圍場在哈里雅爾圍場之北其北有永安湃達巴漢永安湃河源出焉更東有安巴究達巴漢安巴究河源出焉

東與錫喇德卜色克圍場接

以上圍場西界

沙勒當圍場在正黃旗沙勒當卡倫之東南圖爾根衣扎爾河在其北

巴顏莽喀圍場在正黃旗納喇蘇圖和碩卡倫之東南其西布哈淖爾南爲塔木陀羅海

崆郭羅鄂博圍場在正黃旗齊呼拉台卡倫之東

阿魯布拉克圍場在塔木陀羅海之東其南則額墨勒達巴漢東北則雅岱與永安泮色欽圍場接

鄂勒哲依圖察罕圍場在雅岱東北其北鄂勒哲依圖察罕河源出焉

以上圍場西北界

扎喀烏里雅蘇台圍場在鑲黃旗賽堪達巴漢色欽卡倫之南

東與色呼圍場接

都呼岱圍場在圍場正北更北爲達爾罕賽堪摩敦摩敦河源
出焉東流百餘里至英格卡倫出圍場界稍西爲都呼岱河源
東南有諾郭台河源摩敦河之上流也勒福窩集在其西林木
深茂其積水海子曰西拉諾爾在勒福窩集西南都呼岱爲圍
場極北界其北則興安大嶺拔地際天廣袤不知紀極其中峰
曰巴隆桑阿蘇極台蒙古奉爲鄂博者也乾隆十四年八月七
日

上行圍至都呼岱次日

登興安大嶺

御製長歌以紀之

御製詩

登興安大嶺歌 己巳

隆崇乎興安之高極天蔽虧陰陽日月不得擅其照變幻寒暑造化不能操其權溺愛少男或驕縱人情有之昊乾胡獨不然豐隆列缺供使令屏翳飛廉相後前元黃欲判猶未判神邱卓立鬱爲萬物先邇來三萬六千歲未許塵世知津源腐儒耳食各享帝浪傳宗推泰岱靈著峩峩巒蓬萊三山只培塿宜居地仙豈可方此居天仙谷蠡荒略闕文獻但詫遊牧謹避偶過無不膜拜加敬虔祖龍立界不敢近卻臨滄海施神鞭乃知奧宇異凡世洞天福地皆虛言興安之高極天西來崑都倫東接長白山是爲二峰之中氣如宗承祖嫡宵綿千枝萬派分案衍爲嵩爲華相牽連杭愛在喀爾喀之北阿爾台在準噶爾東舒右臂索岳爾濟在黑龍江之山憑左肩向背雖殊條榦同繁星拱北海納川特言其小數千里結爲靈囿之木蘭何奇不儲物不畜那能一一徵言詮雲夢上林赤縣內相如揚厲尙爾摛鴻篇使其知此退三舍故予不復雕蟲焉

皇祖昔年曾一至即今

聖蹟蒼巖間我來獮狩近瞻仰賢王奔走相周旋朝發行營質明到
金風謾謾高秋寒時爲衡嶽之開雲晃以朱鳥溫暾暄時爲傅巖之
作霖霏以玉葉鋪瓊田瀏莅卉歛奏萬籟意謂山中饒管絃苾鹿聞
矧舞衆木若示羽衛森繽繙木蘭形勢指諸掌南臨按轡一覽全北
顧蒼茫乃無際邊防久計心籌旆興安之高高極天非我作歌其誰
傳

於興安作 壬申

一嶺界南北寒暄殊節候龍榦衍堂堂萬派此輻輳陽巘林始丹高
低如錯繡陰崖葉全落樾底天光漏榆塞古王庭雁磧今靈囿纘武
永思艱守文益爲懋

巴龍桑阿蘇台歌 壬申

興安大嶺巍堂堂千派萬緒案衍長桑阿蘇台居中央如國宗子承

宗祊嶸嶸嶺嶢嶢屹寥緜隱倚蟠復翔爲宮爲霍爲堂皇上有神
池滂雲漿萬年不竭守以龍叶不動聲色鎮四方人楓仙桂君子笈
赤巖白虎及銀鬃飛鳴鶴鶴連鸞凰荻荅琥珀芝九英博產眞埒富
媪藏一樹不許斤斧戕一獸不許弓矢傷獵騎謹避左近旁猶然風
雨來無常更不許人稱其名天男貴重誠莫京周裨寰海所未詳孕
佺育羨其術藏乃使成名于南疆恥與岳鎮相夷行我今作歌昭靈
祥崇邱雲裏遙相望似雲如是名何妨

於興安作 乙亥

大榦崇盤盤靈區結木蘭山惟向北迴節應當秋寒獵場深益佳興
安眞興安林有落葉松獸多大角獬鹿鳴哨可至雁飛俯以看漠南
昔王庭海西今材官相於奉時彌樂志餘清歡念茲匪易致永言思
其艱

於興安作 丁丑

興安高隆崇如屏圍匝木蘭今上林歲歲行秋獵是惟極北峰近
天尺五巖乾坤互開闔雲霧幻吐納荔丹已垂實松青未落葉曉寒
欲輕裘午暄仍細氈即景率可會託興亦多愜執役來諸藩晝日每
三接於焉示懷柔寧云事威愜

於興安作 乙酉

興安稱最高隆崇衍諸派設云已造極向北豈無界三萬六千軸固
不一嶺槩得一亦挈萬底更舉嵩岱是時今秋霽蘭椒淨塵筵槍竿
獨玉積下有雲爲帶奇境自太古夫誰能寫繪霜坂鹿蹤紛晴空雕
羽快歲歲茲行獮諸部覲王會施惠將詰戎皇綱罔無外

興安雜詠 乙未

一嶺暄寒頓爾分鴻鈞那復費功勤今年秋令長往歲依舊高峰簇
綠雲

千二百人善魚貫合圍致遠復鈞深學如明道稱純粹見獵依然有

喜心

崇古山川大塊文寧須點筆更云云忽聞仙籟雲端發卻是林間過

鹿羣

吉驄擇地小驅諸筋力自知不似初峻坂下馳已弗作底須諫獵馬

相如

舊部新藩前後隨便教有喜衆同知曾孫九歲學圍出我更何須鑷

白爲

等城尖營亦謂之清曉視調羹賜食聊因比大烹等城傳膳賜豪古王公及隨從

大親等朝餐其飯則親視和羹也飽暖飢寒寓忠恕詎惟宰肉擬陳平

曉寒午暖自其常馳射仍須換薄裳朗識秋陽當杲暴羶廬晨起見

清霜俗云嚴霜出毒日

誰能到此默無情地迴山高水復清武帳待圍還有暇促教短句八

章成

圖爾根伊扎爾圍場在正黃旗錫勒扎巴色欽卡倫之西南其北則圖爾根伊扎爾河源出焉西流百餘里至正紅旗扣肯陀羅海營房出圍場界東則穆呼勒伊扎爾河源出焉西流入圖爾根伊扎爾河更東南則托克隆和賚河源出焉西南流過塔木陀羅海南流一百五十餘里至鑲紅旗海拉蘇台卡倫出圍場界

以上圍場北界

圍場畝徑相距每數十里近者數里休羣力也由伊遜哈巴奇入東北至塔里雅圖三十一里塔里雅圖北至永安莽喀五里永安莽喀東北至巴顏喀喇二十五里巴顏喀喇北至威遜格爾三十四里威遜格爾東北至溫都爾華五里溫都爾華西至諤爾根郭勒十六里諤爾根郭勒東北至巴顏布爾噶蘇台十七里巴顏布爾噶蘇台西北至巴顏郭三十四里巴顏郭北至

岳樂七里岳樂西至珠爾十四里珠爾西至巴顏木墩十一里
巴顏木墩東南至德爾吉三十四里德爾吉東至達顏德爾吉
八里達顏德爾吉南至畢圖舍哩五里畢圖舍哩西至阿濟格
趙十二里阿濟格趙東南至多們十里多們西至額埒蘇錫納
二十四里額埒蘇錫納西至鄂倫索和圖十里鄂倫索和圖東
北至庫爾圖察罕十一里庫爾圖察罕西北至錫喇德卜色克
十五里錫喇德卜色克北至鄂勒哲依圖察罕三十五里鄂勒
哲依圖察罕西南至永安泮色欽二十五里永安泮色欽南至
巴顏圖庫木二十里巴顏圖庫木東南至鄂爾吉庫哈達十里
鄂爾吉庫哈達南至永安泮二十五里永安泮西至英圖六里
英圖西至哈里雅爾十五里哈里雅爾西至喀喇瑪拉噶三里
喀喇瑪拉噶北至齊老圖色欽二十五里齊老圖色欽西北至
明安阿巴圖十八里明安阿巴圖西至德勒格楞圭鄂博十里

德勒格楞圭鄂博南至孟奎色欽二十五里孟奎色欽東南至巴顏陀羅海二十八里巴顏陀羅海南至卜克三十六里卜克東至卜克棚二十五里

由巴顏郭東至默爾根烏里雅蘇台十三里默爾根烏里雅蘇台北至呼魯蘇台十四里呼魯蘇台西南至巴爾圖十三里巴爾圖北至色呼八里色呼西至烏里雅蘇台二十四里烏里雅蘇台西稍南至都呼岱八里

由阿濟格趕北至哈達圖扎卜十七里哈達圖扎卜西至圖門索和圖六里圖們索和圖西至們多阿魯二里

由永安莽喀北至坡賚二十七里坡賚北至默爾根精奇尼十三里默爾根精奇尼西南至固爾班固爾班十二里固爾班固爾班西至僧機圖二十八里自僧機圖西行過察爾巴呼嶺即永安湃圍場

由巴顏陀羅海西至珠爾噶岱四十二里珠爾噶岱北至哈朗
圭二十里哈朗圭東北至浩賚郭勒二里浩賚郭勒北至蒐濟
三十七里蒐濟北至崆郭羅鄂博十五里崆郭羅鄂博東至阿
魯布拉克三十里阿魯布拉克北至巴顏莽喀十三里巴顏莽
喀東至沙勒當三十五里沙勒當東至圖爾根伊扎爾五十里
自圖爾根伊扎爾北行踰錫喇扎巴達巴漢循圍場北界紅柵
東行至海拉罕達巴漢度嶺東南行可達烏里雅蘇台圍場
由汗特穆爾卡倫入東至汗特穆爾圍場十八里汗特穆爾圍
場東至庫庫哈達二十五里庫庫哈達東至愛里色欽十五里
愛里色欽北至喀喇楚古爾蘇十三里喀喇楚古爾蘇北至克
勒十七里克勒西至固爾班錫納十二里固爾班錫納西北至
察罕扎巴三里察罕扎巴東至錫喇諾海二十六里錫喇諾海
西北至噶海圖七里噶海圖北至布扈圖十七里自布扈圖西

行可達威遜格爾圍場

由麻尼圖卡倫入北至布都爾二十二里自布都爾北行可達

永安泮圍場

凡圍場官制總管一員康熙四十五年設秩四品乾隆十八年改爲三品左右翼長各一員乾隆十八年設秩四品章京八員康熙四十五年設秩六品乾隆十八年改五品驍騎校八員乾隆十八年設秩六品總管屬理藩院統轄翼長章京驍騎校由總管遴選本處官員送院請

旨補授

凡圍場駐防官兵八旗滿洲蒙古兵丁八百名康熙四十五年設一百一名雍正十二年增設九十名乾隆十八年增六百九名由八旗都統於八旗滿洲蒙古兵丁內挑取每兵一名給地一頃二十畝又以都呼岱口後興安等處地冷霜早難以耕種

將鑲黃正黃正紅三旗兵丁每名改給乳牛三頭每三十頭各給犏牛一羊三十

凡圍場禁令卡倫以內蒙古民人毋得闌入其盜牲畜者分別治罪該管官處分如係蒙古交扎薩克嚴行約束

欽定熱河志卷四十六

欽定熱河志卷四十七

圍場三

行圍儀注

凡木蘭

行圍先期降

旨應行事宜各衙門照例預備嚮導大臣率嚮導官兵於
大駕所經之地飭所司儲備宗人府內閣部院司寺

奏請

欽點扈從王公大臣官員兩翼八旗

奏請

欽派前鋒護軍統領理藩院行文札薩克王公等先時戒備隨圍執
事

駕行前一日遣官以秋獮虔告

奉先殿屆期

皇上御行衣乘馬出宮翊衛諸臣前引後扈百官采服跪送

駕如

巡幸儀自乾隆六年以後間歲一舉十六年以後每歲舉行至熱河
駐蹕避暑山莊中秋後

啓蹕行圍將

啓蹕

行在兵部領

行圍禁令管圍大臣帶領隨圍官兵至圍場祇候先以百餘騎小獵

於平甸撒圍

國語曰阿達密入圍場後

御行營

規制

後護軍統領率官兵先往度地廣狹立

御營扈從官兵等以次安帳行營前後嚴巡徹止夜行違者論如法

先期前鋒於一二里外設卡倫每日五更管圍大臣率蒙古佈圍人先往其餘扈從人等及輜重均毋許先出卡倫平明

上啓蹕先駐看城規制詳後佈圍用蒙古一千二百五十人圍中以大黃

纛爲中權其名曰佛勒兩翼左正白右正紅曰梅勒兩翼前各

以一藍旗爲前哨曰烏圖哩纛俱以綢爲之不加緣正幅不施

長一丈四尺五寸以竹爲之不加髹漆黑旄前哨進後隊以次隨發由遠而近繞圍

場兩翼前各數騎擁纛飛馳曰跪烏圖哩將會于看城呼瑪喇

哈則圍合矣

皇上出看城

躬佩囊韉具弓矢莅圍所各獸羣集

上引弓射後令

御前大臣侍衛隨射者曰納勒布密如有逸出圍者許官兵追射之

命中者紀諸冊圍中有熊虎諸猛獸則管圍大臣遣侍衛馳報

看城

上策騎親至其處

命虎鎗官兵掩殺或

御神鎗及弓矢立殲之圍中麀鹿過多則開一面放之未初罷圍

駕還行營陳牲數獲

頒賜扈從王公大臣官員

行圍竣出哨

遣隨圍蒙古各歸部落迴

蹕自熱河旋京師告秋獮禮成

聖祖御製詩

塞外偶述二集

曉霧迷前嶺蒙茸露未晞林中呼鹿罷山下射熊歸水繞周廬曲原

高衆幕圍時平疆域遠萬里盡庭扉

世宗御製詩

大獵

五校琫弓勁三秋野獸肥
乘時講武事大獮振兵威
狡兔寧藏跡封熊悉入圍
獵歸數軍實落日照龍旗

中秋從獵塞外

萬里清輝度塞寒一輪飛鏡耀雲端
穹廬影靜金波蘸行漏聲沈玉露溥
光射龍沙明遠磧香飄仙桂拂層巒
普天今夕同忻賞何似趨承

膝下歡

御製詩

獵辛酉

秋蒐文囿是王庭

祖澤貽今赫濯靈桓赴健兒
身掠鵠驃姚車騎箭流星
龍堆露冷鳴

蒼鹿沙塞風高語白翎大兕小祀親射得駝峰高架進

慈寧

秋日奉

皇太后口外行圍

列塞騰千騎三秋駕六飛校蒐邊

祖制問寢奉

慈闈纒纒田車好祁祁原獸肥金風如有意爽氣襲征衣

代是熙和候秋當獮狩時風雲森羽衛物象擁旌旗皎日曛曠照涼

颺左右吹近光多父老前導莫驅馳

秋原零白露羣鹿應時鳴駭野車徒勝彌川草木平祇期軍律整無

取大庖盈誰獻長楊賦臨風憶客卿

暮色滿平川行宮景物妍砌蛩喧此夕梧月照當年

皇祖曾停蹕孫臣獲侍筵幾多承雨露追想倍凄然

行漏催寒夜銀絜虎帳懸霜笳鳴塞上星斗掛天邊牧馬聞呼聚飛
鴻列陣旋禽荒曾有戒無逸誦終篇

當秋鷹羽疾度塞馬蹄輕目極山川秀詩含草木清天高雲帶影風
勁壑傳聲更值西成好沿途喜氣迎

獵癸亥

雲斂高空淨素秋較蒐倩洌驟躡山翁山媪將毋訟天餉天公已
富酬五校龍旌疑霧曳三驅羽騎訝星流清風吉甫羣陪輦吉日應
同雅在周

呦鹿聲高露漸濃護霜雲傍紫芙蓉鴻網輕騎看羅列駢衍徽車亦
汎溶壯士同能拖蒼猊名王爭羨扈青龍匪誇多獸因農隙謾擬長
楊弄筆鋒

射熊

寥蕭玉宇拂秋風掌樣霜鋒好射熊卻笑漢皇猶赤帝空輸女子是

英雄

獵乙丑

吉日詠車攻秋原豐草中古來稱玉塞南國勝雲霄左右賢王會駢
騏我馬同傍林張雉罟跨谷列麋茅解角風霜勁鈇鋒霹靂雄兩行
成雁迤一貫總鴻網更命開三面羣看發五縱眼前旋起嶂耳後欲
生風詎敢從心欲多因習武功煌煌

仁祖制景仰似崆峒

獵丁卯

金鷄秋序玉旻清大獮乘時旻旆旌雲棧迴疑懸索度川塗還教貫
魚行午原合處規弓滿曉翼舒時象鳥征虎圈豹房休更築谷蠡左
右是林衡

呦鹿

呦鹿秋深鳴其聲隔澗聞雄者各護雌爭長難同羣合圍廣甸中麋

麋乃畢臻避人相率馳命侶無區分不惟忘妬猜而轉情相親閱牆外禦侮獸然何況人

獵已巳

山清雲白塞垣清快試秋圍趁曉晴淺水穿林衝暗渡橫岡冒露落斜行雁行左右排千騎魚貫聯翩認五旌日暮頒禽喧弗禁爲田猶足見虞情

奇花瑞草總含芬少坐岡巒亦可欣幾樹濃青幾樹赤半峰晴靄半峰雲獸驚避箭毳叢夥人語呼圍隔嶂聞倩泐鴻絢原有度即茲深寓教三軍

放鹿

出谷霜風嚴冒嶺朝烟霽合圍廓堂皇輕騎劇鴻洞彌縫無漏罅呦鹿周陸衆應弦紛屢踣疊雙頻命中他他已鋪原祁祁互奔撞肩忘繁弱張手疲遊龍韉大庖旣云足頒殺逮僕從於物誠盡取多或棄

無用因命飲飛徒罷射快一縱歸林得所樂失侶懷餘慟習武會常
來孳息仍廚供非希湯網名儒臣漫陳頌

獵 辛未

豐草長林獸所都時平習武試三驅林霜始降鷹嫌葉野露猶霑馬
惜蕪豈必虞人竭陂澤未能君子遠庖廚日斜頒獲圍城外惠逮惟
均洽衆娛

行圍四詠 壬申

撒圍

塞山萬壑糾獵士五更行 蒙古管圍諸王公每五更率獵士先往撒圍 撒陣常衝黑成行

始質明蠶叢度衽席魚麗辨徽旌曾不言勞苦嘉哉奉上情

待圍

兩旗合帳殿 設布城為看圍所奉首旗各馳至此為始合則衆騎以次徐進云 千騎列雲

涯試看止齊勢端稱左右宜彌縫休欲速磬控尙需時勒馬平岡待

斐然立就詩

合圍

周法笑繁重善御信何稱豈有車從獸何殊屠命僧詭馳我所戒連
中衆多能佗藉無須亟留資歲歲仍

罷圍

地不傷農事情還聯衆歡陳牲蔽芳甸頒獲逮儒冠
習武毋忘業暢遊亦戒盤控弦教憩息西日在槍竿

漢大臣隨圍者
頒獲每及之

圍中獲白麀詩以紀之

有序

昨秋蒙古台吉畢里袞達賴以白麀進嘉其應時獻壽曾爲之
圖而紀以詩今行獮塞上於巴顏河落圍中復生致此毛色純
潔性特馴擾周法所僅見也拈吟紀實匪侈祥符

瑞獸貺三靈嘉符應六星性馴豈鋌走質異似來庭睛彩丹砂煉毛
章白玉亭不教施赤羽端合飼蒼苓詞客希成頌仙人夙駕駟底須

宣史館曾未註禽經

園中獲生麀致之避暑山莊即目得句

生麀無數獲園中放入山莊楓柏叢取之外圍置中圍豈是深謀苟

息同

行圍四詠疊去歲韻 癸酉

撒圍

秋令木蘭獵年來率按行伐齊既以習紀律亦因明據嶺排羣伍沿
蹊致兩旌詎徒恣從獸要寓詰戎情

待圍

中軍例徐進猶在白雲涯選勝居其要乘閒酌所宜層巒疊嶂際翠
柏紫楓時隱若山靈詔依然合有詩

合圍

如星之拱所擬月以圓稱嶺碧遙拖柳峰圖迴羸僧

碧柳嶺僧璣圖皆圍場內地

周遮羣効力馳射各呈能靈囿天然闢朝家奕世仍

罷圍

素志常銘內臨歡戒極歡息教歸布帳招底藉皮冠炊熟地爲竈割
鮮草作盤披星仍迨曉晏起敢三竿

雨獵

虞人破曉驟前旂圍合秋山雨脚稠成局不教傳罷獵佳名漫擬魏
文侯

千峰頃刻吐雲奇一陣涼絲馬上披頗念征人歎漸石關中秋麥卻
宜時

度嶺踰溝萬點繁瀑垂何必藉遙源雨衣不漏知需瓦譎諫還因憶
讜言

時止時霏烟景宜凌風赤羽未嫌遲數番馳射徐收伍跋涉吾原衆
共之

小獵 甲戌

諸部皆攜獵騎行為聽指使各將誠便教小試龍沙坦嘉彼殷勤奉

上情

麋鹿雖無饒雉兔平川淺草吉驎飛 所乘馬名 順吉驎 肅置不藉爰爰中嘉

兆今秋第一圍

黍田牧野間平岡愛看雲容漸作黃分付獵人避蹂躪便因失次審

何妨

魚貫雁行循律度控弦按隊識尊親忽臨中次傳收獵已避長途廿

里塵

霧獵 甲戌

磧山作霧亦太奇白綿青嶂紛高低依微迴薄幻晴晦窈鬱散漫迷
東西蒙古慣見不介意依然塞甸陳獵騎林中即鹿有虞人吾亦因
之射生試風來霧散嵐嶺清偏伍不亂魚貫行據鞍大笑有如是區

區何數劉雄鳴即事從覘奉上識

射虎行 乙亥

虞人來報虎負嵎羽林親率往斃諸度岡絕壑不數里榛叢早見藏
於菟銛鎗如雪周遭布耽耽有猛無逃處忽然挺走衆辟易欲往前
山據深樹安吉驄如鬪虎騶二馬名鬪虎騶今老矣是日所御者乃安吉驄云 箭雲一策飛
鳥愁追奔肯使牛哀逸夏服在右烏號柔馥然中要只一矢炳文高
架駝峰紫厄魯齧舌頌威稜是日新附諸厄魯特台吉適至 笑謂今朝偶然耳

兩獵 丙子

炎蒸爲雨信有哉獵騎已布靄脚來連嶺隔谷羅誰是便冒巖霖催
龍媒時忽飄絲時忽止光怪千峰難狀擬勁羽雖濕亦能飛駭鹿欲
藏還警起應弦馥中萬人喜厄魯咋舌銜其指雨衣宜瓦非所知南
北之強異張弛儒冠著製候和門不識今朝復有此

行圍即事

秋獮乘時歲一來神臯素節靜無埃
冽千二百騎惟羽布左右中官
是材木葉已看吹籟落野花還自
冒霜開揆文奮武難偏廢點筆
麈箋每召枚

神心妙達是清秋地迴興安景更
適雲影山光含動靜泉聲葉響
驗沈浮目鴻霞表懷因遠耳鹿崖
邊興亦留校量常年得佳話隨圍
今後有渠搜

兩翼鴻絳隔嶺張黃麾據勢獨堂
堂如身使臂臂使指舉綱有目目
有綱地豈稻杭馳騁得林真錦繡
詠歌常山靈似有相應處子墨虛
文免賦揚

雪獵

丁丑

一夜朔風吹凍雲高峰低谷皆皴
玉雖寒不濕可三驅連網周陸
謝千軸共役左賢還右賢是皆慣
馬且耐寒習勞示矩可辭冷我亦
因之試玉韞六霰時止復時灑磬
控疑驟藍田野丹黃青綠繪銀
陵塞

景清都入吟寫麗龜釋弮真快哉紫狐輕點祥花皚陡憶伊犁大於
掌官軍尙待歌歸來

放鹿

麀鹿逾常夥開圍任赴榛聊因學宣牧
以木蘭之獸本如苑中所牧留
以孳息亦欲取之不盡之意
耳匪欲博湯仁悠逝得其所分頒逮尙均寧遼待取報明歲獵牲牲

叢薄行 戊寅

叢薄之中聞有虎三子逐逐隨其母鎗斃於菟及一子其二曳尾藏
深莽惡獸應弗留餘孽是非所云不探卵叶因命生擒觀壯材羽林
微亂皆暴怒兩人搏一何足云一人獨攫誠堪詡其名乃曰貝多爾
索倫侍衛中英楚手尾挈領安且詳須臾虎兕入柙擄被斑縵白涉
鋪張豈似今朝萬目覩喜以詎爲萬目覩適有新歸化布魯

園中己卯

園中選勝坐翠垠嘉樹爲蓋莎爲茵時看足底飛白雲風吹落葉左

右紛目不見俗心無塵我豈長林樂隱淪頗覺巢由不我擯隔川忽

過蒼鹿羣圍遠未致驚迸奔擇肥命中施花神

於虎用虎神鎗於鹿用花神鎗皆

祖時所貽武功良具

立斃其肉實鮮新奔走蒙古及索倫舉火即析山之薪割

生炙熟不逡巡鸞刀手試嘗其臍呼前分賜飽德均上下和樂胥歡

欣由來古俗匪自今叶景宗小哉安足論

雪獵

搏桑日出鹿罷鳴興安放圍趁曉晴須臾山頂塞雲興霏霏霧霧空
谷橫配藜浩唐霽冥冥鏤冰翦水霏祥翼側峰橫嶺忽瑤京丹楓翠
柏胥著英荆景宜視復宜聽怒號萬竅不一聲砰磅汨瀝駕廣陵鏃
鏃錚錚兵馬行又如張樂於洞庭八音繁會歸和平是謂山靈示厥
靈鴻網獵騎夙慣經淫裔裔緣峻嶒迷津失歧又豈曾圍合廣甸
無逸麋毳服蒙茸凌寒輕瓦衣不漏漫譏評烏號夏服手中抨命處
藝殫奚足稱嘉哉札薩奉上情

四十九旗諸札薩克蒙古隨圍執役較之喀爾喀青海及新厄魯特歸化

尤久與八旗察哈爾逐無分別矣

上下和樂延休禎亦不詡言戎索成玉田蹙踏旋歸營和門侍立漢九卿衰衣博帶誠儒生相如之賦爾應能

射虎行

圍中報有虎負嵎飲飛親率往殲諸隅谷白額欲潛遁神鎗一發早
中聲去渠驚避深林曳尾掉迺騎前遮容遠逃金桃皮弓雕羽箭凌秋
風如餓鴟叫馥然入其要害處耿耿雙目淪精曜蔚皮載駝聊足欣
攘臂下車真可笑

放鹿行

邇年迤西率未到今來欲一窮其奧獵所未經獸所都湯武毆民義
可曉叶夷阮拔鹵嗟太勤供役惟千二百人峰嶢谷阻弗遺棄雁行
魚貫聯汾沄放圍隊疎漸進密麋麋之盛過沮漆大宛青驄金僕姑
或羣或友燕悉率肩疲腕忘獲他他廣原奔迸猶餘多物亦命也戒
盡殫取之無厭理則那傳宣開圍任逸避長林豐草悠然逝索倫笑

我煦嫗仁縉紳詡我祝網義詡我笑我兩弗居蓄養外囿斯深意

九月朔日作庚辰

秋季惟朔旦塞圍第一場千山斂雲氣萬樹絢晴光迴巘鴻網合深

谿魚貫長咸賓逮回部入觀之都爾伯特台吉策凌烏巴什等向會

伯克等以賜爵留居京師並執役有名王舊扎薩克王公台吉等率

屬囊韃從獵則自今歲始云常以為柔遠繩

先切詰戎寓意良寧當懈幾務獵罷閱封章

行圍二首

天府神臯百獸牲細莎灌木靜無塵最欣悉率升大阜底藉要遮事

斥闐割馘炙鮮猶古俗炊金饌玉直癡人舊藩新部衆同樂獨者惟

斯染翰頻

千二百人各職司率先扎薩恐淹期衆扎薩克每日於五更時領衆

率先馳射以均勞尊為元后親為父威實何須恩賞宜峻坂有時亦

逸不令踰時久待

馳下神鎗無故不空施從來柔遠茲常厯武定遐懷益慎茲

雪獵十韻

九月十七日

塞雲低鬢鬢朔雪灑霏霏萬嶂增嚴氣千林纈素輝月同光不濕風
似定還飛壓帽輕於絮堆衣幻作璣藩王羣扈蹕漠嶺早張圍誰肯
氈裘著都欣玉策揮襯蹄致馬疾刷羽益鷗威搜穴虎呈跡炙鮮鹿
薦肥彌漫迷澗戶飄瞥燼林扉乞相寒江上一簑披得歸

木蘭行圍即事雜詠八首

辛巳

將謂秋聲柏陌寒新紅濃綠尙興安賡詩自有諸學士執役方來衆
可汗

魚麗鴈字講縝紛習獵由來寓習軍敢謂拓邊還定武周書垂訓此
尊聞

抨矢攀弧忘臂病今秋頗覺臂略痛亦因乘興亦先身都爾平伯特烏梁海

況有新來觀化人

黃幕高張面翠峻筵開灑馬錦雲騰呼韓上壽尋常事漢史嗤他太
豔稱

羶廬雖是不懷居宜月宜風便有餘適暇挑燈惟著句勝前歲此治
軍書

丹楓翠柏金官績山色溪聲大塊文寓意由來不留意鬧中無礙靜
中欣

崇山尙自行泥淖今歲秋霖盛絕殊陡意楊橋歌瓠子即今歸舊有
成無

粗觀大意過秋山詩稿將盈篇幅間何必多今從杜語非關藏拙實
偷閒

雨獵 七月廿 壬午 六日

塞山清曉雲如油須臾雨羃千峰頭獵騎已放奚事止看城早駐藍
旗旂

凡行圍以大黃纛為中權以白紅二旗居左右翼之中兩翼前各以一藍旗分隊馳進至二藍旗俱會駐看城則合圍矣

鞭策馬便親往衝烟冒霧尋清遊灑空時霏時卻息巖枝澗葉翻銀
流千二百卒宿精練鴻綱尙致野獸稠弓漸無礙燥手濡無礙柔一
發中其麋再發斃其麇四十八旗夙習見哈薩厄魯心服尤中朝或
有諳古者謂當罷獵學文侯既不受譽毀寧受詰武身先意所留一
之爲甚亦弗再傳宣明雨當停蒐

甸獵乙酉

甸獵非山獵平原草未黃入崖斯小試便路例成常始入圍場駐行營次日方佈大

圍以路便簡百餘騎小獵平甸年來率成常例驚雉蔽空起崖口內野雉較往歲尤多呼鷹逐影颺蘭中

初獲鹿飛騎進

仙莊是日祇獲一鹿以初獵所得遣侍衛馳至山莊恭進

雨獵

圍佈秋山落驟霖罷之轉厪失人心文侯彼其去聲不同道扎薩今誠

有共欽馬選上閑馳灣坂塵飛一箭斃深林冒雨獵騎不免迷失山谷故圍中鹿少祇見二

鹿各
箭斃之
文臣鵠立和門候涼雨猶當濕弗禁

大學士尹繼善隨園因請詩走筆成什調之丙戌

久置馳生耳後風似向五旬後雖每歲行圍然不偶然蘭坂驟雲驄雖

拋射鵠五年閱向喜射鵠幾暇常集侍衛等試射中的恆十之八九

馬射則仍縱送如常也原屢中去聲麀片刻中廿四日圍中發矢連斃五鹿廿五

為神異因命其射一疲臥之鹿則第祇以賤良衆屬目笑稱馬步一

張弓綠營不嫻馳騁馬弓之力率減於步弓遂有以馬步尤強尹繼

善久莅外任習聞綠營語因戲及之隨園老翰催成什譎諫相如同不同

行圍二首一韻前章即景後章即事

高秋塞景入精微按轡行吟契靜機水似客彈山陽曲山如僧著水

田衣霜前紅葉纔方染暖後綠陰猶覺肥應接何妨畧無暇畫屏隘

匝四隣圍

千騎周環一徑微嶢峰標處識僧機峯名向賦夷齊松即在峯下控弦總是無前

士提馬偏宜短後衣
弋迴賓鴻常墮落
炙生祁鹿正鮮肥
藩屏遠近同傾仰
王制難循不合圍

雪獵 丁亥

靈山有靈驗
圍展雪來隨
帶日飛冰片
不雲佈野陂
拂林重燦蕊
著鹿總成麋
鹿皮無白章惟麋獨有與安
馳射原無礙
便宜更是詩

射熊行

虞人來報熊
咆林飲飛親
率崇椒尋倏
呻羣逐出叢
樾一箭要害洞
中去聲深馥焉肆地
目精散封馳
有力馱難任
復報翠微出
其子駐馬掩搏
觀勇士須臾
子路入檻籠
手罷足躡寧
虛揣畜之虎
圈暫貸生平原
不射非所擬

雨獵 戊子

大幹以北氣
愈寒仲秋之杪
例落雪今歲
暄暖所罕逢
山雲作雨殊
清絕圍衆已
佈難中止縱
送何妨衝雨
獵馬馳草坂
偃濕莖鹿出
林

岡帶飛葉千二百騎益鳧藻漸石霑裳非所說和門鵠立候儒冠布
帳烹茶樂應別

獵 已丑

萬嶺烟開紫翠光行圍詩興亦因償丹楓白樺皆堪詠日暖霜遲未
覺涼峻坂疾馳不復作前禽連中固如常匣封飛遞軍營奏駐馬批
裁務安詳

合圍後已策騎至山巔適經畧大學士傅恒奏函由六百
里遞到即於馬上展閱批答並傳諭指授機宜以期妥速

雪獵 庚寅

雪獵非如雨馳驅興越豪不虞箭羽濕偏喜獸蹤遭
習手中轡鷹翻臂上條詩情在何處鏤出玉峰高

雪鋪白色獸
蹤益顯見

馬

雪 九月十日

塞雲巽嶺漸霏微遂作六花彌谷飛一例玉驄馳磬控爲他撒就滿

山圍

佈圍今謂
之撒圍

配藜合沓亂飛浮鏤莽雕林致最幽卻是粘衣盡乾雪底須止獵學

文侯

迷離不辨潛林獸突出還教倒應弦所獲今朝多白鹿寧須祥瑞詔

文篇

拈毫詠素我原閑創景多欣值此間凍凝去聲岡巒應作滑傳宣明日

罷圍還

尙餘塔里雅圍一圍因念雪積山間入夜必凍獵騎蹴滑非宜遂傳諭罷圍即於十二日出哨駐張三營

射生手 壬辰

國語及蒙古語皆謂之默爾根選善馳能命中者爲之圍中射

中獸則命若輩隨蹤獲取

射生手射生手諸部人中無不有掄其精者侍兩傍御弛中去聲獸隨

獲取射生手數近百挾弓抨矢舒雙翼百人中必有一中去聲中則

都稱射生得千二百騎圍如輪驅來悉率宴一人百射那能必百中

弗中羣撫中羣頌詰戎示度以己先奚啻十目之所觀一節亦識爲

君難

行圍偶詠 癸巳

飛騎藍旗谷響宣

撒圍時兩翼俱以藍旗為首每翼數騎擁飛馳謂之跑鳥圍哩將至看城喧呼瑪喇哈則圍合矣

彌縫兩翼拱中權待暄以出笑茲日視地而馳慙昔年時亦擇肥能
命中無非示衆弗忘前細思頗合為君道不息自強曰體乾

罷圍 甲午

屢曾雪獵喜為詩卷密放彌各有時適以萬林攢霰落遂教千騎免
圍披未能親罷魏文慙去聲也覺吾衰宣聖思策馬還營慰心處迤南
應雨麥田滋

雨獵 八月廿 丙申

日雨誠逢雨山靈不爽靈

是日駐海喇堪山前

忽霏一天白卻隱萬峰青圍撒

難中止

佈圍俗謂之撒圍

馬馳隨密零擇肥仍命中

去聲

少習業猶寧

題萃鹿玉躡 己亥

白露爲霜萃野披肌肥色澤樂伊泥梵名鹿曰伊泥合圍命中茲重舉木蘭

詰戎惠遠之意存焉茲既過二十七出哨尋幽久不爲哨鹿必趁天

月依例行之弗以長年圖逸罷圍也之時歷險尋幽而後得雖國家習勞舊制憶未曉鹿方鳴

聖母每以塵念故久而不爲矣今重思之不覺潸然弓矢既調資飲手

畫圖堪勝祇傳皮設如發羽方省度慎弗失之鑒在茲

雨獵八月二十日辛丑

詰旦遙山早撒圍山雲忽挾細絲霏擬如親往傳罷獵卻是千人已

濕衣是日出營時即微雨而撒圍者率於寅刻即前往由遙山徐徐

而進以待然人皆備雨具而往遂於雨中行獵蒙古供獵者千

者舉成數耳農人霑體還塗足獵騎衝烟亦冒雲各有所司計衣食誰能一例免

辛勤

見說山靈果是靈洗山雨爲衆人經是日經海喇汗山此處山神靈

異凡人衆經過必有雨試之屢洗山云驗俗謂之倏看萬瀑全拖白何礙千峰暫斂青

孟氏名言衆共之從來雨獵每勤斯向過此屢有軟弓仍可家風試

往年騎射俱挽強自臂病後弓力大減今年逾七十雖軟弓仍可命中蓋國俗向有軟弓長箭快馬輕刀之語為長技云中鹿其

常何足奇

雪獵

八月二十七日

雪獵全勝雨況經習馬鞍獸踪現莫隱山逕凍微乾罄控隨心穩復陶被體寒須臾紅日朗玉失萬峰攢

雜詠

辛酉木蘭從獵者晨星一二見

康熙逮今辛丑四十載一二晨星靡孑遺

入獵乘輿避曉涼

向年木蘭行圍即於清晨策馬近年以春秋漸增曉涼乘輿至等城上圍則仍控馭如前也調

閑軟步試平岡無須重讀相如諫鄭重而今自合當

新舊諸藩逮百旗

從獵蒙古王公內扎薩克四十九旗又喀爾喀四部及四衛拉特并青海等部落各扎薩克不下百

餘旗我朝中外一家之盛實史冊所未見云底應甌脫外觀之或為子輩或孫輩親我老

人左右隨

癸亥學談蒙古語回番唐古遞通多

余自乾隆八年習蒙古語二十五年平回部習回語四十一年

平金川習番語四十五年因班禪來謁並習唐古忒語皆以學而能也而不學者光陰玩愒吾末如之何矣

笑他玩日愒

時者自畫無成奈汝何

瘞虎行 壬寅

秋獮額勒蘇西那

額勒蘇蒙古語謂沙西那謂岡是日圍場地名

麋麋之羣紛其多肩墮腕

疲獲已夥又報虎負崇山阿隔谷擇勝駐馬視飲飛健士週遮羅耽

耽猛獸不能出翻陟峭壁沿嵯峨刺矛發矢不能到於菟意謂逃生

過虎神鎗合此際用向壁命中無時何墮崖衆進獸已斃頽然橫陳

荒草陂二子竄入攢石窟搜穴易殪祇傾俄魏明不忍寧謂此除惡

務盡語豈訛

戴衢亨獲麇即賜之因成是什並令和韻

圍合山原飛走充儒臣扈蹕詠車攻拈毫倚馬本多秀入帳執禽乃

獨雄

九月朔日阿濟格究圍場於等城待圍時圍中逸出一麇修撰戴衢亨執之以獻因即賜之

獵騎訝看非等

類文班喜語共和融狀元端是讓前輩

丙申年木蘭行圍時大學士敏中於行帳中獲一大鹿以

獻有獻禽署關部之句于敏中乾隆丁巳修撰也

大鹿小麋獲則同

欽定熱河志卷四十七

欽定熱河志卷四十八

圍場四

哨鹿

哨鹿以秋分前後爲期鹿性於秋前牝牡各爲羣中秋後則牝分羣而求牡也哨鹿擇林壑深幽獸羣總萃之所至期

上於味爽前出營旌門外燎火以俟隨從侍衛以次而留從者不過數十騎皆屏息單行不聞聲響既至其所各戴鹿首爲導其哨以木爲之隨機達變低昂應聲鹿即隨至

上每親發神鎗殪之伏讀

御製前後哨鹿賦研精物理義蘊賅備可以驗氣機可以通道妙非蠡管可能窺測也既竣事回

行營或即其地

啓蹕焉

御製賦

哨鹿賦 有序 己巳

賦者古詩之流詩以言志其有不能盡言之志則賦可以申之

我

皇祖昔喜哨鹿朕冲齡隨侍習聞其事年來乃親試為之嘉其有合

於聖經顧古人無賦之者故不愧無文其辭曰

伊白露宵中之候正伊尼孳尾之時生不息焉洪鈞運而誰測物雖

蠢也氣機至而咸知故三序春夏冬則牝牡各從其類謂牝隨牝羣 牝逐牝侶惟

中去聲秋斯牝牡各媵其妃謂牝各分羣而匹牝強有力者不惟挾兩而累十弱

無能者或乏獨匹以相隨或依林而命侶或據嶺而分畿或悍害而

傲衆或謹守而自持或豪放而攘彼或竊取以私其萬態紛其莫窮

一以音而宣之於是虞人善因聲以察情爰體情以斲聲喜金風之

颯爽值玉宇之晶明霜重而不言其冷露濃而那覺其零陵嶮巖而

如登衽席冒蒙茸而不異戶庭慮吾遊之晏起虞原獸之怠鳴

鹿則晨則

懶鳴哨亦不進故哨鹿者恆於未曙前即往

夙戒僕而奚從欣戴月而披星舍彼寬衣宜

茲短服荷長哨於左肩

以木爲哨鹿之具呦呦以鳴

出象首于右簾

象鹿之首人戴之則鹿不

疑躡嶒陟嶸沿谿穿谷攀蘿兮豈辭胼手履石兮何妨尪足蓋以暢

茲心神詎惟饜其口腹於焉蹴乎崔嵬軼彼參嵯上千丹楓之獻下

視白雲之隈上風餐切之避忌陽林晃耀則紆迴就叢薄之蔽翳反

懶裘而毳毳衆條理焉畢會乃得傑雄之爭匹者呦踉蹌而徐來角

八叉兮疑疑耳雙聳兮濕濕挺強項兮莫攫羸靈鼻兮善轂始赫侶

兮自閑乃妬異兮矜急既縱縱兮疾赴復驚驚兮少戢蓋屢試兮絕

猜遂銳志兮直入爾其動林無形匪風有響適其將至撇爾懼往奮

角思觸瀏睨爭長則在夫能哨者善達變以隨機比用中而執兩或

激其怒兮使進或示以弱兮令放惟察情之喜怒乃應聲而低仰蓋

用心于既專斯通靈而不爽既然矣無動無慮不徐不遽騫羸合之

前陳陡應叱而少住屏營收息量卑揣高傍斗窺星

鎬上施星斗所以審高低

分以毫審度發機馥焉中膏命處擇肥登于大庖若夫多疑旁剔既進中止膽劣心狷狐猜狼視未交戰而長跳毆叢樾而如駛則亦比之窮寇之莫追又何必焚林而盡取哉蓋嘗研精哨鹿之理而知五德焉取一以新匪二以類仁也逆者斃之去者寘之義也爰登蓋蓋爰嘏福履禮也招之即至獲之即遂智也呼哨以進射宿凜訓信也如是者蓋有合於聖人之洪道而又豈潘岳耽盤流遁之所誠相如子虛上林之所嘲也哉

後哨鹿賦 癸酉

或問哨鹿之時之法之義蓋已蘊賅前賦矣若夫冒凜冽之霜晨衝蒙翳之林薄踐岵嶇之巉峰涉沮洳之幽壑十哨未必一來十來未必一獲獲乃心忻失斯興索多見其勞鮮聞其樂則何不張堂堂之圍按徐徐之度收籍籍之富免皇皇之譁而故爲是寒征而曉作者

何哉曰吁是何言耶是何言耶見土障葛燈而嗤爲已過者非忘其先也耶逸則淫而勞則思季氏之婦猶聞之固可弛其惕乾耶或曰惕乾者蓋不若是矣意者慎大寶居法宮屏九御接三公劭農政熙天工豈謂當即鹿於隍中耶曰子知其一未知其二坐吾語汝賦以見志若夫高談堯舜深處廟廊文恬武嬉內弱外強孰不喜夫逸體而庸詎知其頹綱也哉且也身歷其難者告之以人之難而知而不知人之餒者方謂何不食肉糜也是以神區天關後法

先垂詰戒習衆謹度節時圍以示正哨以出奇得之艱者趣斯永躬其勞者樂亦隨蓋理境之當窮可絜矩而深思也於是秋本蕭辰塞尤淒所宵風定兮林靜曉月上兮山岨儻儻者妬羣俟俟者攜侶遵彼躑躅之蹊如或殷殷而佇吹長哨以通情似應聲而答語去亦弗追來亦弗拒則有強者捍捩弱者趨起猜者飄瞥怯者踟躕慷慨者併性眠眚者模糊雖人情之萬態亦奚有以異諸緣轆物來獲一勝

百其來也亦惟去之是慮其獲也夫何失之足惜去與來固難期之儻然失與獲亦無定之屢易吾因以參如幻於現前愛景光而爲適也爾其問夜宵衣據鞍策馬萬帳燈明七萃聲寡是則始出營而覽離奇晃耀之狀也若夫炬影漸遠夜色猶暝峰嶺纔分林樹未形乍如夢遊玉樓十二仙人京乃其曉蟾初吐或半或圓隔葉瀟露度水翻瀾又如虹橋可躡徑欲造廣寒高山出雲雲去山在變幻頃刻步移觀改則何異夫黃山之海赤烏扶桑霧斂氛開玫瑰鞞鞞熊熊回回又奚數其初陽之臺于焉入深樾凌崇巒密容單騎疎見線天千年落葉鱗滅谷填色作黃金風吹不翻臭如沈水履若薊藎徬徊乎靜真乎忽訝夫身入布地之園而伊尼之羣方且左右前後與人周旋失兮獲兮勞兮樂兮率已相忘於無何有之禪矣問者茫然不知所謂慙懼踟躕唯唯而退

御製詩

哨鹿 丁卯

呦鹿鳴深秋虞人哨致之格物有會心祇緣聲應隨哨鹿古未聞差
如鶴雉媒深澗一聲鳴麋麋爭長來曉起登崇山山下止頓所萬燈
如列星秋池浸天宇即鹿以類招偶一試其技鹿來固欣然鹿去亦
可喜

哨鹿 己巳

曉蟾駐魄碧光流哨鹿時惟八月秋邃谷試呼來得得虞人真解鹿
呦呦耽盤媒翳啗剛挂闌放綸竿任釣舟朱鳥旋升開曉色塞中隨
意作清遊

哨鹿十韻 壬申

凌曉出帷城羽林簇隊行歷登千障迴俯視萬燈明宿處踪將遠虞
人技各呈扈隨留次第哨鹿之法貴減從無聲故隨從之人以次而留翳伏展長聲纔辨林
分色俄聞鹿答鳴最嫌心卜急要在氣和平強弱微窺勢去來仍體

情從禽非浪漫付物有權衡連獲何須詡偶空亦豈怍豪遊真絕勝

一覽衆嵐清

哨鹿 己卯

白露雖已過

二三十年前鹿鳴以白露前後為候今率以秋分前後為候蓋天道自南而北氣漸暄暖云 氣暄

鹿鳴遲

天道自南北一端此可譬山莊過中秋應候叻聲試哨必有定所松

巖特佳地

扎克丹鄂佛洛漢語即松巖也蓋宜哨之處亦不多得松巖其一也 披星出御營霜坂跋輕

騎一暢尋樂懷一寓習勞意

習勞以身先與衆無不同仄徑步劣窮短衣披蒙茸叢薄影白月絕

壁下隋風低語學銜枚銳進擬襲攻回頭語額駙去歲追賊蹤

去歲固倫

額駙色布騰巴爾殊爾隨將軍兆惠追噶爾哨鹿天甫黎明正同襲賊之候隴查地方以力戰受傷命回京茲隨哨鹿天甫黎明正同襲賊之候

馬上詢 誠不負教養讀書曾深宮

深宮寧不逸塞野有底好繩

武貴弗忘是中有要道晏起在所戒冒冷天將曉減從四五人攀陟窮峰嶮八又忽作聲餐切羊腸繞一鎗立斃之今日機緣巧

緣巧所恆逢未勞實鮮味園中馳逐之鹿其肉勞而無味鎗斃者乃新鮮味佳也取佳進

慈寧高擊馳飛騎所餘命剝割野食頒衆暨人擅屠垣工斤斧髀髀試芒双固不缺是謂善乘勢陡然憶西師捷音尙待至

哨鹿六韻

聯步披蔥蒨以人皆單行防作響隨聲也鹿聲入翠微巴顏真富地巴顏木墩者富岡之謂也

傳聞十二鹿於此故錫是名岱爾正爭妃蒙古謂壯鹿為岱爾其來也為爭其妃也命處端星

的鳥鎗之尾有星首有斗所以審的命中也屏營發火機橫陳成振落跳去那騰飛玉

馬欣然返明駝載以歸南山豐大特較此遜祥輝

行營

乾隆二十年定

駐蹕大營內方外圓度地縱二十丈六尺橫十七丈四尺建黃幔城

外加網城結繩爲之黃色貫之以網高六尺濶八尺凡百六十有六距幔城東西南各十八丈北十五丈設連帳百七十有五

爲內城啓旌門三門各建纛東鑲黃西正黃南正白各一纛以爲

之鑲黃鑲白鑲藍以紅緣鑲紅以白緣正黃正白正藍不加緣皆正幅銷金雲龍繆徑四尺八寸旂徑五寸杆長一丈四尺五

寸朱旄周建內城旗四十有一旗以黃緞爲之紅緣斜幅銷金雲龍繆徑寸二尺二旂徑三尺三寸

斜徑四尺杆長六尺七寸朱旄宿衛帳九距網城十有二丈爲外城設連帳二

百五十有四啓旌門四門各建纛東鑲白西鑲紅南正藍鑲藍

浹日遞建之北正紅周建外城旗六十東北鑲黃西北正黃東

南正白西南正紅各十有五旗繆徑三尺旂徑三尺餘如內城旗之制宿衛帳四外

城東旁設內閣六部都察院提督等衙門官帳或東面地狹則

設外城南距外城六十丈周設警蹕帳四十各建護軍旗一東

北鑲白西北鑲紅東南正藍西南鑲藍各十旗以緞爲之俱斜幅不施繪繆徑

一尺六寸旂徑一尺七寸斜徑二尺三寸杆長五尺五寸朱旄惟正紅旗黑旄重門拱衛星廬環布黃

幔城正中

御幄在焉幄高二丈徑三丈四尺上爲穹蓋以攢竹杆百六十分撐之牆高五尺六寸門前後各高四尺六寸濶二尺三寸幄正中設

御座高一尺六寸五分縱三尺九寸五分橫五尺七寸五分幄內左右懸佩刀囊鞬烏鎗各一庭左右各設圓幄一高九尺五寸徑一丈五尺牆高四尺五寸座後長幄高七尺六寸縱一丈二尺橫八尺直櫟橫棟簷左右垂高五尺四方啓門後達帳殿橫列三楹高一丈一尺縱一丈三尺橫三尺額曰四宜居東西室皆啓窗更後爲圓幄三幔城外左右連帳茶膳儲待各庀其事

停蹕頓營外設黃幔城門南向如大營內城之制黃幔城中設圓幄一縱橫各一丈六尺牆高四尺門高三尺七寸濶二尺三寸前後左右共設帳房八架凡看城之制與頓營同

聖祖御製詩

賦得帳殿鬱崔嵬

四集

茂林葉未黃賓鴈始成行後隊分山出前旌越嶺揚鹿鳴秋草盛人
喜菊花香日暮帷宮近風高暑氣藏

其二

清露知時轉纖雲卻暑回豫遊臨石磴雜沓過河隈潭靜魚吹沫林
疎鹿印苔秋成良可賦爲此共徘徊

御製詩

御行營作

乙丑

行宮行盡御行營蒼莽秋原駐蹕清獨據地中巍廣殿忽從天上落
層城馬尋坡草羣連絆人覓羶廬各認旌依舊巡邊前歲景吟髭饒
得幾多莖

行營

丁卯

峻嶺天城野甸寬，帳廬帳殿鬱龍蟠。
千軍牧圉如星拱，萬幕旌旗入畫看。
行漏遠過記里鼓，挈壺傑豎相風竿。
省方脩武欽

先制創守還思孰易難

羶廬

不陋非奢慶有那，移行惟藉一封駝。
年華就裏常如舊，詩思於中強半多。
金盞篆紋垂燄穗，紙窗月影裊烟蘿。
每參性理消清暇，即境還同安樂窩。

行營 己巳

曠甸御行營，蘭皋秋氣清。
細旂中建殿，連網外爲城。
部署明分張，

去聲

各部皆有行帳大書以別之

私廬各認旌，謹謹譁禁逸度歡樂驗，輿情野水人人汲。

青山面面迎年來，茲室裏爾許好詩成。

入幕今猶昨，塞簾樹與山牛車來晚市。

例許蒙古互市率驅牛馬以來

鈴索謹宵關

前鋒營掌卡路之事以鈴繫索爲界人不得私越

水號羊腸曲，峰凝螺黛彎。
雪鷹金捍臂，蒼

金玉環雲淡秋情迥天空塞景閒古來稱大漠此日是仙寰

羶廬 辛未

張拂常稱便止遷隨所如天臨萬象濶山入一牕虛罷獵支牀憩成
詩就燭書泉明先得句吾亦愛吾廬

御行營 壬申

蒐狩恰宜秋行營廣甸留答陽方審面計日又從頭萬帳星辰拱九
重規制伴習勞無示度匪爲晏安謀

羶廬 壬申

懷居何必尙金鋪息體凝神愜所須一室四隅常不改開山日日看
山殊

御行營六韻 甲戌

崔嵬帳殿鬱蘭坡星拱周遭萬幕羅豈限幅員分內外亦陳斥堠不
譙呵繹思厥度期無斃到處其居慶有那視膳

寢門欣一例勅幾午夜協中和掃除扎薩咸惟謹
蒙古四十九旗各
有扎薩克領其衆

警蹕金吾底用多長白吉林佳氣繞敢忘

天作烈文歌

檀廬疊舊作韻 乙亥

磧坂連韁圖者那輕馱拂室過明駝芋寧且喜三間足結構剛消半
刻多向野堦惟事剪艾倚巖窗得號延蘿年來飽識其中味鴈塞龍
沙風月窩

行檠疊舊作韻

豈無山月映松枝愛此熒熒檀室宜汲古時懷照若彼勅幾宵每慎
於茲惜陰常自評今昔喻法還因悟即離江硯宣毫當偶靜玉蟲綴
處發新思

檀廬 丁丑

居安青障入選勝白雲平不漏原勝平瓦匪雕那藉蒼蒼林禦風峭

綠野坐霜清逐日張還拂於何著繫情

駐行營 戊寅

今年獵場向拖東崖口外即行營駐曉涼羣已換旃冠背指離宮猶
驛路輕驄得得進圍界漸遠村莊多野趣四十八家率獵騎橐鞬供
役咸來赴牛牟馳圍滿谷中乳餅馬漣隨意酷厄魯驚歎有如是伊
犁較此難言富山莊幾日陪宴賞宮室衣冠非所諭古來北部輕南
朝今日歸新原勝故我聞此語心爲怡延美孰非

祖烈貽共縉紳士議兵革與介胄士談書詩以水投石昔所譬柄鑿
弗入其奚疑習勞繩

武益慙懇一家中外綿丕基

御行營 癸未

武帳詰戎師朝家典制垂方圓天地撰

凡行營外圍以列帳兩層其象圓內設以黃布幔城其象

方高廣棟梁規風雨以時蔽今明逐日移紙窗舒卷榻復此待吟詩

御行營 乙酉

萬幕拱黃城 千山繞御營 朝家修武備 藩部輸去聲衷誠 遠向郊蕪色
靜聞牧馬聲 羶廬亦棊几 復覺引吟情

羶廬 丁亥

茨階茅土漫相譽 張拂程途任所如 南北東西一行幄 秋冬春夏四
宜居底須防漏 偏稱瓦適可消閒 便展書拱護亦多單 布帳斯之未
覺獨安予

羶廬即景 己丑

收圍坐毳室 四字佈山雲 日御須臾掩 雨絲颯沓焚 筑琴增峽響 錦
繡隱峰紋 恰閱京中報 優霑益慰欣 京兆奏京師八月二十日自午
時起密雨徹夜二十一日復自
辰至亥細雨綿勻通計入
土五寸餘榮蓄極為霑潤

扈從守衛官兵

凡

駕幸木蘭嚮導大臣俱由

御前

乾清門隨往率嚮導官兵等掌除道清軌度地建營之事

欽派前鋒護軍統領率領營總三員隨扈

御用輜重參領二員護軍十五人司輜重參領三員護軍二十四人

領三旗纛參領一員護軍八人建幔城參領八員護軍八十人

頓營幔城參領二員護軍三十人司蒙古卡倫參領二員護軍

二十人卡倫參領四員護軍一百人守宿衛帳參領十九員護

軍百九十人司警蹕帳房參領八員護軍百四人護軍參領二

員護軍二十人司市參領二員護軍八人司刈草參領一員護

軍十五人三旗虎鎗營總領各二員虎鎗長七人副長九人虎

鎗兵百六十人學習虎鎗四十人凡

大駕行圍皆從各司其事

蒙古隨圍王公等

凡內扎薩克四十九旗王貝勒貝子公台吉塔布囊分三班

御前行走

乾清門行走之王公台吉額駙等分二班閑散行走之額駙分三班
喀爾喀四部及青海之王公台吉分四班皆隨圍木蘭其未分
班之厄魯特王公等聽其詣木蘭請

安喀爾喀四部未出痘王公等以莫爾根十人隨圍由定邊左副將
軍酌派舊例各王公等令於波羅河屯祇候迎

駕比年各蒙古瞻覲情切於喀喇河屯恭迎

聖駕隨至熱河恭祝

萬壽又乾隆十九年都爾伯特部來歸三十六年土爾扈特部來歸
各王公等每年分班於熱河朝覲後亦令隨圍木蘭與舊扎薩
克等

蒙古佈圍兵丁

喀爾沁翁牛特共一千人敖漢五十人巴林克什克騰共一百人科爾沁一百人合一千二百五十人凡圍場佈圍皆用之又喀喇沁隨圍鎗手十二人打鹿鎗手四十人哈瑪爾三十人喀喇沁翁牛特土默特嚮導一百人長鎗手一百六十人察哈爾厄魯特共派巴爾呼八十人總管二員皆以供圍場之役

蒙古進宴

凡

行圍木蘭蒙古卓索圖昭烏達二盟長

喀喇沁土默特二部盟所曰卓索圖翁牛特敖漢奈曼巴

林克什克騰阿魯科爾沁喀爾喀扎魯特八部盟所曰昭烏達例進

御宴舊凡公宴家宴數次

皇上命合爲一次以示體卹設蒙古包六座白駱駝十八鞍馬十八驢馬百六十二牛十八羊一百六十二酒八十一罈食品二十

七席布庫

國語相撲也

二十人什榜

蒙古樂名

九十人騎生駒二十人生

駒無定數呈技馬二百五十四匹先期

行在理藩院奏

聞蒙古諸部王公職名請

派一人進爵屆期武備院恭設所進蒙古包帳房於

行營門外列駝馬牛羊於道左

駕至理藩院官引蒙古王公台吉等跪迎

駕升帳殿寶座理藩院官引帳殿內應坐之蒙古王公等人列左右

坐餘分坐兩旁蒙古包

上進茶諸王公等興行一叩禮次

賜諸王公茶復叩飲畢坐

上進膳所司恭捧

御爵進爵者接爵恭進

御座前退復位跪一叩衆皆跪叩進爵者興復詣

御座前接爵退所司承

旨賜進爵者酒進爵者跪飲畢復叩首興復原坐處次

賜蒙古王公台吉等食侍衛等分遞酒各以次徧綽爾齊

蒙古謂胡笳奏曲人

人及什榜人以次入侑

上進膳畢獻茶陳相撲之戲次觀蒙古王公子弟騎生駒宴畢

上還行營諸王公台吉跪送如儀

御製詩

塞宴四事 庚辰

詐馬

詐馬爲蒙古舊俗今漢語俗所謂跑等者也然元人所云詐馬實咱馬之誤蒙古語謂掌食之人爲咱馬蓋呈馬戲之後則治筵以賜食耳所云只孫乃馬之毛色即今蒙古語所謂積蘇者

是亦屬魚魯茲扎薩克於進宴時擇名馬數百列二十里外結束鬃尾去羈韉馳用幼童皆取其輕捷致遠以鎗聲爲節遞施傳響則衆騎齊騁羈馱山谷騰躍爭先不踰晷刻而達掄其先至者三十六騎優賚有差所以柔遠人講武事也

名王詐馬存遺風獻筵備陳表敬恭廿里以外列駿驄置郵傳命聽發蹤宣教施銃星火紅連聲遞令頃刻通砰礚萬雷忽落空翻若驚鴻逸若龍雲屯颺歛倒呂洪旁唐閃霍復春容振陵駭谷躡阜寥平沙草軟淨瑤馱馱束尾縮其鬣輕方致速騎以童捷足獨出傑且雄選三十六惟良賊按第行賞務從豐只孫古俗想像中和樂還因寓詰戎

什榜

什榜蒙古樂名用以侑食今俗所謂十番或因此楊萬里詩有全番長笛橫腰鼓一曲春風出塞聲之句蓋樂曲名番本塞外

金定齋詩話 卷四十一 十一
語而傳譌耳其器則筳管箏瑟絃阮火不思之類將進酒輒於
筵前鞠脰奏之鼓喉而歌蘇羅赴節有太古之遺焉

平原擇向圓幕張酪酥乳酒湘黃羊名王捧觴起上壽較漢公卿禮

數詳渾撥四火不思曲長朔管如鞭吹鳴羽發徵氣內運叩角動商

響外披初奏君馬黃大海之水不可量曲首繼作善哉行無貳無虞

式穀友朋誰云朔漠無古樂絕勝鄭衛爲新聲我惟中外一家用聯

上下情亦不侈談有虞氏四裔之樂舞於庭

相撲

相撲之戲蒙古所最重筵宴時必陳之國朝亦以是練習健士
謂之布庫蒙古語謂之布克脫帽短襖兩兩相角以搏踣仆地
決勝負勝者勞以卮酒卮魯特則袒裼而撲雖蹶不釋必控首
屈肩至地乃爲勝彼嘉其壯賜之羊臠則拱臂探掬顧盼呿吞
聲若飲歡其舊俗如此因以示惠云

健兒揜袖短後衣席前相撲呈雄嬉押拖拗拉矜矜棋跽躡躡踞踞
且蹠乘間伺怠出以奇恧然躡蹠力不支勝者賜酒蹠飲之別有厄
魯均新附其撲法乃異舊部露身赤脚惟著袴撇捩踣空拳赴失
計忽仆伏地據騰跳翻作康王跨兩肩著地頭倒豎方得謂之決勝
負勝者揚揚得意實歡負者反求微覲顏宣傳典屬呼來前方肥羊
出廚盤長戴碩臞如舉山乙箸不設俾恣餐誰識不足君所言快哉
大嚼真壯觀豈對屠門空望懸跪振雙臂攫且搏右哆左噏直下咽
倏似長鯨吸百川意氣自若殊昂軒均令染指果腹便小哉食肥張
齊賢是蓋衛拉舊俗傳示恩獎勇一試旃食罷命前面詢焉弗茲食
者閱十年

據云準噶爾自喇嘛達爾扎構釁以來日就凋敝不得如此飲啖者十年於茲矣

教駢

教駢攻駒周禮雖載然後世僅知攻駒而不能教駢蒙古則熟
習其法謂之騎額爾敏達驛馬三歲以上曰達驛額爾敏則未

施鞍勒者也每歲扎薩克於所部驅生馬多羣至宴所散逸原野諸王公子弟雄傑者執長竿馳繫之加以羈鞵始則怒騁馱趨或豨突人立嘶齧雷殷馭者騰趕而上控掣自如須臾調良率得名馬

二歲為駒不勝鞍三歲為駢始堪教夏官庾人早失傳未若朔漠存古調扎薩獻宴必備觀分羣別色陳平原瓊廬賜食較撲罷按轡一

覽同名藩名藩子弟皆吉服上馬執竿好結束馭生馬者必馳騎逐之襯衣縮帶持尋丈

竿繫革絙其上以為控繫俗名套馬竿 歐來萬錦欵披前光采陸離紛奪目薄言駟者

有驕皇駢騏駼駟馭黃繫之維之取傑驚絀絆未及先跳梁齧草飲水本天性鞮鞞乍拘自覺病驚軼狂擲詎能無處之以暇堪力勝牽來蹀躞人爭騎騫跨那待羈縶施擢足軒立忽落地翻身騰騰捷于飛盡態極變不可狀驛突雄驅若翻浪毛龍逸虎旋就馴人有餘閒據馬上馳驟寧供耳目娛馱馱駮耳中掄諸憑閱考牧悟至理不

教而成事所無

於巴雅爾鄂爾袞溝蒙古王公等進宴即席得句

巴雅爾者蒙古語謂喜鄂爾袞則寬也昨歲于此地接將軍阿

桂攻克勒烏圍紅旗捷至因以此名之 丙申

歲歲寬溝備宴同爾每歲蒙古王公等備宴於此鄂嘉名增錫識成

功仍看列就九駝白重哀前例雖九白駝為蒙古最尊那忘飛來一騎

紅將士凱旋多扈蹕大金川成功將士阿桂留京辦事豐昇額係御前

前侍衛餘亦乾清門侍衛居多因其久著勞績欒命藩屏威仰問從

戎士蒙古王公見豐昇額等輒問番地險峻形勢及將筵前次第陳四

事塞宴四事為詐馬什榜相太古王庭溯舊風

宴賚蒙古

凡隨圍蒙古王公等在圍場隨時宴賚無定制

上行圍畢出哨後第一程東道於張三營西道於阿穆呼朗圖

欽定熱可志 卷四十一 圍場四 一四

賜蒙古王公以下及兵丁等食因以次

頒賞其

賞賚之典乾隆十二年定親王郡王賞上用蟒緞一疋大緞二疋彭

緞二疋貝勒貝子公賞官用蟒緞一疋大緞一疋官用緞二疋

額駙賞官用蟒緞一疋官用緞二疋扎薩克台吉塔布囊等賞

官用蟒緞一疋官用緞一疋兵丁等各賞白金布疋有差

頒賜既徧遣歸諸部落

御製詩

停蹕 癸巳

停蹕齊爾伯庫嶺野甸霜華如玉豔須臾東壁吐陽烏滄滄涼涼寒

始敵待圍武帳憩僕從聚衆晨餐觀健啗椎牛大享固無藉廚人齊

和聊親勘鹽梅指示頗得宜舊藩新部胥教饜即停蹕傳騰因賜餞

從近臣及隨圍蒙古王公并入覲之土爾扈特等朝餞射生炙肥成以羹膾雜烹作飯饜人調味親為指授劑和俾皆饜餞

往事向每於園中射得肥鹿卽燃松枝炙食並親餽以賜邇年弗
爲斯補欠聯情示惠有權宜欲普霑無向隅憾飢寒戚而飽暖怡因
之率可人情驗然茲小試實則易艱哉安得寰宇萬民同此被優贍

欽定熱河志卷四十九

疆域一

熱河全境舊設五廳中曰熱河廳西南曰喀喇河屯廳西北曰四旗廳東曰八溝廳又東曰塔子溝廳後析八溝廳北境爲烏蘭哈達廳析塔子溝廳東境爲三座塔廳是爲七廳其所轄則四旗廳專轄左翼察哈爾八溝塔子溝烏蘭哈達三座塔諸廳兼轄內扎薩克蒙古諸部各有分地

聖朝休養生息百數十餘年人民殷乂物產充盈我

皇上每歲秋狩經臨被潤澤而大豐美閭閻櫛比原隰沃衍學校旣興郡邑斯建陞熱河廳爲承德府餘廳改一州五縣屬焉府治本境如直隸州制塞上神臯蔚爲都會茲敘疆域首承德府次
灤平縣次豐寧縣以境內

行宮爲

巡御時駐蹕所故列平泉州前如各省府屬以縣先州也次平泉州以境眎他屬較廣也次赤峰以平泉析置也次建昌次朝陽以去府較遠也每屬村莊分系四境著其方位道里其以山水名者互見山水門繪全圖一府州縣圖七各系以說便省覽云志

疆域第六

承德府全圖說

承德府屬全境當古北口潘家口喜峰口外舊熱河道所轄熱河七廳地東西相距一千二百六十里南北境廣袤不一以平泉州赤峰縣統計相距八百十里自府治東至奉天錦州府錦縣邊門界七百五十里西至口北道屬獨石口廳界四百五十里南至順天府遵化州界一百五十里北至圍場界二百八里東南至永平府臨榆縣界五百八十里西南至順天府密雲縣北之古北口界一百九十里東北至錦州府廣寧縣邊門界一千十五里西北至口北道屬多倫諾爾廳界五百六十里統州一曰平泉縣五曰灤平曰豐寧曰赤峰曰建昌曰朝陽規其形勢則府境居中灤平豐寧拱其右平泉赤峰建昌朝陽環其左水源山脈來自西北由圍場入境東趨南下分道縈絡圖內畧爲標目以著其勝至古今同異援據考證則詳後建置沿革山水諸門云餘圖做此

金
文
考
示
身
四
十
九

二

承德府圖說

承德府舊熱河廳境也東南東北俱界平泉州西南界灤平縣西北界豐寧縣南界遵化州及永平府遷安縣邊外地北界豐寧熱河上承固都爾呼河茅溝河賽音河三水合而南流入灤河熱河西境爲避暑山莊東北境釣魚臺黃土坎北境張三營並建

行宮伊遜河從府西北境圍場入南行入豐寧縣界又西南經灤平縣界入灤河東流入府西南境至


山莊南北會熱河東南行又西會前白柴柳諸河東會老牛河東南流至門子哨入遷安縣界山則磬鍾羅漢天橋五指之秀拱于東風雲廣仁之勝環于西僧冠峰青松鳳凰諸嶺屏于南獅子嶺大黑山枕于北流峙鉅觀咸歸襟帶至于營哨星羅屯聚鱗次一州五縣左右拱翼披圖攬勝可得其槩焉

金定燕江記

卷四十一

三

灤平縣圖



1985

灤平縣圖說

灤平縣舊喀喇河屯廳境也在承德府西南隅東界府北界豐寧縣南界古北口西界獨石口縣治倚東隅當灤河北土泉上腴拱翼山莊密於咫尺歲當

巡轄經行出古北口首蒞茲邑自縣治以及巴克什營兩間房常山峪王家營

行宮相望山則雙塔山葦峪嶺常山峪青石梁駝峰星龕巖偏嶺十八盤嶺尤擅形勢水則灤河經流東北興州伊遜諸河入焉潮河白河環帶西南而湯河則會入白河餘若清水河及大柴峪馮家峪諸河發源縣之西南隅並著圖內承德府各屬惟府境與灤平不涉蒙古旗地而灤平西南接內地邊牆屬古北口獨石口汛兼轄爲較殊他州縣云

金定彙注

卷四十一

四

1988

豐寧縣圖說

豐寧縣舊四旗廳境也在承德府西北隅東界府南界灤平縣西界獨石口北界圍場察哈爾鑲白旗舊治土城子今爲縣治當全境南於東西爲中正藍旗治黃姑屯即波羅河屯居東鑲黃旗治大閣兒居西正白旗治郭家屯居北四旗壤界錯出山則鑲白旗屬之元寶山赫山白雲山五峰山正藍旗屬之筆架峰璫龍峰雲光洞苔山平頂山鑲黃旗屬之塔山湯山白雲洞十八盤嶺正白旗屬之喇嘛山大對山半壁山爲尤著水則灤河從縣境西北隅圍場入鑲黃旗北境東南流經正白旗境小灤河北來會而南行入鑲白旗境南流入灤平縣界其東則伊瑪圖川從縣境東北隅圍場入鑲白旗北境南流入正白旗境又南流入灤平縣界又東則伊遜河從縣境東北隅承德府境南入鑲白旗北境南流入正白旗境會伊瑪圖川又南流入灤平縣界又東則固都爾呼河亦從縣境東北隅承德府境入鑲

白旗北境南流仍入承德府界西則舍利塔拉川從正白旗西境發源東南流入鑲白旗境又南入灤平縣界又西則潮河湯河於鑲黃旗境發源南流入灤平縣界至鑲藍旗境之中關什巴爾台波羅河屯鑲白旗境之濟爾哈朗圖阿穆呼朗圖並建

行宮謹按次方位約繪于圖

平泉州圖說

平泉州舊八溝廳境也西界承德府東界建昌縣東北界朝陽縣州北境爲喀喇沁右翼地喀喇沁扎薩克公旗地在右翼中州治瀑河之源環焉北則猴山東則獅山映碧山又東則鳳凰嶺東南則瑤瓊山南則象山紅山又南則老姥山冷嶺其最著也老河發源于州北境喀喇沁屬之霍爾霍克山合諸水東北流納林崑都楞河東流會入焉又東會烏魯蘇台河東北流入朝陽縣界州北羣山合沓而和爾博勒津山崑都楞喀喇山哈喇蘇台山爲尤著南境接永平府遷安縣邊外地又南與喜峰口接圖中不繪邊牆專以本境界址爲限例也

赤峰縣圖說


赤峰縣舊烏蘭哈達廳境也東界建昌縣南界平泉州西界圍場北界烏珠穆秦克什克騰諸旗地縣全境爲翁牛特右翼地其北境之翁牛特左翼旗巴林旗務均隸縣轄赤峰縣因紅山得名山在縣治東他如北境大松山南境遮蓋山其較著者水則金英河發源圍場從西境入會錫爾哈錫伯卓索諸河東流出縣境入建昌縣界會於老河老河上流從平泉州東北隅入縣之東南隅折而東行入建昌縣界均析繪於圖自縣治至翁牛特右翼駐處一百二十里北至左翼駐處一百八十里又北至巴林旗北境五百里府屬疆域迤北境斯最遼闊矣

金
貨
素
行
元

身
四
十
九

十

建昌縣圖



建昌縣圖說

建昌縣舊塔子溝廳境也在承德府東南隅東界朝陽縣南界臨榆
遷安縣西界平泉州北界烏珠穆秦旗地縣屬南境爲喀喇沁左翼
地北境爲敖漢旗地中界平泉州地南北若相望然縣治當喀喇沁
左翼中偏北境大凌河三源並發會而東流入朝陽縣界青龍河當
南境之西流入遷安縣蒐濟河當南境之東流入寧遠縣山則月華
瑞雲之屬最著而布古圖之爲白狼山大凌河之爲白狼水尤可援
今以辨古即見以徵聞北境則老河會金英河東流而玉瀑名泉仰
邀

天藻品題地靈增勝敖漢管兵務旗務王子介居老河南北岸其貝
子則析居東境巴奚里河南不分左右翼統曰敖漢旗云

朝陽縣圖說

朝陽縣舊三座塔廳境也在承德府東北隅東接九關臺門界錦州府義州諸境西界平泉州南界建昌縣北界科爾沁縣屬東北境爲土默特左翼地西北境爲土默特右翼地又北境爲奈曼旗地又東北境兼轄喀爾喀庫倫兩旗地水則大凌河經流其南金英河會入老河經流其北圖爾根河南北二水同名均入大凌河凡諸河發源之山暨槐柏雲蒙著名諸山咸列圖內而鳳凰山之爲古龍山尤足與龍城狼水諸遺蹟相發明並彙列之爲建置沿革山水諸門考證之緣起焉

欽定熱河志卷五十

疆域二

承德府

即熱河廳

乾隆四十三年陞熱河廳為承德府即廳境為府境如直隸州制東西相距一百三十三里南北相距自尖帽山至中關二百八里北踰豐寧縣境一百十三里又入府境坡賴村至石片子四十里實隸府本境共二百五十八里自府治東至楊樹溝梁接平泉州界一百二十里西至廣仁嶺頂接灤平縣界十三里南至尖帽山接順天府遵化州界一百五十八里北至中關接豐寧縣界六十里又北至石片子接圍場界三百二十三里

內自中關北至波賴村南一百十三里為豐寧縣境東南至門子哨之北接永平府遷安縣界一百六十里西南至石門子接灤平縣界四十里東北至東三十家子接平泉州界一百四十里西北至唐三營西接豐寧縣界二百四里境屬村莊詳載於後

河東 自府治東南至此七里熱河

行宮之東羅漢峰磬鍾峰在其北

紅石巒溝 在河東又東五里

水泉子 在紅石巒溝東北七里

平臺 在水泉子東五里

紅石巒梁 在平臺東北五里

偏嶺 在府治東南十三里

下營子 在偏嶺南稍西五里

野豬圈 在下營子東南六里

紅水溜 在野豬圈南五里

五指山 在紅水溜東十里

蔓子溝 在五指山東南十二里

右承德府東迤南境屬左哨汛管轄

鷹手房 在紅石巒梁東六里

小三岔口 在鷹手房東四里設小三岔口汛

澇泥窪 在小三岔口東十里

黃土梁 在澇泥窪東三里

大三岔口 在黃土梁東十二里設大三岔口汛

東黃土梁 在大三岔口東三里

應家嶂子 在東黃土梁東三里

二溝 在應家嶂子北五里治東七十里設二溝汛

黃家嶂子 在二溝西十里

黑山溝 在黃家嶂子東北三里

雙廟 在黑山溝東北五里

黑山梁 在雙廟東北三里

大岔溝 在黑山梁東南十里

三舖坑 在大岔溝北十二里

大建廠溝 在三舖坑東北六里

柳筒子溝 在大建廠溝南二十二里

龐家嶂子 在柳筒子溝南八里

山神廟 在龐家嶂子東南十里

八家兒 在山神廟東北十里

正東溝 在八家兒東南二十里中踰老牛河東接平泉州界

三溝營 在正東溝西南六十里中踰老牛河

孤山子 在三溝營東南八里

四溝 在孤山子南十二里

南嶂子 在三溝營西南三里

興隆山 在南嶂子北二十里

唐家嶂子 在興隆山西十里

張家營 在唐家嶂子西八里

郭家嶂子 在張家營西十二里

三岔口 在郭家嶂子西十五里

喬家嶂子 在三岔口東南七里

右承德府東境屬二溝汛轄

五溝 在四溝西三里中踰老牛河

五溝山嘴 在五溝西三里

孤山子 在五溝山嘴西南七里

馬圈子 在孤山子西南八里

後帽盛石 在馬圈子東五里

前帽盛石 在後帽盛石南十里

筆架山 在前帽盛石東十五里

六溝店 在五溝東南三里中踰老牛河

六溝 在六溝店西南二里府治東九十里設中六溝汛

閻家溝 在六溝店東八里

楊樹溝 在閻家溝東南十二里設楊樹溝汛

楊樹溝梁 在楊樹溝東五里東接平泉州界

後旗杆溝 在六溝店東南五里

前旗杆溝 在後旗杆溝南八里

後榆樹溝 在前旗杆溝南七里

前榆樹溝 在後榆樹溝南二十里

黑老圖店 在前榆樹溝東北二十里東接平泉州界

郭家嶂子 在前榆樹溝東南十二里東接平泉州界

白馬川 在郭家嶂子南四里東南有敵樓山

黃家嶂子 在白馬川南五里

右承德府最東迤南境屬中六溝汛轄

水泉溝 在府治西二里

甕泉溝 在水泉溝西北三里

高廟 在甕泉溝西南一里

喇嘛廟 在高廟西三里

廣仁嶺 在喇嘛廟西稍南四里西接灤平縣界

石洞子溝 在府治南八里

二道河 在石洞子溝東十二里

山神廟 在二道河南二里東南境爲熱河會入灤河處

僧冠峰 在山神廟西三里

礮神廟 在山神廟西南五里南有灤河

一撮毛溝 在礮神廟西五里南有灤河

平房溝 在一撮毛溝西北五里

桃園 在平房溝西七里

右承德府西迤南境屬右哨汛轄

馮家營 在礮神廟西南四里中踰灤河

黃土梁 在馮家營南三里

茶棚 在馮家營西一里

磚瓦窰 在茶棚西六里

三道灣 在磚瓦窰南二里

秋窩 在三道灣西三里

小柵子 在秋窩西五里

石門子 在小柵子西南五里西接灤平縣界

青松嶺 在三道灣東八里

鷹手營 在青松嶺東南二里

澇窪 在鷹手營東南七里

新嶂子 在澇窪南八里南有前白河設新嶂子汛

柴河口 在新嶂子南五里中踰前白河爲柴河會入前白河處

哈喇垓溝 在柴河口西十里

鞍匠屯下旗 在哈喇垓溝北十里

鞍匠屯上旗 在鞍匠屯下旗西七里

兩間房 在鞍匠屯上旗西五里

大店子 在兩間房南五里

一間房 在大店子西北十里

湯頭溝 在一間房南十五里

小白旗 在湯頭溝西五里

黑溝梁 在小白旗西十里

大股道 在小白旗西十里

三岔口 在大股道西十里

莊窠峪 在三岔口西南十五里

東黃土梁 在柴河口南五里

夾馬石 在東黃土梁西十里

西黃土梁 在夾馬石東南十里

劉家嶂子 在西黃土梁西七里

窟窿塘 在劉家嶂子西十五里

荊廠 在窟窿塘南十里

山神廟 在荊廠西北五里

板谷嶺 在山神廟南十五里西南接遵化州邊外界

右承德府南境屬下板城汛轄

前磚瓦窰 在青松嶺東五里

西大廟 在前磚瓦窰東南五里

西窰 在西大廟東六里

上板城 在西窰東五里

北窩舖 在上板城南五里

白河口 在北窩舖東南十里爲前白河會入灤河處

四道河 在西大廟南十里中踰前白河

黃旗灣 在四道河西北八里

黃家疋子 在黃旗灣東南十五里

老虎溝 在上板城東二十里中踰灤河

鯽魚坑 在老虎溝東八里

下板城 在鯽魚坑東南六里中踰老牛河在府治東南八十里設

下板城汛

鐵虎山 在下板城西三里中踰灤河

桑園 在鐵虎山東南十五里

柳河口 在桑園東十里爲柳河會入灤河處

楊樹林 在下板城東三里

李家溝 在楊樹林東三里

狼窩兒 在李家溝北三里

吳家廠 在狼窩兒東南八里

菩薩廟 在吳家廠東六里接平泉州界

右承德府東境亦屬下板城汛轄

噶察口 在柳河口東北五里中踰灤河

門子哨 在噶察口東六里東接遷安縣界

三塊石 在門子哨南十里

黃花川口 在三塊石北十五里爲黃花川會入灤河處

車河大嶂子 在柳河口西南八里

高家嶂子 在車河大嶂子西十五里

車窩舖 在高家嶂子西南五里

右承德府最東南境其南接遵化州潘家口邊牆界屬潘家

口汛兼轄

蜂蜜坑 在劉家嶂子南三十五里

尖帽山 在蜂蜜坑東五里

大廟 在尖帽山西二里

右承德府最南境其南接遼化州大安口邊牆界屬大安口

汛兼轄

獅子溝 在府治北八里

風雲嶺 在獅子溝西北九里

二道河 在獅子溝東北五里

三道河 在二道河北五里

釣魚臺 在三道河東北四里有

行宮

雙峰寺 在釣魚臺東一里

小雙峰寺 在雙峰寺東三里

碾子溝 在小雙峰寺北七里

北店子 在碾子溝北東三里

黃土坎 在北店子西七里

行宮

石洞子 在黃土坎東北四里

鄂郭蘇臺 在石洞子西北五里其西北八里接豐寧縣中關界

馬家營 在鄂郭蘇臺西五里

王家營 在馬家營西五里

三岔口 在鄂郭蘇臺南七里

麻菰營 在三岔口南八里

頭塊地 在鄂郭蘇臺東三里

二塊地 在頭塊地東三里

三塊地 在二塊地東五里

頭溝 在三塊地南五里

狼崽子溝 在頭溝東七里

小岔溝 在狼崽子溝東北十里

頭道河 在小岔溝東北五里

湯泉溝 在頭道河北十里

小孤山 在湯泉溝北八里

大孤山 在小孤山東北三里

解木匠溝 在大孤山東北六里東接平泉州界

右承德府北迤東境屬中關汛轄

坡賴村 自府治北至中關踰豐寧縣界至此一百七十三里

張三營 爲張三營巡檢司治在坡賴村北七里有

行宮

西黑溝 在張三營西三里

水泉溝 在西黑溝南三里

管家營 在張三營北八里西境有大黑山

唐三營 在管家營北七里府治北一百九十里設唐三營汛

大喀喇沁溝 在唐三營東三里

小喀喇沁溝 在大喀喇沁溝南五里

臺溝 在小喀喇沁溝東南五里

東楊樹溝 在唐三營東北十五里

西楊樹溝 在東楊樹溝西南十九里

馬家溝 在西楊樹溝北八里

松子溝 在馬家溝北一里

亮子溝 在松子溝北一里

石片子 在亮子溝東北六里北接圍場界

大黑溝 在唐三營東北五里

小黑溝 在大黑溝北五里

河南營 在小黑溝東北五里

小柳條溝 在河南營東五里

孫家營 在小柳條溝東北七里

大柳條溝 在孫家營東北十二里

即墨溝 在大柳條溝東北七里

山西營 在即墨溝東北五里

羊圈溝 在山西營東北六里

普陀溝 在羊圈溝東北七里

盤道梁 在普陀溝東北五里北接圍場界

右自中關北踰豐寧縣界爲承德府最北境屬唐三營汛轄

臭水坑 在府治東北八十里

鄭家嶂子 在臭水坑北六里

鷹手營 在鄭家嶂子北十二里中踰茅溝河

兩家兒 在鷹手營北八里

龐家溝 在兩家兒北四里

茅溝 在龐家溝東十里府治東北一百二十里設茅溝汛

西三十家子 在茅溝汛東二里

橫道梁 在西三十家子南十二里

窰溝 在橫道梁南六里

牛圈溝 在窰溝東北五里

東三十家子 在牛圈子溝西北八里東有賽音河

穿心洞 在東三十家子南二十里

短鞭溝 在穿心洞東南四里

葫蘆溝 在短鞭溝西四里

兩舖坑 在西三十家子北十二里

楊樹溝 在兩舖坑東北八里東北接赤峰縣界

右承德府最東北境屬茅溝汛轄

欽定熱河志卷五十

欽定熱河志卷五十一

疆域三

灤平縣 即喀喇河屯廳

灤平縣境東西距四百四十五里南北距二百六十八里自縣治東迤南至石門子接承德府界四十里西至大曬樹溝接獨石口廳界四百五里南至古北口接順天府密雲縣界一百三十八里北至老千溝接豐寧縣界一百三十里西南至大柴峪口接獨石口廳界四百十里東北至金廠接承德府及豐寧縣界六十里西北至西石灰窰接豐寧縣界二百七十里自縣治至熱河

行宮四十里縣屬村莊詳載於後

喀喇河屯 爲灤平縣治灤河經流其東北有

行宮東北至廣仁嶺頂三十二里接承德府界

樺榆溝 在縣治東南十五里

釣魚臺 在樺榆溝東南三里

大柵子 在釣魚臺東南八里

小樺榆溝 在大柵子東南八里

石門子 在小樺榆溝東南六里接承德府界

右灤平縣東迤南境

馮家營 在縣治北稍西五里

四泉莊 在馮家營西五里

三道灣 在四泉莊西北十五里

應家營 在縣治北十里

雙塔子 在應家營東北二里其西有雙塔山

大三岔口 在雙塔子東十里

單塔子 在大三岔口東七里伊遜河經流其西入灤河

小三岔口 在單塔子東十三里

小營子 在小三岔口西北二十里

金廠 在小營子東北八里

右灤平縣北迤東境

八里莊 在縣治西八里

葦子峪 在八里莊西七里其西境有葦峪嶺

小黃土梁 在縣治西稍南十八里

藍旗梁 在小黃土梁西北八里

七間房 在小黃土梁西二十二里

右灤平縣西境以上俱屬喀喇河屯汛轄

傅家營 在縣治南十二里

紅石巒 在縣治南稍西二十二里

王家營 在紅石巒西南六里有

行宮

羊草溝 在七間房南十七里

靳家溝 在羊草溝南五里

三道梁 在靳家溝南十里

楊樹底 在三道梁南三里

蕨菜溝 在楊樹底西南五里

鞍子嶺 在蕨菜溝西南四里

常山峪 在鞍子嶺南八里有

行宮

朝陽洞 在常山峪西十里

黃土梁 在朝陽洞南十二里

馬圈子 在黃土梁西南十里在縣治西南八十里設馬圈子汛

青石梁 在馬圈子西南三里

曬樹溝 在青石梁西南八里

右灤平縣南境屬馬圈子汛轄

三間房 在曬樹溝西十里在縣治西南九十五里

兩間房 在三間房西南五里有

行宮

一間房 在兩間房西南三里

侯家營 在一間房西南六里

古城川 在侯家營西十二里

狼窩 在古城川西南六里

西葦子峪 在狼窩西八里南接密雲縣古北口邊牆界

花樓子溝 在西葦子峪西六里在縣治西南一百十八里

巴克什營 在花樓子溝西南十二里有

行宮

山神廟 在巴克什營西六里

對山 在山神廟西十八里南接密雲縣古北口邊牆界

北店子 在對山西二十二里在縣治西南一百里

猴山 在北店子西二十里

殷家營 在猴山西十里

戴家營 在殷家營西十二里

高家營 在戴家營西十五里西有馮家峪馮家峪河發源其南

司家營 在高家營西十里

涼水泉 在司家營西十五里

火石嶺 在涼水泉西二十二里

火石溝 在火石嶺西十里南接密雲縣白馬關邊牆界

右灤平縣西南境自三間房至西葦子峪屬古北口司馬臺

汎兼轄自花樓子溝至對山屬古北口潮河川汎兼轄自北

店子至火石溝屬白馬關汎兼轄

張博灣 在七間房西十里在縣治西六十里

喇嘛洞 在張博灣西十里在縣治西七十里設喇嘛洞汛

三岔口 在喇嘛洞西三里

王家溝 在三岔口西南十里

小城子 在王家溝西五里

興州 在小城子北三里興州河經流其東

北兩間房 在興州西北五里興州河經流其東

西石門子 在北兩間房西十里

北楊樹底 在西石門子西北八里

老千溝 在北楊樹底西北十二里北接豐寧縣界

韭菜溝 在張博灣西北十里

金鈞屯 在韭菜溝北十里

灤河沿 在金鈞屯北十里

斗溝 在灤河沿北二十里

橋頭 在韭菜溝東北十二里灤河經流其北

錫喇諾海 在橋頭北十四里

長嶺 在灤河沿東十里

白旗 在長嶺北五里

紅旗 在白旗南十里

星龕巖 在紅旗南五里灤河經流其北

喀卜齊爾 在星龕巖東北五里

三家兒 在喀卜齊爾北十里

右灤平縣西迤北境屬喇嘛洞汛轄

鞍匠屯 在王家營西二十里在縣治西九十里有巡檢司治

後偏嶺 在鞍匠屯西南十里

吳家柵 在後偏嶺西南八里

噶海溝 在吳家柵西十里

西釣魚臺 在噶海溝南八里

三岔口 在西釣魚臺西南十里

太平莊 在三岔口南六里

大店子 在太平莊西二十里在縣治西一百十里設大店子汛

大十八盤 在大店子西南十里

小十八盤 在大十八盤西南四里

前偏嶺 在小十八盤西十里

鷓鴣溝 在前偏嶺西十五里

項家柵 在鷓鴣溝西五里在縣治西一百二十五里

小白旗 在項家柵西北十里

三道河 在小白旗西南十五里

四道河 在三道河西五里

五道河 在四道河西六里

六道河 在五道河西五里

七道河 在六道河西南八里

呼什哈 在七道河西南十里在縣治西一百五十里設呼什哈汛

潮河經流其東

白旗 在呼什哈西四十里

西三岔口 在白旗西十里

龍潭 在西三岔口北二十里

孟家營 在龍潭西十里

右灤平縣西境自鞍匠屯至鷓鴣溝屬大店子汛管轄自項

家柵至孟家營屬呼什哈汛轄

東石灰窰 在孟家營西三十里在縣治西二百六十里

西石灰窰 在東石灰窰西十里湯河經流其東

碓臼溝 在西石灰窰南十里潮河經流其東

八道河 在七道河西五里

龍潭溝 在八道河西十里

喇叭溝 在龍潭溝西四十五里

湯河口 在喇叭溝西二十里

石門坑 在湯河口西十里

長哨子 在石門坑西南六里

石洞溝 在長哨子西南五里

黃石堂 在石洞溝西二十里

馬圈子 在黃石堂西南十里

鴿子堂 在馬圈子西南十五里湯河經流其東

寶山寺 在鴿子堂南二十里

鞍子嶺 在寶山寺南十里鞍子嶺河發源其南東倚白河

廟兒梁 在鞍子嶺西北三十里湯河經流其西

琉璃廟 在廟兒梁西十里

老公營 在琉璃廟西南十里西倚白河

巴普堂 在老公營西南十八里

大柴峪 在巴普堂西南三十里大柴峪河發源於此東流入白河

有大柴峪汛

道溝峪 在大柴峪西十里

鰲魚溝 在道溝峪西南二十里

椴樹嶺 在鰲魚溝東十里潮河經流其西

大黑驢子溝 在椴樹嶺西北十里

七里岔 在大黑驢子溝西十五里

四海野 在七里岔西五里

拜連口 在四海野西北十里

交汛河 在丹連口北十里

五道梁 在交汛河北五里

轉山子 在五道梁西南十里

插箭嶺 在轉山子西南十二里潮河經流其西

大曬樹溝 在插箭嶺西北二十里

右灤平縣最西境南接密雲縣大柴峪口邊牆界屬大柴峪

汛兼轄

欽定熱河志卷五十二

疆域四

豐寧縣

即四旗廳

豐寧縣治在土城子爲鑲白旗察哈爾地東正藍旗北正白旗西鑲黃旗東西距五百二十里南北距二百二十里縣治東至正藍旗荒地接承德府界二百五十里西至鑲黃旗十八盤嶺接口北道屬獨石口廳界二百七十里南至鑲白旗博羅梁接灤平縣界六十里北至正白旗半壁山接圍場界一百六十里東南至正藍旗中關接承德府界一百八十里西南至鑲黃旗大草坪梁接獨石口廳及灤平縣界二百八十里東北至正藍旗官家廠接圍場界二百八十里西北至鑲黃旗僧機圖嶺接口北道屬多倫諾爾廳界三百二十里自縣治至熱河

行宮一百八十里縣屬村莊詳載於後

土城子 爲豐寧縣治及土城子巡檢司治

縣屬鑲白旗地以土城子爲中東西距九十里南北距六十八里東至北店子接正白旗界三十里西至鐵家伙梁接鑲黃旗界六十里南至波羅梁接灤平縣界六十里北至千佛寺接正白旗界八里東南至興隆莊接灤平縣界五十里西南至官兒嶺接鑲黃旗界二十里東北至北什巴爾台接圍場界一百五十里西北至豬首營接正白旗界十五里

元寶山溝 在縣治東六里東南有元寶山

頭道營 在元寶山溝東四里

北店子 在頭道營東二十里東接正白旗界灤河經流其北以上爲鑲白旗東境

周家營 在北店子東南十五里中踰灤河

太平莊 在周家營南二里

興隆莊 在太平莊南三里南接灤平縣界以上爲鑲白旗東南境
鞍口 在縣治南十二里

孤房兒 在鞍口南十三里

哨虎營 在孤房兒南十五里

波羅梁 在哨虎營東南二十里設波羅梁汛南接灤平縣界以上
爲鑲白旗南境

白家營 在縣治西三里

門家營 在白家營西南十七里

新莊兒 在門家營西八里

安家營 在新莊兒西北十二里西即鐵家伙梁接鑲黃旗界以上
爲鑲白旗西境

沙智營 在縣治西北十里

豬首營 在沙智營北五里北接正白旗界以上爲鑲白旗北境

少府營 在土城子東三十里至北店子東入正白旗界又東七十里至此復爲鑲白旗境

和尚營 在少府營北十四里西南有五峰山

台吉營 在和尙營西五里

八檔營 在和尙營北六里西北境有白雲山

宰桑牛象 在八檔營北二十里伊瑪圖川經流其東

濟爾哈朗圖 在宰桑牛象西北五里有

行宮

喇嘛柵 在宰桑牛象北十里

白虎溝 在喇嘛柵北十里設白虎溝汛

高麗營 在白虎溝西北十五里

柳條溝 在高麗營北十五里

步步溝 在柳條溝北十里

阿穆呼朗圖 在步步溝西五里有

行宮

阿拉超爾營 在步步溝西北十二里

蘇魯克 在阿拉超爾營北十二里

北什巴爾台 在蘇魯克北六里北即伊瑪圖口接圍場界伊瑪圖川從此入口南行至宰桑牛彖俱伊瑪圖川經流處以上爲鑲白旗東北境

右察哈爾鑲白旗地

黃姑屯 爲黃姑屯巡檢司治在縣治西一百二十里即波羅河屯有

行宮 縣屬正藍旗地以黃姑屯爲中東西距二百里南北距七十里東至官家營接承德府界八十里西至沙石堆接正白旗界一百二十里南至冷水頭接灤平縣界三十里北至坡賴村接承德府

界四十八里東南至中關接承德府界六十里西南至諾海營接正
白旗界五十里東北至官家廠接圍場界一百四十里西北至孫家
營接鑲白旗界一百二十里

伊遜河溝 在黃姑屯東稍北十里東北有筆架峰

噶岱溝 在伊遜河溝東四十五里

官家營 在噶岱溝東稍北二十五里以上爲正藍旗東境

什巴爾台 在黃姑屯東南二十里有

行宮

韓麻營 在什巴爾台東南十里有韓麻營汛

麻花營 在韓麻營南十里

石洞子 在麻花營西南十里西有雲光洞

中關 在麻花營南二十里有

行宮南有固都爾呼達巴罕又東踰固都爾呼河有興隆山玲瓏峰

其南接承德府界以上爲正藍旗東南境

順德溝 在黃姑屯南稍東十里

金廠梁 在順德溝南稍東二十里

赤土梁 在黃姑屯南十里

冷水頭 在赤土梁南二十里以上爲正藍旗南境

諾海營 在黃姑屯西南五里爲正藍旗西南境

藍旗營 在黃姑屯西十二里即入正白旗頭道營界又西八里爲

鑲白旗少府營界又稍北五里至此復爲正藍旗界

趙小廝溝 在藍旗營北又入鑲白旗之和尙營界至白虎溝復西

共八十五里至此復爲鑲藍旗界

沙石堆 在趙小廝溝西北二十里西接正白旗界以上爲正藍旗

西北境

苗道營 在黃姑屯西北二十二里其西有苔山

靠山營 在苗道營西北二十五里

平頂山 在靠山營西北三十里

通事營 在平頂山西北十里

尹家營 在通事營西北十里

烏圖廠 在尹家營西北五里

十間房 在烏圖廠西北十里

孫家營 在十間房西北十里西接鑲白旗界以上爲正藍旗北稍

西境

阿拉營 在黃姑屯北五里

四間房 在阿拉營北十里

和洛營 在四間房北二里

大湯頭溝 在和洛營北十里設大湯頭溝頭汛

沈家屯 在大湯頭溝北十里

坡賴村 在沈家屯北八里北接承德府界伊遜河於此入境經流其東以上爲正藍旗北境

張家營 在黃姑屯東八十里之官家營東北五里

韓家營 在張家營東北五里

喇嘛廟 在韓家營東北五里

荒地 在喇嘛廟東北十五里設荒地汛

官家廠 在荒地北三十里北接圍場界以上爲正藍旗東北境

右察哈爾正藍旗地

郭家屯 爲郭家屯巡檢司治在縣治北一百里大灤河經流其北

小灤河會而東南流 縣屬正白旗地以郭家屯爲中東西距一百

十里南北距一百五十二里東至沙石堆二道營接正藍旗界三十

里西至沙爾呼山梁接鑲黃旗界八十里南至千佛寺接鑲白旗界

九十二里北至半壁山接圍場界六十里東南至四道營接灤平縣

界一百八十七里西南至佟家柵接鑲白旗界一百三里東北至陳家溝接圍場界二十里西北至蘇家店接鑲黃旗界六十里

湯頭溝門 在郭家屯東八十里

沙石堆二道營 在湯頭溝東十二里東接正藍旗界以上爲正白旗東境

沙石堆三道營 在沙石堆二道營南十三里

大對山 在沙石堆三道營南十二里中踰灤河南有大對山

四道溝 在大對山南五里

高家營 在四道溝南七里

舊郭家屯 在高家營南五里

三道溝 在舊郭家屯東南十三里中踰灤河

馬柵子 在三道溝南十里

兩間房 在馬柵子東三十里

蘇木營 在兩間房東十里

頭道營 在蘇木營東十里入鑲白旗少府營界又東八里至此復爲正白旗界

二道營 在頭道營南八里中踰伊瑪圖川

三道營 在二道營南五里

四道營 在三道營南十二里

喀卜齊爾 在四道營西稍南十里中踰伊瑪圖川南接欒平縣界
以上爲正白旗東南境

山神廟 在郭家屯南三十里

頭道營 在山神廟南三十里

二道營 在頭道營南十里

藍家營 在二道營南十里

千佛寺 在藍家營南十二里南接鑲白旗界以上爲正白旗南境

大廟上 在郭家屯西南三十里西北有黑山

燕子窩 在大廟上西十里

荷包溝 在大廟上西南二十里

張小懷營 在荷包溝南三里

官兒營 在張小懷營西稍北三十里

佟家柵 在官兒營南二十里南接鑲白旗界以上爲正白旗西南境

趙家營 在郭家屯西四十里

王家舖 在趙家營西十里

花家營 在王家舖西二十里

線匠營 在花家營南二十里

沙爾呼山梁 在花家營西十里西接鑲黃旗界以上爲正白旗西境

瓜地 在郭家屯西北三十里

摩訶兒溝 在瓜地西北十里中踰大灤河

二道河 在摩訶兒溝西北十里中踰大灤河

蘇家店 在二道河北十里中踰大灤河西北接鑲黃旗界以上爲

正白旗西北境

郭家屯營房 在郭家屯北五里東有喇嘛山設郭家屯汛

熱水溝 在郭家屯營房北十五里亦名魚梁子

湯山 在熱水溝西北二十里中踰小灤河

窟窿山 在湯山北十里

半壁山 在熱水溝北四十里北接圍場界小灤河從此入境以上

爲正白旗北境

陳家溝 在郭家屯東北三十里東北接圍場界爲正白旗東境

右察哈爾正白旗地

大閣兒 爲大閣兒巡檢司治在縣治西一百二十里 縣屬鑲黃旗地以大閣兒爲中東西距二百十里南北距三百三十里東至鐵家伙梁接鑲白旗界八十里西至十八盤嶺接獨石口廳界一百三十里南至崗子上接灤平縣界一百二十里北至僧機圖嶺接多倫諾爾廳界二百十里東南至官兒嶺接鑲白旗界一百三十五里西南至大草坪梁接獨石口廳及灤平縣界八十里東北至沙爾呼山梁接正白旗界八十里西北至伊克嶺接獨石口廳界一百二十里

四道河 在大閣兒東八里

蘇公廟 在四道河東十七里

長閣兒 在蘇公廟東五里

古房兒 在長閣兒東十里

姜家營 在古房兒東十里

吳家營 在姜家營東十里東即鐵家伙梁接鑲白旗界以上爲鑲

黃旗東境

龍潭溝 在大閣兒東稍南五十里中踰潮河

塔爾黃旗 在龍潭溝南十里

鑲黃旗營 在塔爾黃旗東二十里

頭道營 在鑲黃旗營東十八里

木匠營 在頭道營東稍北十四里

石人溝 在頭道營東稍南八里

山神廟 在石人溝東稍北十五里東即官兒嶺接鑲白旗界以上

爲鑲黃旗東南境

窄林兒 在塔爾黃旗南二十里中踰潮河

富兒營 在窄林兒西南五里

八間房 在窄林兒南五里

小遼東 在八間房南二十里

嶺子上 在小遼西南十里南接灤平縣界以上爲鑲黃旗南稍東境

新營子 在大閣兒西稍南二十里

燕子窩 在大閣兒西南二十里

林家營 在燕子窩西南二十里

和尚舖 在林家營西二十五里

湯上 在林家營西南二十里西北有湯山下有溫泉其西二十五

里爲平西梁接獨石口廳界

大草坪梁 在湯上南二十里中踰湯河西南接獨石口廳及灤平

縣界以上爲鑲黃旗西南境

撒袋溝 在大閣兒西十五里

五道營 在撒袋溝西四十里

十七道溝 在五道營西三十里

鄧家柵 在十七道溝西二十里

十八盤嶺 在鄧家柵西二十五里西踰湯河西接獨石口廳界以上爲鑲黃旗西境

白塔兒 在大閣兒北十二里

六間房 在白塔兒北十八里

四間房 在六間房西北二十里

喇嘛山 在四間房西北十里

巴顏哈達 在喇嘛山北七十里

四岔口 在巴顏哈達西北二十里設四岔口汛

小嶺子 在喇嘛山西北三十里

伊克嶺 在小嶺子西北四十里西北接獨石口廳界以上爲鑲黃

旗西北境

洞兒上 在六間房北十五里

城根營 在洞兒上北二十五里

上黃旗 在城根營北十里設上黃旗汛

劉家營 在上黃旗汛稍西復北十里

石遼天溝 在劉家營北四十里

千溝門 在石遼天溝北三十里中踰韭菜梁灤河

贏子溝 在千溝門北三十里

僧機圖 在贏子溝北二十里中踰灤河設僧機圖汛其北十里爲

僧機圖嶺接多倫諾爾廳界以上爲鑲黃旗北境

大黑山 在上黃旗汛東北十里東接正白旗界

天財梁 在僧機圖汛東稍南四十里東接正白旗界以上爲鑲黃

旗東北境

右察哈爾鑲黃旗地

欽定熱河志卷五十二

欽定熱河志卷五十三

疆域五

平泉州

溝即八溝廳

平泉州境東西相距五百四十里南北相距四百九十里自州治東至列山梁接建昌縣屬喀喇沁左翼界八十里又東迤北至喀喇沁境之擔杖溝梁接朝陽縣屬土默特右翼界三百里西至西楊樹溝梁接承德府本境界六十五里又西迤北至喀喇沁境茅溝七家接承德府本境界二百四十里南至冰窖接永平府遷安縣界一百三十里北至杜栗子溝梁接赤峰縣界三百六十里自州治北至喀喇沁右翼界七十里又西北至右翼駐處四百五十里自州治西至熱河

行宮一百八十里州屬村莊詳載於後

八溝 爲平泉州治西爲八溝街

七家 在八溝街東五里西有猴山

八家 在七家東北十五里

多和溝 在八家東南三十里中經獅山

小多和溝 在多和溝東南十里東有瑯黎山

鋼父帽 在小多和溝東二十里

楊樹溝 在鋼父帽南六十里西有鳳凰嶺東接建昌縣界

右平泉州東境

老嶂子 在州治西一里

二道河 在老嶂子西八里南有象山

三道河 在二道河西十里

七溝 在三道河西二十里在州治西五十里設七溝汛

塘房溝 在七溝西十五里

東六溝 在塘房溝西五里

西楊樹溝 在東六溝西五里東有老姥山西接承德府界

右平泉州西境

南嶺 在州治南二里西有紅山嶺即南嶺支峰

瀑河沿 在南嶺南五里東有瀑河

南五十家子 在瀑河沿南五里

會州城 在南五十家子南五里在州治南五十里

黃土梁 在會州城南六里

雅圖溝 在州治南三十里設雅圖溝汛

小子溝 在雅圖溝東北五里

佟家嶂子 在小子溝南三里

大吉口 在佟家嶂子南十五里

煖泉 在州治南七十里設煖泉汛

冷嶺 在煖泉南十里

龍鬚門 在州治南一百十里設龍鬚門汛

寬城 在龍鬚門東南十五里在州治南一百二十餘里南接遷安

縣邊外地直喜峰口

老姥山 在州治西南三十里

梭子溝 在老姥山西二十五里

獅子溝 在梭子溝西南二十里

聶門子 在獅子溝西南三十里

黨壩 在聶門子西南五十里

前楊樹溝 在老姥山西南四十里

後楊樹溝 在前楊樹溝西二十里

黑山口 在後楊樹溝西南五十里

鉛洞子 在黑山口東南四十五里

南水泉 在鉛洞子東四十里

荒地 在南水泉東五十里

轉河町 在荒地東南四十里

湯頭溝 在轉河町南三十里

三道溝 在湯頭溝西南五十里

波羅樹 在州治東南一百里設波羅樹汛

馬家嶂子 在波羅樹西十里

金沙溝 在馬家嶂子西十里

倪家嶂子 在金沙溝南十五里

金家嶂子 在倪家嶂子東五里

尖山 在金家嶂子東南四十里

郭家嶂子 在尖山東南四十里

閻家嶂子 在郭家嶂子東南三里

石羊石虎溝 在閻家嶂子東南十里

努勒河 在寬城南四十里

藥王廟 在努勒河西四十里

冰窖 在煖泉南六十里

三岔口 在冰窖西南三十里

七步坑 在三岔口西南五十里

滿家嶂子 在七步坑西二十里

紀家嶂子 在滿家嶂子西五里

石佛兒 在紀家嶂子西二十里

清河口 在州治西南一百二十里地傍清河南接遷安縣界

右平泉州南境

列山梁 在州治東北七十里喀喇沁右翼旗地東接建昌縣屬喀

喇沁左翼界

楊樹溝 在列山梁西南二十里

密雲溝 在楊樹溝西南二十里

櫻桃溝 在密雲溝東南四十里東接建昌縣屬喀喇沁左翼界

牛彖河 在州治東北二百二十里南接建昌縣屬喀喇沁左翼界

錫喇陀羅海 在牛彖河東二十里

夜不收 在錫喇陀羅海東三十里

中關營 在夜不收東四十里

臥佛寺 在中關營西三十里

公營子 在臥佛寺東六十里

長格爾 在公營子東二十里東接朝陽縣屬土默特右翼界

甘珠爾 在長格爾北五十里

雙洞子 在甘珠爾北二十里

朱勒格 在雙洞子西北八十里

駕馬台 在朱勒格西北五十里

平房兒 在駕馬台北二十里以上州治東北境

甘珠爾蘇默 在平房兒西北八十里

喇嘛廟 在甘珠爾蘇默西五里

二道營 在喇嘛廟西北三十里北接赤峰縣屬翁牛特右翼界

新地 在二道營西五十里

小烏珠穆沁 在新地西二十里

大碾子 在小烏珠穆沁西北十五里

橫道子 在大碾子南十二里以上州治北境

默沁達巴罕 在橫道子西南一百二十里

茅溝七家 在默沁達巴罕西南四十里西接承德府界

廟兒溝 在茅溝七家北四十里

磴上 在廟兒溝西南十二里

茅溝一名飛塔溝 在磴上北六十里茅溝河發源於此

磴廠溝 在玳瑁溝東北六十里

綽諾溝 在磴廠溝東北二十里

木匠營 在綽諾溝東北八十里以上州治西北境

右平泉州北境在喀喇沁右翼地

八家兒 在州治北十二里

臥龍岡 在八家兒北二十里

烏勒呼瑪梁 在臥龍岡北十里

北五十家子 在烏勒呼瑪梁北四十八里老河經流其東

黑城 在北五十家子北十里

下八里達巴罕 在黑城北十里

上八里達巴罕 在下八里達巴罕北二十里

大金溝 在上八里達巴罕北五十里

巴顏托輝 在大金溝北六十里

喇嘛城 在巴顏托輝北五十里

官兒城 在喇嘛城西北三十里

和爾和 在北五十家子西五里

二道營 在和爾和西十里

馬圈子 在二道營南二十里

土洞子 在馬圈子西九十里

噶海溝 在土洞子西二十里

鄭家嶂子 在噶海溝西二十五里

三十家子 在八家兒北十里

沙陀子 在三十家子北十五里

什里哈溝 在沙陀子北十五里

齊吉克特溝 在什里哈溝北十里

和奇溝 在齊吉克特溝北三十里

察罕溝 在和奇溝北三十里

梅勒溝 在察罕溝西十里

二道河 在梅勒溝西二十五里

黃土梁 在二道河東北十里

白石溝 在黃土梁東北五里

茶棚 在白石溝東北五里

南坡五十家子 在茶棚西北十里

龍潭溝 在南坡五十家子西北二十里

大寧城 在州治東北一百八十里

鄂和爾 在大寧城南三十里

伊瑪圖 在鄂和爾西二十五里

孩兒梁 在伊瑪圖西二十里

榆樹林 在大寧城東南七十里

草扒子溝 在榆樹林西二十里

大鹿溝 在草扒子溝西六十五里

招寶溝 在大鹿溝西五十里

鷹手營 在招寶溝北二百里

房山溝 在鷹手營西北十里

松樹台 在房山溝西北十里

右平泉州北境在喀喇沁扎薩克公旗地

赤峰縣

即烏蘭
哈達廳

赤峰縣境東西相距二百七十里南北相距三百二十里至巴林旗北境相距共七百里自縣治東至伯海接建昌縣界一百二十里西至柴伙巒子接圍場界一百五十里西北至啓布求接圍場界一百八十里南至杜栗子溝接平泉州界六十里北至招蘇官地一百二十里又北至翁牛特左翼巴林旗界三百八十里南至熱河

行宮五百四十里縣屬村莊詳載於後

窩上 在縣治東南十五里

紅山嘴 在窩上東三十里舊烏蘭哈達之名廳今赤峰之名縣皆以茲山得名

右赤峰縣附近縣治地

沙陀子 在紅山嘴東十里

三家兒 在沙陀子東北二十里中踰老河

步步屯 在三家兒東十里有步步屯汛

撒水坡 在步步屯東十里

十大分 在撒水坡東十里

炮手營子 在十大分東南二十里

八家兒 在三家兒北二十里

山西營子 在八家兒東北十里

朝陽溝 在山西營子北二十里

興隆溝 在朝陽溝西北二十里

察罕溝 在興隆溝西北二十里 以上屬步步屯鄉

公家地 在十大分東南二十里中踰老河有公家地汛

建昌營 在公家地東十里

木頭溝 在公家地西南十五里

察罕托羅海 在木頭溝南十五里

五家兒 在察罕托羅海東北十里

東五家兒 在五家兒東十里

後五家兒 在東五家兒東北十里

八家兒 在五家兒東南二十里

石拉噶灰 在公家地北十五里中踰老河

白什圖 在石拉噶灰東北十里

土城子 在白什圖東南十二里

哈喇木頭 在土城子東北十里

伯海 在哈喇木頭東八里

和賴溝 在伯海北十里

博羅和屯 在和賴溝北十五里

一百家子 在博羅和屯西南十二里

潘家溝 在一百家子北二十里

黃姑屯 在潘家溝西十里

荷葉烏蘇 在黃姑屯西十二里 以上屬公家地鄉

右赤峰縣東境

東大屯 在縣治西南二十里有東大屯汛

十里鋪 在東大屯東二十里北至窩上十里

二十里鋪 在十里鋪南十里

朴家嶂子 在二十里鋪東北十五里

三眼井 在二十里鋪南十里

羊草溝 在三眼井南十二里

杜栗子溝 在羊草溝西南十五里接平泉州界

文登營子 在十里鋪西八里

于家嶂子 在文登營子南十里

水泉子溝 在于家嶂子西南五里

海勒索溝 在水泉子溝西南八里

杜栗子溝大營 在海勒索溝南十里

三家兒 在東大屯西南八里

後三道溝 在三家兒南八里

齊家溝 在後三道溝西八里

中三道溝 在齊家溝西十里

小八家兒 在中三道溝西十里

榆樹林 在齊家溝西十五里 以上屬東大屯鄉

三眼井 在縣治東南三十里有三眼井汛

十大分 在三眼井北十五里

大塔布台 在三眼井西南十里

四道井 在三眼井東北十二里

三道井 在四道井東南十里

二道井 在三道井西南十里

頭道井 在二道井西南十里

新井子 在頭道井東南二十里

小塔布台 在三道井東南二十里

四楞溝 在三道井東十二里

塔布烏蘇 在四楞溝東北十五里 以上屬三眼井鄉

右赤峰縣南境

洮賴圖 在縣治西九十里有洮賴圖汛

上固都河 在洮賴圖東十里

下固都河 在上固都河東十二里

西牛波羅 在下固都河東二十里

北地上 在西牛波羅東北十五里

西北窪子 在西牛波羅西北十五里

瓦盆窩子 在西北窪子西北十五里

四分地 在瓦盆窩子西北二十里中踰錫爾哈河

下塔子 在洮賴圖西十里

中塔子 在下塔子西十里

上塔子 在中塔子西十里 以上屬洮賴圖鄉

東地 在上塔子西南二十里

喇嘛柵 在東地西十里有喇嘛柵汛

猴兒頭溝 在喇嘛柵西南十里

半枝箭 在猴兒頭溝西南十五里

小柳條子溝 在半枝箭西北五里

大柳條子溝 在小柳條子溝西南五里

五岱圖 在喇嘛柵北二十里

王子墳 在喇嘛柵西北十二里

盔甲山 在王子墳西北二十里 以上屬喇嘛柵鄉

察罕溝 在下塔子北二十里

拜音波羅 在察罕溝西北二十里

翁牛府鄉 在拜音波羅西北二十里

柴伙巒子 在翁牛府鄉西南三十里

花花梢 在翁牛府鄉東北二十里中踰錫爾哈河

六分地 在花花梢西十五里

四分地 在六分地西十二里

拖沙子溝 在六分地北二十里

小河沿 在花花梢西十里

大河沿 在小河沿西十里

東昆都楞溝 在大河沿西十里

西溝 在東昆都楞溝西十里

西昆都楞溝 在西溝西十里

昆都楞溝門子 在東昆都楞溝北十里 以上屬翁牛府鄉

右赤峰縣西境

公主陵 在昆都楞溝門子東北二十里中踰金英河有公主陵汛

昂邦溝 在公主陵東南十二里

巴顏和碩 在昂邦溝東北二十五里

恩得爾和碩 在巴顏和碩東北二十里

楚頭朗 在恩得爾和碩東十里

西水泉 在楚頭朗東十五里

莊頭營子 在楚頭朗東南十八里

哈達和碩 在莊頭營子東南三十五里

大廟 在公主陵西十里

塔巴烏蘇 在公主陵北二十里

東筆築溝 在塔巴烏蘇西十二里

筆築溝門子 在東筆築溝西南十二里

班第王府 在筆築溝門子西南十八里

啓布求 在班第王府西南十二里

獅子溝 在筆築溝門子北二十里

榆樹林 在獅子溝西十二里 以上屬公主陵鄉

木頭溝 在縣治東南十五里

小木頭溝 在木頭溝西南三十里

班第營子 在木頭溝西北三十五里

和碩圖 在班第營子西南二十里

水泉子 在和碩圖西南二十里

興隆莊 在水泉子北四十里

招蘇 在興隆莊北二十里北有大松山設招蘇鄉汛

東官地 在招蘇東十二里

中官地 在招蘇西十二里

山嘴子 在東官地東十五里

上伊瑪圖 在山嘴子東三十五里有伊瑪圖山

下伊瑪圖 在上伊瑪圖東南十里

焦家營子 在下伊瑪圖東南十五里

五十家子 在中官地西十五里

紅廟子 在五十家子西十五里 以上屬招蘇鄉

右赤峰縣北境

欽定熱河志卷五十四

疆域六

建昌縣

即塔子溝廳

建昌縣境東西相距二百六十里南北相距六百八十五里自縣治東至齊里齊接朝陽縣界一百二十里西至列山梁接平泉州界一百十里南至虎頭石接永平府遷安縣邊外地界一百六十里北至三官營接平泉州界十五里

自三官營北一百六十里為平泉州境至牛膝和屯復入縣界又五十里至牛膝和屯北行入縣屬敖漢旗界一百八十里又北至敖漢王府接赤峰縣界一百十五里東南至養馬甸接臨榆縣界三百七十五里西南至小甸子接遷安縣界二百九十里東北踰平泉州境自牛膝和屯至烏蘭崗嘎接朝陽縣界五百五十里西北自牛膝和屯至博羅科接赤峰縣界三百五十里自縣治東南至喀喇沁左翼駐處一百十里北至敖漢管兵務王子駐處二百八十里又北至敖漢

管旗務王子駐處四百二十里自縣治西至熱河

行宮三百六十里縣屬村莊詳載於後

大鹿溝 在縣治東三十里

大城子 在大鹿溝東四十里西有長壽山

齊里齊 在大城子東北三十里東北接朝陽縣界西北接平泉州

鐵溝 在大城子東二十里

右建昌縣東境在喀喇沁左翼地

五道溝 在大城子東南七十里

玲瓏塔 在五道溝東南十五里

過梁溝 在玲瓏塔東三十里

蠻子八家 在過梁溝東二十里東北接朝陽縣界

香爐山 在蠻子八家東九十里東接錦州府梨樹溝門界

楊樹溝 在玲瓏塔東南三十里

頭道灣 在楊樹溝東南三十里

小子營 在頭道灣東北四十里

簸箕兒 在頭道灣東南二十里

海亭 在簸箕兒東二十五里東接錦州府白石嘴門界

十道營 在縣治東南一百十里至喀喇沁左翼駐處有巴顏濟魯

克山又東至此三十里有布古圖山漢名白鹿山即古白狼山詳見山門

郭爾比 在十道營東南四十里東有瑞雲山釜山菟濟河經流其

麓

紗帽廠 在郭爾比東二十里

楊樹灣 在紗帽廠東二十里

呼魯蘇台 在楊樹灣東二十五里

青石嶺 在呼魯蘇台東二十五里東接錦州府明水塘門界

馬廠 在郭爾比東南四十里

養馬甸 在馬廠東五十里南接臨榆縣邊外界

青山嶺 在十道營南七十里南接臨榆縣邊外界

右建昌縣東南境在喀喇沁左翼地

五官營 在縣治南十里

喀卜齊爾 在五官營東南十五里

三台營 在喀卜齊爾東南六十里大凌河三源於此合流

平房兒 在三台營東南十里

孤橋子 在平房兒東二十里至喀喇沁左翼駐處又南至此四十

里

土心塔 在孤橋子南三十里南接遷安縣邊外界大凌河源出焉

小蒜溝 在三台營南七十里

色魯肯 在小蒜溝南二十里

龜石嶺 在色魯肯南四十里南接遷安縣邊外界

奈曼營 在三台營西南二十里

白牛羣 在奈曼營西南二十里

虎頭石 在白牛羣西南二十里南接遷安縣邊外界青龍河經流

其東

紅吉勒台 在五官營南五十里

茶棚 在紅吉勒台西南三十里

多爾登 在茶棚西南四十里

大甸子 在多爾登西南四十里青龍河經流其東

小甸子 在大甸子西南十里南接遷安縣邊外界

右建昌縣南境在路喇沁左翼旗地

塔子底 在縣治西二十里

宋家嶂子 在塔子底西十五里

喇嘛嶂子 在宋家嶂子西十里

雙廟 在喇嘛障子西十五里

北宮 在雙廟西三十里

南宮 在北宮南十里

列山梁 在北宮西二十里西接平泉州界

右建昌縣西境在喀喇沁左翼旗地

三官營 在縣治北十五里大凌河西源出焉北接平泉州界又北行一百六十里至牛膝和屯復入縣界

朱勒格 在三官營西北五里

小城子 在朱勒格西北十里

熱水湯 在朱勒格東北三十里北接平泉州界

右建昌縣北境在喀喇沁左翼旗地

牛膝和屯 自縣治北十五里之五官營北踰平泉州境一百六十里至臥佛寺界入縣境至此五十里

熱水湯 在牛膝和屯西北三十五里

穆克店 在熱水湯北二十里

納林格爾 在穆克店北十五里

博羅科 在納林格爾北一百里

四家兒 在牛膝和屯東二十里

庫爾都 在四家兒東三十里

多羅河屯 在穆克店東三十里

瑪尼罕 在多羅河屯東十五里

長格爾 在瑪尼罕東十五里

南齊爾庫 在長格爾東二十里

分水嶺 在南齊爾庫東南十五里

扣肯 在南齊爾庫東北二十五里

哈拉垓 在扣肯東二十里

劉家屯 在哈拉塔東南四十里其南五里接朝陽縣界

西克魯岱 在納林格爾東三十五里

鐵匠營 在西克魯岱東三十里

東克魯岱 在鐵匠營東十五里

台吉和洛 在東克魯岱東北二十里

羅里城 在台吉和洛東北六十里

巴奚里河 在羅里城東北五十里

吉勒巴溝 在巴奚里河東南三十里

昇金 在吉勒巴溝東南二十里

噶察爾 在昇金東南二十里東接朝陽縣界

北齊爾庫 在巴奚里河東三十里東接朝陽縣界老河經流其西

北

馬唐營 在納林格爾東北三十里老河經流其北

庫克招 在馬唐營東北三十里老河經流其北

烘郭圖 在庫克招東北三十里

王子廟 在烘郭圖東北五十里

阿爾齊蘭 在王子廟東北三十里

烏蘭岡嘎 在阿爾齊蘭東北六十里

右建昌縣最西北境在敖漢旗地

朝陽縣即三座塔廳

朝陽縣境東西相距二百六十里南北相距五百三十里東至朝陽寺接錦州府松嶺子門界一百三十里西至擔杖溝梁接平泉州界一百三十里南至六家子接建昌縣界一百五十里北至奈林稿接科爾沁界三百八十里東南至雲蒙山接建昌縣界一百八十里西南至圖爾根接建昌縣界一百五十里西北至三家窩接建昌縣界一百七十里自縣治東北至土默特右翼駐處五十里又東北至土

默特左翼駐處一百三十里又東北至喀爾喀旗駐處一百五十里
東北至庫倫旗駐處一百七十里自縣治西北至奈曼王駐處一百
五十里自縣治西南至熱河

行宮六百四十里縣屬村莊詳載於後

三座塔 爲朝陽縣治東有古爾班蘇巴爾罕山古爾班謂三蘇巴
爾罕謂塔三座塔以此名

十里舖 在縣治東稍北十里

長坂營 在十里舖東十里

大碾上 在長坂營東十里又東十里爲土默特右翼駐處有大華

山

賈家嶂子 在大碾上南十里大凌河經流其北

營草溝 在賈家嶂子東南二十五里

炒米甸 在營草溝東南二十里

朝陽寺 在炒米甸東南二十里東接錦州府松嶺子門界有鳳凰
山山有朝陽洞即古龍山

右朝陽縣東境

中山營 在縣治東稍南五里

凳子溝 在中山營東二十里

小木耳頭 在凳子溝東十五里

大木耳頭 在小木耳頭東二十里

舊燒鍋 在大木耳頭南二十五里

五十家子 在舊燒鍋東南十五里

二十家子 在五十家子東二十里

黃土坎 在二十家子東二十里

雲蒙山 在黃土坎南三十里

二道溝 在雲蒙山東南二十里

孟良塔 在二道溝東南十里

五頂山 在孟良塔東南十里

東姑子營 在五頂山東十五里東接錦州府新開門界

右朝陽縣東南境

口北營 在縣治南五里

哨虎營 在三座塔南稍西五里

鷄兒營 在哨虎營西南十里

齊巴噶溝 在鷄兒營西南二十五里

寡婦營 在齊巴噶溝西南四十五里

羊山 在寡婦營東十五里

荒地 在羊山南四十五里

六家兒 在荒地南二十里其南十五里接建昌縣界

水泉子 在寡婦營西四十五里

牛糞洞 在水泉子西南三十五里

三官營 在牛糞洞西南三十里南接建昌縣界

右朝陽縣南境

爛泥塘 在縣治西稍南三十里

臥佛寺 在爛泥塘西二十里

噶察爾 在臥佛寺西二十里

平房兒 在噶察爾西南二十五里

木頭城子 在平房兒西南二十五里

圖爾根 在木頭城子西三十里圖爾根河經流其地其西三十五

里接建昌縣界

右朝陽縣西南境

喀喇台吉營 在縣治西二十里

三家兒 在喀喇台吉營西二十里

波羅台溝 在三家兒西二十里

星格特台 在波羅台溝西三十里

康家屯 在星格特台西十五里

擔杖溝 在康家屯西十里西接平泉州界

右朝陽縣西境

七道營 在縣治西北十里

鐵匠爐 在七道營西十里

穿心店 在鐵匠爐西十里

大青溝 在穿心店西十里

甯家嶂子 在大青溝西二十里

紅吉勒巴達 在甯家嶂子西二十里西接建昌縣界

右朝陽縣西北境

西姑子營 在縣治北十五里

孤山子 在西姑子營北三十里

哈倫台 在孤山子西北三十里

駱駝溝 在哈倫台西北三十里北接建昌縣界

十家子 在縣治北稍東十里

搭拉格爾 在十家子北十五里

西莊頭營 在搭拉格爾北二十五里

波羅齊 在西莊頭營北三十里

西烏梁蘇台 在波羅齊北二十里

東烏梁蘇台 在西烏梁蘇台北二十里北接建昌縣界

右朝陽縣北境

白鷓兒營 在十家子東北十五里

托和多 在白鷓兒營東十五里

榆樹林 在托和多北五十里北接縣屬奈曼旗界

四角坂 在托和多東北二十里

蒙古營 在四角坂北二十五里

喇嘛寺 在蒙古營北三十里北接縣屬奈曼旗界

東莊頭營 在四角坂東十里東接縣屬土默特左翼旗界

岡噶爾 自縣治東北五十里至土默特右翼貝子旗又東北至此

四十里東接土默特左翼旗界

窩匠屯 在土默特右翼貝子旗東二十五里

古爾古台 在窩匠屯東二十五里東接縣屬土默特左翼旗界

巴朗營 在土默特右翼貝子旗南二十五里

右朝陽縣東北境在土默特右翼地

窩上屯 自縣治東北至土默特左翼一百八十里又東至此四十

里

台吉營 在窩上屯東六十里東接錦州府白土廠門界

丹齊喇嘛寺 在土默特左翼貝勒旗南五十里

蓮花山 在丹齊喇嘛寺南四十里東接錦州府清河門界

馬家屯 在蓮花山西南五十里其西南十五里接土默特右翼之

古爾古台界

端濟山 在土默特左翼西南四十里

鄂郭蘇台 在端濟山西南五十里其西南五十里接土默特右翼

之岡噶爾界

臥佛寺 在土默特左翼西十五里

白鷄兒 在臥佛寺西二十里

三家兒 在白鷄兒西二十里

貝勒營 在三家兒西南四十里其西南六十里接土默特右翼之

東莊頭營界

敖保爾 在三家兒西六十里西接縣屬奈曼旗界

湯頭廟 在三家兒西北七十里西接縣屬奈曼旗界

石灰窰 在臥佛寺西北一百十里

岡溝 在石灰窰西北一百里

馬廠 在岡溝西北一百里

轉經兒 在石灰窰北七十里

二道營 在土默特左翼七十里

山根 在二道營北五十里

大吉營 在窰上屯東北八十里自土默特左翼東北至此四十里

乾河子 在大吉營東北五十里

達賴營 在乾河子東北六十里東接錦州府彰武臺門界

右朝陽縣最東北境在土默特左翼地

二里屯 在縣治北一百四十八里奈曼王駐處南二里

納新溝 在二里屯東三十里

梅勒溝 在納新溝東北三十里東接本屬土默特左翼界

敖保爾溝 在二里屯南三十里

哈什圖 在敖保爾溝東五十里其東七十里接本屬土默特左翼
旗界

四里得墩 在二里屯西南十五里

阿拉超爾溝 在四里得墩西南十五里其西七十里接敖漢旗界

碩羅甸子 在阿拉超爾溝南二十里其南九十里接本屬土默特

右翼界

烏里雅蘇台 在阿拉超爾溝北五十里

額默根 在烏里雅蘇台西北一百三十里

崑都嶺 在額默根西北一百五十里

五十家子 在崑都嶺東北八十里

高立圖 在額默根東北七十里

納林格爾 在高立圖東九十里

石牌兒 在納林格爾東七十里

右朝陽縣最北境在奈曼旗地

欽定熱河志卷五十四

欽定熱河志卷五十五

建置沿革一

承德府屬全境自慕容燕都龍城始有建置可言越晉以前上溯周秦雖鄰界北邊總未入內地疆域爲州郡所不及若太平寰宇記引開元十道略舜築柳城旣荒遠不可考遼史地理志以中京大定府爲虞營州則不知舜分青州爲營州所得者遼東之地不得逾遼水以西也蓋今承德府境於禹貢爲冀州邊外而虞及殷周幽州之邊外也秦漢而還在漁陽右北平遼西三郡邊外爲諸部分據北魏雖設安營二州亦與奚契丹雜居遼金與元各建郡縣而宅中未久故址旋荒明棄大寧視爲外域我

國家撫臨函夏中外一家設廳分治以來久成都會近復改設府州縣規制不殊內地珥筆扈從之臣親承

指示得識其山川道里數千年沿革之迹釐然可考茲做史記年表

之例以地爲經以時爲緯爲承德府建置沿革全表而周秦以來並按代編纂各係以圖用便省覽志建置沿革第七

承德府全屬州縣分境建置沿革考畧

熱河全境設承德府及所屬一州五縣其建置沿革自周秦迄元明援據史書旁探碑碣按代考證已備見前卷茲復舉府本境及州縣各境析時代以從疆域分舉大凡用便觀覽如承德府本境則周秦爲東胡地漢爲匈奴左地武帝時爲塞地後入烏桓後漢初爲烏桓地後屬鮮卑中部魏爲鮮卑軻比能地後與素利彌加厥機諸部雜居晉初爲鮮卑段氏地北境爲宇文氏地後併入慕容氏爲前燕地苻堅時爲秦地屬幽州慕容垂復國後爲後燕地屬幽州馮跋時爲北燕地北魏爲安州廣陽郡燕樂縣地北境庫莫奚地後併入庫莫奚北齊周隋唐因之

隋唐去庫莫字但名奚

遼爲中京道澤州灤河縣及北安

州地金爲北京路興州興化縣宜興縣地大定府神山縣地元爲上

都路興州興安縣宜興縣地大寧路惠州地明初爲興州衛後廢入

諾音

舊作朵顏
今改正衛

本朝初內屬雍正元年設熱河廳十一年改設承德州乾隆七年罷州仍設熱河廳四十三年改設今府此承德府本境之建置沿革也灤平縣境則周爲東胡地秦初爲東胡地後併入匈奴漢爲匈奴左地武帝時爲塞地後入烏桓後漢初爲烏桓地後屬鮮卑中部魏爲鮮卑地晉初爲鮮卑段氏地後併入慕容氏爲前燕地苻堅時爲秦地屬幽州後燕復國屬幽州後爲北燕地北魏爲安州廣陽郡廣興縣地西境爲禦夷鎮地後併入庫莫奚北齊周隋唐因之遼爲中京道北安州地西境奚王府地金爲北京路興州興化縣宜興縣元爲上都路興州興安縣宜興縣地明初爲興州衛後廢入諾音衛本朝初內屬乾隆七年設喀喇河屯廳四十三年改設今縣此灤平縣境之建置沿革也豐寧縣境則周爲東胡地秦初爲東胡地後併

入匈奴漢爲匈奴左地武帝時爲塞地後入烏桓後漢初爲烏桓地後屬鮮卑中部魏爲鮮卑地晉初爲鮮卑宇文氏地後併入慕容氏爲前燕地苻堅時爲秦地屬幽州後燕復國屬幽州後爲北燕地北魏爲安州廣陽郡燕樂縣方城縣地西南境爲禦夷鎮地北境爲庫莫奚地後併入庫莫奚北齊周隋唐因之遼爲中京道北安州利民縣西境奚王府地金爲北京路興州興化縣宜興縣地西北境兼得西京道桓州地元爲上都路興州興安縣宜興縣地西北境兼得開平府開平縣地明初爲興州衛地西北境爲開平衛地後俱廢入諾音衛

本朝初內屬乾隆元年設四旗廳四十三年改設今縣此豐寧縣境之建置沿革也平泉州境則周初爲山戎地後併入東胡秦初爲東胡地後併入匈奴漢爲匈奴左地武帝時爲塞地後入烏桓後漢初爲烏桓地後屬鮮卑東部魏爲鮮卑地晉初爲鮮卑段氏地後併入

慕容氏爲前燕地苻堅時爲秦地屬幽州後屬平州後燕復國屬平州尋改營州後爲北燕地北魏爲營州建德郡陽武縣冀陽郡平剛縣北齊爲營州建德郡冀陽郡地周時爲北齊高保寧地隋爲遼西郡地西境爲奚地唐爲奚地遼爲中京大定府大定縣長興縣勸農縣富庶縣文定縣升平縣歸化縣金源縣恩州恩化縣澤州神山縣金爲北京大定府大定縣長興縣富庶縣金源縣神山縣元爲大寧路大定縣後改大寧縣富庶縣金源縣惠州明初爲大寧衛新城衛富峪衛會州衛後俱廢入諾音衛

本朝初內屬雍正七年設八溝廳乾隆四十三年改設今州此平泉州境之建置沿革也赤峰縣境則周初爲山戎地後併入東胡秦初爲東胡地後併入匈奴漢初爲匈奴左地武帝時爲塞地後入烏桓後漢初爲烏桓地後屬鮮卑東部魏爲鮮卑地晉初爲鮮卑段氏地北境爲宇文氏地後併入慕容氏爲前燕地苻堅時爲秦地初屬幽

州後屬平州後燕復國屬平州尋改營州後爲北燕地北魏爲庫莫
奚地北齊周時因之隋唐時爲契丹地遼爲中京道高州三韓縣上
京道松山州松山縣饒州長樂縣臨河縣安民縣上京臨潢府臨潢
縣定霸縣保和縣潞縣宣化縣金爲北京路大定府三韓縣松山縣
靜封縣全州安豐縣臨潢府臨潢縣盧川縣元爲大寧路高州上都
路松州全寧路全寧縣兼得魯王分地明初爲大寧衛全寧衛地後
廢入諾音衛

本朝初內屬雍正七年設八溝廳爲廳北境地乾隆三十九年析置
烏蘭哈達廳四十三年改設今縣此赤峰縣境之建置沿革也建昌
縣境則周初爲山戎地後併入東胡秦初爲東胡地後併入匈奴漢
初爲匈奴左地武帝時爲塞地後入烏桓後漢初爲烏桓地後屬鮮
卑東部魏爲鮮卑地晉初爲鮮卑宇文氏地後併入慕容氏爲前燕
地苻堅時爲秦地初屬幽州後屬平州後燕復國屬平州尋改營州

後爲北燕地北魏爲營州建德郡石城縣廣都縣冀陽郡柳城縣北境爲契丹地北齊爲營州建德郡地北境爲契丹地周時爲北齊高保寧地北境爲契丹地隋爲遼西郡地北境爲契丹地唐爲營州柳城郡柳城縣地後與契丹雜居北境契丹地西境奚地遼爲中京道利州阜俗縣澤州龍山縣榆州和衆縣永和縣東南境兼得隰州海濱縣地北境惠州惠和縣兼得高州三韓縣地金爲北京路利州阜俗縣龍山縣大定府和衆縣東南境兼得瑞州海濱縣北境大定府惠和縣兼得三韓縣地元爲大寧路和衆縣龍山縣利州東南境兼得瑞州地南境惠州地北境惠和縣明初爲營州衛地後廢入秦寧衛

本朝初內屬乾隆三年設塔子溝廳四十三年改設今縣此建昌縣境之建置沿革也朝陽縣境則周初爲山戎地後併入東胡戰國時東南境屬燕秦初爲東胡地後併入匈奴漢初爲匈奴左地武帝時

爲塞地後入烏桓後漢初爲烏桓地後屬鮮卑東部魏爲鮮卑地晉初爲鮮卑宇文氏地後併入慕容氏爲前燕地苻堅時爲秦地初屬幽州後屬平州後燕復國屬平州尋改營州後爲北燕地北魏爲營州昌黎郡龍城縣廣興縣定荒縣地北境爲契丹地北齊爲營州龍城縣廣興縣北境爲契丹地周時爲北齊高保寧地北境爲契丹地隋初爲營州建德郡後廢州置總管府改置遼西郡龍山縣後改柳城縣北境爲契丹地唐爲營州柳城郡後與契丹雜居北境爲契丹地遼爲中京道興中府興中縣營邱縣象雷縣閭山縣建州永霸縣永康縣安德州安德里州咸康縣宏理縣宜民縣武安州武安縣成州同昌縣東境兼得宜州宏政縣西境兼得大定府神水縣東南境兼得來州地金爲北京路興中府興中縣建州永霸縣永德縣宜民縣大定府武平縣東境兼得義州宏政縣同昌縣元爲大寧路興中州建州川州武平縣東境兼得義州懿州地西北境兼得魯王分

地明初爲營州衛地後廢入泰寧衛

木朝初內屬乾隆三年設塔子溝廳爲廳東境地三十九年析置三座塔廳四十三年改設今縣此朝陽縣境之建置沿革也前卷分撰各表皆以時爲經以地爲緯茲復以地爲經以時爲緯彙撰列表一篇著于左方

金匱素問 卷五十三

五

灤平縣以喀喇河

東胡地

東胡地後併匈奴

匈奴地左地後地
武帝屬鮮卑
塞地為部中

鮮卑地
段氏廣陽奚地
後併郡廣
入慕地西
容氏境為

秦屬幽州
復垂國
後為燕
後為燕
幽州屬
馮跋
時為
北燕
地

中京北京上都興州
道北路興路興衛後
安州興州興廢入
地化縣安縣諾音
西境宜興宜興衛
奚王縣地縣地

溝廳
南境
地置

塞地
後入
烏桓
在右
北平
郡邊
外

容氏郡平
爲前剛縣
燕地
苻堅
時爲
秦地
屬幽
州後
屬平
州
後燕
屬平
州
改營
州
爲北
燕地

縣勸富定縣州衛
農縣庶後改後俱
富庶金源大寧廢入
縣文縣神縣諾音
定縣山縣富庶衛
升平縣金
縣歸源縣
化縣
金源
縣恩州
恩州
縣化
澤州
神山
縣

後屬平州 後燕屬平 州尋營 改後 州北 爲地 燕

丹境 契地

宜州	兼得	東境	縣	同昌	成州	安縣	州武	武安	縣	宜民	理縣	縣宏	咸康	川州	德縣	州安	安德
昌縣	得縣	境宏	義州	兼得	州東	平縣	府武	大定	武	縣	宜民					永德	
北境	同地	政懿	州	兼得	東境		縣	武	平					川州			
	西	州	州	得	境												

州	得	境	東	縣	神	定	得	境	縣	宏
地	來	兼	南		水	府	大	兼	西	政

分	魯	兼
地	王	得

欽定熱河志卷五十五

欽定熱河志卷五十六


建置沿革二

周 秦

漢

金定集 卷之六

秦周一圖革沿置建



周 秦

漢

承德府屬全境周屬山戎東胡後為燕漁陽右北平遼西郡邊外接

東胡地

史記齊世家互見 匈奴傳 匈奴 山戎伐燕服虔曰山戎北狄蓋今鮮卑也 何休曰山戎者戎中之別名也 燕

告急於齊齊桓公救燕遂伐山戎至於孤竹而還

史記匈奴傳互見 漢書 燕北有東胡山戎漢書音義曰烏桓或云鮮卑 索隱曰服虔云東胡烏桓之

先後為鮮卑在匈奴 其後燕有賢將秦開襲破東胡東胡卻千餘里燕

築長城自造陽韋昭曰地名在上谷正義曰按上谷郡今媯州 至襄平索隱曰韋昭云 置上

谷漁陽右北平遼西遼東郡以拒胡

杜佑通典 營州春秋時地屬山戎戰國時屬燕

案後漢書郡國志令支縣有孤竹城令支及孤竹今盧龍縣遷

安縣地自此以東北皆山戎境齊師至此而山戎遁走故遂自

孤竹而還今永平府北邊外即承德府屬之東南境知爲春秋時山戎地也東胡與匈奴接壤當在山戎西今順天府北邊外即承德府屬之西南境知爲春秋時東胡地也服虔以山戎爲漢鮮卑以東胡爲漢烏桓而於東胡又云後爲鮮卑後漢書則以烏桓鮮卑並爲東胡之支山戎則戰國時已無聞蓋爲東胡強盛所併是承德府全境在春秋末又當全爲東胡地也通典所列之營州即慕容氏之龍城在今朝陽縣境其所稱戰國時屬燕者當在燕將襲破東胡卻地千里之後蓋當春秋時令支孤竹之地皆爲山戎所據觀國語稱齊桓公北伐山戎荆令支斬孤竹史記匈奴傳稱北伐山戎離支即令支孤竹齊師本爲救燕而出而於令支孤竹曰伐曰荆曰斬者則其地屬山戎而非燕有可知自東胡既卻之後令支孤竹之地始入於燕乃得築城界上以自守燕之長城其故址雖無確據然史稱自造陽至

襄平造陽之地韋昭及師古並謂在上谷爲今宣化府地襄平本漢縣爲今奉天府遼陽州地是今居庸以東之邊牆實與燕之長城形勢不遠特燕長城東迄遼水故今承德府屬之迤東南境兼爲燕地耳今之順天府永平府及錦州府爲古漁陽右北平遼西郡地承德府屬一州五縣當漁陽郡右北平郡之北遼西郡之西北惟諸郡皆逼近東胡故燕築長城以拒之也

秦亦爲漁陽右北平遼西郡邊外接東胡地秦漢之際爲匈奴地

史記匈奴傳

互見漢書

冒頓自立爲單于

徐廣曰時係秦二世元年壬辰歲

立東襲擊東

胡東胡初輕冒頓不爲備及冒頓以兵至擊大破滅東胡王遂侵燕代是時漢兵與項羽相距中國罷於兵革以故冒頓得自疆

案秦築長城史記漢書稱其因邊山險塹谿谷可繕者治之起

臨洮

今甘肅岷州

至遼東萬餘里考長城在戰國時已遞興築秦昭

王伐殘義渠於是隴西北地上郡築長城以距胡此秦之長

城魏惠王築長城塞固陽此魏之長城趙武靈王北破林胡樓煩築長城自代並陰山下至高闕為塞置雲中雁門代郡此趙之長城自上谷郡至遼東則為燕之長城地勢本自相接始皇特因而增築聯綴之其方位原未大改也秦長城東盡處括地志以為至大遼水大約自盧龍塞今潘家口以東尚迤北以迄於遼水與唐以後之長城自平州東境即迤南以至渝關今山海關者微有不同長城自秦以後一築於後魏再築於東魏然皆在上谷郡代郡以西惟北齊五築長城史稱自西河總秦戍東至於海前後所築東西三千餘里則長城之迤南迄海當改築於是時逮隋四築長城復城榆關即渝關是為山海關築城之始通典謂臨渝關在盧龍縣東百八十里故

知即今山海關於是北魏以前之遺址漸廢觀隋書地理志漁陽郡無終縣北平郡盧龍縣下皆有長城太平寰宇記薊州東北至平州石城縣界廢盧龍戍二百里戍踞開皇長城置所云無終縣

盧龍縣及薊州唐薊州即隋無終縣東北之長城即今潘家口迤東之邊

牆知即為北齊與隋之所築也秦長城既東迄遼水故今平泉

州之迤南境建昌縣之迤東南境正與右北平郡遼西郡接壤

而承德府屬全境形勢則自在漁陽右北平遼西三郡邊外當

秦築長城時東胡正疆而秦自上谷以東之郡縣本因燕舊故

知今承德府及所屬州縣地多屬東胡至二世以後冒頓始併

有之史記周勃傳破綰燕王盧綰軍上蘭復擊破綰軍沮陽追至長

城定上谷十一縣漢書作十二縣右北平十六縣遼西遼東二十九縣

漢書脫遼西二字漁陽二十二縣可知漢之郡縣又因秦舊其曰至長

城而不曰出長城者知漢時諸縣之並在長城以內矣

漢初在漁陽右北平遼西郡邊外接匈奴左地武帝時為塞地後入

於烏桓

史記匈奴傳互見漢書至冒頓而匈奴最疆大盡服從北夷而南與中

國為敵國置左方王將居東方直上谷以東接穢亦作穢貉朝鮮右方

王將居西方直上郡以西接月氏氏羗而單于之庭直代雲中時在高帝

初年自武帝元封以後單于益徙而西北其左方兵直雲中並見匈奴傳漢令大將軍青驃騎將軍去病

分軍擊匈奴單于與漢大將軍接戰潰漢圍西北遁走驃騎將軍與

左賢王接戰左賢王將皆遁走是後匈奴遠遁而幕南無王庭元狩四年

後漢書烏桓傳 烏桓者本東胡也漢初匈奴冒頓滅其國餘類保

烏桓山因為號常臣伏匈奴及武帝遣驃騎將軍霍去病擊破匈

奴左地因徙烏桓於上谷漁陽右北平遼西遼東五郡塞外為漢偵

察匈奴動靜

案漢初匈奴兼有幕北幕南之地史記所稱直者其地遙相當

之謂匈奴左方直上谷東至濊貉朝鮮正漁陽右北平遼西遼

東郡之邊外也又史記稱元朔二年漢棄上谷之斗辟縣造陽

地以予胡漢書匈奴傳贊作藁師古謂斗絕也縣之斗曲入匈

造陽之北九百餘里

奴界者其中造陽地也造陽在宣化今其地尙懸出邊外秦漢

時上谷郡之長城即今居庸等內三關之邊牆宣化府赤城龍門以北之邊牆

為北魏秦常時及唐開元時所增築而造陽尙在長城以外惟造陽左右皆屬匈

奴地故造陽特斗入其中若以今承德府屬全境為漢時郡縣

所及則造陽轉為腹地不得云斗入匈奴矣蓋自秦漢之交匈

奴即據有幕南逮霍去病擊破左賢王於是匈奴遁而西北而

幕南遂為甌脫地特徙烏桓以錯居之其全為烏桓所據則當

在西漢之末

又按漢時緣邊諸郡自長城以外尙有塞地乃亭障所在也上

谷以西諸塞屢見於匈奴傳其在雁門郡外者稱武州塞雲中

郡外者稱益壽塞及葛邪塞五原郡外者稱光祿塞朔方郡外

者稱雞鹿塞西河郡外者稱制虜塞隨地異名至上谷以東之

塞則漢武帝時所開考漢元帝時單于請罷備塞吏卒郎中令

侯應議狀云北邊塞至遼東外有陰山東西千餘里草木茂盛多禽獸本單于依阻其中至孝武世出師斥奪此地攘之於幕北建塞徼起亭隧築外城設屯戍以守之然後邊境得用少安起塞以來百有餘年非皆以土垣也或因山巖石木柴僵落谿谷水門稍稍平之卒徒築治功費久遠不可勝計所謂北邊塞至遼東外東西千餘里正今承德府屬全境也其曰築外城者以其處長城之外而長城之尙在塞南無疑侯應習於邊事於塞南之地但言亭隧而不言郡縣則郡縣之尙在長城內亦無可疑應又云前已罷外城省亭隧今裁足以候望通烽火而已匈奴傳亦謂地節二年漢罷外城以休百姓是漢之外城至宣帝時已漸廢今以侯應所述邊境言之長城以內設有郡縣長城以外設有屯戍自長城至於陰山凡屯戍所及其中皆謂之城塞今承德府屬全境及口北三廳凡在興安大嶺以南者皆當

時塞地也自塞以外則爲烏桓爲今內扎薩克蒙古地烏桓以外則爲幕北屬之匈奴爲今喀爾喀地蓋孝武時之形勢如此自昭宣以後亭障既省烏桓漸越居內塞逼近長城至東漢之初所謂朝發穹廬暮至城郭者其地即與上谷漁陽右北平遼西遼東五郡相接矣

又案一統志原本以熱河爲漢白檀縣要陽縣滑鹽縣地引水

經注濡水河今灤逕白檀縣故城大要水今密雲縣境逕要陽縣

故城東大榆河即鮑邱水逕滑鹽縣南及三國志魏武北征烏

桓出盧龍塞經白檀之文爲證謂漢時白檀等縣皆處邊外而

實未足爲據也漢白檀要陽滑鹽三縣屬漁陽郡見於漢書地

理志而後漢書郡國志無之說者遂疑其本在邊外而棄入鮮

卑然光武所併之縣甚多應劭謂中興時人民稀少之故司馬

彪謂世祖以官多役煩乃命併省應劭爲漢末人司馬彪爲晉

人其言曰必有據今考漢白檀縣當在今密雲縣境前漢有白

檀縣及庠奚縣而無密雲縣後漢時省白檀而存庠奚至北魏

始置密雲郡即以庠奚縣改置白檀縣為郡治魏書地理志密雲郡治提攜城

而於白檀縣下復注云郡治故知魏之白檀即在提攜城考漢

書庠奚縣孟康曰庠音題字或作蹄後漢書作僞奚水經注作

僞溪魏書作提攜方輿紀而於漢白檀之地又置有密雲縣北

齊以後之密雲縣皆仍北魏之縣名而實即漢白檀之故界蓋

漢庠奚在今密雲縣之東北漢庠奚縣即北魏白檀縣北齊以後又為燕樂縣治舊唐書地理志

曰燕樂縣舊治白檀故城即指魏之白檀也續通典曰燕樂漢

庠奚縣地據舊唐書地理志燕樂縣在檀州東北百八十五里

太平寰宇記燕樂在檀州東北八十里而漢白檀即為今密雲

故知漢庠奚亦即在今密雲縣東北

縣地故隋唐之檀州即今密雲縣皆從白檀取義遼史地理志於檀

州武威軍下謂燕漁陽郡地漢為白檀縣並引魏書曹公歷白

檀續漢書白檀在右北平之文為證曾公亮武經總要于檀州

紀要白檀廢縣在密雲縣南漢置以縣有白檀山而名顧炎武
昌平山水記密雲縣南二十里有白檀山漢所以名縣者是也
至若金史興州興化縣下有白檀鎮泰和三年升爲宜興縣其
地在今古北口外舊說據之以爲此真漢之白檀然古來近邊
之地其軍戍之名與郡縣相同者頗多如魏之密雲戍見於水
經注而不可即以爲密雲縣唐之柳城軍見於唐書而不可即
以爲柳城縣金史於白檀鎮本無沿革可考安可以鎮名之偶
同而即據爲漢縣乎又考漢要陽縣在今密雲縣東北境前漢
之要陽亦後漢時廢北魏復置要陽縣屬密雲郡魏書地形志
云密雲郡要陽縣前漢屬漁陽郡後漢晉罷後復屬蓋言復置
其縣而改屬於密雲郡以別於前漢之屬漁陽其實即漢故縣
也魏書於郡縣沿革多不甚詳而於要陽明指爲漢縣自無可
疑又魏書要陽有桃花山而遼史以桃花山屬之檀州可知要

陽故地即在檀州境內要陽以要水得名水北曰陽則要陽宜在要水之北方輿紀要水在密雲縣東北亦曰清水源出古北口外自大小黃崖口流入境又東入於潮河漢要陽縣以此名昌平山水記亦謂要水源出塞外至密雲縣東入潮河俗謂之清水河今清水河流經密雲縣東北境要陽自當在縣界清水河之旁與邊外無涉矣又考漢滑鹽縣當在今平谷縣西北境前漢之滑鹽亦後漢時廢水經注大榆河即鮑水逕安州舊漁陽郡之滑鹽縣南又南逕僂奚縣故城東是滑鹽亦當與僂奚相接滑鹽城又名斛鹽城北魏時置斛鹽戍縣有廣長塹鄴道元謂魏太和中掘此以防北狄則其地之近邊可知唐書地理志薊州東北九十里有洪水守捉又東北三十里有鹽城守捉唐之薊州兼有今平谷縣地唐無平谷縣今平谷縣境皆唐薊州地其北境之鹽城當屬滑鹽縣境方輿紀要滑鹽廢縣在平谷縣西北漢縣屬

漁陽郡今平谷北近邊之地多屬密雲是又兼得密雲東境也
至水經注稱滑鹽縣西北去禦夷鎮二百里舊說據之以證滑
鹽之在邊外然考水經注云鮑邱水出禦夷鎮北塞中則禦夷
鎮之在其南可知又沽水出禦夷鎮西北九十里則禦夷鎮之
在其東南可知今潮河邱即鮑邱水發源豐寧縣境白河即沽水發源獨
石口外是今豐寧縣之西南境灤平縣之西境與獨石口廳相
接處即當時禦夷鎮地其去邊城本屬不遠水經注所謂滑鹽
縣西北去禦夷鎮二百里者不應尙在邊外矣至五代史四夷
附錄稱契丹以所得漢人自爲一部治漢城城在炭山東南灤
河上有鹽鐵之利乃後魏滑鹽縣其地可植五穀宋白續通典
稱漢城在檀州西北五百五十里城北有龍門山山北有炭山
其地在灤河上源西有鹽泊之利即後魏滑鹽縣此二說者又
以滑鹽爲在濡源之地然水經注但稱鮑邱水逕滑鹽縣而不

言爲濡水所經今潮河自豐寧縣發源南流入邊其水道至今
不易實與濡源相距尙遠且滑鹽本前漢之縣至後漢已廢北
魏則本無此縣歐陽氏宋氏所稱後魏滑鹽縣者其誤又不待
辨矣抑又論之一統志原本所據一誤於水經注謂白檀爲灤
河所經要陽又爲入灤之要水所經故云在邊外今考水經注
稱濡水東出峽入安州界東南流逕漁陽白檀縣故城復引漢
書地理志濡水出縣北蠻中之文爲證然漢志白檀縣注洳水
出北蠻夷師古音洳爲呼鷓反洳水即鮑邱水今潮河與濡水之音乃官
反者音各不同明爲二水乃以洳水之文入之濡水其誤顯然
又水經注要水出塞外三川並導謂之大要水東南流逕要陽
縣故城東又東南流逕白檀縣入於濡今之要水亦但入潮河
而不入灤河乃知白檀要陽鮑邱水所經而非濡水所經洳
水要水二條本應入鮑邱水而誤入濡水者乃酈注之外未可

以爲徵據也又一統志原本所擬一誤於三國志以爲魏書旣言出盧龍塞經白檀則白檀自當在邊外是又不然考盧龍塞通典謂在平州城西北二百里通考謂在盧龍縣城西北二百里盧龍縣即唐平州治以方位道里計之正當今永平府西北之潘家口水經注濡水逕盧龍塞塞道自無終縣東出今灤河入邊之處在潘家口知爲古盧龍塞今薊州及玉田縣即古無終地潘家口在其東北所謂塞道自無終縣東出也古亦謂之長塹北齊天保四年顯祖自將討契丹至平州從西道趨長塹者即盧龍塞水經注濡水條下又載有盧龍故城爲魏武征蹋頓時所築然則今永平府西北之口固當日師行所由之道矣至於今之密雲爲漢白檀其地在盧龍塞之西似相距尙遠不知三國志所言經白檀者經過其境不必直至其城田疇熟悉道路而於白檀獨稱爲險者蓋自今密雲一帶崇山峻嶺其東

與盧龍塞相接處皆為白檀之險在田疇之計曰從盧龍口越白檀之險出空虛之地路近而便明言自盧龍越過白檀之險也若從舊說以漢白檀為今灤平縣地是魏武既出盧龍塞之後乃反折而西行幾於南轅北轍此固勢之必無且田疇所謂路近而便者義又安在耶故以魏武師行之道言之當日軍次無終本欲從東道傍海至柳城既因道濇回軍上徐無山山在今遵化州西乃自無終北行之路繼出盧龍塞塹山堙谷五百餘里皆指塞外之路而言其曰經白檀者乃總計自無終回軍後所歷之地未可泥上文有出盧龍塞之語而即以白檀為在塞外也蓋自既出盧龍塞之後即涉鮮卑庭今承德府屬之南境皆後漢末鮮卑地也

以上論漢時白檀要陽滑鹽三縣皆在邊內舊說以為熱河喀喇河屯四旗三

應地即今承德府本境及灤平豐寧兩縣之境

又案一統志原本於土默特部屬朝陽縣之柳城故城下引漢書地

理志之柳城縣於喀喇沁部屬平泉州之大寧故城下引遼志謂本

漢新安平縣地於龍山故城下引遼志謂本漢交黎縣地又方

輿紀要於廢大寧衛大寧故城在今平泉州東北境下附列平岡白狼石城廣

成諸城故說者每謂漢時諸縣並在今邊外蒙古之境而皆不

免於失實漢柳城新安平交黎三縣屬遼西郡平岡白狼石城

廣成四縣屬右北平郡並見漢書地理志考自古柳城之名說

最不一有漢之柳城即遼西郡之第四屬縣是也有慕容燕以

後之柳城即慕容氏所都之龍城是也而唐以後之柳城新唐

書地理志平州有柳城軍永泰元年置明一統志柳城在永平

府西二十里永平府舊志柳城在昌黎縣西南六十里靜安社

即故軍者是也遼史地理志營州鄰海軍廣寧縣魏立營州考遼之鄰

稱前慕容氏都於此元魏立營州考遼之鄰

海軍廣寧縣魏之營州細推其故蓋因元魏之營州本在今之三座塔遼於

此改置與中府而移置營州於今永平府境作史者不察遂以

舊營州之沿革入之移置營州之下此廣寧縣為漢柳城之說

乃係遼史誤漢之柳城在今錦州府西境唐以後之柳城在今引不可為據

永平府境惟慕容燕以後之柳城在今朝陽縣指唐以後之柳

城為漢縣者固屬沿譌即指慕容燕以後之柳城為漢縣者亦

未可為據考前漢柳城縣至後漢時廢漢末為烏桓蹋頓所據

魏武既破蹋頓之後為平州地晉永嘉以後入於慕容氏十六

國春秋及晉書載記皆稱慕容就以柳城之北龍山之西福地

也使築龍城在今朝陽縣是龍城乃別築於柳城之北固二城也唐

章懷太子注後漢書柳城曰柳城縣屬遼西郡故城在今營州

南唐營州即今朝陽縣蓋自慕容氏既都龍城之後北魏之營州昌黎郡

隋之營州遼西郡唐之營州柳城郡遼金之興中府元之興中

州皆因龍城之舊而實非漢柳城之故治北魏書營州昌黎郡

龍城縣下即注併柳城廣興縣下復注有大柳城紛紛割屬已

莫能指其故址要之漢柳城在龍城以南與徒河今錦縣及遼州地無

慮今廣寧縣及義州地二縣接壤自無可疑後漢趙苞遷遼西太守遣使

迎母及妻子垂當到郡道經柳城值鮮卑入塞寇抄後漢之遼

西郡治陽樂縣漢徒河西南百里為陽樂城當在今錦州府西境若魏氏土地記謂海陽城西南有陽樂城者

係後漢遷治非漢故縣將到郡而道經柳城則柳城之尙在陽樂以南可

知又曹操征蹋頓於柳城以濱海洿下濘滯不通軍不得進則

今山海關之路為當日出柳城之正道可知以形勢論之今寧

遠州境及錦縣之西境皆漢柳城縣地至今朝陽縣屬之三座

塔一隅特柳城邊境之地而未可即以是為漢縣所在也若隋

唐亦皆有柳城縣即營州所治本非漢之柳城且是時遼西之

地僅存一縣通典及太平寰宇記載柳城東至遼河南至海西

至北平郡唐平州北平郡即今永平府蓋今錦州府全境皆是其兼及今建

昌朝陽縣境者不過十之二三自遼時於今之錦州府地增置

州縣遼史遂專以興中一府為柳城縣故地猶未免偏舉而不

全矣又考前漢新安平縣亦後漢時廢水經注封大水今源出

境流經豐潤縣東出新平縣西新平即新安南流逕新平縣故

城西遼西之屬縣也又東南流龍鮮水今蘇州西注之水出縣

西北馬頭山東注封大水南會新河南流於海是新安平應距

海不遠也又水經注緩靈水今源出遷安縣西境流出新平縣

東北東南流經令支城西漢令支為今則新安平與令支接壤

可知水經注以封大水龍鮮水為出新安平縣而漢書地理志

則入之海陽縣下漢海陽為今灤河地謂龍鮮水東入封大水南入海則

新安平之南境又與海陽接壤可知今灤州之西境乃漢新安

平縣地也後趙石虎建武七年遣將軍王華帥舟師自海道襲

燕安平破之可為明證若平泉州境之大寧故城去海絕遠何

可強為牽合乎又考前漢交黎縣即後漢昌黎縣漢書地理志

昌黎顧炎武曰知錄辨昌黎有五有漢之昌黎即前漢遼西郡

昌黎

之第八屬縣後漢改屬於遼東屬國都尉三國魏於此置昌黎郡者是也有慕容燕之昌黎晉咸康三年慕容皝徙昌黎郡又皝破宇文逸豆歸徙其部人於昌黎至後燕北燕時各於此置昌黎尹者是也有北魏之昌黎魏書地形志營州昌黎郡領龍城廣興定荒三縣者是也有唐之昌黎唐武德五年以奚部置崇州貞觀三年改名北黎州治營州東北之陽師鎮八年復爲崇州領昌黎縣後陷入契丹遼志逮州永康縣本唐昌黎縣地者是也有金之昌黎遼置營州鄰海軍治廣寧縣金大定二十九年改名昌黎縣者是也漢之昌黎在今山海關東境慕容燕之昌黎與龍城相近在今朝陽縣之東南境北魏之昌黎即治龍城在今朝陽縣唐之昌黎雖在邊外祇以羈縻蕃戶並未實有城郭疆域未可與內地州縣同論金之昌黎即今永平府之屬縣是五者名同實異論古者每易於相混考漢書地理志於

交黎縣下注云渝水

鄴道元於渝水未能明指後人或以撫寧縣境之獅子河為渝水或以臨榆縣境之

石河為渝水皆在近海之境

首受塞外南入海是昌黎當在渝水下流近海

之地前燕慕容皝以其弟慕容仁據平郭乘海討之從昌黎東

踐冰而進可見昌黎之地南抵於海今臨榆縣境及寧遠州之

南境即漢昌黎縣地也至若水經注白狼水逕昌黎縣故城西

又東北逕龍山西又北逕黃龍城東此昌黎故城在龍城之西

南蓋即慕容氏所徙之昌黎北齊書天保四年北討契丹從西

道趨長塹辛丑至白狼城壬寅經昌黎城是時軍行自平州出

盧龍塞則昌黎正在塞外亦即慕容氏所徙之昌黎而皆非漢

之故縣也自水經注於白狼水所經之昌黎城下誤引漢書地

理志交黎之文後人遂以慕容氏之昌黎為漢之昌黎其誤固

有自來矣又考前漢平岡縣亦後漢時廢北魏冀陽郡亦有平

剛縣而不詳沿革且冀陽郡設於武定五年至武定八年東魏

已亡是平岡之立縣不及三年蓋亦徙置之縣非即漢之故縣也前漢之平岡爲右北平郡治

秦右北平郡治無終縣今薊州及玉田縣地後漢右北平郡治

土垠縣今豐潤縣地皆與前漢異

田疇之告曹操曰右北平郡舊沿平岡道出

盧龍邊於柳城則平岡當與盧龍塞相近晉庾仲初注揚都賦

曰盧龍山在平罡

漢書平岡水經注作平罡魏書地形志作平剛晉書作平岡又作平岡

城北正

與田疇之言相合是漢平岡當在今遷安縣北近邊之地也至

水經注謂自盧龍東越清陁至凡城二百里自凡城東北出趣

平罡故城可百八十里向黃龍則五百里並譏庾氏之言爲失

實夫仲初爲晉時人去漢未遠不應漫無考据知庾仲初所言

者漢之平岡而酈道元所指者乃北魏之平剛固未可混而爲

一矣此外惟白狼石城廣成三縣與建昌縣平泉州境接壤而

亦未能跨有建昌平泉之地蓋漢之長城既東抵遼水則自今

永平府東北邊外以迄於錦州府界當建昌朝陽兩縣之最東

南境平泉州之最南境尙當爲長城以內地水經注白狼水大今

凌河詳見水門出廣成縣北流西北屈逕廣成縣故城南又北逕白狼

縣城東知廣成縣在白狼縣之東南又石城川水在大凌河發源處所會諸

小水中詳見水門出石城山東流逕石城縣故城南北屈逕白鹿山西

又東北入廣成縣東注白狼水知石城縣在廣成縣之西南白

狼水即今大凌河自喀喇沁左翼南發源東北流逕興中故城

即古龍城地南又東南流入錦州府義州境則白狼諸縣並當在古

龍城以南大凌河發源附近之地白狼在慕容燕時稱爲重鎮

其石城廣成亦俱置縣而分割參錯觀魏志建德郡治白狼城

而廣都縣即廣成縣水經注廣成俗謂之廣都下復注併白狼建德郡領石城縣

而廣興縣下又注有石城於是白狼城廣成皆非漢縣之故址

約畧言之爲今臨榆縣撫寧縣遷安縣北境與建昌縣平泉州

相接之地也自北魏以後白狼與廣成不復置縣惟唐平州所

屬有石城縣通典及通考皆以爲即漢舊縣唐書地理志又以爲臨渝縣之改名蓋用漢之舊名未必即漢之舊治總之漢時遼西郡右北平郡北境諸屬縣與建昌縣平泉州境雖屬接壤而皆不可入本境之沿革因舊說流傳率多淆混特附辨於此

以上論漢時柳城諸縣與承德府屬之建昌朝陽二縣平泉州境或相距尙遠或本屬接壤而皆未能跨有州縣之境以訂舊說在塔子溝八溝二處蒙古地之誤

欽定熱河志卷五十六

欽定熱河志卷五十七

建置沿革三

後漢 魏


晉

案自前燕慕容氏建置州郡有可考者分列圖內別有前燕慕容
容庖設冀陽成周營邱唐國諸郡後燕慕容熙析置青州并州
北燕又分置并青幽平四州亦有石城建德冀陽郡俱當在今
承德府屬境第其疆域莫詳圖中難於晰屬統著篇末以備考


金史卷之二十一

二

魏 漢 後 三 圖 革 沿 置 建



晉 四圖革沿置建



後漢 魏

晉

後漢爲烏桓鮮卑地後盡屬於鮮卑

後漢書烏桓傳 光武初烏桓與匈奴連兵爲寇居止近塞五郡民

庶家受其辜建武二十二年匈奴國亂烏桓擊破之匈奴轉北徙二

十五年遼西烏桓大人郝旦等率衆向化封爲侯王君長者八十一

人皆居塞內布於緣邊諸郡三國志魏書謂布列遼東屬國遼西右

方諸郡界建安初冀州牧袁紹矯制賜蹋頓等皆以單于印綬建安十二

年曹操自征烏桓大破蹋頓于柳城虜二十餘萬人

後漢書鮮卑傳 鮮卑者亦東胡之支也別依鮮卑山故因號焉漢

初亦爲冒頓所破遠竄遼東塞外與烏桓相接光武初匈奴率鮮卑

與烏桓寇抄北邊建安二十五年鮮卑始通驛使和帝永元中右校

尉耿夔擊破匈奴北單于逃走鮮卑因此徙據其地匈奴餘種留者

尙十餘萬皆自號鮮卑是後或降或叛桓帝時鮮卑檀石槐爲大人盡據匈奴故地延熹九年遣使持印綬封檀石槐爲王不肯受乃自分其地爲三部從右北平東至遼東接扶餘穢貊二十餘邑爲東部從右北平以西至上谷十餘邑爲中部從上谷以西至燉煌烏孫二十餘邑爲西部各置大人主領之皆屬檀石槐自檀石槐後諸大人遂世相傳襲

案匈奴在武帝時徙而西北自王莽變易其號復擾近塞建武中匈奴左部轉居塞內特徙幽并邊人于常山關居庸關東以避之蓋又竄入烏桓鮮卑之境至建武二十二年以後匈奴復又北徙漠南地空於是全爲烏桓鮮卑所有鮮卑之強大過於烏桓而烏桓布居塞內在長城之北陰山之南附近邊牆是今承德府屬之南境並爲後漢烏桓之地若鮮卑當在烏桓之北然考後漢書所載既有遼東烏桓遼西烏桓右北平烏桓漁陽

烏桓上谷烏桓之別而鮮卑亦復有遼東遼西等名三國魏志亦謂烏桓鮮卑因漢末之亂中國多事不遑外討故得擅漠南之地其疆圉分合雖不可考要其爲二部之錯居也久矣抑又考之後漢書鮮卑傳謂鮮卑以季春月大會于饒樂水上饒樂水即今英金河正當今赤峰縣北境而後漢書又謂檀石槐初立庭於彈汗山斲仇水上去高柳高柳爲漢縣在今陽高縣境北三百餘里通考於檀石槐庭注馬邑郡界是檀石槐建庭之處在今大同朔平二府北境外而東至英金河左右皆鮮卑疆域所及可知今承德府屬之北境皆鮮卑地也胡三省通鑑注引宋白之說則謂建安時鮮卑庭在右北平郡界蓋鮮卑強盛漸徙而南已兼及今承德府屬之南境故魏武出盧龍口東伐烏桓必先涉鮮卑庭也

魏爲鮮卑地

三國志鮮卑傳 文帝踐阼步度根檀石槐死子和連立和連死兄子魁頭立魁頭死弟步度根立

遣使獻馬帝拜為王後數與軻比能更相攻擊步度根部眾稍寡弱

將其眾萬餘落保太原雁門郡而軻比能眾遂强盛青龍元年步度

根為比能所殺軻比能本小種鮮卑眾推為大人部落近塞文帝亦

立為附義王後與東部鮮卑大人素利及步度根三部爭鬪比能彊

盛控弦十餘萬騎餘部大人皆憚之後幽州刺史王雄遣勇士刺殺

比能更立其弟在青龍三年素利彌加厥機皆為大人在遼西右北平漁

陽塞外道遠初不為寇然其種眾多於比能建安中太祖皆表寵以

為王

按檀石槐部傳至步度根惟保并州內塞於是檀石槐舊地屬

於軻比能考比能建庭之地亦仍在代郡雁門郡之北邊外而

魏志稱比能制御羣狄盡收匈奴故地自雲中五原以東抵遼

水皆為鮮卑庭是今承德府屬全境並在其中至於素利彌加

厥機本檀石槐所立之東部大人與軻比能各自爲部志稱其居於塞外道遠不爲寇者蓋其地尙在比能之東北而遼西北平漁陽邊外附近之地皆爲比能所有也逮比能被刺之後魏志雖稱其時種落離散強者遠遯弱者請服邊陲差安然考魏末晉初正鮮卑諸部互相攘據之時今承德府屬全境之地魏與晉實皆不得而有之也

晉初爲鮮卑諸部所分據屬鮮卑段氏宇文氏及慕容氏地

魏書徒河段就陸眷傳 本出於遼西至務目塵立在晉惠帝時魏書及北史謂在

穆帝時者誤即就陸眷父也據有遼西之地而臣於晉其所統三萬餘家

控弦上馬四五萬騎

十六國春秋前燕錄 段疾陸眷即就陸眷之孫遼自立在晉明帝大寧三年段氏

自務勿塵即務目塵以來日益強盛其地西接漁陽東界遼水

案鮮卑段氏自務目塵據有遼西居于徒河今錦縣西北在建昌朝陽二縣東境

外 太安二年始封為遼西公子疾陸眷繼之在懷帝時建興元年慕

容鹿遣子翰攻段氏取徒河新城新城在徒河西在今建昌縣東境方輿紀要謂晉永嘉中

鮮卑段氏所置縣至陽樂引兵而還則其時段氏當已遷于令支今遷安縣

地在平泉州南境外疾陸眷死其從弟末杯殺其叔涉復辰而代之在元帝太

興元年末杯死段遼十六國春秋稱為疾陸眷之弟未詳孰是及殺其

子牙而代之是時疆域頗廣其所居之令支雖在今平泉州境

之外而實兼有今承德府屬南境之地前燕錄稱慕容皝攻掠

段遼令支以北諸城可知永平府北邊外皆段氏地所謂西接

漁陽東界遼水者蓋自今西至灤平縣東至建昌朝陽縣之南

境並當為段氏所有其北境則為宇文氏東境即慕容氏也

又按當段遼盛時慕容皝于咸和九年攻乙連不克咸康三年

築好城于乙連東以逼乙連知段氏之北界在於乙連方輿紀

要乙連城在營州西南二百里當為今建昌縣西南境地也段

氏之地至咸康四年爲慕容皝與石虎所分然考石虎之伐段氏自鄴城而東北慕容皝之伐段氏自棘城而西南當時段遼所署漁陽太守北平相代相上谷相等四十餘城降于石虎其地並在今長城以內惟慕容皝先攻令支以北諸城其後以段遼詐降於石虎請皝應接復敗石虎將麻秋于密雲山擁遼及其部衆以歸知密雲東北之地悉爲慕容氏所有也段氏既滅之後慕容氏之南境與石趙相接當虎入伐段氏令支時怒皝不會師進軍棘城皝擊敗之拓境至凡城而還咸康五年石虎使將軍石成寇凡城建元二年又使將軍尹農寇凡城知慕容氏之南界在于凡城水經注謂自盧龍至凡城二百許里當在今平泉州南境自凡城以南則爲趙地矣又後趙錄建武六年

時爲晉咸康六年石虎既破段氏之後自幽州以東至白狼大興屯田是白狼亦

石趙與慕容燕接界之處也

周書文帝紀 宇文氏先世為大人其後曰普回號宇文國并以為

氏普回子莫那自陰山南徙始居遼西九世至豆歸為容孰所滅

魏書匈奴宇文莫槐傳 宇文氏本鮮卑別部魏書謂為匈奴者蓋匈奴之種而據有鮮卑部衆 出於

遼東塞外世為東部大人莫鹿立 莫槐死弟普撥立普撥死子邱不勤立邱不勤死子莫鹿立本名莫

圭魏書以避道武帝諱故作莫鹿 部衆強盛自稱單于塞外諸部咸畏憚之

魏書昭帝紀 昭帝立 在晉惠帝元康五年 分國為三部帝自以一部居東在

上谷北濡縣之西東接宇文部 當宇文時

案宇文氏本居遼東塞外周書稱自莫那徙居遼西而未詳其地庾信周上柱國齊王憲碑則謂晉太康之世據有黃龍考宇文氏之國都本在紫蒙城方輿紀要謂在柳城西北是宇文氏所都亦尚在黃龍之北所謂據有黃龍者蓋其南境所及也太康之世約當宇文莫圭時莫圭距逸豆歸之滅纔及三傳周書謂莫那九世至豆歸則自莫圭以前當居黃龍之北也自太康

時據有黃龍知今朝陽縣東之土默特右翼境亦宇文氏地又
前燕錄有宇文乞得歸屯保澆水即澆樂水今翁牛特境之英金河之文知今

赤峰縣屬之翁牛特境亦宇文氏地至於濡水之發源在今豐

寧縣西境外拓拔氏居濡源之西而宇文氏與之相接則東自

今朝陽縣西至豐寧縣皆兼得宇文氏地而特偏居北邊緣其

時南境屬段氏耳又案慕容廆以太康五年立而太康之世宇

文氏方據有黃龍其後黃龍之入於慕容氏史無明文考太安

元年宇文莫圭遣將素延圍棘城在今義州西北通典棘城在營州柳城郡東南百七十里

爲廆所敗其子悉獨官繼之太興二年自將攻棘城復爲廆所

敗然是時用兵止在棘城爲慕容廆所居之地知黃龍尙屬宇

文氏也悉獨官子乞得歸代立以太寧三年復又擊廆廆遣其

子訛破之悉虜其衆乘勝拔其國城黃龍之屬於慕容氏當在

是時觀慕容氏於咸康時建都龍城在宇文乞得歸既破之後

而宇文逸豆歸未滅之先可知也自乞得歸既敗逸豆歸殺而
代之至建元二年為慕容皝所伐遠遁漠北皝闢地千餘里於
是宇文氏故地悉入於燕

其後併於慕容氏為前燕地

案慕容氏本東胡之後世為鮮卑君長自莫護跋在魏初率其
諸部從塞外入居遼西始建國於棘城之北慕容涉歸莫護跋
死子木

延立木延死子涉
歸立亦名奕洛韓又遷邑于遼東之北太康五年慕容廆代立

十年又遷於徒河之青山通典徒河青山在營州
柳城郡東百九十里元康四年復

遷居大棘城是時慕容氏地尚在今朝陽建昌縣東境之外當
慕容涉歸以全柳城之勳進拜鮮卑單于是柳城本非慕容氏
地知其猶屬於晉也又太康二年慕容涉歸始寇昌黎太康五
年慕容廆入寇遼西復掠昌黎然曰寇曰掠是慕容氏尚未能
據有其地知其亦屬於晉也逮永嘉之亂慕容氏始強太興初

於諸部弱小者稍擊取之疆域漸廣太興二年鹿襲平州刺史
崔苾奔高句驪悉降其衆於是兼有平州之地至咸和之地慕
容孰代立之後既併段遼則承德府屬之南境皆爲所有又滅
宇文氏則承德府屬之北境亦爲所有矣

慕容孰時都於龍城

至慕容偽遼都於薊復
遼於薊以龍城爲留臺

十六國春秋前燕錄

咸康七年春正月孰以柳城之北龍山之西

一作南

福地也使唐國內史陽裕等築龍城構門闕宮殿廟園

一作緒
宗廟

田遂改柳城爲龍城縣八年冬十月孰遷都龍城

案慕容氏立國其郡縣之建置前史未詳所可考者龍城爲孰

之國都在今朝陽縣屬土默特右翼地昌黎郡爲孰所徙置晉

志所載之昌黎郡

晉書地理志謂三國魏
置魏書地形志作晉置

即前漢交黎縣後漢

昌黎縣本在今朝陽縣境之外自咸康三年慕容氏徙昌黎郡

即與龍城相近建元二年孰破宇文逸豆歸徙其部人五萬餘

落於昌黎是時已居龍城則昌黎正爲近畿之地因徙人戶以實之前燕錄有昌黎太守知其自爲一郡也

又案慕容皝時後趙石虎正強然考後趙之地其北境但至令

支後趙錄建武五年虎以李農爲持節與薊後趙錄建武六年

監遼西北平諸軍事營州牧鎮令支與薊慕容皝襲幽冀幽

州刺史石光閉城後趙錄建武五年即晉咸虎以遼西迫近燕

境徙其民於冀州之南六年復徙遼西北平漁陽萬餘戶於兗

豫雍洛四州之地又前燕錄皝長史劉翔稱石虎畏懼悉徙邊

陲之民散居三魏以薊城爲北境可知今承德府屬之地皆不

在石趙境內也前燕錄又稱咸康六年皝出蠡螭塞襲趙長驅

至薊城慕容儁二年自東道出徒河西道出蠡螭塞中道出盧

龍塞三道並進伐趙徒河在今錦縣西北蠡螭即居庸之轉音

在今昌平州西北盧龍塞即潘家口在今遷安縣西北慕容氏

時都龍城爲今朝陽縣境地其西南疆域所至跨有承德府屬

全境故自徒河至居庸皆其分道入邊處也魏書又謂奚與契丹爲慕容氏所破俱竄松漠之間則今府屬全境並屬慕容氏無疑

苻堅滅燕爲秦地

晉書地理志 苻堅滅燕之後分幽州置平州鎮龍城

案苻堅初滅燕以郭慶爲幽州刺史鎮薊

今順天府

其後以苻洛爲

幽州刺史鎮龍城是時承德府屬全境並當屬於幽州逮苻洛自和龍舉兵反既討平之乃分置平州刺史鎮龍城而以幽州刺史鎮薊則自今承德府東境若平泉州赤峰建昌朝陽諸縣之地宜爲當日平州所屬其西境則幽州所屬也又前秦時有昌黎太守知其仍置昌黎郡

慕容垂復國爲後燕地慕容寶復都於龍城慕容盛慕容熙及高雲相繼有之

魏書慕容廆傳 垂稱大位盡有幽冀平州之地

晉書地理志 慕容熙以青州刺史鎮新城并州刺史鎮凡城營州

刺史鎮宿軍高雲以并州刺史鎮白狼諸州皆在龍城近地及後燕之制與古青州并州營州別

案慕容垂定都中山建留臺於龍城以其子慕容農慕容隆相

繼鎮龍城皆稱都督幽平二州諸軍事知其時承德府屬之地

仍分屬幽州平州慕容寶在遷龍城之後當慕容盛時以幽州

刺史鎮肥如在今盧龍縣北境平州刺史鎮宿軍方輿紀要宿軍城在營州東北後燕所置

為平州治肥如雖在今府境之外然即當平泉州之南境宿軍當建

昌縣之東北境知其時承德府屬之地亦屬幽平二州也慕容

熙之光始二年以幽州刺史鎮令支在今遼安縣境三年以青州刺史

鎮新城方輿紀要新城在營州東徒河西并州刺史鎮凡城方輿

紀要凡城在營州西南慕容氏所置城六年以營州刺史鎮宿軍冀州刺史鎮肥

如蓋增置青州并州及冀州又改平州為營州地不加廣而州

名轉多是時府屬之地乃慕容氏青并營三州所屬而錯出於其幽冀二州至高雲以并州刺史鎮白狼

方輿紀要白狼城在營州西南

幽冀二州牧鎮肥如是時府屬之地乃高氏并州所屬而錯出於其幽冀二州高雲時不詳青州營州者其仍舊與併省別無

可考又後燕錄慕容垂時有昌黎太守知其仍自為一郡慕容盛及高雲時皆有昌黎尹蓋自慕容寶復都龍城之後昌黎郡

北魏昌黎郡治在龍城亦沿燕舊

故改稱為尹也其所屬之縣惟

石城廣都有令知其置縣餘不可考

馮跋時為北燕地至馮宏併於魏

案北燕錄稱馮跋即天王位於昌黎以昌黎郡即在龍城也跋初僭位時以馮乳陳為征西大將軍并青二州牧以馮萬泥為驃騎大將軍幽平二州牧是時元魏日強燕之封境漸削所謂并青幽平諸州大約止在黃龍附近數百里之地昌黎為都城

所在故仍設尹石城建德並有太守知其置郡建德又有令知其置縣又魏人伐燕詔永昌王健攻建德樂安王丕攻冀陽皆拔之知冀陽亦爲北燕所置郡其地並當在今平泉州建昌朝陽二縣境至魏之取和龍先克白狼城是白狼在北燕時亦爲重鎮

欽定熱河志卷五十八

建置沿革四

北魏

北齊 周

次定熱河志

卷五十八

建置沿革四

金文素元

卷五十一

北魏

北齊 周

北魏為安州營州及庫莫奚契丹地

今承德府本境為安州廣陽郡之燕樂縣地其北境為庫莫奚地灤平縣為廣陽郡之廣興縣地其西境為禦夷鎮地豐寧縣為燕樂縣方城縣地其西南境為禦夷鎮地北境為庫莫奚地後俱併入庫莫奚平泉州為營州建德郡之陽武縣冀陽郡之平剛縣地赤峰縣為庫莫奚地建昌縣為營州建德郡之石城縣廣都縣地冀陽郡之柳城縣地其北境為契丹地朝陽縣為營州昌黎郡之龍城縣廣興縣定荒縣地其北地為契丹地

魏書地形志

安州

皇興二年置治方城天平中 領郡三 案在今境

廣陽郡

延和元年置益州

領縣三

廣興

延興二年置真君九年併恆山屬

卷之三十一

燕樂

州郡治延和九年併永樂

方城

普泰元年置

案北魏燕樂縣即安州廣陽郡治其地在邊外與東魏元象時

僑置邊內之燕樂縣異

東魏僑置之燕樂縣在北口內今密雲縣東北境

曾公亮武經

總要謂後魏之安州遼為北安州西南至古北口二百八十里

以方位道里計之當在今豐寧縣之東境水經注索頭水南逕

廣陽僑郡西今安州治

安州為魏置鄴道元魏人故曰今安州

南流注於濡水

即

河索頭水即今伊遜河

詳見水門

流經承德府北境過豐寧縣至灤

平縣之東北境會入灤河今豐寧縣博洛河屯

即波羅河屯

之廢城

址古索頭水正經其西當為安州故治蓋北魏之安州領郡凡

三密雲郡安樂郡皆置於邊內惟廣陽郡置於邊外今承德府

之南境

北境為奚地

灤平縣之東境

西境為契丹地

豐寧縣之東南境

為奚地西南境為禦夷鎮地

皆廣陽郡地也魏志燕樂縣下注州郡治是州

郡同治燕樂燕樂縣治即當在豐寧縣東南境附近安州故治也承德府南境近相毘接亦當爲燕樂縣地廣興方城二縣方位不詳魏志即稱燕樂縣爲州郡治又於安州下注治方城者方城本地名安州與燕樂同治其地故注文互見後普泰元年析置方城縣縣以地名亦當在今豐寧縣境燕樂方城居北在豐寧縣境則廣興縣宜居南爲今灤平縣境矣

又案水經注五渡水

今承德府東境之老牛河詳見水門

出安樂縣丁原山南流

逕其縣故城西本三會城也又高石水

今平泉州南境之瀑河詳見水門

出安

樂縣東山西流歷三會城南道元所注係在安州境而北魏之安州本無安樂縣若指漁陽郡之安樂縣北魏於真君七年併入潞縣者其故地在今順義縣界於邊外無涉惟魏志安州燕樂縣下注云真君九年併永樂知北魏真君以前尙有永樂縣與燕樂縣毘接同在安州境內所謂安樂縣者疑即永樂縣之

訛因其已併入燕樂故道元稱爲故城也

營州

治和龍城太延二年爲鎮真君五年改置永安末陷天平初復領郡六案在今境之郡三

昌黎郡

晉分遼東置真君八年併冀陽屬焉領縣三

案昌黎本燕之舊郡其治在龍城亦因後燕北燕之舊

龍城

真君八年併柳城昌黎棘城屬焉有堯祠檢頓城狼水

案龍城即燕之舊都在今朝陽南境之三座塔狼水即大凌河

流經三座塔境惟所併之棘城在今義州西北當朝陽縣境之

外知龍城縣之東兼得今錦州府地

廣興

真君八年併徒河永樂燕昌屬焉有鷄鳴山石城大柳城

案方輿紀要廣興故城在營州東百里當在今朝陽縣南三座

塔之東境其所併之徒河爲今錦縣地在朝陽縣境外知廣興

縣之東南亦兼得今錦州府地

定荒

正光末置有鹿頭山松山

案方輿紀要定荒縣正光末析龍城廣興二縣地置正光之末距太延二年初得昌黎郡之時幾及九十年知正光以前即龍城廣興二縣地亦當在今朝陽縣境今奈曼旗西南八十里有鹿兒山其地正當魏昌黎郡之北境或即爲古鹿頭山未可知也

建德郡

真君八年置治白狼城

領三縣

案建德本燕舊郡之名考魏之取燕於延和元年八月先拔建德郡於太延二年四月始克白狼城知建德郡與白狼城本爲兩地魏之建德郡即治白狼城蓋係改置之郡非燕之故治

石城

真君八年并遼陽路大樂屬焉有白鹿山祠

案方輿紀要石城故城在營州西南百餘里蓋據後燕錄慕容寶自廣都黃榆谷行十餘里清河王會勒兵攻寶寶馳二百里至龍城會遣騎追至石城不及廣都距龍城二百餘里而石城

在其中約畧以爲百餘里耳魏之建德郡既領石城縣而昌黎郡之廣興縣下復有石城知爲兩地疑後燕錄所謂追至石城者乃廣興縣境之石城故與龍城相近未必爲石城縣也又考魏志於石城下注前漢屬右北平即以石城爲漢縣考慕容燕所置諸郡縣用漢舊名者頗多而分併參錯每非其故址後燕時有石城令知其置石城縣北燕時又有石城太守知其又升爲石城郡魏時省郡而存縣蓋亦仍燕之舊縣而非即漢縣故治也計其方位當在今建昌縣西南接平泉州東南近長城之

地

廣都

真君八年併白狼建德
望平屬焉有金紫城

案廣都亦燕之舊縣水經注廣成俗謂之廣都此蓋自慕容氏後相沿以俗名置縣魏志不係以沿革知非漢之廣成故縣至魏建德郡即治白狼城而志又稱白狼併屬廣都者蓋郡治在

白狼城而白狼所屬之地復割入廣都耳據後燕錄自廣都黃榆谷至龍城二百餘里則廣都當在龍城之南爲今建昌縣東

南境地

陽武

正光未置有三合城

案陽武縣置於正光之末距眞君八年置郡之時已越七十餘

年當以近建德郡之地析置其方位未詳方輿紀要謂陽武廢

縣在石城東亦約畧之詞別無證據水經注安樂

當作永樂見前安州條下

縣有三會城此稱三合城疑即三會之譌考安樂縣之三會城

在五渡水之東高石水之西與滯水入邊處相近當在今老牛

河

即五渡水 瀑河 即高石水

之間爲平泉州西南境地三合城先已併入

燕樂縣而此又在陽武縣者蓋建德郡與廣陽郡本自相接故

析其附近之地置縣正光末增置陽武之時距道元之死僅二

年餘

道元死於孝昌三年蕭寶夤之亂

當在其書成之後故水經注未之詳也

冀陽郡 真君八年併昌黎武定五年復 領縣二

案冀陽亦燕之舊郡魏自延和元年拔冀陽郡於北燕真君八年併入昌黎郡逮武定時復置冀陽郡而東魏旋亡是魏之置有冀陽郡統前後不過十有餘年其實即昌黎郡地也

平剛

案平剛在燕時亦當置縣魏初隨冀陽郡併省至魏末復置耳

魏志不詳沿革當與前漢右北平治之平岡異 平剛漢書本作平岡 水經

注自盧龍至凡城二百許里自凡城東北出趣平罡 即平岡 百八

十里蓋即指魏之平剛當為今平泉州東境地

柳城

案柳城為燕改置之縣已非漢之故治至魏初併省之時既以其地省入龍城而又割柳城之故城分隸廣興至魏末仍分置柳城縣故有龍城所併之柳城有廣興所隸之大柳城又有冀

陽郡所領之柳城縣屢經分割并非燕柳城之故治蓋其一時之廢置如是計其方位當不離龍城以南爲今建昌縣南境地又案魏志又有南營州注云孝昌中營州隘永熙二年置寄治英雄城其所領亦有昌黎郡及龍城廣興定荒三縣建德郡及石城廣都二縣當永熙二年正東西魏分國之時此乃僞置之營州與故地無涉

北史奚傳

互見魏書

庫莫奚其先東部宇文之別種也初爲慕容晃

六十

國春秋作訖

所破竄匿松漠之間好爲寇抄登國三年道武親自出討至

弱洛水南大破之十數年間庫莫奚滋盛太和四年輒入塞內辭以畏地豆干抄掠詔書切責之二十二年寇安州擊走之後復款附每求入塞交易宣武詔曰庫莫奚去太和二十一年以前與安營二州邊人參居並無欺貳至二十二年叛逆以來遂爾遠竄今雖款附猶在塞表

案庫莫奚初竄匿松漠當在承德府屬北境之外魏道武破之

於弱洛水即饒樂水南即今英金河在赤峰縣屬翁牛特旗界魏之

登國三年即慕容垂之建興三年是時苻秦喪亂後燕又甫經

立國故庫莫奚漸強得至弱洛水南其後慕容寶之襲庫莫奚

渡澆洛水即饒樂水是終後燕北燕之世庫莫奚皆處英金河左右

在今承德府豐寧縣北境及赤峰縣境逮魏太和四年之後始

與安營二州民雜居益復漸徙而南散處今承德府本境灤平

縣豐寧縣平泉州境內太和以後奚之部落日大魏志所稱安

州於天平中陷者史不詳其事考其時正江果棄安州奔高麗

時必庫莫奚乘亂據之耳至東魏孝靜帝武定三年高歡上言

幽安定三州北接奚蠕蠕請於險要修立城戍以防之此所謂

安州者乃東魏寄治邊內之安州已非北魏安州之故境矣

北史契丹傳互見魏書契丹國在庫莫奚東異種同類并為慕容晃所

破竄於松漠之間登國中魏大破之遂逃迸經數十年有部落於和龍之北數百里真君以來得交市於和龍密雲之間貢獻不絕太和三年莫賀弗勿于率其部落求內附止於白狼水東

遼史營衛志 契丹之先曰奇首可汗生八子其後族屬漸盛分爲八部居松漠之間今永州木葉山有契丹始祖廟奇首可汗可敦併八子像在焉潢河之西土河之北奇首可汗故壤也元魏末莫賀弗勿于畏高麗蠕蠕侵逼率車三千乘衆萬口內附乃去奇首可汗故壤居白狼水東北

案北史稱契丹居和龍之北數百里據遼史謂在永州考遼之永州本以潢河土河二水合流而名爲今喀爾喀左翼旗地當建昌朝陽縣屬敖漢奈曼旗北境之外遼史所謂潢河之西土河今名老河之北與唐書所謂潢水之南黃河之北其方位相合蓋潢河自赤峰縣北境之翁牛特東流至喀爾喀左翼旗境會土

河復折而南流故契丹所居可曰在潢水之南亦可曰在潢水之西土河經建昌朝陽縣北敖漢奈曼旗境始合潢河亦在黃龍之北也太和以後之內附者蓋契丹中之別部白狼水即今大凌河契丹附居白狼水東蓋已雜處龍城近地魏志於營州之陷不詳其事考孝莊之末國亂紛然營州當爲契丹所據

北齊爲庫莫奚地其東北境爲契丹地東南境屬營州

今承德府本境灤平縣豐寧縣赤峰縣爲庫莫奚地平泉州爲營州冀陽建德郡地其北境接庫莫奚地建昌縣爲營州建德郡地其北境爲契丹地朝陽縣爲營州龍城廣興縣地其北境爲契丹地北齊書昭帝紀皇建元年帝親討庫莫奚出長城虜奔遼

北史奚傳 齊受魏禪歲時來朝其後種類漸多分爲五部有阿魏氏遂盛

杜佑通典 庫莫奚於後魏之初頻爲寇盜及突厥興而臣屬之後

稍漸強盛分爲五部居饒樂水北即鮮卑故地

案魏安州于元象中寄治幽州北界之後諸史無復置之文是東魏至北齊之安州祇僑置在長城以內而舊地全陷入庫莫奚矣通典稱庫莫奚屬於突厥考魏書尙無突厥傳其興當在後魏之末至庫莫奚之分爲五部在齊受魏禪之後通典所謂居饒樂水北者亦祇約畧之詞大約奚之故地本在今赤峰縣北境迨據有安州則今承德府灤平縣豐寧縣境赤峰縣南境皆庫莫奚地觀齊昭帝紀討庫莫奚出長城而虜遼知長城以外卽爲奚境矣

又案隋志稱齊廢廣陽郡以大興

大興卽廣興避隋煬帝諱追改

方城入燕樂

此亦寄治邊內之廣陽郡在今密雲縣界者非北魏舊廣陽郡地

北史契丹傳 天保四年契丹犯塞文帝北討至平州遂西趣長塹

踰山嶺大破之

案魏志於營州稱永安末陷天平初復又稱孝昌中陷大約自孝明帝以後營州郡縣之陷入契丹者魏末亦未能盡復之其爲北齊所有當在天保中大破契丹之時齊文宣紀稱北討契丹至平州從西道趣長塹辛丑至白狼城壬寅經昌黎城癸卯至陽師水甲辰踰山嶺奮擊大破之丁未至營州可知東魏之末營州近境已爲契丹所有至是始復定之也

隋書地理志

後魏置營州於和龍城後齊惟留建德冀陽二郡龍

城大興

此大興即魏昌黎郡之廣興亦避隋煬帝諱追改

等縣其餘並廢

北齊書高保寧傳

武平末爲營州刺史鎮和龍

案北齊時安州久陷惟存營州其建德冀陽二郡之屬縣亦多併省自不能如北魏之原境是北齊所有者當爲今建昌縣及朝陽縣南境三座塔以南及平泉州東南境地其西則與奚分

地其東北則與契丹分地

又案文宣帝紀天保三年冬十月仍起長城北至社干成四百餘里立三十六成五年十一月帝北巡至達速嶺覽山川險要將起長城六年發夫一百八十萬人築長城自幽州北夏口至恆州九百餘里七年併省州郡先是自西河總秦成築長城東至於海前後所築東西凡三千餘里築十里一戍其要害置州鎮凡二十五所八年於長城內築重城自庫洛拔而東至於塢紇戍凡四百餘里又斛律羨傳羨自庫堆戍東距於海隨山屈曲二千餘里其間二百里中凡有險要或塹山築城或斷谷起障並置立戍邏五十餘所是北齊所築之長城東至於海與秦時所築之東至大遼水者不同今潘家口以東邊牆迤南至海當屬北齊改築之舊址至長城內之重城則不可考矣

周爲庫莫奚地其東北境爲契丹地東南境爲齊營州刺史高保寧

地

今承德府灤平縣豐寧縣赤峰縣爲庫莫奚地建昌縣北境朝陽縣北境爲契丹地平泉州及建昌縣南境朝陽縣南境爲北齊高保寧地

北齊書高保寧傳 周師將至鄴保寧率驍銳并契丹靺鞨萬餘騎將赴救聞鄴都不守便歸營據黃龍竟不臣周

案周書異域傳但有庫莫奚而無契丹即奚傳中亦未詳後周之事蹟考周自建德六年始併齊地至大象三年即入於隋相距止四年其時庫莫奚與契丹當仍在故境而齊營州刺史高保寧至隋開皇三年始滅是終周之世未嘗得有安營二州之故地也若隋志稱周改安州爲元州亦即寄治密雲之安州不在今承德府屬境內

又案周宣帝大象元年六月發山東諸州民修長城立亭障西

自雁門東至碣石是周時長城因北齊東至海之舊址與今邊
牆無異

欽定熱河志卷五十八

欽定熱河志卷五十九

建置沿革五

隋

唐

次定熱河志


卷五十九

建置沿革五

録
文
書
元
名
五
十
九

一

隋 七圖革沿置建



隋

唐

隋爲奚及契丹地其東南境屬營州

今承德府本境灤平縣豐寧縣及平泉州西境爲奚地赤峰縣及建昌縣北境朝陽縣北境爲契丹地建昌縣南境朝陽縣南境平泉州東南境爲營州遼西郡地

隋書奚傳 奚本曰庫莫奚初臣于突厥自突厥稱藩之後亦遣使入朝或通或絕

案奚自東魏時據有安州

今承德府本境及灤平豐寧赤峯縣地

州屬郡縣僑治

長城以內幽州北界北齊及周末復故地

說並見前卷

隋書地理志

載安樂郡統燕樂密雲二縣漁陽郡統無終一縣北平郡統盧

龍一縣各注有長城是諸縣並在長城以內而三郡外之舊安

州境即屬奚地可知也唐書奚傳元魏時自號庫真奚至隋始

去庫真但曰奚庫真之與庫莫則傳寫之訛耳

隋書契丹傳

契丹當後魏時部落萬餘口內附止於白貌河

即白狼河

之

其後爲突厥所逼又以萬家寄於高麗開皇四年率諸莫賀弗來

謁五年悉其衆款塞高祖納之聽居其故地開皇末其別部四千餘家背突厥來降部落漸衆遂徙逐水草當遼西正北二百里依託紇臣水而居東西互五百里南北三百里分爲十部

案契丹部落最大當北魏時分爲悉萬丹等八部居潢水之南在今建昌朝陽縣北境外太和時內附居白狼河者乃其別部而其餘全部固尙居故地也開皇時款塞而聽居故地是亦仍在潢水之南逮開皇之末來降之人旣衆遂依託紇臣水而居今土河即古託紇臣水自喀喇沁東北流經建昌縣朝陽縣北境所屬之敖漢奈曼二旗北境適當隋遼西郡

即北魏營州

之正北

是今赤峰縣及建昌縣朝陽縣北境正當日契丹所徙居之地

矣隋時託紇臣水之旁爲新降之契丹所居潢水之旁則契丹舊部所居也

隋書地理志

遼西郡

舊置營州開皇初置總管府大業初廢統縣一柳城後魏置營州于和龍

城領建德冀陽昌黎等郡龍城大興等縣開皇元年惟留建德一郡其餘並廢尋又廢郡改縣爲龍山十八年改爲柳城大業初置遼西郡有帶方山秃黎山鷄鳴山松山有渝水白狼水

案是時雖止柳城一縣而疆域頗廣帶方山秃黎山等尙在今境外其松山及渝水白狼水則宜在今境是今建昌縣朝陽縣南境平泉州東南境當爲遼西郡地

又案隋文帝開皇元年四月修築長城五年使司農少卿崔仲方發丁三萬於朔方靈武築長城東距黃河西至綏州南至勃出嶺綿歷七百里六年二月丁亥復令崔仲方發丁十五萬於朔方以東緣邊險要築數十城七年發丁男百餘萬築長城西踰渝林東至紫河四年七月辛巳發丁男二十餘萬築長城自

金史卷之九十一 三十一
榆林谷而東隋書地理志沮陽郡無終縣北平郡盧龍縣下皆有長城是皆因北齊及周東至海之舊址與今邊牆無異

唐爲奚及契丹地其東南境屬營州

今承德府本境灤平縣豐寧縣平泉州及建昌縣西南境爲奚地赤峰縣建昌縣北境朝陽縣北境爲契丹地建昌縣東南境爲營州柳城縣地朝陽縣南境爲柳城郡屬之柳城縣地後均與契丹雜居新唐書奚傳 奚亦東胡種保烏丸山漢曹操斬其帥蹋頓蓋其後也居鮮卑故地東北接契丹西突厥南白狼河北靺鞨兵有五部部一俟斤主之多依土護真水盛夏必徙保冷陁山太宗貞觀三年始來朝不數年其長可度者內附爲置饒樂都督府咸通後契丹方疆奚不敢抗舉部役屬虜政苛奚怨之其酋引別部內附保媯州北山遂爲東西奚

舊唐書奚傳

奚蓋匈奴之別種所居亦鮮卑故地東接契丹西至

突厥南扎白狼河北至靺鞨國自營州西北饒樂水以至其國

案奚四境所至新舊唐書所載俱同其西至突厥北至靺鞨皆不

在今境內其東北接契丹之界考新唐書地理志曰營州西北

百里曰松陁嶺其西奚其東契丹知奚之東界距營州州治在今朝陽

百里當在今建昌縣境也富弼行程錄曰中京正北二

百六十里崇信館自過崇信館即契丹舊境其南皆奚地知奚

之北界在中京今平泉州大寧故城北二百六十里當在今赤峰縣南境

也又契丹國志曰由古北口至中京北皆奚境王曾行程錄曰

古北口本范陽防扼奚契丹之所知今古北口外若承德府本

境灤平縣豐寧縣赤峰縣平泉州西境在唐時檀薊平三州長

城以外者其地盡入于奚也其南拒白狼河知今朝陽縣西南

境自大凌河即白狼河發源處之北亦奚地也又新唐書地理志曰

檀州密雲郡今密雲縣東北百八十五里有北口守捉長城口也又

北八百里有吐護真河奚王衙帳也吐護真河即今土河是唐時奚王衙帳在古北口東北八百里土河之旁爲今平泉州北境之喀喇沁地與遼史中京大定府爲故奚王帳地之文方位

相合

五代史四夷附錄 奚當唐末居陰涼州在營府之西幽州之西南

皆數百里後徙居琵琶川在幽州東北數百里契丹案巴堅

舊對音阿保機

正今改強盛奚人常爲契丹守界上而苦其苛虐奚王去諸怨叛以別

部西徙媯州自別爲西奚而東奚在琵琶川者亦爲契丹所併不復

能自見

案五代史所云奚在營府之西指營州都督府至稱奚在幽州

西南者蓋指唐時僑置諸奚州而言如鮮州崇州治潞縣歸義

州治良鄉縣之屬然考唐僑置之州但以降人散處內地聊立

州名以統之其實奚之疆域自在幽州東北也奚既分兩部之

後惟東部在今承德府屬境之內據遼史太祖紀五年親征西
部奚所向輒下遂分兵討東部奚亦平之於是盡有奚嚮之地
東際海南暨白檀承德府屬全境是時始盡入於契丹考案巴
堅之五年當後梁之乾化元年距唐亡四年

新唐書契丹傳 本匈奴種其先保鮮卑山魏青龍中部酋比能爲
幽州刺史所殺衆遂微逃潢水之南黃龍之北至元魏自號曰契丹
東距高麗西奚南營州北靺鞨室韋阻冷陁山以自固其君大賀氏
有勝兵四萬析八部臣於突厥貞觀二年摩會來降未幾舊唐書作
二十二年
窟哥舉部內屬乃置松漠都督府後耶律案巴堅爲一部自號爲王
而有國大賀氏遂亡

舊唐書契丹傳

居黃水

即潢水

之南黃龍之北東與高麗隣西與奚

國接南至營州北至室韋冷陁山在其國南與奚西山相崎地方二
千里

五代史四夷附錄 契丹自後魏以來名見中國或曰與庫莫奚同類而異種居潢水之南黃龍之北得鮮卑故地故又以爲鮮卑之遺種當唐之世其地北接室韋東隣高麗西界奚國而南至營州

舊五代史契丹傳 契丹者古匈奴之種也代居遼澤之中潢水南岸南距榆關一千一百里本鮮卑之舊地

案新舊唐書及五代史皆謂契丹居潢水之南黃龍之北今之潢河即潢水今朝陽縣南之三座塔即古黃龍自北魏以至唐契丹牙帳總居潢水南岸在今三座塔北敖漢奈曼二旗境唐時自營州即慕容燕元魏之黃龍至契丹牙帳四百里至契丹界止五十

里可知自潢水以南三百五十里之中皆契丹地也新唐書地理志曰薊州漁陽郡今薊州東北渡灤河有古盧龍自古盧龍北

至奚王帳六百里又東北行傍吐護眞河即土河五百里至契丹

牙帳知奚與契丹卓帳之處相距五百里契丹牙帳在奚王牙

帳之東北故自奚帳傍土河行亦得至其地唐志蓋從其西道

言之耳

新唐書地理志

營州柳城郡上都督府

本遼西郡萬歲通天元年為契丹所陷聖歷二年僑

治漁陽開元五年又還 柳城

西北接契丹

舊唐書地理志

營州上都督府

隋柳城郡武德元年改為都督府萬歲通天

二年為契丹李萬榮所陷神龍元年又還柳城舊治天寶元年改為柳

城郡乾元元年復為營州 領縣一

柳城

西北與契丹奚接界

案營州之沿革新舊唐書互有詳畧故並錄之

杜佑通典

柳城郡東至遼河四百八十里南至海二百六十里西

至北平郡二百里北至契丹界五十里東南到安東府二百七十里

西南到北平郡三百七十里西北到契丹界七十里東北到契丹界

九十里契丹衙帳四百里

案唐之營州東至遼河南至海是今之錦州府全爲柳城郡地
特柳城郡治則北跨建昌縣朝陽縣南境耳營州之正北境及
東北西北境皆逼近契丹自萬歲通天時營州爲契丹所陷僑
治幽州後雖仍還柳城而僞得僞失是唐時營州一隅實與契
丹共之遼史地理志又稱營州唐末爲奚所據而唐書無明文
元一統志謂唐自中原多故弗遑外撫遼西之地無復屏翰州
亦久廢是唐之中葉已棄營州故奚得雜居其地耳又宋樂史
太平寰宇記稱營州柳城郡東至遼河南至大海三百四十里
西至平州七百里北至秦長城二百七十里至契丹界潢水四
百里東南至保定軍舊安東都護府二百七十里西南至平州
七百里西北至契丹界七十里東北至契丹界九十里自界至
契丹牙帳四百里太平寰宇記爲宋太平興國時所作盧龍以
北之地在唐末已入契丹宋安得而有之且宋太宗之太平興

國即遼景宗聖宗之交是時柳城故地已改置霸建諸州并無營州之名當時紀載殊爲失實然即此可證隋唐之建置也至所載營州四至八到與通典互有異同通典謂營州西至北平郡平永府二百里西南至北平郡三百七十里而寰宇記皆作七百里則失之太遠其所云北至秦長城二百七十里考秦長城雖東抵遼水亦不應出營州之北遠至二百七十里也緣宋代自白溝以北即非境內故其所紀之道里方向未可爲準耳

又案唐書貞觀二十二年以奚可度者部內屬置饒樂都督府即奉誠都督府後更名以其別部分置弱水州祁黎州洛瓌州大魯州渴

野州以契丹窟哥部內屬置松漠都督府以其別部分置峭落州無逢州羽陵州白連州徒河州萬丹州正黎州赤山州尚有彈汗

州共九州後別改爲歸順州終唐之世凡奚酋長內附者皆封饒樂府都督

契丹酋長內附者皆封松漠府都督蓋不過假以虛名未嘗實

有其地所謂弱水五州峭落八州者其疆域原無可考又地理

志營州都督府所領之羈縻府州奚則州九府一曰鮮州寶縣一從

崇州昌縣一黎順化州懷遠縣一歸義州歸德郡歸義縣一及饒樂一府五州

契丹則州十七府一曰元州靜番縣一威州威化縣一昌州龍山縣一師州寶縣一

師帶州孤竹縣一歸順州歸化郡即彈汗州更柔沃州寶海縣一信州黃龍縣一

靑山州靑山縣一及松漠一府八州又有突厥州二曰順州順義郡

寶義縣一瑞州來遠縣一有靺鞨州三府三曰慎州遼龍縣一夷賓州來蘇縣一黎

州新黎縣一黑水府渤海府安靜府自李盡忠陷營州之後改隸幽

州都督府唐時營州之界兼及遼西在今建昌朝陽兩縣南境

者止得其半其羈縻州名在今境者亦不可考且此諸州內有

二州而同治於一境者如崇州師州皆治營州之廢陽師鎮有

二州而即同治於營州者如威州沃州皆寄治營州城內未由

定其疆域大抵當時所謂某州某縣者以人戶立名非其土地

畫界其所謂析某州爲某州者亦祇分領其人戶而非分割其土地新唐書謂貢賦版籍不上戶部舊唐書謂諸州皆東北降蕃散處幽州營州界內以州名羈縻之無所役屬至德之後入據河朔部落之名無存者蓋當其時本無城郭之可稽道里之可案今悉不散附會云

欽定熱河志卷五十九

欽定熱河志卷六十

建置沿革六


遼

々
三
丁
三
々
一
一
建置沿革六

金定縣志

卷六十一

建 置 沿 革 圖 九



遼

遼爲中京道大定府恩州惠州高州武安州利州榆州潭州北安州兼得澤州地興中府安德州川州建州兼得來州隰州宜州地上京道臨潢府地饒州徽州成州松山州地

今承德府本境爲北安州及澤州之灤河縣地灤平縣爲北安州地其西境爲奚王府地豐寧縣爲北安州利民縣其西境爲奚王府地平泉州爲大定府大定縣長興縣勸農縣富庶縣文定縣升平縣歸化縣金源縣恩州恩化縣其南境兼得澤州神山縣地赤峯縣爲高州三韓縣松山州松山縣其北境饒州長樂縣臨河縣安民縣地臨潢府臨潢縣定霸縣保和縣濬縣宣化縣地建昌縣南境爲利州阜俗縣潭州龍山縣榆州和衆縣永和縣東南境兼得隰州之海濱縣及來州地北境爲惠州惠和縣兼得高州之三韓縣地朝陽縣爲興中府興中縣營邱縣象雷縣閭山縣安德州安德縣川州宏理縣咸

康縣宜民縣建州永霸縣永康縣徽州成州同昌縣武安州沃野縣其西北境爲大定府之神水縣東境兼得宜州之宏政縣

遼史地理志

中京大定府漢末步奚

步奚據元一統志當作部奚

居之魏武北

征降者二十餘萬去之松漠其後拓拔氏建牙於此當饒樂河水之南溫榆河水之北唐太宗伐高麗駐蹕於此部帥蘇支從征有功奚長可度率衆內附爲置饒樂都督府咸通以後契丹始大奚族不敢復抗太祖建國舉族臣屬聖宗嘗過七金山土河之濱南望雲氣有郭郭樓闕之狀因議建都統和二十四年五帳院進故奚王牙帳地二十五年城之實以漢戶號曰中京府曰大定有七金山馬孟山雙山松山土河統州十縣九

按遼有兩中京其一在鎮州

今正定府

太宗大同元年南征時所立

五代史載世宗於中京即位者是也未幾入於北漢其一爲聖宗所建之大定府即元之大寧路明初之大寧衛在今平泉州

治東北一百八十里喀喇沁扎薩克公旗境今尙稱爲大寧城
蒙古稱爲察罕蘇巴爾罕城大定府屬之大定長興勸農富庶
文定升平歸化金源諸縣俱在今平泉州境說詳後

又按遼志稱中京大定府拓拔氏建牙於此拓拔氏即係元魏
自西晉末爲代公進封代王及道武稱帝其所居之地去此絕
遠據元一統志奚匿松漠間歷晉不敢復出元魏時其部族始
於此建牙帳是建牙者乃奚之部族非即指拓拔氏此遼志之
誤也志又稱唐太宗駐蹕於此太宗之伐高麗道出營州經臨
渝關唐之營州爲今錦州府全境及建昌縣朝陽縣之東南境
臨渝關即今之山海關亦不應遶出於奚地又部帥蘇支唐書
作蘇文奚長可度唐書作可度者遼志傳譌頗多蓋未盡可據
也

又按遼志於諸地沿革援引漢縣率多影響如以大定府及富

庶縣恩州為漢新安平縣地

漢新安平縣屬遼西郡為封大

今灤州西界詳見建置沿革二漢縣辨證下

以龍山縣為漢交黎縣地

漢交黎縣屬遼西郡為渝

州界詳見建置沿革二漢縣辨證下

以長興勸農二縣為漢

賓從縣地

漢賓從縣屬遼西郡後漢分屬遼東屬國以榆州為

漢臨渝縣驪成縣地

漢臨渝縣屬遼西郡後漢併衆縣入臨渝

名當在今臨榆縣界漢驪成縣屬右北

以榆州所屬之永和縣

為漢昌城縣地

漢昌城縣屬右北平郡水經注新河故瀆逕昌

界以澤州灤河縣為漢土垠縣徐無縣地

漢土垠縣屬右北平郡徐無二縣皆

庚水逕徐無縣故城東巨梁水逕土垠縣故城東垠在邊內與

豐潤縣

以北安州利民縣為漢女祈縣且居縣地

東界 谷郡水經注于延水逕且居縣故城南陽樂水逕女祈縣故城

今龍門 南並在今宣化府境且居縣當在今宣化縣東界女祈縣當在

縣為漢且慮縣地亦並無確證其所引唐某州某縣如以惠州

爲唐歸義州地以武安州爲唐沃州地以高州爲唐信州地以
川州爲唐青山州地以金源縣爲唐青山縣地以榆州爲唐黎
州地以和衆縣爲唐新黎縣地以永康縣爲唐昌黎縣地皆唐
羈縻州縣之名當其時多屬僑治並無疆域遼志所列未免出
於臆撰今悉從刪畧

大定縣

白雲故地以諸國俘戶居之

按大定縣近附府治即在中京城內清類天文分野書曰遼建

中京置大定赤縣

長安

當作縣以諸郡長興縣人居之

按長安縣金史地理志作長興而不言更名元志亦同蓋遼史
字譌一統志原本謂長興廢縣在故大寧地而不言其方向九
邊圖又謂縣在馬孟山西

九邊圖誤指馬孟山廣袤千里故稱南惠和西長興北全寧皆未足爲據

詳見山門

今考遼長興縣至元始廢元一統志曰遼旣建中京置長

興爲赤縣蕃漢流民雜居其間故其習俗不同元中統二年省入大定縣後改爲大寧又曰金北京大定府治大定長興二縣乃知大定長興並爲府治猶之南京析津府治析津宛平二縣西京大同府治大同雲中二縣蓋京縣之制如是也大定與長興同在中京城內大定縣治當在府南長興縣治當在府北並在今平泉州境考金志於長興縣及三韓縣即高州金廢高州但存三韓縣皆有塗河據元一統志塗河即今土河亦名老河詳見水門知長興縣境與高州相接高州在中京之北元時大定縣既併長興之後距高州界一百五十里則長興未併之先必在高州之南大定之北矣方輿紀要謂長興縣在大寧衛南者誤

勸農縣

開泰二年析京民置

按遼勸農縣至金即廢元一統志謂金析其地屬長興縣是勸農縣當與長興縣接壤並在中京之北爲今平泉州西北境方

輿紀要謂勸農縣在大寧衛東南者亦未可爲據

富庶縣

開泰二年析京民置

按清類天文分野書曰遼以其地沃壤置富庶縣人多力田比屋豐富故以爲名方輿紀要富庶縣在大寧衛東一統志原本亦同據元一統志富庶縣東北至金源元之富庶兼有文定升平歸化縣地知遼縣當在大定府之東北金源縣之西爲今平泉州屬喀喇沁右翼旗東北境若九邊圖又謂縣在白狼山東喇沁右翼旗東三十里富庶縣本屬大定府不應遶出今建昌縣之東南境其說亦無據

文定縣

開泰二年析京民置

按遼文定縣至金即廢方輿紀要文定縣在大寧衛東南

升平縣

開泰二年析京民置

按遼升平縣至金即廢方輿紀要文定縣南爲升平縣

歸化縣

按遼歸化縣至金即廢方輿紀要歸化縣亦在大寧衛東文定
升平歸化三縣俱當在今平泉州東境

金源縣

開泰二年
析京民置

按方輿紀要金源縣在大寧衛東一統志原本謂在喀喇沁右
翼界九邊圖又謂縣在大青山西據元一統志金源縣東到興
中州一百里西到大寧路二百里元興中州即遼興中府大寧
路治即遼大定府知遼縣在大定府之東興中府之西為今平
泉州屬喀喇沁右翼旗最東境元一統志又謂金源縣東至興
中州界青山嶺二十里興中州西至金源縣界青山嶺八十里
青山嶺又稱青巒嶺考元元統三年興中州青巒嶺平治道塗
碑見藝文門有隣封金源之語知青巒嶺乃金源與興中東西交界
處青巒嶺在朝陽縣屬土默特右翼旗西北一百八十里屬建昌縣蓋今建昌縣青巒嶺以西即

平泉州東界爲金源縣地正當中京之東武經總要謂自中京東至營州界青山嶺一百七十里與此相合九邊圖謂金源在大青山西者亦即指青巒嶺也

神水縣開泰二年置

按遼神水縣至金時改屬錦州一統志原本以神水故城列入

錦州府錦縣下蓋據遼志神水縣本漢徒河縣地並引元史穆

瑚黎藪作木華今改正傳爲證然考穆瑚黎取大定府時降將張致據

錦州以叛陷興中府穆瑚黎進兵臨興中先遣烏葉爾藪作吾也而今

改正攻溜石山又遣蒙古布哈藪作蒙古今改正屯永德縣即遼安東

候賊來援斷其歸路張致遣兵援溜石蒙古布哈引兵趨之並

馳報穆瑚黎夜半疾馳遇於神水縣東夾擊之遂拔開義縣進

圍錦州當日張致之兵本從錦州而西其交戰在神水而別屯

永德以斷其歸路則神水縣之在永德以西可知元一統志謂

溜石山在金源縣西南四十里來援溜石而必道經神水則神

水縣之在金源縣東南可知舊錦州府志亦謂永德城西北去

神水城五十餘里永德城在今朝陽縣屬土默特右翼旗界見後

安德州條下則神水之在永德以西者亦當在朝陽縣境蓋大定府

所屬之縣金源東南即為神水為府之最東南境

曾公亮武經總要 中京舊鮮卑之地在饒樂府西南本奚王國牙

帳之地南距古北口北距潢水東即營州千餘里皆其境土後為契

丹所併築宮室城垣建為中京號大定府東至營州即興中府在今朝陽縣屬土默特

特右翼旗境界青山嶺一百七十里西即山後儒州今宣化府延慶州界東南至

建州在今建昌縣屬喀喇沁左翼旗境二百三十里南至幽州今順天府一路由松亭關

一路由古北口各九百里北至上京今巴林旗六百九十里

按此為中京所屬州縣之全境其能遠接山後儒州界者蓋中

京之西境為北安州自北安州以西為奚王府奚之故地本千

有餘里並隸中京故約畧言之耳武經總要所紀諸州皆據契丹圖經皇華四達記諸書雖異域傳聞間有未確然其四至道里可備參考亦附列卷內若方輿紀要所載各州縣方位多係約畧之詞別無證據不盡取憑焉

遼史地理志

恩州懷德軍

太宗建州開秦中以渤海戶實之初隸永興宮後屬中京統縣一

恩化縣

開秦中以渤海人戶置

武經總要

恩州本烏桓舊地南至中京六十里西至馬孟山六十

里西北至漫頭山三十里北至宜坤州

遼史作儀坤州屬上京道

五十里西南至

高州百二十里

按遼恩州至金即廢方輿紀要恩州城在大寧衛西南與武經

總要南至中京之文不合考金史太祖紀天輔六年克高恩回

紇三城進取中京是恩州與高州相近亦當在中京之北為今

平泉州喀喇沁右翼旗北境元一統志謂金天眷二年廢恩州

為恩化鎮入大定縣其故城為傳舍蓋恩州本與大定縣接壤故金時以州省入耳至武經總要謂恩州北至宜坤州考恩州至中京僅六十里南近中京且高州尙跨恩州之北是恩州之地未必能直接上京道境所云北至宜坤州者誤

遼史地理志

惠州惠和軍

太祖俘漢民數百戶免驛山下創城居之置州屬中京統縣一

東和縣

聖宗遷上京惠州民括諸宮院落帳戶置

武經總要

惠州在鮮卑之地景德初契丹侵河北德清軍失守俘

虜人於此置城居之城方二里至低小城內有瓦舍倉廩人多漢

服東至新州

即武安州

百三十里西南至中京百二十里南至建州二百

二十里北至潢水石橋至高州百五十里

遼高州在惠州之西由惠州至高州不應至潢水石

橋

當是北至潢水石橋若干里西至高州百五十里刊本誤脫字

按遼之惠州與元之惠州非一地元惠州為遼澤州地而遼惠

州至金即廢方輿紀要惠和城

即惠州治

在大寧衛東北百里老免

麀山在今赤峯縣屬翁牛特左翼旗東北四十里惠州當與之相近元一統志惠和縣東南到金源縣九十里西南到本路一百五十里元之惠和即仍遼舊知縣在大定府之東北金源縣之北爲今建昌縣北敖漢旗境今敖漢西之博羅科廢城即惠州故城也元一統志謂惠和縣西至大寧縣界塗河今土河塗即河自喀喇沁右翼旗東北流入敖漢西境知自土河以東爲惠州地矣

遼史地理志

武安州

太祖俘漢民居木葉山下因建城以遷之號杏塌新城復以遼西戶益之更曰新州統和

八年改今名屬中京統縣一

沃野縣

武經總要

新州本契丹國之地東至徽州二百里西至惠州百三

十里南至霸州百里北至永州三百七十里

按清類天文分野書曰遼太祖俘漢民散居以其地不可耕殖

因建城池以遷之方輿紀要武安州城在大寧衛東北二百里

一統志原本武平廢縣金武平縣即遼沃野縣為武安州治在故大寧城北然惠

州已在大寧東北武安州治更在惠州之東不得但云在大寧

北也至於木葉山乃遼始祖廟所在當土河與潢河二水合流

之處為遼之永州今喀爾喀左翼旗地在奈曼旗東北境外遼

志既稱建新城為新州以別於永州之舊城則武安州自當在

永州以南元一統志武平縣南至興中州西至惠和縣元之武

平縣即遼武安州知州治當在惠和縣之東興中府之北為今

朝陽縣屬奈曼旗境

遼史地理志 利州 本中京阜俗縣統和二十六年置州屬中京統縣一

阜俗縣 唐末契丹漸熾役使奚人遷居琵琶川統和四年置縣初隸彰德宮更隸中京後置州仍屬中京

武經總要 利州承天后所建東至建州百二十里東北至建州百

一十里西南至蘭州 遼志中京道諸州中無蘭州之名惟金志利州龍山縣下有蘭州寨考遼之州縣至金時廢為

鎮寨名者甚多當是遼本置有蘭州金廢爲蘭州寨遼志失載六十里南小凌河路至平州五十里

西北至中京百五十里

按方輿紀要利州城在大寧衛東南一統志原本謂在喀喇沁左翼東北二十五里近寧遠州邊外城西有三塔土人亦名古爾班蘇巴爾罕城據元一統志利州南至龍山縣北至富庶縣西至和衆縣知在富庶縣之南龍山縣之北和衆縣之東當大定府東南境又考元至元二十四年利州長壽山玉京觀地產碑詳見古蹟及藝文門長壽山在今建昌縣南境詳見山門則利州故城當在今建昌縣南境縣治東北七十里土人爲大城子亦名小三座塔正當中京之東南在喀喇沁左翼旗北百里所稱左翼東北二十五里者誤也

又按遼志以利州爲統和二十六年置金志及元一統志皆以爲統和十六年又元一統志載利州軍名曰永昌開泰元年置

領阜俗縣遼史未詳

遼史地理志

潭州廣潤軍

本中京之龍山縣開泰中置州仍屬中京統縣一

龍山縣

開泰二年以習家寨置

按潭州龍山縣之里至武經總要未詳方輿紀要潭州城在大

寧衛東一統志原本龍山故城州即潭州治在喀喇沁左翼西南八里

大凌河之旁距故利州約六十里俗呼喀喇城元一統志龍山

縣東北至利州西北至和衆縣知在利州之西南和衆縣之東

南與喀喇沁左翼西南八里之說相合元一統志又謂南至撫

寧縣界冷口西南至遷安縣則自今永平府冷口邊牆以外建

昌縣南境為龍山縣地也

遼史地理志

榆州高平軍

太宗南征橫帳解里以所俘鎮州民置州開泰中沒入屬中京統縣二

和衆縣

永和縣

統和二十二年置

武經總要

榆州隋臨榆宮之地北控營平歷代置關戍守契丹置

州西北至中京百七十里西至招延州

招延州一作招遙州遼史未載四十里

按方輿紀要和衆城

州即榆州治

在大寧衛東一統志原本謂在故大

寧城東南元一統志和衆縣東至利州東南至龍山知在龍山

縣之西北利州之西今建昌縣治西北二十五里地名小城子

與大城子之爲利州故城東西相直即爲和衆故城其西北接

平泉州屬喀喇沁右翼旗界正當中京之東南若九邊圖謂縣

在白狼山北者其說無據又考遼榆州領縣凡二和衆縣即爲

州治其永和縣至金即廢方輿紀要謂在榆州西南其故址亦

無可考

遼史地理志

澤州廣濟軍

太祖俘蔚州民立寨居之採煉陷河銀治隸中京留守司開泰中置澤州有松

亭關神山九宮嶺石子嶺

灤河撒河屬中京統縣二

神山縣神山在西南

灤河縣屬永興宮

武經總要 澤州松亭關北遼澤之地東至利州百里北至中京百

里西至北安州二百里南至平州二百五十里西南至松亭關二百

五十里

按遼澤州治神山縣縣以山名遼志謂山在縣西南考神山在

今平泉州治北當時縣治又在神山東北近倚州治是遼澤州

城當在今平泉州治北喀喇沁札薩克公旗界自是以南至邊

城外皆為神山縣地其州屬西南之境所屆頗遠金史太祖紀

既取中京遂下澤州旋降北安州是中京之南即澤州澤州之

西即北安州今平泉州屬南境及承德府東南境皆澤州地也

灤河縣以河得名灤河逕承德府治南沿平泉州治西境入潘

家口其澤州境內之撒河由平泉州治西南境入龍井關會灤

河知今承德府治東南平泉州治西南至邊城以外為灤河縣

境

遼史地理志

高州

開秦中聖宗伐高麗以俘戶置高州有平頂山樂河翼中京統縣一

三韓縣

辰韓為扶餘弁韓為新羅馬韓為高麗開秦中聖宗伐高麗俘三地之遺人置縣戶二千

按三韓之名始見於後漢書稱其有七十八國若高州所屬之縣乃因三韓遷戶而置故取以為名非即三韓故地

武經總要 高州契丹收新羅諸國俘虜人民置州以居之仍置倚郭一縣以三韓為名南至中京百四十里東南至恩州五十里西北饒州六十里

按方輿紀要高州城在大寧衛北二百里一統志原本謂在故大寧城西北據元一統志高州南至大定縣西至松山州元之高州仍遼舊知在大定縣之北松山州之東元一統志又稱東南到惠和縣惠和北至高州是高州東北境跨越惠州惠和縣之北在今赤峰縣南境迤東至建昌縣最北境皆高州地又考

遼志高州有樂河即饒樂水即今之英金河在今赤峰縣屬翁牛特

境又元一統志塗河自大寧縣流至東北入高州金王景先集

賢洞碑記謂高州南壓塗河今土河即塗河自喀喇沁右翼旗東

北流逕翁牛特左翼旗之南境敖漢旗之西北境會英金河知

今翁牛特境敖漢西北境英金河之旁喀喇沁土河以北皆高

州地也

遼史地理志

松江

當作松山

州勝安軍

開秦中置統和八年省復置屬中京統縣一

松江

當作松山縣地邊松漠商賈會衝開秦二年置縣有松山州

按松江州遼史聖宗紀作松江州金元史地理志並稱遼置松

山州遼志作松江者蓋字譌至遼聖宗開泰年號本在統和之

後而志云開泰中置統和八年省其敍次顛倒失實遼志統和

八年七月省州及縣以其民分隸他郡開泰二年二月詔以松

山州為松山縣是遼初已先置有松山州統和時併省至開泰

時復置也松山州松山縣之里至武經總要未詳方輿紀要松
州城在大寧衛西北一統志原本亦同松山州至金時曾降爲
縣改隸高州必與高州相接元一統志松州東至高州西至興
州元松州即遼松山州知在高州之西興州之東爲今赤峰縣
屬翁牛特右翼旗境正當中京之西北元一統志又謂松州東
南二十里有遮蓋山考遮蓋山在今翁牛特右翼旗南三十里
松山州當在其北

遼史地理志

北安州興安軍

唐爲奚王府西省地聖宗以漢
戶置北安州屬中京統縣一

利民縣

武經總要 北安州後魏置安州築城在幽州之北正當松漠之地
今建爲北安州墨斗嶺牛山會仙石柳河皆在其境東北至中京二
百五十里西南至古北口二百八十里南至幽州二百五十里

按金志興州本遼北安州興化軍興化縣又有利民縣承安五

年以利民寨升泰和四年廢蓋以興化爲遼之舊縣而以利民爲金所增置遼志有利民縣而無興化縣與金志不合考遼北安州治利民縣據武經總要在古北口東北二百八十里金興州治興化縣在古北口東北一百四十里遼北安州即後魏之安州其故城即今博洛河屯

詳見前卷三北魏安州條下

在豐寧縣境金興

州即元之大興州其故城即今喀喇河屯在灤平縣境是金之

興州特改置於北安州之南境利民自爲遼縣興化自爲金縣

一統志原本曰遼置利民縣金初廢爲寨承安五年建興州復

置利民縣屬焉泰和四年又廢是利民縣至金時復置而旋廢

與興州所治之興化縣本屬兩地以興化爲遼置而以利民爲

金增置者乃金志之誤

又按遼北安州疆域頗廣金初用兵自克東京上京至進取中京史載攻下郡縣不一及宗翰破北安州後與都統晁會於奚

王嶺分道追遼主於鴛鴦瀨

鴛鴦瀨在今宣化府張家口外牧廠境內為金時撫州集寧縣地亦

名集寧海子

中間數百里別無攻圍郡縣之事知今承德府西境及

豐寧縣灤平縣之東境皆北安州地也至遼志於北安州下稱

晉為馮跋所據馮跋即北燕主考承德府全境地前燕後燕及

北燕皆有之豈止馮跋一人即馮跋所據者兼有承德府屬之

境亦不止北安一州遼志所列沿革未可徵信大率類此

又按遼時有六奚部以奚王府領之北安州雖即在奚地然史

稱遼聖宗以漢戶置州則奚部自非其所屬蓋北安州治以刺

史而奚部統以奚王奚之故地尚寬凡北安州附近之境並當

為奚部地考遼史營衛志奚初為五部曰約囉舊作遙里部曰

巴爾達舊作伯德部曰敖拉舊作奧里部曰美嘉舊作梅只部

曰綽羅舊作楚里部太祖盡降之天贊時增置多科舊作墮瑰

部遂號六奚部命巴倫舊作勃里主之仍號奚王聖宗合敖拉

美嘉多科三部爲一特置南尅部北尅部以足六部之數其所

居地之可考者約囉部居潭利二州間巴爾達部居松山州平

州之間綽羅部居潭州北敖拉部美嘉部多科部合爲一部及

分置之南尅部北尅部遼史未詳其所居之處然奚之舊地既

在北安州則諸部亦當附居其地又有薩拉噶舊作撒里部伊

克舊作窈瓜部努延舊作精盃部皆以降奚置部設節度使領

之分居澤州之東潭州之南復有鄂博庫舊作訛僕部與薩拉

噶等三部同居望雲縣東蓋遼時望雲縣以東即與北安州相

接中間並無郡縣遼北安州爲今承德府本境及灤平縣豐寧

地中間相距之處爲今灤平縣而北安一州又不應如是遼闕

知今灤平縣豐寧縣之西境皆奚部散居之地金天輔六年宗

翰等敗奚王什默舊作霞末而北安州遂降可知奚王之即在

北安州境也

又按武經總要所列契丹諸州於北安州下尙有招延州

一作招遙

州以渤海部落居之東小凌河南至潤州北至澤州西南至幽

州四百五十里當在今建昌縣南境遼志不載此州名故附識於此

遼史地理志 興中府本霸州彰武軍慕容皝以柳城之北龍山之南福德之地乃築龍城構宮廟改柳城爲龍城縣遂遷都號和龍宮慕容垂復居焉後爲馮跋所滅元魏取爲遼西郡隋平高保寧置營州煬帝廢州置柳城郡唐武德初改營州總管府尋爲都督府萬歲通天中陷李萬榮神龍初移府幽州開元四年復治柳城八年西徙漁陽十年還柳城後爲奚所據太祖平奚及俘燕民將建城命韓知方擇其處乃完葺柳城號霸州彰武軍節度統和中制置建霸宜錦白川等五州尋落制置隸積慶宮後屬興聖宮重熙十年升興中府有大華山小華山香高山麝香崖天授皇帝刻石在焉駐龍峪神射

泉小靈河即小凌河統州二在今境縣四

按遼興中府為慕容燕故都所在今朝陽縣南境也遼志稱慕容皝築龍城慕容垂復居焉考慕容垂復國本都中山至其子慕容寶始遷龍城非慕容垂也志又稱後為馮跋所滅高雲滅慕容氏馮跋實代高雲亦非跋滅慕容氏也又稱後魏取為遼西郡後魏所設者本名昌黎郡至隋始改置遼西郡皆遼志之誤

興中縣太祖掠漢民居此建縣重熙中置府更名

營邱縣析霸城置

象雷縣開泰二年以麥務川置隸中京後屬

閭山縣開泰二年以羅家軍置隸中京後屬

按方輿紀要象雷廢縣閭山廢縣皆在營州即遼興中府西今朝陽

縣西南境也遼中京在興中府之西二縣先隸中京而後屬興

中故知居中京與中府之間也

武經總要 興中府東至遼河三百里西至中京三百里西南至建州六十里北至潢水四百里舊契丹界西北至松陁嶺百里舊奚界東南至安東都護府二百七十里東北至白川州七十里

按方輿紀要營州故城即興中府在大寧衛東三百里一統志原本

興中故城在土默特右翼西百里錦州府西北邊外大凌河之北蓋即今之朝陽縣治舊名三座塔城蒙古稱為古爾班蘇巴

爾罕城

遼史地理志

安德州化平軍

以霸州安德縣置來屬統縣一

安德縣

統和八年析霸州東南龍山徒河境人戶置初隸乾州更屬霸州置州來屬

按安德州安德縣之里至武經總要未詳一統志原本永德廢

縣金永德縣即遼安西北去神水縣城五十餘里東北去興中

府城百里今據遼乾統八年有安德州靈巖寺碑詳見古蹟及藝文門靈

巖寺在今朝陽縣東南柏山上詳見山門則安德州故城當在今朝

陽縣東南柏山之麓爲土默特右翼旗南境實興中府之東南

也遼志以安德縣爲析霸城東南戶置霸城即興中府又金志

稱永德縣即安德縣北有凌河與此方位並合

又按遼興中府所屬尙有黔州統盛吉一縣方輿紀要黔州城

在營州南考武經總要謂白川州東至黔州七十里黔州東至

顯州今錦州府廣寧縣五十里東北至望海峰五十里是黔州尙在川

州之東爲今錦州府界故不列入

遼史地理志 川州長寧軍太祖弟明王按圖舊作安端今改正置會同三

年詔爲白川州按圖子察罕舊作察削今改正以大逆誅沒入省曰川州初

隸崇德宮統和中屬文忠王府統縣三

宏理縣統和八年以詔宮提轄司戶置

咸康縣

宜民縣 統和
中置

武經總要 白川州東至黔州七十里西至中京四百三十里東南

至宜州百里西南至霸州七十里

按方輿紀要川州有東西二城東川州遼所置西南至義州衛
一百五十里西川州金所置南至義州衛九十里蓋遼與金各

自有川州武經總要川州西南至霸州 即興
中城 七十里此遼之川

州也元一統志川州南至興中州一百八十里此金之川州也

一統志原本川州城 此即指遼
之川州 在土默特右翼東北一百五里

蒙古名卓索喀喇城今朝陽縣治東北六十七里地名四角坂

有廢城中有遼開泰二年石幢 詳見古
蹟門 爲白川州官吏所建知

即遼川州故城也且此城當興中故城東北亦與武經總要西

南至霸州七十里之文相合今朝陽縣屬土默特右翼旗東北

接土默特左翼旗境皆川州地也

又按遼川州共領三縣遼志先宏理而後咸康宜民元一統志
載遼川州所領則先咸康而後宜民宏理清類天文分野書亦
稱遼川州領咸康等三縣今據遼開泰二年石幢列銜有長寧
軍節度白川州刺史及白川州咸康縣令知咸康縣爲遼川州
所治而宜民與宏理乃其屬縣元一統志又謂遼後省宏理入
宜民若宏理爲川州倚郭之縣必不以之省入宜民矣以宏理
爲川州首縣者乃遼志之誤也宏理縣之併於宜民遼史亦未
詳

遼史地理志 建州保靜軍太祖置州漢乾祐元年故石晉太祖詣
世宗求於漢城側耕墾自贍許於建州南四十里給地五十頃營構
房室創立宗廟州在靈河之南屢遭水害聖宗遷於河北初屬武寧
軍隸永興宮後屬敦睦宮統縣二

永霸縣

永康縣

武經總要 建州東南至器仗山三十里東南至霸州九十里南至

渝州當作榆州五十里西南至小凌河十里

按方輿紀要建州城在大寧衛東南四百餘里止約畧之詞考

建州本有二城遼太祖初置之建州在大凌河之南小凌河之

北正當興中城之南遼聖宗移置之建州在大凌河之北正當

興中城之西武經總要謂建州東北至霸州即興中城西南至小凌

河一統志原本謂建州故城在土默特右翼西南一百二十里

皆指初置之建州而言即今朝陽縣治南之五十家子廢城是

也若移置之建州據元一統志當在興中城之西為今朝陽縣

屬土默特右翼旗西一百七十里之喀喇城一統志原本以為

亦遼金時州縣而無考者實即建州城也

遼史地理志 來州歸德軍故城在今遼州統州三縣一兼得今境

按遼來州即元瑞州本在今錦州府西南界據武經總要來州北至建州三百五十里元一統志瑞州北至利州界栲栳山一百五十里到利州三百五十里西北到龍山縣二百八十里故知兼得建昌縣東南境

隰州平海

金志作海平

軍

慕容銳置集寧縣聖宗括帳戶遷信州大雪不能進建城於此置焉隸興聖宮來屬統縣一

海濱縣

本東京城內渤海民戶因叛移於此

按遼志以隰州平海軍領海陽縣潤州海陽軍領海濱縣金志則謂遼隰州領海濱縣潤州領海陽縣與遼志互異考潤州軍名海陽與海陽縣名相合則海濱縣當屬隰州矣元一統志亦謂遼隰州治海濱縣今從之考隰州海濱縣至金廢隰州以縣屬來州後改來州為宗州復改為瑞州所屬縣如故元廢縣為海濱鄉今建昌縣東南一百八十里瑞雲山中

在喀喇沁左翼旗南七十里

有元志正七年大寧路瑞州海濱鄉周家莊雲谿觀碑

詳見藝文門

知建昌縣屬喀喇沁左翼旗之東南境爲遼海濱縣地

又按遼志以隰州爲慕容皝所置集寧縣考十六國春秋及晉

書載記無集寧縣之名惟前燕錄載慕容皝十四年以河間郡

晉書作河間人爲寧集縣蓋即河間郡之流人置縣以居之遼志之集

寧疑即寧集之譌

遼史地理志 宜州崇義軍 故城在今義州 統縣二 兼得今境一

宏政縣 世宗以定州俘戶置

按遼宜州即金元義州本在今錦州府北界據武經總要宜州

西至霸州二百里北至川州元一統志義州西至興中州界蛤

蚶山九十里到興中州一百八十里西北到川州一百八十里

故知兼得朝陽縣境今朝陽縣治東北一百九十里之台頭溝

有金皇統八年宜州廳峪道院碑 詳見藝文門 知朝陽縣屬土默特

右翼旗東北接土默特左翼旗南境亦宜州地考遼宜州治宏

政縣而別領開義縣然開義縣尙在今義州南非朝陽縣境所
及其兼得今縣境者乃宏政縣地也

又按以上惟安德州隸於興中府其川建來宜四州皆直隸於

中京

遼史地理志 徽州宣德軍景宗女秦晉大長公主所建媵臣萬戶
在宜州之北二百里

遼史地理志 成州長慶軍聖宗女晉國長公主以上賜媵臣戶置
在宜州北一百六十里成州興府軍節度統縣一

同昌縣

按徽成二州遼志載入上京道頭下軍州內遼時諸玉外戚大
臣從征俘掠生口各建州縣以居之橫帳諸王國舅公主許創
立州城朝廷賜州縣額其節度使朝廷命之刺史以下皆以本
主部曲充焉所謂頭下軍州也二州皆居宜州之北當在今朝

陽縣屬土默特左翼旗境其成州後由上京改隸中京故遼志

互收入中京道下

遼史地理志 饒州匡義軍屬上京道有潢河長水灤青山大福山松山

隸延慶宮統縣三

長樂縣 本遼城縣民太祖伐渤海遷其民建縣居之

臨河縣 本豐永縣民太宗分兵伐渤海遷於潢水之曲

安民縣 太宗以渤海諸邑所俘雜置

按宋薛映記度潢水石橋旁有饒州富弼行程錄中京北四百

八十里至潢水石橋武經總要饒州南至中京五百里遼志饒

州有潢河方輿紀要廢饒州在臨潢遼上京臨潢府在今翁牛特北巴林旗界西南

二百三十里一統志原本謂在翁牛特右翼界內考潢河自克

什克騰流經赤峰縣屬翁牛特左翼旗界知今翁牛特北境潢

河之北當為遼饒州地饒州治長樂縣而別領臨河安民二縣

其方位道理無可考

遼史地理志 上京臨潢府謂之龍眉宮神册三年城之名曰皇都天顯十三年更名上京府曰臨潢統縣十

按遼上京在中京之北臨潢府有黑河潢河一統志原本黑河在今巴林北一百十里潢河為大遼水之西源蒙古名西喇穆倫西流入巴林界又東經阿祿科爾沁南入翁牛特北境今赤峰縣北為翁牛特旗又北為巴林旗臨潢府居潢水北有黑河今巴林二旗為遼上京臨潢府地也遼志謂本漢遼東郡西安平之地新莽曰北安平考漢遼東郡亦在長城以內若今赤峰縣北至巴林二旗漢初當為匈奴左地武帝時為塞地後入烏桓其云即遼東郡地者亦殊未之考矣

臨潢縣

太祖天贊初攻燕薊以所俘人戶散居潢水之北故以名

按臨潢縣近附府治居潢水北上京道屬之饒州

今赤峰縣北翁牛特旗地

亦有潢河知臨潢縣南與饒州接壤也

定霸縣

太祖下扶餘遷其人於京西與漢人雜居統和八年以諸宮提轄司人戶置隸長寧宮

保和縣

太祖破龍州盡徙富利縣人散居京南統和八年以諸宮提轄司人戶置隸彰愍宮

潞縣

天贊元年太祖破薊州掠潞縣民布於京東與渤海人雜處隸崇德宮

宣化縣

太祖破鴨綠府盡徙其衆居之京南統和八年以諸宮提轄司人戶置隸彰愍宮

按定霸以下諸縣皆以俘降人戶徙置京之東西南境保和宣化居南潞縣居東定霸居西皆附近京邑應在潢河黑河左右今赤峰縣北巴林左右翼兩旗境內

欽定熱河志卷六十

欽定熱河志卷六十一

建置沿革七


金

欽定熱河志

卷六十一

建置沿革七

建置沿革圖十金



金

金爲北京路大定府利州兼得義州瑞州地興中府建州全州興州兼得臨潢府地及西京路桓州地

今承德府本境西爲興州之興化縣宜興縣地東境爲大定府之神山縣地灤平縣爲興州興化縣宜興縣豐寧縣南境爲興化縣宜興縣地西北境兼得西京路桓州地平泉州爲大定府大定縣長興縣富庶縣金源縣神山縣赤峰縣爲大定府之三韓縣松山縣靜封縣全州安豐縣兼得臨潢府之臨潢縣盧川縣建昌縣南境爲利州阜俗縣龍山西南境爲大定府之和衆縣東南境兼得瑞州之海濱縣地北境爲大定府之惠和縣兼得二韓縣地朝陽縣爲興中府興中縣永德縣宜民縣南境爲建州永霸縣東境兼得義州宏政縣同昌縣西北境爲大定府之武平縣地

金史地理志 大定府北京留守司遼統和二十五年建爲中京國

初因稱之海陵貞元元年更為北京置留守司都轉運司警巡院縣

十一鎮二

按金初之北京即遼之上京今赤峰縣北巴林旗地熙宗天眷元年八月

以遼上京為北京是也至海陵天德二年改為臨潢府其時大

定府尚稱中京至貞元元年三月始改中京為北京大定府治

即今平泉州治也

大定倚遼縣舊名有土河七金山陰涼河鎮一恩化

按大定縣之恩化鎮即遼之恩州恩化縣元一統志謂廢於金

天眷二年金史未詳是金大定縣兼有遼恩州地今自平泉州

治至州北境皆大定縣地也

長興河有塗

按元一統志金廢勸農縣析其地屬長興金史未詳是金長興

縣兼有遼勸農縣地今平泉州西北境皆長興縣地也

富庶有沁河鎮一文安

按遼文定升平歸化三縣至金皆廢此富庶縣之文安鎮當即遼時置縣之地縣在今平泉州東北境兼有遼時文定升平歸化三縣地

金源

遼開泰二年置以地有金甸為名有駱駝山

按金源縣仍遼舊為平泉州最西北境

惠和

皇統三年以遼惠州惠和縣置

按遼惠和縣領於惠州元一統志謂金天輔五年罷州金史未詳考惠和本為遼縣而金史謂皇統三年置者當是先廢於天輔五年而復置於皇統三年也在今建昌縣北境

武平

遼築城杏塢初名新州統和間更為武安州皇統三年降為武安縣來屬大定七年更名承安三年隸高州泰和四年復來屬

按金武平縣即遼武安州沃野縣地在今朝陽縣西北境特初名武安縣後改武平初隸高州後改隸大定府耳

次定熱可志

卷六十一

建置沿革七

三

和衆 遼榆州和衆縣皇統三年罷州來屬

按縣在今建昌縣南境之西北本與平泉州接壤故罷榆州後

即西屬於大定府也

神山 遼澤州神山縣遼太祖俘蔚州之民置章宗承安二年嘗置

按遼神山縣領於澤州元一統志謂金天輔元年罷州金史未

詳又考遼澤州領神山灤河二縣金之神山縣本仍遼舊在今

承德府南境其灤陽一縣乃升孩兒館置疑即為灤河縣故地

在今灤平縣東南境也

三韓 遼伐高麗遷馬韓辰韓弁韓三國民為縣置高州太祖天輔七年以高州置節度使皇統三年廢為縣承安三年復升為高州

置刺 史為全州支郡分武平松山靜封三縣隸焉泰和四年廢有落馬河塗河

按三韓為遼舊縣在今赤峰縣南境金志於大定縣下注有土

河於長興縣三韓縣下別注有塗河似以土河塗河為二水今

以元一統志所載塗河之源流方位考之 元一統志內有塗河無土河 知塗

河即土河今亦稱老河其實一水也又元一統志稱高州東至武平縣東南至惠和縣武平在今朝陽縣西北境惠和在今建昌縣北境金廢高州存三韓縣知縣境跨今建昌縣北境在惠和縣之北故能東與武平接壤承安三年復升爲州時得分武平以隸之也

松山

遼松山州勝安軍松山縣開泰中置舊置刺史太祖天輔七年置觀察使皇統三年廢州來屬承安三年隸高州泰和四年復

有陰落馬河

靜封

承安二年以胡設務置隸全州三年隸高州泰和四年來屬

按金大定府所屬諸縣多爲遼之舊縣惟靜封縣乃金所新設靜封初屬全州又屬高州當在全州之南大定府之北元一統志作靜豐謂靜豐廢城在松州東五十里是松山靜封境界毘連爲今赤峰縣屬翁牛特旗境

利州遼統和十六年置縣二鎮一寨一

阜俗 遼統和四年置今因之

龍山 遼故潭州廣潤軍縣故名熙宗皇統三年廢州來屬有榆河寨一蘭州鎮一漆河

按龍山在今建昌縣西南境本東北與阜俗接壤故金廢潭州後即近屬利州也

興州寧朔軍本遼北安州興化軍興化縣承安五年升為興州置節

度軍名寧朔改利民寨為利民縣撥穆爾堅河 舊名梅堅河今改正 圖們必罕

舊作徒門必罕今改正 寧江蘇瑪拉 舊作寧江速三馬刺今改正 明安 舊作猛安今改正 隸焉貞祐

二年四月僑置於密雲縣縣二

按金興州以遼北安州地改置遼北安州有利民縣無興化縣

詳見前卷北安州條下 遼利民縣至金即廢金之興州在遼北安州南境

今灤平縣地非即遼之故城也

興化 倚遼舊縣皇統三年降興化軍置隸大定府承安五年建興州於縣為倚郭舊有白檀鎮

按金興化縣為興州治故城即今喀喇河屯 在灤平縣治西南一里餘 其東

即承德府南境亦興州地也

宜興

本興化縣白檀鎮泰和三年升為縣來屬

按金之白檀鎮與漢白檀縣異漢白檀自在邊內特取名偶同猶密雲戍之非即密雲縣也宜興故城在灤平縣西北七十五里地名小城子其南與古北口相直又金時興州之西即接桓州桓州故城今在多倫諾爾廳境開平衛故城之西南別屬西京道今豐寧縣南境尙屬興州地其西北境兼得桓州地

興中府本唐營州城遼太祖遷漢民以實之曰霸州彰武軍重熙十一年升為府更今名金因之縣四鎮三在今境之縣三其興城一縣本遼殿州之屬縣在今錦州

興中

南有凌河鎮一黔城

按興中縣之黔城鎮當即遼之黔州蓋廢於金初又考遼興中府領興中營邱象雷閭山四縣元一統志謂金省二縣惟存興

中營邱尋又更營邱為洪寧縣知金所省者惟象雷閭山尚有
洪寧縣金史未詳是金興中縣實兼有遼黔州及象雷閭山二
縣之境今朝陽縣西南境皆興中縣地

永德

遼安德州化平軍安德縣世宗大定七年更今名北有凌河鎮一阜安

按永德即遼安德縣在今朝陽縣東南境遼安德縣本屬安德州金大定中改名永德時當即廢州而後來屬於興中府也金史不言州廢乃記載之疎

宜民

遼川州長寧軍會同中嘗名白川州天祿五年去白字國初因之與同昌縣皆隸焉大定六年降為宜民縣隸懿州承安二年

復置川州改徽川寨為徽川縣為懿州支郡泰和四年罷州及徽川縣來屬鎮一咸康遼縣也國初廢為鎮

按遼史太宗紀會同三年八月戊申以安端私城為白川州乙卯置白川州官屬其後去白字但稱川州金志謂在遼天祿五年元一統志亦同然考遼聖宗統和八年七月置白川州宏理縣又遼開泰二年石幢猶稱白川州並在遼世宗天祿之後知

天祿五年尙未改稱川州也遼紀載開泰七年四月賑川饒二州饑知白川州之改爲川州當在開泰二年之後七年前金志以爲天祿五年者誤

又按元一統志金天眷二年川州屬懿州三年廢咸康爲鎮入宜民大定初州廢隸咸平府承安二年復置川州治宜民縣仍升徽川寨爲徽川縣以隸之後割屬懿州惟存宜民縣蓋遼之宜民縣及宏理縣皆屬於川州而川州自治咸康縣至遼末廢宏理縣金初廢咸康縣惟存宜民一縣承安時改置川州即治宜民縣雖同在今朝陽縣境而金之川州與遼異治至廢州之後宜民一縣實兼有遼時咸康宏理二縣地

建州保靖軍遼初名軍曰武寧後更金因之縣一永霸

按遼建州領永霸永康二縣金志惟載永霸縣知永康縣爲當時併省是今朝陽縣南境皆永霸縣地也元一統志則謂金併

省後復置一縣曰建平與金史互異

瑞州歸德軍縣三鎮一

兼得今境之縣一

海濱

本慕容皝集寧縣地遼陽州海平軍故縣皇統三年廢州來屬

按金瑞州即遼隰州其故地為今寧遠州不屬熱河境惟海濱

一縣在今建昌縣東南境又東接寧遠州界

義州崇義軍縣三鎮一

兼得今境之縣二

宏政

河有凌

同昌

遼成州興府軍縣故名國初隸川州大定六年罷川州隸懿州承安二年復隸川州泰和四年來屬

按金義州即遼宜州其故城在今錦州府屬之義州不隸熱河

境惟宏政同昌二縣在今朝陽縣東北境宏政為遼宜州屬縣

同昌為遼成州屬縣遼志成州互見于上京中京道初隸上京

道時無屬縣後改隸中京始置同昌縣金因之而改隸義州耳

全州盤安軍節度使承安二年置改胡設務為靖封縣黑河舖為盧

川縣接北京三韓賚呼舊對音烈等五明安以隸焉貞祐二年四月

管橋置於薊州縣一安豐承元元年十月改豐州鋪為安豐縣隸臨

河黑

按三韓縣在赤峰縣境見本卷大靖封盧川二縣舊與三韓縣

同隸全州知其境界毗接靖封即靜封後改隸大定府知其居

南盧川改隸臨潢知其近北均在今赤峰縣境而安豐縣下亦

注有黃河黑河是全州故境當在今赤峰縣北巴林旗地也

臨潢府總管府地名西樓遼為上京國初因稱之天眷元年改為北

京天德二年改為臨潢府路大定後罷路併為大定府路貞祐二年

四月管橋置於平州縣五在今境之縣二

臨潢倚有金粟河

盧川承安二年以黑河鋪升隸全州後復來屬有潢河

按金之臨潢府臨潢縣皆仍遼舊為今赤峰縣北巴林旗地其

盧川縣以黑河鋪升復有潢河亦當在今巴林旗北境

欽定熱河志卷六十二

建置沿革八

元

金
仁
素
河
元

身
ノ
二
一

元

元爲大寧路大定縣富庶縣金源縣惠和縣武平縣和衆縣龍山縣利州惠州高州興中州川州建州地上都路興州松州兼得開平府地及全寧路魯王分地

今承德府西境爲上都路興州之興安縣宜興縣地東境兼得大寧路惠州地灤平縣爲興州興安縣宜興縣豐寧縣爲興安縣宜興縣地西北境兼得開平府之開平縣地平泉州爲大寧路之大定縣富庶縣金源縣惠州赤峰縣爲大寧路之高州上都路之松州北境爲全寧路全寧縣及魯王分地建昌縣爲大寧路之和衆縣龍山縣利州北境爲惠和縣南境兼得惠州地東南境兼得瑞州地朝陽縣爲興中州建州川州東境兼得義州及懿州地西北境爲大寧路之武平縣兼得魯王分地

元史地理志 大寧路本奚部唐初其地屬營州貞觀中奚酋可度

內附乃置饒樂郡遼中京大定府金因之元初為北京路總管府領

興中府及義瑞興高錦利惠民和十州中統三年割興州及松山

縣屬上都路至元五年併和州入利州為永和鄉七年興中府降為

州仍隸北京改北京為大寧二十二年元一統志作二十四年改為武平路後

復為大寧元一統志作二十九領縣七州九在今境之州六

元一統志 大寧路西南至大都九百里西北至上都九百里東至

懿州界驛安站六百里西至上鄂路界雞嶺一百五十里南至平灤

路界雙峰嶺三百五十里北至上都路界青楊嶺二百里東到懿州

七百里西到興州三百五十里南到遷安縣四百二十里北到松州

二百二十里東南到撫寧縣七百里東北到古慶州遼置慶州屬上京道金屬北京

路在臨潢府西一百六十里元時州廢故稱為古慶州九百里西南到遵化縣六百三十里西

北到上都路九百里

按元時大寧路所領之錦州今屬

盛京其瑞州所屬兼得今境之海濱縣義州所屬兼得今境之宏政
縣元時俱經併省又舊屬義州之同昌縣省入遼陽路之懿州
故諸縣名均不復列

元史地理志 大定中統二年省
長興入焉

元一統志 大寧縣西南至大都九百里西北至上都九百里東至
金源縣界空道站九十里西至興州界雞嶺一百五十里南至和衆
縣界車家嶺五十里北至高州界細河一百五十里東到金源縣二
百里西到興州三百五十里南到和衆縣九十里北到高州二百二
十里東南到富庶縣一百五十里東北到惠和縣一百五十里西南
到惠州二百二十里西北到松州二百二十里

按元大定縣兼有金長興縣地元一統志謂至元二十九年改
爲大寧縣元史未詳

元史地理志 富庶至元三年省入
興中州後復置 金源

元一統志 富庶縣西南至大都一千一百里西北至上都一千里
東至建州界弓子嶺十五里西至大寧路界乾澗廟兒嶺一百三十
里南至利州界南港嶺五十里北至金源縣界滑河墩子嶺六十里
東到建州七十里西到本路一百五十里南到利州七十里北到惠
和縣一百八十里東南到錦州三百五十里東北到金源縣一百二
十里西南到和衆縣一百二十里西北到本路一百五十里金源縣
西南至大都一千一百里西北至上都九百里東至興中州界青山
嶺二十里西至大寧縣界空道站一百十里南至建州界隆興寺四
十里北至武平縣界偏道子嶺七十里東到興中州一百里西到本
路二百里南到建州九十里北到武平縣一百五十里東南到錦州
二百七十里東北到高州一百五十里西南到富庶縣一百二十里
西北到惠和縣九十里

按元富庶縣金源縣仍金舊大寧富庶金源三縣俱屬今平泉

州北境

元史地理志 惠和

元一統志 惠和縣西南至大都一千五十里西北至上都八百里東至武平縣界黃柏嶺七十里西至大寧縣界塗河六十里南至富庶縣界趙花谷六十里北至高州界荊家寨五十里東到武平縣一百五十里西到本路一百五十里南到富庶縣一百八十里北到高州九十里東南到金源縣九十里東北到武平縣一百五十里西南到本路一百五十里西北到松州二百五十里

按元惠和縣仍金舊屬今建昌縣北境

元史地理志 武平

元一統志 武平縣西南至大都一千二百里西北至上都一千里東至川州界欄子嶺七十里西至惠和縣界盤道嶺八十里南至興中州界匣口五十里北至蒙古行營界郭松寨二十里東到川州一

百五十里西到惠和縣一百五十里南到興中州一百八十里北到臨潢府一千三百里東南到義州三百里東北到懿州四百里西南到金源縣一百五十里西北到高州一百五十里

按元武平縣仍金舊屬今朝陽縣西北境

元史地理志 和衆

元一統志 和衆縣西南至大都九百里西北至上都九百里西北至本路九十里東至利州界水峪嶺三十里西至惠州界鵝鶻嶺一百里南至惠州界燕王城嶺六十里北至大寧縣界車家嶺四十里東到利州九十里西到興州三百五十里南到惠州一百六十里北到本路九十里東南到龍山縣一百四十里東北到富庶縣一百二十里西南到惠州一百六十里西北到上都路九百里

按元和衆縣仍金舊

元史地理志

龍山

初屬大定府至元四年屬利州後復來屬

元一統志 龍山縣西南至大都九百里西北至上都一千一百二十里西北至本路二百四十里東至利州界石匣口五十里西至惠州界大嶺一百五里南至撫寧縣界冷口三百里北至利州界白道子嶺四十里東到錦州四百里西到惠州二百二十里南到撫寧縣三百五十里北到利州八十里東南到瑞州二百八十里東北到建州二百里西南到遷安縣三百五十里西北到和衆縣一百四十里

按元龍山縣仍金舊和衆龍山屬今建昌縣西南境

元史地理志 利州

元一統志 利州西南至大都一千里西北至上都一千里東至錦州界梨園嶺二百三十里西到和衆縣界文山嶺六十里南至龍山縣界白道子嶺四十里北至富庶縣界龐家莊三十五里東到錦州三百五十里西到和衆縣九十里南到龍山縣八十里北到富庶縣七十里東南到瑞州三百里東北到建州一百二十里西南到惠州

二百二十里西北到本路一百六十里

按金利州領阜俗龍山二縣元一統志謂至元二年降州為利成縣併省二縣五月復為州四年二月復領二縣七月割龍山隸大定府阜俗縣併入本州隸大寧路皆元史所未詳屬今建

昌縣南境

元史地理志 惠州

元一統志 惠州西南至大都六百六十里西北至上都八百五十里東至利州界長嶺二百十里西至興州界赤嶺六十里南至豐閩縣豐閩至明初始改閩為潤界崖兒口三百十里北至和衆縣界燕王城嶺一百十里東到利州二百六十里西到興州二百二十里南到豐閩縣三百五十里北到和衆縣一百六十里東南到龍山縣二百二十里東北到本路二百二十里西南到遵化縣三百里西北到松州四百五十里

按元惠州以遼澤州地改置遼澤州本治神山縣而別領灤河縣金廢澤州及灤河縣承安時別置灤陽縣而亦旋罷故金志但有神山縣元之惠州蓋在遼澤州之境而非即其故城考元一統志惠州有廢神山縣元罷爲神山站又有廢灤陽縣元亦爲站設巡檢司故知惠州爲元所改置今承德府東南境平泉州南境皆元惠州地又建昌縣東南月華山在縣治東南一百八十里有元大德三年林泉寺地產碑詳見藝文門稱大寧路惠州東錦川鄉知今建昌縣之南境亦惠州地也

元史地理志 高州

元一統志 高州西南至大都一千一百二十里西至上都七百里東至武平縣界夾頭部落八十里西至松州界陰涼河七十里南至大定縣界細河九十里北至蒙古行營界挖河九十里東到武平縣一百五十里西到松州一百五十里南到本路二百二十里北到

古慶州七百里東南到惠和縣九十里東北到臨潢府七百里西南到本路二百二十里西北到應昌府七百里

按元一統志元甲戌歲時為元太祖九年升高州為興勝府丙子歲仍

改高州隸大寧路元史未詳屬今赤峰縣南境

元史地理志 興中州元初因舊為興中府後省至元七年又為州

元一統志 興中州西南至大都一千二百里西北至上都一千二

百里西北至本路三百里東至義州界喀喇山九十里西至金源縣

界青山嶺八十里南至瑞州界油霧嶺一百六十里北至武平縣界

匣口一百三十里東到義州一百八十里西到金源縣一百里南到

瑞州三百里北到武平縣一百八十里東南到錦州一百八十里東

北到川州一百八十里西南到建州八十里西北到惠和縣一百八

十里

按元史順帝紀至正二年正月升懿州為路以大寧路所轄興

中州義州屬懿州路今朝陽縣三座塔南六十里道旁有元至

正四年重修石木橋碑詳見古蹟門亦稱懿州路與中州元志失載

又元一統志謂金興中府領興中縣及洪寧縣元因之至元二

年縣皆省降府爲興中州尋復爲興中府七年復降爲州隸大

寧路又有永德縣亦金興中府所屬元省入興中州皆元史所

未詳

元史地理志 川州

元一統志 川州西南至大都一千四百里西北至上都一千里西

北至本路五百里東至懿州界頡東山七十里西至武平縣界欄子

嶺八十里南至興中州界獨山一百四十里北至蒙古行營界蝦蟆

山一百里東到懿州二百二十里西到武平縣一百五十里南到興

中州一百八十里北到臨潢府一千五十里東南到義州一百八十

里東北到咸平府六百二十里西南到金源縣三百里西北到高州

三百里

按金川州治宜民縣元時無宜民縣而有川州亦即治宜民故地今據元至正五年川州重修東嶽廟碑詳見古蹟及藝文門則元川州故城當即今朝陽縣屬三座塔北一百六十八里之黑子城也

元史地理志 建州

元一統志 建州西南至大都一千一百七十里西北至上都一千七十里東至興中州界田家嶺四十里西至富庶縣界兩家店五十里南至瑞州界油霧嶺一百二十里北至金源縣界隆興寺五十里東到興中州八十里西到富庶縣七十里南到瑞州五百里北到金源縣九十里東南到錦州二百六十里東北到武平縣二百五十里西南到利州一百二十里西北到本路二百二十里

按元一統志謂金置建平縣元初因之後省建平入州元史未詳興中州川州建州俱屬今朝陽縣境

元史地理志 上都路上都故城在今領州四在今境

興州唐為奚地金初為興化郡隸北京後為興州元中統三年屬上都路領二縣

興安至元二年置

宜興至元二年置

按元史文宗紀致和元年八月升宜興縣為州又灤平縣有元天歷中宜興州所建太平王德勝碑其文云天下既定奉升縣為州與元紀合元志失載又順帝紀至元五年四月革興州興安縣志亦遺之元之興安即金之興化元興州治興安縣而別領宜興縣興州治在今灤平縣即俗所稱大興州宜興治在今灤平縣西北之小城子以元時嘗升為州今土人尚稱其地曰興州也

又按興州之里至元一統志未詳宜興故城本在灤平縣境而豐寧縣西北之上黃旗汛在縣治西北一百三十里有元至正時石碣為宜

與開平分界之所承德府治東南之五指山在府治東南四十里有元大

輪禪師碑稱爲興州宜興縣知今灤平縣及承德府之西境豐

寧縣之南境皆宜興故地也元之上都路開平府即金之桓州

元上都城在桓州之東今豐寧縣西北境兼得開平府地

元史地理志

松州

本松林南境遼置松山州金爲松山縣隸北京大定府路元中統三年升爲松州仍存縣至元

二年省縣入州

元一統志 松州西南至大都九百里西北至上都七百里東到高

州分水嶺八十里西到興州至土嶺一百四十里南到大寧路二百

二十里北到應昌府七百里東南到武平縣三百里東北到古泉州

金史作全州屬北京路在臨潢府西南二百三十里元時州廢故稱爲古泉州二百五十里西南到興州三

百五十里西北到上都七百里松州之四至八到元一統志未全今從原文錄之

按松州爲今赤峰縣西境地元史世祖紀中統三年二月以松

州隸上都四年五月升開平府爲上都升上都路松山縣爲松

州考元中統元年置開平府至四年始稱爲上都又金時廢松
山州存松山縣元初仍其舊至中統四年始升爲松州是中統
三年開平府尙未升爲都松山縣亦尙未升爲州當云以松山
縣隸開平府元紀謂中統三年以松州隸上都元志謂中統三
年升爲松州者皆誤

元史地理志 全寧路領縣一全寧

按志於全寧路下未詳建置沿革今考全寧路爲魯王分地今

赤峰縣北烏丹城中有元魯國大長公主碑是元時全寧路當

在今赤峰縣北所轄巴林二旗境內也元史特色辰舊作特薛禪今改正

傳載特色辰子曰阿禪舊作按陳今改正曰和浩舊作火忽今改正阿禪初封

河西王後追封濟寧王阿禪孫曰特木爾舊作帖木兒今改正曰曼濟岱

舊作蠻子今改正俱封濟寧王特木爾子多阿克巴勒舊作琿阿不刺今改正尙

大長公主加封魯王傳云太祖諭和浩曰哈拉袞舊作哈老温今改正迤

東塗河潢河之間和爾齊諾舊作火兒赤慶州之地與伊奇喇

斯舊作亦乞列為鄰汝則居之又諭阿禪之子蘇嚕克圖舊魯

大郡今改正曰以汝父子能輸忠於國哈瑪爾温都爾舊作可木兒

正迤東絡馬河至于赤山塗河迤南與國民為隣汝則居之考

慶州故城本在今赤峰縣北境巴林旗之西北其所謂塗河土即

河亦名老河自喀喇沁右翼境潢河自翁牛特左翼旗北境東流

旗東北流至敖漢奈曼旗境之間即今赤峰縣屬翁牛特左翼旗及建昌縣北境敖漢旗朝

陽縣西北境奈曼旗之北境也其所謂絡馬河絡馬與落馬同

三韓縣皆至於赤山塗河迤南與國民國民指北為隣即今赤

峰縣屬翁牛特右翼旗之北境也知今赤峰縣北境及建昌朝

陽二縣西北境在元時兼有魯王分地傳又云元貞元年濟寧

王曼濟岱尙囊嘉特舊作囊加公主請於帝以應昌路東七百

里駐冬之地翔建城邑大德元年名其地為全寧路是全寧路

本在魯王分地之中其故城當在今赤峰縣北巴林旗界今巴林左右二旗應屬元全寧路地

欽定熱河志卷六十二

欽定熱河志卷六十三

建置沿革九

明

欽定熱河志

卷六十三

建置沿革九

明

明初屬北平府尋改屬北平行都司爲大寧衛新城衛富峪衛會州衛全寧衛營州衛興州衛地

今承德府本境灤平縣豐寧縣爲興州左右中前後五衛及宜興守禦千戶所地豐寧縣西北地兼得開平衛地平泉州爲大寧新城富峪會州四衛及寬河守禦千戶所地赤峰縣爲全寧衛地南境爲大寧衛地建昌縣朝陽縣爲營州左右中前後五衛地朝陽縣東兼得大寧衛地後俱廢

按明實錄洪武三年七月辛卯以古北口山外興州雲州隸北平府四年罷山後諸州徙其民於山南明史未詳乃史家之漏以實錄爲據知明初尙仍元時州縣之制也但不久旋罷其併省之跡遂不可考耳

明史地理志 北平行都指揮使司本大寧都指揮使司洪武二十

年九月置治大寧衛二十一年七月更名永樂元年三月復故名僑治保

定府而其地遂虛西南距北平布政司八百里

大寧衛元大寧路治大定縣屬遼陽行省洪武十三年為府屬北平布政司尋廢二

十年八月置衛九月分置左右中三衛尋又置前後二衛二十八年

四月改左右後三衛為營州左右中三護衛永樂元年二月省又徙

中前二衛於京師直隸後軍都督府洪武二十四年四月寧王府建於此永樂元年遷於江西南昌

南有土河東南有大壠場東北有惠和縣又有武平縣東有和衆縣元俱屬大寧路洪武中俱廢

按大寧衛治即元大寧路大定縣治復兼有元時惠和縣武平

縣及和衆縣境當為今平泉州屬喀喇沁札薩克公旗喀喇沁

右翼旗及赤峰縣南境地又迤東北至建昌朝陽縣屬敖漢奈

曼旗迤東至朝陽縣屬喀喇沁左翼旗地方輿紀要謂大寧衛

東至泰寧夷衛七百里南至永平府邊四百五十里西南至喜

峰口邊四百八十里西至開平衛四百三十里自衛至京師八

百里蓋營州興州諸衛皆統于大寧都司也

新城衛洪武二十年九月置永樂元年廢距行都司六十里

按新城即今之黑城在大寧城之西南為今平泉州屬喀喇沁

札薩克公旗地

富峪衛本富峪守禦千戶所洪武二十二年二月置二十四年五月

改為衛永樂元年二月徙置京師直隸後軍都督府距行都司一百

二十里

按富峪衛在新城之西南為今平泉州屬喀喇沁札薩克公旗

南境地

會州衛洪武二十年九月置永樂元年廢南有冷嶺西北有馬孟山廣袤千里土河之源出焉

下流合於潢河又南入於遼水

按會州衛在富峪城之西南為今平泉州境在州治南馬孟山

廣袤千里乃史志之誤詳見山門

全寧衛 元全寧路直隸中書省 洪武中廢二十二年四月置衛永樂元年廢 漢有

黑龍江 又有 西南距行都司二百 原本 里 缺

按全寧衛在大寧衛之北即元之全寧路在魯王分地中者在

今赤峰縣北巴林旗境志稱衛西南距行都司二百里以外地

有潢河潢河流經赤峰縣翁牛特旗境方位相合所云黑龍江

當即巴林旗境之黑河耳

營州左屯衛 洪武二十六年二月置 永樂元年三月徙治順義縣屬

大寧都司 南有塔山

按塔山在今土默特左翼旗之東南是營州左衛為今朝陽縣

屬土默特左翼旗地

營州右屯衛 元建州屬大寧路 洪武中州廢二十六年二月置此衛永樂元

年三月徙治薊州屬大寧都司西北距行都司四百里

按營州右衛即元建州為今朝陽縣屬土默特右翼旗西南境

地

營州中屯衛元龍山縣屬大寧路洪武中縣廢二十六年二月置此衛永樂元

年三月徙治平谷縣西屬大寧都司南有榆河

按營州中衛即元龍山縣為今建昌縣屬喀喇沁左翼旗南境

地

營州前屯衛元興州屬上都路洪武三年七月屬北平府五年七月廢二十

六年置此衛永樂元年三月徙治香河縣屬大寧都司西有新開嶺南有老河源

出馬孟山流經此又經行都司城南東北入于潢河西南有興安縣元屬興州順帝後至元五年四月廢

按明營州諸衛於元時為興中州地屬大寧路其興州五衛則

為元興州地屬上都路是興中州之與興州一在今朝陽縣一

在今灤平縣相距甚遠明地理志於營州前衛下注元興州屬

上都路者誤也至老河經流之地自當在大寧衛新城衛境與

營州無涉而去興州亦甚遠並誤又志于大寧衛會州衛下俱

注有土河而於營州前衛下別注有老河亦未知土河與老河本爲一水耳

營州後屯衛洪武二十五年八月置永樂元年三月徙治三河縣屬大寧都司

按明志於營州五衛俱未詳距行都司之道里營州本以興中故城得名而左右中諸衛無即治營州故城者明太祖實錄洪武二十五年八月庚申置營州後屯衛二十六年二月壬辰置營州中前左右四屯衛後衛獨最先置者疑其即治興中州城也

興州左屯衛洪武中置永樂元年二月徙治玉田縣直隸後軍都督府

興州右屯衛洪武中置永樂元年二月徙治遷安縣直隸後軍都督府

興州中屯衛洪武中置永樂元年二月徙治良鄉縣直隸後軍都督府

興州前屯衛洪武中置永樂元年二月徙治豐潤縣直隸後軍都督府

興州後屯衛洪武中置永樂元年二月徙治三河縣直隸後軍都督府

寬河守禦千戶所洪武二十二年二月置永樂元年二月徙治遵化縣仍屬大寧都司又僑置寬河衛於京師直隸後軍都督府

名豹河下流經遷安縣西北又東合於灤河

按寬河即今之寬城在會州城之南為今平泉州南境地

宜興守禦千戶所元宜興縣屬興州致和元年八月升為宜興州洪武二年兼置衛屬永平

府三年三月屬北平府六月改衛為守禦千戶所五年七月州廢存所永樂元年所廢

建置沿革九

按宜興所即宜興州在今灤平縣境其興州五衛道里未詳大
 約兼有今承德府本境及灤平縣豐寧縣地其西北為開平衛
 即元之上都路洪武二年為府屬北平行省尋廢府置衛屬北
 平都司永樂元年二月徙衛治京師直隸後軍都督府四年二
 月還舊治宣德五年遷治獨石堡改屬萬全都司而令兵分班
 哨備於此後廢又有開平左右中前後五衛於洪武二十九年
 置永樂元年廢並在今多倫諾爾廳界今豐寧縣之西北境亦
 開平衛地也

後為諾音舊作朵顏今改正衛及泰寧衛地

今承德府本境灤平縣豐寧縣平泉州建昌縣為諾音衛地朝陽縣
 為泰寧衛地

明史地理志 景泰四年明實錄作元年泰寧等二衛乞居大寧廢城不許
 令去塞外二百里居住天順後遂入於三衛外國諾音傳諾音福餘

秦寧高皇帝所置三衛地也自大寧前抵喜峰口近宣府曰諾音自錦義歷廣寧至遼河曰秦寧自黃泥窪逾瀋陽鐵嶺至開原曰福餘獨諾音地險而強久之皆叛去成祖從燕起靖難厚賂三衛說之來遂擁寧王西入關成祖復選其三千人爲奇兵從戰天下既定徙寧王南昌徙行都司於保定遂盡割大寧地畀三衛以償前勞

昌平山水記 大寧初設未有民人但立一十六衛自燕府拔之而南遂爲空城及轉戰三年始下南京而大寧已棄之後不能復置因徙衛於山南而以其地畀烏梁海

按三衛分界惟諾音秦寧二衛屬今承德府全境地王世貞三衛志以爲分界定於太祖二十二年鄭曉吾學編以爲定於永樂元年明史諾音傳從世貞說然當太祖二十二年正分置大寧諸衛之時諾音三衛安得雜出其地即以爲定於永樂元年者亦有未的考明實錄永樂元年十一月命新昌伯唐雲領軍

自小興州大興州東接牛嶺會州塔山龍山諸處屯種北勿出
會州西勿過千戶寨又永樂十九年十二月命邊將置邏騎營
於古北口北神樹之地是其時開平以東興州以北二三百里
猶爲內地三衛之界安得西近宣府宣德三年邊將奏烏梁海
廢城不許令近邊二百里外住牧曰入曰乞是其時故大寧城

舊作兀良
哈今改正

入大寧經會州將及寬河景泰元年三衛乞居大寧

猶爲邊外隙地三衛之界安得南抵喜峰今以諸書參考之據
吾學編方輿紀要載洪武二十二年分烏梁海爲三衛於潢河
之北曰福餘曰諾音曰泰寧是三衛之始其地皆在潢河北也
終洪武之世未嘗內徙洪武時大寧衛北尙有全寧衛自全寧
衛北始爲諾音三衛其時邊外諸衛總隸北平行都司大寧特
行都司所治之地耳永樂元年三月始割大寧衛地以畀三衛
大約即其近三衛之地割以與之曰割大寧衛地者其故城尙

未割特徙衛之後棄爲空城故景泰時三衛乞此城而未許也
至大寧城南更非其地其建庭處仍在潢水北英宗實錄稱正
統九年討三衛經大小興州過神樹破之於全寧及虎頭山可
証也景泰後令去塞外二百里居住始更徙而南考故大寧城
距邊四百五十里新城距邊三百九十里其時已令近邊二百
里猶不能居大寧廢城是邊外甌脫地尙遠自中葉以後形勢
日蹙邊牆以外視如敵國大寧諸衛始盡爲三衛所有吾學編
載嘉靖十一年巡撫王大用欲通諾音與厚賂城其霧靈山不
果霧靈山在馬蘭關外遵化州界上是其城南抵長城矣明史
據世貞之說以後來之疆域爲最初之版圖未爲核實因詳辯
之如此

欽定熱河志卷六十四

晷度

授時齊政肇始虞廷而後世測量之法以起極度晷影每憑地以覘天而總以北極出地高卑度分爲樞紐又以子午線爲中得東西偏度由是分布時刻加入節氣諸線得節氣分度言天文家歷代遞沿而西法尤爲精密承德府全境居赤道北四十七度至四十二度強在地圖東面中線偏東四十三度至四十七度強京師偏東一度至四度強與夫分至日景及晝夜候刻皆可以按地分考蓋天象雖虛而地體則實據表晷之器精人心以求高卑贏縮芒忽難淆理固然也我

皇上學貫天人識超今古闢分野拘墟之舊說而占候讖緯尤灼知其傳會難徵臣等仰窺

御製禹貢指南詩旨固已曠若發蒙茲論次承德府諸境極度晷景

謹爲分屬排纂而於分野星次則略舉史傳遺聞而更詳辨其

不可信庶俾管窺槃扣者流恍然嚮載之全量益欽惟

聖知天迴非星史諸家所得仰希萬一也志晷度第八

承德府

凡測量極度晷景俱以府州縣治所爲準

北極出地高四十一度一十分距京師偏東一度三十分

夏至正午日景三尺一寸九分有奇

定表高一丈後倣此

晝五十三刻十四分強

夜四十二刻一分弱

冬至正午日景二丈一尺一寸一分有奇

晝四十二刻一分弱

夜五十三刻十四分強

春秋分正午日景八尺七寸四分有奇

晝夜各四十八刻

餘州同

灤平縣即喀喇河屯廳

北極出地高四十度五十八分距京師偏東一度二十分

夏至正午日景三尺一寸五分有奇

晝五十三刻十四分

夜四十二刻一分

冬至正午日景二丈零九寸二分有奇

晝四十二刻一分

夜五十三刻十四分

春秋分正午日景八尺六寸八分有奇

豐寧縣即四旗廳

北極出地高四十一度三十三分距京師偏東初度二十八分

夏至正午日景三尺二寸六分有奇

晝五十四刻一分

夜四十一刻十四分

冬至正午日景二丈一尺四寸八分有奇

晝四十一刻十四分

夜五十四刻一分

春秋分正午日景八尺八寸六分有奇

平泉州

即八溝廳

北極出地高四十一度二分距京師偏東二度一十三分

夏至正午日景三尺一寸六分有奇

晝五十三刻十四分少強

夜四十二刻一分少弱

冬至正午日景二丈零九寸八分有奇

晝四十二刻一分少弱

夜五十三刻十四分少強

春秋分正午日景八尺七寸有奇

赤峰縣即烏蘭哈達廳

北極出地高四十二度二十四分距京師偏東二度五十分

夏至正午日景三尺四寸三分有奇

晝五十四刻三分

夜四十一刻十二分

冬至正午日景二丈二尺三寸四分

晝四十一刻十二分

夜五十四刻三分

春秋分正午日景九尺一寸三分有奇

建昌縣即塔子溝廳

北極出地高四十一度三十八分距京師偏東三度五十分

夏至正午日景三尺二寸八分有奇

晝五十四刻一分

夜四十一刻十四分

冬至正午日景二丈一尺五寸六分

晝四十一刻十四分

夜五十四刻一分

春秋分正午日景八尺八寸九分有奇

朝陽縣塔即三座塔

北極出地高四十一度四十四分距京師偏東四度二十一分

夏至正午日景三尺三寸有奇

晝五十四刻一分強

夜四十一刻十四分弱

冬至正午日景二丈一尺六寸六分有奇

晝四十一刻十四分弱

夜五十四刻一分強

春秋分正午日景八尺九寸二分有奇

元史天文志 北京北極出地四十二度強

按元授時術周天三百六十五度二千五百七十五分今法周天三百六十度元史所云四十二度強者當今四十一度半弱元之北京治大寧城在今平泉州治東北一百六十里與今測亦不甚遠蓋地居天中地體渾圓與天度相應中國當赤道之北北極常現南極常隱南行二百里則北極低一度北行二百里則北極高一度東西亦然經緯有常度推測有常法推之二分二至日晷晝夜分刻立表見影理可明徵也若列星分野之說肇自周官秦漢以來傳述不一在天或以次言或以星舉在地或据州或据國中土之地已盡二十八宿分位推之大地七萬二千里數有所窮是中土星野之分特出於天文家之拘墟

沿襲而未足爲據也今承德府全境當古幽燕東北舊說星分尾箕析木之次今錄歷代史書所載而綴以論說如左

周禮 保章氏以星土辨九州之地所封封域皆有分星鄭康成注析木燕也

爾雅釋天 大辰房心尾也大辰謂之大辰析木謂之津箕斗之間漢津也

史記天官書 尾箕幽州

淮南星部地名 尾箕燕

漢書地理志 燕地尾箕分野也東自漁陽右北平遼西遼東西有上谷代郡雁門皆燕分也樂浪元菟亦宜屬焉自危四度至斗六度謂之析木之次燕之分也

費直周易分野 析木起尾九度

蔡邕月令章句 自尾四度至斗六度謂之析木之次燕之分野

皇甫謐帝王世紀 自尾十度至斗七度百三十五分而總曰析木之次今燕分野

晉書天文志 自尾十度至南斗十一度爲析木燕之分野屬幽州漁陽入尾三度右北平入尾七度遼西入尾十度

魏書律歷志 心四至斗一析木

唐書天文志 尾箕析木津也初尾七度餘二千七百五十秒中箕五度經南斗八度自渤海九河之北得漢河間涿郡廣陽及上谷漁陽右北平遼西遼東樂浪元菟古北燕孤竹無終九夷之國

宋史律歷志 赤道過宮尾宿四度十五分秒五十四入燕分析木之次黃道過宮尾三度八十六分秒六十四入燕分析木之次

按宋志又載觀天歷黃道過宮尾宿八度入燕分與前說異

金史歷志 太陽黃道十二次入宮宿度尾三度九十七分九十二秒外入燕分析木之次

元史歷志 黃道十二次宿度尾三度一分一十五秒入析木之次
按承德府全境在古漁陽右北平遼西郡邊外其入某宿度分
史傳無明文漢書地理志尾箕分野東抵遼東唐書天文志亦
及於遼東北燕則承德府屬星分以尾箕屬燕之舊說附近推
之亦略可考見然古人分星或以配食或以主祀初未嘗以恆
星之次第配九州東西南北之方位初未嘗以地之大者星土
必廣地之小者星土必狹其附近邊徼之地即緣邊徼所分之
星而係屬焉如星紀爲吳越分春秋時未有交趾九真南海日
南之地也漢置爲郡亦不過附於星紀之次如鶉首爲秦分春
秋時未有武威張掖酒泉敦煌之地也漢置爲郡亦不過附於
鶉首之次如析木爲燕分春秋時未有元菟樂浪遼東西之地
也漢置爲郡亦不過附析木之次蓋三代以下拓地不廣故附
諸中土而有餘若以今之道里計之西域新疆遠拓二萬餘里

已非秦分井鬼二宿所能該況推之以盡地面一周則中土以外大地尙多又將分以何星屬以何次乎恭讀

御製題毛晃禹貢指南詩注史記天官二十八舍主十二州引星經如云角亢鄭之分野之類乃以二十八宿主十二州分配無餘此外更當何屬夫天無不覆星麗乎天亦當無不照今十二州皆中國之地豈中國之外不在此昭昭之內乎且其間有地少而星多亦有地多而星少以天度地輿準之亦不均如井鬼爲雍州陝西甘肅皆是其道里之廣已非兩舍所能該而今拓地遠至伊犁葉爾羌喀什噶爾較禹貢方隅幾倍徒其地皆在甘肅以外將以雍州兩星概之乎抑別有所分屬乎此又理之難通者蓋分野之說本不足信而災祥則更隣於讖緯皆非正道仰

聖論之昭垂誠足以破千古拘墟之見而懸爲正的矣且即以舊說論之爾雅以尾屬大辰星與次已相遠漢代不知歲差以節氣

交宮分十二次之界其交宮又非當時實測後漢賈逵諸人始以史官所注冬夏至日躔所在正之於是十二次紛紛改定晉虞喜始知歲差宋何承天祖冲之隋劉焯等言之益詳唐初傅仁均始用歲差朝論不以爲然李淳風復去歲差不用及一行乃博考廣證分天自爲天歲自爲歲更以七宿之中分四象中位而著其分野然觀其區別各次與堯典春秋傳復時有出入明神宗時西法入中國以中氣過宮如日躔冬至即星紀宮之類而恆星既有歲進之差於是宮無定宿宿可以遞居各宮古法因之遞變再以恆星東移歲差五十秒積算之六千餘年之後南易而東西易而南萬二千餘年之後南易而北西易而東方位更而分野亦易是則分野以屬星分星以屬次即中土十二州之地前後已多參錯況大地之全乎茲故採綴舊說折衷

聖裁見向來十二州分星之說不過天文家之沿襲附會加以占驗

襍祥尤多恍惚非獨事難徵信亦理不能通耳

又按古分野之法限於中土則大地難周統全局以規大勢當以周天三百六十度配大地七萬二千里每二百里分應一度盡地面一周到二十八宿之分野始盡說似較爲無弊也第欲以周天分屬大地而恆星有東移之差則以某宿屬某處將以何者爲準而後左右推暨乎曰恆星雖歲差五十秒然二十八宿始初之體原有定位角亢氐房心尾箕爲蒼龍居東斗牛女虛危室壁爲玄武居北奎婁胃昴畢參觜爲白虎居西井鬼柳星張翼軫爲朱雀居南是也宿有東西南北地亦有東西南北以二十八宿東西南北之本位分配大地東西南北之定位按諸古志十二州分星之說惟燕爲尾箕之野方位適相符合蓋以中土地偏東北隅京師又居中土之東北於八卦屬艮於十干屬癸甲之交於十二支屬寅於十二次屬析木於星屬尾箕

尾箕二宿之本位亦正在東北隅也以尾箕燕分爲準而後左右推之盡地面之一周皆與各宿本位相合是爲亙古不易之星分而十二次因之至恆星東移歲差五十秒亦隨大地爲轉易某年屬某宿某度若干分秒以各宿本位所屬不變者爲體以按年遞值者爲用如是以言分野則數不窮而理猶可據爲附著其說以備考

欽定熱河志卷六十五

山一

承德府全境北界興安大嶺爲陰山之正脈左右層巒疊嶂皆其分支形勢之雄甲於紫塞若龍山爲慕容氏國都七金馬孟諸山爲遼金名勝徵名定位往往而合自

仙莊肇啓巖巒獻秀鍾峰東峙則酈道元水經注之石挺也廣仁西控則王曾行程錄之墨斗嶺也加以

六飛來往

睿賞留題翠壁丹崖

輝新雲日斯則林壑光華山靈望

幸造化神秀顯見有時也爰就各境所屬分按道里證以史傳所紀取其翔實可徵信者著之凡蒙古諸名音譯舊多訛踳兼爲校正或名聞在昔而今無可考則約畧方隅彙卷附存不敢以傳

會失實至於木蘭界內羣山合沓爲

巡蹕秋蒐講武之地別見圍場門茲不復敘志山第九

承德府 即熱河廳

磬錘峰 在熱河

行宮東八里承德府治東北十六里下銳上豐俗稱棒錘峰

聖祖仁皇帝賜今名每夕陽欲暝萬壑蒼然一峰秀矗亭亭倚天

御題山莊三十六景中有錘峰落照峰側石幢一鐫床湫帟②四字

酈道元水經注 武列水東南歷石挺下挺在層巒之上孤石雲舉

臨崖危峻可高百餘仞牧守所經命選練之士彎張弧矢無能屆其

崇標者

按古武列水即今之熱河 詳見水門 磬錘峰近在河東撐空聳秀即

石挺也峰側石幢不知何時所建床爲古戶字見許慎說文②

爲武壘所造日字見郭忠恕佩鱗餘二字無考

御製詩

鍾峰歌 壬申

在天有六星開德宣符贊鴻運在地有崑崙巖然中峙四維鎮崑崙
一支走華區壇曼案衍羣峰都五岳五鎮列方隅扼吭拊背據其樞
神禹行水跡雖遍天祕地鑰無繇見小試僅得及砥柱至今疏導傳
寓縣靈臯奧壤應有待乃迴

堯顧怡八彩帶河襟巘闢仙莊卓然峰立東岡在東岡峰立初無名
象形闡義錫嘉稱宇宙以來便有此惟

聖人通天地情造物妙在鑪錘間奉三要達神明權平施稱物無容
意治崇金鑑千秋傳八柱何當一己足馬援標名笑銅沃春來簇簇
自爲繡雪後晶晶幻成玉穹隆高矗飛雲流亭亭入望偏宜秋一輪
冰鏡正圓滿憑將掛著千山頭

望鍾峰作歌 己卯

金天集卷之二
夕之二
一
晚熱寧不欲尋涼心中卻幸農夫慶肩輿西嶺上絕頂錘峰東望遙
相當天風吹寒颯衣袂攀陟雖炎爽此際乃知得逸恆於勞玉柱亭
亭況佳致亭亭玉柱幾千秋風月與侶鹿豕儔而今遍野田廬稠亦
復臺榭供清游古人曾經到此不錘峰笑道非所求

羅漢峰 一名彌勒峰在熱河

行宮東稍南三里承德府治東南九里岡巒曼衍望之似人形跌坐
坦腹迤北即磬錘峰

紅石巒 在熱河

行宮東南十里承德府治東南十六里羅漢峰之東綿亙十餘里其
西地勢寬廣土人稱爲紅石巒溝

天橋山 在熱河

行宮東南三十五里承德府治東南三十八里山勢如飛梁跨空縹
緲天半與

宮內四面雲山亭相對

御製詩

天橋山歌

甲戌

亭子四面雲山頂東瞻案衍拖橫嶺嶺上天橋對我亭輿梁誰駕虛
無境仙人來往扶欄游彼岸奚借一葦浮祖龍鞭石空費力何如天
造非人謀武夷長虹事乃幻謝傅永安桑海變恰似嵩山玉女窗中
秋月每從中見

朝陽洞 在府治東稍南三十七里石竇嵌空橫貫山腹深二十餘
丈廣二丈餘其東高盈丈西半之曉日初生光射石罅隔山可見朝
陽義蓋取此洞內外有小佛祠各一

帽盛山 在府治東稍南八十里以形類兜鍪得名其北十里復有
帽盛山土人稱爲前帽盛石後帽盛石

筆架山 在府治東稍南九十里以三峰矗立故名

五指山 在府治東南四十里五峰峭崿儼如仙人掌山有古靈峰禪寺寺有僧居實撰五指山大輪禪師碑至元二十四年建知此山舊名五指矣今土人稱雞冠山蓋側視五峰纍纍若雞冠云

駱駝山 在府治東南五指山之東

敵樓山 一名觀音山在府治東南一百六十里白馬川之南山有至元二十六年僧顯月撰敵樓山天宮禪院碑稱山在惠州西南巔峰峻拔

按元惠州治在今平泉州界敵樓山在承德府最東南境與惠州西南方位相合碑文稱有古殿字號曰天宮惟設觀音神像則觀音山之得名有自來矣

鐵虎山 在府東南九十里

滴水厓 一名珍珠厓在府治東南一百三十里灤河流經其下山勢盤旋數十里松柏叢鬱積翠成屏臨河石壁削立山腰有洞流泉

琿瑀若珠璣迸落故名

僧冠峰 在府治南稍東二十六里舊名僧官帽山乾隆三十九年賜今名峰形如毘盧覆頂土人以雲氣聚散占晴雨之驗輒應

青雲山 在府治南稍東一百二十里白河之旁林木翳蔚泉響潺然出叢薄中雲峰寺建其上

烏龍山 在府治東南二百五十里古盧龍山也盧龍塞當在其地酈道元水經注 盧龍之險峻版縈折故有九綰之名矣

按盧爲黑色烏字義同音屬近似更以盧龍塞證之方位亦合水經注濡水東南逕盧龍塞塞道自無終縣東出渡濡水向林蘭陘東至清陘濡水即今灤河至承德府之東南境迤折而入邊牆所謂濡水又東南逕盧龍塞也無終即遵化州在承德府南境邊內所謂塞道自無終縣東出也塞固以山得名境地自當毗接今烏龍山在承德府本境西南與灤河入邊處東西固

相望也。況盧龍塞古稱長塹，今灤河入邊處當永平府西北之潘家口，爲盧龍東塞。魏志：盧龍塞與密雲山綿互不遠。當今密雲縣西北與居庸塞相連，爲盧龍西塞。今烏龍山正當長塹之中，附近東塞也。又庾杲之注：揚都賦言盧龍山在平罌城北，平罌即平剛。漢屬右北平郡。班書：平剛無終二縣接叙，則平剛亦應在遵化州境，適與烏龍山南北相直。庾杲之所言不盡無據。酈道元譏其孟浪失實過矣。若水經注又載燕景昭元璽二年遣將軍步渾治盧龍縣焚山刊石，令通方軌，刻石嶺上以紀事，功則不必定在烏龍山矣。

青松梁 在府治南五十里

鳳凰嶺 在府治南二十五里，與青松梁相接，皆在灤河之南。

尖帽山 在府治南一百八十里，其南接遵化州界。

廣仁嶺 在熱河。

行宮西十四里府治西十一里嶺之西南即灤平縣境自灤平縣至熱河爲

輦路經行之處康熙五十七年

聖祖仁皇帝發帑開治徑路平坦

賜名廣仁嶺勒碑山上東麓建

萬壽亭三十八年建碑亭一恭鐫

御製雨中乘輿過廣仁嶺詩凡山莊西境諸山皆與廣仁嶺綿互相接

王曾行程錄 過烏灤河又過墨斗嶺亦名渡雲嶺長二十里許

曾公亮武經總要 北安州有墨斗嶺在德勝嶺北百二十里

按遼北安州城在今豐寧縣東境之波羅河屯

詳建置沿革門

廣仁嶺

在灤河之北正當遼北安州境內應爲古墨斗嶺斗與斗特傳寫不同耳

御製詩

雨中乘輿過廣仁嶺 癸巳

雲巖山頭雨復施，路經橫嶺引閒思。身先策馬恆劫昔年長，上乘輿

亦順時。曩時行幸山莊，啓蹕日即乘馬至迴鑾，始間乘輿，然遇天雨

以通非尚逸而惡勞，順時慎養之道宜如是也。瀑響千巖奔，淅烟迷萬樹，幻離奇。僕臣跋

涉胥，勤職行賞旌勞例有之。

風雲嶺 在熱河

行宮西北三里，府治西北六里，其北即獅子嶺。

獅子嶺 在熱河

行宮北五里，府治西北九里，嶺勢奇偉如狻猊，頰聽帖依蓮座，故名。

嶺下獅子園，嶺之東地勢閑敞，名獅子溝。凡普陀宗乘廟諸巨刹多

建於此。詳見寺廟門

金山 在府治西北五十里，山勢高聳，東與黑山對峙。

黑山 在府治西北四十五里山脈週圍數十里一峰拔起高出羣山石色如鬻故名

按凡附近熱河諸山皆金山黑山支脈所分

聖祖御製避暑山莊記所云金山發脈又北枕雙峰詩序所云西北金山東北黑山者是也

大黑山 在府治北一百八十餘里當張三營西北高二十餘丈週百餘里複嶂懸崖煙嵐蒸鬱遙望黝然伊遜河自北來流繞其足

按此即古陰山分支也陰山自河套之西北蜿蜒東走經承德府全境之北其正幹爲興安嶺是山在承德府北境形勢雄峻附屬興安自是而北直接圍場內諸山蓋陰山遠脈經行旁絡之處凡府屬迤北諸山視此

盤道梁 在府治北境唐山營之東北

象鼻山 在府治北稍東四十四里山勢墜長形如象鼻故名

湯山 在府治東北八十里山出湯泉流入賽音河

聖祖嘗駐蹕於此建龍尊王佛廟有

御製碑記

恭載寺廟門

橫道梁 在府治東北茅溝汛境內窰溝之北茅溝河流經其西

灤平縣 即喀喇河屯廳

雙塔山 在喀喇河屯

行宮東北八里灤平縣治北八里大小二峰矗立百餘丈如翠堵波高下相亞其一峰中開三孔表裏通明

御製詩

雙塔山 癸酉

雙峰聳翠肖浮圖鹿苑當年了不殊入影東西照灤水插雲南北擬

明湖

葦峪嶺 在喀喇河屯

行宮西南十五里灤平縣治西十里自王家營至喀喇河屯

輦道必經又巴克什營北亦有葦峪土人稱爲西葦峪

御製詩

過葦峪嶺 癸巳

塞外地勢殊山多平原少一嶺界兩溪縈繆相環抱土人刀而耕高
低遍巖表美惡雖非齊亦自足温飽葦峪茲過嶺沿路農功考頗覺
遜迤南春膏知霑少近乃陣雨作稚禾始有秒爲去聲之復望霖曷惠
心默禱羽林卻喜晴云弗致行潦明當至山莊雨不爲遲好我意汝
當知汝私我亦曉

葦峪 甲午

葦峪迤北閱田功缺澤去年同一望卻因昨夜得霪雨迴蘇綠意看

無恙客歲黑城始遇霖喀喇河屯即漢語黑城在葦早祇一宿那殊

狀茲於常山峪即遇復思今夏啓鑾晚以是較則反遲宕昨歲以五月初八日

啓鑿今年則於五月十六日較遲八日而設更衡之夏至節日雖爲以距夏至後日期計之反爲早五日也

晚時早償較長論短總緣農爲殷虔祝屢綏祝

駝峰 在灤平縣治西南一峰聳峙形似橐駝故名

御製詩

青山白雲宜目騁一峰遙見峙橫嶺問之其名曰駝峰昂首聳背還引領有如此哉造物奇以弗意匠匠肖之誰能翠釜食單列更鮮錦篇揆麗詞此地此名兩相當嶽嶽立向西南望意有未忘用有殊即今沙漠耕桑暢我亦因之繫於訪

小黃土梁 在灤平縣治西南二十里較常山峪西南之黃土梁形勢稍亞

三道梁 在灤平縣治西南五十里

鞍子嶺 在灤平縣治西南六十二里又大水峪口外白河之旁亦

有鞍子嶺爲灤平縣最西南境

常山峪 在灤平縣治西南七十里嶺勢迴環如列屏障

行宮建於山麓正據其勝

奇山 在灤平縣治西南常山峪北距官道七里峰勢中開狀如擘

裂

黃土梁 在灤平縣治西南八十里常山峪西南十里

青石梁 在灤平縣治西南九十里與黃土梁形勢相連自兩間房

至常山峪羣峰綿互青石梁最峭拔高出諸山之上

御製詩

過青石梁 申 申

石棧隆崇雲裏盤北來屈指最高巒昨朝細雨不成陣今日晴空迴
覺寬過嶺東西異流水策驄上下一征鞍剗循歲久塗臻坦可復誰
歌行路難

過青石梁 丙 戌

塞山過雨曉猶雲隱現諸峰濯黛紋爲喜農功益茂實何妨旅景自
殷勤近藩已有聯翩至一體曾無內外分

祖訓聰聽仰深意高談底事更云云

青石梁

石梁歲往還佳景稱遊攀馬足若無路雲頭復有山飛流垂振鷺野
卉鎖孱顏更喜逢秋霽都忘行旅艱

雨中過青石梁 戊子

夜雨連纖曉未收製衣六書正譌亦復發行騶途中霈霈乃逾甚馬

上逍遙那可留荔阪都成千瀑落蘭蹊忽作一川流石梁過不逾十

里別館常山稱去聲憩休下青石梁復過一黃土坎

雨過青石梁 十月初四日 辛卯

徹夜連纖曉未晴輕輿已備御而行自辛酉秋狩以來雖甚雨雪皆

雨所司備輿遂御之昨木蘭中曉住獵場亦順時養體欽

天道漸石膠車驗物情宜雪雨零候緣暖

往年此際關外已作雪今歲氣暖故仍雨

降高

卑就谷循平披煙南望慰心處潤透冬田麥始萌

過青石梁 壬辰

曉行塞雲佈四字意謂靈山或施雨須臾雲斂快開晴濯濯螺峰秀
爾許崎嶇砢砢凡千盤登迴造極眼界寬隆崇大幹東南去亦如瀛
海蒼漫漫升覺路長降路短北高於南信非誕麥尙未收禾黍芄愛
此宜陽著鞭懶

星龕巖 在灤平縣治西稍北五十三里

聖祖仁皇帝御題巖名巖間鑿石佛像三有寺名星龕巖寺

喇嘛洞 在灤平縣治西七十里石洞中虛形如廣廈

偏嶺 有前後二嶺後偏嶺在灤平縣西一百里當鞍匠屯之南又

南爲前偏嶺

王曾行程錄 過偏槍嶺四十里至臥如來館過烏灤河

按偏嶺即行程錄所載偏槍嶺烏灤河即今灤河偏嶺在喇嘛洞西三十里外疑喇嘛洞即臥如來館之舊也

十八盤嶺 有大小二嶺大十八盤嶺在灤平縣西南一百十里其南四里爲小十八盤嶺

王曾行程錄 出古北口度德勝嶺盤道數層俗名思鄉嶺

按十八盤嶺在古北口外直北境磴道迴盤應即行程錄所云德勝嶺也

火石嶺 在灤平縣西南二百三十里白馬關口外

插箭嶺 在灤平縣西南二百四十里高家營北潮河流經其西

七道嶺 在灤平縣西南二百五十里

椴樹嶺 在灤平縣西南二百五十餘里潮河流經其麓

五道梁 在灤平縣西二百三十里

廟兒嶺 在灤平縣西三百里

豐寧縣即四旗廳

元寶山 在鑲白旗土城子即豐寧縣治東稍南十五里山形中凹旁峻

以形似得名

按豐寧縣治在鑲白旗土城子所屬四旗分地如前四旗廳之制茲編次境內諸山仍按四旗所屬分載方位道里以期明晰云

博羅梁 在鑲白旗土城子南六十里其南即灤平縣界

官兒嶺 在鑲白旗土城子西南二十里其西南即鑲黃旗界

鐵家伙梁 在鑲白旗土城子西六十里其西即鑲黃旗界

赫山 在鑲白旗土城子西稍北二十五里錫喇塔拉川之西山峰

峭拔林木蔚然為縣西勝境

五峰山 在鑲白旗土城子東北九十里五峰環列澗壑深幽山有

興隆寺

白雲山 在鑲白旗土城子東北一百二十里山腹一泉自洞中流出最爲清冽

筆架山

在正藍旗黃姑屯

即波羅河屯

東稍北十里山正當波羅河屯

行宮之東三峰列峙中翹旁亞作筆架形

御製詩

筆架峰

戊寅

筆架三峰迥出羣支天萬古翠嶙峋宣毫湘管難堪倚合付尋常腹

藁人

化工著意玉雕鏤肯使詞人弄筆頭李白若曾經到此不知奇句幾多留

於波羅河屯詠東山筆架峰

戊子

天開地闢此遺蹤未許南人弄藻鋒笑彼珊瑚誇寶重鎮茲鉢捺永提封祇今來往常凝望自古詩文必有宗不是杜韓大手筆誰當佳

作倚高峰

文昌雜錄云契丹謂住坐處曰鉢捺按遼之後即今索倫其語與滿洲有相同者國語謂住處曰巴納若作鉢捺尙可云音譯之訛乃並顛倒其文則失之益遠矣總由彼時中國人言語不通習信手妄書不自知舛謬即如金遼元三史中類此者難以枚舉已悉爲改譯而稗野流傳則經用始能辨訂耳

靈瓏峰 在中關

行宮東十五里正藍旗黃姑屯東稍南六十里舊名興隆山山峰嵌空有洞西向深十六丈許隙光穿透非雕鏤所及乾隆十九年七月巡蹕經臨其地因

賜今名

御製詩

瓏峰

有序
甲戌

過中關行宮迤東十餘里有峰拔地嵯峨峯嶺望若翠屏嵌空
虛洞似仙人之所棲止名之曰瓊瓏而係以詩

朝催行騎緣谷東
新程逐處咨民風
沿岡度澗凡幾重
路右遙見凌霄峰
巍乎氣象迴不同
羣山拱伏孰與京
叶倚天拔地超哉雄
嵌空洞穴宛轉通
摧峯巖嶽森竊窻
奇葩異樹那可名
叶幻以雲氣鬱豐隆
石戶儼開守玉童
丹竈碧火其燄紅
垂垂鐵鎖懸長空
凡骨悵望難尋蹤
在昔下風訪崆峒
塞垣荒畧傳何從
欣茲始遇名瓊瓏
飛來奚事豔吳中
至今吟詠紛莫窮

固都爾呼達巴罕 在正藍旗黃姑屯東固都爾呼河經流其旁故

名山脈始於官家廠蜿蜒而南至中關綿互百餘里
雲光洞 在正藍旗黃姑屯南四十里山勢阻深其右有泉從石間
出東南流會入固都爾呼河山麓有洞嵌空康熙六十一年就洞建

寺

聖祖仁皇帝賜額曰雲寶珠光故即以雲光名洞

金廠梁 在正藍旗黃姑屯南稍東三十里

赤土梁 在正藍旗黃姑屯南十里

苔山 在波羅河屯

行宮之西正藍旗黃姑屯西北伊遜河之北有浮屠三級高矗峰頂東則伊遜河西則伊瑪圖河蜿蜒如帶夾流山下

平頂山 在正藍旗黃姑屯東北七十五里頂平如砥而石壁劖削每白雲滂然瀾漫峰頂則山兩立至土人以爲占候此山綿互廣遠其北即圍場界

按遼史地理志載高州有平頂山遼高州爲赤峰縣境今豐寧縣爲遼北安州地與高州方位不合蓋山名偶同也

大對山 在正白旗郭家屯東南五十五里灤河流經其下

黑山 在正白旗郭家屯西南二十五里

沙爾呼山 在正白旗郭家屯西稍南八十里錫喇塔拉川即興州河發源於此其西即鑲黃旗界

鳳凰山 在正白旗郭家屯西北灤河之北

喇嘛山 在正白旗郭家屯北三里半山石洞一仄徑沿緣盤紆而上林壑幽絕

湯山 在正白旗郭家屯北三十五里山有溫泉東南流入小灤河窟窿山 在正白旗郭家屯北三十五里三峰屹立有石穴在三峰之間故名

半壁山 在正白旗郭家屯北六十里石壁陡削形若堵牆小灤河流經其下其北即圍場界

龍泉山 在鑲黃旗大閣兒東稍南五十里有大小龍潭三水從石罅中出三潭遞注東南流入潮河

塔山 在鑲黃旗大閣兒東南六十里山有古塔一

白雲洞 在鑲黃旗大閣兒東南七十五里亦名朝陽洞洞頂有雙瀑對懸飛流樹杪洞內有神像鵠額曰寶華臺不知何時書外種山桃百餘株春時霏紅掩映尤增勝致

帽山 在鑲黃旗大閣兒南稍西六十里山有石柱高百尺三巨石疊立其上形若峨冠

湯山 在鑲黃旗大閣兒西南四十里山出溫泉洪湯寺建其側土人稱其地爲湯上湯河發源於此

按此與正白旗之湯山別考水經注沽水東南右合高峰水又西南流出山沽水即今白河高峰水即今湯河

詳見水門

湯河發源

於湯山則山即高峰之舊矣

平西梁 在鑲黃旗大閣兒西南八十五里其西即獨石口廳界

大草坪梁 在鑲黃旗大閣兒西南八十餘里其西即獨石口廳界

駱駝山 在鑲黃旗大閣兒西稍南五十五里其西即獨石口廳界

按舊一統志謂李文忠敗元兵於駱駝山即此然考文忠當日
出居庸趨開平爲今之多倫諾爾迂道至此恐未必然也

十八盤嶺 在鑲黃旗大閣兒西一百三十里其西即獨石口廳界

按此與灤平縣屬之十八盤嶺別又考元周伯琦扈從詩注曰
入黑谷過色澤嶺高峻曲折凡十八盤伯琦所經由今獨石口

外迤東而行正歷今豐寧縣西境此十八盤嶺疑即色澤嶺

伊克達巴罕 在鑲黃旗大閣兒西北一百二十里其西即獨石口

廳界

喇嘛山 在鑲黃旗大閣兒北稍西六十里羣峰迴合有月珠寺建
其上金碧觚稜隱出林杪最爲幽勝

按此與正白旗之喇嘛山別

巴顏哈達 在鑲黃旗大閣兒北稍西一百三十里

韭菜梁 在鑲黃旗大閣兒西北一百八十里灤河流經其下

僧機圖達巴罕 在鑲黃旗大閣兒北二百十里其北即多倫諾爾廳界

平頂山 在鑲黃旗大閣兒東北六十里山勢綿互其東北與正白旗之沙爾呼山相接

按此與正藍旗之平頂山別

大黑山 在鑲黃旗大閣兒東北九十里

青石拉綿山 在鑲黃旗大閣兒東北一百八十里土人亦稱爲大山綿互數十里其北即圍場界

天財梁 在鑲黃旗大閣兒東北一百九十里亦名官道梁

欽定熱河志卷六十六

山二

平泉州

即八溝廳

鳳凰嶺 在平泉州東五十里複嶂中開爲州東境之門戶嶺上山桃極盛春時遠望如紅霞東即建昌縣界

映碧山 在平泉州東八里高五里廣三里

瑤璠山 在平泉州東稍南三十里山陽有石洞中構屋祀泰山神有二泉一目高巖下注一自山麓涌出流遶山下

獅山 在平泉州南稍東六里高三里廣二里山勢雄偉作狻猊昂首形其東峭壁石色全赭土人稱爲紫霞峰

象山 在平泉州南五里以山形似象得名其東與獅山相對爲州境之形勝豹河流經兩山間

冷嶺 在平泉州南八十里

明史地理志 會州衛有冷嶺

按冷嶺在會州城南六十里與明史地理志相符又考明宣宗實錄載親征烏梁海丙辰駐寬河明日至冷嶺又明日駐會州今冷嶺在寬河城北三十里所載方位亦合應即此山也

金沙溝山 在平泉州南一百里以沙色如金故名

紅山 在平泉州西南十里高二里廣一里

老姥山 在平泉州西南三十里

猴山 在平泉州西稍北五里高六里餘廣二里危峰孤峙高出雲際每朔雪初晴皚如積玉土人所謂猴山積雪也

烏勒呼瑪梁 在平泉州北六十里喀喇沁右翼境有山泉匯流南入豹河

黃土梁 在平泉州東北四十里喀喇沁右翼境烏勒呼瑪梁之東南豹河發源於此

石佛溝山 在平泉州東北一百二十里喀喇沁右翼境石壁上鐫佛像一

喀卜齊爾東山 在平泉州東北一百六十里喀喇沁右翼境有洞深三丈餘洞外石筍矗立有泉清鑒毛髮上建龍神祠

和爾圖崑都楞喀喇山 在平泉州屬喀喇沁右翼東二十里畢齊克圖達巴罕 在平泉州屬喀喇沁右翼東四十里

烏爾圖納蘇圖波羅山 漢名萬歲山在平泉州屬喀喇沁右翼東七十里

額卜特山 漢名秋鷹山在平泉州屬喀喇沁右翼東八十里伊瑪岱山 在平泉州屬喀喇沁右翼東九十五里

錫納喀喇山 在平泉州屬喀喇沁右翼東一百五里和爾博勒津山 漢名七金山在平泉州屬喀喇沁右翼東一百二

十里

遼史地理志 聖宗過七金山土河之濱南望雲氣有郭樓闕之

狀因議建都又中京大定府有七金山

金史地理志 北京大定府有七金山

元一統志 七金山在大寧縣北十五里東西長十里南北廣五里

山有七峰因名遼時嘗建三學寺於中

按遼金大定府即今平泉州境之大寧故城元大寧縣即遼金

大定府屬之大定縣詳建置沿革今和爾博勒津山漢名與古相同

在老河即古土河東岸西南距大寧故城不遠知爲古七金山矣明

一統志稱烏梁海有七金山應亦指此

超圖喀喇山 在平泉州屬喀喇沁右翼東一百二十餘里

哈特哈山 漢名妒山在平泉州屬喀喇沁右翼東一百五十里烏

巴河發源於此

巴顏烏蘭山 漢名大紅螺山在平泉州屬喀喇沁右翼東一百八

十五里

按明史朵顏傳有紅羅山羅與螺音同疑即此山

托來圖山 漢名兔兒山在平泉州屬喀喇沁右翼東南九十五里
又右翼東南一百五十里有托來山

巴圖察罕山 漢名柞山在平泉州屬喀喇沁右翼東南一百餘里
喀喇和碩山 亦名大斧山在平泉州屬喀喇沁右翼東南一百五
里伯爾克河發源於此

巴顏喀喇山 漢名大青山在平泉州屬喀喇沁右翼東南一百十
五里

蒐克哈達山 在平泉州屬喀喇沁右翼東南一百二十餘里

摩勒津陀羅海山 在平泉州屬喀喇沁右翼東南一百二十五里

庫克碩卜和爾山 在平泉州屬喀喇沁右翼東南一百四十里

錫默特山 在平泉州屬喀喇沁右翼東南一百八十里圖爾根河

發源於此

博爾多克山 在平泉州屬喀喇沁右翼東南一百八十餘里

達爾罕陀羅海山 在平泉州屬喀喇沁右翼東南一百九十里

察罕齊巴噶山 在平泉州屬喀喇沁右翼東南二百里

圖爾罕陀羅海山 在平泉州屬喀喇沁右翼東南二百三十里

哈特呼朗台山 亦名雞冠山在平泉州屬喀喇沁右翼南九十五

里山石如雞冠故名

霍爾霍克達巴罕 亦名霍爾霍克阿圭山以山洞得名在平泉州

屬喀喇沁右翼南一百二十餘里有二洞皆僧所居依洞架楹構精

舍於其側戶牖旁道隨山向背其東則霍爾霍克河出焉其西則賽

音河發源於此即熱河之東源

克依斯庫哈達 在平泉州屬喀喇沁右翼南一百三十里

伊瑪圖哈達 漢名播羊山在平泉州屬喀喇沁右翼南一百三十

五里

呼察察罕陀羅海山 在平泉州屬喀喇沁右翼南一百四十里呼察河發源於此

察爾吉山 在平泉州屬喀喇沁右翼南一百四十餘里

拜察山 漢名神山在平泉州屬喀喇沁右翼南一百五十里

遼史地理志 中京澤州有神山

元一統志 神山在惠州西南十三里東西長十里南北廣八里中有古廟

按元惠州即遼澤州在今平泉州南境與此方位相合當即古神山也

巴顏山 漢名富山在平泉州屬喀喇沁右翼南一百七十里

拉克圖爾山 在平泉州屬喀喇沁右翼南一百八十五里

永安山 漢名馬孟山在平泉州屬喀喇沁右翼南一百九十里地

產鉛砂老河發源於此

遼史地理志 中京大定府有馬孟山

元一統志 馬孟山在大寧縣西六十里中有一峰形類馬孟故云

按遼史元志 所載馬孟山與今州屬之永安山方位相合且漢名馬孟當即此山宋王曾行程錄稱富谷館東望馬雲山山多禽獸林木國主多於此打圍馬孟與馬雲乃音之轉實一山也歐陽修詩曰馬孟山西看落霞應即指此

特卜什山 漢名方山在平泉州屬喀喇沁右翼南一百九十餘里
昌吉爾岱山 在平泉州屬喀喇沁右翼南二百里青龍河發源於此

額林畢老圖達巴罕 在昌吉爾岱山之西南

英圖谷 在平泉州屬喀喇沁右翼南二百餘里

都呼喀喇山 在平泉州屬喀喇沁右翼南二百里

克勒達巴罕 漢名鴉嶺在平泉州屬喀喇沁右翼南二百二十里

拉克拉哈爾山 在平泉州屬喀喇沁右翼南二百三十里

台吉喀卜齊爾谷 在平泉州屬喀喇沁右翼南二百四十里

崑都楞喀喇山 在平泉州屬喀喇沁右翼西南八十里

察罕齊老圖山 漢名白石山在平泉州屬喀喇沁右翼西南一百

三十里

溫德根圖喀喇山 在平泉州屬喀喇沁右翼西南二百里

蒙克達巴罕 在平泉州屬喀喇沁右翼西七十里

納喇蘇台山 漢名松山在平泉州屬喀喇沁右翼西八十里

遼史地理志 中京大定府有松山

元一統志 松山在富庶縣西五十里南北長二十里東西廣五里

地多松因名

按納喇蘇台山與遼史元志所載松山方位相合至遼上京臨

潢府有松山饒州有松山又松山州亦以松山得名皆非中京道所統地應在今赤峰縣境內與此喀喇沁右翼之松山別

庫都爾圖山 亦名陷山在平泉州屬喀喇沁右翼西八十餘里

敖保爾威遜圖山 在平泉州屬喀喇沁右翼西一百里

阿魯威遜圖山 在平泉州屬喀喇沁右翼西一百十里

察罕陀羅海山 在平泉州屬喀喇沁右翼西一百餘里形勢高大

北接圍場諸山南與默沁達巴罕山脈連互故亦稱爲默沁察罕陀羅海山其東則錫伯河出焉其北則圍場內之穆壘喀喇沁河出焉

其西則固都爾呼河發源於此即熱河之西源

默沁達巴罕 在察罕陀羅海山之南其西則茅溝河發源於此即

熱河之中源

烏赫克圖山 在平泉州屬喀喇沁右翼北三十里

鄂端台呼喇圖山 在平泉州屬喀喇沁右翼北四十里

綽和羅摩林達巴罕 在平泉州屬喀喇沁右翼北七十里

察卜齊爾山 亦名掃林山在平泉州屬喀喇沁右翼東北七十里

東南麓有古塔一

額克波羅山 在平泉州屬喀喇沁右翼東北九十里

阿里袞察克察罕陀羅海山 在平泉州屬喀喇沁右翼東北一百

里

烏納格圖達巴罕 漢名野狐嶺在平泉州屬喀喇沁右翼東北一

百餘里

廟兒嶺 在平泉州屬喀喇沁右翼東北一百二十里廣八里高一

里其北有岡徑里許土赤如赭童無草木土人言時有烟氣空湧瀾

漫山谷

赤峰縣

即烏蘭哈達廳

烏蘭布通山 在赤峰縣屬翁牛特右翼東十五里

烏蘭哈達 在赤峰縣屬翁牛特右翼東三十里

伊克布祜圖爾山 在赤峰縣屬翁牛特右翼東四十里

巴噶布祜圖爾山 在赤峰縣屬翁牛特右翼東五十里

布祜圖山 漢名白鹿山在赤峰縣屬翁牛特右翼東七十里

布當華山 亦名大華山在赤峰縣屬翁牛特右翼東九十里

扎喇山 漢名蝟山在赤峰縣屬翁牛特右翼東九十五里

烏納格圖山 漢名屋狐山在赤峰縣屬翁牛特右翼東一百二十

里

華和博圖山 在赤峰縣屬翁牛特右翼東南四十里

阿里袞察克察罕陀羅海山 在赤峰縣屬翁牛特右翼東南八十

里

按此與平泉州之阿里袞察克察罕陀羅海山別

齊巴噶山 漢名棗山在赤峰縣屬翁牛特右翼東南一百里

古爾班陀羅海山 在赤峰縣屬翁牛特右翼南二十里

遮蓋山 亦名阿圭山在赤峰縣屬翁牛特右翼南三十餘里入山十餘里有洞寬不及二丈高一丈有餘土人稱爲大碾子洞中有石佛像及阿難迦葉像其兩厓石壁上亦俱鑿成佛像有金皇統三年劉子初撰遮蓋山靈峰院千佛洞碑

元一統志 遮蓋山在松州東南二十里有古寺石洞石佛

按赤峰縣爲元松州境志載遮蓋山佛洞之蹟亦與今合
畢齊克圖達巴罕 在赤峰縣屬翁牛特右翼南八十里

按翁牛特右翼之西境西南境西北境諸山凡在圍場界者俱
載圍場門

都爾伯勒津山 漢名方山在赤峰縣屬翁牛特右翼東北二十里
按此與平泉州之方山別

伊瑪圖山 漢名羯羊山在赤峰縣屬翁牛特右翼東北三十里又

左翼西南一百里有伊瑪圖山亦名播羊山

按此與平泉州之播羊山別

巴噶喀喇山 漢名小黑山在赤峰縣屬翁牛特右翼東北四十里

拜斯哈勒山 漢名思德山在赤峰縣屬翁牛特右翼東北四十五里

布爾克爾圖山 在赤峰縣屬翁牛特右翼東北五十里伯爾克河

流經其下

特克勒特山 漢名繫輪山在赤峰縣屬翁牛特右翼東北六十里

鄂爾綽克山 在赤峰縣屬翁牛特右翼東北六十五里又左翼西

南八十餘里亦有鄂爾綽克山

扎喇哈達 在赤峰縣屬翁牛特左翼境爲左翼貝勒駐處

巴噶哈勒占山 亦名小華山在赤峰縣屬翁牛特左翼東二十里

阿爾察圖察罕岡 在赤峰縣屬翁牛特左翼東南八十里

伊克納喇蘇台山 漢名大松山在赤峰縣屬翁牛特左翼南二十里

富弼行程錄 自中京正北一百九十里至松山館

按宋劉敞有寄歐陽修宿松山詩富弼歐陽修之使遼皆由中

京今平泉州東北之大寧故城而北至上京今赤峰縣北境巴林旗界是松山當在中京

之北此伊克納喇蘇台山方位近之若平泉州屬喀喇沁右翼

西境亦有松山其地在中京之西非至上京所經路也

扎固圖察罕陀羅海山 在赤峰縣屬翁牛特左翼南五十里

阿多固沁山 在赤峰縣屬翁牛特左翼西南八十里

布敦山 在赤峰縣屬翁牛特左翼西三十里

巴爾哈岱山 在赤峰縣屬翁牛特左翼西四十里

薩喇納台喀喇山 漢名山丹山在赤峰縣屬翁牛特左翼西一百

三十里

古爾班圖勒噶山 在赤峰縣屬翁牛特左翼西北七十里又左翼北三十里亦有古爾班圖勒噶山

翁格綽爾山 在赤峰縣屬翁牛特左翼西北一百三十里

翁衮山 漢名神山在赤峰縣屬翁牛特左翼西北一百四十里

按此與平泉州屬之神山別

蒐濟山 在赤峰縣屬翁牛特左翼西北一百五十里

布爾噶蘇台山 漢名柳山在赤峰縣屬翁牛特左翼西北一百五十餘里

哈達圖山 在赤峰縣屬翁牛特左翼北三十里

布靜克依山 漢名兔驢山在赤峰縣屬翁牛特左翼東北四十里
遼史地理志 中京惠州太祖俘漢民數百戶於兔驢山下創城居

之

按遼惠州在中京之東北高州之東當在赤峰縣東北境與此

方位相合

大正九年

五月

二

七

欽定熱河志卷六十六

欽定熱河志卷六十七

山三

建昌縣

即塔子溝廳

月華山 在建昌縣東南一百八十里，有石竇東西相通，高一丈五尺，廣倍之。土人稱窟窿山。山有林泉寺，存元大德中僧無際撰月華山林泉寺碑。

元一統志 月華山在惠州東一百九十里

按元大德林泉寺碑文稱：大寧東南三舍餘，有山名月華，突然秀出面山之腹，有巖竇，號曰空峒，知是山以洞稱勝，由來久矣。又稱山在惠州東錦川鄉，知建昌縣東南境爲元時惠州東境。此山即志稱在州東一百九十里者是也。

長壽山 在建昌縣東北六十里，大城子西山有元雲峰真人康太真墓碑，又距山四百步，許有玉京觀舊址，存元至元二十四年李察

撰利州長壽山玉京觀地產碑

金黃山 在建昌縣東南三十五里表延七十里山石礪礪遠望作黃金色山半有石洞西南半里有泉涌出冬夏不竭

巴顏濟魯克山 漢名牛心山在建昌縣東南一百十里喀喇沁左翼境爲左翼貝子旗駐處

鄂倫和固諾克山 在建昌縣屬喀喇沁左翼東十二里

布祜圖山 漢名白鹿山在建昌縣屬喀喇沁左翼東三十里即古白狼山

漢書地理志 白狼縣有白狼山故以名縣

三國志魏武紀 北征烏丸引軍出盧龍塞東指柳城未至二百里登白狼山

魏書地形志 營州建德郡石城縣有白鹿山祠

水經注 石城川水東流逕石城縣故城南北屈逕白鹿山西即白

狼山也

元一統志 白狼山在建州南二十五里

按一統志原本以此為古白狼山引水經注謂白鹿山即白狼山為據考魏書地形志營州建德郡石城縣有白鹿山祠則白狼山之改稱白鹿山當始於魏時其實一山也考漢書白狼縣縣以山名魏武稱未至柳城二百里登白狼山又田疇傳稱登白狼山去柳城二百餘里水經注亦云未至柳城二百里登白狼山望柳城是白狼山當在柳城之西南二百里古柳城與龍城相近詳見建置沿革門今為朝陽縣治之三座塔即龍城故地布祜圖山北距三座塔約二百里而遙正當古柳城之西南知為古白狼山也水經注稱石城川水東逕石城縣故城南北屈逕白鹿山西即白狼山又東注白狼水是白狼山本與白狼水相近北魏石城縣在今建昌縣南詳見建置沿革門白狼水即今大凌河詳見

水發源於喀喇沁左翼南亦在建昌縣南境而布祜圖山即居其東方位均與相合元一統志謂山在建州南蓋今建昌縣南境本元建州地也

邁拉蘇台喀喇山 漢名柏樹山在建昌縣屬喀喇沁左翼東四十餘里蒐濟河發源於此又左翼西北八十里及左翼北八十里各有邁拉蘇台喀喇山

香爐山 在建昌縣屬喀喇沁左翼東稍北一百五十餘里

阿布察山 在建昌縣屬喀喇沁左翼東南五里

塔本達巴罕 漢名五嶺在建昌縣屬喀喇沁左翼東南三十里有

塔本泉

鳴海圖波羅山 在建昌縣屬喀喇沁左翼東南五十六里

紗帽山 在建昌縣屬喀喇沁左翼東南七十里山頂一峰形如岸

憤故名

伯爾克喀喇山 在建昌縣屬喀喇沁左翼東南八十六里

青石嶺 在建昌縣屬喀喇沁左翼東南一百六十里其南接寧遠

州明水塘門界

錫喇哈達圖山 在建昌縣屬喀喇沁左翼南五里大凌河流經其

麓

摩該圖達巴罕 在建昌縣屬喀喇沁左翼南三十里摩該圖河發

源於此

翁噶里勒圖山 在建昌縣屬喀喇沁左翼南四十五里

額里葉達巴罕 在建昌縣屬喀喇沁左翼南七十里額里葉河發

源於此

托和多喀喇山 在建昌縣屬喀喇沁左翼南七十里蒐濟河流經

其麓

瑞雲山 在建昌縣屬喀喇沁左翼南七十里山有五洞第一洞廣

二丈五尺高一丈五尺中有佛像石罅玲瓏五色互映雕繪之功所不及旁行一竇竇底石若純漆白壁以上白如堊秉燭視之具種種草木禽獸形第二洞廣五尺高三尺中隱四竇其二爲墜石所塞不得入其二皆深丈許石作黃金色亦具人物形第三洞無他異第四第五洞皆廣七尺高五尺上下相通狀如重屋洞南坡下有泉水極清冽東流會菟濟河泉南二里又有一洞内生石筍如人背立形變態種種悉出天工山有雲谿觀舊址存元至正七年張道中撰瑞州海濱鄉周家莊雲谿觀碑

元一統志 雲巖洞在瑞州西一百三十里周家莊

按元雲谿觀碑稱瑞州北二百里許有山曰瑞雲山洞曰天一大洞今土人但稱爲雲山洞元一統志作雲巖洞在瑞州西蓋此地在元時爲瑞州西北境也

鏡子山 在建昌縣屬喀喇沁左翼南九十里

塔本陀羅海山 漢名五鳳山在建昌縣屬喀喇沁左翼南一百里

青山嶺 在建昌縣屬喀喇沁左翼南一百餘里

布勒圖喀喇山 漢名寬山在建昌縣屬喀喇沁左翼南九十餘里

布勒圖河發源於此

威遜圖山 漢名樺山在建昌縣屬喀喇沁左翼西南四十里大凌
河流經其麓

柞子嶺 在建昌縣屬喀喇沁左翼西南一百里

呼什哈圖山 漢名栗山在建昌縣屬喀喇沁左翼西南一百餘里

貴石嶺 在建昌縣屬喀喇沁左翼西南一百十里

察罕額里葉山 漢名白鷹山在建昌縣屬喀喇沁左翼西南一百

四十里

托蘇圖喀喇山 在建昌縣屬喀喇沁左翼西五里和爾圖河發源

於此

朝圖克圖喀喇山 在建昌縣屬喀喇沁左翼西三十里

僧機圖山 漢名窟窿山在建昌縣屬喀喇沁左翼西四十里僧機圖河發源於此

占塔噶爾山 在建昌縣屬喀喇沁左翼西五十里

和爾圖達巴罕 亦名長嶺又名順山嶺在建昌縣屬喀喇沁左翼西八十五里

托津圖喀喇山 在建昌縣屬喀喇沁左翼西一百四十里

額林畢老圖達巴罕 在建昌縣屬喀喇沁左翼西一百四十里

固沁喀卜齊爾谷 在建昌縣屬喀喇沁左翼西一百四十餘里

察喇齊山 在建昌縣屬喀喇沁左翼西北三十里

鴻吉爾岱山 在建昌縣屬喀喇沁左翼西北六十里賽音台河發

源於此

巴顏烏蘭山 漢名大赤山在建昌縣屬喀喇沁左翼西北七十里

巴顏察罕山 漢名大白山在建昌縣屬喀喇沁左翼西北八十里
庫克山 在建昌縣屬喀喇沁左翼西北一百四十里

達罕碩隆山 漢名騮山在建昌縣屬喀喇沁左翼北十二里

波羅特爾格山 漢名車輪山在建昌縣屬喀喇沁左翼北二十七里

弩山 亦名弓梢山在建昌縣屬喀喇沁左翼北四十里

齊巴噶圖山 漢名棗山在建昌縣屬喀喇沁左翼北七十五里

哈達圖陀羅海山 在建昌縣屬喀喇沁左翼北九十里

烏蘭哈達圖山 在建昌縣屬喀喇沁左翼北一百里

哈勒渾穆克阿瑪爾吉山 漢名溫泉北山在建昌縣屬喀喇沁左

翼北一百餘里山南有溫泉

固爾班圖勒噶山 漢名鼎足山在建昌縣北敖漢境爲敖漢郡王

駐處

哈達圖陀羅海山 在建昌縣屬敖漢東十五里

按此與縣南喀喇沁左翼境之哈達圖陀羅海山別

沙爾呼達蘇爾海額勒蘇岡 在建昌縣屬敖漢東六十里

巴爾斯陀羅海山 在建昌縣屬敖漢東南五十里

察罕齊老台山 在建昌縣屬敖漢東南七十里

納卜塔遜山 在建昌縣屬敖漢東南七十餘里

布祜圖山 漢名白鹿山在建昌縣屬敖漢東南九十五里

按此與喀喇沁左翼境之布祜圖山別山當古龍城之北境十
六國春秋後燕錄慕容熙北登白鹿山北燕錄太平初丁零氏
楊道獵於白鹿山爲契丹所獲或即指此第其地並非荒遠史
稱熙登白鹿山士卒爲虎狼所害及凍死者五千餘人則未免

失實我

皇上御批通鑑輯覽以爲已甚之辭而未揆事理洵足正前史之譌

哈喇納山 在建昌縣屬敖漢東南一百里

巴顏布拉克山 漢名富泉山在建昌縣屬敖漢東南一百十里

騰格里山 漢名天山在建昌縣屬敖漢南三十里又南五十里復有騰格里山亦名天山

烘郭爾鄂博山 在建昌縣屬敖漢南四十五里

鄂博圖山 在建昌縣屬敖漢南五十里

鄂爾吉勒喀喇山 亦名盤道山在建昌縣屬敖漢南六十里

巴噶伊瑪圖山 漢名小繆羊山在建昌縣屬敖漢南一百十里

伊克伊瑪圖山 漢名大繆羊山在建昌縣屬敖漢南一百二十里

庫克徹勒山 在建昌縣屬敖漢南一百三十里

齊老台達巴罕 在建昌縣屬敖漢南二百里

威布爾罕山 在建昌縣屬敖漢西南九十五里

哈畢爾噶山 在建昌縣屬敖漢西南一百二十重

庫里葉圖山 亦名道場山在建昌縣屬敖漢西南一百三十里

烏蘭布庫克山 在建昌縣屬敖漢西南一百三十餘里

庫爾奇勒山 在建昌縣屬敖漢西南一百五十里

僧機陀羅海山 在建昌縣屬敖漢西七十里山有石洞

昂噶勒津山 在建昌縣屬敖漢西七十里

畢樓台山 在建昌縣屬敖漢西九十里

庫德里山 在建昌縣屬敖漢西九十餘里

庫楞布哈山 亦名紫陽山在建昌縣屬敖漢西九十餘里

哈卜塔海山 在建昌縣屬敖漢西九十五里

按此與朝陽縣屬土默特左翼之哈卜塔海山別

巴顏達賴山 在建昌縣屬敖漢西一百里

阿噶爾圖山 在建昌縣屬敖漢西一百餘里

多倫達巴罕 漢名七嶺在建昌縣屬敖漢西一百餘里

濟魯克山 在建昌縣屬敖漢西一百五里

齊巴噶山 漢名棗山在建昌縣屬敖漢西一百十里

按此與建昌縣南喀喇沁左翼及朝陽縣土默特右翼境之棗山俱別

巴雅海山 在建昌縣屬敖漢西北六十里

阿爾齊蘭德勒蘇岡 在建昌縣屬敖漢北三十五里

鄂達木波羅山 亦名寬山在建昌縣屬敖漢北四十五里

噶察喀喇山 在建昌縣屬敖漢北六十里

畢齊克圖烏蘭哈達 在建昌縣屬敖漢北七十里

碩隆陀羅海山 在建昌縣屬敖漢北七十餘里

扎固圖察罕陀羅海山 在建昌縣屬敖漢北八十里

達爾達額勒蘇岡 在建昌縣屬敖漢東北五十里

阿里瑪圖谷 漢名梨谷在建昌縣屬敖漢東北七十里

庫爾奇勒哈達 在建昌縣屬敖漢東北七十五里老河之中大河
夾流此山亭然孤峙

朝陽縣

即三座塔廳

固爾班蘇巴爾罕山 漢名三塔山以山有三古塔故名在朝陽縣

治西

雲蒙山 在朝陽縣東南一百七十里山周四十餘里四望陂陀逶迤相屬一峰突起數百丈常有雲氣蒙之故名山下一泉炎曠不竭

古槐山 在朝陽縣南六十里山有朝陽洞亦名槐樹洞洞高二丈

廣五尺石罅貫穿如蜂窠中有石佛像一

千佛洞 在朝陽縣南八十里距古槐山朝陽洞二十里石磴盤迴繞山如束躡級而登山半有洞洞口徑二十餘丈入洞內數武徑岐而三各循石隙崎嶇引入縹曲往復最爲幽絕其一東出徑十丈深三丈餘中有大小石佛像今完者纔七八十尊鏤刻精巧洞外斷碑

鑄大悲陀羅尼咒爲遼統和二十三年所造

五佛洞 在千佛洞南二十里中有石佛像

羊山 在朝陽縣南一百二十里高峰矗雲林木蔽翳上建靈祐宮

黑山 在朝陽縣西二十里有泉出石洞中匯而爲潭徑三四尺清

深不涸

昂吉山 在朝陽縣西五十里山周三十餘里上有臥佛寺有石佛

像一高八尺餘寺中存遼應歷七年石幢記

興隆山 在朝陽縣西六十五里其東十餘里與昂吉山相接亦有

朝陽洞

巴顏華山 漢名大華山在朝陽縣東北土默特右翼境其南爲右

翼貝子駐處巴圖察罕河發源於此又右翼東四十里及左翼北十

五里各有巴顏華山

遼史地理志 興中府有大華山

按朝陽縣爲遼興中府地今巴顏華山即志所稱大華山也又元一統志稱華山在利州東一百六十里形勢孤聳宛若華嶽故名利州屬今建昌縣東境建昌縣東界至朝陽縣治一百三十里山在州東一百六十里已當入今朝陽縣界在朝陽縣治東境與今巴顏華山方位亦相合

密達木山 在朝陽縣屬土默特右翼東十三里又左翼西十餘里亦有密達木山

塔本陀羅海山 漢名五鳳山在朝陽縣屬土默特右翼東四十里格爾庫爾台河發源於此

蓮花山 在朝陽縣屬土默特右翼東六十里

翁額勒庫山 漢名麝香山在朝陽縣屬土默特右翼東八十餘里翁額勒庫河發源於此

遼史地理志 興中府有麝香厓天授皇帝刻石在焉

按石刻今不存

蘇巴爾罕岡 漢名石塔岡在朝陽縣屬土默特左翼東九十里哈

柳圖河發源於此

華陀羅海山 在朝陽縣屬土默特右翼東九十餘里

鳳凰山 在朝陽縣屬土默特右翼東南二十里羣峰連互周九十餘里山椒一塔聳峙諸峰抱之如翠鳳昂首張翼形故名山亦有朝陽洞洞有臥石佛像又塔旁一里有小洞亦有佛像以銅爲之其北麓去朝陽洞二十里山勢伏而復起土人別名曰麒麟山實一山也山半西向有三洞夜半嘗聞木魚聲因名聞仙洞即古龍山也

十六國春秋前燕錄 慕容皝以柳城之北龍山之西福地也使築龍城

水經注 白狼水東北流逕龍山西又北流逕黃龍城東

元一統志 和龍山在興中州東南北長六十里東西廣三十里一

峰特聳號曰天柱孤峰

按前燕慕容皝於柳城之北龍山之西築龍城前燕慕容有黑龍白龍各一見於龍山皝親觀之祭以太牢二龍交首嬉翔解角而去皝大悅號所居新宮曰和龍宮所云龍山之西水經注及遼史所引或作龍山之南考龍城故地爲今之三座塔即固爾班蘇巴爾罕城若以龍城在山之西則龍山當在三座塔城東境若龍城在山之南則龍山又當在三座塔城北境今考水經注載白狼水先東北流逕龍山西然後北流逕黃龍城東則龍山當在龍城之東境迤南可知也又考柏山廢城有遼乾統八年耶律邵撰靈巖寺碑稱北連龍岫前俯郡城則龍山又當在柏山之北也今鳳凰山在三座塔城之東南白狼水即今大凌河正流經其西與水經注相合又在柏山之北五十里與遼碑相合元一統志亦謂和龍山在興中州東是龍山之在三座塔東

信而有徵矣且古龍山既爲慕容燕所建都必其山勢雄奇足稱巨鎮今鳳凰山綿互廣遠勝蹟頗多其爲卽古龍山自無可疑元一統志又稱和龍山南北長六十里東西三十里遼天授皇帝嘗獵其間獲一香麝因命其崖曰麝香崖峪曰駐龍峪泉曰神射泉所稱天柱孤峰乃元時興中八景之一至於麝香崖駐龍峪神射泉之名並見於遼史興中州下麝香崖在今土默特右翼東八十餘里駐龍峪在今土默特右翼南三十餘里而元一統志皆繫之於龍山者蓋此山形勢廣遠凡附近之峰皆其支脈耳山在元時猶稱龍山其改稱爲鳳凰山者當始於近代龍鳳之名古今互異而實卽一山蓋猶白狼山之改稱白鹿山也

柏山 亦名烽臺山在朝陽縣屬土默特右翼東七十里山有十六峰盤鬱四十餘里山頂有遼安德州城廢基斷井頽垣猶可辨識山

半有遼靈巖寺舊址乾統八年耶律邵碑尙存

元一統志 興中州南三十里綿互柏山

按柏山中靈巖寺碑有里人施烽臺山四面隙地之語知遼時
本名烽臺山元志稱興中州南綿互柏山又三座塔城內有元
安思道通法寺上下院地產碑稱北至柏山是栢山之名自元

始著也

喀喇奇靈圖山 在朝陽縣屬土默特右翼東南八十里

臺圖山 在朝陽縣屬土默特右翼南五里

蘇巴爾噶圖山 亦名平山又名神應山在朝陽縣屬土默特右翼
南三十里袞齊老河發源於此

弩祿拉呼山 亦名駐龍峪在朝陽縣屬土默特右翼南三十餘里

遼史地理志 興中府有駐龍峪

哈扎噶爾山 在朝陽縣屬土默特左翼南六十里

阿爾扎噶爾山 在朝陽縣屬土默特右翼南七十里

烏蘭哈達 在朝陽縣屬土默特右翼南九十里

托魯克台山 在朝陽縣屬土默特右翼西南一百二十里

庫里葉圖山 亦名道場山在朝陽縣屬土默特右翼西南一百五十里山半有二洞內有石佛像

按此與建昌縣屬敖漢境之庫里葉圖山別

卓昌吉爾山 在朝陽縣屬土默特右翼西南二百餘里斜袤三十餘里山形中斷山南有穆壘河流貫其中夾山麓有泉注之下流爲小凌河

威遜圖喀喇山 在朝陽縣屬土默特右翼西南二百里又右翼西北一百九十里亦有威遜圖喀喇山布爾噶蘇台河發源於此

明安喀喇山 在朝陽縣屬土默特右翼西南二百二十里山色深黝千峰競秀故名頂有石洞洞旁三泉交流爲小凌河之源

巴顏濟魯克山 漢名牛心山在朝陽縣屬土默特右翼西南二百五十里

按此與建昌縣屬喀喇沁左翼之巴顏濟魯克山別

盤嶺 在朝陽縣屬土默特右翼西南二百八十里

鄂博圖察罕和碩山 在朝陽縣屬土默特右翼西南二百九十里

喀喇脫歡山 漢名釜山在朝陽縣屬土默特右翼西南六十里有

喀喇脫歡泉山有重修金山神廟碑

按碑稱金山神廟及文內金山之上字蹟分明知舊又名金山

金釜互異則字之譌耳

波羅和碩山 漢名青山在朝陽縣屬土默特右翼西九十五里

卓沁喀喇山 亦名鳳凰山在朝陽縣屬土默特右翼西一百里山

頂有洞西北有古塔一

按古龍山在龍城之東爲今土默特右翼東南之鳳凰山詳見

前條若一統志原本於外藩統部載龍山在土默特右翼西一百里又於土默特部載鳳凰山在右翼西一百里道里相符知即以此鳳凰山爲古龍山與十六國春秋水經注及遼靈巖寺碑元一統志諸書所載方位不合未足爲據

博爾奇烏蘭哈達 在朝陽縣屬土默特右翼西一百里上有石洞
齊巴噶爾喀喇山 漢名棗山在朝陽縣屬土默特右翼西一百二十里

按此與建昌縣屬喀喇沁左翼之棗山別

察卜齊克散噶察山 亦名妬山在朝陽縣屬土默特右翼西一百五十里

哈卜塔海華山 在朝陽縣屬土默特右翼西一百六十里察罕河發源於此

蘇巴爾噶圖和碩山 漢名石塔峰山在朝陽縣屬土默特右翼西

一百八十里上有三塔

騰格里蒙克山 漢名天保山在朝陽縣屬土默特右翼西二百里

哈達圖喀喇和碩山 在朝陽縣屬土默特右翼西二百餘里

瑪尼圖山 亦名鐵幡杵山在朝陽縣屬土默特右翼西北七十里

溫都爾華山 漢名香高山在朝陽縣屬土默特右翼西北七十五

里

遼史地理志 興中府有香高山

布魯爾喀喇山 在朝陽縣屬土默特右翼西北一百二十里

青鸞嶺 在朝陽縣屬土默特右翼西北一百八十里嶺北有古塔

一嶺上巨石縱橫向稱險峻元時曾加開鑿有元統三年興中州平

治道塗碑尙存嶺側一名青山嶺

曾公亮武經總要 大定府東至營州界青山嶺一百七十里亦作

青巒嶺

元一統志 青巒嶺在興中州西八十里有金巖寺

按青鸞即青巒字傳寫之異實一山也

呼什哈圖哈喇山 漢名栗山在朝陽縣屬土默特右翼西北一百八十餘里上有四塔

按此與建昌縣屬喀喇沁左翼之栗山別

多倫和爾和山 漢名七寶山在朝陽縣屬土默特右翼北六十里
什巴爾台河發源於此

輝果爾山 在朝陽縣屬土默特右翼北一百里卓索河發源於此
喀爾克沁山 亦名錦屏山在朝陽縣屬土默特右翼北一百餘里
綽諾圖山 漢名狼山在朝陽縣屬土默特右翼北一百十里山有
古塔半圯山麓有金三學寺舊址大定五年韓長嗣撰三學寺碑尙
存

按金三學寺碑文稱北登狼山知山在興中府北境與今方位

相合

烏蘭山 漢名赤山在朝陽縣屬土默特右翼東北六十里

錫喇得卜色克山 亦名馬鞍山在朝陽縣屬土默特右翼東北九

十里

鄂斯和爾巴山 在朝陽縣屬土默特右翼東北九十餘里

波羅輝波羅温都爾山 在朝陽縣屬土默特右翼東北一百二十

里

烏里雅蘇台山 漢名楊山在朝陽縣屬土默特右翼東北一百三

十里

哈特哈山 亦名旱龍潭山在朝陽縣治東北二百八十里屬土默

特左翼境爲左翼貝勒駐處

烏納格圖山 漢名野狐山在朝陽縣屬土默特右翼東南三十里

蘇巴爾噶圖山 漢名石塔山在朝陽縣屬土默特左翼東南六十

里山頂有石塔一山半有石洞

按此與土默特右翼境之蘇巴爾噶圖山別

和爾博勒津山 漢名七金山在朝陽縣屬土默特右翼東南七十里

烏拉布爾圖山 在朝陽縣屬土默特左翼東南八十里

庫特古爾多和碩山 在朝陽縣屬土默特左翼南十里

伊瑪圖山 漢名殺羊山在朝陽縣屬土默特左翼西南三十里又

左翼西北八十里復有伊瑪圖山亦名殺羊山

固爾班溫都爾山 在朝陽縣屬土默特左翼西南四十里

波羅孟固山 漢名青金山在朝陽縣屬土默特左翼西七十里

摩該波羅山 漢名青蛇山在朝陽縣屬土默特左翼西北四十八

里錫喇塔拉河發源於此

超圖喀喇山 漢名黑山在朝陽縣屬土默特左翼西北五十里

邁達里山 漢名彌勒山在朝陽縣屬土默特左翼西北六十里伊瑪圖河發源於此

齊老圖山 漢名石峰山在朝陽縣屬左翼西北八十里

喀喇陀羅海山 漢名黑頂山在朝陽縣屬土默特左翼西北一百里鷓鷹河發源於此

托津圖山 在朝陽縣屬土默特右翼北五里

布爾罕達巴罕 亦名盤道嶺在朝陽縣屬土默特左翼北八里

伊克翁山 在朝陽縣屬土默特左翼北三十五里山麓有古塔一

巴噶翁山 在朝陽縣屬土默特左翼北四十里

台吉圖山 在朝陽縣屬土默特左翼北四十餘里山西有古塔一

阿罕里陀羅海山 在朝陽縣屬土默特左翼北七十里

哈卜塔海山 亦名馬孟山在朝陽縣屬土默特左翼北七十五里

固爾班喇呼山 在朝陽縣屬奈曼東南五十里

巴顏喀喇山 漢名大黑山在朝陽縣屬奈曼東南八十里

烏蘭哈達 在朝陽縣屬奈曼東南一百里

按此與土默特右翼及建昌縣屬喀喇沁左翼之烏蘭哈達別
博羅輝博羅溫都爾山 在朝陽縣屬奈曼東南一百四十里

按此與土默特右翼境之博羅輝博羅溫都爾山別

塔本陀羅海山 漢名五鳳山在朝陽縣屬奈曼南五十五里圖爾
根河發源於此

按此與土默特右翼及建昌縣屬喀喇沁左翼境之塔本陀羅

海山別

瑪尼喀喇山 在朝陽縣屬奈曼南一百二十里

布祜圖山 漢名鹿兒山在朝陽縣屬奈曼西南八十里

按此與敖漢境及建昌縣屬喀喇沁左翼境之布祜圖山別

沙爾呼塔蘇爾海岡 在朝陽縣屬奈曼西五十五里

哈納察罕岡 在朝陽縣屬奈曼北一百里

哈納岡 在朝陽縣屬奈曼東北八十五里

欽定熱河志卷六十八

山四

各屬有名無考諸山

按承德府屬境內名山有載在史傳今古殊稱者即往證今雖形勢方位粗有可指而稱名不符未宜牽率亦不便刪略彙編如左以俟審證云

鮮卑山 後漢書鮮卑傳鮮卑者東胡之支別依鮮卑山杜佑通典柳城有鮮卑山在縣東南二百里棘城之東塞外亦有鮮卑山在遼西之一百里未詳孰是

按通典于鮮卑山二說並存在杜佑時已莫定所在太平寰宇記諸書皆兩仍其說一統志原本據後漢書鮮卑以季春月大會於饒樂水上謂遼之中京大定府在饒樂水南則古鮮卑山當相去不遠饒樂水爲今英金河流經赤峰建昌朝陽三縣地

則鮮卑山方位究難據以審定也

赤山 後漢書烏桓傳漁陽赤山烏桓數寇上谷

按唐張九齡有賀赤山北無賊狀漁陽與今承德府灤平豐寧二縣境內而縣相直是赤山當在今承德府本境及灤平豐寧二縣境內而諸處俱無之建昌縣境有赤山及大赤山但其方位不合難以傳會

牛尾谷 十六國春秋前燕錄段蘭攻柳城慕容汗及封奕等救之與蘭遇於牛尾谷

按柳城屬今建昌縣牛尾谷當在建昌縣南境

馬兜山 十六國春秋前燕錄慕容皝以段遼將復至於柳城左右設伏以待之遣封奕率騎數千伏於馬兜山

按漢書地理志稱馬首山在柳城西南段氏之伐柳城必從西南而至疑馬首山即馬兜山蓋馬首與馬頭同義頭與兜又音

近而太平寰宇記謂柳城縣有馬首山渡遼之要路據此當在今建昌縣南境

黃榆谷 十六國春秋後燕錄慕容寶宿廣都黃榆谷清河王會夜詣寶行十餘里復走赴其軍勒兵攻寶寶帥騎馳二百里晡時至龍城

按龍城爲今朝陽縣治黃榆谷當在今朝陽縣治南二百餘里索莫汗陁 十六國春秋後燕錄慕容寶自石城還龍城至索莫汗陁去龍城四十里

按索莫汗陁當在今朝陽縣治南四十里

板陁 十六國春秋後燕錄李旱棄軍奔走至板陁復還
按此當在今建昌縣境

突門嶺 魏書太宗紀魏主東巡至於濡源及甘松遣精騎襲馮跋於和龍魏主屯突門嶺待之

按方輿紀要謂突門嶺在大寧西南當在今平泉州南境

鷄鳴山 魏書地形志昌黎郡廣興縣有鷄鳴山

按魏昌黎郡廣興縣地屬今朝陽縣山當在朝陽縣東南境

鹿頭山 魏書地形志昌黎郡定荒縣有鹿頭山

按水經注謂白鹿山即白狼山元和郡縣志又謂白狼山一名

鹿首山是鹿首山白鹿山皆即白狼山之互稱此鹿頭山與鹿

首同義或疑即古白狼山但魏書別載白鹿山祠於石城縣而

鹿頭山在定荒縣當非一山以定荒縣方位求之當在今朝陽

縣西境

善玉山 魏書勿吉傳自和龍北二百餘里有善玉山

按和龍即今朝陽縣治其北二百餘里當在今奈曼旗境

九莊嶺 水經注鮑邱水出禦夷北塞中南流逕九莊嶺東

孟廣喇 水經注孟廣喇水出喇下喇甚嶒峻峩峩冠衆山之表

孔山 水經注道人谿水南流逕孔山西又孟廣峒水西逕孔山南
上有洞穴開明

按水經注稱九莊嶺孟廣峒及孔山皆與鮑邱水

潮即今潮河

相近方

輿紀要謂九莊嶺在密雲縣北三十里又以縣東北一百八十里古北口外之霧靈山爲古孟廣峒然水經注之九莊嶺在鮑邱水初發源之時尙不在邊內至於霧靈山本即水經注之伏凌山以音近而訛水經注於鮑邱水所合之三城水下已詳列之亦不應又指爲孟廣峒是方輿紀要之說未可爲據今以水經注所列形勢審之鮑邱水發源塞上卽逕九莊嶺東似卽指今豐寧縣屬上黃旗汛西南諸山而言其所謂孟廣峒者疑卽今大閣兒東南之龍泉山所謂孔山者疑卽今大閣兒東南之白雲洞蓋潮河本流經龍泉山及白雲洞之東境而龍溝水亦由此會入潮河卽以之當左入鮑邱之道人谿水其方位亦相

似特古今異名故附識於此

丁原山 水經注五渡水北出安樂縣丁原山

按北魏安州無安樂縣疑即永樂之訛

詳見建置沿革門

山當在今承

德府南境灤平縣東南境

石城山 水經注石城川水出西南石城山

按北魏石城縣屬今建昌縣山當在今建昌縣南境

黃驛谷 唐書武后紀登封元年張元遇曹仁師麻仁節等及契丹

戰於黃驛谷

按此山契丹傳亦載之于今方位無考

都山 唐書元宗紀開元二十一年幽州副總管郭英傑及契丹戰

於都山元一統志都山在惠州東南二百里其上林木暢茂

按元惠州地屬今平泉州山當在平泉州東南境方輿記要又

謂都山在臨黃南境則當在今赤峰縣北境存以備考

捺祿山 唐書元宗紀開元二十五年張守珪及契丹戰於捺祿山敗之

按方輿紀要謂捺祿山在朵顏衛境今方位無考

天門嶺 唐書安祿山傳討契丹至吐護真河晝夜行三百里次天門嶺

按唐書契丹傳載此事曰大戰潢水南古吐護真河即今老河是天門嶺當在老河之北潢河之南赤峰縣境內

松陁嶺 唐書地理志營州西北百里松陁嶺其西奚東契丹曾公亮武經總要興中府西北至松陁嶺百里

按唐營州在建昌朝陽二縣境內其奚與契丹分界當在建昌縣興中府爲今朝陽縣嶺當在今建昌朝陽二縣間也

冷陁山 唐書奚傳盛夏必徙保冷陁山契丹傳阻冷陁山以自固按唐時冷陁爲奚契丹兩部接壤處後燕慕容熙襲契丹至陁

北即冷陁之北唐顯慶中以阿史德樞賓爲冷陁道行軍總管討叛奚又延和初幽州都督孫佺等及奚戰於冷陁山皆指此當在今平泉州建昌縣之北境方輿紀要謂在潢水之南黃龍之北奚契丹依阻此山以自固者是也唐書又謂冷陁山直媯州西北考唐初契丹之地本在潢水左右距媯州絕遠即奚王牙帳亦附近土河與營州相接而不在媯州至遼初始以別部徙媯州爲西奚唐書所稱冷陁直媯州西北者蓋兩冷陁也

摘星嶺 唐書契丹傳契丹入寇幽薊劉仁恭窮師踰摘星嶺討之歲燎塞下草使不得留牧馬多死五代史契丹傳劉守光歲使人踰摘星嶺燒荒契丹馬無所食

按明一統志謂摘星嶺在順天府西三百餘里若在內地又隔西奚一部何由得困契丹蓋未足爲據方輿紀要謂在大寧南境

雙山 遼史地理志中京大定府有雙山

按遼中京在今平泉州則雙山應在平泉州地

九宮嶺 遼史地理志澤州有九宮嶺元一統志九宮嶺在惠州南一百五十里

按元之惠州即遼之澤州爲今平泉州地則九宮嶺當在平泉州南境唐書地理志漁陽郡下注自古盧龍北經九荊嶺盧龍塞在今潘家口外九荊嶺在盧龍塞北當即遼史之九宮嶺也
石子嶺 遼史地理志澤州有石子嶺元一統志石子嶺在惠州北八十里

按此當在今平泉州境又考王曾行程錄曰過石子嶺自此漸
出山七十里至富谷館八十里至通天館二十里至中京與此
方位相合又唐書地理志曰經九荊嶺受米城張洪隘度石嶺
至奚王牙帳唐之奚王牙帳即遼之中京度石嶺與奚王牙帳

相近當即遼史之石子嶺唐書作石嶺也

平頂山 遼史地理志高州有平頂山元一統志平頂山在高州北五里

按遼元時之高州在今赤峰縣今豐寧縣屬之正藍旗鑲黃旗皆有平頂山方位偏西乃遼北安州界非高州境也

黃柏山 遼史地理志武安州有黃柏嶺

按遼史武安州地屬今朝陽縣嶺當在朝陽縣西境

雕窠嶺 遼史地理志宋王會上契丹事曰思鄉嶺八十里至新館過雕窠嶺偏槍嶺

按思鄉嶺今十八盤嶺偏槍嶺今偏嶺皆在灤平縣雕窠嶺在思鄉嶺之北偏槍嶺之南亦當屬灤平縣境

芹菜嶺 遼史地理志宋王會上契丹事曰過墨斗嶺度雲嶺芹菜嶺

按墨斗嶺爲今廣仁嶺芹菜嶺當在廣仁嶺北王曾行程錄墨斗嶺亦名度雲嶺應是一山故不復列

牛山 曾公亮武經總要北安州有牛山亦作牛嶺

按今承德府本境灤平縣豐寧縣皆北安州地明成祖實錄永樂元年命新昌伯唐雲引軍自小興州大興州東接牛嶺會川塔山龍山諸處屯種北勿出會州西勿過千戶塞則牛嶺當在興州之東會州之南爲今平泉州南境

鹿兒峽 遼史地理志宋王曾上契丹事曰牛山館八十里至鹿兒峽館

按此牛山館當即武經總要所載北安州之牛山鹿兒峽在牛山北八十里亦當在平泉州境又考方輿紀要謂鹿兒峽在遼化州北塞外明初常遇春追元兵出遼化度鹿兒嶺至會州即此會州故城在今平泉州南二十里則此嶺當更在會州之南

方輿紀要又謂此嶺一名鹿路嶺或譌為路兒嶺元史順帝紀

至正二十四年博羅特穆爾舊作孛羅帖木兒今改正遣兵向闕太子率侍

衛兵東走古北口趨興松至路兒嶺詔追及之還宮即此地也

蝦蟆嶺 遼史地理志宋王會上契丹事曰至鹿兒峽館過蝦蟆嶺

按此則嶺在鹿兒峽館之北亦當在今平泉州境

會仙石 曾公亮武經總要北安州有會仙石

按此當在灤平縣豐寧縣境

器仗山 曾公亮武經總要建州東南至器仗山三十里

按遼建州為今朝陽縣地山當在今朝陽縣東南境

唱叫山 契丹國志中京東過小河唱叫山道北奚王避暑莊有亭

臺元一統志唱叫山在大寧縣東北三十里

按明一統志烏梁海下亦載此名當在今平泉州境與大寧故

城相近

奚王嶺 青嶺 瓢嶺 金史完顏宗翰傳宗翰至奚王嶺與都統
杲會杲軍出青嶺宗翰軍出瓢嶺

按宗翰與杲約于奚王嶺會議在既取北安州之後奚王嶺當
在豐寧縣西境青嶺瓢嶺亦應相近

呼碧峪 元史食貨志有龍山呼碧峪

按呼碧峪與龍山相近當在今朝陽縣境

盤龍山 元一統志盤龍山在大寧縣東南十里

摩雲山 元一統志摩雲山在大寧縣西南三十里相傳常有雲氣
覆其巔故名

香臺峰 元一統志香臺峰在大寧縣西一百里遼建昊天寺金泰
和六年杜元撰碑文云萬壑千崖羣峰爭出咸不相讓惟香臺峰玉
立特秀迥出霄漢之外故以香臺名

有福山 元一統志有福山在大寧縣西北三十里以其在福德之

地故名

按元時大寧路大定縣爲今平泉州治東北境後改名大寧也

盤龍摩雲香臺有福四山均應在今平泉州境

溜石山 元一統志溜石山在金源縣西南四十里山有二峰其形

似駝

按元史載穆瑚黎舊作木華黎今改正進兵臨興中先遣烏葉爾舊作吾

正改攻溜石山蓋即此山也當在今平泉州東境

乾山 元一統志乾山在惠州西南二百五十里遼金採伐林木運

入京畿修蓋宮殿及梵宇琳宮元置提舉司

按此當在今平泉州最南境

聖水山 元一統志聖水山在高州東北三十里上有一泉

福德山 元一統志福德山在高州西北三里以其山居福德位故

名舊名五福山遼人謂之榆山金大定間兵亂此山見神兵解危遂

名福德山有石洞號爲集賢洞有石環二丈曾有仙遊謂之會仙石

按元高州地屬今赤峰縣聖水山福德山俱當在赤峰縣境

望京山 元一統志望京山在松州東八十里有古寺石佛像又有石洞寶塔

香臺山 元一統志香臺山在松州南八十里有石洞石寺週圍松樹茂林

按松州屬今赤峰縣望京山香臺山俱當在赤峰縣西南境

五峰山 元一統志五峰山在松州西南九十里有古寺石井週圍松林

按此亦當在今赤峰縣境又考今豐寧縣屬鑲白旗之東北有

五峰山爲元興州松州交界處或爲松州之五峰山未可定也

梓木山 元一統志梓木山在和衆縣東南二十里以山多梓木故名

按元和衆縣地屬今建昌縣山當在建昌縣南境

熊山 元一統志熊山在龍山縣南六十里俗傳遼主臨山畋獵獲一白熊因號熊山上有熊山寺

石柱山 元一統志石柱山在龍山縣南八十里山中有方圓石柱遼時有僧建寺於此後寺廢柱礎猶存

按元龍山縣地屬今建昌縣熊山石柱山俱當在建昌縣南境
富山 元一統志富山在龍山縣南一百三十里一水通流內有寺曰龍泉

按此亦當在今建昌縣境今平泉州境有富山與此方位不合
建昌縣境內諸山名爲巴顏者頗多亦莫定所在

龍山 元一統志龍山在龍山縣北八里山如臥龍俗傳曾有龍見故名

按此與前燕慕容皝所築龍城東之龍山別龍城東之龍山在

今朝陽縣境此當在建昌縣境

鞍山 元一統志鞍山在龍山縣北十三里勢若馬鞍故名

按此亦當在今建昌縣南境

雲寶山 元一統志雲寶山在利州東四十里山有穴寶天欲陰雨必有雲氣覆其巔故名

按元利州地屬今建昌縣山當在建昌縣南境

金山 元一統志金山在利州東南一百二十里山有金洞因以爲名絕頂有古寺曰雲峰

鳳凰山 元一統志鳳凰山在利州南十三里相傳鳳凰嘗止其上故名

按金山鳳凰山俱當在今建昌縣南境今朝陽縣之鳳凰山即古龍山乃元興中州地與利州方位不合

競秀山 元一統志競秀山在興中州南三十里

金山 元一統志金山在興中州北三十里

按元興中州地屬今朝陽縣競秀山金山俱當在朝陽縣境

獨山 元一統志獨山在川州南一百四十里其山屹然一峰故名

白雲山 元一統志白雲山在川州北十五里時有白雲覆其上故名

名

按元川州地屬今朝陽縣獨山白雲山俱當在朝陽縣境

荊山 元一統志荊山在建州東北十里其山多荊故名

按建州地屬今朝陽縣山當在朝陽縣南境

丁山 元一統志丁山在惠和縣南五十里一峰如丁故名

按元惠和縣地屬今建昌縣山當在建昌縣北境

大王山 元一統志大王山在武平縣東八里其山高聳列岫崢嶸

香爐山 元一統志香爐山在武平縣南三十里其山孤高形若香

爐故名山中有水一泓澄澈可愛名曰聖水池

按元武平縣地屬今朝陽縣大王山香爐山俱當在朝陽縣境
羶帽山 明史李文忠傳洪武七年帥師攻大寧高州克之追奔至
羶帽山

按高州地屬今赤峰縣山應在赤峰縣境

欽定熱河志卷六十八

欽定熱河志卷六十九

水一

塞垣以外萬山合沓而襟帶縈絡當以水道證之承德府屬全境諸水按以水經注名少相合土俗所稱原無準字地居邊徼載籍傳訛故難印證也自

聖朝勅建

仙莊川涯河渚半爲

輦道所經我

皇上駐蹕之暇

指示源流若武列水濡水之源

鉅製親裁徵信萬古編摩之臣以今證昔得有稟承其水逕各州縣境難於按屬分隸則提某大水爲綱而以所會某某諸小水附入俾源流分合一覽瞭然其經流出各州縣境者則分注云舊

某廳境其經流不出各州縣本境者則云源出某山某境入某州縣境以清界址其有古今異名無從徵驗者則引據舊本書以闕疑附之篇末以備考稽至木蘭境內之水並依諸山之例彙載圍場卷中志水第十

熱河 有三源一出圍場東南界察罕陀羅海之西固都古爾卡倫之南在熱河

行宮東北二百餘里為西源合平頂山南諸小水南流逕豐寧縣即四旗屬察哈爾正藍旗境屈曲南流逕固都爾呼達巴罕名固都爾呼河又西南流至中關

行宮之東一出平泉州即八溝廳屬喀喇沁右翼西境默沁達巴罕西之

玳瑁溝在喀喇沁右翼西一百餘里當平泉州治西北境為中源初

名默沁河西南流逕承德府即熱河廳東北之茅溝汛境名茅溝河至中

關之東與固都爾呼河合而南流一出喀喇沁右翼西南境霍爾霍

克達巴罕西之三道溝在喀喇沁右翼西南一百二十餘里亦當平
泉州治西北境爲東源名賽音河西南流入承德府東北境有溫泉
注之又西與固都爾呼河會三源合而西南流逕黃土坎

行宮及釣魚臺

行宮之東又西南流環

避暑山莊之東

行宮內又有溫泉流出注之始名熱河南流折而東復折而南至下
營子入灤河即古武列水

水經注 武列水三川派合西源右爲谿水亦曰西藏水東南流出
谿與蟠泉水合西藏水又西南流東藏水注之水出東谿一曰東藏
水西南流出谷與中藏水合水導中谿南流出谷南注東藏水故曰
其川曰三藏川水曰三藏水東藏水又南右入西藏水亂流右會龍
泉水又東南流與龍芻水合又東南流逕列谿謂之武列水東南歷

石挺下其水東合流入濡

按今熱河即武列水固都爾呼河茅溝河賽音河即古三藏水
至溫泉會流之後始名熱河臣等恭讀

御製熱河考於熱河濡水之分源辨證精詳並審晰鄙注三川先後
合流之外誤源流洞悉曠若發蒙知道元當日未得躬親目覩
故言之不精詳不足徵信也茲仰承

聖訓垂示永久爰約舉鄙注原文以爲緣起云

御製文

熱河考 戊子

考水源而不親履其地晰其支派脈絡分合之由雖博綜載籍稽諸
故老之流傳不能參互而訂其踳曩或以熱河爲濡水之源余固心
疑之而未暇深考夫濡水即灤河自多倫諾爾之北而來其源甚遠
又折而東南數百里乃歷喀喇河屯又東南流數十里至鳳凰嶺熱

河乃南注會之不應其源反出於此蓋濡自有源而熱河又別有源是不容紊今秋駐山莊遣喀喇沁郡王拉特納錫第內大臣努三往

尋熱河之源則得之於察罕陀羅海蒙古語察罕謂白陀羅海謂首蓋以山阜得名其地距

熱河二百里而羸流經固都爾呼達巴罕麓蒙古語固都爾呼者伏行達巴罕者嶺也遂

名固都爾呼河西南至於中關東茅溝河水自玳瑁溝出西南流注

之又合而南流賽音郭勒河水蒙古語好為賽音河為郭勒自霍爾霍克蒙古語謂熟食

達巴罕之三道溝出南流折而西南與湯泉泉出山莊東北湯山合又西注之

三源既匯又西南流沿山莊東北歷錘峰下山莊行宮內亦有溫泉

流出匯之於是始有熱河之名南流折而東復折而南入於灤是則

熱河乃會濡水而非濡源審矣酈道元水經注云濡水又東南流武

列水入焉其水三川派合西源曰西藏水西南流東藏水注之東藏

水出東谿西南流與中藏水合又南右入西藏水故目其川曰三藏

川又東南流逕列谿謂之武列水東南歷石挺下層巒之上孤石雲

舉高可百餘仞其水合流入濡按道元所言石挺即今鍾峰其曰三
 藏水即今固都爾呼茅溝賽音郭勒三源則熱河之為武列水無疑
 第古今異稱今人但知熱河而不知武列耳然所云三川合流之序
 則不足據今考固都爾呼為西源茅溝為中源賽音郭勒為東源西
 源自北而來先合中源又南始與東源合道元所謂西藏水又豈能
 越中藏而先與東藏合哉此其敘述錯綜已足滋惑而以中藏為先
 合東藏則又其顯然大謬者也又如以濡水為經白檀北夫白檀乃
 今密雲實非濡水所經則誤以漢書地理志之洳水亦名鮑邱水為
 濡又從而傳會之矣蓋徒尙耳食而未親履其地晰其支派脈絡分
 合之由毋怪乎其舛也或以為熱河既會濡而東入於海則謂之濡
 源亦無不可何須置辨是大不然夫江淮河濟何一不入於海而皆
 謂之海可乎昔禹貢載導河自積石或以為亦若江之岷山淮之桐
 栢矣及今平定回部乃知河源自蔥嶺以東之和闐葉爾羌諸水瀦

爲蒲昌海

即鹽澤蒙古語謂之羅布諾爾

伏流地中復出爲星宿海

蒙古語謂之鄂敦諾爾即元史

誤譯爲火敦腦兒者其水在枯爾坤之東昔皇祖遣使窮河源得之於此

御製文以記其時回部未入版圖故止及星宿海也

皇祖遣使窮河源

至積石始名黃河則大禹所記亦第就目所經見者而道元又安能以所未經見者而一一詳訂其曲折也耶苟非命使親履其地烏知此之爲是而彼之爲非乎近勅儒臣輯熱河志故考其源俾知所從事若夫濡水之源則更俟他日詳考之

默沁溫泉

源出平泉州

即八溝廳

屬喀喇沁右翼西一百十五里有二

泉一自默沁河東境西流一自默沁河西境東南流俱會默沁河下流爲茅溝河

綽諾河

源出平泉州

即八溝廳

屬喀喇沁右翼西南一百二十里西流

會賽音河

溫泉 源出熱河

行宮東北八十里之湯山

見山門

泉水湧自山半溫暖適宜康熙年間

每

駕幸山莊多臨御焉有

聖祖御製湯山龍尊王佛廟碑記恭載寺廟門其水東南流會賽音河

按熱河附近多溫泉而湯山所出為最著遼史皇子表載普賢

努拜南京留守至北安州浴溫泉今熱河為遼北安州地所稱

溫泉或即指此

石洞溝泉 源出中關西北三十里豐寧縣即四旗廳境內石洞溝東合

黑水溫泉東南流會固都爾呼河

山莊內溫泉 源出熱河

行宮內自德匯門之東流出東南流會固都爾呼河為熱河

按水經注載蟠泉水東流九十里注西藏水在武列水三源未合之前又有

龍泉水出東山下西南流注三藏水又有龍芻水出龍芻谿東

流入三藏水皆在武列水三源既合之後皆在今熱河所會諸小水之中因

古今異稱附識於此

新河 在熱河

行宮之南境長六百九十餘丈廣七丈乾隆三十六年所開以洩西南諸山夏秋漲水由南山下東歸熱河

御製文

開新河記

熱河之水有二其自東北來者為固都爾呼河三源匯而為一即水

經注所謂武列水也繞山莊東北鍾峰下中關東溫泉為一源又山莊行宮內亦有溫泉流出

匯之遂有熱河之名東南流入於灤其水雖大然向有隄以障之時復培鞏故

得循軌而有所歸宿即盛漲不為患其自西來者為廣仁嶺及獅子

嶺諸山之水水本無源常時無涓涔跡雨後則循山東赴至西紅橋

轉而北又由東紅橋轉而南始緣南山溝流出熱河而溝道紆狹久

復淤墊故宣導不能速向以其無大患亦遂易而忽之己卯夏大雨

驟窪西南諸山水一時並集平地漲丈餘經西紅橋趨突北山下石激波轉勢益洶悍自北而南衝擊東紅橋奔湍盪越市廛廬舍當之者多隨波而圯事聞發內帑賑卹且量漂屋楹數給貲繕復之及庚寅災仍如之其賑卹繕復亦如之夫十年之間兩遭其害警於已事曷可不籌度以善其後顧無源之水不能以有形治惟順其勢而疏之使下流暢達則其上自不復壅潰爲害防弭之道無過於此蓋是水之致患徒以兩紅橋溝狹而不能容耳若舍此狹溝使緣南山下新濬河寬而能容東赴熱河宜免搏擊之勢迺命內大臣三和御前大臣努三等偕直隸提督王進泰熱河道明山保由南山下寬開河道西自同知衙前東至旗營長六百九十餘丈闊皆七丈深隨地形高下自三尺八寸至一丈二尺有差其河身經流有直民居者今移構岸旁高地仍計屋授之值俾各得安處工始於辛卯三月初至六月中告蒨通費內府金一萬三千兩有奇新河旣成是秋雨復大漲

復盛而水皆循河安行無過無溢其效固已立觀矣熱河自

皇祖締構山莊以來迄今六十餘年四方之民環集輻輳駢坱殷闐盛若都會朕敬繩

祖武歲奉

聖母駐此承

志頤和因以順時行蒐習武從官衛士之扈行以逮新舊諸藩之執役者內外咸集以故熱河烟火之盛月益歲增則計所以保聚而安全之者誠爲切要而此新河之利尤大且遠也繼此之修濬惟勤毋使陲塞實莅斯土者之責可不慎諸惟茲廣仁嶺下爲每年恭迓安輿所必至爰即疏河起處規隙地樸築數椽以備憩候其前實臨經涂因植碑爲亭記其原始以昭示無斁

以上皆入熱河之水

茅溝河賽音河皆入固都爾呼河以其並爲熱河之源故不復另列

灤河 自獨石口外東北一百三十里牧廠界內之巴顏屯圖古爾

山發源初西北流逕獨石口廳界內一百五十餘里至上都店入多倫諾爾廳界北流復折而東北流逕舊開平城南亦名上都河又折而東南流至柳條溝共行四百七十餘里始入豐寧縣即四旗廳屬察哈爾鑲黃旗境南流至僧機圖汛之東又南至大廟灣折而東又折而西南復折而東南仍折而東逕韭菜梁又東流逕正白旗境又東逕鳳凰山至郭家屯之東北小灤河自北來會之始名灤河折而南流逕大對山之側又折而東仍折而南至北店子逕鑲白旗境南流至興隆莊共行縣境四百十八里入灤平縣即喀喇河屯廳境南流又折而西南復折而東南至張博灣之北興州河自西來會之折而東流至小營子伊遜河與伊瑪圖河合流自北來會之遂遶喀喇河屯

行宮之北而東又東南流至石門子共行縣境二百十八里入承德府即熱河廳境東流至下營子熱河自東北來會之折而南流逕上板城

至白河口前白河自西來會之又老牛河自東北來會之又東南流

逕下板城至柳河口柳河自西來會之又車河自西來會之又東南流至門子峭接平泉州即八溝廳西境共行府境二百二十里入永平府遷安縣邊外界沿平泉州之西復會黃花川清河豹河至潘家口入邊即古濡水也

漢書地理志 肥如縣濡水南入海陽

水經注 濡水出禦夷鎮東南其水二源雙引夾山西北流出山合成一川又西北逕禦夷故城東鎮北百四十里北流左則連淵水注之右則汗水入焉又北逕沙野西又北逕箕安山東屈而東北流逕沙野北東北流逕林山北又東北流逕孤山南東北流呂泉水注之又東盤泉入焉又東南水流迴曲謂之曲河鎮東北三百里又東出峽入安州界以下誤入逕白檀要陽之文辨正見建置沿革門又東南索頭水注之又東南流武列水入焉又東南五渡水注之又與高石水合又東南逕盧龍塞塞道自無終縣東出渡濡水向林蘭陁東至清陁

按灤河自漢以前皆盡爲濡漢書地理志肥如縣濡水顏師古
音乃官反正讀如灤水經注又稱濡水爲難河謂濡難聲相近
俗語譌耳亦書作灤唐韻謂水名在遼西肥如縣者是也至灤
字本作變說文但載漏流一訓而不及水名考新唐書地理志
漁陽郡下有渡灤河之文舊唐書稱薛訥由檀州出灤河權德
輿劉濟墓碑亦稱飲馬灤河之上則濡字作灤當由唐始王曾
行程錄言自偏槍嶺四十里過烏灤河蓋遼有是名元人亦名
御河元史延祐四年上都城南御河西北岸爲水衝嚙命及時
修治是也又以屈逕上都之南名上都河土語轉曰商都明李
實奉使錄言土人以河水青綠急流呼曰商都者妄也至水經
注濡水自發源至入盧龍塞所會之水凡九內大要水一條係誤入今灤
河自獨石口外牧廠發源至入潘家口其附入者不下三十餘
水以今證古確指爲難然濡水始而西北流繼而北流折而東

北流又折而東流復折而東南流其水道固至今無異也水經注稱水流迴曲謂之曲河又東出峽今灤河自多倫諾爾之大河口以後羣山環束屈曲奔赴逕豐寧縣即四旗廳郭家屯之北山勢始稍豁與酈注出峽之文正合古濡水自東南流之後始會索頭水武列水五渡水高石水今灤河自逕郭家屯之後即折而南流自入灤平縣即喀喇河屯廳境之後始折而東南流則今之伊遜河可當索頭水今之熱河可當武列水今之老牛河可當五渡水今之豹河可當高石水按其方位考委尋源猶可得故道惟今之前白河柳河車河黃花川諸水無古名可考當是道元時安州諸郡縣後俱淪陷入庫莫奚故所載未免遺漏或因其小水不載耳臣等伏讀

御製灤河濡水源考證敬謹紬繹爲疏其大畧如此

聖祖御製詩

灤河

塞邊遠遶至灤河徹底清明不見波駐輦徘徊千萬里石鯨兩岸影
嗟峩

灤河泛舟

平沙漠漠接長河天際浮雲落照多兩岸蒼山相竦峙扁舟一櫂任
清波

次上都河

積裏水潺潺前旌杳靄間長風吹海月一夜照關山虎旅嚴宵衛星
宮列從班高峰望縹緲明發欲躋攀

御製文

灤河濡水源考證 己丑

濡水見史傳者凡五

說文出安東入漆涑者涿郡之濡也廣輿記出
易州窮獨山一名聖女水者易州之濡也獨石口

儒左傳出高陽者河間之濡也音而三水皆由天津入海此獨石口
外之濡讀如難音與灤近其水自由永平府之樂亭縣入海與畿內

三濡迤不相涉又水經注蒼梧之濡水出而惟灤河之濡水源遠流

永豐縣濡山字亦音儒名亦適相同耳

長雄於其四鄙道元水經注所云出禦夷鎮者也昨歲命方觀承考

濡源委亦既繪其梗概條分縷析而為之說矣然以漢文訓蒙古語

未如同文韻統得字音之正而鄂博之類穿鑿更甚蒙古語謂堆砌石以表祭處為

鄂博方觀承乃書作義且引鄭氏及詩大雅之言證為軼祭行路紳之義鑿而謬矣曾為鄂博說以證其誤他如們綽克之為們催達

巴罕之為大壩類此者不可枚舉難以一一為之辨訂也因命嚮導大臣努三挈方觀承所遣同

知黃立隆者重循其源以至其委於是二千餘里之灤河曲折分合

盡得其實因詳注其地名及諸水之匯流而鄙道元歐陽修等並元

史河渠志所載相舛誤者都為四條考證如左夫江淮河濟中國之

四瀆也其理大物博較之灤河濡水不啻倍蓰而禹貢以數語盡之

該注濡水數千言猶有未盡焉古今相去不可及者如此蓋得其簡

則足以提要而欲其詳反不免致繁抑以塞外中土語言不同人跡

罕至斯固難易所由殊然則就同文韻統會中外而傳濡水之實詎

不在此時乎哉

灤河源出獨石口外東北一百餘里巴顏屯圖固爾山山為興安正幹自張家口

而東至獨石口外為大山折而西北過上鄴城入於圍場之海喇堪與興安大嶺相連屬出泉處較興安山梁尤為特出山陽山陰樹木

茂密與他山異信為名山山陽為民人居址山陰皆察哈爾蒙古游牧地四泉湧出名都爾本諾爾涓流

曲折伏而復現西北經訥克里和洛有小水自東注之又北經哈丹

和碩之西噶爾都思台之水自東注之又曲折西北流至茂罕和碩

自都爾木諾爾至三道河自東來匯之其水一出摩霍爾達巴罕一

此計七十餘里蘇達巴罕各相距十餘里匯為一河河流始暢又西北流復有二小水一自布爾噶蘇

台一自克爾哈達先後來注之八十里經察罕格爾俗名西涼亭烏蘭河

屯至上都店入多倫諾爾界又北流十餘里經淖海和碩折而東北二百五

十餘里經博洛河屯至庫爾圖巴爾噶遜河屯喀喇烏蘇自東注之

又三十餘里至上都河屯上都即元開平府灤水經其城南故名上都河察罕諾爾自北注

之又六十餘里經都什巴延珠爾克山至察罕鄂博東克伊綳河自

東北來匯之河出興安山梁之陽南流伊克霍爾昆巴罕霍爾昆伊

河都河水倍暢折而東南流十八里至磴口額爾德尼布拉克自西注

之其水經多倫諾爾之北又十二里至大河口圖爾根伊札爾河自東北來匯

之其水亦出興安山梁之陽透迤西南流錫喇札拜自北入之又西南流摩霍爾伊札爾自東南入之匯注於此又南流七

里沙岱布拉克自西注之又折而西南流二里霍洛圖布拉克自東

注之又九里海拉蘇台河自西注之又一里蒐集布拉克自東注之

又南流一里渾齊布拉克亦自東至之又十里察罕郭勒自西注之

又十一里什巴爾台河自東北注之其水出伊克空鄂洛鄂博西為木蘭圍場西界又折而

西復折而南八里克籌布拉克自西注之又十七里經鷹北灘入四旗

界布爾噶蘇台哈丹和碩河自西注之又十七里經半壁山又南經

大廟灣折而東復折而西南五十八里頭道河自西注之又二里羅

密塔子亦自西注之轉而東南流三十二里至木廠又折而東流二

十四里經韭菜梁又九十五里經小遼東至瓜地摩霍爾阿爾善所

出之湯泉自南注之又二十七里經西屯庫爾奇勒河俗名小自北

來匯之其水出與安山梁之陽三支分引過托霍隆台海拉蘇台諸

水折而東南會霍來郭勒哈爾渾諸水又魯布拉克昂阿諸水復先後會之合為一河注於此自此遂名灤

河又二十七里至郭家屯折而南流四十六里至大對山又折而東

復折而南屈曲行八十餘里至興隆莊入喀喇河屯界南流五十九里經五

道河折而西南流四十九里至張博灣興州河至西北來匯之其原

爾呼山西經土城子東南流出注於此折而東流七十餘里經喀喇河屯饒行宮東流

伊遜河自北來匯之其水發源圍場內西南流經博洛河屯東南流三

十四里至石門入熱河又四十七里經鳳凰嶺固都爾呼河自東北

來匯之其源出固都爾呼達巴罕西南流與茅溝河合又與賽音郭勒河合三源既會沿避暑山莊東北其水會茅溝後即與湯

泉合至是行宮內亦有溫水至此益大折而南流四十三里白河自

西注之此與發源瑪尼圖達巴罕經密雲縣會潮河之白河異又三十三里老牛河自東北注

之又三十三里至滴水崖南二河自東注之又十里柳河自西注之

又六里車河自西注之又三十餘里至門子哨入遷安縣界黃花川自西

注之又三十二里清河自東注之又九里豹河自東北注之折而西

流二十里經灤河灘又南流折而東復折而西經楊枝峪又東南流

二十一里入潘家口折而東又折而西十里經走馬哨又二十四里

至澈河橋澈河自西注之又曲折東南流七十餘里至白布店恆河

自西北注之又折而東流十餘里至煤峪口長河自東北注之又七

十三里過平崖子清河自東北注之此與黃花川南之清河異折而南流二十餘

里至峽口蛤螺河自東注之又二十九里過遷安縣西經黃臺山又

二十三里折而東三里河自東注之其河與三道泉合又南流二十餘里經

孤竹城入盧龍縣界又三十五里至合河口青龍河自東北來匯之其源出特

布克入桃林口復有一水自冷口來會之經永平府城西過虎頭石入於灤河流至此勢益寬大又十一

里繞雪峰寺又二十一里過武山西橫河自西注之又三里至偏涼

汀入灤州界又東南流五十六里過定流河入樂亭縣界又三十六里至老河

口灤河故道今涸又西南流二十里至小河崖清河自西北注之此與黃花川南及平

崖子之清又七里至石家坨灤自此分支名高密河常涸大雨時仍分流達海折而西

南流五十餘里至新橋口入於海自河源至此約二千餘里

酈道元水經注云濡水出禦夷鎮東南按禦夷鎮為北魏六鎮之一

其建鎮之所雖不可考而魏太祖紀云築長城於長川之西自赤城

西至五原延袤二十里又魏世祖破蠕蠕列置降人有漢南東至濡

源西概五原陰山分六鎮是禦夷居六鎮之東自獨石口外至開平

皆其故地以今所考上都河源方向核之道元所言非盡無稽惟云

二源雙引夾山西北流則未能實辨都爾本諾爾為濡水正源而以

夾山來會之三道河誤為濡源雙引其云出山合成一川則即今之

茂罕和碩耳至云又西北逕禦夷故城東其遺跡無可據惟以鎮北

百四十里計之當在今烏蘭河屯之地其餘諸山水雖與今圖不能

悉合然所云又北逕箕安山東屈而東北流似即今之多倫鄂博圖

其云逕沙野西又逕沙野北則似指伊克們綽克至喀喇烏蘇一帶沙磧言之其云三泉雁次合爲一水注呂泉水則似今之克伊綳河合伊克霍爾昆等三源也云逆流水則似今之伊札爾也云木林山水則似今之海留台水也云又東盤泉水自西北東南流注濡河則似今額爾德尼布拉克也又所云東南水流迴曲謂之曲河以今圖屈折形勢觀之蓋即今大河口自此以下道元即闌入白檀要陽按其地距所云會武列水之熱河境尙七百餘里漢時郡縣安得至此其舛尙何待深辨乎至云濡水又東南逕盧龍塞則爲今之潘家口無疑其云塞道自無終東出渡濡水向林蘭陁東至清陁無終爲今玉田林蘭陁蓋今喜峰口清陁即今冷口即此以證不特塞垣疆界了然即田疇引曹操迴軍盧龍塞之處亦可得其大概矣其自潘家口以內至入海處酈注所記州邑山水雖名稱今昔不同而以志乘訂之皆約畧可數而未至大舛蓋道元於諸水源委詢考綦詳故所

言時有相合者惟未嘗親履其地且以漢言誌蒙古山水名目往往傳訛傳會更不免謬以千里則泥古而不知覈實之過也

歐陽修云灤水出炭山東北湖三省通鑑注因之其後陳組綬職方圖考顧祖禹方輿紀要皆從其說今考獨石口外無所謂炭山者惟巴顏屯圖古爾山據努三云土人名其山爲黑老山按昔人有謂濡水出黑龍山者龍老音轉承訛黑龍山之言似不爲妄今巴顏屯圖古爾山其陽石色黝黑所謂炭山或即指此而明一統志乃以萬全縣南之炭山當之其地距獨石三百餘里則更風馬牛不相及矣

元史河渠志 灤水出金蓮川中今獨石口外濡源相近處無所謂金蓮川者按金史地理志云桓州曷里濟東川更名曰金蓮川又元史地理志云世祖命劉秉忠相宅於桓州東灤水北之龍岡中統元年爲開平府五年加號上都即今之上都河屯正在灤州之北桓州尙在其西考元周伯琦扈從北行記云至失八兒禿地多泥淖驛路

至此相合地多異花有名金蓮花者似荷而黃至察罕腦兒猶漢言
白海也歷數驛始至桓州又王惲中堂事記云灤野蓋金人駐夏金
蓮云云考其地皆與上都河屯相近失八兒禿當爲什巴爾台蒙古
語泥濘處也在上都西少北察罕腦兒當爲察罕諾爾蒙古語白湖
也在上都南少西金蓮川當在什巴爾台察罕諾爾之間元陳孚金
蓮川詩云茫茫金蓮川日映山色赭昔人建離宮今但存古瓦蓋金
時於此建景明宮爲避暑之所許安仁疏有金蓮千里之外語以距
京師道里計之亦相合又今什巴爾台少西北有和洛和山蓋即金
史所謂曷里濟者川在其東去獨石口幾五百里其非濡源明甚周
伯琦賦得灤河送蘇伯修詩云清灤悠悠北斗北千折縈環護邦國
直疑銀漢天上來金蓮滿川淨如拭蓋灤河先逕金蓮後至上都伯
琦詠灤河而兼及金蓮殆指河流所經言之修元史者直以爲灤出
金蓮川中誤矣

御製詩

灤江 癸巳

今歲灤江水甚微誠以入夏缺雨故深處不過三四寸淺者或致沙
紫露河陽原有別墅在小舟牽拽乃可渡前日西北雲容重情知當
得山雨遇果然千峽落瀑漲衝橋適值狂波怒漲過仍此成淺川其
涸立待言可悟其涸立待言可悟故吾不取不虞譽

瓜地温泉

源出豐寧縣

即四旗廳

屬正白旗郭家屯西北三十里縣治

土城子北西一百三十里有浴池在泉側其水東流入灤河

庫爾奇勒河

俗名小灤河源出圍場內興安嶺之陽會諸小水初

西南流折而南流出海拉蘇台柵逕半壁山入豐寧縣

即四旗廳

屬正白

旗境南流至熱水溝有温泉注之又南流至郭家屯之東北入灤河

熱水溝温泉

源出豐寧縣

即四旗廳

屬正白旗郭家屯北三十五里之

湯山在縣治土城子北一百三十里有浴池在泉側其水南流會庫

爾奇勒河

錫喇塔拉川 一名興州河以在古宜興州地得名源出豐寧縣四即

旗屬正白旗郭家屯西稍南八十里之沙爾呼山在縣治土城子西

北九十里東南流逕花家營之西又屈曲東南流至赫山之東逕鑲

白旗境又東南流至波羅梁汛之西南入灤平縣即喀喇河屯廳境東南流

復折而東流逕金鈞屯之東入灤河

伊馬圖川 源出圍場內會諸小水屈曲南流出瑪尼圖柵逕什巴

爾台入豐寧縣即四旗廳屬鑲白旗境南流逕阿穆呼朗圖

行宮及濟爾哈朗圖

行宮之西又南流至少府營之東逕正白旗境又南至四道營與伊

遜河會南流入灤河

伊遜河 一作伊松河俗稱羊腸河源出圍場內伊遜色欽色欽即

源之謂也會諸小水屈曲南流出伊遜喀卜齊爾柵逕石片子入承

德府

即熱河廳

境南流逕張三營

行宮之西又南流至坡賴村折而西南流入豐寧縣

即四旗廳

屬正藍旗

境又西南流繞波羅河屯

行宮之西逕正白旗境會伊瑪圖河合而西南流又折而東南入灤

平縣

即喀喇河屯廳

境復屈曲南流至喀喇河屯

行宮之北入灤河即古索頭水也

水經注 濡水又東而南索頭水注之水北流南逕廣陽橋郡西今

安州治又南流注於濡水

按水經注載索頭水之入濡水在武列水入濡水之前今灤河

先會伊遜河而後會熱河所云濡水又東而南亦與今郭家屯

汛以下灤河形勢相合知伊遜河即古索頭水惟所云索頭水

北流與今不合然既曰北流不應又曰南逕知北流乃自北流

來酈道元解漢書地理志侯水北入淪句亦曰蓋自北而南知

水經注有此例也

又按伊遜河舊作伊松河或作衣素河又作宜孫河復作儀粟河方輿紀要作以遜川譯語對音隨呼輕重故字多互異今照本音以伊遜爲正

御製詩

伊松河

癸亥

伊松河水當秋澄伊松河畔秋風清我來策馬渡寒汰但見蒼烟冪
廕連沙汀蘂葭采采花欲白中流浴浪無鷓鴣牛輻駝馱入畫意山
容樹態皆詩情逝者如斯憶前歲惟餘長波灩灩無停聲

汲伊遜水烹茶

癸酉

所遇名泉必試品揚子第一故藉甚廬山瀑簾雖未悉以此知彼豈
虛審玉泉伊遜真巨擘難爲伯仲均天稟標名躡突澤皇都澗灑利
永阜豐廩寒蒐此地每經過可無表德垂終稔是時秋烟正霽川鴛

金定集卷之十一
名之十一
鷺翔集魚鮪淪種廬綆汲煮行鑿清賞作歌乃自朕蟹魚嬾舉火候
常肘腋慢道風生凜八功德水宛在孟浮玉湧金盡斂衽詎惟摛藻
供澆書一時萬幕資烹飪

再疊前韻 癸酉

伊遜之水第一品其質則輕味甘甚萬古靈脈祕龍沙造物有待斯
言審大禹惡旨戒在酒好茗何妨從性稟罷圍武帳值幾閒聊事松
雲烹石廩汲來清冽洵無雙候中文武須歷稔從獸猶然不廢吟觀
魚何用無忘淦消渴兼因消芥蕙泯象乃至泯兆朕舉杯千嶂正臨
牕紫翠綯采秋光凜颯景恍可豁迎眸涼風底慮輕拂衽自怡悅亦
何足云大亨還厪木火飪

前白河 亦名乾白河在承德府即熱河廳南境其水無源隨雨消長自

莊窠峪東南流至上板城之東南白河口入灤河

柴河 在承德府即熱河廳南境源出遵化州馬蘭關外山中東北流至

柴河口會前白河

老牛河

源出承德府

河即熱應

東境西南流逕四溝五溝六溝至下版

城入灤河即古五渡水也水經注五渡水北出安樂縣丁原山南流逕其縣故城西其水南入五渡塘又南流注於濡

按水經注載五渡水之入濡水在武列水入濡水後今灤河自

會熱河以後雖有前白河及柳河車河黃花川諸水來會然皆東流與水經注不合求其南流者惟老牛河故知即古五渡水

柳河

源出馬蘭關外霧靈山下東流至板谷嶺逕承德府

河即熱南

境又東至柳河口入灤河亦名流河

方輿紀要 流河近密雲牆子嶺邊外紅門川各山谷水泉皆流合

焉自西南而東北歷遵化諸關口外近三臺山關北境合於灤河其水廻環曲折繞渡九次名曰九道流河

按方輿紀要所載流河與今柳河方位相合柳流字音近似則

傳寫之殊耳

車河 在承德府舊熱河廳南境源出遵化州邊外山中東流至柳河口

之南入灤河

黃花川 在承德府舊熱河廳東南境原出遵化州邊外東流至門子哨

之西黃花川口入灤河

清河 一名孀兒河亦名白馬川在平泉州舊八溝廳西南境匯近山澗

水西南流入遷安縣界至清河口入灤河

豹河 亦名瀑河源出平泉州舊八溝廳東北四十里密雲溝黃土梁下

一線蜿蜒貫穿石罅合烏勒呼瑪梁南諸山澗水始匯成川西南流

合烏拉林河又西南流逕州境南合濟伯格河南流逕會州城之東

亦名察罕河屯河又南逕寬城之東亦名寬河又西南流至冰窖之

西南入遷安縣界共行一百五十餘里入灤河古高石水也

水經注 高石水東出安樂縣東山西流歷三會城南下注濡水

元一統志 薄河源出惠州西北林津山南至冷嶺合爲寬河
明史地理志 寬河守禦千戶所東南有寬河一名豹河下流逕遷
安縣西北又東合於灤河

按水經注載高石水之入濡水在濡水將入盧龍塞之前今豹
河之會灤河正在潘家口外且係西流來會與水經注相合故
知即古高石水寬河之名見於元史明史方位相合元時又名
薄河元一統志謂薄河源出惠州西北南至冷嶺合爲寬河是
也又在遼時則謂之柳河與今承德府南境之柳河各異蓋柳
河之名宋人屢言之皆指今平泉州境之豹河而非府境之柳
河宋史劉敞傳奉使契丹自古北口至柳河回曲殆千里敞質
譯人曰自松亭趨柳河甚徑且易不數日可抵中京何爲故道
此考松亭故關在今喜峰口北一百二十里其東北距大寧故
城三百六十里若今承德府之柳河轉在其西不應道出於此

反爲之徑易王曾行程錄言過烏灤河又過墨斗嶺度雲嶺芹
 菜嶺至柳河館過松亭嶺甚險峻若今府境之柳河在灤河之
 南不應先度灤河乃至柳河知所云柳河實今豹河也遼之中
 京即今平泉州東北之大寧故城當日所行之道由古北口經
 今灤平縣承德府境至平泉州自不如由喜峰口趨松亭至柳
 河直抵大寧之爲徑易矣若今府境之柳河即舊志所稱流河
 流與柳以音近而訛既稱流河爲柳河而豹河所有柳河之名
 反隱二河名同而異且相近易淆故詳辨之

托津圖河 即豹河之上流在平泉州
溝即八溝廳 東北境西南流會諸小

水爲豹河

烏拉林河 源出平泉州
溝即八溝廳 北境東南流至州治之東會托津圖

河

濟伯格河 漢名鑊子河源出平泉州
溝即八溝廳 西境東南流逕州治西

之老嶂子亦名老嶂子河又東南流至州南會豹河

錫爾哈河 源出平泉州即八溝廳西北境南流會濟伯格河

拉克拉哈爾泉 源出平泉州即八溝廳境之拉克拉哈爾山東南流會

豹河

澈河 亦作撒河源出平泉州即八溝廳西南境邊城之外東南流至龍

井關入邊下流入灤河

遼史地理志 澤州有澈河

元一統志 澈河源出惠州西南乾山東流至灤陽站東合灤河

按遼澤州元惠州皆屬今平泉州南境與澈河方位適合

青龍河 蒙古名固沁河源出平泉州即八溝廳屬喀喇沁右翼東南二

百里之昌吉爾岱山南流至列山梁之南入建昌縣即塔子溝廳屬喀喇

沁左翼西境又逕縣治之南至桃林口入邊下流入灤河

元一統志 青龍河源出惠州之灰嶺流經龍山縣南二百里入平

灤路境

按元志稱青龍河經龍山縣南屬今建昌縣境

湯圖河

源出建昌縣

即塔子溝廳

西南境東南流逕遷安縣邊外至石

柱子會青龍河

什巴爾台河

漢名泥灤亦名涼水泉源出建昌縣

即塔子溝廳

東南境

西流會青龍河

以上皆入灤河之水

熱河亦入灤河已專提為綱故不復附灤河下

欽定熱河志卷六十九

欽定熱河志卷七十

水二

潮河 源出豐寧縣即四旗廳屬鑲黃旗大閣兒北七十里之城根營西

南山下在縣治土城子西北一百三十里屈曲南流至大閣兒之東

折而東南流復折而西南仍折而南龍潭溝水自西來會之又南流

至岡子上共行縣境一百八十里入灤平縣即喀喇河屯廳之西北境逕呼

什哈汛之東又南至檜樹嶺折而東南流至巴克什營之西復折而

西南流共行縣境二百八十里至古北口關西之潮河川入邊至密

雲縣境會白河即古洧水也

漢書地理志 白檀縣洧水出縣北蠻夷中亦名鮑邱水

水經注 鮑邱水出禦夷北塞中南流逕九莊嶺東俗謂之大榆河

又南逕鎮東南九十里西密雲戍西又南左合道人谿水又東南流

白楊泉水注之又東南龍芻谿水自坎注之又東南出峽逕安州舊

漁陽郡之滑鹽縣南左合縣之北溪水

按漢志白檀縣洫水水經注引以入濡水條下或疑洫之與濡字本相近然師古注肥如縣濡水音乃官反此洫水音呼鴟反不應一字兩音一水兩注知非漢書傳寫之誤乃酈氏誤引漢書也潮白二河俱係大川漢書於漁陽郡不應載沽水而獨遺鮑邱水以今方位考之白檀縣北之水大無過於潮河則洫水之即鮑邱水信矣夫潮河源在今豐寧縣境而漢志謂在蠻夷中桑欽水經謂從塞外來酈道元注謂在禦夷北塞中則斯地在當時本處邊外而非郡縣所及益可知矣

又按密雲戍與密雲縣異後魏時已置有密雲縣而水經注但稱戍者其非縣可知密雲戍在禦夷鎮東南九十里與鎮甚近自當在邊外賈耽謂密雲去禦夷鎮幾九百里道元時六鎮已陷沒或傳聞之誤記載成譌蓋未知其本爲兩地也

御製詩

潮河橋丁卯

出口風增峭臨橋水疊波常年度清蹕昔日此潮河荒戍縈烟荔山
田苗雨禾名言思守德觸景畏心多

潮河甲申

白河過浮橋庠奚歷迤邐潮河帶城南弗渡遵其浚近郭列市壓枕
堰非高峙緩急何所賴尋思蓋久矣謀安民自知寧必更張屢叶洵
湧奔新漲竹箭莫喻駛昨晚東北雷聞聲今見爾

龍潭溝

在豐寧縣

即四旗廳

屬鑲黃旗大閣兒東南五十里縣治土城

子西南一百里龍泉山靈通寺之西南爲潭者三第一潭過寺里許
形如偃月南北二丈東西斜袤十丈餘過潭東南登山十餘步轉南
五十餘步第二潭仄徑崎嶇尙僂攀附乃得上潭徑三丈作菱角形
懸崖嶄絕繞潭而南上下百餘步得第三潭旁多中狹畧如銀錠約

徑二丈餘四圍林木蒼翳俯瞰深碧隔潭南望水從石罅中出空湧
跳濺勢倣激矢相傳每潭入水三尺各有石門天霽水澄了然可辨
其斯爲神虬之所宅也三潭高下遞注由寺前石澗東南流十餘里

入潮河

清水河

源出灤平縣

即喀喇河屯廳

南境邊城外西南流至牆子峪之北

入邊下流入潮河

按顧祖禹方輿紀要及顧炎武昌平山水記皆以爲即古要水

漢要陽縣以此得名蓋古要水本入鮑邱水

即今潮河

而不入濡水

即今灤河

水經記載要水於濡水條下者誤耳

詳見建置沿革門

方輿紀要

又謂潮河亦有灤河之名乃因水經注之誤而曲爲之說其實

潮河與灤河判然二水不相假也

乾塔河

源出灤平縣

即喀喇河屯廳

南境邊城外西南流至黑峪關入邊

下流會清水河

按水經注鮑邱水自逕滑鹽縣以前皆當在邊外其所會諸水
 以方位計之道人谿水合孟廣礪水會鮑邱水當在今豐寧縣
 境白楊泉水出白楊谿注鮑邱水又龍芻谿水自注鮑邱水當
 在今灤平縣境今悉無可考惟龍潭溝水東南流入潮河似爲
 左入鮑邱之道人谿然道人谿源流頗遠與龍潭溝亦不甚相
 類若方輿紀要謂道人谿水在密雲縣東北石盤峪源發龍門
 流徑縣界入潮河又以今之霧靈山爲古孟廣礪以今之乾塔
 河爲古孟廣礪水然水經注所載道人谿水距鮑邱水發源之
 處未甚相遠尙不應在邊城之內一統志原本謂水經注道人谿在禦夷鎮東此在石盤峪
者蓋密雲縣境之小水而冠以舊名其說爲是至霧靈山本即水經注伏凌山之訛霧
 靈山旣不得爲孟廣礪則乾塔河之爲孟廣礪水亦未可據且
 乾塔河本先會清水河方輿紀要旣以清水河爲古要水則今
 之乾塔河或即水經注所謂要水出塞外三川並導之一源而

又以別爲孟廣礪水於義兩無當矣

以上皆入潮河之水

白河 自獨石口外瑪尼圖達巴罕發源南流入獨石口逕赤城堡

東流仍出邊至判官渡入灤平縣

河即喀喇屯

西境東流四十里至湯河

口湯河自北來會之折而南流七十里至石塘口關入邊至密雲縣境又南會潮河即古沽水

漢書地理志 漁陽縣沽水出塞外

水經注 沽水出禦夷鎮西北九十里丹花嶺下東南流大谷水注之又南出峽岸有二城世謂之獨固門又南左合乾谿水又西南逕赤城東又東南與鵲谷水合又東南右合高峰水又西南流出山逕漁陽故城西而南合七度水

湯河

源出豐寧縣

即四旗廳

屬鑲黃旗大閣兒西一百二十里十八盤

嶺東之麻線溝在縣治土城子西北三百六十里南流至湯山有温

泉注之始名湯河又南流至大草坪之東共行縣境百餘里入灤平

縣即喀喇河屯廳境又南流九十里至湯河口入白河

洪湯寺溫泉 源出豐寧縣即四旗廳屬鑲黃旗大閣兒西南六十里之

湯山在縣治土城子西南一百八十里泉上建洪湯寺有浴池在泉

側其水南流會湯河

按水經注沽水自合鵲谷水以下始入今灤平縣境其所載高

峰水出高峰戍東南城在山上其水西南流又屈而東南入沽

水今湯河南入白河當即古高峰水今之湯河口即所謂右合

高峰水之處也

水峪河 源出灤平縣即喀喇河屯廳西南二百六十里之道溝峪東南流

至黃崖關外入白河

白馬關河 源出灤平縣即喀喇河屯廳西南二百三十里之火石嶺東南

流至白馬關入邊下流入白河

馮家峪河 源出灤平縣即喀喇河屯廳西南二百九十里之恆梁南流至

馮家峪口入邊下流入白河

鞍子嶺河 源出灤平縣即喀喇河屯廳西南二百五十里之鞍子嶺東南

流至石塘口入邊下流入白河

七度河 俗名依度河源出灤平縣即喀喇河屯廳西南二百五十里之分

水嶺東南流至大水峪口入邊下流入白河

水經注 七度水出北山黃頰谷亦謂之黃頰水東南流注於沽水

按水經注載沽水之合七度水在漁陽城南今七度河入白河

亦在邊城之內方位相合又明成祖實錄載永樂元年命武安

侯鄭亨於七度河設烟墩候望警息即指此

以上皆入白河之水

英金河 亦名英河源出圍場內都呼岱山會諸小水東南流出英

格柵亦名英格河逕都呼岱山入赤峰縣即烏蘭哈達廳西北翁牛特境東

南流一百四十里會錫爾哈河又東流七十里逕縣治之北又東流八十里逕察罕陀羅海溝之東入建昌縣即塔子溝北敖漢境與老河會東流入潢河即古饒樂水也

後漢書鮮卑傳 季春月大會於饒樂水上

魏書太祖紀 北征庫莫奚渡弱洛水班賞將士

十六國春秋後燕錄 慕容寶襲庫莫奚己未北行甲申渡澆洛水距龍城一日程

杜佑通典 庫莫奚理饒樂水北饒樂水一名如洛環水

遼史地理志 中京在饒樂河水之南又高州有樂河

按饒樂水魏書作弱洛水十六國春秋作澆洛水通典又作如洛環水稱名雖有稍殊實一水也一統志原本以饒洛水爲今

潢河在英金河之北詳見後之別名考漢書注但稱饒樂水在營州北而

不詳其里至然隋唐諸史皆以潢水爲契丹所居而饒樂水別

爲奚地魏書太祖紀十六國春秋言因征襲庫莫奚而渡此水
通典亦謂奚理饒樂水北則饒樂水之爲奚所居無可疑矣唐
書奚契丹列傳凡契丹酋長內附者皆封松漠府都督以平地
松林在其國也奚酋長內附者皆封饒樂府都督以饒樂在其
國也地理志稱營州西北百里松陁嶺其西奚東契丹富彊行
程錄自中京北二百六十里至崇信館過崇信館即契丹舊境
其南皆奚地是奚之疆域北不過崇信館東不過松陁嶺不得
遠取契丹境內之水爲奚之府名也且舊唐書於契丹傳曰居
黃水水即潢之南於奚傳曰自營州西北饒樂水以至其國兩名
分見知其必非一水而大寧以北之水源遠流長無如英金河
者故知爲古饒洛水也大寧爲遼中京云在水之南則水在中
京北境可知遼史又云高州有樂河高州南至中京一百四十
里正當中京之北與今英金河之在平泉州即八溝廳北方位亦合

若方輿紀要謂饒樂河在大寧衛北源亦出馬孟山其下流東北入於潢河今以水道論之發源馬孟山者惟有老河詳見後至英金河發源之處去馬孟山絕遠方輿紀要所稱蓋未盡可據也

奇布楚河 源出圍場北界海喇堪達巴罕之東在赤峰縣即烏蘭哈達廳

屬翁牛特右翼最西北境初名奇布楚色欽東南流沿圍場之東北界至奇布楚溝柵入英金河

錫爾哈河 源出圍場內會諸小水北流出納林錫爾哈柵入平泉

州即八溝廳西北喀喇沁右翼境東北流逕赤峰縣即烏蘭哈達廳屬翁牛特右

翼境又東北英金河

按此與會入豹河之錫爾哈河別

烏拉岱河 源出圍場內會諸小水東流出烏拉岱柵入赤峰縣即烏

蘭哈達廳西北翁牛特右翼境東會錫爾哈河

水二

錫伯河 源出平泉州即八溝廳屬喀喇沁右翼西一百餘里察罕陀羅

海山之東東流逕右翼旗之南又東北入翁牛特右翼境會錫爾哈

河

哈爾吉河 源出平泉州即八溝廳屬喀喇沁右翼南四十五里北流會

錫伯河

卓索河 源出赤峰縣即烏蘭哈達廳屬翁牛特右翼西境東河會錫爾哈

河

以上皆入英金河之水

老河 亦名土河蒙古名老哈穆楞源出平泉州即八溝廳屬喀喇沁右

翼南一百九十里之永安山在州治西北境會諸小水東北流自大

寧故城之西南逕大寧故城之東北又北流入赤峰縣即烏蘭哈達廳境逕

翁牛特左翼南境入建昌縣即塔子溝廳屬敖漢西北境會英金河又東

北流入朝陽縣即三座塔廳屬奈曼北境至喀爾喀左翼西北界出朝陽

縣境共行五百餘里與潢河會下流爲遼河即古託紇臣水亦名土護真水也

隋書契丹傳 當遼西正北二百里依託紇臣水而居

唐書地理志 長城口北八百里有吐護真河奚王牙帳也奚傳依

土護真水

遼史地理志 聖宗過七金山土河之濱因議建都又中京大定府有土河

金史地理志 大定府大定縣有土河長興縣三韓縣有塗河

元一統志 塗河源出惠州西北經州界八十里東北流入大寧縣南境至大寧縣東北境二百二十里入高州境又東北流至行營草地即此

葉隆禮契丹國志 契丹有水曰北乜里沒里復名陶猥思沒里源出中京西馬孟山東北流華言所謂土河也

顧祖禹方輿紀要 土河自馬孟山發源逕大寧衛南又東北流至諾音衛境之木葉山合于潢水者是也

米萬春薊門考 大寧城北有老花母林即老哈穆楞番云大河也自青

山流來遼過大寧城南往東北與捨喇母林即錫喇穆楞合共入

遼東三岔河

按老河之為土河至今兩名互稱隋書稱託紇臣水唐書稱土

護真水土護真即託紇臣譯語之轉音遼金二史謂之土河為

土護真河之省文金史及元一統志又稱塗河則當屬轉音耳

隋書稱契丹依託紇臣水唐書又稱奚依土護真水者蓋土河

經流五百餘里發源今平泉州即八溝廳境流入今建昌縣即塔子溝廳

朝陽縣即三座塔廳北境當初發源時為奚王牙帳所在及東北流

至潢河南則屬契丹之地正當隋遼西郡正北也一統志原本

以古託紇臣水土護真水並為今潢河潢河詳見後之別名蓋據舊

唐書安祿山傳討契丹至土護真河即北黃亦作河之文考舊

唐書言契丹在黃水南若土護真河即潢河則既至土護真河

即為契丹牙帳矣何以下文又云倍程三百里奄至契丹牙帳

新唐書亦謂至土護真河晝夜行三百里知所謂即北黃河者乃北即黃河之誤舊

唐書契丹傳載此事云就黃水南契丹衙與之戰新唐書契丹

傳云大戰潢水南可為明證隋書稱紇臣水在遼西隋遼西郡即營州今

建昌朝陽縣舊塔子溝三座塔廳地正北二百里此亦指土河之在唐書稱潢水

在營州北四百里則託紇臣水尚在潢河之南相距二百里不

得強合為一明矣又遼史地理志統和二十四年五帳院進故

奚王牙帳地二十五年城之號曰中京府曰大定可見奚王牙

帳在中京正今老河流經之地若以潢河為土護真河是遠出

四百餘里之外與中京無涉唐書地理志漁陽郡下言古盧龍

至奚王牙帳六百里又東北行傍吐護真河五百餘里至契丹

牙帳正與今老河至潢河所歷道里方向相合而土護真河之
即今老河無可疑矣方輿紀要又謂土河亦名溫榆河考遼史
地理志稱奚部建牙當饒樂河水之南溫榆河水之北下文又
稱聖宗過土河之濱因議建都是土河與溫榆河明非一水方
輿紀要所稱蓋未盡可據也

又按一統志原本謂土河之名始於遼時其前無可考證疑即
水經注之曰狼水今以水經注大遼水所謂白狼水考之與今
老河水道有難以強合者水經注遼水自塞外東流直遼東之

望平縣西望平縣在今錦州府廣寧縣東北境屈而西南流逕襄平縣故城西襄平

遼陽州西北境又東逕遼隊縣故城西遼隊縣在今奉天府海城縣西境又南

小遼水即今渾河在海城縣西北合遼河注之又右會白狼水至安市天在今奉

平縣東入於海而於白狼水下復云東南流至房縣在今廣寧縣東南境

注於遼是白狼水之入遼河在大遼水既會小遼水之後將入

海之前今老河之會潢河

即大遼水之源

在喀爾喀左翼境其去古

房縣甚遠且白狼水必當與古白狼山相近水經注稱石城川

水逕白鹿山西即白狼山也又東北注白狼水考白狼山在建

昌縣

即塔子溝廳

喀喇沁左翼東三十里其距老河亦甚遠又水經

注稱白狼水逕黃龍城東龍城故址在今朝陽縣東北之三座

塔境亦非老河所行之道反覆求之無一可通者舊志乃謂老

河經古黃龍之北與水經注白狼水合然水經注原文本謂白

狼水逕黃龍城東而強改爲北可乎至隋書契丹傳有託紇臣

水而地理志又有白狼水唐書地理志有吐護真河奚傳有土

護真水而又有白狼河兩名分見必非一水知老河之非即白

狼水

白狼水爲今大凌河詳見後

則水經注白狼水條下所逕白狼石城廣

城諸縣地其不在今老河左右又不待辨矣

奇扎爾台河

即老河之上流源出平泉州

即八溝廳

屬喀喇沁右翼南

一百六十里在州治西北境東流合諸小水為老河

呼察河 源出平泉州即八溝廳屬喀喇沁右翼南一百四十里之呼察

察罕陀羅海山在州治西北境東流五十餘里會奇扎爾台河

霍爾霍克河 源出平泉州即八溝廳屬喀喇沁右翼南一百二十餘里

霍爾霍克達巴罕之東在州治北境東南流一百五十餘里入老河

布爾罕阿蘭善河 漢名上神水河以左翼亦有神水河故稱此為

上神水源出平泉州即八溝廳屬喀喇沁右翼南一百里在州治北境東

流三十餘里入老河

烏魯斯台河 源出平泉州即八溝廳屬喀喇沁右翼東南一百里在州

治東北境西北流入老河

烏巴河 源出平泉州即八溝廳屬喀喇沁右翼東一百五十里之哈特

哈山在州治東北境西北流入老河

伯爾克河 源出平泉州即八溝廳屬喀喇沁右翼東南一百五里之喀

喇和碩山在州治東北境北流入建昌縣即塔子溝廳屬敖漢西南境又

北入老河

納林崑都楞河 源出平泉州即八溝廳屬喀喇沁右翼南九十里在州

治北境東北流繞大寧故城之北共行一百五十餘里入老河

松吉納河 源出平泉州即八溝廳屬喀喇沁右翼南八十里在州治北

境東流八十餘里會納林崑都楞河

巴蘇台河 源出平泉州即八溝廳屬喀喇沁右翼南四十里在州治北

境東流會納林崑都楞河

和爾圖河 源出平泉州即八溝廳屬喀喇沁右翼東南十五里在州治

北境東南流會納林崑都楞河

伯爾克河 漢名落馬河源出赤峰縣即烏蘭哈達廳屬翁牛特右翼北境

在縣治西北境東南流逕布爾克爾圖山又東入老河

金史地理志 三韓縣松山縣有落馬河

元一統志 落馬河在松州北八十里發源州界鑼鍋嶺下流入高州境一百里東入塗河

按金之三韓松山縣元之松州皆在今赤峰縣境河名與方位

俱合金元史所載落馬河應即指此

摩該泉 源出赤峰縣即烏蘭哈達廳屬翁牛特左翼東南一百二十里在

縣治東北境東流入老河

崑都楞喀喇泉 漢名橫黑水泉源出建昌縣即塔子溝廳屬敖漢東北

九十里南流入老河

玉瀑 在建昌縣即塔子溝廳屬敖漢北境縣治北五百五十里即老河

之下流石壁高聳懸為飛瀑土人名曰響水乾隆八年

皇上東謁

祖陵

變輿經此

賜名玉瀑

御製詩

觀放漢瀑布水 癸亥

我聞奧區天所秘疑信向半今信然浩浩萬里沙漠塞乃有瀑水崇
 岡懸車塵方苦紛塌堪轄開壺裏別有天侵尋峰岫羅嘉樹漸潤澗
 谷無埃烟是時仲秋曝晶日忽聞雷聲殷前川坐令林巒失輕籟朗
 吟清眺萬慮蠲大者明珠小者璣如傾栲栳投深淵虎狼駭走不敢
 飲下疑千載蒼龍眠巨石橫斷無土壤粵生美箭奇而堅山葉紅綠
 如錯繡無名野卉相新鮮鸛鶴徘徊不忍去蹺蹺時向虬枝穿禹鑿
 龍門未至此胡乃三級限鱗鱗蒙古相傳瀑水以下鱗類甚夥而以上絕無亦甚奇云吁嘻泉
 石誠觀止賞詠自我羌誰先匡廬香爐無足喻山靈占此永不遷設
 置飛觴擲管地混沌竅鑿應難全

朕恭調

祖陵至敖漢觀此巖懸水跳珠琮瑋蒙古遊牧地所少也因名此水

爲玉瀑而繫以詩

癸亥

崇椒列巘點丹楓樹色烟容綠間紅始信人間無玉闕水晶簾內水

晶宮

卻笑拘墟李謫仙匡廬當日便茫然飛流詎止三千尺絕勝銀河落

九天

沈沈碧潭毛髮寒琮瑋不斷仙珮珊渾如白傅歌中句大珠小珠落

玉盤

清泚縈迴受復斟忘筌坐對可觀音何須隱約求絃指已寫成連山

水心

玉名名瀑玉誰名名相由來總現成逝者如斯來不舍長懷尼父在

川情

寄題敖漢瀑布水

甲戌

我愛敖漢瀑布水今來路隔三百里題詩睫眼十一年乾隆八年東

題長句大書磨崖今年取道迤東相距飛注東流殊未已

以上皆入老河之水英金河亦入老河已提

三百餘里故賦此寄題其後以紀歲月

為綱故不復附老河下

水二

欽定熱河志卷七十

欽定熱河志卷七十一

水三

潢河

亦名湟水蒙古名錫喇穆楞自克什克騰

克什克騰在今赤峰縣即烏蘭哈達

外應境

界發源東流入赤峰縣

即烏蘭哈達

北巴林旗界入赤峰縣屬翁牛

特左翼北境在縣治北二百餘里又東南逕朝陽縣

即三座塔廳

屬喀爾

喀左翼界與老河會為大遼水之西一源其下流至奉天府開原邊

外會東來之赫爾蘇河入邊為遼河

唐書地理志

營州北四百里至潢水契丹傳中部酋比能為幽州

刺史王雄所殺衆遂微逃潢水之南黃龍之北

太平寰宇記

營州北至契丹界湟水四百里

遼史地理志

饒州有潢河

武經總要

中京北距潢水惠州北至潢水石橋興中府北至潢水

四百里

富弼行程錄

自中京北四百八十里度潢水石橋

橋在今赤峰縣即烏蘭哈達廳

北境巴林旗界內距翁牛特北境不遠今尙存

方輿紀要 潢河源出平地松林流經臨潢府南至廢永州東木葉

山合土河者是也

按舊唐書契丹傳及安祿山傳于潢水皆作黃新唐書始作潢

字遼金史因之一統志原本謂別于西黃河故曰潢遼上京臨

潢府

在今赤峰縣即烏蘭哈達廳北巴林旗地

以此得名證以武經總要富弼行程

錄方輿紀要諸書均相符合又一統志原本潢河又名濫真水

今考水經注濫真水出西北塞外歷重山東南入白狼水在白

狼水流經龍城之後今老河既不得為白狼水則以合老河之

潢河為濫真水亦別無據難以徵信舊志又謂古名饒樂水別

名託紇臣水亦曰吐護真河考饒樂水即今英金河

詳見前英金河下

託紇臣水吐護真河即今老河

詳見前老河下

皆與潢河無涉至方輿

紀要于饒樂水下注曰其下流東北入于潢河是明知饒樂水之非即潢河矣下文復注云亦謂之黃河亦曰北黃河夷名哈喇母林即喀喇穆楞或謂之烏龍江似以黃河及北黃河喀喇穆楞及烏龍江皆爲饒樂水之別名則舛誤殊甚蓋黃河即潢河唐書原兩字通用至今稱潢河爲錫喇穆楞蒙古語謂黃謂錫喇是仍以潢河爲黃河也至於北黃河則因舊唐書土護真河北即黃河書作即北黃河之誤若夫喀喇穆楞別爲一水在今潢河之北巴林界東南流入于潢河蒙古謂黑爲喀喇遼史地理志上京臨潢府有潢河復有黑河周廣順中胡嶠陷北記謂渡涅水又明日渡黑水宋薛映記及富弼行程錄並謂度潢水石橋五十里至保和館度黑水河沈括夢溪筆談謂黑山在大漠之北有黑水出其下者是也亦謂之烏龍江明人又曰黑龍江口與今奉天東北之黑龍江別以今形勢論之老河發源在今平泉州即八溝廳

喀喇沁右翼及扎薩克旗之南迤而東北正環遼遼金大定府境即古託紇臣水吐護真河及遼金之土河也其北則為英金河在今赤峰縣即烏蘭哈達廳屬翁牛特境自西而東流正當遼金大定府之北境即古饒樂水也又北則為潢河在今翁牛特北境自西而東流逕諸蒙古地當遼上京臨潢府境及金北京路之北境即古黃水一名涅水也又北則為黑河在今赤峰縣北境巴林界即所謂烏龍江也諸水下流雖俱會為一河而其上源相距並數百里各有經流不容相紊以其處於徼外諸書多互相牽引易於混淆故詳辨之

布林池

源出赤峰縣

即烏蘭哈達廳

屬翁牛特左翼西北四十里東流入

潢河

以上入潢河之水

老河亦入潢河已另列為綱故不復附潢河下

蒙古名傲穆楞有三源一出建昌縣

即塔子溝廳

屬喀喇沁左

大凌河

翼南之土心塔在縣治東南二百二十里北流逕威遜圖山東北流經錫喇達哈圖山北逕喀喇沁貝子旗又北至三台小營一出喀喇沁左翼西之水泉子在縣治西南境東流至縣治南一出喀喇沁左翼西北之三官營在縣治北境東南流至縣治南二源合而東流至三台小營三源始會東北流入朝陽縣即三座塔廳境六十里至土默特右翼境之木頭城子又一百三十里逕朝陽縣南稍折而東南流又一百八十里至九關臺門出朝陽縣境入錦州府義州界亦名靈河即古白狼水也

水經注 白狼水出白狼縣東南廣成縣上文東南二字連廣成縣三字為句觀下文白狼水

先逕廣成縣後逕白狼縣可見明人北流西北屈逕廣成縣故城南刻水經注云東南下當有逕字者非

俗謂之廣都城又西北石城川水注之又東北逕昌黎縣故城西高平州水注之又東北自魯水注之又東北逕龍山西又北逕黃龍城東又東北濫真水出西北塞外東南歷重山入白狼水

遼史地理志 建州在靈河之南

金史地理志 興中縣南有凌河 永德縣北有凌河

元一統志 凌水源出龍山縣南六十里 師婆塞至縣東南十五里

入利州界一云源出龍山縣南八十里 紫草務東北流一百里入利

州界又北經富庶縣東南三十里 又東經建州南四十里 又東入興

中州界經州東南下流入義州境

按白狼水為塞外大川 今老河既不得為白狼水

詳見老河下

求其

方位適當者 惟有大凌河 以水經注及各史證之 白狼水發

源古白狼縣東南 而流經古龍城東境 漢書地理志 白狼縣下

但注有白狼山 而不言白狼水 水經注始以白狼縣為白狼水

所經 又稱白鹿山 即白狼山也 白狼山在今建昌縣

即塔子溝廳

南

喀喇沁左翼東境 大凌河正流 逕其西 此可為白狼水之證也

又水經注 白狼水北逕黃龍城 東魏營州刺史治 魏氏土地記

黃龍城西南有白狼河東北流附城東北下是也魏書地形志

亦謂龍城縣有狼水黃龍城故地即今朝陽縣即三座塔治詳見建置

沿革及古蹟大凌河正東北流逕其城東此又可爲白狼河之證也

若老河在其西北相去絕遠安得強加以白狼之名乎抑又考

之隋書地理志營州遼西郡柳城縣下有白狼水而契丹傳謂

依遼西正北二百里託紇臣水即老河而居則白狼河之較近

老河二百里可知舊唐書奚傳南距白狼河新唐書奚傳亦曰

南白狼河而地理志謂檀州燕樂縣長城口北八百里有吐護

真河即老河奚王衙帳也老河爲其卓帳之地而白狼河乃其

南境與唐交界之處則白狼河之在老河南又可知今老河以

南之水其發源最遠而又東北流者舍大凌河別無他水故決

爲古白狼水也夫隋唐以前諸史有白狼河而不及大凌河遼

金以後諸史有大凌河而不及白狼河蓋名雖變易而實即一

水矣至於水經注白狼水未逕黃龍城以前所合者有石城川水方城川水高平川水自魯水今大凌河所合之水頗多而古今異名未有確證者概不敢附會

又按大凌河之為古白狼水固無可疑矣惟白狼水之下流尙有與古未合者亦有說焉漢書地理志臨渝縣下注渝水首受白狼東入塞外有侯水北入渝交黎縣下注渝水首受塞外南入海是即以渝水為白狼水之下流也水經注白狼水東北出東流為二水右水疑即渝水也其水東南入海一水東北出塞為白狼水東南至房縣注于遼是以白狼水一支為渝水而一

支入于遼水也漢志所稱臨渝縣交黎縣並當在近海之地

武帝紀文通注碣石在遼西棠縣今罷入臨渝此石著海旁故知臨渝近海前漢交黎即後漢昌黎晉慕容皝討弟仁乘進故知昌黎東踐冰而為今臨榆縣及寧遠州境不聞有白狼水

之分流而舊說以撫寧縣之獅子河當渝水或又以臨榆縣之

石河當淪水二水皆在古臨淪故地而淪關之稱相傳以關據
河爲險則石河尤近之然與首受白狼之文亦不合蓋水道變
遷古今互異水經注于白狼流爲淪水之一支曰疑即淪水也
又曰疑是臨淪縣之故城又曰疑即地理志所謂侯水北入淪
者也是道元于後魏時已不能確指其源委矣至于白狼水本
從房縣會遼水入海而今大凌河自入于海又與水經注異則
海水溢侵之說水經注固屢言之即如濡水本從衆縣碣石山
南入海酈氏以碣石爲淪入海水其說本之漢司空掾王瓚漢書
溝洫志作王橫儒林傳及水經注作王瓚謂往者天嘗連雨東北風海水溢出侵數
百里則今自蓋平以西之海套其亦在溢侵數百里之中明矣
水經注于河水條下又曰昔燕齊遼曠分置營州今城屆海濱
海水北侵城垂淪者半王瓚之言信而有徵是遼水左右之地
在漢時爲海所囓者已多今大凌河入海處與大遼水入海處

相距甚近是海水未淪以前其必合遼以入海可知夫海水溢
出之說先儒皆據之以釋禹貢又何疑于白狼之下流乎

和爾圖河 源出建昌縣即塔子溝屬喀喇沁左翼西五里之托蘇圖

喀喇山在縣治南境東流入大凌河

按此與平泉州即八溝境之和爾圖河別

僧機圖河 源出建昌縣即塔子溝屬喀喇沁左翼西四十里之僧機

圖山在縣治南境東流逕平房兒入大凌河

賽音台河 源出建昌縣即塔子溝屬喀喇沁左翼西北六十里之鴻

吉爾岱山在縣治南境東流入大凌河

蘇巴爾噶河 漢名石塔河源出建昌縣即塔子溝屬喀喇沁左翼西

北境在縣治西三十里東南流逕五官營入大凌河

阿蘭善河 漢名神水河源出建昌縣即塔子溝屬喀喇沁左翼西北

境在縣治北四十里其發源處俗名熱水湯東南流逕濟爾噶朗營

入大凌河

圖爾根河 漢名土河以其北別有土河流入土默特右翼境或稱

此為南土河源出平泉州即八溝廳屬喀喇沁右翼東南一百八十里之

錫默特山在州治東境東流逕建昌縣即塔子溝廳屬喀喇沁左翼北境

入朝陽縣即三座塔廳屬土默特右翼西境又東南入大凌河即古榆河

金史地理志 利川龍山縣有榆河

元一統志 榆林河源出和衆縣西三十五里司家店東南流一百

餘里入利州境經州東三里霍司空莊入凌河

按元李察玉京觀碑稱跋利州之西憑榆河之渡者長壽山也

利州故城及長壽山並在今建昌縣即塔子溝廳治東北七十里此

河正流逕山下知即榆河也元時和衆縣屬今建昌縣境榆林

河亦即指此

波羅台溝河 源出建昌縣即塔子溝廳北境敖漢南之牛膝河屯在縣

治北一百八十里東南流入朝陽縣即三座塔廳屬土默特右翼境逕波

羅台溝共行八十餘里入大凌河

察罕河 漢名白河源出朝陽縣即三座塔廳屬土默特右翼西一百六

里之哈卜塔海華山在縣治東境東南流入大凌河

布爾噶蘇台河 漢名柳河亦名黑子城河源出朝陽縣即三座塔廳屬

土默特右翼西北一百九十里之威遜圖喀喇山在縣治西北境東

南流逕喀喇城入大凌河

固都河 源出朝陽縣即三座塔廳治北一百里自石罅中流出行五里

伏入地又六十里仍涌出南流六十里入大凌河

喀喇託歡泉 漢名釜泉亦名黑鍋泉源出朝陽縣即三座塔廳屬土默

特右翼西六十里之喀喇託歡山在縣治東北境東南流會固都河

涼水河 源出朝陽縣即三座塔廳屬土默特右翼西北七十里在縣治

西北境自小八溝平地出泉約二里許東南流漸成河行四十里伏

入地又二十五里仍涌出東南流十五里入大凌河

奎騰泉 漢名冷泉源出朝陽縣即三座塔廳屬土默特右翼西北二十

五里在縣治東北境南流會涼水河

圖爾根河 亦名土河以其南別有土河或稱此為北土河源出朝

陽縣即三座塔廳屬奈曼南五十五里之塔本陀羅海山在縣治北境南

流入土默特右翼北境逕綽諾圖山又南入大凌河

按此與平泉州即八溝廳屬之圖爾根河別

固爾班和爾圖泉 源出朝陽縣即三座塔廳屬奈曼西南六十里在縣

治北境三泉涌出合而東南流會圖爾根河

卓索河 漢名紅土河源出朝陽縣即三座塔廳屬土默特右翼北一百

里之輝果爾山在縣治北境東南流會圖爾根河

什巴爾台河 漢名爛泥塘河亦稱為土河源出朝陽縣即三座塔廳屬

土默特右翼北三十五里之多倫和爾和山在縣治東北境東南流

會圖爾根河

按此與建昌縣即塔子溝總境之什巴爾台河別

格爾庫爾台河

亦名石雞河源出朝陽縣

即三座塔廳屬土默特右翼

東四十里之塔本陀羅海山在縣治東北境西北流會什巴爾台河

巴圖察罕河

漢名柞河源出朝陽縣

即三座塔廳屬土默特右翼北十

五里之巴顏華山在縣治東北境東南流會圖爾根河

烏里雅蘇台河

漢名楊河源出朝陽縣

即三座塔廳屬土默特右翼東

北八十里在縣治東北境西南流會圖爾根河

袞齊老河

源出朝陽縣

即三座塔廳屬土默特右翼南三十里之蘇巴

爾噶圖山在縣治東境東南流至九關臺門西南二里入義州境名

柳河川又東流入大凌河

翁格勒庫河

漢名麝香河源出朝陽縣

即三座塔廳屬土默特右翼東

八十里之翁格勒庫山在縣治東北境東南流至清河邊門之西入

義州境名清河又東南流入大凌河

伊瑪圖河 漢名殺羊河源出朝陽縣即三座塔廳屬土默特左翼西北

六十里之邁達里山在縣治東北境南流至清河邊門之東入義州

境名細河又東南流會清河

錫喇塔拉河 漢名馬鞍河源出朝陽縣即三座塔廳屬土默特左翼西

北四十八里之摩該波羅山在縣治東北境西南流會伊瑪圖河

以上皆入大凌河之水

欽定熱河志卷七十一

欽定熱河志卷七十二

水四

分隸各屬諸水

承德府

即熱河廳

黑龍潭

在府北一百八十里唐山營山麓之下有洞窈然水出洞

中深不可測嵐氣迷漫若潛神物故名曰黑龍潭

豐寧縣

即四旗廳地

和爾圖泉

在縣屬察哈爾鑲白旗西北五十五里

烏蘭池

漢名紅鹽池在縣屬察哈爾鑲白旗西北七十五里

魁蘇池

在縣屬察哈爾鑲白旗西北一百二十里

錫爾哈池

在縣屬察哈爾鑲白旗北一百九十里

呼倫穆索和池

在縣屬察哈爾正藍旗東四十里

錫勒圖池

在縣屬察哈爾正藍旗東南十二里

渾圖池 在縣屬察哈爾正藍旗南三十五里

哈希穆克池 在縣屬察哈爾正藍旗西南十五里

固爾班烏默赫池 在縣屬察哈爾正藍旗東北二十里

黑倫木圖池 在縣屬察哈爾正藍旗東北一百里

翁袞泊 在縣屬察哈爾正白旗西北一百四十里

喀喇烏蘇 漢名黑水灤在縣屬察哈爾正白旗西北一百四十里

伊克烏蘭泉 漢名大紅泉在縣屬察哈爾鑲黃旗東南一百三十

里

袞布拉克 在縣屬察哈爾鑲黃旗西南一百二十里

噶順泉 漢名苦水泉在縣屬察哈爾鑲黃旗西七十里

巴噶烏蘭泉 漢名小紅泉在縣屬察哈爾鑲黃旗北一百二十里

達布遜泉 漢名鹽泉在縣屬察哈爾鑲黃旗東北一百二十里

平泉州

即八溝地

冷水塘 在州治東北三百里八郎官東山土人云浴之已疾

龍潭溝 在州治西北八十里旁有泉絕清冽

溫泉 在州治北一百四十里魁得蘇溝口北上傍有浴池

石井 在州治北一百二十里二道營山洞中水極甘寒旁有小浮

圖一莫詳年代

蒙克泉 在州屬喀喇沁右翼西七十里

烘郭爾泉 在州屬喀喇沁右翼南七十里

溫冷特泉 在州屬喀喇沁右翼南二百里

努黑圖泉 在州屬喀喇沁右翼北三十里

赤峰縣 即烏蘭哈達廳

博多克圖泉 在縣屬翁牛特右翼西九十五里

阿魯布拉克 在縣屬翁牛特右翼東北五十里

布魯都池 在縣屬翁牛特左翼西五里

和爾博勒津泊 漢名七金泊在縣屬翁牛特左翼西南八十里

建昌縣 即塔子溝廳地

菟濟河 源出縣屬喀喇沁左翼東南七十里柏樹山之毛頭泊在

縣治東南一百七十里南流逕都呼喀喇山至高臺堡門東十里入

錦州府寧遠州境為六州河

元一統志 六州河在利州東南八十里

按元時利州在今建昌縣 即塔子溝廳 東境縣之最東南為元瑞州

地方位相合又相傳名六股河蓋以摩該圖河呼魯伯楚特河

額里葉河布勒圖河四道溝河五水及菟濟之經流為六也

摩該圖河 源出縣屬喀喇沁左翼南三十八里之摩該圖山在縣

治東南境東南流徑沙帽山入菟濟河

呼魯伯楚特河 源出縣屬喀喇沁左翼南七十里之呼魯伯楚特

山在縣治東南境東南流入菟濟河

額里葉河 源出縣屬喀喇沁左翼南八十里之額里葉嶺在縣
治東南境南流至寬邦門之西入寧遠州境名黑水河又南入菟濟
河

布勒圖河 漢名寬河源出縣屬喀喇沁左翼南一百十里之布勒
圖喀喇山在縣治東南境東流會額里葉河

按一統志原本謂明宣德三年大破三衛之兵於寬河即此今

考明宣宗實錄宣德三年九月喜峰口守將馳奏烏梁海舊作兀良

哈今改正侵邊已入大寧經會州將及寬河宣宗決策親征乙卯出

喜峰口味爽至寬河則喜峰抵寬河甚近若今會灤河之豹河
亦名寬河明初嘗置寬河守禦所者別在平泉州境與此寬河
方位不同舊志蓋以同名而誤也

四道溝河 源出縣屬喀喇沁左翼南一百十五里之四道溝在縣
治東南境東流入菟濟河

塔本泉 漢名五泉源出縣屬喀喇沁左翼東南三十五里之塔本嶺東南流入蒐濟河

巴奚里河 源出縣屬敖漢境之瑪尼罕初東北流折而東流又折而東南流入奈曼境三面環抱下流入於沙地

齊老台池 在縣屬敖漢東南二十五里下流入沙地

都木達納林泉 在縣屬敖漢南三十里流入齊老台池

烏哩達扎哈納林泉 在縣屬敖漢東南五十里

伊瑪圖泉 在縣屬敖漢南一百二十里下流入沙地

庫爾奇勒泉 在縣屬敖漢西南一百五十五里

尼楚琿泉 在縣屬敖漢西南二百里

輝圖扎哈納哩特泉 在縣屬敖漢西五十里

朝陽縣

即三座塔廳地

小凌河 蒙古名明安河源出縣屬土默特右翼西南二百二十里

之明安喀喇山在縣治東南境有三泉匯爲一河初名穆壘河東北流爲明安河逕土默特右翼旗之南境至松嶺子門西五里入錦州府錦縣境爲錦水亦名小靈河即古參柳水也

漢書地理志 柳城縣參柳水北入海

遼史地理志 興中府有小靈河

元一統志小凌河在興中州南一百五十里源出玉泉井溢而成川流入錦州界

按漢柳城縣在今寧遠州及錦縣之西境所謂北入海者蓋自

縣北而南流入海地理志臨渝縣侯水北入渝鄴道元曰蓋自北而南其書法與此同例與今小

凌河方位正合遼之興中府元之興中州即今朝陽縣即三座塔廳

地靈之與凌則傳寫字訛耳

哈柳圖河 漢名水獺河源出縣屬土默特右翼南五十里之蘇巴

爾噶岡在縣治東境南流逕托羅克台山入小凌河

鄂欽河 漢名女兒河源出縣屬土默特右翼南境在縣治東境東流至新開門北六十里入錦縣境東南流入小凌河

楊柳木河 源出縣屬喀爾喀左翼南境東南流沿奈曼東北境至

彰武臺門亦名楊柳木門入錦州府廣寧縣境下流入遼河

庫崑河 源出縣屬喀爾喀左翼東流入土默特左翼北境又東流

入楊柳木河

烏訥蘇台河 源出縣屬土默特左翼北八十里東北流會庫崑河

阿哈里河 源出縣屬土默特左翼北七十里東流會烏訥蘇台河

蘇爾哲河 漢名大堤河源出縣屬土默特左翼北三十里東南流

入廣寧縣東北境

烏克爾齊老泉 漢名臥牛石泉源出縣屬土默特左翼東二十五

里西南流會蘇爾哲河

蘇巴爾噶圖河 漢名石塔河源出縣屬土默特右翼境東南流入

土默特左翼西八十里南流入邊

按此與喀喇沁左翼境之蘇巴爾噶圖河別

額里葉河 漢名鷓鷹河源出縣屬土默特左翼東北八十里東南流入邊

按此與喀喇沁左翼境之額里葉河別

湯圖河 源出縣屬土默特左翼西二十里東南流入邊

和爾博勒津泉 漢名七金泉在縣屬土默特左翼東北七十里

兆布拉克 漢名百湖在縣屬土默特左翼東六十里

烏哈爾溫泉 在縣屬喀喇沁左翼北一百里

查木哈克泉 在縣屬奈曼東五十里

察罕泉 在縣屬奈曼東南六十里

各屬有名無考諸水

陽師水 北齊書文宣帝紀北討契丹辛丑至白狼城壬寅經昌黎

城癸卯至陽師水後魏置陽師鎮蓋以水得名

按舊唐書謂廢陽師鎮在營州東北當在今朝陽縣即三座塔廳治

東北境

道人溪水 水經注道人溪水南流歷密雲成東此密雲成與邊內之密雲縣別左

右孟廣劓水亂流經密雲成城南右會大榆河即鮑邱水

孟廣劓水 水經注孟廣劓水出劓下西南至密雲成東西注道人

溪水

按大榆河發源即今豐寧縣即四旗廳境之潮河道人溪水孟廣劓

水會注大榆河處當在今豐寧縣境

白楊泉水 水經注白楊泉水北發白楊溪右注大榆河

龍芻溪水 水經注龍芻溪水自坎注大榆河

按今潮河南流經灤平縣即喀喇屯廳白楊泉水龍芻溪水注大榆

河處當在今灤平縣境

石城川水 水經注石城川水出西南石城山東流北屈逕白鹿山

西即白狼山也東注白狼水

方城川水 水經注在大遼水條下方城川水發川西南山下東入白狼水

按白狼水即今大凌河發源建昌縣即塔子溝廳南此石城川水方

城川水俱當在建昌縣南境

高平川水 水經注高平川水出西北平川東南注白狼水

自魯水 水經注自魯水導西北遠山東南注白狼水

按白狼水下流經今朝陽縣即三座塔廳此高平川水自魯水東南

注白狼水當在今朝陽縣境

陰涼河 遼史天祚紀天慶七年自燕至陰涼河置軍營金史地理

志大定縣松山縣皆有陰涼河元一統志陰涼河在松州南四十里

發源興州界女嶺經由州境流與高州塗河即土河今名老河合

按此當在今赤峰縣即烏蘭哈達廳南境發源流經平泉州即八溝廳屬喀

喇沁右翼西北境東流逕大寧故城之北

琵琶川 曾公亮武經總要本匈奴別種居陰涼川後徙居琵琶

川在幽州東北數百里古北口之北遼史地理志利州阜谷縣唐末

契丹漸熾役使奚人遷居琵琶川統和四年置縣

按利州爲今建昌縣即塔子溝南境地則此水當亦不遠

陷河 遼史地理志澤州太祖俘蔚州民立寨居之採煉陷河銀冶

按澤州爲今平泉州即八溝地則陷河亦當在州境

松山川 遼史地理志松州松山縣有松山川

按金史地理志之松山縣元史地理志及元一統志之松州皆

不載松山川以松山州方位考之當在今赤峰縣即烏蘭境

神射泉 遼史地理志興中府有神射泉

按元一統志謂天授皇帝嘗獵獲一香麝因名其泉曰神射當

在今朝陽縣即三座塔境

麥務川 遼史地理志興中府象雷縣以麥務川置

按此當在今朝陽縣即三座塔廳境

霽靄河 金史世宗紀右副元帥完顏默音舊作完顏謀衍今改正敗鄂哈舊作窩幹今改正

於霽靄河赫舍哩志寧舊作紇石烈志寧今改正傳鄂哈敗於長灤遂西

走志寧追及於霽靄河大破之

速魯古淀 金史鄂哈傳鄂哈入奚部時時出兵寇速魯古淀古北

口興化之間

按此當在古北口外與灤平即喀喇屯廳豐寧即四旗廳兩縣為近

沁河 金史地理志大定府富庶縣有沁河元一統志沁河自富庶

縣西四十里小澗流經縣治西南一里許東流四十里合於凌河

按富庶縣在今平泉州即八溝廳西北則沁河亦當在州西北境

撒馬水 元一統志撒馬水在大寧縣西北四十里關十步遼太祖

時牧馬於此因名源出撒馬峪東流經縣境一百五十里合於塗河

按此當在今平泉州即八溝廳屬大寧故城北境

荊水 元一統志荊水自金源縣界流入建州經州東北荊山下故名下流合於凌河

境

按此當發源今平泉州即八溝廳東北境東南流入朝陽縣即三座塔廳

境

碓紫河 元一統志碓紫河在金源縣西三里源出寺家莊西南

三十步平地涌出溢而成川流經縣西一里許東南流九十里入建

州界合於凌河

按此當發源平泉州即八溝廳東北境東南流入朝陽縣即三座塔廳境

與荊水形勢畧同

青龍河 元一統志青龍河發源惠和縣五十里麻場寨南二里澗

流經縣南一百步又北流五十里入高州界

按此當發源建昌縣即塔子溝廳東北流入赤峰縣即烏蘭哈達廳境

虎河 元一統志虎河發源武平縣西南六十里葫蘆山流經縣之
霸州舖合于遙刺河

按此當在朝陽縣即三座塔西北境

芍藥河 元一統志芍藥河在利州東五十里源自芍藥莊山谷間
出東流合于凌河

按此當在建昌縣即塔子溝東境

狗水 元一統志狗水在惠州東一百八十里源自指頭山崖出東
流一百二十里入利州界合于凌河

按此當發源平泉州即八溝南境東流入建昌縣即塔子溝境

百里水 元一統志百里水在川州東二十里自迤北三叉口經州
境沿流一百里故名東流入義州界

按此當在朝陽縣即三座塔東北境

清水河 元一統志清水河在川州西北五里源出西北七十里紅

土寨

按此當在朝陽縣

即三塔塔座

北境

白羊河

元一統志白羊河源出興州樺皮嶺流入松州與落馬河

合流達高州塗河

按此當發源承德府

即熱河廳

北境東流入赤峰縣

即烏蘭哈達廳

境

鋤刃河

元一統志鋤刃河在松州北二十里發源興州界流經州

境不與落馬河合

按此亦當發源承德府

即熱河廳

北境東流入赤峰縣

即烏蘭哈達廳

境與

白羊河形勢畧同

欽定熱河志卷七十二

欽定熱河志卷七十三

學校一

教化之行建首善自京師始蓋以京師王化之基

聲教所先也熱河自

聖祖肇建山莊成成都成邑我

皇上率修

前典歲時獮狩萬國來同瞻就

雲日無異

京輦乃發

德音興建學校改設府縣立師儒之官廣選造之額

恩綸稠疊規制大備伏讀

御製碑記及記事釋奠諸詩於禮樂百年之興三致意焉猗歟盛美

千載一時也臣等叨奉

屬車伏觀此邦人士蹈詠

鴻儀沐浴

聖化謹次立學緣起志學校第十一其考棚書院亦附列焉

御製文

熱河

文廟碑記 己亥

丙申夏駐蹕熱河避暑山莊曹秀先以禮部尙書扈從幾暇召見談及時政秀先云臣春卿也在職言職以爲此處宜興學校以造就士朕曰俞哉亦其時矣於是乎有設學之旨於是乎有加額之恩學校既設則

文廟亟宜建乃命相地伐材卜吉鳩工宮牆泮水殿廡禮樂一如制越二年己亥夏朕以來巡親

釋奠而落成之夫熱河固自古關塞以外荒畧之區也雖金遼有興

州之稱然旋舉旋廢建置沿革率不可考而況有臯比之傳絃誦之聲哉是以我

皇祖每年避暑於此亦不過名之曰山莊故有

聚民至萬家之句蓋於禮樂興未免

存待以百年之意今則耕桑日以闢戶口日以滋以幅員計之不啻數千里而版籍或逾十萬焉此而無學以牖民迪俗豈宜

祖猷揚

聖化之道今西域烏魯木齊等處率置郡縣立學校以此較彼爲尤近矣則茲

文廟之建於時於地胥不可緩亦不待人之請而後行稱之曰熱河文廟者今雖升之曰承德府從其朔紀其因也昔蘇軾作韓愈碑記云公之神在天下如水之在地中予謂韓愈因文見道我

夫子體道垂文韓愈之所因者即

夫子之所垂而見猶待乎行體則其本也且水在地中尙待求而得之我

夫子乃天之經地之義山之峙海之淵無日不在人人心目之中範圍曲成而不遺豈待穿鑿求之而後得然則

木鐸之音孰謂不可覺斯民於關外荒畧之區也哉

御製詩

熱河承德府紀事八韻 有序 己亥

上塞久鍾擅坤輿之勝概神臬特闢萃天府之奧區造化既具此山川分野自呈爲都會溯惟熱河著號因泉溫而紀地靈迨乎承德命名初設州而今置府緬昔

經營文囿始成避暑之莊及余纘習武功斯佇行秋之典烟井萬家而遞衍盈寧既叶履豐禮樂百年而後興教化亦徵日盛作廟準省

垣之制

熱河先建城隍廟像設祀典悉視保定省城

建學崇

孔子之堂文治甫彰賢書遂薦廼詔銓曹而集議悉依內地之成科
首廳遷郡守之階即資統轄餘屬分牧令之職仍帶原銜人因舊而
制則惟新規模於焉大備官不增而事無所廢庶政因之益修顧兩
載已隔鳴鑾茲五月復臨駐蹕覽歡迎之士庶愈懷

祖德之培植撫肇錫之班聯恆凜泰符之熙治用吟長律兼識大凡
皇祖初名避暑莊熱河數典那云忘萬家烟火昔成聚皇祖熱河詩有聚民

至萬家之句今不啻數倍矣千里幅員今闢疆承德建州癸丑始丙申陞府繼

先獲因之擇地立

文廟遂以育賢起學庠信是百年興禮樂欣其比戶富農桑漫猜林

本鹿豕藪試看家增絃誦場朔定安興軍湖古遠於此置北安州與化軍屬中京大定府

金改興州寧朔軍屬北京路

豐灤建赤縣分傍熱河陞為承德府統轄六屬並改八溝廳為平泉州四旗廳為豐寧縣喀喇河屯廳為灤平縣三座

塔應為赤峰縣仍兼同知通判原銜咸隸承德府撫茲樂利蒙

麻者保泰惟殷敬不違

文廟釋奠禮成有述

聖祖於斯避暑曾養恬樂利被黎蒸閭閻此日較前盛禮樂百年以

後興爰建

廟堂欣慶落載因釋奠仰

依憑菁莪雅化捷影響已有庠間俊秀升

丁酉秋順天鄉試即有熱河生員中式者

丙申夏詔於熱河興建文廟並定各廳入學額數

謹按

文廟碑記熱河承德府紀事八韻詩俱

御書刻石

文廟釋奠禮成有述詩刻屏懸掛

乾隆四十一年八月內閣奉

上諭朕每歲木蘭秋獮先期駐蹕熱河數十年來見該處戶口日增

民生富庶且農耕蕃殖市肆殷闐儼然成一都會惟絃誦之風未盛由於口外之多樸魯無所師承且未另立學額更無以示鼓舞因思熱河各廳所屬編氓及僑居年久者其子弟應不乏秀良誠能教育而振興之未嘗不足以示造就自宜勗設義學延師訓課以勵文風並當建立學宮酌定庠額俾得藉以上進其如何興建籌辦著該督周元理悉心勘議具奏至學校章程並著會商學政羅源漢酌議奏聞副朕嘉惠塞民廣學毓材至意欽此

謹按先是熱河於雍正年間改設承德州乾隆三年議設學額至七年裁州歸密雲縣考試詳見部議各條下

四十二年十二月內閣奉

上諭前據周元理奏熱河請添建考棚俾七廳所屬士子生童得以就近應試事屬可行但工程事宜地方官素未諳習辦理恐未能妥協所有熱河考棚工程著派劉浩辦理欽此

四十三年正月內閣奉

上諭熱河地方朕每歲木蘭秋獮先期駐蹕數十年來戶口日增民生富庶且農耕蕃殖市肆殷闐其秀民並知蒸蒸向化絃誦相聞現已興建學宮議定庠額並命設立考棚將來人文日盛已儼然成一大都會而名稱仍熱河之舊殊於體制未協因思熱河從前曾稱爲承德州嗣後應改爲承德府卽以熱河同知改設其廨署并無庸另建其餘六廳如八溝較大似應改爲知州喀喇河屯等廳酌量改縣均隸新設之承德府管轄并隸熱河道考核著傳諭周元理將應行酌改各事宜悉心籌畫妥議具奏候朕另降諭旨將此諭令知之欽此

四十四年五月內閣奉

上諭熱河自

皇祖建立山莊以來迄今六十餘年戶口日滋耕桑益闢儼然一大

都會禮樂百年而後興此正其時曾於丙申秋降旨添設學校書院
加廣庠額以教育而振興之並相地鳩工建立
文廟茲鑾輅來巡適屆落成親詣行

釋奠禮宮牆泮水間青袍環列彬彬雅可觀從此文化益當蒸蒸日上盛
第現在庠生已有五十餘人均應與順天鄉試雖丁酉科曾經中式
一人但邊外士子樸魯者多恐尙未能與通省貝字號卷校藝獲售
著加恩照宣化府之例另編承字號每科鄉試取中舉人一名俾士
子知上進有階愈加鼓舞俟將來文風漸盛人數多至百餘名該督
臣學臣再行奏聞增額以示嘉惠上塞士林多方樂育至意欽此

設學事宜

乾隆三年議准熱河於雍正年間設立承德州未經建學今該州邊
立義學延師訓課童生至二百五六十名自應量設學額照奉天新
設州學例歲科考各取文章六名歲考取進武童四名額設廩增各

十名以逐年考試優等生員漸次充補俟廩額補足時三年一貢至八溝四旗同知通判所轄之漢人亦准一體與考其寄居流寓之人不得混冒

七年承德州裁生童歸併密雲縣考試

乾隆四十一年十月禮部等部議准熱河建立學宮事宜

一
文廟地基奉

旨指定熱河城隍廟之東其工程事務交工程處辦理所有大成殿明倫堂等處仿照內地規制應行相度建造之處統聽管工程大臣辦理

一每廳各設義學一處延請品學兼優之士分司訓課其束修膳金並生童膏火等項銀兩俟建設義學後按年報部動支

一從前承德州學額取進文童六名武童四名其時祇有熱河喀喇

河屯二處童生應試今七廳地廣人多較前已增數倍自應變通加額俾知奮勉嗣後歲科二考熱河一廳每試取進文章四名其餘六廳各取進二名歲考武童減半取進將來人文日盛如應酌議增廣再行請

旨辦理

一熱河生童向係歸併密雲在通州應考今仍照舊考試將來人數日增應否於熱河地方添建考棚之處再行請

旨辦理其鄉試一體編入順天北貝取中

一七廳總設道學教授一員額定廩生十六名每逢歲科二考將優等生員挨次拔補俟廩額補足照例三年挨貢一次十二年拔貢一次

一熱河本無土著凡流寓民人身家清白寄籍二十年者俱准考試初考童生之時尙無廩保應令各廳查明飭取地隣保結收考取定

名數申送道考由道轉送學政考取入學將來廩額補足之後照例令廩生保結其有現在口外居住業於密雲等處入學者准其報名改歸熱河應試

十一月管工程處尙書英廉等奏准恭查熱河建立

文廟臣等遵照奏准燙樣按例詳細估計得熱河城隍廟之東新建文廟大成殿五間碑亭三間大成門五間崇聖祠五間東西配廡各十一間尊經閣五間犧牲所三間省牲亭一間明倫堂五間東西齋房各七間教授衙署一所泮池一處橋一座櫺星門一座東西牌坊二座大成殿前月臺一座焚帛爐一座門樓四座等項估需銀七萬三千二百二十九兩二錢請在熱河存貯備工銀內支用其應造龕案神牌籩豆供器及樂器舞儀等項應會同禮部太常寺查明另行辦理再查此項工程係在熱河地方修建請派熱河道明山保就近會同臣等派出之司員一同敬謹妥協辦理於彈壓稽查並錢糧工

程均有裨益

十二月禮部奏准熱河地方每歲夏秋爲

聖駕巡幸之所今

特興饗序廣勵師儒文物聲名宜從美備現經臣英廉等照

國學大成殿龕案陳設款式遵

旨辦理所有兩廡及

崇聖祠龕案並各神牌位次均照

太學成式製造安設至祭品樂器及一切供器等項除所供

特頒周時法物外臣等謹查照

太學所用各器另補細冊交臣英廉等如式製造再查

太學例用文舞生三十六人樂生五十三人執事生二十八人應會

熱河道轉飭所屬慎重遴選照

太學名數充補由太常寺酌量揀派熟諳音律禮儀者前往教習如

恭遇

皇上駐蹕熱河或

親詣行禮或

遣官行禮樂章照

太學所奏其香帛祭品應請照致祭

闕里之例由地方官備辦若係該地方官承祭之時所用樂章祭品

等項均照直省學宮辦理

四十三年三月吏部等部議准將喀喇河屯廳改爲灤平縣八

溝廳改爲平泉州四旗廳改爲豐寧縣塔子溝改爲建昌縣烏蘭哈

達廳改爲赤峰縣三座塔廳改爲朝陽縣熱河道學教授改爲承德

府教授又現奉

諭旨建造考棚俾生童得以就近應試其原定入學名數尙少應再


行加增承德府原額四名加增二名其六州縣原額二名各加增二

名俱隸承德府學俟將來六州縣入學人數漸多另於各處建學以昭

聖世同文之化

七月吏部等部議准承德府屬各州縣童生照例錄送承德府覆試其府境童生該府考後即送學臣考試毋庸再由道轉送又府州縣增設學額所需貢生旗廬並文武舉人進士盤費坊價等項銀兩在通省額設留支銀內撥給

圖全廟文



文廟在承德府治之東東西牌坊各一座向東額曰教垂萬世曰道
洽八埏向西額曰執中含和曰參天兩地中櫺星門牌樓一座額曰
化成久道內泮池一大成門一座內碑亭一大成殿五楹正位奉
至聖先師孔子神位

御書額曰廣大中和聯曰有開必先冠古今而垂教化無思不服合
內外以振文章四配祀復聖顏子宗聖曾子述聖子思子亞聖孟子
十二哲祀先賢閔子冉子冉子宰子端木子冉子仲子言子卜子顓
孫子有子朱子東廡十一楹祀先賢蘧澹臺滅明原憲南宮适商
瞿漆雕開司馬耕梁鱸冉儒伯虔冉季漆雕徒父膝雕哆公西赤任
不齊公良儒公肩定鄒單罕父黑榮旗左人郢鄭國原亢廉潔叔仲
會公西輿如邾巽陳亢琴張步叔乘秦非顏噲顏何縣亶樂正克萬
章周敦頤程顥邵雍先儒公羊高伏勝董仲舒后蒼杜子春諸葛亮
王通范仲淹歐陽修楊時羅從彥李侗呂祖謙蔡沈陳淳魏了翁王

柏趙復許謙吳澄胡居仁王守仁羅欽順西廡十一楹祀先賢林放
宓不齊公冶長公皙哀高柴樊須商澤巫馬施顏辛曹卹公孫龍秦
商顏高壤駟赤石作蜀公夏首后處奚容蒧顏祖句井疆秦祖縣成
公祖句茲燕伋樂欬狄黑孔忠公西蒧顏之僕施之常申棖左邱明
秦冉牧皮公都子公孫丑張載程頤先儒穀梁赤高堂生孔安國毛
萇鄭康成范甯韓愈胡瑗司馬光尹焯胡安國張栻陸九淵黃幹眞
德秀何基陳澔金履祥許衡薛瑄陳獻章蔡清陸龍其

崇聖祠五楹祀

肇聖王木金父公

裕聖王祈父公

詒聖王防叔公

昌聖王伯夏公

啓聖王叔梁公先賢顏氏曾氏孔氏孟氏先儒周輔成程珦蔡元定

張迪朱松

文廟東首

御座一所

宮門一座垂花門一座尊經閣五楹神廚一座神庫一座犧牲亭一間

文廟西首學門一座垂花門一座東西齋房各七楹東曰進德曰日新西曰修業曰時習明倫堂五楹教授署一所

釋奠儀注

四十四年五月

上駐蹕熱河時

文廟落成丁未

親詣行釋奠禮

上御龍袍補服乘輿出

行宮入大成左門降輿贊引對引官恭引盥洗由殿中階進典儀官
唱樂舞生就位執事官各司其事贊引官奏就位

上詣拜位立典儀官唱迎

神司香官捧香盒向上立唱樂官唱迎

神樂奏昭平之章司香官進至香案傍跪贊引官奏上香

上詣

先師孔子香案前上香畢復位立分獻官就四配十二哲位前上香
畢各復位立

上行二跪六拜禮典儀官唱奠帛爵行初獻禮獻帛爵官各捧帛爵
向上立唱樂官唱初獻樂奏宣平之章

上跪讀祝官讀祝文畢

上行三拜禮典儀官唱行亞獻禮唱樂官唱亞獻樂奏秩平之章典
儀官唱行終獻禮唱樂官唱終獻樂奏叙平之章典儀官唱徹饌唱

樂官唱徹饌樂奏懿平之章典儀官唱送

神唱樂官唱送

神樂奏德平之章

上行二跪六拜禮典儀官唱捧祝帛香饌恭送燎位

上轉立東旁望燎復位立贊引官奏禮畢對引官恭導

上升輿還

宮禮成

賜順天學政汪廷璣大緞一紗一承德府教授米天瑛舉人薛聯元
生員陸光儒等紗葛有差

賜太常寺司樂官樂舞生等葛布銀課有差翌日順天學政汪廷璣
率教授舉人生員等

奏謝上言欽惟我

皇上

統備君師

化覃中外

率俾暨光天之下千百國文德同昭

用敷肇建極之原十六字心傳畢貫涉星波以負笈重瀛之紳佩偕
來徧月窟而橫經遠徼之詩書齊肆惟興州之奧壤當朔野之名區
自全輿歸形訓之官遂沃野成甸廛之會駐

軒皇之華蓋豫遊常奉鳴鑾築

堯帝之茨宮會極歡臚合瑞乘六龍而時莅

巡行垂法

祖之猷屯七校以從蒐肆覲展朝宗之典塞田留熱慶數千里匝隴

桑麻

仙館那居看十萬戶環闔烟火班初升於赤縣彌覘地產殷繁志已
藏于皇圖尙軫人文朴畧

念序庠其有制聿遵太學之成模

謂富庶其何加宜迪

聖人之至教因誕敷夫

恩綍俾特建夫新巒度爽塏而初營泮水則半規浮碧峙楹楹以並
作宮牆則萬仞飛翬爰嚴栗主之隆儀仍準戟門之令式禮崇

文廟揭日月以升東號冠熱河紀山川而從朔秀鍾武列知衆派之
同歸瑞拱興安仰高山之在望當採芹而思樂

躬臨甫迓

鸞旗乃

釋菜而觀成展謁還紆

玉輅盈階吉佾儀比園橋列几嘉籩輝分

闕里辨操協奇褒之節啓

萬乘以尊

師陪禮偕奔走之司鏘六成而治禮勒壁窠之鉅榜墨海蟠虬
擣紀事之鴻篇文園翥鳳嚮學而員稱弟子築舒雁之青衿分齋而
職領師儒擁銜鱸之絳帳東西轟舍風廊列號爭排科歲分期棘院
重垣初築席羅廣廈抽毫之晷刻添長榜展藝林鼓篋之姓名增置
臣等班隨扈從獲與趨踰會際鼓徵肅齊觀聽萃名都而陶淑欣依
風雨之大和瞻

盛典以軒鑿長頌星雲之丕煥

又學臣汪廷瓊

奏謝另編鄉試字號中額上言洪惟溫源衍脈涵濡化溯於豐詒仁
嶺鍾英環拱象符于斗運萃神臬之廬井人服先疇沃粵壤之耕桑
戶敦古處由耕而讀蒸然聞一邑絃歌既富且安久矣待百年禮樂
往者畿闡籲俊曾徵擢秀于此邦今茲黌舍增員疊荷

推仁於多士固已

鴻慈高厚合中外而甄陶

文治光華遍膠庠而抃舞復以

翠華莅止迎

鑾輪傾藿之忱丹殿觀成鼓篋引採芹之彥

顧青衿之禮讓

深嘉佩服雍嫺期紫塞之書升猶

匯藝文弇樸敷

作人之雅化同文咸會車書定編號之章程

加惠特宣綸綍沛

新恩於省試一鳴爭護雋之奇準舊例於邊庠七屬與觀光之選企

賢書而自奮入關皆歌鹿而來佇

慶榜之旋開發軼即登龍而上日新月盛將聯翩更叶茅茹霞蔚雲

蒸庶藹吉盡成桐萃

臣幸逢

盛際備荷

隆施頌雲漢於

中天鼓春風于

大造勗肆三之始業願諸生勉副旁求仰

御六之時行慶全郡遙臻

郅治

欽定熱河志卷七十三

欽定熱河志卷七十四

學校二

順治九年二月禮部題奉

欽依刊立臥碑曉示生員朝廷建立學校選取生員免其丁糧厚以廩膳設學院學道學官以教之各衙門以禮相待全要養成賢才以供朝廷之用諸生皆當上報國恩下立人品所有教條開列於後

一 生員之家父母賢智者子當受教父母愚魯或有非爲者子旣讀書明理當再三懇告使父母不陷於危亡

一 生員立志當學爲忠臣清官書史所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入即有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者廳提調官治罪

康熙四十一年正月奉

上諭國家建立學校原以興行教化作育人才典至渥也朕臨馭以來隆重師儒加意庠序近復慎簡學使釐剔弊端務期風教修明賢

才蔚起庶幾械樸作人之意乃比來士習未端儒效罕著雖因內外臣工奉行未能盡善亦由爾諸生積錮已久粹難改易之故也茲特親製訓言再加警飭爾諸生其敬聽之從來學者先立品行次及文學學術事功源委有叙爾諸生幼聞庭訓長立宮牆朝夕誦讀寧無講究必也躬修實踐砥礪廉隅敦孝順以事親秉忠貞以立志窮經考義勿雜荒誕之談取友親師悉化慤盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言脅制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨勿齒縱倖逃褫扑濫竊章縫返之於衷寧無愧乎況乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻騰沸網利營私種種弊情深可痛恨且夫士子

出身之始尤貴以正若茲厥初拜獻便已作奸犯科則異時敗檢踰
閑何所不至又安望其秉公持正爲國家宣猷樹績膺後先疏附之
選哉朕用嘉惠爾等故不禁反復惓惓茲訓言頒到爾等務共體朕
心恪遵明訓一切痛加改省爭自濯磨積行勤學以圖上進國家三
年登造束帛弓旌不特爾身有榮即爾祖父亦增光寵矣逢時得志
寧俟他求哉若仍視爲具文玩愒勿做毀方躍冶暴棄自甘則是爾
等冥頑無知終不能率教也既負栽培復干咎戾王章具在朕亦不
能爲爾等寬矣自茲以往內而國學外而直省鄉校凡學臣師長皆
有司鐸之責者並宜傳集諸生多方董勸以副朕懷否則職業勿修
咎亦難道勿謂朕言之不預也爾多士尙敬聽之哉

雍正五年三月禮部奏會試舉人叨荷

特恩合詞陳謝奉

上諭朕視天下萬民皆爲一體況讀書鄉薦之人異日俱可作朕股

肱耳目是以朕心待之實有一體聯屬之意愛養培護即如自厚其身此皆出於中心之自然並非欲邀天下士子之感頌也今舉子等以會試叨荷特恩合詞陳謝是尙不能深悉朕一體相關之意而存上下彼此之形跡矣朕待天下惟有一誠而崇儒重道之心尤爲篤切但所崇者皆真儒所重者皆正道若徒尙虛文邀取名譽致貽世道人心之害朕不忍爲也爾等讀書之人實四民之所觀瞻風俗之所維繫果能誦法聖賢躬修實踐宅心正直行己端方則通籍於朝必能爲國家宣猷樹績膺棟梁之選即退處鄉閭亦必能教孝勸忠爲衆人之坊表故士習旣端而人心尙有不正風俗尙有不淳者無是理也爾等旣感朕恩卽當仰體朕心恪遵朕訓爭自濯磨或出或處皆端人正士爲國家所倚賴如此方爲實心報效不在感恩奏謝之儀文也

乾隆五年十一月奉

上諭士爲四民之首而太學者教化所先四方於是觀型焉比者聚
生徒而教育之董以師儒舉古人之成法規條亦既詳備矣獨是科
名聲利之習深入人心積重難返士子所爲汲汲皇皇者惟是之求
而未嘗有志於聖賢之道不知國家以經義取士使多士由聖賢之
言體聖賢之心正欲使之爲聖賢之徒而豈沾沾焉文藝之末哉朱
子同安縣諭學者云學以爲己今之世父所以詔其子兄所以勉其
弟師所以教其弟子弟子之所以學舍科舉之業則無爲也使古人
之學止於如此則凡可以得志於科舉斯已爾所以孜孜焉愛日不
倦以至於死而後已者果何爲而然哉今之士惟不知此以爲苟足
以應有司之求矣則無事於汲汲爲也是以至於惰遊而不知反終
身不能有志於學而君子以爲非士之罪也使教素明於上而學素
講於下則士者固將有以用其力而豈有不勉之患哉諸君苟能致
思於科舉之外而知古人之所以爲學則將有欲罷不能者矣觀朱

子此言洵古今通患夫爲己二字乃入聖之門知爲己則所讀之書一一有益於身心而日用事物之間存養省察闡然自修世俗之紛華靡麗無足動念何患詞章聲譽之能奪志哉況卽爲科舉亦無礙於聖賢之學朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也居今之世雖孔子復生也不免應舉然豈能累孔子耶朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先於辨志志於爲己者聖賢之徒也志於科名者世俗之陋也國家養育人材將用以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而學者知所以學

謹按

訓飭士子

諭旨四通俱刻石恭列

文廟大成門內

四十四年五月

上以熱河

文廟成

特頒內府所藏周時法物十件用光俎豆依

太學例也謹具圖說如左並附以祭器樂器云


文王鼎一 寶尊一 夔鳳鹵一

素洗一 雷紋爵一 叔朕盞一

蟠夔壺一 蟠夔罍一 雷紋觚一

蟬紋盞一


周文王鼎



魯公作文
王尊彝

右高六寸六分深三寸耳高一寸三分闊一寸二分
口縱四寸橫五寸一分腹縱三寸四分橫四寸三分重九
十六兩


周寶尊



寶

右高八寸三分深六寸八分口徑六寸五分腹圍一尺一寸
九分重六十六兩


周夔鳳卣




右通蓋高九寸六分深五寸八分口縱三寸四分橫四寸二分
腹圍一尺六寸八分重一百八兩有提梁

周 素 洗

右高二寸九分深一寸八分口徑五寸九分腹圍一尺九寸五分
重二十二兩兩耳




周雷紋爵



右高六寸深三寸一分口縱五寸橫二寸四分重十
七兩兩柱三足有流有蓋

周叔朕簠



十月初吉庚午叔
朕擇其吉金自
作簠以
稻梁萬年無
疆叔朕肩
壽子子孫孫永
寶用之
廟申止

十月初吉庚午叔
朕擇其吉金自
作簠以
稻梁萬年無
疆叔朕肩
壽子子孫孫永
寶用之

簠
止廟

右通蓋高六寸四分深二寸三分口縱七寸五分橫九寸四分重二百兩


周 蟠 夔 壺

右高九寸六分深八寸七分口徑三寸六分腹圍二尺二寸五分重一百十二兩兩耳連環金銀錯




2559

周 蟠 夔 罍



右通蓋高九寸三分深五寸七分口徑四寸三分腹圍二尺三分重一百五十兩兩耳兩鼻

周雷紋觚



右高八寸二分深五寸二分口徑五寸二分重二十八兩

2561

簋紋蟬周



右通蓋高六寸深三寸二分口縱五寸四分橫七寸三分
腹圍二尺一寸五分重一百六十六兩兩耳四足

祭器

簋一百八十六豆一百八十六蓋四十六簋四十六銅二十四燈一
鼠頭鐻一十八爵一百三十二皆範銅爲之

樂器

鐻鐘一特磬一編鐘一編磬一應鼓一琴六瑟四笙四簫六笛六篪
四壎二排簫二祝一敔一搏拊二麾旛一旌節二籥羽三十六

四十四年六月禮部尙書曹秀先

奏請熱河

文廟落成頒發

聖祖詩文全集

世宗詩文全集

皇上御製文集

御製詩初二三集並

武英殿刊刻

御纂

欽定書籍詩賦時義各編奉

旨交戶部侍郎內務府總管金簡辦理貯熱河

文廟內之尊經閣

聖祖仁皇帝文集一部八函

世宗憲皇帝文集一部二函

聖諭廣訓一部一函

硃批諭旨一部十八函

御製樂善堂全集定本一部二函

御製文初集一部二函

御製詩初集一部四函

御製詩二集一部八函

御製詩三集一部八函

日知薈說一部一函

評鑑闡要一部一函

御製薩爾濟之戰書事一部一函

御纂周易折中一部一函

欽定書經傳說彙纂一部四函

欽定詩經傳說彙纂一部四函

欽定春秋傳說彙纂一部四函

日講易經解義一部一函

日講書經解義一部一函

日講春秋解義一部二函

日講禮記解義一部一函

日講四書解義一部一函

御注孝經一部一函

御定孝經集注一部一函

御定孝經衍義一部三函

御定音韻闡微一部一函

御定康熙字典一部四函

御批資治通鑑綱目一部八函

御纂性理精義一部一函

御纂朱子全書一部四函

御定子史精華一部四函

御定淵鑑類函一部二十函

御定佩文韻府一部二十函

御定韻府拾遺一部二函

御定全唐詩一部十二函

御選古文淵鑑一部四函

御纂周易述義一部一函

御纂詩義折中一部一函

御纂春秋直解一部一函

欽定周官義疏一部七函

欽定儀禮義疏一部八函

欽定禮記義疏一部十函

御製增訂清文鑑一部八函

欽定滿洲蒙古文鑑一部四函

欽定同文韻統一部一函

欽定清漢對音字式一部一函

欽定大清會典一部四函

欽定大清會典則例一部十四函

欽定大清律例一部六函

欽定大清通禮一部一函

皇朝禮器圖一部四函

御選唐宋文醇一部二函

御選唐宋詩醇一部二函

欽定四書文一部三函

周易注疏一部一函

尚書注疏一部一函

毛詩注疏一部二函

左傳注疏一部二函

公羊注疏一部一函

穀梁注疏一部二函

周禮注疏一部二函

儀禮注疏一部二函

禮記注疏一部二函

論語注疏一部一函

孟子注疏一部一函

孝經注疏一部一函

爾雅注疏一部一函

史記一部四函

前漢書一部四函

後漢書一部四函

三國志一部二函

晉書一部三函

宋書一部二函

南齊書一部一函

欽定熱可志

卷七卜四

學校二

古今圖書集成
卷一百一十四

梁書一部一函

陳書一部一函

隋書一部二函

魏書一部三函

北周書一部一函

北齊書一部一函

南史一部二函

北史一部三函

舊唐書一部六函

唐書一部五函

五代史一部一函

宋史一部十函

遼史一部一函

金史一部三函

元史一部五函

欽定明史一部十二函

通典一部六函

通志一部二十函

文獻通考一部十六函


以上共九十二部計三百七十六函

金史卷之四

卷之四


九

圖 棚 考



考棚在承德府治之西大門一座東西聽事房各五楹二門一座東西官廳各三楹龍門一座東西考舍各七楹考堂五楹東西辦事房各六楹後堂五楹東西廂房各三楹照房五楹

秀峰書院圖



2577

秀峰書院在承德府治之東大門一座東西班房各二楹二門一座
五楹東西廂房各三楹講堂五楹

欽定熱河志卷七十四

欽定熱河志卷七十五

藩衛一

國家奄甸萬方蒙古全部編名典屬皆藩衛也志熱河藩衛蓋五十
一旗迤東南諸部而內外扎薩克全部不隸熱河境者弗與焉
在平泉州境爲喀喇沁右翼在赤峰縣境爲翁牛特左右翼其
北兼及巴林在建昌縣境爲喀喇沁左翼及敖漢在朝陽縣境
爲土默特左右翼奈曼其東北兼及喀爾喀左翼諸藩部依邇
塞垣宣勤奉職百餘年來濡沐

皇化板屋農田略同內地恭讀

聖祖御製諸詠我

皇上睿什賡吟於塞外土風周諏爰度至

聖祖行圍詩所載之扎魯特部

皇上御製蒙古土風詩序所載之科爾沁部雖地居熱河北境而壤

界毗連實與內外諸扎薩克同暢

皇風其豐寧縣境之察哈爾四旗不建渠長籍同編戶則附見兵防門不更列云志藩衛第十二

聖祖御製詩

經喀喇沁

古木蒼山路不窮霜林颯沓響秋風臨流駐蹕歸營晚坐看旌門落
照紅

行圍敖漢奈曼扎魯特諸部落

農暇巡侯甸揚旌歷遠途軍容陳七萃武事講三驅永罷防秋戍咸爲首路趨晚來圍獵罷羽衛集平蕪

御製詩

過蒙古諸部

辛酉

巖華峰葉雜丹黃塞上那知道路長霜滿寒林山柿冷烟生毳帳酪

酥香伊歌度曲聞駝背羽箭翻弓射雁行部部賢王顛首望隨行爭羨羽林郎

風來谷口捲雲晴沙漠霜華射眼明冷逼叢林鹿聲壯寒侵淺草馬蹄輕圍成馳射皆驍騎宴罷懽呼達網城服食舊稱方物貢駱漿乳餅總輸誠

過蒙古諸部落

癸亥

葦室氊廬儘可居羊膏酥粥美何如生來未解機關巧渾噩猶存太古初

識路牛羊不用牽下來羣飲碧溪泉兒童騎馬尋亡牯只在東溝西谷邊

咿啞知是過牛車學種嘉禾蔓不鋤看牧獨迴歌勅勒射生雙獲笑軒渠

白草黃榆鴈塞寒最欣初日上槍竿坂藁原芷紛含露名目稭含欲

狀難

三冬九夏一身裘游牧常隨清淺流羊腴馬通生意好緩歌獨漉不

知愁

小兒五歲會騎駝乳餅為糧樂則那忽落輕莎翻得意擲揄學父舞

天魔

獵罷歸來婦子圍露沾秋草鹿初肥折揚共炙傾渾脫醉趁孤鴻馬

上飛

經翁牛特部落 己巳

分界司林圍

木蘭據各部之中凡近游牧之地各出人巡察入圍場伐木及盜獸者適以行圍欲至與安大嶺乃翁牛特

所司之地云

行圍便一過同民誠有愧為穿底教訛

塞外之地豈可計里然行時習武適同靈

圍上林而已獨是伐木盜獸有罪云爾

部落輸誠久屏藩効力多相於禁剪

伐更且謹誰何除道心猶悚近光肩欲摩善為安畜牧永久沐恩波

經喀爾沁部落 甲戌

列帳沿岡道左迎羊羣馬酪各將誠親藩衆建堪同例外域羈縻豈
近情漫擬星辰環北極也知稼穡望西成百年化育皆
先德繼緒心殷惕捧盈

板升 有序

蒙古語音以穉廬爲格爾以土瓦屋爲拜牲板升者蓋拜牲之
訛也穉廬其舊俗而土瓦屋則近代始有之內地流民至此率
仍屋處明季因以是爲苦蓋視板升儼如畏甌脫矣

韋講毳幕禦風雨那識上棟及下宇天津啼鳥風自南荒畧漸開知
室處遠漠仍少近塞多居然村落連岡阿肉食酪漿易舊俗刀耕火
種期嘉禾貧民無業利遷徙山田易藝資生理苟勤耕鑿戒潢池到
處孰非吾赤子遐想明季非承平畏胡不已畏板升帑餉未逮持戟
士邊將邊功猶請兵邱富趙全資敵用烽火連營蹙提封惟因日引
以月長安在馭輕而居重板升今日猶昔年阡陌滋闢皆良田諸部

左右屬囊鞬黎民瞻就蹕路邊詰戎咨穉愷澤宣慎茲大寶萬葉傳

入敖漢境

據嶺分疆異清塵灑道同後先咸奉職誠敬自由衷漸見牛羊牧仍
欣禾黍豐時巡慎侯度繼序念

戎功

敖漢台吉彭蘇克拉錫能詩書以賜之

出守黃沙塞入趨白玉墀

命在乾清
門侍直

幾曾金翕叔入侍解吟詩

土默特

部名雖異族類同犬牙相入分提封執役鞠膾皆虔恭百年休息鬯
皇風致茲豈易凜予衷

蒙古土風雜詠十二首 有序

甲戌東巡由熱河出中關即入喀爾沁境經敖漢奈曼土默特
科爾沁諸部匝月迺至吉林所見塞外土風多有可紀隨事命

題各疏小序得七言律詩十二首亦周爰諷度之義也

乳筩

以皮爲之平底豐下而稍銳其上捋乳盛之於取攜爲便

形似罌瓶製以皮渾淪不慮漏卮遺牛羊幸過春艱後塞地春寒青草未出牲畜

乏食疲瘦惟婦子羣欣夏掬時何必雲漿需玉斧也憐龍種繼金羈

春候爲最艱乳馬羊乳皆資飲食而捋酒惟馬牛馬爲佳羈其駒方可捋其牝也本來原是其中物彼此胡然判轉

移

荒田

農作非蒙古本業今承平日久所至多依山爲田既播種則四

出游牧射獵收穫乃歸耘耨之術皆所不講俗云靠天田

本是射生游牧地即今漸亦重農田耨耘未識各勤力豐歉惟云總

賴天出逐草泉長夏裏歸臨銍艾九秋前耕而鹵莽報鹵莽塞穡觀

餘始信然

鄂博

蒙古不建祠廟山川神示著靈應者纍石象山家縣帛以致禱

報賽則植木為表謂之鄂博過者無敢犯

路口山頭壘石磷心常依處地常神雨查達復晴查達凡祈雨祈晴皆在此蒙古

謂之查達土偶人嗤木偶人引馬折旋噴莫犯從禽屢獲福還申春秋報

賽雖荒畧依約猶存土鼓幽

革囊

以革為之用代筐筥罌盃食用鉅細無所不納行汲或以貯水

涉川則挾之肘間亂流以濟或謂之皮餽飽蓋俗呼也

紉革為囊號庫奴出蒙古語精粗器用此中俱豈須錦緣去聲還絲管無過

茶鑪及飯盃詩句清新記耶律辯言談謔幸侏儒經緇四十二章過

乍可因之悟幻軀

柴車

取材於山不加刻斲輪轅器具以牛駕之行則鴉軋有聲如小舟欵乃

斲木椎輪雖太質服牛引重利偏多似機鴉軋繞鳴室疑櫓伊吾旋渡河自是驅馳輸駿馬未教負載讓明駝沿岡銜尾徐徐進可號山中鼓吹過

骨占

炙羊肩骨視其兆以占吉凶猶古龜卜

爛頭爛胃蹴蔬羊取骨爲占以火揚額視便因看墨坼心虔率可定災祥古方畧異太人卜紛議非關待詔郎不用何妨識其事至平易裏至奇藏

馬竿

生駒未就羈勒放逸不可致以長竿繫繩縻致之蒙古最熟其技

金定齋河志 卷十五
八尺高竿繫以繩提攜最致馬奔騰轡銜詭去無端逸駒駝牽來有
獨能詎祇空羣誇伯樂恰如把釣遇嚴陵龍媒莫怨生羈絡不爾安
從駿驥稱

兒板

兒生在襁褓中令臥板上韋束其兩臂倚氊廬壁間啼則搖之
徙居則縣之馳裝之後

毳幕生兒亦可憐背眠木板革提肩倒縳縱免身狼藉卓立因成足
鵠拳氊廁便爲衣去聲裳具乳酥即是洗盆錢移居那慮風霜冒襁褓

呱呱駝上懸

灰簡

木削兩簡編韋聯之稍剝其中塗油而布以灰作字畢則拭去
而更布之有古漆簡之風

約束從來祇語言右行文字肇興元既成旋拭新書便剝木塗油古

質存漬竹揮非蒼頡字韋編絕豈仲尼門分明汗簡遺風在儒士徒
觀不解論

竹筆

蒙古產毫穎而未得縛筆之法削竹木漬墨作書

削竹成尖漬墨揮殊塗漆簡卻同歸儘饒毛穎誰封管恰似蒙恬未

合圍荒畧粗分今與昨魯魚孰辨是耶非穹廬筆策赤書就

國語筆帖式即

蒙古語筆策赤謂能書字者驛傳每用之 郵遞還從馬上飛

口琴

製如鐵鉗貫鐵絲其中銜齒牙間以指撥絲成聲宛轉頓挫有

笙瑟韻

絃皮手撥管蘆吹口上彈琴乃鐵爲宛合宮商憑兩葉亦堪攫醜祇
單絲高山流水分明在鳳尾龍唇非所知綽爾濟歌天魔舞毳廬馬
搆醉闕氏

轉經

蒙古奉佛惟謹木輪中貫鐵樞可轉動集梵經於輪間大者支木架以手推之小者持而搖之旋轉如風謂一轉功德與持誦

一過等

印成十二部真文轉法輪稱佛所欣孰半字還孰滿字即熏聞已即成聞隨風旋轉揚黃教蒙古謂喇嘛為黃教見必膜拜度世娑婆遍塞垠如此翻經

誠甚易釋迦何用雪山勤

冒頓行 癸未

冒頓讀墨毒其義不可曉馬遷及班顏撰注徒紛擾內扎薩克中一旗曰土默特音近之今部落即古部落字謬千里差毫釐年年供役來隨園勤劬効力一月歸亦居拜牲亦耕耦爾老爾老幼爾幼叶平城之事夢亦無安知漢廟城墻走

蒙古田 壬寅

蒙古昔種田撒種委之去謂曰靠天收秋成返刈穫叶其去非無因

或獵或考牧叶而今則不然均習耘耨務課雨與量晴不殊三農慮

然實廢牧獵斯亦忘其故青海更甚茲飲酒安眠豫田獵牧俱懈窮

番攘且懼黑帳房番人本畏蒙古今青海蒙古耽樂圖安轉有被番

併令莫忘舊俗喀爾喀地冷無可事耕作牧獵尙所勤古風猶未除新附者

知耕習都爾伯特和碩特及土爾扈特皆厄魯特地道不齊固卻類內

札薩衣食漸富庶叶版升圖安居何異齊民趣隱思苟用彼豈彼先

民素時蒙古語以稽廬為格爾以土瓦屋為拜牲板升蓋拜牲之說明

從加防範時蒙古語以稽廬為格爾以土瓦屋為拜牲板升蓋拜牲之說明

能封寧王鎮守三衛永樂靖難時尙藉其力因割地以償前勞後世不

所畏者比勤耕力作與編戶齊民無異是今之蒙古實非漢唐宋明然

而解橫去聲行得在失間寓中外計胥厘達者不言論

欽定熱河志卷七十六

藩衛二

藩衛以熱河諸部爲尤近我

皇上歲舉秋田依

光咫尺乃者

特詔國史館會同理藩院採輯各蒙古王公部落事蹟編列表傳追
闡成勞俾垂簡冊矧茲熱河近部千里同風謹稽原始列爲表
志云爾

藩衛表

喀喇沁

多羅郡 始封貝子晉封今爵

多羅貝勒 始封鎮國公晉封今爵

鎮國公 始封貝子後降今爵

輔國公

公品級 始封塔布囊後晉今爵

古魯思奇布色楞

崇德元年始封貝子世襲順治七年晉封多羅貝勒

順治五年始封為鎮國公世襲

呼圖靈阿 僧袞扎布子乾隆七年襲固山貝勒十四年降鎮國公二十年復封貝子

羅布藏車布格勒爾 登 雍正元年封輔國公

圖巴色楞

古魯思奇布子順治十五年襲

伍特巴喇 十四年襲公

濟克濟特扎布 復封貝子

喇布坦 羅布藏車布登子乾隆九年襲

喀寧阿 格勒爾所養伊弟之子康熙五十九年襲

班達爾沙

圖巴色楞弟康熙三年襲七年晉封多羅郡王

善穆巴喇什 伍特巴喇弟康熙三十年襲公五十五年晉封為固山貝子

布 呼圖靈阿子乾隆四十四年仍襲鎮國公

拉扎布 喇布坦子乾隆二十一年仍降襲

齊齊克 喀寧阿子乾隆五年襲十九年賞給公品級

扎什

班達爾沙兄康

瑪哈巴拉

噶爾藏
照十一年襲
扎什子康熙四
十三年襲後以
罪削爵

色楞
噶爾藏弟康熙
五十年襲

伊達木扎布
色楞子康熙五
十六年襲

拉特納錫第
伊達木扎布子
乾隆四年襲

僧袞扎布
善穆巴喇什子
康熙五十六年
襲固山貝子雍
正九年晉封為
多羅貝勒乾隆
七年將貝勒分
為貝子一公一
其二子分襲

多羅貝勒
初襲鎮
國公後
晉今爵

扎拉豐阿
僧袞扎布子呼
圖靈阿弟乾隆
七年襲輔國公
二十年晉封郡
王以罪削爵二
十四年復封貝
子四十四年晉

敏珠爾拉布
初由鎮國公
晉封貝子後
仍降今爵

丹怎達爾扎
敏珠爾拉布坦

達穆巴
雍正九年以陣
亡追封並世襲

丹津
達穆巴子雍正
十年襲

托克托呼
達穆巴子雍正
十年襲

齊齊克子乾隆
十年襲

封貝勒

子乾隆二十五年降襲鎮國公

溫都爾呼

丹津子乾隆十八年襲
托克托呼弟乾隆二十二年襲

有
片
孝
子
示
身
十
一
フ

三

翁多羅郡王

多羅貝勒
始封貝子後晉今爵

固山貝子

鎮國公

索音

崇德元年始封
多羅杜陵郡王

東

崇德元年始封
達爾漢岱青貝子世襲

額爾德尼

雍正十一年封

噶爾瑪

國初以軍功封
世襲

特

博多和

索音孫順治二年襲

肯特爾

東子順治五年襲

巴爾丹

額爾德尼子乾隆十一年襲

查罕岱

噶爾瑪子順治五年襲

畢禮袞達賴

博多和子順治十八年襲

叟色

肯特爾弟順治十一年襲慶熙元年晉封貝勒

土門巴彥

巴爾丹子乾隆三十七年襲

奇塔特

查罕岱子順治十六年襲

倉津

畢禮袞達賴子康熙三十二年襲雍正五年以罪削爵

額林沁

叟色子康熙二十二年襲

齊旺多爾濟

奇塔特子康熙四十一年襲

索諾木

齊旺多爾濟子康熙四十五年襲

鄂齊爾

齊爾

額爾德布鄂

次定熱可志

卷二十一

藩衛表

9

倉津之叔雍正

五年襲

額林沁子康熙

二十六年襲

羅布藏

額齊爾子雍正

十一年襲

朋素克

額爾德布鄂爾

齊子雍正八年

齊旺

羅布藏子乾隆

三年襲

諾爾布扎木

素

布達扎布

齊旺子乾隆三

年襲

朋素克子乾隆

三十一年襲

旺舒克

布達扎布子乾

隆四十二年襲

貢格拉布坦

索諾木子乾隆

六年襲

特 默 土

多羅貝 始封鎮國公晉封今爵
固山貝 始封鎮國公後晉今爵

善巴

崇德元年始封
鎮國公世襲

卓里克圖

善巴子順治十
四年襲康熙元
年晉封多羅貝
勒

兆圖

卓里克圖子康
熙十三年襲

額爾德木圖

兆圖子康熙十
四年襲

瑪尼

古穆

順治五年封鎮
國公康熙元年

袁濟斯托布

古穆子康熙十
三年襲三十
一年以罪削爵

拉斯察布

袁濟斯扎布兄
康熙三十一年
襲

班第

拉斯察布子康
熙三十七年襲

哈穆噶巴雅

藩衛表

額爾德木圖子
康熙四十二年

襲
班第子康熙四
十九年襲

阿喇布坦

馬尼子康熙五
十二年襲

索諾木巴爾

珠爾

阿喇布坦孫乾
隆五年襲

喀爾喀多羅

貝勒

附土默特旗

巴爾冰布圖

康熙四年封世

索諾木

襲

斯呼朗圖

班第子康熙四
十九年襲

吹扎布

哈穆噶巴雅斯
呼朗圖子乾隆

三十六年襲

色布騰洞魯

布

吹扎布子乾隆
三十九年襲

巴爾冰布圖子

康熙七年製

羅布藏達穆

巴

索諾木子康熙

三十一年製

班達林沁

羅布藏達穆巴

子康熙六十一

年製

哀布多爾濟

班達林沁子乾

隆二十二年製

金
匄
業
源
記

卷
十
一
ノ

ノ

漢 敖

多羅郡王

班第

崇德元年封世襲

墨爾根巴圖魯

魯

班第子順治四年襲

扎木素

墨爾根巴圖魯子康熙十一年襲

垂木丕爾

扎木素子康熙四十七年襲

垂濟拉什

多羅郡王

密濟克

順治五年封世襲康熙五年以罪削爵

布達

密濟克弟康熙五年襲

薩木丕勒

布達子康熙十三年襲

阿敏達賴

薩木丕勒子康熙二十八年襲

額森孟克

阿敏達賴弟康熙

固山貝子
初由輔國公晉封至多羅貝勒後降今爵

羅布藏

雍正七年封輔國公十年以軍功封固山貝子乾隆八年晉封多羅貝勒

垂濟扎爾

羅布藏子乾隆十八年降襲貝子

固山貝子
初封輔國公後晉今爵

羅布藏什拉

布

乾隆二十四年封輔國公三十七年晉鎮國公四十年晉封貝子

輔國公

桑濟扎爾

乾隆十八年封

大清高宗

聖祖

藩衛表

垂木丕爾子乾

隆十五年襲

照二十九年襲
達什達爾扎

巴特瑪拉什

垂濟拉什子乾

額森孟克弟康
照三十年襲
瓦爾達

巴爾丹

巴特瑪拉什子

乾隆三十八年襲

達什達爾從弟
弟康熙四十三
年襲

鄂爾追圖

瓦爾達從弟康

拉什喇布坦

照四十四年襲
鄂爾追圖子乾

齊默特洛瓦

隆十三年襲
拉什喇布坦子

乾隆四十四年襲

奈多羅郡王

曼

袞楚克

崇德元年封世

襲

阿罕

袞楚克世子順

治十年襲十七

年以罪削其爵

其弟扎木山襲

康熙十四年復

以罪削爵以其

長兄巴達里子

鄂齊爾襲

扎克山

袞楚克三子阿

罕弟順治十七

年襲康熙十四

年以罪削爵

卷一百一十五

藩衛表

藩衛表

鄂齊爾

阿罕扎木山之

兄巴達里子康

熙十四年襲

班第

鄂齊爾子康熙

二十七年襲

垂忠

班第子康熙四

十六年襲六十

年以罪削爵

阿雜拉

垂忠弟康熙六

十年襲

拉旺喇布坦

阿雜拉子乾隆

二十二年襲

巴多羅郡始封輔國公晉封今爵

林塞布騰

順治五年封輔國公七年晉封多羅郡王世襲

鄂齊爾

塞布騰子康熙七年襲

那木達克

鄂齊爾子康熙二十三年襲

烏爾袞

那木達克弟康熙四十四年襲

里木布

烏爾袞子雍正元年襲後以罪

固山貝子

滿珠習里

順治五年封世襲

烏爾占

滿珠習里子康熙十二年襲

鄂齊爾桑

烏爾占子康熙四十五年襲

巴特瑪

鄂齊爾桑子康熙五十八年襲

諾門額爾合圖

巴特瑪子乾隆

輔國初由輔國公晉王爵後仍襲今爵

林沁

乾隆八年封後晉王爵

德勒克

林沁子乾隆二十一年襲輔國公

次定熟可志

卷七十六

滿衛表

九

金... 卷... 一... 一... 一...

桑里達

創府

里木布叔雍正八年襲

林沁

桑里達子初封

輔國公乾隆十三年襲十九年

加親王品級

巴圖

林沁子乾隆二十一年仍襲郡

王

達色

三年襲

諾門額爾合圖弟乾隆八年襲

濟

達色子乾隆十二年襲

二年襲

固山貝子

塞稜

初封固山貝子

世襲年代無考

鄂恩崇

塞稜子順治五年襲

額爾德尼

鄂恩崇子康熙

二十八年襲

扎什那木塔

爾

額爾德尼子康

熙五十年襲

車林敦多克

扎什那木塔爾

子乾隆十二年

襲

多爾濟拉布

坦

車林敦多克子

乾隆十七年襲

金
文
系
列
二

身
一
一
一

十

喀多羅貝勒

爾古木布伊爾

喀登

康熙三年封世

左

襲

翼羅布藏

古木布伊爾登

子康熙二十一

年襲

噶爾桑

衷對子康熙五

十八年襲

阿玉爾

噶爾桑子乾隆

二十四年襲

欽定熱可志

察心下

藩衛表

十一

喀喇沁

喀喇沁在平泉州

即八溝廳

建昌縣

即搭子溝廳

境內明初以元後烏梁海

舊作

兀良哈今改正

置外衛自全寧歷喜峰近宣府朵顏衛地在大寧衛北永樂

初以大寧地賜三衛部長遂內徙此為朵顏衛所據後併於察哈爾

以地予其塔布囊是為喀喇沁我

朝天聰二年塔布囊蘇布地借色楞等舉部歸誠編為左右翼二旗

康熙四十四年又增設扎薩克一旗凡三旗右翼旗在平泉州

即八溝廳

西北境東至土默特右翼及敖漢界西至熱河及圍場界南至平泉

州及左翼旗界北至翁牛特右翼界增設之扎薩克一旗在即右翼

之中左翼旗在建昌縣

即搭子溝廳

南境東至錦州府邊門界西至平泉

州界南至永平府邊牆界北至右翼旗界其封爵則有多羅郡王多

羅貝勒鎮國公輔國公頭等塔布囊公品級諸號

多羅郡王 崇德元年始封蘇布地之子古魯思奇布為貝子賜號

多羅杜稜世襲掌右翼扎薩克事順治七年晉封爲多羅貝勒康熙七年晉封其子班達爾沙爲多羅郡王

多羅貝勒 順治五年始封色楞爲鎮國公世襲掌左翼扎薩克事康熙五十五年晉封其孫善穆巴喇什爲固山貝子雍正九年晉封善穆巴喇什之子僧袞扎布爲多羅貝勒

又乾隆七年僧袞扎布之子扎拉豐阿封爲輔國公二十年晉封郡王以罪削爵二十四年復封固山貝子四十四年晉封貝勒

鎮國公 乾隆七年封僧袞扎布之子呼圖靈阿爲固山貝子十四年降鎮國公四十四年呼圖靈阿之子濟克濟特扎布襲鎮國公

又乾隆八年封右翼旗之敏珠爾拉布坦爲輔國公二十四年晉封固山貝子二十五年敏珠爾拉布坦之子丹怎達爾扎降襲鎮國公輔國公 雍正九年封右翼旗之羅布藏車布登爲輔國公雍正九年以扎薩克旗之頭等塔布囊達穆巴陣亡追封輔國公世襲

扎薩克頭等塔布囊公品級 康熙四十四年以格勒爾部所繁盛
增至三十八佐領別置一旗封爲頭等塔布囊掌本旗扎薩克事五
十九年格勒爾所養伊弟之子喀寧阿襲乾隆十九年賞給喀寧阿
之子齊克公品級

按雍正十年別封喀喇沁旗屬額爾德尼爲輔國公後無襲附
識於此

翁牛特

翁牛特在赤峰縣

即烏蘭
哈達廳

境明初爲烏梁海地後自稱翁牛特我

朝天聰七年其濟農索音偕貝勒東等舉部歸誠編爲左右翼二旗
右翼旗東至敖漢及左翼旗界西至圍場界南至喀喇沁右翼界北
至左翼旗及克什克騰界左翼旗東至阿祿科爾沁及奈曼界西至
右翼旗及克什克騰界南至敖漢界北至巴林界其封爵則有多羅
郡王多羅貝勒固山貝子鎮國公諸號

多羅郡王 崇德元年始封索音爲多羅杜稜郡王世襲掌右翼扎

薩克事雍正五年索音之四世孫倉津以罪削爵以其叔鄂齊爾襲

鄂齊爾於康熙六十一年封輔國公鄂晉封固山貝子至是襲郡王其子羅布藏于雍正五年襲爵爲固山貝子十年晉封多羅貝勒至

十一年襲郡王

多羅貝勒 崇德元年始封東爲多羅達爾罕岱青貝子世襲掌左

翼扎薩克事康熙元年晉封其子叟色爲貝勒

固山貝子 雍正十一年封右翼旗之額爾德尼爲固山貝子

鎮國公 國初有噶爾瑪率屬來歸且立軍功封爲鎮國公入右翼

旗世襲

土默特

土默特在朝陽縣即三座塔廳境明初以元後烏梁海置外衛自義州歷

廣寧至遼河曰泰寧衛即以其部長掌衛事其地本在營州衛北永

樂初徙衛於內地此爲泰寧衛所據嘉靖以後小王子之裔居此者

號曰土蠻是爲東土默特我

朝天聰三年台吉俄木布偕塔布囊善巴等舉部歸誠後編爲左右翼二旗右翼旗東至錦州府邊門及左翼旗界西至喀喇沁右翼界南至喀喇沁左翼界北至敖漢及奈曼界左翼旗東至楊柳木牧廠界西至右翼旗界南至義州邊門界北至喀爾喀左翼界其封爵則有多羅貝勒固山貝子諸號其喀爾喀多羅貝勒附焉

多羅貝勒 崇德元年始封善巴爲鎮國公賜號多羅達爾罕世襲掌左翼扎薩克事康熙元年晉封其子卓里克圖爲多羅貝勒

固山貝子 順治五年封古穆爲鎮國公世襲掌左翼扎薩克事康熙元年晉封爲固山貝子

喀爾喀多羅貝勒 康熙四年有喀爾喀台吉巴爾布冰圖因喀爾喀內亂率屬來歸附入土默特旗內封爲多羅貝勒世襲

敖漢

敖漢在建昌縣

即塔子溝廳

北境明代爲喀爾喀所據後分與其弟號曰

敖漢素屬於察哈爾我

朝天聰元年其貝勒塞臣卓里克圖舉部歸誠編爲一旗其地東至奈曼界西至喀喇沁右翼界南至土默特右翼界北至翁牛特左翼界其封爵則有多羅郡王固山貝子輔國公諸號

多羅郡王 崇德元年始封塞臣卓里克圖之子班第爲多羅郡王世襲掌本旗扎薩克事又國初有索諾木杜稜因察哈爾之亂率屬來歸且立軍功順治五年始封其子密濟克爲多羅郡王世襲

固山貝子 雍正七年封固山額駙羅布藏爲輔國公十年以軍功晉封爲固山貝子乾隆八年晉封多羅貝勒十八年羅布藏之子垂濟扎爾降襲貝子

又乾隆二十四年封羅布藏什拉布爲輔國公三十七年晉鎮國公四十年晉封貝子

輔國公 乾隆十八年封桑濟扎爾爲輔國公

奈曼

奈曼在朝陽縣

即三座塔廳

北境明時爲喀爾喀所據後分與其弟號曰

奈曼素屬於察哈爾我

朝天聰元年其台吉袞楚克舉部歸誠編爲一旗其地東至喀爾喀左翼界西至敖漢界南至土默特界北至翁牛特界其封爵則有多

羅郡王

多羅郡王

崇德元年始封袞楚爲多羅達爾罕郡王世襲掌本旗

扎薩克事

按康熙十四年別封奈曼旗屬烏勒木濟爲固山貝子格勒爾爲輔國公並於三十七年削爵無襲附識於此

巴林

巴林在赤峰縣

即烏蘭哈達廳

北境明初爲烏梁海地後爲巴林部據與喀

爾喀爲兄弟行素屬於察哈爾我

朝天聰二年其貝勒塞特里偕滿珠習里舉部歸誠編爲左右翼二旗其地東至阿祿科爾沁界西至克什克騰界北至烏朱穆秦界南至翁牛特界其封爵有多羅郡王固山貝子輔國公諸號

多羅郡王 順治五年始封塞特里之子塞布騰爲輔國公七年以額駙晉多羅郡王世襲雍正元年其四世孫里木布以罪削爵八年以里木布之叔輔國公桑里達襲封郡王乾隆十九年桑里達之子林沁

恩加親王品級二十一年林沁之子巴圖仍襲郡王

固山貝子 順治五年始封滿珠習里爲固山貝子世襲

又封塞稜爲固山貝子年代無考並世襲

輔國公 乾隆八年封林沁爲輔國公後晉郡王

見前郡王條下

二十一年

林沁之子德勒克襲輔國公

喀爾喀左翼

喀爾喀左翼在朝陽縣

即三座塔廳

東北境明時爲喀爾喀貝勒古木布

伊爾登所居素屬西路扎薩克圖汗後與扎薩克圖汗有隙我

朝康熙三年舉部歸誠編爲一旗稱喀爾喀左翼其地東至科爾沁

界西至奈曼界南至土默特界北至扎魯特界其封爵則有多羅貝

勒

多羅貝勒

康熙三年始封古木布伊爾登爲多羅貝勒世襲

欽定熱河志卷七十六

欽定熱河志卷七十七

寺廟一

寺廟之在

山莊內者靈山寶地

聖蹟留貽如永佑寺所以推

恩薦福水月菴諸寺廟所以垂示勝因也其在

山莊外者覲揚

祖烈輪奐如新諸藩度構精廬延洪錫羨則溥仁溥善之建自康熙
癸巳始我

皇上繼

武延祺武成再告絕徼歸誠則有普寧安遠諸刹之建而普陀宗乘

尤爲莊嚴鉅麗當秋獮

駐蹕諸部臚歡瞻禮咸仰

光華乃者班禪額爾德尼來

覲祝

釐特建須彌福壽之廟琳宮屹峙勝槩益增洵乎會八部龍天而讚
誦遍百神河嶽以皈依矣至於叢祠名刹祀典攸存碑篆未泯
其在承德府境內者如前燕之龍翔寺北魏之堯祠白鹿山祠
遼之臥佛寺金之三學寺元之鎮國林泉諸寺稽諸史冊足資
考証者並載於篇志寺廟第十三

欽定熱河志卷七十七

寺廟一


永佑寺

水月菴

金
友
素
引
一
身
十
一
十

二

永佑寺



永佑寺 在山莊內萬樹園乾隆十六年建南嚮聯額皆

御書門外樹坊三中日仁壽世界曰慈悲法門東曰法瞻龍象曰錫
振雷音西曰優曇耀采曰簷蔔霏香門三楹額曰永佑寺入門
前殿五楹供彌勒佛額曰住世慈緣聯曰得現一切色身善應
常修智方便成就甚深慧力普明獨證法圓通丹墀列碑二恭

鐫

御製碑文左一通前清文後蒙古文右一通前漢文後西番文後爲
寶輪殿五楹供三世佛八大菩薩額曰法雲眞際聯曰松磴雲
開宛呈眞實相蓮池月朗長印妙明心配殿東曰妙覺西曰慧
照又後殿五楹供無量壽佛額曰身心平等配殿東曰普惠西
曰廣仁其東爲能仁殿額曰無畏清涼聯曰凡有爲中皆幻相
到無心處是眞禪後殿之北拔地窳天爲舍利塔額曰妙蓮湧
座八方各有聯南曰佛幢結鬘安禪竟僧帽披雲禮梵初東南

曰觚稜日上槃承露鈴鐸風迴座散花東曰屹峙錘峰標宰塔
分流濡水指神州東北曰浮圖煥彩神明舍塞苑祥開納鉢天
北曰戶外七星羅玉宇園中萬樹拱珠標西北曰積雪全消橫
遠嶺浮雲淨卷俯高樓西曰夕靄明邊雁臺出晨霞起處鷲峰
來西南曰挂簷新月參三點射角明河映九層塔凡九層層各
有額曰初禪精進曰二諦超宗曰三乘臻上曰四花寶積曰五
智會因曰六通普覺曰七果圓成曰八部護持曰九天香界第
一層東北壁恭刻

御製詩塔後豐碑屹立面南鐫

御製永佑寺舍利塔記面北鐫

御製避暑山莊百韻詩并序面塔殿三楹聯曰軒庭懸舜日巖壑蔚
龍光上有樓正中恭奉

聖祖仁皇帝御容

上每至山莊必先詣展拜乾隆二十七年秋八月二十三日恭遇

世宗憲皇帝諱辰

上思慕齋居情殷優愴爰奉

御容於樓之東楹至日

躬親瞻仰用申依戀樓西偏精藍三楹爲寫心精舍額曰日就月將

聯曰今昔感頻增緒茲風露寸分陰並惜寄彼縹緗爲恭謁

神御時臨憇之所寺基在甫田叢樾之東左傍

宮牆後環列水樂成閣峙其東北春好軒敞其東南松牖雲扃花香

鳥語誠龍象之福區也

御製文

永佑寺碑文 辛未

昔如來以法王御世宏濟人天徧現十方虛空不住顧其安立道場
必在靈山寶地鷲峰鹿苑精舍莊嚴蓋聖蹟所留尤福祐之所聚矣

我

皇祖聖祖仁皇帝以無量壽佛示現轉輪聖王福慧威神超軼無上
省方覽勝乃瞻熱河建山莊爲清暑地因巖壑自然之勢示茅茨不
剪之規

養性怡神從容總理而風雷之所鼓動雨露之所涵濡神化周通不
疾而速猶佛之林間燕坐灑落安禪而說法則聲震大千度生則施
治羣有也予小子蚤年隨侍仰見我

皇祖清晏娛遊無逸乃逸對時育物天地同流至於今彈指三十餘
年秋獮之餘時復稅駕於此松雲如舊棖桷翹瞻感

陟降之在庭思報

恩而薦福遂即山莊內萬樹園之地創立精藍爰名永佑固不特鐘
魚梵唄足令三十六景借證聲聞我

皇祖聖日所照千秋萬歲後子孫臣庶無不永如在之思是即釋迦

之耆闍崛山金剛法座天龍擁護相好依然而朕之繩

武寧

親祝

釐養

志者於是乎託庶其無忝

前志云爾

永佑寺舍利塔記 甲申

自辛未奉

慈輦南巡於夫招提蘭若轉輪祝

釐無不虔掖

金根隨喜檀界乃識所謂金陵之報恩武陵之六和歸而欲肖之以

延

鴻算無何而一不戒於火其一將成而圯龜玉毀於櫝有司者不能

辭其責也雖然予豈肯以工作微過而責人於是一無所問且或者如形家之言北方其誠不可如南方之爲塔乎則有誌過之作永罷塔而弗爲然同時之建於熱河之永佑寺者不可中止恐其蹈轍乃命拆其弗堅及築不如式者而概易之石越十歲甲申窳塔乃成巋然時於避暑山莊較京師爲尤北則堪輿風水之論固不足憑此亦默有以啓予之心不必信八會地節之濫陳禍福以聳聽乎若夫工匠於未經試繩墨者棘手矐目亦人情之常不必畏難塗廢而棄前功於無用也然是塔經營之初實爲四衛拉特來歸西師籌畫之始至自今大功告成伊犁耕牧日以開闢而堵波法輪舍利迴煥所謂有志者事必成儒釋雖殊途其理則一也茲故詳誌其事而於刹工僧祇化城福田之說則畧之抑以金剛六如雖調御相好有所弗屑何有於塔也塔陰泐避暑山莊百韻詩敬闡

皇祖巡狩之義欲以示範永世乃予本意後人讀是碑者當以繼

武詰戎爲兢兢政不必以闡象教期利益爲亟亟則恩過半矣
御製詩

永佑寺瞻禮

皇祖神御感成長句 己卯

靈臺經始庶民攻逐處

奎章仰

聖蹤

神御肇禋思

所喜

祖恩如昨報何從恬文嬉武戒常凜揚

烈觀光志益恭三十七年春鼓夢涼風白日感重重

永佑寺瞻拜

神御作 癸未

次定熱可忌

卷二十一 寺廟

八

永佑義從恩佑建

考容敬奉

祖容旁

山莊以皇祖素喜游憩之地於甲戌年即恭奉御每來必展拜去歲始敬擬並奉皇考御容茲至山莊

祇謁行禮維欽

雲日心無斃益勵繼繩志不遑樂利男耕將女織

昭回水態與山光年年萬樹宴新附敢曰能承少謝藎

永佑寺瞻拜

神御作 甲申

下馬先瞻

神御宮觀揚惟切一心中砌蟲仍是向來韻庭樹又披今度風穹塔

傑碑落巍煥

是年舍利塔初落成碑以誌事

祖功

宗德並高崇幸逢秋穡將登稔待歲殷懷

昔日同千畝山田待歲豐
皇祖御製詩句也

永佑寺瞻拜

神御作乞酉

上塞如中禁奉尊

神御同虔瞻又隔歲翹想切微衷砌浥秋花露簾掀古樹風

勳華垂萬禩佑啓賴無窮

永佑寺瞻禮

神御紀事丙戌

祖功

宗德萬年垂每致欽瞻有所思問已庶幾未隕越勤民詎日致雍熙
於今率土猶懷

惠自昔爲君重繼

貽堂額紀

次定熱可志

卷七十七

寺廟一

七

恩御園創合將事例述於斯康熙壬寅春皇考奉侍宴以予名祖于

開遂蒙 睿願育之宮中其年即扈侍山莊 賜居於萬壑松

風日承 提命歷夏閱秋為時最久今歲於御園顏堂曰紀 業勉

副之為記以述承 神恩所自始 付記所游重而誌予競業勉

感慕 用申 神御迴溯昔蹤將於舊所居室亦仿御園題額

永佑寺瞻拜

神御有述 丁亥

羹牆猶想像

雲日近昭臨每至先瞻謁無違善繼心秋風今古颯庭樹歲年侵蒙

業安惟永持盈敬益深

詣永佑寺瞻禮

神御 戊子

神御欽如在山莊況

所欣萬年

家法示永衣去聲

德音聞過雨山容淨拂風花氣芬樓前呈色相依舊似歌薰

永佑寺瞻禮 庚寅

神御崇居雲日懸到來謁必致誠虔萬方樂利恆貽後百世繼繩可忘

前遊豫倍思稚齡日春秋閱忽六旬年明朝更值重讀詔每逢皇考忌辰

必敬讀十五年恆如一日也遺詔三撫已追懷倍黯然

永佑寺瞻禮 辛卯

一年一度仰

如雲是日秋風豁霽氛綠水青山恆悅

聖繩

前啓後示爲君幼齡

恩育那能忘望歲虔求祇益勤將撫新來行慶賞庶幾昭鑒有餘欣

金天集卷之十一

永佑寺瞻禮 壬辰

層樓

神御仰

雲天午日當庭塔影懸

祖德

宗功誠浩浩肯堂矧構益乾乾壁題幸有柔遐句

去歲瞻禮有將撫
新來行慶賞庶幾

昭鑒有餘欣之句謂土爾扈特
歸順也去歲未來者以今秋宴賚之

途況欣成穫麥篇新附更番逮

朝覲優恩三接例依前

永佑寺瞻禮

神御敬成長句 癸巳

大田膏雨喜優霑至止山莊景倍添永佑拜參據悃懷重樓傑峙聳

清嚴承

先示後惟存敬保泰持盈在守謙默祝

慈寧

錫康健年年欣慶奉

來瞻

永佑寺瞻禮

甲午

禮固從來由義行到斯瞻仰敬據誠僣然見矣欽

神御久以化之慙

顧成水鏡雲紳昔

聖蹟田耕井鑿此民情承庥蒙業惟勤豐遑敢云云望郅平

漢史顧成之名師古己斥服虔之非即應劭所云制度卑狹若
顧望而成於義亦無所取卑宮室則可卑宗廟則不可也獨如
淳謂若尙書之顧命爲近之蓋顧命者顧子孫而命之顧成者
顧子孫之守成耳然身存而爲廟漢諸帝遂以爲家法斯實不
經因用此字並申其說如右

永佑寺瞻禮 乙未

繼繩何處不欽思

知遇偏深此地悲四十年哉 以即位言之 有成愧六旬歲矣故吾嚙雖云

旰食還宵衣 去聲 未致民安與物熙永佑即今祈

佑者軍營早晚遞紅旗

永佑寺瞻禮 丙申

下馬先據瞻禮誠

層樓神御曉曦晶屢申此日養

親志敬法

當年避暑情夕惕朝乾敢或懈勅幾律已戒其盈紅旗三捷歌耆定

祈

佑叨

恩幸武成 昨歲瞻禮句云永佑即今祈 佑者軍營早晚遞紅旗 自去秋及春紅旗三捷逆黨全俘 武成者定茲展謁之下

彌威 神御垂麻惟益凜持
盈敬承 嘉賜於無敬耳

永佑寺瞻禮 己亥

至止先茲瞻禮虔

祖功

宗德日中天惟欽

巍蕩垂萬世不覺光陰閱兩年頗幸雨暘以時若正愁隄堰未工堅

自去歲七月河決儀封之十六堡屢築屢衝至今尙未合龍深以為慮 今朝肅操申誠處為憶前番益

淚漣

永佑寺瞻禮 庚子

功祖

德宗垂萬禩年年謁必於初來以云無忝惟欽爾設曰有恢實愧哉

此際拜茵多感慨前巡掖

輦異追陪敢增

神御蹈豐昵松鶴

齋名 母昔時所御

惟應一寫哀

永佑寺瞻禮 辛丑

皇祖當年喜此居自應

神御奉如初禮因義起言思彼

仁以

憲章事叔予至必先瞻欽繼述念惟切已敢舒徐不期梗化回猖亂

復此有征盼捷書

撒拉爾番回肆逆昨阿桂奏派海蘭察明亮等帶

領阿拉山馬兵及屯練兵由龍尾山繞至華林山

額南斜撲賊卡又派舒亮等帶滿漢奮勇兵過溝由山南直壓賊卡

三次攪戰約殺賊六十一名現擬於初九初十兩日剋期

山莊

皇祖創垂崇到必虔瞻申緬衷詎祇

几筵欽奮蹟益思宵旰最微躬渴懷傳說霖為雨漫擬重華薰鼓風

塞外行宮奉

神御皇清威德古誰同

登永佑寺舍利塔作歌 甲申

玲瓏九層塔江南則夥江北無我因南巡忽欲肖傑構曾做六和報
 恩之塔於京都一圯一燬終弗蕝厥事亦吟誌過之作語出於衷實
 非誣同時建於此者乃無恙鑒前轍命改築爲以徐閱十年斯巍然
 成窳堵秋巡拾級乃得暢意觀宏模八窗洞達琉璃道會非枝撐蔽
 虧之處尋幽途上造天門通顯氣其下惟有青雲扶列水咫尺細似
 帶塞山遙拱圍如乳豎窮萬古橫遍十方界到此一彈指頃皆空諸
 何況形家之言本誕幻區分南北爲拘墟 是塔與京師所建同時經始或因二塔適然中輟
 於形家南北異宜之說不知山莊更在 京師之北又何以稱記中已詳見之 試看舍利光煥永佑轟林閭
 因之詰戎馭遠懷久圖

登舍利塔 乙酉

千仞俯瑤林九層聳玉臺金輪昨初就石闕此重去聲開八窗朗洞達
萬級拾崔巍西戶齊山縈東欄憑水迴拱積出雲霞鈴響驚風雷兩
足忘微勞一心無點埃於以泯色相乃復愛徘徊欲待夜深時應有
神燈來

聖母登舍利塔恭紀

壬辰

永佑寺中舍利塔

聖慈每到必斯登

八旬有一如常健

億萬斯年信可徵

天與壽因

德與壽歡無勝更望無勝九層窣堵夫何幸視

履恆瞻

福履增

六月朔日紀事

甲午

昨晚霖霑曉霽兮爽風落宇曙光霽良時歌以掖

慈輦朔旦因之

禮拓提

即招提也
見增輝記

大德躬應五福備

高年塔復九層躋

永佑寺內舍利塔高九層其巔今年聖壽八旬有三躋陟如常實萬年

福壽之慶一層祇祝增千歲

聖壽當同宰塔齊

恭侍

聖母登舍利塔喜而成什

丙申

山莊朝爽了無炎

慈輦梵宮奉

拜瞻

曼壽已登八十五堵波猶陟九層尖似此

健步佛仙佑益切衷心愛慶兼

大德自應具四得千秋彤史孰曾覘

寫心精舍作 癸酉

叢樾建蕭寺

甫田叢樾三十六景之一地既平敞爰建精舍名曰永佑以誌皇祖之恩於無窮

精舍構其

側名寺曰永佑寫心舍之額一時此徘徊千秋誌

恩澤流水與行雲夫何有無迹

寫心精舍 乙亥

欲因山水覓知音精舍居然向碧林大塊何曾鎮韜蘊高秋常自效

深沈翠烟低處巖鳴鹿白浪衝開渚下禽觸緒由來成靜觀去聲不知

寫者更何心

寫心精舍 丁丑

精舍傍花宮面勢向平楚橫室就喬柯結宇依淨土不聞香梵音雅

愛幽禽語閒者有餘樂予惟無逸所宵旰念民瘼拮据繩
祖武偶藉詠卷阿寫心良可觀

寫心精舍 戊寅

層樓奉

神御精舍構其右寫心則不無繼

武誠奚有言念甫齟齬何以蒙

恩厚

聖顧直注今敢不勗授受勤政勵涉躬籌治惠黔首安內逮厥外慎
始要以久惟是

羹牆瞻矐乎益覺後

寫心精舍 庚辰

每到瞻

神御因教憇寫心卅年忽成古

一念注於今敢不益黽勉安能忘敬欽怡情曰山水未矣詎知音

寫心精舍 辛巳

每至思

皇祖今朝

皇考思益深悲

序繼實恐負

謀貽武幸臻耆定豐惟祈屢綏向誰寫心是無我息肩時

八月二十三日

皇考忌辰題寫心精舍 壬午

去歲園前駐去歲此日亦今年園後來永思嘆時迅迴憶輒神摧

祖德貽遊豫

宗功仰擴恢並當奉

神御恆此寫心哀

寫心精舍 癸未

精舍永佑旁向曾名寫心問心於何寫繼述予日欽勤民視如傷畏
天凜難謹崇文慮文恬詰武戒武淫

祖功與

宗德如日月照臨游巡貴有事寧在盤山林

寫心精舍得句 癸巳

永佑寺中此精舍瞻拜禮畢恆憩臨愾如聞悲饑如見
顯以昔愧承以今空空色祇山月照謾謾庭遞松風吟把筆不知何
所道付之風月寫予心

寫心精舍 甲午

此而懷

昔此居今心寫那更去聲曰寫心逝水光陰無喻速

如天承顯祇生欽庭曦仍是

恩暉照林籟寧非

解慍音少小惟知侍

色笑何期鬢髮亦霜侵

寫心精舍 乙未

精舍永佑寺之旁寺之爲言義可詳詎止祇園修象教試看大理與
太常古人定名原有以久假不歸屬緇黃祈佑在此豈在彼紹庭陟
降思時覆我欲寫心弗忍寫中心藏之何日忘

寫心精舍 丙申

萬事及萬物無不由心者心爲一切本則皆心寫也而此曰寫心殊
覺風牛馬然亦有可說義或出般若色空即空色寫心即心寫過者
是去年來者爲今夏而皆不可得孰真復孰假

寫心精舍作 己亥

神御樓之側精舍幽而雅每因成小憩近率逢盛夏 叶山靜日方長

景合子西也槐陰及松籟別我兩年者胡爲如是乎撫心不能寫

寫心精舍作 辛丑

神御樓側置精舍我向題額名寫心瞻拜之餘此小憩思袖繹昔
至今曰悲曰慕曰繩繼恐致隕越臨難謀適百里半九十里慎終如
始惕益深寸田尺宅萬幾蘊

家法一字無踰欽

寫心精舍 壬寅

書屋曰寫心問心如何寫繩繼固瞠乎安阜總茫也即如河之決瓠

子歌愁惹屢望屢債事絕望益沒把 豫省堵築青龍崗漫口屢敗于

勢爲改弦更張之計嗣據阿桂奏請于蘭陽三堡至商邱添築南隄

一道開挑引河導水下注商邱歸入正河大溜勢必全掣約于秋冬
事 間竣 改弦別引河成在秋冬者此際豈真恕我豈民誠捨

水月庵



水月菴 在山莊內西北隅東嚮門外石坊一

御書額曰光涵上下聯曰印不即離間是相非相悟最澄明處內空
外空後額曰圓徹中邊聯曰山靜塵清水參如是觀天高雲浮
月喻本來心門額刻石爲水月菴內殿三楹供水月大士相額
曰普陀善現聯曰雲岫無心參自在石泉不垢見真如菴當西
嶺深處山之半曰山心精舍由精舍後達西嶺山巔一笠登陟
愈高爲放鶴亭云

御製詩

水月庵 壬午

一嶺迴隔西東竺庵石徑曲通如是花宮林下何殊寶月水中真機
不藉僧梵清華亦有松風空翠庭陰忽落問誰習寂義公

水月庵

水月竺庵如是住山心精舍適於旁欲因動靜標仁智不向異同論

幻常

水月庵

癸未

一區竺宇萬山中無路其間有路通是水何妨皆是月如如大士坐
觀空

過嶺遂至水月庵

甲申

一障隔東西陟高易降低因乘功倍局遂步熟由蹊石棧曾非遠竺
庵宛若俛夕陽別嶺上滿谷晚涼淒

水月庵

乙酉

飛來懸宇駐啣嘈大似廣寒霄漢高試看崖枝將礪葉也如碧海舞
波濤

水月庵

丙戌

梵區本在萬山中達觀去聲原如水月同下界每因翹絕頂廣寒何異
麗虛空不生波處心恆定大寂光天相去聲總融未可於斯便止步

檀林有路還通

下東嶺遂至水月庵 丁亥

自西降東謂之下自東升西謂之上東西升降本何常由人謂之遂成象日之夕矣降東宜步步陰鋪就涼爽竺庵水月碧山凹恰似冰輪呈滌沉適纔較量胥戲談大士如如不動想

水月庵 戊子

樹色千峯翠浪流花宮懸是廣寒秋於中大士如如坐問爾起心分別不

水月庵 己丑

逕似虹橋有路登月天天水映空澄來瞻恰值中元節燃百千燈祇一燈

過東嶺遂至水月庵 辛卯

自東而升嶺謂西自西而升嶺謂東崇岡橫拖豈有改以人分別致

不同適坐夕佳樓名攬山氣爛爛葉影翻丹翠秋暄未免意向涼圖就
峰陰皜曦避巖樓已自高近天畧陟數武嶺造巔由斯就下乃甚易
峰陰步步隨人遷熱則喜涼寒喜暖誰恆其情誰知滿水月庵中大
士云如來轉物物轉

水月庵 壬辰

波翻萬樹碧瀛同如是中間梵宇通水月漫言虛想像琉璃界本廣
寒宮

水月庵 癸巳

憩息既已久陟降亦言歸山棧下盤旋林光鎖翠微竹庵當路中依
巖闢禪扉屏營禮大士水月相法依稀是室豈維摩不希花雨飛

水月庵 甲午

盤磴下崇椒岵嶠更幾曲就平得小庵弗莊嚴尙樸白衣坐大士如
月水中浴言一猶不可何況以二目解者曰千江真成狗尾續

水月庵 丙申

盤旋仄棧落斜深路便歸途
竺宇尋大士蓮花鬚上坐如如常聽海潮音

山心精舍 辛巳

山心有招提恰是水月中
大士坐如如清浮衆香醇返聞得真寂孰
髓孰爲骨蔚翠自有常受虛總無竭適從西嶺下聊就北齋歇即目
與題名匪云學禪悅

山心精舍 壬午

信步入山深窈窕延幽賞攢簇羅諸峰變幻含萬象風吹林葉多秋
肅鹿聲響白泉細愈颯丹楓疎益朗精舍竺庵旁計地纔盈丈披牕
數衆奇歷若指諸掌

山心精舍

灑然精舍築山陲小憩雲窗攬衆奇雙嶺迴環作闌闌一峰孤柱是

鑪錘化工眞閱烟霞表道筦非從色象窺不約而來塌爾去普門水
月證無爲

山心精舍 癸未

舍構半山腰如月水中養暑熱不屢登爲在雲間仰今朝陰而風巖
扉覺颯爽因之命筭輿數聲入息資緣上歷險欣得夷入狹攬益廣種
松纔拱把期以凌霄長

山心精舍 甲申

四隣青障護一逕白雲穿精舍花宮側虛窗月宇懸種松期合抱放
鶴任昂肩憩坐觀元化錘峰正面前

山心精舍 乙酉

精舍普門傍趣佳委宛藏鹿聲隔林聽鶴羽向風翔東澗落漲水西
巖隱夕陽攀躋原覺熱憩坐頓生涼

山心精舍 丙戌

水月庵邊構精舍秋山四面此爲心向東一綫開虛白正暎鍾峰返
照臨

山心精舍 丁亥

庵傍精舍衆山心翠展屏風具四臨觸目何曾勞應接興懷惟是契
深沈收雲萬樹生新色過雨千谿吐細音著句便成成便去所欣芥
惹了無侵

山心精舍 戊子

林嵐窅映處精舍構其間到此意爲寂偶然幾值閒空青淨秋氣潑
黛沐峰鬢安得長居是佺喬與往還

山心精舍 辛卯

菴旁精舍號山心繚曲因之復窈深庭有香泥鹿留跡樹多嘉蔭鳥
耽吟一窗風月偶來往四壁詩書自古今瞥眼不知幾閱歲種松枝
幹已森森

山心精舍

壬辰

菴旁精舍在久矣號山心地靜宜成憩徑通不藉尋峰猶落伽境樹
是海潮音願力知無分去聲隨緣且獨吟

山心精舍

癸巳

子輿氏有言心之官則思是舍山之心其思當屬誰窗色納山光新
題隣舊詞是即其思否精舍曰不知

山心精舍

甲午

水月菴傍精舍山心自我名之彼水固爲假彼斯山豈是真斯昨去
今來偶爾花香鳥語不移足識安心竟矣會麼慧可大師

山心精舍

乙未

陟降就畝平精舍仍山心菁蔥雖四圍隙處具俯臨假借以爲名其
義原可尋取象良爲山其德止則湛在止於至善正心聖經箴豈徒
緣賞佳吾將勉自今

山心精舍 丙申

竺宇邊傍精舍構坐欣九夏似深秋不因儒墨尋陳迹已忘去聲荃蹄
此偶遊忽遇來親林下鹿可呼相狎海中鷗山門正與東峰對謂鍾峰
鑪錘之間看舉頭

山心精舍 庚子

精舍構山心悠然靜且深以遙不常到偶暇一相尋窗納縈青態庭
饒空翠陰鹿聲聞弗見疊樹鎖林岑

山心精舍 壬寅

仄逕盤迴下輿人亦已勞憩言有精舍遊目值秋高闕始豁隨現放
彌卷密韜山心我心得無物此中撓

放鶴亭 壬午

或有貢鶴者綵籠巧莊校曳尾途中龜笥藏非本好艱飛羽已翦仰
食喉空叫憐其類乘軒榮不存所樂叶深山叢樾間放去任騰掉一

金 卷 之 一
第 十 一
歲養翼成二歲和子效原在山莊中施亦有佳報林家明聖致張氏
雲龍調於我何有焉我意其明告既以遂烟霞亦以省梁稻叶貴適
生物性非學幽人操

放鶴亭對鶴作歌 癸未

去年放鶴因名亭今年鶴在如有情棲松友鹿頗適性餐風飲露已
養翎四柱何曾與爲檻鶴自不去生吾感豈伊猶憶稻梁恩此而放
之翻覺慊嗟哉物類有若斯掉頭去者誠何爲

放鶴亭放歌

山心已陟半山高案衍西嶺實不遙過嶺即可造創得事半功倍難
辭勞適百里者半九十自畫未可中路拋因之賈勇復前進或輿或
步爲清遯小亭又在嶺之半去年放鶴因名標鶴去不知向何處中
銷拍手徒呼招爾又非張氏之僮林氏僕翩然羽客豈能俛首逐逐
隨爾曹

戲題放鶴亭用今春雲龍山放鶴亭韻 乙酉

相如一笠構山巔放鶴亭茲第四傳前詩雲龍瀛嶼虎邱巔都有亭

笑我題詩亦已屢幾曾高致似坡仙

欽定熱河志卷七十七

欽定熱河志卷七十八

寺廟二

碧峰寺

栴檀林

彙萬總春廟

鷲雲寺


珠源寺

斗姥閣

靈澤龍王廟

自
天
學
之
正
一
一
一

碧峰寺



碧峰寺 在山莊內碧峰門之左東嚮

御書額曰碧峰寺前爲天王殿內爲正殿前楹額曰法華寶殿殿中
榜曰雲鷲香臺聯曰紺宇初開現四禪天寶花積碧峰常靜証
三摩地吉雲扶配殿左曰松風右曰水月更內爲經樓額曰宗
乘閣閣下聯曰山色不遮螺湧出佛光無量鷲飛來閣上額曰
法輪最上聯曰檀身隨現清涼窟雲岫宜尋歡喜園寺後有書
屋南嚮疏泉引流候火試沸淪茗爲宜顏曰味甘其右偏爲叢
碧樓飛簷層檻上出木末前爲池作亭臨之曰迴溪亭

御製詩

碧峰寺 甲申

碧峰門裏碧峰寺法界慈雲此日開殿倚喬松如古剎階圍流水作
香臺佛無色相何需爾山有清真亦幻哉爲去聲是徑尋西峪路不妨
過往輒留陪

碧峰寺 乙酉

招提門對碧峻嶒崿路從茲步步登上界本來清淨界一燈燃得百
千燈並無暮鼓常遊鹿雖有雲房不著僧好景奚妨逐時異隨緣摘
句我猶能

碧峰寺 丙戌

寺門常對碧峰開鎖日無僧有鹿來借問爲同抑爲異果然彌勒笑
哈哈

碧峰寺 丁亥

山寺猶然對碧峰曾無白足寺前逢箇中那是全提句相照光光證
月容

碧峰寺 戊子

山寺寥寥不著僧青松蒼鹿自相應何須更藉金繩度已是諸天最
上層

碧峰寺 己丑

門對碧峰開籠陰松與槐真堪稱鹿苑遂以禮蜂臺至此誰爲此如
來無去來一聲清磬響遮莫不言該

碧峰寺 庚寅

梵宇招提對碧峰六時常寂寺樓鐘不安僧侶談宗教祇許空巖護
象龍

碧峰寺 辛卯

調御中間坐丈夫飛來花雨著曾無門前正與碧峰對試問於斯同
也殊

碧峰寺 壬辰

山寺巍然向碧峰龍鱗作是種成松何妨鹿有千羣迓卻喜僧無一
箇逢

碧峰寺 癸巳

梵宇門常對碧峰堂堂蓮座現金容焚修不藉僧雛濫苑戶六時自撞鐘

碧峰寺 甲午

翠滴巖峰螺黛紋招提門對與平分無僧日月閒貝帙祇有鐘聲報曉聞寺不設僧惟園吏司灑掃每晨鳴鐘而已

碧峰寺 乙未

碧峰實乃肖祇園點綴園姿畫意存亦弗著僧守門戶常看有鹿到庭軒雲開色濯山容翠雨過聲添澗響浚即色即聲誰所設不知何以悟三幡

碧峰寺 丙申

門對碧峰因額寺寺而曾弗著僧徒禪枝忍草自佛法鶴下鹿遊任物娛偶到不知今與昔忘言那論有和無道場亦自松引路何至誇多日萬株黃梅道場有引路松萬株見圖經夫萬株列路其長應數十里語涉誇誕是寺路傍亦種松不過數百株耳

碧峰寺

辛丑

石徑兩傍松山門對碧峰漫云屈玉食便以禮金容祇樹動風靜禪
花過雨濃不教白足守南北那尋宗

碧峰寺

壬寅

門對碧峰寺以名有松蒼翠有泉清不教僧住污淨域儘許鹿來守
化城到此即空還即色邇時宜雨亦宜晴心間那更禪心悟觸目消
閒七字成

味甘書屋

甲申

書屋臨清泉可以安茶銚取用乃不竭奚慮瓶罍誚泉甘茶自甘那
繫龍團貌展書待爾澆頗復從吾好是中亦有甘誰能味其調

味甘書屋

乙酉

書屋秋風滿意涼筠鑪瓷碗趣偏長於茶斯可於言否善譬猶然憶

趙良

味甘書屋

丙戌

寺後有書屋偶然題味甘山泉堪煮茗犀液正含嵐不擬喫茶偈原非計碗貪小停旋命駕西峪待幽探

味甘書屋

丁亥

石髓巖邊潔且芳便教竹鼎試烹嘗苦言藥也甘言疾我卻因之緬趙良

味甘書屋

戊子

寺後有隙地可構房三間竹鑪置其中乃復學惠山石泉甘且潔就近聊烹煎中人熟伺候到即呈茶盤我本無閒人亦不容我閒

味甘書屋口號

己丑

山泉將謂淪飛淙嘗是收來荷露缸伺候慣經聊聽爾以言甘實此無雙

味甘書屋

庚寅

精藍之後構書廬啜茗泉甘得味餘一晌南華悟口徹緩烹細淪兩成虛

味甘書屋 辛卯

寺後蕭然精舍宜浮香澆雪試聊爲設如每事耽甘者語有之乎亦可思

味甘書屋 壬辰

書屋清依古佛庵越甌吳鼎稱幽探今朝又異其中味半是泉甘半兩甘

味甘書屋 癸巳

汲泉茗煮武夷尖口爲去聲生津心爲恬卻笑回甘蘇氏帖還稱崖蜜十分甜

味甘書屋 甲午

向汲山泉飲而甘書屋味甘名以此竹鑪茗椀設妥貼試而烹斯偶

一耳偶一之故室二間露臺十家產愧矣雖然乃更有進焉味甘敢忘味苦彼

味甘書屋 乙未

几淨甌香早淪煎頓消諸慮祇如然譬人飲水知冷暖甘否由來豈在泉

味甘書屋 丙申

書屋綴景爲灑然蕭寺左隔歲此初來有暇便小坐茗甌及竹鑪安設原貼安石泉汲以烹畧試文武火旣非竟陵癖更殊趙州果擎杯吟五字爽然有會我味泉或偶宜味言殊未可

味甘書屋口號 辛丑

寺後三間精舍幽竹鑪茗碗味相投東坡卻道輸崖蜜試問爲同爲異不

味甘書屋口號 壬寅

竹鑪到處學江南書屋因之號味甘泉固尙甘茶尙苦其間調劑義應探

叢碧樓 甲申

下臨無地上虛空拾級心將顛氣通若問寺樓絕勝處徘徊祇在碧雲叢

叢碧樓 在碧峰寺

松梢遙見刹竿雙寺後書樓樸且龐行亦不辭延遠逕坐惟喜近向陽廳葉疎林杪全呈嶺水退崖根祇剩石猶是昨來題句處碧雲條爲去聲絳霞降

題叢碧樓 乙酉

書樓枕坦岡畫樹四隣張本是愛叢碧何來綴點黃聽惟增籟謖坐喜近曦光猶記前番到開牕此納涼

叢碧樓

葉落歸根紫綠鋪叢間縱目那模糊山樓有問如何答碧意其中亦豈無

叢碧樓 丙戌

今歲未登樓初登如昨秋四山碧雨洗一瞬景川流風過涼猶嫩日臨陰尙稠年來頻有句歷歷閱從頭

叢碧樓 丁亥

寺後有書樓綠雲樓上頭覆陰猶密葉作籟恰新秋今歲仍初到輕涼合少留小哉彼王粲咄咄祇言愁

叢碧樓口號 戊子

底事遊眸不覺寬四圍山樹碧雲攢拈吟聊復酬風景欲棄陳言憂
憂難

叢碧樓 己丑

曲轉有廊通高樓衆碧叢林中猶隱鹿
鹿於八月始出林相哨 天畔未歸鴻暎

日色流麗含雲氣鬱蔥漫斯誇張王

二字皆去聲

樹上已金風

叢碧樓 庚寅

乘閑聊拾級樓在碧雲叢孰謂全依綠居然半是紅越教牖增色可據座觀空去歲拈毫況偶思同不同

叢碧樓 壬辰

昨朝陣雨頗驅炎山路易乾濘不嫌便與輕輿尋窈窕因之層閣暢吟拈萬叢恰合真空界一碧寧容他色添襟袖飄然訝何也徐看風爽落林尖

題叢碧樓 癸巳

寺後書樓萬碧叢登樓縱目四隣通乘桴乍可喻浮海掛布何妨更趁風伯仲底須頻較綠豔濃端識絕勝

去聲

紅壁粘舊作如昨日電影

流光想像中

叢碧樓 甲午

欽定熱可志

卷七十八

寺廟二

二

高枝低葉總一碧萬頃都呈目前在山閣設若擬樓船是謂泛乎大
青海何來幾點紅於中恰是星沈李句乃

李商隱句星沈
碧海當應見

叢碧樓 乙未

山樓八牕敞山峰四隣納葉態與枝姿一碧萬叢合然疑岳陽記奚
必烟波挹縱目擬雲鋪披襟喜風颯據座畧生慙斯豈陳蕃榻

叢碧樓 丙申

樓出萬樹叢俯瞰連一碧恰似泛滄波洞庭與震澤而無風浪憂饒
有烟霞癖憑窗偶會心可以喚浮宅卻笑五湖人未免餘形迹

叢碧樓 辛丑

山中所長去聲物曰惟高下林一碧亦萬頃蔽峰還竊岑而樓於其中
如泛綠海潄天籟落雲間飽聆激湔音設如撫絲桐成連或可尋

迴溪亭 甲申

山凡一轉碧迴溪溪上有亭翼若棲今日吾心頗悅豫不妨觸處與

留題

欠
臣
典
可
志

卷
之
下
八

寺
廟
二

金
月
素
江
記

卷
七
十
一

一

林 檀 栴



栴檀林 在山莊內水月庵之後殿三楹南嚮喬林彌望巖葩
洞卉風過皆馨

御書額曰衆香勝處聯曰佛國土三千花霏衆妙鼻功德八百林藹
恆薰又聯曰巖秀蔚摩黎祥風遞馥林香蒼蔭荀花雨交芬旁
曰天籟書屋巖頂天池渟涵湛澈者曰澹軒堂坳咫尺勢若滄
溟者曰滄洲趣松蟠雲蔚者曰松雲樓東爲澄霽樓更東爲超
然宇境路幽夤上有樓額曰雲潤觸石浮空縈青繚白與天無
際也

御製詩

題栴檀林 乙酉

竺庵過水月香林入栴檀颯然來天風鼻根清淨官靜室坐調御相
好青蓮端綴景則不無而非心所安

栴檀林 丙戌

馥郁天香石逕穿入流忘所得聞詮慢言蘆荀方堪並澗葉崖葩一體全

栴檀林八詠

風

卉翕何來奏夏鈞聲聞總以靜爲因了知室是維摩室吹去天花不著人

雲

蒼蔚朝躋每潤樓傍楹閒寫傍林浮霑衣何礙循蹊步即是黃山暢遠遊

月

山腰半畝貯澄渟印入金輪泯色形丈室端然調御坐月天子聽法王經

松

就松築室松爲幄資益常聽謖籟吹設使移來新子種童童若此定
需時

楓

寒未飛霜葉未丹濃青猶復鎖林端問斯可是桷檀否八辨看來祇
一般

花

潑黛秋山若沐鬢野芳紅紫淺深間釋迦大地胥拈起迦葉作麼笑
破顏

鹿

命侶出林了弗藏印泥有篆不成章月明如水諸天靜鹿苑羣來謁
鹿王

蛩

夕瑟晨簫伴玉塞草間石底韻金風五香薰體都清淨慈力何曾遺

小蟲

栴檀林

水月菴傍入逕紆言尋精舍暢清娛一牕暖日遲予坐四面秋山得爾殊法苑依然來鹿友梵居曾不著僧芻天香恆自林間噴豈繫尋常苑與枯

栴檀林 丁亥

盤旋陟林巘清淨結花宮枝葉霏天香栴檀將毋同早是鼻根寂何有眼界逢應真左右圍調御坐居中室中供墨刻如來及十六應真像不以裝嚴飾內空內外空彈指視昨年猶為塵念蒙

栴檀林 戊子

壘靠更盤上雲棧殊嶽壺夾徑霏衆香是為栴檀林結宇雖不多廓落凌千尋聞復翳根除那覓去來今調御及應真室中奉如來及十六應真畫像證以無心

梅檀林 己丑

呦囂攀援上芬芳
遞襲聞有聲皆靜寂
無色亦氤氳調御恆
如是應真迴不羣
設云示真相真相落
功勳

梅檀林八詠 庚寅

霜坂

白露爲霜耀日鮮
玉鋪谷底復山巔
印來鹿跡疑人跡
神向飛卿句裏傳

冰池

小小山池渟且澄
塞寒九月早凝冰
漫言稀見淪漣趣
心向不波處可徵

蜃牕

山中朝暮頓增寒
暖席坐來久益安
卻喜蜃牕無障礙
烟霞變態儘人看

毳幔

到處精廬書幔施慳慳禦冷代爲之午暄縱望還因捲愧異仲舒久
下帷

落葉

蔌蔌蕭蕭點砌陞落來初不藉風吹六章憶得曾研練詞費而今弗
爾爲

綠蕪

塞外誰云朔氣寒向陽原有綠蕪攢坐來獨惜濂溪老曾未於斯生
意觀

鶴磴

龕髮羽客唳崇椒不放何須更說招卻笑丹臺伴仙子恐應輪此恣
逍遙

雀簷

麻雀恆隨屋處安

無屋處必有雀
無屋處則無

相關樂意啁簷端即今玉塞爲靈

圍微物應忘紇那干

栴檀林

辛卯

跬步峰形有萬千淨香披處忘塵緣何須兜率天中覓澗葉巖枝豈不然

栴檀林

壬辰

遵岡復少降精舍得夷巖林入栴檀境味參微妙風莊嚴謝願海清淨契禪叢萬壑鳴天籟不空真是空

過東嶺遂至栴檀林

癸巳

創得齋依東嶺近奈因事半陟嶽窞旋從陰巘清涼境

降嶺脊則太陽落西爲陰

矣巘遂至栴檀功德林月宇延山千疊翠天池貯水一泓深箇間祇合

忘諸慮何事居然又敲

去聲吟

過東嶺復至栴檀林

自西而升嶺爲東自東而登嶺爲西乃知東西非定物借問莊生何以齊山齋創得已嶺半再進殊不勞攀躋遂由西升向東降栴檀林淨如我後調御丈夫生靜室一切分別忘筌蹄斯而詹詹仍有詠其於道也誠醯雞

過東嶺至栴檀林

甲午

創得齋已居山腰東嶺非遙望中在趁爽肩輿便可登事半固知功有倍鯉脊卓立陰陽分陽暄那似陰涼增過嶺清風滿襟袖林近栴檀所以乃調御應真儼同堂無去來今此誰待

題栴檀林

乙未

風日今朝佳筍輿信所往谿邊泉落清樾下籟來爽棧道縱崎嶇亦可資緣上遙見栴檀林已自生淨想衆香之所粹無聞以爲賞精舍臨諸天豁然而開朗調御祇堂堂應真各儀像聖賢所從殊儒釋豈有兩題壁去年辭陳迹警俯仰

過東嶺至栴檀林 丙申

橫嶺分東西東則栴檀林水月菴亦近向每留清吟巖齋謂躋嶺
半言返類畫今事半而功倍進也語良諶水月茲姑舍檀林適可尋
數武斯已到坐我虛堂深一以息衆力一以暢遠襟巖枝及澗葉浮
碧萬頃臨篤耨底須燒是香非世音反嗅得聞思調御證悟悟

再題栴檀林八詠

風

林號栴檀非梵宮每來書屋坐秋風清機發處聞天籟仿佛東川寄
瑩公

雲

山雲來去本無心我亦無心巖谷尋小坐卻仍命輿返祇饒嵐氣濕
衣襟

月

一燈朗朗戶前懸萬古光明玉塞天圓亦非盈半非缺法王面相印
如然

松

秦家羞與大夫儔世外烟霞本色留欲問童童赤松子應真隊裡可
曾遊

楓

萬綠叢間幾點紅高枝低葉總難同若論楓可通人性應在如來化
度中

花

然否維摩居士居天花冉冉落空虛聲求色見都成舛著不著間可
聽渠

鹿

庭前濯濯復呦呦聽法無殊鶉鴿儔此匪構山是真境伊尼何不可

來遊

構山不遊麋
鹿出金樓子

蚤

鼓脇弗殊彈舌響金仙高座應真陪箇中了具無生義聲賦歐陽卻
小哉

過東嶺至栴檀林

己亥

自西而往東西升東降兮設使自東來西下東乃躋高嶺鎖橫互何
曾分別期因悟一切名由人所強爲創得齋之東栴檀林在茲調御
坐如如過未現等齊而我猶饒舌把筆爲新題

栴檀林八詠

己亥

霜坂

遲較木蘭早較京漸南而暖遞相更天時粵宛堪因悟印得門前鹿
跡明

冰池

天半從來艱有池雨盈暫弗雨而虧一冰翻得不致涸蠖屈求伸理
在茲

蜃窗

夏日疏櫺全徹去寒來例合蜃窗施面前似看玻璃畫卻訝無端活
畫移

毳幔

塞苑秋疑冬月同氈毳為幔禦寒風楣間忽訝施絳帳博學原來愧
馬融

鶴磴

衆鳥中斯大不凡羽衣道士署頭銜本來坡老過舟者卻早逢之於
履巖

雀簷

夏曉早鳴冬曉遲總之不舛質明時
雀鳴冬月以辰時夏月以寅
時其早晚率以天明為候
無

知雀尚有靈性性善子輿言莫疑

落葉

孰與爲留孰與摧何曾枝葉自相猜杜家詩憶蕭蕭下山幻長江滾滾來

綠蕪

向陽仍有綠蕪存治理堪因絜矩言察察與其似秋肅恢恢寧可作春溫

旃檀林 庚子

不事莊嚴事淨供

山莊內梵宇皆肖祇園莊嚴之例此獨以樸素餅鉢爲供養具如居士精舍之類內侍遂稱爲文供

佛云旃檀得號以斯從縈青繚翠都禪味鳥語花香闡正宗隔歲仍茲小年閱今年訝似昨臨逢可恆耽靜旋言去林外惟瞻雲鎖重

旃檀林 辛丑

一嶺東西隔翠岑西爲創得東檀林踰焉事半功斯倍

創得齊在山之西腰旃檀

林在山日幻矣右陽左乃陰至未則山右去歲題詩已成昔新秋即

景又從今堂中調御如如相笑我猶然今昔心

栴檀林 壬寅

一嶺橫拖處平分東與西無端試升降便覺別高低大士相常淨栴檀林昔題由來有為法不出六如提

天籟書屋 乙酉

逕出菁蔥巔境猶峭蒨藓藪蕭然來長風其音無不有絲竹早則降松篁亦弗取天樂奏天人寧借伶倫手可聞不可見繪事真成後擬詢項子京活畫曾收否用項元汴天籟閣事

天籟書屋 在栴檀林 丙戌

窅映嵐壑間威紆亦得路微聞栴檀香遂自石橋度書屋憇予體閒庭散予步天籟空中飄不識來何處或云自林間是即牛頭樹

天籟書屋 己丑

松柏陰森處悠然天籟翻笙簧寧足比琴瑟尙嫌喧靜攬都無色清
聽平去聲欲忘去聲言問誰爲伴侶麀鹿到樊門

天籟書屋 癸巳

匆匆且慢行書屋面前迎坐可聞天籟悠然非俗聲暢懷惟至靜謀
目足研精萬古山林畫真饒項子京

天籟書屋

階前大壑深牕外萬峰森紫翠渾難定倪黃孰解臨秋光真有脚天
籟不凡音畫景收無盡奚稱頃墨林

天籟書屋 甲午

書軒據迴巘萬景座前披蘇軾詩中畫王維畫裏詩收來豈卷冊賞
處合希夷早識非衆竅何須問子綦

天籟書屋 乙未

天籟顏書屋名因構李彰豎峰及橫嶺緩范更癡黃九夏青將綠工

秋丹與蒼所收皆活畫那教項家藏

天籟書屋隱括南華語 丙申

子游問籟答南綦語固荒唐義可思莫適為天誰主役咸其自取怒

其誰 嘗謂韓昌黎物不得其平則鳴語出南華此論

天籟書屋 己亥

額簷借樵李天籟發天香詎祇欣說項兼因寓達莊亦將真蹟檢便

置箇中藏 項元汴喜蓄名人字畫每以天籟閣印記鈐之今書屋既仿其名因於續石渠寶笈書畫內會經元汴印識鑒藏者

檢數種貯此亦循名責實意也設以南北較高他千尺強

天籟書屋 壬寅

書屋支牕納衆皴悠然天籟爽心神四家畫卷收檀匣 書屋內弄藏米芾吳鎮徐

黃唐寅四家畫圖皆經項元汴鑒藏有天籟閣印識者笑我重儻特認真

驛致項子京所藏畫卷四種弄之枿檀林之天籟書屋因成長

歌紀事 庚子

栴檀林是古佛場莊嚴弗事事淨常亦有書屋築於傍偶然名同昔

子京叶因思樵李稱鑿藏石渠多有其重裝四美具例董香光昌董其所

跋顧愷之李公麟四卷題曰四美具而弄之建福宮之靜怡軒茲栴

檀林之天籟書屋既與元汴閣名相同因思石渠寶笈所有畫卷曾

經元汴鑿藏識以天籟閣印記者甚多乃驛致米芾吳鎮徐亦檢四

賁唐寅四卷合弄書屋中從四美具貯其昌鑿藏畫卷例也亦檢四

種弄此堂宋元各一明則雙雲山烟樹米襄陽真偽疑之未甚詳米芾

雲山烟樹卷閱其筆法似小米而非大米曾輕跋識元則吳鎮四友

及於幘中書之則竟非宋紙或贗作亦未可知耳元則吳鎮四友

良眠雲寫自徐平江江鄉探蓮圖出唐同珍為去聲製檀屏方項家舊

物閱凡荊叶至今散失半存亡四卷何幸聯豐城叶天籟誠有水還

鄉相傳嘉興有還鄉河凡仕宦者多得歸老元汴嘉興人而天籟更

欣佳話增山莊閣所藏之畫仍得貯於天籟書屋亦有還鄉之意因戲及之

題天籟書屋畫卷四種辛丑

米芾雲山烟樹疊己亥舊題韻

四卷同藏合不分貯香光物述前聞向於畫禪室藏畫其昌所賞書

弄是圖與吳鎮徐賁唐寅四審觀墨戲入神處樵李似失精鑿云庚子
卷均有項元汴天籟閣印記
題句跋云詩成題於畫卷乃知紙非
宋棧的是鑿鼎元汴蓋失精鑿矣

吳鎮梅竹松蘭疊辛巳舊題韻

辛巳曾留詠在前致來天籟驛途傳辛巳年會題此卷庚子夏自京驛致與項元汴所藏米芾等畫

卷同貯天籟書屋松蒼梅冷竹瀟灑友契蘭芳豈不然

徐賁眠雲軒圖疊壬申舊題韻

展圖那得安眠穩目共閒雲為卷舒高啓楊基詩記在是圖有高啓題詩楊基為

計丙寅秋亦會和高啓原韻書於卷中云重吟祇合作鈔胥

唐寅探蓮圖疊己亥舊題韻

天籟閣中四妙圖山莊說項那宜無我為意探非人探葉嶼花潭任

滿湖

澹軒乙酉

山巔艱致水有水山斯靈半畝貯天池太古此清冷文軒弗求飾澹

泊志以寧一勺乃不測澄懷託滄溟

澹軒 丙戌

一泓貯天池山雨之所積了知底無泉靈氣蒸爲液披風亦有瀾印
月亦有璧可以泛虛舟可以對文席總不離澹然是謂適其適

澹軒

天半滄洲趣波瀾近砌坳雲霞勢若吐蒼藻影常捎乍可鬚眉鑑何
曾竿綫拋憑觀澹然際君子悟相交

澹軒 壬辰

一泓巖頂似天池卻近軒階澹照披半借人工半借雨亦涵雲影亦
涵曦鷗眠夜月從來穩魚樂春波未許知儻爾憑觀儻爾去底須芳
餌弄竿絲

澹軒口號 甲午

一泓天半即天池人力天工兩借之

山腰雖有微泉得雨則水今日益壯不然亦借澗水添之

憑臨經雨後澹然恰喜鏡光披

澹軒口號 乙未

天池水小大於鏡澈底無風不作瀾寓義由來取其澹寧須江海較
深寬

澹軒 丙申

山巔艱致水一泓呈鑑池寧須波瀾寬所愛穀紈漪小軒構其上每
喜燈光披漫議石泉細半藉人力資夏雨滿陂塘亦有微漲時盈科
縱無進濯清還有斯

賦得滄洲趣 乙酉

絕頂得天池滄洲趣正宜底須論大小常此貯瀾漪潤與雲爲脚印
呈月是眉牆圍防鹿友階俯數魚兒湛靜恆無竭渟澄詎有涯泉林
緬遐想夫子在川時

滄洲趣 己亥

天池原艱致窪樽岸以水頗具溶瀆勢趣寓滄洲耳究費人力勞薄
賞每於此每當無雨時聽此所可必汲今年乃弗藉雨足水存裏亦
復梳苻藻亦復成沼泚小許無待多濯清有所喜

滄洲趣疊己亥舊作韻 辛丑

在水每憶山於山復思水人情欲兩全即斯可知耳巖齋偶遊目俯
清恰得此其源不可窮其流弗離裏雲衣與浮沈天池爲渚泚得句
亦超然秋晴值心喜

詠滄洲趣 壬寅

塞上艱致水成湖自早年嶺巔塘半畝則因鑿蓄然旱亦若井智雨
亦如池淵霽後偶來對滄洲趣澄鮮觸景悟爲學遑論枯於前

松雲樓 丙戌

松倚雲爲侶雲依松作巢濃青相映帶淡白有含包層構潤無盡虛
疏望若交便當致秋雨優渥利山郊

松雲樓

甲午

雲與松爲友松將雲作衣高樓恰相值據坐似來依響愛披風颯潤
疑作雨澌我非弘景逸祇仰

五絃揮

松雲樓

乙未

山中多古松不辨何年種自是虞夏物老於右丞弄就此築爲樓四
鄰蒼雲控濤翻嘉陰活篁奏謾音送塵心息以淨那更云入夢

松雲樓

丙申

雲來每依松雲去松還在固知雲無定而松恆不改雖然有轉語松
雲詎他待時看綠容容豈非碧霞綵斯則貫四時是其所以乃

澄霽樓

己巳

戶牖平臨霽景襲偶來登眺衆峰低山中草木沾

堯澤樓上雲霞葆

御題

澄霽樓

甲戌

浮雲斂盡霽光披疊樹重巒面面奇不上層梯騁遙目安知物色此
間宜

澄霽樓

癸未

昨宵枕上聞雷雨曉起登樓納翠寒霽景澄鮮故宜望鍾峰猶在片
雲端

澄霽樓即景

乙酉

快霽高秋景最宜颯涼濕潤凭欄披昨朝驟雨飛千壑宮在水晶正
爾爲

澄霽樓

丁亥

傑峙山樓樹杪懸千峰近遠羸晴烟坐來無際長空朗恰與吾心共
廓然

澄霽樓即目 戊子

一天霽景朗新秋千里金風滿谷流趙嘏不同攜長笛也飛逸興倚高樓

澄霽樓作歌誌懷 己丑

昨宵細雨曉快晴早收晚種均資利驅炎恰致人情欣不泥更喜馬蹄遂偶因餘暇一登樓騁目四鄰翻濕翠庭前種樹亦已長上有如
是哉都順意都順意乃意易矜故弗敢康惕弗置

澄霽樓即日書懷 辛卯

邇日秋山每作雲護霜綠樹惜殷勤霜遲斯葉綠雲佈則無霜偶登樓級澄逢霽
恰對檐題望特欣映旭枝頭翠猶滴翻風葉背紫微分林巒趣易知
詳悉物理民情較此紛

澄霽樓 壬辰

擇向各從宜山樓枕迴陂聊因秋爽陟恰喜霽光披漸覺生衣疊猶

欣綵筆摘徂徊閱檐額即景信諧時

澄霽樓口號 癸巳

山田望雨雨云霑晴亦佳哉爽卻炎試上層樓俯霽景平看坐底遠
峰尖

澄霽樓 己亥

秋日何所宜所宜曰澄霽禾黍苗而秀秀而都吐穗晶陽以曝之結
實乃飽致拾級偶登樓兩字額簷際萬里無片雲天水光含翠俯仰
一縱目愜然適滿志在彼不在斯樂同彼農意

澄霽樓言懷 庚子

孟秋之月屢作雲幸而小霏霖未遂山谿勃發無暴漲其來雖速退
亦易無過行旅畧滯遲山田好在潦弗致即今秋仲晴實定碧空萬
里淨雲翳乘涼屣步一登樓欣懷澄霽真澄霽然言欣懷豈誠欣南
望低田猶縫意昨據馳問畿輔況已報窪區間去聲被沴昨因熱河一帶雨水頗勤

南望雲氣更濃口內雨水必大低田不無被淹隨馳問袁守侗據奏
詳查直屬州縣低田被水者計有十分之二而此二分中高地仍屬
有收統俟勘明己未成災頃畝分
數酌籌蠲賑等語因此殊深縉念

澄霽樓 壬寅

天淡雲閒時素字宜澄霽霽景加以澄秋光美鮮上聲儷而更宜登樓
萬里無纖翳乃知謝重誤奚必資點綴農功慶時賜茂實結穀穗

題超然宇 乙酉

遙望雲中迴莫齊到來惟覺衆山低最欣倚檻遊目豁遂與揮毫信
手題下士那曾知塞上東坡不異記膠西何當諸慮都蠲淨一卷南
華悟筦倪

超然宇 丙戌

有宇曰超然恢恢樹杪懸秋清目愈豁霞舉意如岵夕照千峰落空
山一逕連問誰送歸路蒼鹿與周旋

超然宇 丁亥

因地既以高得趣自以超然則資境乎子輿言非謠翹然企廣居寧
祇圖遊遨

超然字 戊子

構字雲霞表天風颯四筵暢觀無障礙結習總除蠲玉局見稱獨我
心獲實先遊於物之外所遇自超然

超然字 壬辰

崇椒高出萬峰螺結字虛宜暢遠瞰但得超然塵外趣底須作記倩
東坡

超然字 癸巳

豁開敞字衆山巔百里宛看在目前卻笑御風詡旬七千秋一瞬總
超然

超然字 甲午

地據衆峰巔沈寥空字懸一心會倪筦萬象泯蹄筌祇有虛爲合都

無塵可捐青雲表遊目得句亦超然

超然字 乙未

結字層明崇嶺巔字超然意亦超然居高乃易卑視物戒在茲懷謙
牧虔

超然字口號 丙申

與天爲蓋與雲齊南望千山眼底低設論遊乎物之外子瞻未得詔
膠西

超然字作歌 己亥

山已高哉臺更高因之名曰超然字詎云津逮彼兩蘇覺勝膠西難
計數徂雲片片無流連天光山氣相澄鮮一塵不到萬緣靜吾意亦
與同超然雖然吾意更有說高則無物不照徹古之帝王蔽冕旒水
至清亦愁魚竭

超然字 辛丑

玉塞已絕塵塞山更迴宇至宇心超然寥景宜清觀爽風來有緣閒
雲去無所偶此暢余心亦復興別緒居高可恃高近民戒貽古

超然宇

壬寅

地勢北高南向卑膠西那足並肩斯須教蘇句重提意亦在於心自得之

雲潤樓

乙酉

山雲本無定來去信誰羈能沃筆花潤疑霏墨雨滋寫楹愛斜帶出
岫任橫披分付攜詞者休將紉縵爲

雲潤樓

丙戌

山谷通雲氣英英窳翠嶢吐時隱巖岫浮或入牕寮常覺衣衫潤渾
堪坐起招歌卿

當日事不舜卻於

堯

雲潤樓 丁亥

豈必豐隆有所司英英靄靄吐無時坐來不覺衣裳濕始悟巖樓能爾爲

雲潤樓 戊子

雲以潤而生既雲復生潤相需相得彰氣求聲應迅層樓枕翠微寫楹時亦縉白下而觀者蜃閣猶疑信

雲潤樓 乙未

緣廊進有屋拾級下爲樓位置真稱巧餘閒適可遊生雲潤鬢鬢度籟爽颼颼漫惜衣裳濕尋常易遇不

雲潤樓 丙申

夏日易生雲山更生雲處層樓倚山架出楹恆寫霧天衣潤人衣任來亦任去作雨惟片時旋復曦光露名實信兩收農桑庶不誤

雲潤樓口號 己亥

恆喜英英雲潤樓今來雨足望雲收一天霽景供和墨硯瓦卻餘珠
露留

雲潤樓 辛丑

佳處緣何此到稀恐防深入致霑衣今朝得句真殊勝爽籟千林耀

朗暉

雲潤樓 壬寅

玉塞遍沾雨

自今歲至山莊承德府屬及蒙古札薩克地方雖屢得雨澤究未霑足至六月望前始得霪雨各屬及蒙古地

方具十分深透田禾暢發秋收可期豐稔山莊正喜陽燾原都蔚綠草木總含芳拾級高


樓迴抒懷夏景長何非雲所潤今日不孤望

金
文
考
考

考
考
考

二
十
四

廟之春總萬彙



彙萬總春之廟 熱河水泉饒沃嘉植茂生自建置

山莊以來人居稠密地氣早暄芳菲特盛每逢

鑾輅駐臨夏卉秋英爛然盈目爰於

御園內建廟以妥花神

榜曰彙萬總春之廟廟門南向正殿五楹左右配殿各三楹廟傍爲

書舍曰華敷塢其東爲峻秀樓廟基在烟波致爽東北戒得堂

之後伏繹

御書題額四時之氣賅備於春春之德普矣豈特爲司花數典已乎

御製詩

彙萬總春之廟成因題句 壬寅

物具形斯神具司司花塞外豈無之新祠建置成不日示像因緣定
有時水陸芳菲肯藉佑北南氣候漫嫌遲興州禮樂侵尋盛鼓吹應
知是女夷

題華敷塢

彙萬總春之廟傍書舍名以華敷塢塞外花信固云遲桃李亦必春
暮吐我來每值夏之仲華敷時節恆弗覩循名責實似不當雖然我
亦有轉語夏卉秋葩豈不然何必拘墟執時序稊含草木疏稱博勝
地靈根恐漏譜

峻秀樓

樓對東山稱峻秀朝陽暉映滿園芳芳隣華也秀隣實酌劑劉植言
此合當

鷲雲寺



鷲雲寺 在山莊內峪秀起堂之側東嚮

御書門額曰鷲雲寺內爲正殿三楹供諸佛菩薩前簷額曰福因殿
殿中額曰法鏡同圓聯曰上塞湧花宮全莊七寶西峰開鹿苑
合證三輪殿後崇樓三層前簷額曰香界閣最上額曰須彌春
滿次曰蓮峰甘露下曰普門妙現雕甍插漢寶鐸韻風俯視羣
山若蓮臺層湧也

金史卷之二十一

一

寺源珠



珠源寺 在水月精舍西南東嚮聯額皆

御書門外石橋跨坊二前曰恆河普渡曰德水通津後曰彼岸同登
曰法流喻筏門前石坊面北額曰披雲演梵聯曰香界現金銀
無量無邊莊嚴最勝法流匯珠琲不離不即感會真常而南額
曰聽雪超鹿聯曰優鉢光中證十二因緣金剛常住摩尼圓際
參八百功德水觀同澄寺門額曰珠源寺門內三楹額曰定慧
門前爲天王殿中爲佛閣上額曰宗鏡閣下額曰海藏持輪聯
曰梵天閣湧金光聚香水瀾迴珠顆圓後殿爲大須彌山供一
切諸佛菩薩最後飛樓十三楹曰衆香樓寺據瀑源來處故曰
珠源

金 史 卷 之 一

卷 之 一

二 十 一

斗 姥 閣



斗姥閣 在山莊內青楓綠嶼之上南嚮殿三楹前簷額曰慈
陰天樞殿內額曰巨光普潤聯曰獻壽千年外來朝數月間並
聖祖御筆西配殿

御題額曰蓬山飛秀閣冠崖巔雲霄尺五萬象皆呈如依
斗極而拱北辰也

靈澤龍王廟



靈澤龍王廟 在山莊內湖北岸東嚮恭祀龍神上懸

聖祖御書額曰靈澤

皇上御書額曰潤沃濡源湖水從東北入

宮牆匯爲

太液澄流衍澤潤被塞塙蓋龍之靈昭昭云

欽定熱河志卷七十八

欽定熱河志卷七十九

寺廟三

溥仁寺

溥善寺


普寧寺


普佑寺

安遠廟

普樂寺

寺 仁 溥





溥仁寺 在熱河

行宮東三里許康熙五十二年

聖祖仁皇帝六旬萬壽蒙古諸藩恭建祝

釐寺南嚮門額曰溥仁寺兼清漢蒙古文門內天王殿三楹恭懸

聖祖御書寺額又內正殿七楹供三世佛

聖祖御書額曰慈雲普蔭

皇上御書額曰具大自在聯曰以清淨果證因護持斯萬現廣長舌

說法震動大千殿廡立碑二恭鐫

聖祖御製溥仁寺碑文左清文右漢文碑陰及碑左方恭鐫

御製詩又內後殿九楹供無量壽佛

御書額曰寶相長新聯曰虛無梵貝空中唱縹緲天花座上飄寺屏

山帶水利影干雲恭釋

聖製繼繩紹述慕切

龔牆所由大千世界咸躋

仁壽之域也

聖祖御製文

溥仁寺碑文 四集

康熙五十二年朕六旬誕辰衆蒙古部落咸至闕廷奉行朝賀不謀同辭具疏陳懇願建刹宇爲朕祝釐朕思治天下之道非奉一己之福合天下之福爲福非私一己之安徧天下之安爲安柔遠能邇自古難之我朝

祖功

宗德遠服要荒深仁厚澤淪及骨髓蒙古部落三皇不治五帝不服今已中外無別矣論風俗人情剛直好勇自百年以來敬奉釋教並無二法謹守國典罔敢隕越不識不知太和有象朕每嘉焉鑑其悃誠重違所請念熱河之地爲中外之交朕駐蹕清暑歲以爲常而諸

藩來覲瞻禮亦便因指山莊之東無關於耕種之荒地特許營度爲
佛寺陶甃於冶取材於山工用無輪輓之勞金錢無踰侈之費經始
訖功告成不日歷觀往史遙溯前朝版籍有區幅員未廣茲熱河之
奧壤廼紫塞之神臯名號不掌於職方形勝無聞於地志朕以涼德
撫育萬方邊壤之外悉爲畿甸諸藩於此建寺介福率先恐後無小
無大罔不來同觀我觀民思維此理特題額曰溥仁將欲汪濊之澤
均霑率土升恆之慶廣洽普天徧覆含宏民胞物與咸躋壽考各遂
生成藉諸藩祝朕之忠誠爲萬方祈純嘏之錫奚紀斯文勒諸貞石
康熙五十三年三月十八日

御製詩

詣溥仁寺

甲戌

祇園山館東佳氣鬱蘊蔥帶水塵凡隔屏山秀色融度橋尋淨地指
樹識禪叢五日宜人霽一天華黍風占年惟此樂禱久更何衷供讀

穹碑罷是寺建於康熙五十二年
中有皇祖御製碑文

天襟想像中

溥仁寺癸未

朔日禮蘭若渡言武列濱松門瞻

玉篆蓮座現金身忍草衆香國禪枝大法輪敬窺

當日意溥願物歸仁

過武列水詣溥仁寺瞻禮甲申

武列潦全退柴橋宛易措過河路非遠策馬意為怡香界梵聲出寥

天霽色披早梁有穫者按轡看移時

出山莊詣溥仁寺瞻禮丙戌

梵宇建多年每來展謁度過河無盛潦滿谷有良田即看西成近稍

紆午夜懸

仁皇貽樂利溥被浹垓埏

詣溥仁寺瞻禮 己丑

河畔多年建梵宮

寺建於康熙癸巳年雖以時修葺茲奉皇太后慈諭復飾莊嚴

鼎新瞻禮策青

驄顧名緬

昔期民樂

寺名祖所賜額也

皇祈實斯今祝歲豐有相莊嚴亦真諦惟檀德

業自

慈躬瓣香心願於何結

無量壽希與佛同

溥仁寺瞻禮 庚寅

渡河策馬謁花宮聳倚峰青垣繚去聲紅兩字溥仁含覆遍千秋

聖日照臨中誰云佛教異儒教試看不同有大同詎止山莊孳萬戶

九洲

恩澤被無窮

溥仁寺瞻禮 壬辰

渡河梵寺禮金容結構猶堪仰

舊蹤真是虞書見

唐帝奚稱宋史贊仁宗民情樂利芄青稼

聖日光華朗碧峰無作率由尙瞳若矚予惟益勵寅恭

六月望日溥仁寺瞻禮因閱稼

癸巳

過河禮梵寺便以閱山田華黍翻風秀錦蔬帶露鮮法門入不二月
相映同圓敬識

當年意溥仁遍大千

溥仁寺瞻禮

甲午

興州最古寺每到禮應親策馬河橋渡垂鞭農務詢即看優澤霈實
勝小霑頻

熱河一帶近每霑三四寸之陣
雨然不似此番十分透足也

屏息法雲地溥仁真溥仁

過河詣溥仁寺瞻禮

乙未

祇園底事定瞻禮爲有

金章楣栢懸六十餘年

敷厚澤百千禩世

示乘乾能仁仁亦謂斯耳曰溥溥誰得並焉烟火萬家民樂利萬家烟火

隨民便山莊中山莊小試已如然
皇祖御書聯句也

過河詣溥仁寺瞻禮 丙申

穹碑一拱讀康熙癸巳恭遇皇祖鑒其誠悃遂允於山莊東建

此寺額曰溥仁猶見衆藩誠懷畏至今切河山奕世盟伊余

守

家法遠域奉朝正自平定準噶爾以後新附諸藩俱以每歲八月間

特全部歸順其汗渥巴錫隕越庶免議惕乾益凜情
等復率衆朝覲宴賞於此

過河詣溥仁寺瞻禮 己亥

清曉鳴鞭過武列詣溥仁寺必須過橋此河為乘涼減從謁祇園祝

釐昔日諸藩部此寺係康熙癸巳年蒙古王公等考蹟此時古法門

熱河所有諸寺以此為最古。試看度生藉慈力詎殊畫象注乾元循名責實于斯切佛道中原世道存

溥仁寺

最久招提武列東此寺康熙癸巳年蒙古王公建為皇祖六旬萬壽祝釐於諸寺中為最久

奎章題額企思中溥仁原寓止仁意梵教由來儒教通樂利仍看今自昔人天底論色兮空施檀供養留

慈蹟瞻禮無端感切衷

溥仁寺瞻禮作辛丑

初地真初地是寺為康熙年間衆蒙古札薩克恭祝皇祖萬壽而建為熱河朔有佛宇溥仁緬

溥仁萬方

貽樂利百世仰

尊親慧樹三尺古禪花四季春教維神道設總為去聲 曠斯民

溥仁寺瞻禮壬寅

祇園歷六十年陳肯構於斯合鼎新

溥仁寺

自康熙癸巳蒙古王公皇祖恭祝六旬萬壽

所建計今又逾週甲爰勅所司重新丹麓亦誌堂構之意

怡值丹青茲慶落因來瞻禮至誠申渡

河多稼迎眸潤過雨千峰著意皴免賦以三蜀漕二

特頒皇祖時會

下額賦三年輪免一週其各省漕米並

加恩分作三年輪免一次實互古未有之曠典余御極以來於丙寅庚寅丁酉三次蠲免天

下正賦丙戌庚子兩次蠲免各省漕糧亦惟

仰體皇祖仁愛之心敬承無斁云爾

繼繩亦曰溥

前仁

金
分
集
卷
之
一

六

寺善溥



溥善寺 在熱河

行宮東溥仁寺後百步許康熙五十二年

聖祖仁皇帝六旬萬壽蒙古諸藩恭建祝

釐寺南嚮門內天王殿又內前殿三楹左右配殿三楹又內正殿七

楹

御書聯曰總攝三摩資善果普函萬象護祥輪左右配殿各三楹又

內佛樓七楹僧寮一區

金貨類考

卷之十

一

普 寧 寺



普寧寺 在熱河

行宮東北五里獅子溝乾隆二十年平定準噶爾

上幸避暑山莊四衛拉特部落來覲

賜宴封賚

敕建普寧寺以昭

武成仿西藏三摩耶廟制寺南嚮聯額皆

御書門外樹坊三中額曰勝緣曰法護東額曰金界曰寶林西額曰

福田曰覺海門額曰普寧寺門內正中碑亭植碑三恭鐫

御製碑文左右鐘鼓樓中天王殿五楹又內正殿七楹供三世佛前

楹額曰金輪法界聯曰鎮留嵐氣閒庭貯時落鐘聲下界聞殿

內額曰大雄寶殿聯曰福溥人天阿耨耨耨耨開紫闕妙涵空有

栴檀蔭蔔擁金繩殿內佛背上額曰仁佑大千後檐聯曰震

旦教宏宣廣利曇霏普資福蔭朔陲功永定新藩鱗集長慶寧

居殿後從盤道上閣供諸佛菩薩額曰大乘之閣月臺左右五色浮屠四列四大部洲四小部洲閣三層各七楹下層額曰鴻庥普蔭前楹聯曰蒼岫天開金碧輝煌香界朗精藍雲護旃檀菴發梵林深閣內聯曰具大神通完十行是真清淨現三身二層聯曰半滿真言參不漏色空妙諦證無遮上層額曰真如圓滿聯曰傳大千法寶闡第一宗風閣東精舍五楹爲

臨憩之所額曰妙巖室聯曰對物共春臺幽風入詠願人登福地王會成圖閣西爲講經堂洪維我

皇以上以無量願力創開福地俾西域萬衆億載普寧入寺瞻仰者合掌頂禮頌

神功而祝

聖壽真如普賢震旦湧現皈依也

御製文

普寧寺碑文 乙亥

乾隆二十年夏五月平定準噶爾冬十月大宴賚四衛拉特部落舊附新歸之衆於避暑山莊曰綽羅斯曰都爾伯特曰輝特曰和碩特四族台吉各封以汗王貝勒貝子公若而人其無隸屬之宰桑則歸之公如內八旗外四十九旗喀爾喀四部之例至是而內外一家遐邇同風之言允符昔我

皇祖之定喀爾喀也建彙宗寺於多倫諾爾以一衆志式循舊章建普寧寺於山莊之北麓而爲之記曰

皇天有輔德之私

至聖有越世之度君子有見幾之作兆人有可格之誠我國家撫有衆蒙古詎準噶爾一部終外王化雖庸衆有威之不知畏惠之不知懷地不可耕民不可臣之言其然豈其然哉以我

皇祖

皇考聖德神功經文緯武其於奠伊犁勒銘格登山朝四部落之衆而錫之爵賜之幣式晏陳舞可汗起奉酒稱萬壽如今日者何難然契

大造意若有待是以遵養時晦垂成弗爲予小子敬承乾佑以爲不可失者時遲徊觀望寧

二聖付託藐躬之意且此山莊即

皇祖歲時巡覲諸蒙古賓客之所也越三十年而克見準噶爾之衆咸覲于此豈非

皇天無私惟德之輔

至聖之度越世先知而見幾君子之作予亦不敢不勉衛拉特之衆豈終不可格以誠哉蒙古向敬佛興黃教故寺之式即依西藏二摩耶廟之式爲之名之曰普寧者蓋自是而雪山蔥嶺以逮西海恆河沙數臣庶咸願安其居樂其業永永普寧云爾復依普賢世界品而

述偈言

抖贊轉輪王

功德甚深大

造寺於西域

其名三摩耶

逮今千歲餘

願海裝嚴就

肖彼須彌山

巍閣凡三層

日月在兩肩

地金水風輪

其內小鐵圍

大鹹海水滿

持地障礙山

馬耳及善見

擔木並持軸

持雙凡七山

其中乃香水

其上堅手天

持鬘及恆憍

四天王所住

復有四方天

其數各以八

中乃忉利天

善見帝釋宮

欲界四天子

色界無色界

次第居其上

東曰勝神洲

小勝及勝勝

左右以次住

南曰瞻部洲

妙拂並小拂

左右以次住

西曰牛賀洲

行道將小行

左右以次住

北曰俱盧洲

最勝復諂勝

左右以次住

供養佛無數

如普賢願海

復爲四色塔

義出陀羅尼

四智標功用

懿此避暑莊

古佛所遊歷

較彼衛藏地

佛上無差別

有來衆蒙古 及新衛拉特 咸敬黃教人 爰作大利益

肖彼三摩耶 爲奉天人師 作此曼拏羅 嚴潔身口意

依法香泥塗 一切皆清淨 香花供養具 法螺法音聲

轉無量法輪 聚無量法衆 誦無量法寶 作無量法事

我聞普賢言 華藏莊嚴海 是毘盧遮那 往劫修行處

種種寶光明 大雲徧一切 捨身等塵刹 以昔願力住

徧十方國土 出苦向善提 方便示調伏 世界所有塵

一一見法界 現佛如雲集 此是如來刹 大願周法界

一切化羣生 莊嚴從此出 西土及震旦 究竟無同異

衆生皆安穩 暨蠕動肖翹 遂生明佛性 稽首天人師

普賢行如是

平定準噶爾勒銘伊犁之碑 乙亥

惟

天盡所覆俾我皇清罔不在宥惟清奉

昊天撫薄海兆庶悉主悉臣

叶

太祖

太宗

世祖肇基宅中皇耆其武

聖祖

世宗覲光揚烈克臻鄧隆逮予藐躬思日孜孜期四海同風咨汝準
噶爾叶亦蒙古同類何自外攜數世梗化篡奪相仍顧仇其下厥達
瓦齊甚毒于醒衆心痼痼如苗斯蠹如虺斯螫衆口嗷嗷視爾嗷止
予焦勞止期救不崇朝止視爾底止予噫嘻止亟出汝塗泥止廼命
新附爾爲先鋒熟悉其路乃命勁旅攜數月糧毋或掠擄師行時雨
王旅暉暉亦無潦阻左旋右抽王旅渾渾旣遐以休烏魯木齊及五
集賽度之折折台吉宰桑迎降恐後奚事斧吭波羅塔拉闡爾奇嶺

險如關闔倒戈反攻達瓦齊走且旦途窮回部遮獲彼鼠斯喙地入
無隙露布飛至受俘午門爰貸其罪自今伊始四部我臣伊犁我宇
叶曰綽羅斯及都爾伯特和碩特輝特封四可汗衆建王公遊牧各
安宰桑公臣屬我旗籍誰汝苦辛爾恭爾長爾孳爾幼徐以教養爾
駝爾牛爾羊爾馬畜牧優游分疆各守毋相侵陵以干大咎齊禦外
域曰布魯特越哈薩克醉飲飽食敬興黃教福自天賜伊犁平叶矣
勒貞珉矣於萬斯年矣

平定準噶爾後勒銘伊犁之碑

天之所培者人雖傾之不可殞也

天之所覆者人雖栽之不可殖也嗟汝準噶爾何狙詐相延以世而
爲賊也疆食弱衆凌寡血人於牙而蔑知悛易也云興黃教敬佛菩
薩其心乃如夜叉羅刹之以人爲食也故罪深惡極自作之孽難道
活也先是分封四部衆建宰桑四圖什墨廿一昂吉蓋欲繼絕舉廢

以休以息也而何煽亂不已焦爛爲期終於淪亡胥盡伊犁延袤萬里寂如無人之域也是非我佳兵不戢以殺爲德也有弗得已耳西師之什實紀其詳悉也以其反覆無常遲益久而害益深則其叛亂之速未嘗非因禍而致福也是蓋

天佑我皇清究非人力也伊犁旣歸版章久安善後之圖要焉已定者詎宜復失也然屯種萬里之外又未可謂計之得也其潛移默運惟

上蒼鑒之予惟奉時相機今日之下亦不敢料以逆也是平定準噶爾後勒銘伊犁之碑所由作也

御製詩

妙嚴室 丁丑

乾隆乙亥平定四衛拉忒諸部落皆尊敬黃教故肖西藏三摩耶式建普寧寺於山莊之北置室其旁以爲憩息之所名曰妙

巖而係以詩

疆拓因來四衛拉寺營爰肖三

去聲

摩耶花宮具見巖而妙別室還饒

清且嘉彈梵禽音出松架疊屏山翠入窗紗即聲即色皆香氣童子

當年悟未差

用楞嚴經語

普寧寺觀佛事 己卯

蒙古等皆敬宗喀巴黃教故於山莊之北建此梵刹聚黃衣者

流而嗾梵唄且達什達瓦餘衆歸降者嚮風慕化咸使安居樂

業茲令演步踏法事俾衆觀之並成是什

塞垣筏寶煥林珠大聚衣黃偏袒徒宗喀巴傳慧燈耀三摩耶式梵

宮圖

是寺肖西藏三摩耶寺爲之

象龍步踏惟天力老幼駢觀與衆娛神道何妨

權設教若論佛法本來無

妙巖室六韻 辛巳

梵寺肖三摩文軒別一窩當秋常至止值暇聽波羅罽水帶峰鷺香

林襟嶺螺憑窗參妙偈
擣管得新哦那有寒山
入堪招玉局過天花
都不著幽籟拂雲和

普寧寺 癸未


厄魯胥平定因之建
普寧敢云識耆武惟是藉

蒼靈新戶遷來衛
達什達瓦部下餘衆遷居寺旁授
名經轉處聽八

年事已過
是寺建於
最屬永亭亭

乙亥年

普佑寺



普佑寺 在熱河

行宮東北六里許乾隆二十五年

勅建寺南嚮門三楹


御書額曰普佑寺內爲正殿額曰大方廣殿聯曰妙相現莊嚴仁敷
華梵慧因資福德喜洽人天殿內額曰大千功德聯曰法演大
乘妙因宗海藏福覃諸界慈願溥恆沙更內爲天王殿後爲法
輪殿最後爲經樓寺中諸佛皆倣西藏塑像地較諸寺最東漸
近鍾峰倚山麓而開道場最爲幽勝慈雲慧日廣蔭大千當有
八部天龍護持寶界矣

八 禁 江 元

卷 十 一 夕

一 四

安遠廟



安遠廟 在熱河

行宮東北山麓距普寧寺東南二里許乾隆二十四年以降人達什達瓦部遷居山下二十九年

敕建安遠廟倣伊犁固爾札廟式廟西南嚮門額曰安遠廟繚垣正方四面各有門中爲普度殿三層週以迴廊六十有四楹所謂都綱也迴廊前立石鐮

御製詩具清漢蒙古唐古忒四體書殿內

御書聯曰竺乾雲護三摩峙朔塞風同萬里綏殿壁週繪佛國源流各識佛號於其榜亦四體書殿最上層恭藏

御用甲仗昭

鴻勳也每歲藩部入

覲咸集廟下莫不歡喜膜拜讚嘆佛力涵濡

聖恩安遠之義大矣

御製詩

安遠廟瞻禮書事

有序

乙酉

伊犁河北舊有廟曰固爾札都綱三層繚垣周一里許當噶爾丹策凌時以五集賽更番居此誦經每歲首盛夏準噶爾之衆膜拜頂禮者遠近咸集其俗素奉黃教往往捐珍寶施金銀以事莊嚴廟之閔瞻遂甲於漠北阿逆之叛賊黨肆掠焚劫廟乃燬廢曾用韓愈陸渾山火詩韻以紀其事及我師再平伊犁其地並建城堡而梵宇之僅存灰燼之餘者已不可復整亦不必爲之復整也因思山莊爲秋蒐肆覲之所舊藩新附絡繹鱗集爰規東北岡阜肖固爾札之制營建新廟名之曰安遠集梵僧演步踏以慶歲事惟時都爾伯特郡王策凌烏巴什等適以朝賀至與達什達瓦部衆之隸居茲土者歡喜額手僉謂琳宮晃耀妙相莊嚴不啻曩時在固爾札禮都綱聞唄讚也然余之所

以爲此者非惟闡揚黃教之謂蓋以綏靖荒服柔懷遠人俾之
長享樂利永永無極云因系十韻以識緣起如此

伊犁兵燹後梵宇爲去聲重爲縮地齊近遠歸宗何改移今朝初慶落

戎索永延釐聳峙輝山麓來瞻渡水涯制仍固爾扎境一毘耶離唱

頌格隆侶喇嘛中之格隆如僧中之受五戒者歸期達瓦貽達什達瓦舊屬歸旗者居于喇嘛者聽之

維新同致敬憶舊孰含悲羣訝胡寬市予懷范燮詞藉無示敗彼詎

有覩成斯置器厪安處恢綱靖遠陲

安遠廟 丙申

東嶺琳宮接題門各有名匪尊不二法緣繫衆藩情蒙古素奉黃教而伊犁之固爾

扎麻莊嚴特盛尤其所尊禮者因做其製建安遠廟於此每歲駐蹕山莊薦藩新附絡繹集俾之瞻仰斯廟益增歡喜以示柔懷遠人

之意非祇開揚象教也佛日迎薰朗慧雲收雨征金川茲武定安遠永銷兵

安遠廟 辛丑

新疆底定後安遠建祇林是廟肖準噶爾固爾扎之式爲之萬里夜來往自平定新疆後伊犁

駐以將軍回部各駐欽差大臣烏魯木齊則設都統與屯耕驛廿年
站相通百姓來往貿易者夜行無恐較之內地尤為安閭五月路攻

久靜惜衆生資庇蔭一已致虔欽回逆偏猖近日分派官兵四路抵

剿賊營搶得賊卡四座殺賊百餘名乃賊人尚敢傾穴出迎拚死抵
拒現在另籌進取於賊營運西嚴密圍困令其無路覓食等語連日

刻切盼佳音又未能即陳師卻愧心

安遠廟 壬寅

始自遠人徠 先是癸酉冬都爾伯特台吉策楞等率衆歸來甲戌秋
萬人來歸若而人不可使古居伊犁固爾札都綱建廟額曰安遠非

而定伊犁關新疆歲乙酉遂仿伊犁固爾札都綱建廟額曰安遠非

期疆宇恢蹟乖成事順功就賴

天培 西師之役自乙亥春兩路進兵遂擒遠瓦齊定準噶爾諸部無
薩克爾哈薩克稔其反復請擒賊自効阿逆隻身竄入俄羅斯竟伏

恩誅又回部大小和卓木久為準噶爾所居我師既定伊犁釋其囚
會遠遁入拔達克山其汗素爾坦沙函賊首以獻回部悉平西陲底

定蓋屢變屢安適成我責實誠幸耳循名豈易哉伊犁耕作闢保泰

事詳見所著開感論

慎籌裁

普樂寺



普樂寺 在熱河

行宮東北二里許西陲平定後既建普寧寺安遠廟以示綏懷廟南地勢寬廣三十一年復

勅建茲寺東嚮

御書門額曰普樂寺前殿額曰宗印殿左右配殿各一北爲勝因殿南爲慧力殿皆兼清漢蒙古唐古忒四體書正殿供上藥王佛額曰福慧圓成聯二一曰龍象護諸天毫相瞻時妙嚴普覺漢瀛會初地法輪轉處安樂常臻一曰三摩印證喻恆河人天皆大歡喜七寶莊嚴現香界廣輪遍諸吉祥西有門達經壇門內植碑一恭鐫

御製碑記壇上四面有門東額曰須彌臻勝西額曰舍衛現祥上有圓亭二層前檐額曰旭光閣皆兼四體書亭中四面有聯東曰竺乾法示西來意震旦光圓東嚮因西曰化成層拱通乾闥屬

國環歸過月氏南曰花凝寶蓋皈真相雲擁祥輪現化身北曰
妙演梵乘超最上廣臻法會樂無遮又東山門一座額曰通梵
門亦兼四體書

每歲

秋巡諸藩入

覲瞻禮金容如上春臺同遊

化字也

御製文

普樂寺碑記 丁亥

避暑山莊當興桓隩區直北地互獅溝西南官廨民廬聚落殷羨獨
其東偏列嶂邈綿周原案衍則諸經所稱廣長清淨於佛土宜乾隆
乙亥西陲大功告成衛拉特各部長來會時事嘗肖西域三摩耶建
寺曰普寧嗣是達什達瓦屬人內徙即次旅居環匝山麓越歲乙酉

復於迤左做伊犁固爾札都綱建廟曰安遠然自廟南延望錘峰式
壇式閔厥壤猶隙惟大濛之俗素崇黃教將欲因其教不易其俗緣
初構而踵成之且每歲山莊秋巡內外扎薩克觀光以來者肩摩踵
接而新附之都爾伯特及左右哈薩克東西布魯特亦宜有以遂其
仰瞻興其肅恭俾滿所欲無二心焉咨之章嘉國師云大藏所載有
上藥王佛乃持輪王佛化身居常東嚮洪濟羣品必若外闢重闔疏
三塗中翼廣殿後規閣城內疊磴懸折而上置龕正與峰對者則人
天咸遂皈仰將作如制以丙戌正月經始泊丁亥八月訖工爰取普
樂顏寺額而爲之記曰自西人之瀕於塗炭也湫隘阨危不能終日
朕則爲之求寧焉既寧之後奔奏偕徠室家還定朕則爲之計安焉
既寧且安其樂斯在譬如佛影覆於鷁身四大得所離怖畏想生歡
喜心蘄自刹那以逮億劫同遊春臺化宇樂其樂而不能名其樂眞
上樂耳雖然曷易臻此哉語曰民可與樂成難與慮始又曰先天下

之憂而憂後天下之樂而樂是朕所由繼普寧安遠而命之爲普樂者既以自慰且重以自勗而匪直梵文勝因福利之云云也記成并系以讚

善哉大能仁

無去亦無住

以何因緣故

現在說法身

人天咸護持

功德甚希有

云何稱上樂

自小千中千

暨三千大千

法界無究竟

爾時兩足尊

甘露爲灌頂

一切諸衆生

若有情無情

念彼佛力者

受持陀羅尼

三世諸如來

神力並加汝

第一具根性

即身得證佛

其次小乘人

得八大成就

靈丹淨眼方

徹地智慧劍

空行遍周歷

延年無疾病

自洛叉俱胝

無量僧祇劫

萬行齊完滿

求福不唐捐

普衆福德田

普蔭如意樹

普覆大慈雲

普渡大願船

震旦閻浮提

清寧共安隱

而彼狼荒俗

永脫修羅天

合十白佛言

此是法王力

要知大自在

本分元自足

無苦彊言樂

即墮分別相

樂古無名名

上亦無等等

東峰開妙鬘

寶閣照旭光

舉似日出處

了了正知見

光與日無盡

誰識所本來

八寶莊嚴成

香華天樂備

大會啓無遮

同證無上道

御製詩

渡河詣普樂寺瞻禮 乙未

野釣砌石架木爲漲來易圯亦日就月前經雨茲重搢便以渡河禮
祇囿彼岸平原多種田低禾高黍如錯繡纔十餘日未曾觀則已吐
穗碩且茂或垂穗禾或仰穗黍總殊致芄綠釀黃各爭候西成可望爲額
慶時尙遙虞望難副普樂之意原在斯六波羅密非所究

欽定熱河志卷七十九

欽定熱河志卷八十

寺廟四

普陀宗乘廟

殊像寺

廣安寺

羅漢堂

須彌福壽廟

熱河城隍廟

廣元宮

窮覽寺

琳霄觀



普陀宗乘廟 在

行宮北里許乾隆三十五年舊藩新附溥慶臚歡

命做西藏布達刺都綱法式創建茲字

御書額曰普陀宗乘之廟東西二門額曰威嚴總持曰寶光普耀門
內額曰廣圓妙覺寶坊前額曰普門應現後額曰蓮界莊嚴前
殿八楹額曰無量福海又十六楹額曰千佛之閣皆兼四體書
殿內聯曰妙相合瞻千利資諸福繁釐同祝萬歡洽羣藩中殿
二十楹又十八楹後殿二十五楹殿外檐額曰落伽勝境曰文
殊聖境曰萬法歸一皆兼四體書殿內額曰妙德圓成曰淨性
超乘曰萬緣普應聯曰獅座具神威咸欽奮迅鷲峰瞻相好普
現莊嚴曰法界朔中臺臻大歡喜化身現上塞護妙吉祥曰總
持初地法輪資福勝因延上塞廣演恆沙梵乘能仁宏願洽新
藩殿樓上聯曰梵教流傳宗遞演化身應現慧常融八方亭外

額曰權衡三界六方亭外額曰慈航普渡皆兼四體書亭內額
一曰精嚴具足一曰示大自在聯一曰法界現神威即空即色
梵天增大力非住非行一曰水鏡喻西來妙觀如是月輪悟南
指合相云何樓額曰普勝三界四面羣樓南額曰秘密勝境北
曰極樂世界東曰度經之閣東樓上曰阿閼鞞佛壇城曰觀世
音菩薩壇城曰無量壽佛壇城曰釋迦佛壇城曰雅曼達噶壇
城曰喜金剛壇城西曰大乘妙峰皆兼四體書聯十三一曰瓔
鬘垂護花龕彩獅象馴依鷲嶺輝一曰佛刹現乾城法資喻筏
禪宗開震旦教演傳燈一曰以此無量慈同參不二喻彼有爲
法普度大千一曰統須彌界天護持常住遍華嚴海會應現隨
方一曰秘印妙持超四果圓光正覺示三乘一曰現法化報身
曇霏遍蔭統先中後際象教同持一曰初地相光全總持一化
諸天梵香聚共演三摩一曰般若相常融具五福德菩提心並

證增八吉祥一曰覺觀印圓通能仁普示識田悟清淨妙智同
修一曰功德示經文香薰薈蔔莊嚴瞻相好光暎琉璃一曰持
法利身心衆生並濟隨緣施願力一切常圓一曰佛光普護三
千界壽域常開萬億春一曰寶樹交輝香不斷祥輪常轉法無
邊廟模輪奐

天藻輝煌眞佛國之化城人間之福地矣

御製文

普陀宗乘之廟碑文 辛卯

山莊迤北普陀宗乘之廟之建仿西藏非仿南海也南海普陀在浙
東定海縣境朝山之舶歲歲凌越洪濤瀾澗間擎香頂禮唯謹曰大
士道場舍茲奚屬是獨震且緇流方隅所見故然考之貝夾普陀有
三一居額訥特珂克一居圖伯特一居南海蓋南海特大士行教至
此偶一示現云耳庸可以此爲是而彼爲非乎額訥特珂克即印度

是由此以證西來因緣自印度而西藏自西藏而南海了了可識第
印度金剛座遼遠難稽詎若西藏都綱法式具備爲天人攝受之閱
規藩服皈依之總匯也哉乃者歲庚寅爲朕六袞慶辰辛卯恭遇
聖母皇太后八旬萬壽自舊隸蒙古喀爾喀青海王公台吉等暨新
附準部回城衆藩長聯軫偕俅臚歡祝

嘏念所以昭褒答示惠懷者前期咨將作營構斯廟以乾隆三十二
年三月經始至三十六年八月訖工廣殿重臺窮亭翼廡爰逮陶范
斤鑿金碧髹堊之用莫不嚴淨如制夫羣藩信心迴向厥惟大慈氏
之教而熱河尤我

皇祖聖祖仁皇帝撫綏列服歲時肆覲之區嚮也西陲內面景從朕
勤思續述普寧安遠普樂諸刹所爲嗣溥仁溥善而作也今也逢
國大慶延洪曼羨而斯廟聿成三乘之宗實其統會於焉宣寶鐸演
金輪闍禽流梵樂之音塞樹種菩提之果一切國土善信膜拜歡喜

以爲得未曾有而久入俄羅斯之土爾扈特以其爲外道非黃教所
概舍久牧之額濟勒率全部數萬人歷半年餘行萬有數千里傾心
歸順適於是時蒞止瞻仰善因福果誠有不可思議者是則山莊之
普陀與西藏之普陀一如與印度之普陀亦一如與南海之普陀亦
何必不一如然一推溯夫建廟所由來而不如又均可毋論即如
如之本義豈外是乎豈外是乎先是羣藩合辭請進千佛像懇款弗
可卻因命就廟中虔閣奉之別有記不復詳綴爲說偈曰

我聞瞻部洲

古德有道場

天龍各護持

名四大結聚

九華及二峩

五臺亦初地

普陀南海南

觀自在所住

其言限方所

不出邊邪見

譬如一揲手

眯萬億由旬

若人證三摩

要令不失故

衛藏妙莊嚴

竺乾祖庭意

興桓足香界

成此大勝因

百部諸賢王

合十聆唄讚

塞土黃金色

是處菩薩面

其前羅漢峰

磬石爲榘椎

舉似象王巖 非離亦非卽 其下獅子溝 武列功德水

舉似鐵蓮洋 無垢亦無淨 能具等正覺 皆作如是觀

五十三參竟 還叩兩足尊 長現調御相 爲說無生法

御製詩

普陀宗乘廟落成拈香得句 辛卯

遞肖何妨屢普陀 普陀有三一居額納特珂克即印度一居圖伯特即西藏一居南海而西來因緣則始自印度而西

藏而南海南海特 大士行教示現之所印度又遠不旬 稽惟西藏都綱法式具備因於山莊北麓仿其制爲之 金剛四句括

無多層樓金瓦輝香象偏袒黃衣演法螺虔爲祝

釐開八秩會逢歸極仰三摩 今歲恭遇 皇太后八旬萬壽因建此廟慶迓 慈禧茲屆歲工慶落會

土爾扈特汗渥巴錫等適至以其 撰良慶落欣瞻禮曰罪曰知且付

他

普陀宗乘廟即景 壬辰

震旦惟南海山莊護北峰莊嚴猶緒事清淨是真宗優鉢含風燦貝

多帶露濃盤旋清蹕返聽遠隔林鐘

普陀宗乘廟即事 癸巳

普陀本以撫遐為

蒙古皆重黃教庚寅辛卯壘逢

國慶舊藩新

達喇都綱法式建廟於此以迓慈壽

神道誠看有相之遂致遠

而洽柔懷梵語

布達喇即華言普陀也

來土爾扈

廟工將歲而土爾扈特台吉渥巴錫等率屬歸順朝觀山莊之日適屆落成大慈氏廣大因緣不可思議如此即命

古宗風振慧枝若論三乘皈一字謂猶一字屬多詞

瞻禮普陀宗乘之廟因題 丙申

梵語布達拉震且謂普陀南海本中華西域實做摹

叶普陀有三詳見碑記蓋西域

布達拉本以山似普陀而屋宇則仍依藏式茲廟規制悉倣西瀛為之

斯乃肖藏式構築無差訛土爾

扈特來慶落演梵那

辛卯秋廟工落成適土爾扈特汗渥巴錫去歲

雨致頽根基未固羅重砌塊石堅債事弗深訶

昨歲夏秋多雨牽引

地入致牆基鼓裂層卸而下皆由前此承辦各員不諳作法向非侵

冒誤工故不加深謹因命易大塊石為基層層發築經樓佛閣重加
 葺治未逾年而咸工闕整如前而鞏固較勝於舊通計費用四十餘
 萬金例當工員賠補念各員力不能償止令其中數人廉俸最厚者
 酌賠什之一餘悉豁免其工員初時僅視頂帶今於工竣之日仍加
 還給
 茲臨重瞻禮舊貫仍巍峩不有敗者相焉觀成者嘉叶成敗總

六如如是觀如何

布達拉廟瞻禮有作己亥

布達拉原肖前藏落成土爾扈來賓土爾扈特特急呼之則為土爾扈特

無心招致彼殊域有意懷柔此近人蒙古素重黃教況此寺做前藏

等每扈從瞻禮無不歡喜踴躍即此亦懷柔之一端也松樹種將嘉陰滿山花開遍法雲彬更

今扎什煥倫布扎什倫布華言須彌福壽也以班禪額爾德尼欲來

居此俾欣在觀光輻輳頻

布達拉廟瞻禮用去歲韻 庚子

普陀於右須彌左布達拉華言普陀乘札揖讓無殊主與賓閱稼

之餘臨梵地祈年莫匪為去聲農人落來雙樹風聲爽斂去寥天雲彩

彬祝嘏欣逢聖僧駐

班禪額爾德呢自後藏跋涉二萬里來此祝余

布達拉講
經放參

諸番膜拜看填頻

殊 像 寺



殊像寺 寺在普陀宗乘廟西名因臺麓制做香山緣起備詳

御製詩序寺門三楹南嚮恭刻

御書殊像寺額寺額多具四體書左右有鐘鼓樓內爲天王殿東西配殿各五楹東曰饌香堂西曰演梵堂內爲會乘殿殿七楹額曰會通三際聯曰發心爲衆生緣深入善權菩薩果現相如三世佛了分身住曼殊牀又東西配殿各三楹東曰指峰殿西曰面月殿其後建八方亭額曰寶香閣又曰淨名普現聯曰佛說是本師宏宣象教天開此初地示現獅峰又東西配殿各三楹東曰雲來殿西曰雪淨殿更內爲樓十八楹額曰清涼樓又曰相合臺懷聯曰地上拈將一莖草樓頭現出五臺山樓下額曰妙五福德聯曰地分臺麓示居國座挹錘峰供養雲又東西配殿各五楹東曰吉暉殿西曰慧喜殿寺旁築室三楹額曰香林室又樓三楹額曰倚雲樓恭繹

聖製清涼五峰香山塞山非彼非此所謂一而二二而一無分別見
作平等觀

曼殊闍義得未曾有也

御製詩

殊像寺落成瞻禮即事成什

有序
乙未

五臺山爲文殊師利道場梵語謂之曼殊師利山麓有寺曰殊
像傳是文殊示現處妙相端嚴瞻仰生敬辛巳春奉

聖母幸五臺祝

釐瓣香頂禮默識其像以歸旣歸摹勒諸石遂乃搆香山肖碑模而
像設之顏曰寶相茲於山莊普陀宗乘廟西營構蘭若莊校金
容一如香山之制而堂殿樓閣畧倣臺山亦名以殊像從其朔
也夫佛法無分別見清涼五峰固文殊初地香山塞山非彼非
此矧以竺乾視之固同爲震旦中菩薩示現之境乎是則闡宗

風延

曼壽功德利益又皆一合相之推廣平等者也工始於乾隆甲午夏

逾年落成以詩代頌並誌緣起如右

殊像全規臺廟模撰辰慶落禮曼殊曼殊師利梵帙讀作平聲其音近滿珠故西藏達賴喇嘛等進

丹書借稱曼殊師利大皇帝金經蒙古猶常有寶帙皇朝可獨無佛

今俗訛滿珠為滿洲非也本出厄訥特詞克是為梵帙一譯而為唐古特之番再譯而為震旦

之漢其蒙古經則康熙及乾隆年陸續譯成者朕以當我朝全盛之

時不可無國書之佛經因命開館譯定譯以國書宣白業習之修士翊浮圖是寺之喇嘛皆令習

殊像寺 丙申

殊像亦非殊堂堂如是乎雙峰恒並峙與普陀宗乘之廟各半里弗

多紆法爾現童子巍然具丈夫丹書過情頌西藏每於新歲獻丹書稱曼殊師利大皇帝云

云蓋以曼殊音近滿珠也笑豈是真吾

殊像寺疊丙申韻 己亥

殊像像文殊豈云異貌乎闕達忽兩歲瞻禮此重紆法演三千界心
傳調御夫無生祇二字行處目瞠吾

香林室

乙未

室築花宮側檀林擁淨香最宜引呼吸可以悟真常庭樹有嘉蔭砌
葩無俗芳如云皆是藥識者大醫王

香林室

丙申

塞山富者林茲以近佛地異衆獨名香而室幸斯置俯仰梅檀叢饜
飫蘆荀味滿志惟清淨謀目足葱翠何當屏萬慮從修入聞思

香林室

己亥

是林無不香是處香之最室築梵宮旁自應餘津逮潤以沆瀣精吹
以蔭荀籟耳根及鼻觀合相成靜會五木與都梁火氣直宜汰

倚雲樓

乙未

寺傍隙地一區分倚巘爲樓亦可欣虛牖卻無來去相容容常挹德

山雲

倚雲樓 丙申

倚雲雲亦倚其樓正可羲經悟氣求若論山田霑渥雨豐隆祇合此
間收

倚雲樓口號 己亥

山樓兩架倚晴暉莫謂無雲便擬歸試看青葱峭蒨者蔚林詭石豈
其非

金
文
考
示

夕
ノ
一

ナ

寺 安 廣



廣安寺 在普陀宗乘廟之西南嚮乾隆三十七年建

御書門額曰持勝門又內樓六十二楹額曰淨香室曰定慧樓皆兼

四體書面西聯曰香界擁諸天妙鬢普護塞山現初地淨土同
持面南聯曰淨域頂光融莊嚴普現妙香鼻觀會功德常增樓

上聯曰現法化報身總持淨業參誠定慧諦永駐祥輪寺中有

戒臺恭懸

御筆四體書額每歲蒙古諸部鱗集式瞻寶相普結勝因

慈字洪寧不特花龕蓮筏已也

御製詩

廣安寺瞻禮六韻 癸巳

蒙古尊黃教其來已久時以神道而設因俗習爲治用接宗乘右

在普陀宗乘廟之西俾修摩竭儀金容輝法相玉律示毘尼 寺中有是日虔瞻

禮

萬年兼祝釐廣安寧詎此土扈

即土爾扈特急呼之或兩字或三字皆如厄魯特亦呼厄魯

列藩

維

廣安寺 乙未

北山一帶佛宮羅居選番僧演梵那殊像西鄰原不遠良辰餘暇遂相過雖云

慈壽祝無量也覺莊嚴漸已多設以廣安喻治理儒宗釋教豈殊科

廣安寺 丙申

蓮宮及鹿苑迤邐接北山一以祝

慈壽一以示外藩相去弗甚遠遊乘片時閒未能空五蘊那足悟三

幡獨因歌耆定差云副廣安

廣安寺疊乙未詩韻 己亥

互山疊樹盡娑羅勝地真宜創舍那瞥眼誰期閱兩載散懷偶爾得

重過

昔年祝願成三幻於寺本為乙未詩紀聖母祝此日虛無說

六多柔遠詎惟宣梵教此俱在北山一帶地當塞苑之後琳宇駢羅益

增勝槩不僅宣揚黃教也即令械樸作儒科建今升熱河院定以學額並

度地創文廟期塞外士子戶習絃詞振與文教

羅漢堂



羅漢堂 在

行宮北里許乾隆三十九年建殿額皆

御書左右有鐘鼓樓門內天王殿又內大殿額曰應真普現皆兼四
體書大殿內額曰會乘證果東西配殿六楹堂中應真像悉倣
寧安國寺制伏讀

御製江南塞北妙相同觀而十六非少五百非多益證妙諦融圓也

御製詩

題羅漢堂 癸巳

潔治山堂據漫坡應真寫像各婆婆江安彼豈塞北此

是問應真像
肖海寧安國

寺為十六少非五百多色見聲求總邪道水流雲住契禪那知然是

復何為者獅子峰高借問他

羅漢堂

五百應真此休夏香筵列坐貌堂堂杯從何處同鷗渡錫駐於斯聚

雁行一切有爲法皆幻六如無着偈猶詳弗居淨土居塵世度世婆
心正未央

須彌福壽之廟



須彌福壽廟 歲在庚子恭逢

皇上七旬萬壽時則班禪額爾德呢祝

釐來自後藏

上嘉其遠至於山莊建札什倫布廟居之唐古特語札什謂福壽倫

布謂須彌山也廟門南嚮恭刻

御書額曰須彌福壽之廟廟額多具四體書東西二山門有題額一

曰梵香遍滿一曰法界圓成碑亭一額曰智光普照寶坊一額

曰總持佛境都綱殿樓三重額曰妙高莊嚴殿內面南額曰寶

地祥輪聯曰開大般若臺朗照宗鏡具妙莊嚴相深護法雲又

曰證三摩鉢提圓裝七寶超六波羅蜜座湧千花又曰圓鏡照

三千是空是色妙香聞二六即佛即心又曰妙曼擁珠城莊嚴

具足芬陀承寶蓋福慧圓成面北額曰福緣恆演聯曰現象香

國身增五福德說最上乘法證八吉祥又曰仙露淨塵根花垂

蘆荀香風翔法界樂送迦陵又曰證最勝因光華開七寶溥無
量壽安樂演三乘東爲

御座樓聯曰風鈴常轉蓮花藏貝葉閒披金字經更內佛樓二重額
曰生歡喜心聯曰龍象莊嚴妙不可思議人天歡喜普如是吉
祥又曰見性悟真源參聖如意定心觀妙諦示佛因緣殿上層
額曰吉祥法喜殿內聯曰寶閣護香雲靜資禮梵靈峰呈壽相
妙悅安禪下層額曰芬陀普湧殿內聯曰初地總持超梵乘恆
沙普演護祥輪又

御座樓南北殿各二重北殿懸南無阿彌陀佛額聯曰到來佛相原
如是靜處塵心那更生又曰功德無邊復無量因緣非色亦非
空南殿東楹聯曰現法化報身共依圓覺攝聞思修教遍示妙
明西楹聯曰象法湧祥輪西方震旦智光騰寶炬海藏天宮客
堂額曰萬法宗源聯曰便有香風吹左右似聞了義示緣因仰

惟

壽字宏開

皇風普暨西方妙法同我太平伏誦

御製記文仰見我

朝聲教恢紘卓越千古非獨耆嶠閣山阿耨達水頌無量功德已也
御製文

須彌福壽之廟碑記

庚子

黃教之興以宗喀巴爲鼻祖有二大弟子一曰根敦珠巴八轉世而爲今達賴喇嘛一曰凱珠布格埒克巴勒藏六轉世而爲今班禪額爾德呢喇嘛是二喇嘛蓋遞相爲師以闡宗風而興梵教則今之班禪額爾德呢喇嘛實達賴喇嘛之師也達賴喇嘛居布達拉譯華言爲普陀宗乘之廟班禪額爾德呢居札什倫布譯華言爲須彌福壽之廟是前衛後藏所由分也辛卯年曾建普陀宗乘之廟於避暑山

莊之北山以祝

釐也亦以土爾扈特之歸順也今之建須彌福壽之廟於普陀宗乘之左岡者則以班禪額爾德呢欲來覲而肖其所居以資安禪且遵我

世祖章皇帝建北黃寺於京師以居第五達賴喇嘛之例也然昔達賴喇嘛之來實以敦請茲班禪額爾德呢之來覲則不因招致而出於喇嘛之自願來京以觀華夏之振興黃教撫育羣生海宇清晏民物攸寧之景象適值朕七旬初度之年並爲慶祝之舉也夫朕七旬不欲爲慶賀繁文已預頒諭旨而茲喇嘛之來則有不宜阻者蓋國家百餘年昇平累洽中外一家自昔達賴喇嘛之來至今亦百餘年矣且昔爲開創之初如喀爾喀厄魯特尙有梗化者今則重熙休和喀爾喀久爲世臣厄魯特亦無不歸順而一聞班禪額爾德呢之來其歡欣舞蹈欲執役供奉出於至誠有不待教而然者則此須彌福

壽之廟之建上以揚

歷代致治保邦之謨烈下以答列藩傾心向化之悃忱庸可已乎既
爲記復作讚言

印度既迴遙

佛教亦式微

梵僧捨天竺

多臨衛藏地

自唐代已然

是爲法源處

一譯猶云近

三乘無舛訛

宗乘向東昌

誠如佛所記

衛藏雖徼外

實在震旦中

達賴及班禪

宗喀巴高弟

前後燃智燈

三車之綱領

真文與滿字

於是溯軌躅

蒙古衆林林

莫不傾心向

皈依三寶門

神道易設教

茲聞班禪來

如嬰兒遇母

觀化闡宗風

誠爲吉祥事

布達拉既建

倫布不可少

擇向興工作

亦以不日成

都綱及寢室

一如後藏式

金瓦映日輝

玉幢揚風舞

自成動靜偈

朗標色空喻

以是善因緣

資無礙法喜

祝嘏猶其小

所欣象教宏

舉似西域居 無來亦無去 上人演法輪 蠢蠢普超度

佑我無為治 兩順與風調 衆生登壽世 慧炬永光明

合十作讚言 初非為一己 如懸大圓鏡 遍照於十方

而鏡本無心 迴向亦如是

御製詩

札什倫布廟落成紀事 庚子

華言福壽等須彌 唐古特語倫布者須也 建以班禪來祝釐 今年班禪額爾德呢

來熱河為余祝七旬萬壽因做 舊例已遙邈

順治 謂西黃寺因五輩達賴喇嘛於順治年間來京特勅建寺居之 新工猶近比 去聲

康熙 鴻仁寺康熙五十二年建為熱河最古寺 層樓初聳輝佛日萬樹分栽蔚慧枝一語

欲詢駐錫者有無法也抑無為

再題札什倫布廟

曉趁輕涼出苑門札什 讀作平聲 倫布煥崇垣班禪輜重先云至 班禪額爾德呢

昨遣喇穆占巴四人並喇穆隨從五十餘人資夏季生衣預沛恩喇
送輜重先至熱河因即以札什倫布旁舍居之
占巴及喇嘛等來自後藏尙服羶彼以敬來酬以惠識其委欲溯其
源莊嚴每謂非斯謂那待他人有後言

札什倫布廟疊去歲韻 辛丑

寺圖後藏奉阿彌壽如山自兆釐札什倫布爲唐古特之福本擬來宗

闡法教那期入寂示恬熙班禪額爾德尼於庚子七月來觀山莊擬

於黃滅生原不拘三乘規律猶然貽一枝上年班禪額爾德尼住此

布帶領班第二十人在廟住持傳習後藏經律因派此地喇嘛百八

十名隨從學習今歲臨幸札什倫布見學習經律諸喇嘛俱漸次嫻

熟雖班禪示寂而宣揚黃教如是去年對談處笑茲構築信何爲

規律常存實亦去來如一也

札什倫布廟再疊庚子韻 壬寅

由來芥子納須彌底論仰荒與俯釐見說福資三乘力祇圖茲濟萬

靈熙堂中貝葉翻宗教階下禪林長慧枝舊果前緣一相證有爲法

豈及無爲

金匱素問

卷之十

一

熱河城隍廟



熱河城隍廟 熱河自

聖祖仁皇帝締構山莊六十餘年爲

畿輔東北一大都會乾隆三十七年允督臣周元理請恭建茲廟四
十三年奉

旨設立承德府神臬鞏固秩禮攸宜

御書殿額曰福陰巖疆聯曰和會視畿封妥斯苞茂阜寧徵版籍報
以馨香左右配殿各一楹又內後殿五楹東西配殿各一楹廟碑恭
勒

御製詩序歲時

展敬靈貺惟昭矣

御製詩

熱河初建

戎皇廟拈香瞻禮八韻

有序 癸巳

城隍之神莫詳所自或謂始於唐李德裕之立祠成都而李陽
冰縉雲城隍神碑則謂惟吳越有之然張說在荊州張九齡在
洪州並有祭城隍文可見不始於成都亦不獨行於吳越且蕪
湖城隍建於吳赤烏二年則又不自唐始而考城隍名義實權
輿於八蜡水庸則并不得謂自吳始矣迨宋以後天下通祀明
初雖改從山川壇尋亦復舊今則省府州縣同之熱河尙未有
神廟壬辰秋督臣周元理以爲請即發帑庀材飭治之或以爲熱河
故無城池於名毋乃不稱余曰否否

神之號爲城隍方隅是保甿庶是依熱河自

皇祖締構山莊以來迄今六十餘年民物恬熙井里殷富五廳隸屬
咸臻阜寧儼然一大都會必有默相之者不記云乎有功於民
能捍災禦患則祀之則熱河

城隍之宜備祀典於禮誠不可闕且行宮石城崇墉屹峙武列三源

安流導和何不可以循名徵實又詎在列雉重闔環濠曲塹方
足以當斯義哉越癸巳夏五月工葺余適臨幸山莊親致瓣香
以落之作詩紀成並序緣起俾揭諸麗牲之石且告所司慎厥
事焉

八蜡分明紀水庸謂由唐始見猶壅興州久矣民人聚

新廟於焉鑿饗供佐

帝佑氓宜有祀禦災錫祉願無封燕公椒奠曾攄悃洪武泥塗或不
恭避暑石城

皇祖建廣仁雲嶺

聖慈從昭靈助順萬年賴薦禮申誠此日逢猛獸毒蟲消百戾春祈
秋報走三農七言用代豐碑泐土吏欽哉奉秩宗

金
文
集
江
元
朱
六
十

十
六

廣元宮



廣元宮 廟制昉自岱宗盛於京輦東方德主生物列在祀典
所以致精禋昭

靈貺爲民祈福之至意也熱河升爲承德府人民蕃育神祀聿修於

山莊內

勅建茲廟以備制度廟門南嚮恭刻

御書廣元宮額東西山門各三楹左右有鐘鼓樓內爲仁育門更內
爲香亭重簷複起額曰馨德亭又曰靈昭長養聯曰廣化佑天
齊無遠勿屆元功叶仁育有感斯通東西配殿各三楹東曰邀
山室西曰蘊奇齋正殿五楹額曰仁育殿又曰普佑資生聯曰
岱頂仰神庥功宣長育塞園崇廟祀福廕蕃昌後山門外有亭
一額曰古俱亭

御製詩

廣元宮六韻 己亥

元為善之長上生物主東方因肖岱宮式北碧霞元君廟在泰山頂

京師建廟城外有五頂之稱而中頂南頂西頂尤著皆官為葺治茲倣其制為之落成靈宇慶萬家煙火庶

兆姓息男昌承德令升府興文並設庠祈年協陽雨希

佑富耕桑惟以民情願無非

祖蹟霽

蘊奇齋 己亥

峰層復嶺重嵐秀護階濃鎖徑多詭石窳檐著古松起思無定趣引
睇鮮常容恰似青雲士諸奇蘊一胸

蘊奇齋 庚子

玻璃牕外簇攢峰朝靄暮嵐無定蹤可識萬奇此中出而齋不識以

為容

蘊奇齋 庚子

奇正由來兩勢分兼之誰似碧山云而齋蘊以無窮趣顯露應暘揚

子雲

中說揚子雲古之振奇士也

蘊奇齋口號

辛丑

奇者平之對合知齋中所蘊乃多奇老來諸事喜平易即景聊因一

詠斯

蘊奇齋偶爾有會口號因成

壬寅

牕前萬景納無遺即景因之額蘊奇奇正自應殊甲乙奇惟宜蘊正
宜施

邀山室

己亥

山本靜無動無動無去來而室顏曰邀其意何居哉諸峰自畫展一
牕惟虛開朝暮恆與俱嵐靄恆與陪去亦勿遮留來亦勿拒推是誰
不速客敬之終吉該

邀山室有會

庚子

山豈有動理而室邀以來室亦寧解邀則因人至哉是山實假合闕

一乃殊乖令假成一真知真原幻諧

邀山室 辛丑

山之德為靜其實弗解動

韻會元物自動則上聲彼不動而我動之則去聲晰理頗精

作室額曰

邀斯乃有迎送而山常在室何曾待延和是非彼自然乃由我所弄
即室亦勿知支辭過誰訟

古俱亭 己亥

喬松足有千載古峻嶺今看一笠俱小坐逍遙得奇會忘年之友定

無殊

古俱亭作歌 壬寅

山實太古有喬松亦如之境雖荒畧亦自有人居於茲其人何往而
惟松及山也恆如斯亭實構乎今山兮松兮與之俱古夫何疑吾欲
混名象忘今古漠然坐對謚神思

寺 覽 穹



穹覽寺 在喀喇河屯

行宮東南里許南嚮康熙四十三年

聖祖駐蹕喀喇河屯隨侍人員恭建此寺以祝

萬壽門額曰

勅建穹覽寺門內左右爲鐘鼓樓中植碑一恭鐫

聖祖御製碑文內爲正殿前楹恭懸

御書寺額殿內

題額曰清音貝葉又

御書額曰性澄覺海東西爲配殿又內爲後殿

御題額曰天半香林東西有配殿寺基爲坡陀小阜門俯瀾河如練

如帶隔岸諸山螺髻湧現有俯視層穹之概云

聖祖御製文

穹覽寺碑文 三集

喀喇河屯者蒙古名色釋之即烏城也乃古興州之所轄因世久事殊前朝未及設官分職皇輿等書編察難考朕避暑出塞因土肥水甘泉清峰秀故駐蹕於此未嘗不飲食倍加精神爽健所以鳩工此地建離宮數十間茅茨土階不彩不畫但取其容坐避暑之計也日理萬幾未嘗少輟與宮中無異萬幾偶暇即窮經史性理諸書臨池揮翰膳後即較射觀德以安不忘危之念此其大畧也因有離宮隨侍人員共祝萬壽而建寺不日即成又求扁額以垂永久朕賜書云穹覽取沈約驤首覽層穹之意在行宮之巽位寺勢雖微蓮社梵音鈴鐸經聲巨細皆備內有三大士相仙衣飄颺瑞園涵影以空寂爲本慈悲爲教汲引四生津梁三界清鐘夜聞遠近罔弗皈依月殿朗輝中外靡不瞻仰況右倚層巖左帶大河口外諸藩來往進貢皆由經過三庚無暑六月生風地脈宜穀氣清少病誠爲佳景前朝以戍邊不暇何得駐蹕今四海爲一八表同風自京北至萬里如同家人

父子豈有他術哉以誠而已今臣下歸福於朕朕曰天下皆福朕之福也先憂後樂朕之職也所願者年豐歲稔烟塵永息余之念茲在茲之意足矣無以妄求佛有所知自有保護康熙四十三年歲次甲申秋八月中秋日

聖祖御製詩

穹覽寺偶成 三集

塞北鐘聲久不聞梵宮列刹共氤氳
雨花柏樹同僧老開世瞿曇永
法雲

御製詩

穹覽寺 辛酉

招提鈴鐸午風吹罨畫山川入望奇
徙倚試思廿年事苔封碑字紀
康熙

金
文
考
初
二

卷
八
一

二
三
三

觀 霄 琳



琳霄觀 在喀喇河屯

行宮東南三里許康熙四十九年建南嚮門外樹坊二前曰興州勝境後曰紫塞春臺門額曰琳霄觀門內左右爲鐘鼓樓內爲靈官殿又內爲聖母殿額曰資生保赤東西爲配殿又內爲火神殿額曰德炳南離皆

聖祖御書門左植碑一工部侍郎兼翰林院掌院學士揆敘奉

勅撰誠親王允祉奉

勅書觀與穹覽寺相望淨界梵天鐘魚互答瑞靄吉雲眞去天尺五矣

欽定熱河志卷八十

二十三

欽定熱河志卷八十

欽定熱河志卷八十一

寺廟五

龍尊王佛廟 在熱河東北八十里湯山溫泉出焉

聖祖勅建廟其上

御製碑記

聖祖御製文

湯山龍尊王佛廟記 四集

塞外山脈自西北來至熱河岡巒迴合形勢鬱盤環左右百里間多名泉而山莊之東北有湯山其泉湧出山腰自然而溫浴之蠲煩除疴導和怡性朕始經其地謂水候微涼更得暄暖乃宜於體比再往則加煖矣記稱邱陵川谷能出雲爲風雨者皆有神況是山蘊金砂之氣蒸爲醴液又應候如意豈非有神靈默相者歟爰於泉上繚以周垣構行宮數椽爲避暑沐浴之所而於其中建龍尊王佛廟以奉

香火焉考湯泉著於史傳者驪山天都最爲古蹟其他亦散見於山經雜志而此地自古未入版圖故川原之勝蔽翳於荆榛沙磧間幸今中外一家茲泉始得呈其靈異古人謂地脈之興亦有待而然非虛語也夫君子澡身浴德如沃盥以去垢朕於此竊附湯盤之警期與天下日新而所以膏澤吾民以及蒙古諸部落使咸壽考康寧者則不能無望於佛之庇佑焉是爲記

火神廟 在大街康熙五十年建

開仁寺 在二道街康熙五十四年建

聖祖賜額曰開仁寺乾隆二十八年奉

勅重修前殿供闕帝額曰忠義北嚮供觀音額曰妙觀後殿供如來文殊普賢額曰雪山正覺

聖祖御書寺有石碑一詹事府少詹事蔣廷錫撰文誠親王允祉書
觀音大士廟 在廣仁嶺北康熙五十七年建

聖祖御書額曰妙德慈航

關帝廟 在西南街雍正十年建

御題額曰忠義伏魔每歲春秋及五月十三日官爲致祭又關帝廟
四一在糧食街康熙五十年建有碑一在獅子溝一在二道河

並乾隆二十年

勅修一在河東乾隆二十五年

勅修

藥王廟 在獅子溝乾隆二十年

勅修

龍王廟 在獅子溝乾隆二十年

勅建

礮神廟 在右哨汛

靈峰寺 在五指山元初建有碑額曰興州宜興縣五指山大

靈峰禪寺大輪禪師碑銘下書北京大定高守寶同男高誼高
諤刊大都大奉福禪寺傳法住持嗣祖沙門居實撰提點小師
沙門廣純書丹功德主勅授進義校尉虎賁軍百戶王琮勅授
將仕佐郎宜興縣尹兼管諸軍王文祐授武義將軍虎賁軍千
戶王瑤光祿大夫中書右丞相安童至元二十四年立碑上截
完整近跌處剝缺殆盡

竹林寺 在白馬川之敵樓山康熙四十三年修有僧照安撰
碑言竹林寺建於元致和間寺內又有元至元間重修敵樓山
天宮禪院碑記元僧顯月撰碑稱僧慧靄止於敵樓山之下抱
有古殿宇址號曰天宮惟設觀音神像乃結廬於山未逾三年
復完紺殿及鐘樓方丈僧廬山門香積雲居廩庫賓館皆創構
之是天宮禪院如建在元以前僧慧靄又增新之今竹林寺殆
即天宮禪院故址

謹案竹林寺內僧照安碑謂元致和間建今所存元碑爲至元二十六年重修立石元代世祖順帝皆以至元紀年致和乃泰定帝年號在世祖至元後則竹林寺改額或當在其時云

清泉寺 在上板城村未詳創建年月康熙四十九年修刑部右侍郎張睿撰碑

雲峰寺 在青雲山未詳創建年月康熙五十二年修僧普臨撰碣

天平寺 在青雲山距雲峰寺南五里
以上在今承德府境

星龕巖寺 在喀喇河屯西稍北五十三里康熙年間
勅建就巖鑄三石佛梵相奇古大殿奉

聖祖御書星龕巖額

峭壁寺 在喀喇河屯東南樺榆溝康熙年間建

聖祖御書殿額曰天半香林亭額曰森萬象

靜妙寺 在喀喇河屯西藍旗營康熙年間建有

聖祖賜靜妙寺額

關帝廟 在喀喇河屯東南康熙年間建每歲春秋及五月十三日官爲致祭又關帝廟五一在喀喇河屯營西康熙五十四年建一在金沙灘康熙五十七年建一在靳家溝一在青石梁官道側並乾隆二十三年

勅修一在巴克什營

以上在今欒平縣境

雲光洞廟 在中關西北三十里石洞溝康熙六十一年建

聖祖御書額曰雲寶珠光遂以名洞洞中供三世佛旁室奉紫微斗極及釋利大士有碑一內閣學士兼禮部侍郎將廷錫撰文翰林院侍讀學士陳邦彥書

安禪寺 在中關北三十七里什巴爾台康熙四十二年建有
聖祖賜安禪寺額

關帝廟 在土城子西雍正十年建每歲春秋及五月十三日
官爲致祭又關帝廟七一在黃姑屯一在郭家屯北五十里湯
泉上一在大閣兒東南七十里鑲黃旗營一在大閣兒東南九
十里頭道營一在大閣兒北八十里上黃旗一在大閣兒北一
百二十里牛圈子一在大閣兒西北一百四十里四岔山
金雲寺 在土城子南二十里乾隆元年建

河神廟 在土城子萬載橋南乾隆十年建

觀音寺 一在土城子南二十里一在土城子東北一百二十
里

龍王廟 一在土城子西北二十五里赫山一在大閣兒東北
千佛寺 一在土城子北八里一在大閣兒東北四十三里

興隆寺 在土城子東北九十里五峰山

釋迦佛廟 在五峰山

蘇武祠 在大閣兒東二十五里

謹案顧炎武昌平山水記稱塞外有蘇武洞或即此祠之訛今土人呼爲蘇公廟考武奉使匈奴徙北海上不應在此蓋古人遺跡人艷稱之故爲立祠耳

靈通寺 在大閣兒東南五十里龍泉山過寺里許有龍潭三遶寺前石澗東南流入潮河

洪湯寺 在大閣兒西南六十里湯山山有溫泉康熙二十二年僧明林建寺磬浴池於泉側

普濟寺 在大閣兒西

月珠寺 在大閣兒北六十里喇嘛山寺有石佛鑄鏤絕工

以上在今豐寧縣境

關帝廟 在八溝河南雍正十二年建每歲春秋及五月十三日官爲致祭又關帝廟六在北二道河者一一爲康熙五十五年建一爲乾隆二年建一在扎薩克旗茶棚雍正五年建一在小子溝雍正八年建一在七家茶棚乾隆二年建一在八溝南乾隆三年建

礮神廟 在八溝南大吉口乾隆五年建

火神廟 在八溝西街乾隆六年建

龍王廟 一在八溝西街乾隆六年建一在八溝東北喀卜齊爾山廟側有泉

靈峰院 在八溝北翁牛特境內遮蓋山山有千佛洞今名大碾子洞有金皇統三年靈峰院千佛洞碑奉議大夫驍騎尉劉子初撰中京大定府長興縣鄉貢進士杜彥臣書前列都綱沙門曉和匡主沙門惠學千佛化主沙門遵說等名後列衆僧名

金定縣志 卷八十一
及都提點趙孝慈邑故趙瓌舉事趙璣邑判陳彥副判趙倫以下八人副提點劉忠信邑長孫公彥監造邑錄梁國寧以下十人名姓碑稱縣東南有山曰遮蓋背山嚮溪有道場焉遼乾統三年有天台法師鑿山構殿殿後環洞名靈峰院後遭兵火至皇統辛酉歲僧遵說成千佛石像碑在今大碾子洞外又有明萬歷四十五年重修碑在洞內其文襲皇統碑荒陋無足採元一統志曰松州東南二十里遮蓋山有古寺即指此

以上在今平泉州及赤峰縣境

佑順寺 在塔子溝東北二百八十里三座塔康熙三十七年勅建四十六年落成

聖祖賜佑順寺額并檀香佛像前天王殿西關帝殿左右鐘鼓樓中爲大殿東西配殿左右爲藏經閣石碑三並康熙五十四年辦理土默特貝子旗事務戶部主事諾岷撰文

佑安寺 在三座塔東北二百四十里康熙四十四年建

聖祖賜佑安寺額寺內有碑

承禧寺 在塔子溝西九十里北宮康熙五十年

聖祖駐蹕其地發帑建立

賜承禧寺額

弘慈寺 在塔子溝北四百二十里敖漢界內康熙四十六年

敖漢郡王扎木蘇建

聖祖賜弘慈寺額

關帝廟 在塔子溝東街乾隆七年建每歲春秋及五月十三

日官爲致祭又關帝廟四一在三座塔城內東塔舊基之右乾

隆十三年建一在大鹿溝東一在五道溝東南一在莊頭營

清安寺 在塔子溝東北七十里大城子康熙二年建

天成觀 在大城子東康熙六年建

降魔寺 在塔子溝西北二十五里小城子之東三里寺北有石洞一中供佛像土人呼曰喇嘛洞

朝陽寺 在三座塔東八十里康熙九年建又木頭城子東北八里有朝陽寺康熙中建有塔在山頂蒙古稱納林塔又塔子溝西南四十里亦有朝陽寺

彌陀菴 在三座塔東北一百六十里康熙十六年建
興隆寺 在三座塔大板上康熙四十一年建

天仙廟 在三座塔東鳳凰山聞仙洞下三里許康熙中建

盛水寺 在三座塔東南雲蒙山下康熙中建山下有泉
靈佑宮 在三座塔東南山雍正十二年建

臥佛寺 在三座塔西昂吉山周三十餘里寺基當其巔廣袤可六七十丈遼應歷七年石幢記尙存今寺爲蒙古改建寺有石佛高八尺圍四尺

天慶寺 在臥佛寺下四里遼時建康熙十七年修寺有石胎

觀音立像高七尺圍五尺有奇遼壽昌五年沙門智闕等唱和

詩石刻尙存碑高五尺跌半沒土中字跡微泐篆額橫鐫玉石

觀音像唱和詩碑九字詩以次列分四截書前署銜名有崇祿

大夫檢校太師行鴻臚卿闕辦大師賜紫沙門智闕兵部尙書

兼門下侍郎平章事鄭若愚左僕射兼中書侍郎平章事韓資

讓兵部尙書興中尹趙廷睦諸行宮都部署尙書左僕射梁闕

特進禮部尙書參知政事趙長敬觀書殿學士行尙書禮部侍

郎知制誥焉闕俊中大夫昭文館直學士知御史中丞開國侯

劉瓌度支使金紫崇祿大夫行尙書禮部郎史仲愛乾文閣待

制史館修撰曲正夫朝請大夫充秘書監開國伯賜紫金魚袋

王執中南面統制闕一闕十闕員外郎闕二闕光前樞密院吏房承旨行

殿中少監王仲闕朝議大夫知制誥開國子孟初朝散大夫司

農少卿知大定少尹賜紫金魚袋張識司農少卿知度支副使

楊滌瑕守殿中少監知析津縣事李師範闕四侍御闕二賜紫

金魚袋李闕提點宏法寺守將作監張闕內藏庫都點朝散大

夫尙書虞部郎中借紫寇闕殿中丞直史館張嶠左承制閣門

祇候韓汝礪崇祿大夫檢校司徒闕三正大師賜紫沙門善闕

共二十二人碑右側鐫講經法姪性闕及闕門資講僧性覺二

人和詩真書分上下層詩不甚工書頗古勁有法

報恩寺 在天慶寺東北大塔下康熙五十一年重建

華雲寺 在天慶寺東北雍正十三年建有塔

三學寺 在三座塔北狼山舊爲祥巒院金大定五年重修改

額有興中府尹改建三學寺碑里人韓長嗣撰文并書將仕郎

興中府都孔目官白霽王祈篆額後刻都維那銀青榮祿大夫

興中尹上柱國廣陵郡開國公食邑二千戶實封二百戶高思

廉妻廣陵郡夫人高氏二夫人高氏長男雲堂次男三學奴遼金舊制以經律論爲三學擇僧行清高者爲綱首舉諸郡內經律論學優者爲三法師凡取經律論師差官考試於各宗出題答義中選者取三人命爲三宗法師蓋最重之三學之名取諸此韓長嗣碑中稱遼建三學寺於府西兵興以來殿堂廊廡俱無寺廢久矣天尹出遊狼山其上有院曰祥巒廢爲荆榛基址頗有制度迺改修爲三學寺是遼於興中府西建三學寺金始改建於狼山也元一統志興中州狼山上有三學寺即指此

林泉禪寺 在塔子溝東南月華山有元僧無際撰碑額曰大寧路惠州東錦川鄉月華山林泉禪寺翔建地產四至碑字完好碑稱僧祥盤翔立林泉寺正殿三楹壁繪毘盧聖像右觀音寶宮左威光堂歲至乙巳百廢具舉則寺落成于元成宗大德九年也元一統志月華山寺在惠州東一百九十里即指此後

金匱縣志 卷之十一
寺廢雍正十一年即碑側舊址重建此山有石竇東西相通故俗呼窟窿山廟

以上在今建昌縣朝陽縣境

謹案舊五廳圖册喀喇河屯有菩薩廟龍母廟財神廟四旗土城子北有七神廟黃姑屯有藥王廟黃姑屯及少府營各有玉皇廟黃姑屯東興龍山有呂仙廟郭家屯湯泉有真武廟郭家屯西北鳳凰山有天仙廟八溝河南有觀音廟八溝河南及龍鬚門各有藥王廟八溝東市有財神廟大吉口有真武廟二道河有大王廟八溝東璫璫山有泰山神廟八溝南湯頭溝有喇嘛廟二八溝東北喀卜齊爾山及八溝西北一百四十里各有喇嘛廟塔子溝北有地藏廟藥王廟塔子溝南市有財神廟大城子天成觀西南有觀音堂三座塔西五佛洞有韋馱廟大板上有明聖寺波羅台溝有喇嘛廟大抵土人所建規模無足紀

錄皆附載於此

大正九年可志

卷八十一

寺廟五

七

欽定熱河志卷八十一

欽定熱河志卷八十二

寺廟六

天靈寺 在青雲山距天平寺東五里今存舊址

禪林寺 在青雲山距天平寺西五里今存舊址

靜安寺 在天寧故城南十家兒村遼咸雍間蘭陵郡蕭夫人

建碑字漫漶不可讀寺址尙存

資聖院 金劉子初靈峰院千佛洞碑稱靈峰院遭兵火後於

皇統辛酉歲請中京資聖院僧遵說嗣興之遼中京大定府至

金爲北京皇統時尙未改故碑文仍稱中京也院當與大寧故

城相近今遺址無考

會禪寺 金趙秉文有重九登會禪寺冷翠軒詩云明朝卻望

登眺處城中惟見白雲封知此當在大寧故城外今遺址無考

大定府文廟 元一統志曰宣聖廟在大定府東南隅虎臣坊

謹案遼金之大定府即元大寧路今八溝東北有大寧故城凡

大定府諸寺廟當在八溝東北境今屬赤峰縣

玉清觀 元一統志玉清觀在大定府東南隅致用坊遼統和

二年建

興聖寺 元一統志興聖寺在大定府致用坊金明昌六年建

頭陀禪院 元一統志頭陀禪院即永安禪院在大定府致用

坊萬頭陀所建翰林學士李磐撰碑

圓宗寺 元一統志圓宗寺在大定府東北隅豐實坊遼統和

二年建

華陽宮 元一統志華陽宮在大定府豐實坊遼統和二年建

感聖寺 元一統志感聖寺在大定府豐實坊有佛舍利塔遼

統和四年建

咸聖寺 元一統志咸聖寺在大定府豐實坊有磚塔金皇統

二年建

崇寶寺 元一統志崇寶寺在大定府豐實坊金皇統二年建

太子寺 元一統志太子寺在大定府豐實坊金貞元二年建

楞嚴寺 元一統志楞嚴寺在大定府豐實坊金大定二年建

大覺禪寺 元一統志大覺禪寺在大定府豐實坊金大定二

年建翰林學士鄭子晴撰碑

護國寺 元一統志護國寺在大定府豐實坊金太和元年建

三皇廟 元一統志三皇廟在大定府西南隅貨遷坊

報聖寺 元一統志報聖寺在大定府貨遷坊遼統和八年建

五嶽觀 元一統志五嶽觀在大定府西南隅利通坊

淨安寺 元一統志淨安寺在大定府利通坊金皇統八年建

城隍廟 元一統志城隍廟在大定府西北隅世恩坊甲申歲

建

崔府君廟 元一統志崔府君廟在大定府世恩坊甲申歲建

東嶽廟 元一統志東嶽廟在大定府世恩坊丁酉歲建

白鶴宮 元一統志白鶴宮在大定府世恩坊庚子歲建

傳教寺 元一統志傳教寺在大定府西北隅勸善坊金皇統

七年建

白蓮寺 元一統志白蓮寺在大定府南關金明昌六年建

三靈侯廟 元一統志三靈侯廟在大定府南關乙酉歲建

龍王廟 元一統志龍王廟在大定府南關外塗河即土河之濱

乙酉歲建遇旱禱雨即應

鎮國寺 元一統志鎮國寺在大定府西關有鐵塔遼統和三

年建

義勇武安王廟 元一統志義勇武安王廟在大定府西關壬

子歲建

翠微寺 元一統志翠微寺在大寧縣西

謹案元大寧縣即大寧路治凡大寧縣諸寺廟當在八溝屬喀喇沁境內今爲平泉州赤峰縣地

罔極寺 元一統志罔極寺在大寧縣西

靈感寺 元一統志靈感寺在大寧縣西二里金趙秉文詩塗河岸北白蓮東法鼓驚飛石碣鴻知寺在土河之北又金承安五年精巖禪寺圖蓋和尚墓銘爲北京靈感禪寺沙門崇顯立石則此寺在金承安前

三學寺 與狼山之三學寺別 元一統志三學寺在大寧縣北十五里七

金山遼咸雍元年建有碑後罹兵火碑字剝落難辨金趙秉文詩劄簷篆額蠹蝸涎象教塵埃閱百年知寺在金時已毀明一統志烏梁海七金山下亦載此寺名

昊天寺 元一統志昊天寺在大寧縣西一百里香臺山遼乾

金史卷之二十一
身ノ一ノ一
三
統七年建金太和六年杜元撰碑

華嚴寺 元一統志華嚴寺在富庶縣

謹案元富庶縣在大寧縣南境富庶縣之寺廟當在八溝屬喀喇

喇沁東南境即今平泉州地

玉清觀 與大定府之玉清觀別 元一統志玉清觀在金源縣西北隅

謹案元金源縣在大寧縣境金源縣之寺廟當在八溝屬喀喇

沁東境內

惠州文廟 元一統志文廟在惠州西北隅

謹案元惠州在大寧南今爲八溝接塔子溝南境凡惠州城內

及西境南境當在八溝今屬平泉州

東林寺 元一統志東林寺在惠州東南隅

開祐寺 元一統志開祐寺在惠州西南隅

興福寺 元一統志興福寺在惠州西南隅

大清觀 元一統志大清觀在惠州西北隅

神山廟 元一統志神山廟在惠州西南十五里

黃崖寺 元一統志黃崖寺在惠州南一百三十里

高州文廟 元一統志高州文廟至元二十年郡侯楊僧喜創

建

謹案元高州在大寧北境凡高州諸寺廟當在八溝喀喇沁北
接翁牛特境內今屬赤峰縣

紫微宮 元一統志紫微宮在高州辛酉歲道士李清風建

感聖寺

與大定府之
感聖寺別

元一統志感聖寺在高州癸卯歲僧性

聰建

東華宮 元一統志東華宮在高州甲寅歲王崇貞建

元都觀 元一統志元都觀在高州丁巳歲建

福田寺 元一統志福田寺在松州南關有古佛大像

謹案元松州在大寧西北境凡松州諸寺廟當在八溝喀喇沁西北接翁牛特境今屬赤峰縣

廣濟寺 元一統志廣濟寺在松州南關外有塔二座

望京山寺 元一統志松州東八十里望京山有古寺石佛像

香臺山寺 元一統志松州南八十里香臺山有石井

五峰山寺 元一統志松州西南九十里五峰山有古寺

龍翔寺 慕容燕建十六國春秋前燕錄有黑龍白龍各一見

於龍山慕容皝親率羣僚觀之立龍翔佛寺水經注作龍翔祠龍山在

今塔子溝廳屬土默特右翼東南境今寺址無考

堯祠 北魏建魏書地形志昌黎郡龍城縣有堯祠龍城縣爲

今三座塔地今祠址無考

白鹿山祠 北魏建魏書地形志建德郡石城縣有白鹿山祠

白鹿山在今塔子溝廳屬喀喇沁左翼東境今祠址無考

精嚴禪寺 在塔子溝東北大城子土人掘地得金碑一爲利州精嚴禪寺第一代蓋公和尚墓銘承直郎北京路轉運度支判官趙秉文撰并書承安五年八月望北京靈感禪寺住持傳法嗣祖沙門小師崇顯立石文稱僧圓蓋於大定六年始開堂於精嚴禪寺爲第一代知精嚴寺爲金世宗時建元一統志精嚴寺在利州西關金大定間建與此合今廢

玉京觀 在塔子溝東北長壽山有元至元二十四年玉京觀地產弭訟碑記尙存白雲李察撰白雲張洪禮書丹住持李守淨明元大師王志端張志定同立石元一統志玉京觀在利州西十里此地在大城子西元時正爲利州西境觀距長壽山四百步許今惟存舊址

謹案玉京觀地產碑所載尙有龍清觀及端雲菴亦當與大城子相近今遺址俱無考

雲谿觀 在塔子溝東南瑞雲山有洞曰天一大洞有元至正七年碑額曰大元遼陽等處大寧路瑞州海濱鄉周家莊雲谿觀碑前大都大長春宮提舉冲和葆素明一大師大寧路道門提點張道中撰純素安然大師松陽白道容書并篆碑稱黃冠李元久於庚戌來遊斯洞鑿石興功庚辰朔建三清寶殿雲房齋厨煥然一新則觀實落成於元順帝至元六年今碑在山洞側觀已廢

圓明寺 在塔子溝喀喇沁左翼西七十里元時建有碑今惟存舊址

靈感寺 在三座塔城內土人耕地得遼碑一爲靈感寺釋迦佛舍利塔銘遼天慶六年丙申新授尙書都官員外郎遼西路錢帛判官張嗣初字闕二撰文和龍僧悟照字育物書丹碑稱寺爲太平九年僧守奇道隣所建作塔十三級以貯舍利大安

中僧通教重修碑中凡光字皆不全書蓋避遼太宗諱也又土人嘗掘地丈餘見地宮一所周遭嵌列碑文中有釋迦定光二佛的身舍利塔記遼天慶二年講經律論師慧材撰蓋遼時藏佛舍利於此寺今廢

大通法寺 在三座塔城內土人掘地得元碑一額書大元國懿州路興中州大通法寺常住上下院地產碑記鄉曲後進東巖樵隱安思道撰并書文云詢厥創始罔克周知傳聞祖師琛公和尚棲息於茲厥後生徒接續代不乏人則此寺創建當在元以前其碑尾備列常住田畝寺院知元時最爲巨刹今廢

謹案大通法寺地產碑尾所列諸寺曰靈感寺曰西靈山寺曰北靈山寺曰華嚴寺曰松巖寺曰歸山院曰增福寺曰玉泉寺曰崇國寺曰西山寺曰重修寺曰深井寺曰靈峰寺曰雲巖寺曰黃闕一字寺曰洪福寺曰清修院曰石門山寺曰龍泉寺曰寧

國寺曰三教院曰華犁寺曰觀音堂曰段禪院曰何家講院皆
大通法寺之下院並當與興中府相近其中惟靈感寺今存遼
天慶時碑又元碑稱西靈山寺地產東至白崖子南至井兒澗
西至分水嶺北至柏山今柏山在三座塔東南而西靈山寺已
不存其餘諸寺遺址亦俱無考

靈巖寺 在三座塔東南柏山上遼統和中僧可觀始卜地結
菴太平五年邑人趙延貞等施四面隙地重熙初郡人雄武軍
節度使王育與邑人尹節高聳等重建二十二年僧僭奧悟開
等購經一藏二十四年增建九聖殿清寧四年賜名淨覺寺咸
雍六年賜名靈巖寺復有僧志福奏請鑄鐘增構鐘樓壽昌初
復建大殿今惟乾統八年戊子碑尙存碑文爲朝請大夫守殿
中少監知安德州軍州事上騎都尉涑水縣開國子食邑五百
戶賜紫金魚袋耶律劭撰僧恆劬書并篆額碑陰有小篆末題

劬述劬書字畫遒勁文云余兄文學之外尤工小篆則恆劬殆亦耶律氏子入道者碑在今山上廢安德州城基之側寺已廢廳峪道院 在三座塔東北台頭溝有金皇統八年宜州廳峪道院復建藏經千人邑碑記東海徐卓撰字體完善碑稱道院爲遼耶律養音温舊作詳穩今改正家之墳建以藏經金皇統六年火災忠顯校尉顏壽與郡人馬祐等重建今山下石佛半損壞院基周一里許惟存舊址

東嶽廟 在三座塔之黑城子北八里有元至元五年川州東修東嶽廟碑記前儒學正徐潛撰醫學正張質書丹碑稱東嶽祠歲遠殘毀泰定丙寅全真劉德寧新之今惟存舊址

雲峰觀 元張道中雲谿觀碑稱黃冠李元久幼而多疾父母捨入建州大王山雲峰觀禮曹大師爲引度之師當在三座塔南境今遺址無考

興聖寺 元大德中千戶王姓爲林泉寺僧祥盤建於郭家賽

見元僧無際月華山林泉禪寺碑今遺址無考

聖水院 元大德中總管劉姓爲林泉寺僧祥盤建於仇家莊
亦見林泉禪寺碑今遺址無考

謹案林泉禪寺地產碑所載尙有馬家寨寺興勝寺及馬峪之
文殊院皆林泉寺之下院今遺址俱無考

興教寺 元一統志興教寺在和衆縣

謹案元和衆縣爲塔子溝西北之小城子凡和衆縣諸寺廟當

在塔子溝喀喇沁左翼西北境今屬建昌縣

浴室寺 元一統志浴室寺在和衆縣

重陽觀 元一統志重陽觀在和衆縣

大清觀 元一統志大清觀在和衆縣

淨修寺 元一統志淨修寺在龍山縣東南隅

謹案元龍山縣爲今塔子溝廳南之喀喇城凡龍山縣諸寺廟當在塔子溝喀喇沁左翼西境內今屬建昌縣

聖峰寺 元一統志聖峰寺在龍山縣東南隅

崇教院 元一統志崇教院在龍山縣東南隅

隆祥觀 元一統志隆祥觀在龍山縣東南隅

極樂寺 元一統志極樂寺在龍山縣西南十三里遼時建內

有劉燮塑像

龍泉寺 元一統志龍泉寺在龍山縣南一百三十里富山

熊山寺 元一統志龍山縣南六十里熊山上有熊山寺

石柱山寺 元一統志龍山縣南八十里石柱山中遼僧白羊

大師建寺於此

利州文廟 元一統志文廟在利州西南隅

謹案元利州爲今塔子溝東北之大城子凡利州諸寺廟當在

塔子溝廳屬喀喇沁左翼北境內

護國西齊王廟 元一統志護國西齊王廟在利州西關

祥靈寺 元一統志祥靈寺在利州西關

棲貞觀 元一統志棲貞觀在利州東孫家莊

洪廣寺 元一統志洪廣寺在利州東九十里

昌國寺 元一統志昌國寺在利州東一百六十里

雲峰寺 元一統志雲峰寺在利州東南一百二十里金山之

嶺中有瀑布

龍山廟 元一統志龍山廟在利州南二里

石將軍廟 元一統志石將軍廟在利州西南二十里祈禱多

應

昭惠靈顯真君廟 元一統志昭惠靈顯真君廟在利州西北

二里

慶雲寺 元一統志慶雲寺在利州北九十里

古城寺 元一統志古城寺在惠州東一百八十里

謹案元惠州東南境爲今塔子溝南境地惠州東南之寺廟當在塔子溝喀喇沁左翼南境今建昌朝陽縣地

龍門寺 元一統志龍門寺在惠州東南一百七十里

興中州文廟 元一統志宣聖廟在興中州東北隅

謹案元興中州爲今塔子溝東北之三座塔地凡興中州諸寺廟當在塔子溝土默特右翼境今建昌朝陽縣地

大觀音閣 元一統志大觀音閣在興中州市心遼清寧四年

建

崇福寺 元一統志崇福寺在興中州西南隅遼乾統二年建

金巖寺 元一統志金巖寺在興中州西八十里青巒山

華嚴寺 元一統志遼天授皇帝常獵和龍山建華嚴寺元安

思道大通法寺地產碑亦載和龍山華嚴寺之名

川州文廟 元一統志川州文廟遼時嘗創廟學於川州治西

南金承安五年重修泰和初趙秉文爲記

謹案元川州爲今三座塔東北境地川州寺廟當在塔子溝土

默特右翼北境今建昌朝陽縣地

建州文廟 元一統志文廟在建州西北隅

謹案元建州爲今三座塔西南境地凡建州諸寺廟當在塔子

溝廳土默特右翼西南境內

興隆寺 元一統志興隆寺在建州西南隅

紫微宮 元一統志紫微宮在建州東北隅

十方講院 元一統志十方講院在惠和縣東北隅遼壽隆二

年建

謹案元惠和縣爲今塔子溝北敖漢地凡惠和縣諸寺廟當在

敖漢境今建昌朝陽縣地

觀音閣 元一統志觀音閣在惠和縣市心

崇法寺 元一統志崇法寺在惠和縣

仁王閣 元一統志仁王閣在武平縣市心

謹案元武平縣爲今塔子溝東北奈曼地凡武平縣諸寺廟當在奈曼境內今建昌朝陽縣地

福嚴寺 元一統志福嚴寺在武平縣

寶貞觀 元一統志寶貞觀在武平縣東南

欽定熱河志卷八十三

文秩

熱河自秦漢以來越在外徼諸部錯居未有官守之

建安二州分置守令唐時有營州都督府不過僑治於內地遼金及元始全有其境官制之見於史志者綦詳明初隸北平布政司僅屬遙領未幾即棄於三衛無復有王官矣我

國家光宅區夏溥海內外咸隸版圖而熱河尤密邇

畿輔置道分廳吏治賅備近復改設府州縣規制與內地等守土之

臣歲奉

時巡親承

訓示整飭紀綱勤宣厥職下逮庶司奔走匪懈故兆民登衽席之安而衆務收臂指之效法立政成犁然盡善謹次先後建置之由

志文秩第十四

承德府

即熱河廳

分巡熱河等處地方兵備道一員 乾隆五年設轄承德府並所屬一州五縣兼轄武弁駐承德府

知府一員 先是雍正元年於熱河等處設理事同知一員掌旗民事務十一年設承德州以知州專理民務以同知專理旗務遇有旗民交關之事則彼此會同辦理乾隆七年裁承德州知州即以熱河同知移駐州署仍統理旗民四十三年改爲承德府知府其喀喇河屯廳改爲欒平縣四旗廳改爲豐寧縣八溝廳改爲平泉州塔子溝廳改爲建昌縣烏蘭哈達廳改爲赤峰縣三座塔廳改爲朝陽縣俱隸府治

教授一員 先是乾隆四十二年設熱河道學教授四十三年改承德府學教授

經歷一員 先是乾隆七年設熱河巡檢一員專管道廳監獄及熱

河之左哨右哨中關等汛巡緝事宜四十三年改爲承德府

即熱河廳經

歷仍攝巡檢兼管司獄事

張三營巡檢一員 乾隆七年設管理唐三營茅溝石片子等汛巡

緝事宜

灤平縣 即喀喇河屯廳

理事通判管知縣事一員 先是乾隆七年設喀喇河屯廳理事通

判一員管旗民事務四十三年改爲灤平縣仍以通判管知縣事屬

承德府

巡檢兼管典史事一員 乾隆七年設管理監獄及喀喇河屯馬圈

子司馬臺潮河川等汛巡緝事宜四十三年兼管灤平縣典史事

鞍匠屯巡檢一員 乾隆元年以西河司巡檢移駐管理鞍匠屯卯

正喇嘛洞大店子虎什哈等汛巡緝事宜屬承德州七年裁州改屬

喀喇河屯廳今屬灤平縣

豐寧縣

即四旗廳

理事通判管知縣事一員 先是雍正十三年以東河通判移駐於四旗適中土城子地方管理蒙古鑲黃正白鑲白正藍四旗命盜事
件四十三年改爲豐寧縣仍以通判管知縣事屬承德府

土城子巡檢兼管典史事一員 乾隆元年設巡緝鑲白旗土城子

地方及管四旗廳監獄事宜四十二年兼管豐寧縣典史事

黃姑屯巡檢一員 乾隆元年設巡緝正藍旗黃姑屯地方

郭家屯巡檢一員 乾隆元年設巡緝正白旗郭家屯地方

大閣兒巡檢一員 乾隆元年設巡緝鑲黃旗大閣兒地方

平泉州

即八溝廳

理事同知管知州事一員 先是雍正十年設八溝廳理事同知一員與理藩院章京分管喀喇沁蒙古民人緝捕盜賊等事以八溝東街之鋼叉帽烏勅瑚瑪梁南嶺等處地方隸之十三年東河通判移

駐土城子其所轄八溝西街之雅圖溝龍鬚門等汛併歸廳治凡旗民命盜錢穀專歸八溝同知管轄四十三年改爲平泉州仍以同知管知州事屬承德府

巡檢兼管吏目事一員 雍正十年設乾隆四十三年兼管平泉州吏目事

赤峰縣

即烏蘭哈達廳

理事通判管知縣事一員 乾隆三十九年析八溝廳北境置烏蘭哈達廳設理事通判一員四十三年改爲赤峰縣仍以通判管知縣事屬承德府

巡檢兼管典史事一員 乾隆二十年設隸八溝廳同知三十九年改隸烏蘭哈達廳通判四十三年兼管赤峰縣典史事

建昌縣

即塔子溝廳

理事通判管知縣事一員 先是乾隆四年設塔子溝廳理事通判

一員管理喀喇沁貝勒札薩克塔布囊兩旗蒙古民人事件十三年
令兼轄土默特兩旗事務十七年復以奈曼一旗隸之四十三年改
為建昌縣仍以通判管知縣事屬承德府

巡檢兼管典史事一員 乾隆五年設四十三年兼管建昌縣典史

事

朝陽縣 即三座塔廳

理事通判管知縣事一員 乾隆三十九年析塔子溝廳東境置三
座塔廳設理事通判一員四十三年改為朝陽縣仍以通判管知縣
事屬承德府

巡檢兼管典史事一員 乾隆十六年設隸塔子溝廳通判二十九
年改隸三座塔廳通判四十三年兼管朝陽縣典史事

理藩院差員

管理平泉州 即八溝廳 地方蒙古民人事務兼理稅務司官一員 乾隆

十七年設

管理赤峰縣

即烏蘭哈達廳

地方蒙古民人事務兼理稅務司官一員

乾

隆十三年設

管理朝陽縣

即三座塔廳

地方蒙古民人事務兼理稅務司官一員

乾

隆十三年設

協理建昌縣

即塔子溝廳

地方稅務筆帖式一員

乾隆十八年設

謹按熱河創建建府州縣爲

畿輔上郡自道府以及庶司以次臚列至前代官制廣稽史書所載

凡隸茲土者附錄於左以備舊聞

北魏

州二安州營州

天賜二年制諸州置三刺史宗室一人異姓二人

太和二十三年制上州刺史第三品中州刺史從第三品下州刺史

第四品

安州郡一廣陽營州郡一昌黎 天賜二年制郡置三太守太和二十三年制上郡太守第四品中郡太守第五品下郡太守第六品廣陽郡縣三廣興燕樂方城昌黎郡縣三龍城廣興定荒 天賜二年制縣置三令長太和二十三年制上縣令第六品中縣令第七品下縣令第八品

北齊

縣一龍城 齊制上上縣令屬官有丞中正光迎功曹光迎主簿功曹主簿錄事及西曹戶曹金曹租曹兵曹等掾市長等員合屬官佐史五十四人上中縣減上上縣五人上下縣減上中縣五人中上縣減上下縣六人中中縣減中上縣五人中下縣減中中縣一人下上縣減中下縣一人下中縣減下上縣一人下下縣減下中縣一人

隋

郡一遼西縣一柳城 隋制郡置太守丞尉正光迎功曹光迎主簿

縣正功曹主簿西曹金戶兵法士等曹市長等員併佐史合一百四十六人縣置令丞尉正光迎功曹光迎主簿西曹金戶兵法士等曹佐及市長等員合九十九人

遼

中京宰相府左相右相左平章政事右平章政事

中京度支使司中京度支使知中京度支使事
中京度支副使司知中京度支使事
中京度支使判官

中京留守司中京留守行大定府尹事
中京副留守知中京留守事
大定府少尹同知中京留守事
同簽中京留守事
中京留守判官
中京留守推官

中京都總管府都總管知大定府事
同知中京事

中京都虞侯司都虞侯

中京警巡院警巡使警巡副使

中京處置司處置使

中京學博士助教

中京國子監祭酒司業監丞主簿

中京文思院文思使

中京路按問使司按問使

中京巡邏使司巡邏使

中京大內都部署司大內都部署大內副部署興中府知興中府事
同知興中府事興中府判官府學博士助教

中京節度使軍州三興中府彰武軍川州長寧軍建州保靜軍置節
度使節度副使同知節度使事行軍司馬軍事判官掌書記衙官

中京觀察使司州三高州武安州利州置觀察使觀察副使觀察判
官

中京大定府刺史州七恩州惠州榆州澤州北安州潭州松山州興

中府刺史州一安德州來州府刺史州一隰州州置刺史同知州事
錄事參軍州學博士助教

中京大定府縣八大定長安富庶勸農文定升平金源歸化恩州縣
一恩化高州縣一三韓利州縣一阜俗惠州縣一惠和武安州縣一
沃野潭州縣一龍山松山州縣一松江榆州縣二和衆永和澤州縣
二神山灤河北安州縣一利民興中府縣四興中營邱象雷閭山安
德州縣一安德川州縣三宏理咸康宜民建州縣二永霸永康隰州
縣一海陽縣置令丞主簿尉縣學博士助教

金

北京留守司留守一員同知留守事一員副留守一員留守判官一
員都總管判官一員推官一員司獄一員女直知法一員漢人知法
一員北京宮苑使一員

北京警巡院警巡使一員判官二員

北京轉運司轉運使一員同知一員副使一員都勾判官一員戶籍判官一員度支判官二員鹽鐵判官一員都孔目官二員女直知法一員漢人知法一員

府一員興中尹一員同知一員少尹一員府判一員推官一員府教授一員知法一員

軍州一員興州寧朔軍節度使一員同知節度使一員副使一員節度判官一員觀察判官一員知法一員州教授一員司獄一員

州二利州建州州置刺史一員同知一員判官一員司軍一員知法一員軍轄兼巡捕使一員

大定府縣十大定長興富庶金源三韓松山武平惠和和衆神山興中府縣三興中永德宜民利州縣二阜俗龍山建州縣一永霸興州縣二興化宜興縣置令一員丞一員主簿一員尉一員

謹按金制凡諸京倚郭者爲京縣京縣而下以萬戶以上爲上

縣三千戶以上爲中縣不滿三千戶爲下縣置令丞主簿尉下
縣不置尉以主簿兼之

元

山北遼東道肅政廉訪司治大寧路廉訪使二員副使二員僉事四
員經歷一員知事一員照磨兼管勾一員

大寧路總管府達嚕噶齊

舊作達魯花赤今改正

一員總管一員同知治中判

官各一員推官二員經歷一員知事一員照磨兼承發架閣一員儒
學教授一員學正一員學錄一員蒙古教授一員醫學教授一員陰
陽教授一員司獄司司獄一員丞一員平準行用庫提領大使一員
副使一員織染局局使一員副使一員雜造局大使一員副使一員
府倉大使一員副使一員惠民藥局提領一員稅務提領一員大使
一員副使一員錄事司達嚕噶齊一員判官一員典史一員

謹案元史各路並有錄事司中統二年設錄事司候判官各一

員至元二十年省司候置達嚕噶齊一員又各總管府之達嚕

噶齊亦俱至元二十年置

上都路州二興州松州大寧路州六興中州高州惠州川州利州建
州州置達嚕噶齊一員知州一員同知一員判官一員吏目一員
上都路興州縣二興安宜興大寧路縣七大定富庶金源武平惠和
和衆龍山縣置達嚕噶齊一員尹一員簿一員尉一員典史一員巡
檢司巡檢一員

大寧路管民提領所提領一員副提領一員相副官一員典史一員
管領大寧等處打捕鷹房納綿等戶提領所提領一員副提領一員
大寧海陽等處屯田打捕所達嚕噶齊一員長官一員蒙古教授一
員儒學教授一員

大寧路軍器人匠提舉司達嚕噶齊一員提舉一員同提舉一員副
提舉一員

大寧路織染局大使一員副使一員照畧案牘一員

興中州等處油戶提領所提領一員大使一員副使一員

上都甲匠提舉司興州白局子甲局院長一員興州千戶寨甲局院長一員松州五指崖甲局院長一員松州勝安甲局院長一員

謹按元史百官志上都甲匠提舉司條下祇載隸興松二州者
他非熱河境內不具列

欽定熱河志卷八十三

欽定熱河志卷八十四

兵防 驛遞附

熱河北界興安東接遼左漢魏以來諸部紛爭罕有寧宇控禦之道無聞焉唐平盧道設東軍北口等守捉遼金及元畧具兵防明則棄大寧徙衛所諸軍於內地遂視同外域矣我

朝幅員無外

威德遐暢塞垣之地不異腹裏於熱河編立營伍分置戍邏以駐防八旗官兵隸於副都統以內府三旗漢軍官兵隸於總管以河屯協官兵隸於提標以捕盜官兵隸于督標肄練以法徼巡以時經制周密可垂久遠志兵防第十五若夫郵傳之設或隸古北口站員或隸承德府州縣每屆

翠華巡莅閣部章奏咸三日一達

行在晷刻不稽至於諸部朝貢奏報兼設蒙古驛站用彰同軌之

盛治並以次附列於左云

熱河等處駐防八旗官兵

鎮守熱河等處地方副都統一員駐防熱河

滿洲鑲黃正白旗協領一員駐防熱河

正黃正紅二旗協領一員駐防熱河

鑲白正藍二旗協領一員駐防熱河

鑲紅鑲藍二旗協領一員駐防喇河屯喀

蒙古右翼正紅正黃鑲紅鑲藍四旗協領一員駐防榆溝樺

滿洲鑲黃佐領二員防禦二員驍騎校二員駐防熱河

正黃旗佐領二員防禦二員驍騎校二員駐防熱河

正白旗佐領二員防禦二員驍騎校二員駐防熱河

正紅旗佐領二員防禦二員驍騎校二員駐防熱河

鑲白旗佐領二員防禦二員驍騎校二員駐防熱河

正藍旗佐領二員防禦二員驍騎校二員

駐防熱河

鑲紅旗佐領二員防禦二員驍騎校二員

駐防喇河屯喀

鑲藍旗佐領二員防禦二員驍騎校二員

駐防喇河屯喀

蒙古鑲黃正白二旗佐領一員防禦一員驍騎校一員

駐防榆溝樺

鑲白正藍二旗佐領一員防禦一員驍騎校一員

駐防榆溝樺

正黃正紅二旗佐領一員防禦一員驍騎校一員

駐防熱河

鑲紅鑲藍二旗佐領一員防禦一員驍騎校一員

駐防熱河

筆帖式二員

初隸總管衙門今隸副都統衙門

駐防兵二千名

一千四百名駐防熱河四百名駐防樺榆溝

右熱河等處駐防雍正二年初設總管一員副總管二員佐領十六

員驍騎校十六員筆帖式二員兵八百名分駐熱河喀喇河屯樺榆

溝三處乾隆三年裁總管副總管改設副都統一員增置協領六員

三十八年裁蒙古右翼四旗協領一員防禦二十員又增佐領四員驍騎校四員兵一

千二百名今現額副都統一員協領五員佐領二十員
內五員協領兼管防
禦二十員驍騎校二十員筆帖式二員兵二千名俱隸熱河副都統

熱河總管所轄內府三旗漢軍官兵

熱河總管二員

苑副三員

熱河

行宮守衛千總十一員副千總二十二員

喀喇河屯

行宮守衛千總一員副千總一員

王家營

行宮守衛副千總一員

長山峪

行宮守衛千總一員副千總一員

兩間房

行宮守衛千總一員副千總一員

古北口

行宮守衛千總一員副千總一員

釣魚臺

行宮守衛副千總一員

黃土坎

行宮守衛副千總一員

中關

行宮守衛千總一員副千總一員

什巴爾臺

行宮守衛副千總一員

博羅河屯

行宮守衛千總一員副千總一員

濟爾哈朗圖

行宮守衛千總一員副千總一員

阿穆呼朗圖

行宮守衛千總一員副千總一員

張三營

行宮守衛千總一員副千總一員

熱河溥仁寺普樂寺安遠廟普寧寺普陀宗乘廟殊像寺廣安寺羅

漢堂八處守衛千總五員副千總六員把總四員

守衛兵九百九名

右熱河總管所轄漢軍掌守衛口外

行宮康熙四十二年初設總管先後簽移奉天黑龍江吉林烏喇茅溝等處人戶安置熱河分衛

行宮雍正二年准總管尙書赫奕奏改設兵六百十一名舊制守備二員千總十四員雍正十年改守備缺亦爲千總共千總十六員副千總二十六員乾隆三十五年增置苑副三員嗣因各處添建

行宮寺廟先後添設千總九員副千總十五員把總四員兵二百九十八名今現額總管二員苑副三員千總二十五員副千總四十一員把總四員兵九百九名俱隸熱河總管

直隸提督標所轄河屯協各營官兵

河屯協副將一員

駐劄熱河

河屯協中軍兼管左營事都司一員千總一員把總二員

駐劄熱河

分防

喀喇河屯汛千總一員馬圈子汛把總一員中關汛把總一員下板

城汛把總一員新嶂子汛外委一員七間房外委把總一員三道梁

外委把總一員

河屯協右營土城子守備一員千總一員把總一員分防僧機圖汛

金定集 卷之十四
四
千總一員郭家屯把總一員上黃旗汛把總一員大閣汛把總一員
虎什哈汛把總一員博羅淖爾汛外委千總一員四丕口汛外委把
總一員

河屯協八溝營都司一員千總一員把總二員分防龍鬚門汛千總
一員雅圖溝汛把總一員中六溝汛把總一員二溝汛把總一員茅
溝汛把總一員七溝汛外委千總一員暖泉汛外委把總一員博羅
樹汛外委把總一員

河屯協唐三營守備一員千總一員分防黃姑屯汛千總一員白虎
溝汛把總一員喇嘛洞汛把總一員大店子汛把總一員紅旗汛外
委把總一員荒地汛外委把總一員

河屯協四營馬步守兵一千一百九十九名

右河屯協四營康熙四十五年初設河屯營守備駐劄喀喇河屯四
十八年移駐熱河雍正元年添設河屯營參將九年改原設守備爲

中軍守備十年設八溝營守備唐三營守備各一員增置弁兵乾隆二年准直隸提督瞻柱奏改河屯營參將爲副將添設左右二營改中軍守備爲中軍都司兼管左營事設左右土城子守備一員改八溝營守備爲八溝營都司仍與原設之唐三營守備統歸河屯協管轄自副將以下並聽熱河駐防大臣調遣其巡哨之制千總把總外委每月與鄰汛會哨一次都司守備每季會哨一次副將每年春冬巡查一次今現額河屯協副將一員都司二員守備二員千總八員外委千總三員把總十九員外委把總七員實操馬步守兵一千一百九十九名俱隸提督標

直隸總督標所轄捕盜官兵

承德府即熱河總屬熱河捕盜把總一員額外外委一員

平泉州歸八溝廳屬喀爾沁捕盜千總一員臥佛寺把總一員黃土梁外

委把總一員

建昌縣

即塔子溝廳

屬塔子溝汛捕盜千總一員外委把總一員

赤峰縣

即烏蘭哈達廳

屬烏蘭哈達汛千總一員

朝陽縣

即三座塔廳

屬三座塔汛把總一員鄂爾土板外委把總一員

捕盜馬步兵一百三十七名

右熱河等處捕盜營乾隆元年准直隸總督李衛奏設喀爾沁捕盜千總一員聽八溝同知差遣偵捕仍隸河屯協五年設塔子溝千總一員外委把總一員十五年於八溝所屬之黃土梁添設額外委一員十八年復於八溝所屬之臥佛寺添設把總一員並以八溝塔子溝額設千總弁兵改隸督標二十一年設烏蘭哈達千總一員二十九年設熱河捕盜把總一員三十七年添設額外委一員三十年設三座塔捕盜把總一員鄂爾土板外委把總一員並隸督標管轄專聽熱河道府等差遣偵捕今現額設千總三員把總三員外委把總三員額外委三員馬步兵一百三十七名俱隸直隸總督

標

察哈爾官兵

察哈爾本元裔小王子之後明嘉靖間其部長名卜赤者駐牧察哈爾之地遂以名部四傳至林丹汗侵擾諸部

本朝天聰六年

太宗文皇帝親征察哈爾林丹汗走死其子孔果爾額哲來降封爲親王即其部編旗駐義州康熙十四年布爾尼兄弟謀叛討平之還其衆分處於宣化大同邊牆外編設佐領後復以來降之喀爾喀額魯特部人隸焉其八旗分左右二翼鑲黃正白鑲白正藍爲東四旗即熱河西北之四旗廳今豐寧縣境也其部衆習于遊牧與札薩克蒙古同俗旗務則掌之張家口都統其制均與內八旗相等故附於兵防之末

察哈爾東四旗曰鑲黃旗曰正白旗曰鑲白旗曰正藍旗每旗各設

總管一員參領一員副參領一員佐領隨人戶編置無定員護軍校驍騎校隨佐領分設亦無定員每佐領下設親軍二名前鋒二名護軍二十五名領催三名驍騎二十五名

謹按熱河滿漢官兵守衛巡防規制嚴密謹次第臚載以資省覽其前代兵衛依文秩之例亦附列云

後魏

和龍鎮都大將 魏制緣邊皆置鎮都大將統兵備禦與刺史同城隍倉庫皆鎮將主之魏書樂陵王思譽爲鎮東大將軍和龍鎮都大將營州刺史又安定王休爲使持節都督諸軍事和龍鎮將

謹按和龍鎮都大將魏書或作和龍鎮將蓋史文詳畧之異所載鎮將自樂陵王思譽外有安豐王猛于洛拔等皆兼營州刺史疑即如唐時都督兼刺史不檢校州事者然

隋

營州總管 隋書高祖紀開皇十五年章冲爲營州總管

營州都督 唐書列傳有隋營州都督裴世節

唐

營州都督

治柳城

唐書百官志都督掌督諸州兵馬甲械城隍鎮戍

糧廩總判府事

謹按唐時營州都督所領鎮戍有平盧軍鎮安軍榆關守捉城
汝羅守捉城懷遠守捉城巫閭守捉城襄平守捉城其地不盡
在今熱河境內而中葉以後境壤淪于契丹史志所載亦僅存
其名而已並附錄於此

遼

五州都總管府 遼史百官志耶律速撒穆宗初爲義霸祥順聖五

州都總管

五州制置使司 遼史百官志聖宗開泰九年有霸建宜泉錦五州

制置使

霸州處置使司 遼史百官志統和二十七年廢

中京延昌宮提轄司

中京文忠王府提轄司

大丞相耶律隆運擬
議宮例建文忠王府

遼史兵衛志遼世建宮衛入則居守出則扈從有兵事則各提轄司傳檄而集十萬騎軍立具矣凡十二宮一府自上京至南京總要之地各置提轄司重地每宮皆置內地一二而已

金

北京路都統副都統 金史右宣徽使亨爲北京路都統吏部郎中

完顏達吉爲副都統

北京兵馬都指揮使 見金史完顏蒲刺都傳

元

北京都元帥 元史有北京總管都元帥右副北京等七路兵馬都

元帥

北京路萬戶 元史王均傳子榮祖授北京等路征行萬戶

興中府千戶 元史石天應傳弟子佐中授興中府千戶

大寧屯田千戶所 至治二年八月發五衛漢軍二千人於大寧等

處勦立屯田分置兩翼屯田千戶

謹按元史兵志遼陽等處行中書省所轄屯田有大寧路海陽等處打捕屯田所即百官志屯田打捕所也

明

北平行都司所屬衛十三 大寧衛新城衛富峪衛會州衛營州左屯衛營州中屯衛營州前屯衛營州後屯衛興州左屯衛興州右屯衛興州中屯衛興州前屯衛興州後屯衛衛置指揮使一員同知二員僉事四員鎮撫二員經歷一員知事一員吏目一員倉大使一員副使一員北平行都司所屬所二寬河守禦千戶所宜興守禦千戶

所所置正千戶一員副千戶二員鎮撫二員吏目一員百戶十員總旗二十人小旗百人

謹按以上各官並洪武中置永樂中皆徙於內地其後三衛酋長各自置指揮使等官與唐之松漠饒樂諸都督府相類所謂王官空名而已茲不具列

驛遞附

古北口部員所司驛站

鞍匠屯站 把總二員馬四十匹

紅旗營站 把總二員馬三十匹

什巴爾臺站 千總把總各一員馬三十匹

坡賴村站 把總二員馬三十匹

王家營站 把總二員馬三十匹

右古北口外五站凡應付夫馬奏銷錢糧並古北口管站員外郎掌

之

承德府即熱河廳屬所司驛站

熱河站 馬二十匹

灤平縣即喀喇河屯廳站 馬十二匹

豐寧縣即四旗廳站 馬八匹

平泉州即八溝廳站 馬八匹

赤峰縣即烏蘭達廳站 馬八匹

建昌縣即塔子溝廳站 馬八匹

朝陽縣即三塔廳站 馬八匹

右承德府即熱河廳屬七站凡應付夫馬奏銷錢糧並熱河道府州縣掌

之

蒙古驛站

康熙三十一年定各蒙古地方皆安設驛站每驛相距百里惟科爾

沁左翼前旗左翼後旗等由山海關外路行走郭爾羅斯前後二旗
杜爾伯特由黑龍江路行走不必另置驛站外餘均擇水草形勢之
地安設自古北口外至烏珠穆沁等旗爲一路計九百餘里除近邊
三百里舊有站外添設站六自喜峰口外至札賚特等旗爲一路計
一千六百餘里除近邊二百里舊有站外添設站十四每路設管站
蒙古員外郎一員筆帖式二員雍正七年各裁一員每驛設馬五十匹古北口
一路設驛丁三百名喜峰口一路設驛丁六百名三十二年每驛增
設驛車乾隆十四年以蒙古驛站穿行圍場不無驚擾奉

旨移於圍場界外墨爾嶺東溝安設今定制蒙古驛站由古北口者
十曰美爾溝站曰錫爾哈站曰阿梅溝站曰卓索站曰陳都布站曰
來色呼都克站曰西拉木倫站曰噶察克站曰海拉察克站曰阿魯
噶木爾站由喜峰口者十六曰五十家站曰克斯呼站曰拖和圖站
曰百爾克站曰轟郭圖站曰沙拉諾爾站曰庫車爾站曰賽音哈克

站曰西納郭爾站曰夔蘇布拉克站曰博羅額爾几站曰諾穆齊站
曰哈沙圖站曰阿爾坦克勒蘇特站曰鍾對站曰海代罕站凡口外
驛站自古北口至烏珠穆沁等旗自喜峰口至札賚特等旗按烏珠
穆沁扎賚特本在承德府即熱河境外但由古北口者則經灤平縣
即喀喇河屯豐寧縣即四旗等境由喜峰口者則經平泉州即八溝建昌縣即塔
子溝等境所有設站地方多在熱河所屬各蒙古之內詳詳列於篇
謹按乾隆十九年

駕由熱河

幸盛京以向例軍營事件進張家口出古北口行走紆迴

命於張家口外第三四站起酌量安設臺站直抵熱河以便馳送隨
宜改設不爲定例謹附識云

遼

古北口外各驛

次定熱可志

卷八十四

兵防驛遞附

謹按宋史劉敞傳敞奉使契丹自古北口至柳河回曲殆千里
驛人曰通好以來置驛如是不敢變也知古北口以外遼時皆
置有驛自中京以南則有王曾行程錄所載之新館臥如來館
柳河館打造部落館牛山館鹿兒峽館鐵漿館富谷館通天館
自中京以北則有富弼行程錄所載之臨都館官審館松山館
崇信館廣寧館姚家寨館咸寧館保和館宣化館長泰館蓋皆
當時之驛也金時於口外諸州縣多仍遼舊則置驛亦當如遼
而史無可考

元

花道驛

元史世祖中統二年諸王塔察爾

舊作塔察兒今改正

使臣庫庫楚

舊作闕關
出今改正

自北京花道驛手殺驛吏郝用郭和尚花道之地在大寧

故城東其驛當在今平泉州

即八溝廳東境

高州二驛

元史世祖至元五年立高州北二驛高州爲今翁牛特

地其驛當在今平泉州即八溝廳北境

建州四驛 元史至元二十五年復立咸平置建州四驛建州為今

土默特右翼地其驛當在今建昌縣即塔子溝廳境

灤陽寬河二驛 元史仁宗皇慶元年遼陽省增置灤陽寬河驛當

在今承德府即熱河廳南境

明

古北口外至開平衛各驛 明太祖洪武二十七年於開平衛置馬

驛接大寧古北口自開平南五十里曰東涼亭又四十里曰沈河又

五十里曰扒八又六十里曰黃崖又五十里曰灤河又五十里曰灰

嶺又六十里曰古城又五十里曰青松又南五十六里至古北口宣

德時廢

謹按開平衛為今之多倫諾爾廳其東為豐寧縣即四旗廳界所云

黃崖灤河灰嶺古城青松諸驛皆當在今豐寧縣灤平縣即喀喇河

屯
應等境

欽定熱河志卷八十四

欽定熱河志卷八十五

職官題名

紀職官者例有題名所以稽歲時重官守也熱河近聯畿輔自山莊肇啓郡縣改設數十年來規置賅備官斯土者犁然可考今載文職自教授以上武職自佐領守備以上次其任事先後志職官題名第十六其前代職官姓氏間傳而歲月無考謹稽史傳事實可采者別爲宦蹟一門云

分巡熱河等處地方兵備道

乾隆五年設

陶正中 江蘇金匱人乾隆五年任

八十 滿洲正白旗人乾隆七年任

富勒赫 滿洲鑲紅旗人乾隆十年任

安寧 滿洲正黃旗人乾隆十五年任

明德 滿洲鑲藍旗人乾隆十七年任

富勒渾 滿洲鑲黃旗人乾隆十七年任

常亮 滿洲鑲黃旗人乾隆二十年任

良鄉 滿洲正白旗人乾隆二十二年任

富貴 滿洲鑲黃旗人乾隆二十四年任

揆義 滿洲鑲黃旗人乾隆二十九年任

增福 滿洲鑲藍旗人乾隆三十一年任

明山保 蒙古鑲紅旗人乾隆三十四年任

伊桑阿 滿洲鑲黃旗人乾隆四十六年任

當保 滿洲鑲白旗人乾隆四十七年任

熱河理事同知

雍正元年設

葛森 滿洲正白旗人雍正二年任

洪同 滿洲正黃旗人雍正五年任

明亮 滿洲正黃旗人雍正六年任

陳肇魁 福建順昌人雍正七年任

瞻泰 滿洲鑲黃旗人雍正十年任

八十 滿洲正白旗人雍正十一年任

齊格 滿洲鑲黃旗人雍正十三年任

碩岱 滿洲鑲紅旗人乾隆元年任

同德 滿洲正黃旗人乾隆七年任

常泰 滿洲正白旗人乾隆九年任

德克精額 滿洲正紅旗人乾隆十四年任

三音布 滿洲鑲黃旗人乾隆二十一年任

明山保 蒙古鑲紅旗人乾隆二十三年任

福順 滿洲鑲黃旗人乾隆三十五年任

明興 滿洲鑲黃旗人乾隆三十七年任

穆靖安 滿洲鑲黃旗人乾隆四十一年任

伊桑阿 滿洲鑲黃旗人乾隆四十二年任

承德府知府

乾隆四十三年改熱河理事同知為承德府知府

伊桑阿 乾隆四十三年任

當保 滿洲鑲白旗人乾隆四十四年任

清格 滿洲鑲藍旗人乾隆四十七年任

託倫 滿洲鑲紅旗人乾隆四十八年任

承德府學教授

乾隆四十二年設熱河道學教授四十二年改承德府學教授

米天瑛 順天宛平人乾隆四十三年任

權天鑑 直隸宣化府人乾隆四十五年任

楊國麟 順天寶坻人乾隆四十五年任

喀喇河屯理事通判

乾隆七年設

德克精額 滿洲正紅旗人乾隆八年任

索銘 滿洲鑲紅旗人乾隆十四年任

保寧 滿洲鑲白旗人乾隆十五年任

觀音保 滿洲正藍旗人乾隆十五年任

富成善 滿洲鑲藍旗人乾隆十九年任

觀音保 滿洲正藍旗人乾隆十九年復任

保寧 滿洲鑲白旗人乾隆二十一年復任

寶福 滿洲鑲黃旗人乾隆二十二年任

文祿 滿洲鑲黃旗人乾隆二十八年任

德祿 蒙古正白旗人乾隆三十一年任

慶善 滿洲正黃旗人乾隆三十三年任

福慶 滿洲鑲藍旗人乾隆三十七年任

常德 滿洲正紅旗人乾隆三十九年任

誠安 滿洲正黃旗人乾隆四十二年任

理事通判管灤平縣事 乾隆四十年改

職官題名

誠安 乾隆四十三年任

海成 滿洲正藍旗人乾隆四十四年任

瑚嵩 滿洲鑲藍旗人乾隆四十五年任

清格 滿洲鑲藍旗人乾隆四十六年任

舒明 滿洲正白旗人乾隆四十七年任

四旗理事通判

雍正十三年設

常永 蒙古正白旗人乾隆元年任

陳卜祿 滿洲鑲白旗人乾隆七年任

誠和 滿洲正白旗人乾隆十四年任

陳卜祿 滿洲鑲白旗人乾隆十五年復任

法明 滿洲鑲紅旗人乾隆十六年任

誠和 滿洲正白旗人乾隆十八年復任

永熙 滿洲正白旗人乾隆二十一年任

科靈阿 滿洲正白旗人乾隆二十六年任

福順 滿洲正紅旗人乾隆二十八年任

納齊圖 滿洲鑲紅旗人乾隆三十五年任

寶福 滿洲鑲黃旗人乾隆三十七年任

託倫 滿洲鑲紅旗人乾隆四十一年任

理事通判管豐寧縣事乾隆四十年改

託倫 乾隆四十三年任

德謙 蒙古鑲藍旗人乾隆四十七年任

八溝理事同知雍正十年設

張鏐 漢軍正白旗人雍正十一年任

瞻泰 滿洲鑲黃旗人乾隆元年任

查錫納 蒙古鑲黃旗人乾隆三年任

明德 滿洲鑲藍旗人乾隆十一年任

次三 職官題名

文敏 滿洲正黃旗人乾隆十六年任

明山保 蒙古鑲紅旗人乾隆十七年任

嘉祿 蒙古鑲紅旗人乾隆二十三年任

伍秀 滿洲正藍旗人乾隆二十七年任

色赫納 滿洲正藍旗人乾隆三十一年任

明興 滿洲鑲黃旗人乾隆三十五年任

穆靖安 滿洲鑲黃旗人乾隆三十八年任

覺羅嵩阿禮 滿洲正藍旗人乾隆四十一年任

理事同知管平泉州事

乾隆四十年改

覺羅嵩阿禮 乾隆四十三年任

當保 滿洲鑲白旗人乾隆四十三年任

德克精額 滿洲鑲黃旗人乾隆四十四年任

珠隆阿 滿洲正黃旗人乾隆四十六年任

清格 滿洲鑲藍旗人乾隆四十七年任

託倫 滿洲鑲紅旗人乾隆四十七年任

烏蘭哈達理事通判 乾隆三十九年設

福崇 滿洲鑲黃旗人乾隆三十九年任

清格 滿洲鑲藍旗人乾隆四十一年任

理事通判管赤峰縣事 乾隆四十二年改

清格 乾隆四十三年任

那穆塔 滿洲正藍旗人乾隆四十五年任

慶章 滿洲鑲黃旗人乾隆四十六年任

塔子溝理事通判 乾隆四十四年設

阿延泰 蒙古正藍旗人乾隆五年任

碩岱 滿洲鑲紅旗人乾隆五年任

文岱 滿洲正黃旗人乾隆六年任

阿延泰 蒙古正藍旗人乾隆九年復任

德克精額 滿洲正紅旗人乾隆十年任

溫平 滿洲正白旗人乾隆十一年任

雅爾布 滿洲正白旗人乾隆十一年任

法明 滿洲鑲紅旗人乾隆十二年任

明德 滿洲鑲黃旗人乾隆十五年任

巴延福 蒙古正黃旗人乾隆十八年任

通古 蒙古正白旗人乾隆十八年任

納濟圖 滿洲鑲紅旗人乾隆二十三年任

圖爾彬阿 滿洲正藍旗人乾隆二十八年任

清格 滿洲鑲藍旗人乾隆三十六年任

僧保住 滿洲正紅旗人乾隆四十一年任

那穆塔 滿洲正藍旗人乾隆四十一年任

理事通判管建昌縣事 乾隆四十年改

福勒琿 滿洲鑲白旗人乾隆四十三年任

五靈安 滿洲鑲紅旗人乾隆四十六年任

託銘 滿洲鑲白旗人乾隆四十七年任

三座塔理事通判 乾隆三十九年設

福慶 滿洲鑲藍旗人乾隆三十九年任

福崇 滿洲鑲黃旗人乾隆四十二年任

理事通判管朝陽縣事 乾隆四十年改

福崇 乾隆四十三年任

英常 滿洲正黃旗人乾隆四十二年任

福崇 滿洲鑲黃旗人乾隆四十三年復任

誠安 滿洲正黃旗人乾隆四十四年任

那穆塔 滿洲正藍旗人乾隆四十六年任

職官題名

熱河副都統

乾隆三年設

那蘇泰 滿洲正藍旗人乾隆三年任

達爾當阿 滿洲鑲黃旗人乾隆五年任

馬爾拜 滿洲正白旗人乾隆九年任

索拜 滿洲鑲黃旗人乾隆十年任

巴爾品 滿洲正黃旗人乾隆十一年任

那蘭保 蒙古正藍旗人乾隆十二年任

馬爾泰 滿洲正黃旗人乾隆十二年任

滿福 滿洲鑲藍旗人乾隆十三年任

海常 滿洲鑲黃旗人乾隆十三年任

李侍堯 漢軍正藍旗人乾隆十七年任

明安 滿洲鑲黃旗人乾隆二十年任

富當阿 滿洲正藍旗人乾隆二十一年任

額爾登額 滿洲正黃旗人乾隆二十六年任

新柱 滿洲鑲黃旗人乾隆三十二年任

瑪昌 滿洲正黃旗人乾隆三十二年任

呼什圖 滿洲正黃旗人乾隆三十三年任

三全 滿洲正紅旗人乾隆三十四年任

多鼎 滿洲正藍旗人乾隆四十年任

恒秀 滿洲正白旗人乾隆四十三年任

恒瑞 滿洲正藍旗人乾隆四十七年任

滿洲鑲黃正白二旗協領 乾隆三年設

莫爾泰 滿洲鑲黃旗人乾隆三年任

富當阿 滿洲正藍旗人乾隆十六年任

善住 滿洲鑲黃旗人乾隆二十年任

三全 滿洲正紅旗人乾隆二十六年任

三德 滿洲鑲黃旗人乾隆二十八年任

巴哈納 滿洲正藍旗人乾隆四十一年任

敖海 滿洲鑲黃旗人乾隆四十三年任

滿洲正黃正紅二旗協領 乾隆五年設

額勒琿 滿洲正黃旗人乾隆三年任

圖克禪 滿洲鑲紅旗人乾隆七年任

英艾 滿洲鑲藍旗人乾隆九年任

二格 滿洲正黃旗人乾隆十三年任

常紹 滿洲正紅旗人乾隆二十九年任

六十六 滿洲正紅旗人乾隆三十五年任

韓保 滿洲正黃旗人乾隆四十一年任

滿洲鑲白正紅二旗協領 乾隆三年設

黑黑 滿洲正藍旗人乾隆三年任

葛思忒 滿洲正藍旗人乾隆五年任

玉福 滿洲正黃旗人乾隆十六年任

多鼎 滿洲正藍旗人乾隆二十八年任

保住 滿洲正白旗人乾隆三十八年任

德保 滿洲正白旗人乾隆四十三年任

滿洲鑲紅鑲藍二旗協領 乾隆三年設

塞合臣 滿洲鑲藍旗人乾隆三年任

塞成額 滿洲鑲藍旗人乾隆十七年任

聖保 滿洲鑲紅旗人乾隆二十九年任

布占 滿洲正紅旗人乾隆三十一年任

蒙古左翼四旗協領 乾隆三十八年設

明德 蒙古鑲黃旗人乾隆三年任

達春 蒙古鑲白旗人乾隆二十年任

職官題名

關保住 蒙古正白旗人乾隆二十一年任

五林太 蒙古正白旗人乾隆二十九年任

蒙古右翼四旗協領 乾隆三年設

阿穆呼朗 蒙古鑲黃旗人乾隆三年任

佛敏保 蒙古正紅旗人乾隆二十九年任

黑霄 滿洲正黃旗人乾隆四十二年任

滿洲鑲黃旗佐領 雍正二年設

貢太 滿洲鑲黃旗人乾隆二年任

玉福 滿洲鑲黃旗人雍正十二年任

善住 滿洲鑲黃旗人乾隆十六年任

伏楞額 滿洲正白旗人乾隆二十年任

常德 滿洲鑲黃旗人乾隆二十三年任

青住 滿洲鑲黃旗人乾隆二十九年任

智善 滿洲鑲藍旗人乾隆四十三年任

罕保 滿洲正黃旗人乾隆四十三年任

佐領二 雍正二年設

班達爾什 蒙古鑲黃旗人雍正二年任

索諾 蒙古鑲黃旗人雍正四年任

喜哥 滿洲鑲黃旗人雍正九年任

七十二 滿洲正白旗人乾隆七年任

三德 滿洲鑲黃旗人乾隆十五年任

敖海 滿洲正白旗人乾隆二十八年任

伍金 滿洲正紅旗人乾隆四十三年任

滿洲正黃旗佐領一 雍正二年設

阿爾圖 滿洲正黃旗人雍正二年任

密思哈 滿洲正黃旗人乾隆二年任

海亮 滿洲正黃旗人乾隆四年任

宣富 滿洲鑲藍旗人乾隆八年任

趙山 滿洲正黃旗人乾隆二十九年任

佐領二 雍正二年設

阿爾雅 蒙古正黃旗人雍正二年任

葯色 滿洲鑲藍旗人雍正九年任

喀爾堪 滿洲正黃旗人雍正十三年任

金陵 滿洲正黃旗人乾隆五年任

二格 滿洲正黃旗人乾隆八年任

塞成額 滿洲鑲藍旗人乾隆十三年任

舒昌 滿洲正紅旗人乾隆十八年任

三全 滿洲正紅旗人乾隆十九年任

六達色 滿洲正紅旗人乾隆二十六年任

和成額 滿洲正黃旗人乾隆二十九年任

常住 滿洲正黃旗人乾隆三十五年任

德保 滿洲正白旗人乾隆四十三年任

滿洲正白旗佐領一雍正二年設

阿爾太 滿洲正白旗人雍正二年任

阿海 滿洲正白旗人乾隆七年任

二達色 滿洲鑲白旗人乾隆十七年任

八格 滿洲正白旗人乾隆二十一年任

奇郎阿 滿洲正白旗人乾隆二十九年任

三德 滿洲鑲黃旗人乾隆四十年任

巴哈納 滿洲正藍旗人乾隆四十一年任

富明阿 滿洲鑲紅旗人乾隆四十三年任

慶舒 滿洲正白旗人乾隆四十三年任

佐領二

雍正二年設

位圖 蒙古正白旗人雍正二年任

阿爾那 滿洲正白旗人雍正二年任

占太 滿洲正白旗人雍正九年任

海亮 滿洲正黃旗人雍正十二年任

花色 滿洲正白旗人乾隆四年任

阿住 滿洲正藍旗人乾隆十四年任

多鼎 滿洲正藍旗人乾隆二十四年任

泰明 滿洲正白旗人乾隆二十八年任

德保 滿洲正白旗人乾隆四十三年任

常柱 滿洲正黃旗人乾隆四十三年任

滿洲正紅旗佐領一

雍正二年設

三格 滿洲正紅旗人雍正二年任

邁圖 滿洲正紅旗人雍正十二年任

分布祿 滿洲正紅旗人乾隆四年任

常德 滿洲正紅旗人乾隆八年任

十五 滿洲正紅旗人乾隆二十二年任

六十六 滿洲正紅旗人乾隆二十九年任

七十一 滿洲正紅旗人乾隆三十五年任

佐領二年雍正二年設

噶爾圖 滿洲正紅旗人雍正二年任

六十六 滿洲正紅旗人乾隆三年任

艾三 滿洲正紅旗人乾隆五年任

常紹 滿洲正紅旗人乾隆十九年任

布霑 滿洲正紅旗人乾隆二十九年任

舒住 滿洲正紅旗人乾隆三十一年任

六十六 滿洲正紅旗人乾隆四十年任

韓保 滿洲正黃旗人乾隆四十一年任

智山 滿洲鑲藍旗人乾隆四十三年任

滿洲鑲白旗佐領一雍正二年設

愛必善 滿洲鑲白旗人雍正二年任

七十 滿洲鑲白旗人雍正九年任

富昌 滿洲鑲白旗人雍正十一年任

亮柱 滿洲鑲白旗人雍正十一年任

靈寶 滿洲鑲白旗人乾隆十四年任

保住 滿洲正白旗人乾隆三十年任

敖海 滿洲正白旗人乾隆四十三年任

德格 滿洲正白旗人乾隆四十三年任

佐領二乾隆二年設

白達色 滿洲鑲白旗人乾隆三年任

五達色 滿洲鑲黃旗人乾隆十七年任

八虎 滿洲鑲黃旗人乾隆十八年任

滿成 滿洲鑲白旗人乾隆二十九年任

趙德 滿洲正藍旗人乾隆四十四年任

滿洲鑲紅旗佐領一

雍正二年設

富勒 滿洲鑲紅旗人雍正二年任

他郎阿 滿洲鑲紅旗人雍正六年任

達賴 滿洲鑲紅旗人雍正八年任

八雅爾 滿洲鑲紅旗人雍正十一年任

圖克禪 滿洲鑲紅旗人乾隆元年任

英艾 滿洲鑲藍旗人乾隆七年任

太達色 滿洲鑲紅旗人乾隆九年任

富令德 滿洲正紅旗人乾隆十九年任

布霑 滿洲正紅旗人乾隆三十一年任

佐領二

雍正二年設

巴雅爾 蒙古鑲紅旗人雍正二年任

達賴 蒙古鑲紅旗人雍正八年任

明德 滿洲鑲紅旗人乾隆三年任

觀音保 滿洲鑲紅旗人乾隆四年任

三全 滿洲正紅旗人乾隆十八年任

舒昌 滿洲正紅旗人乾隆十八年任

四太 滿洲鑲紅旗人乾隆二十三年任

寶劍 滿洲鑲紅旗人乾隆二十九年任

韓保 滿洲正黃旗人乾隆三十年任

六十六 滿洲正紅旗人乾隆四十一年任

富明阿 滿洲鑲紅旗人乾隆四十三年任

滿洲正藍旗佐領一雍正二年設

三達巴 滿洲正藍旗人雍正二年任

葛思忒 滿洲正藍旗人雍正五年任

五十三 滿洲正藍旗人乾隆五年任

富當阿 滿洲正藍旗人乾隆八年任

常保 滿洲正藍旗人乾隆十六年任

多鼎 滿洲正藍旗人乾隆三十七年任

白靈阿 滿洲正藍旗人乾隆三十八年任

五十六 滿洲鑲黃旗人乾隆四十三年任

佐領二雍正二年設

保住 蒙古正藍旗人雍正二年任

三達色 滿洲正藍旗人雍正九年任

職官題名

黑黑 滿洲正藍旗人雍正十一年任

安太 滿洲正藍旗人乾隆三年任

蘇令阿 滿洲正藍旗人乾隆六年任

巴哈納 滿洲正藍旗人乾隆二十一年任

三德 滿洲鑲黃旗人乾隆四十一年任

德格 滿洲正白旗人乾隆四十三年任

敖海 滿洲正白旗人乾隆四十三年任

滿洲鑲藍旗佐領一

雍正二年設

樂色 滿洲正黃旗人雍正二年任

常壽 滿洲鑲藍旗人雍正九年任

額勒琿 滿洲鑲紅旗人雍正十一年任

僧格圖 滿洲鑲藍旗人雍正十二年任

依理佈 滿洲正黃旗人乾隆四十一年任

佐領二乾隆三年設

巴太 滿洲鑲藍旗人乾隆三年任

保格 滿洲正紅旗人乾隆二十三年任

珠龍阿 滿洲鑲藍旗人乾隆二十九年任

官德 滿洲鑲藍旗人乾隆三十五年任

蒙古鑲黃正白二旗佐領雍正二年設

班達爾什 蒙古鑲黃旗人雍正二年任

索奈 蒙古鑲黃旗人雍正四年任

喜哥 滿洲鑲黃旗人雍正九年任

西藍太 蒙古正白旗人乾隆三年任

七十四 蒙古正白旗人乾隆三年任

五十七 蒙古鑲白旗人乾隆二十一年任

胡圖克 蒙古鑲白旗人乾隆二十八年任

石祿 蒙古正白旗人乾隆二十九年任

蒙古鑲白正藍二旗佐領

雍正二年設

西拉布 蒙古鑲白旗人雍正二年任

花色 蒙古鑲白旗人雍正九年任

富昌 滿洲鑲白旗人雍正十年任

白達色 滿洲鑲白旗人乾隆元年任

達春 蒙古鑲白旗人乾隆三年任

白達色 蒙古鑲黃旗人乾隆二十年任

穆忒布 蒙古正藍旗人乾隆二十九年任

官成 蒙古鑲白旗人乾隆三十九年任

蒙古正黃正紅二旗佐領

乾隆三年設

達賴 蒙古鑲紅旗人乾隆三年任

克式格忒 蒙古正紅旗人乾隆五年任

佛敏保 蒙古正紅旗人乾隆十五年任

富明阿 蒙古正紅旗人乾隆二十九年任

佛敏保 乾隆三十八年復任

富明阿 乾隆四十二年復任

蒙古鑲紅鑲藍二旗佐領 雍正二年設

七十 蒙古鑲藍旗人雍正二年任

和尚 蒙古鑲藍旗人乾隆二年任

保住 蒙古鑲紅旗人乾隆五年任

定住 蒙古鑲紅旗人乾隆十七年任

玖格 蒙古鑲紅旗人乾隆二十一年任

二達色 蒙古正紅旗人乾隆二十八年任

阿明阿 蒙古鑲紅旗人乾隆二十九年任

黑霄 蒙古正黃旗人乾隆四十一年任

熱河總管

康熙四十二年設

赫奕 滿洲正黃旗人康熙四十二年任

孫扎齊 滿洲鑲紅旗人康熙四十二年任

佛保 滿洲正黃旗人康熙四十二年任

赫奕 雍正元年復任

巴什 滿洲鑲黃旗人雍正九年任

巴圖 滿洲正白旗人乾隆元年任

七十 滿洲正黃旗人乾隆九年任

寶圖 滿洲正黃旗人乾隆十三年任

阿敏爾圖 滿洲鑲黃旗人乾隆十五年任

富貴 滿洲鑲黃旗人乾隆二十年任

海保 滿洲鑲黃旗人乾隆二十一年任

永和 滿洲正黃旗人乾隆二十六年任

李永標 漢軍正白旗人乾隆二十八年任

三格 滿洲鑲黃旗人乾隆二十八年任

圖爾禪 滿洲鑲黃旗人乾隆二十九年任

寅著 滿洲鑲黃旗人乾隆三十年任

全德 滿洲正黃旗人乾隆三十五年任

福海 滿洲正白旗人乾隆三十七年任

姚良 漢軍正白旗人乾隆四十年任

福海 滿洲正白旗人乾隆四十五年復任

苑副 乾隆三十五年設

石勇 漢軍鑲黃旗人乾隆三十五年任

盛禧 漢軍正白旗人乾隆三十五年任

李茂 漢軍正白旗人乾隆三十五年任

李本沆 漢軍正白旗人乾隆四十年任

王世傑 漢軍正白旗人乾隆四十五年任

汪本臣 漢軍正黃旗人乾隆四十七年任

河屯協副將 乾隆二年設

惠延祖 山東濟寧人乾隆三年任

王之琳 福建同安人乾隆四年任

富海 滿洲鑲紅旗人乾隆十年任

蘇保 滿洲正紅旗人乾隆十七年任

三泰 滿洲正紅旗人乾隆十九年任

四十八 滿洲鑲紅旗人乾隆二十年任

恒德 滿洲正白旗人乾隆二十七年任

百神保 滿洲正藍旗人乾隆三十年任

永亮 滿洲正白旗人乾隆四十年任

普吉保 滿洲正黃旗人乾隆四十六年任

河屯協中軍都司兼左營事

乾隆二年設

喜桑阿 滿洲鑲白旗人乾隆二年任

傅魁 浙江錢塘人乾隆四年任

何天相 浙江仁和人乾隆十年任

伍爾親 滿洲鑲紅旗人乾隆十六年任

佟保住 滿洲鑲藍旗人乾隆二十年任

德魁 滿洲鑲黃旗人乾隆二十三年任

薩爾布 滿洲鑲藍旗人乾隆二十六年任

全福 滿洲鑲白旗人乾隆二十九年任

何徵 山西大同縣人乾隆三十一年任

馬肇言 漢軍鑲黃旗人乾隆四十二年任

河屯協右營土城子守備

乾隆二年設

苟思賢 四川灌縣人乾隆二年任

李良 山東即墨人乾隆四年任

張報功 山西洪同人乾隆十三年任

德慶 滿洲正藍旗人乾隆十九年任

王延春 直隸宣化人乾隆二十九年任

安成功 直隸唐縣人乾隆三十二年任

張洸 直隸宣化人乾隆四十年任

舒蘭 滿洲鑲藍旗人乾隆四十七年任

河屯協八溝營都司

乾隆二年設

王錫 山西太谷人乾隆二年任

黃景運 福建興化人乾隆六年任

那明阿 滿洲正黃旗人乾隆十五年任

馮廷魁 甘肅寧夏人乾隆二十二年任

周士旺 直隸河間人乾隆二十六年任

馬成龍 直隸昌平人乾隆三十四年任

王國英 直隸宛平人乾隆三十八年任

李肇祥 漢軍鑲黃旗人乾隆三十九年任

趙國鼎 直隸萬全人乾隆四十一年任

河屯協唐三營守備 雍正十年設

王松年 漢軍正白旗人雍正十年任

梁光杰 漢軍鑲藍旗人乾隆二年任

姚宏度 湖南湘潭人乾隆四年任

顧起鳳 直隸天津人乾隆六年任

沙爾漢 滿洲鑲藍旗人乾隆十四年任

榮士傑 順天通州人乾隆十六年任

周士旺 直隸河間人乾隆二十一年任

馬成龍 直隸昌平人乾隆二十六年任

王國英 直隸宛平人乾隆三十四年任

許威然 直隸靜海人乾隆三十九年任

李明德 直隸密雲人乾隆四十年任

欽定熱河志卷八十五

欽定熱河志卷八十六

宦蹟

熱河職官先後莅茲土者詳誌題名以紀官守矣而前代職官自北魏以迄遼金元英聲茂實代不乏人雖事蹟散見史傳而歲月無可考據難以編次謹採各本傳次第臚列用備舊聞志宦蹟第十七其官本州郡者繫之人物云

北魏

安豐王猛 魏書安豐王猛傳猛字季烈太和五年封加侍中出爲和龍鎮都大將營州刺史寬仁雄毅甚有威略薨于州

張度 魏書張袞傳袞上谷漁陽人子度襲爵臨涓侯上谷太守除使持節都督幽州廣陽安樂二郡諸軍事轉和龍鎮都大將所在著稱

于洛拔 魏書于栗磾傳于栗磾代人子洛拔以功臣子拜侍御中

金定素元 卷之十一
散擢領監御曹事出爲使持節散騎常侍寧東將軍和龍鎮都大將
營州刺史以治有能名進號安東將軍

封回 魏書封懿傳封懿渤海蔭人以族子叔念爲後高祖賜名回
皇興初襲爵富城子世宗即位尋除鎮遠將軍安州刺史山民愿樸
父子賓旅同寢一室回下車勒令別處其俗遂改

江文遙 魏書江悅之傳江悅之濟陽考城人子文遙少有大度肅
宗初拜平原太守遷後將軍安州刺史善于綏納甚得物情時杜洛
周葛榮等相繼叛逆自幽燕以南悉皆淪陷唯文遙界在羣賊之外
孤城獨守鳩集荒餘且耕且戰百姓皆樂爲用建義元年卒于州長
史許思祖等以遙遺愛在民復推其子果行州事莊帝除果通直散
騎侍郎假節龍驤將軍行安州事當州都督旣而賊勢轉盛台援不
接果以阻隔強寇內徙無由乃携諸弟并率城民東奔高麗天平中
詔高麗送果等元象中還朝

北齊

王峻 北齊書王峻傳王峻靈邱人明悟有幹畧累遷恆州大中正
隨諸軍平淮陰賜爵北平縣男除營州刺史州地接邊城賊數爲患
峻遠設斥候廣置疑兵常出其不意要擊之賊不敢發合境獲安先
是刺史陸士茂詐殺室韋八百餘人朝貢遂絕至是峻分命將士要
其行路室韋果至大破之虜其首帥而還因厚加恩禮放遣之室韋
遂納誠款初茹茹主菴羅辰率其餘黨東徙峻度其必來預爲之備
未幾菴羅辰頓軍城西峻設奇伏大破之獲其名王郁久閭豆拔提
等數十人送京師菴羅辰遁走天統二年授驃騎大將軍儀同三司
尋加開府武平初除侍中四年卒贈司空

高保寧 北齊書高保寧傳高保寧代人武平末爲營州刺史鎮黃
龍周師將至鄴幽州行台潘子晃徵黃龍兵保寧率驍銳并契丹靺
鞨萬餘騎赴救至北平聞鄴都不守周帝遣使招慰不授勅書范陽

王紹信在突厥中上表勸進范陽署保寧爲丞相及盧昌期據范陽城起兵保寧引紹信集兵數萬騎救之至潞河知周將宇文神舉已屠范陽還據黃龍竟不臣周

隋

陰壽 成道昂 隋書陰壽傳陰壽武威人周世屢以軍功拜儀同從武帝平齊進位開府拜幽州總管封國公開皇初高寶寧引突厥攻圍北平壽率步騎數萬出盧龍塞討之寶寧求救于突厥突厥不能援寶寧棄城奔于磧北黃龍諸縣悉平壽班師留開府成道昂鎮之寶寧遣其子僧伽率廣騎掠城下而去尋引契丹靺鞨之衆來攻道昂苦戰乃退壽患之遣人陰間其所親任趙世模等月餘世模率其衆降寶寧復走契丹爲其麾下所殺北邊遂安

謹按寶寧北齊書作保寧

韋雲起 舊唐書韋雲起傳韋雲起雍州萬年人大蒙初爲通事謁

者會契丹入抄營州詔雲起護突厥兵往討契丹部落啓民可汗發騎二萬受其處分雲起分爲二十四營四道俱引營相去各一里不得交雜聞鼓聲而行聞角聲而止自非公使勿得走馬三令五申之後擊鼓而發軍中有犯約者斬紇干一人以殉于是突厥將帥來入謁之皆膝行股戰莫敢仰視契丹本事突厥情無猜忌雲起旣入其界使突厥詐云向柳城郡欲共高麗交易勿言營中有隋使敢漏泄者斬契丹不備去賊營百里詐引南度夜復退還去營五十里結陣而宿契丹弗之知旣明俱發馳騎襲之盡獲其男女四萬口女子及畜產以半賜突厥餘將入朝男子皆殺之煬帝大喜集百官曰雲起用突厥而平契丹行師司譎才兼文武又立朝審諤朕今親自舉之擢爲治書御史

謹按紇干新唐書作紇斤

韋冲 隋書韋世康傳韋世康京兆杜陵人弟冲拜營州總管容貌

都雅寬厚能得衆心懷撫靺鞨契丹皆能致其死力奚霫畏懼朝貢
相續

唐

張儉 唐書張儉傳張儉京兆新豐人以功除右衛郎將累遷營州
都督兼護東夷校尉坐事免詔白衣領職營州部與契丹奚霫靺鞨
諸蕃接畛高麗引衆入寇儉率兵破之俘斬略盡復拜營州都督太
宗將征遼東遣儉率蕃兵先進略地至遼西川漲久未度召還見洛
陽宮陳水草美惡山川險易并久不進狀帝悅拜行軍總管使領諸
蕃騎爲六軍前鋒趨建安城破賊斬數千級封皖城郡公

程名振 唐書程務挺傳程務挺洛州平恩人父名振高祖詔授永
寧令使率兵經畧河北劉黑闥陷洛州母妻爲賊所得名振率衆邀
擊糧道悉毀賊水陸餉具黑闥怒殺其母妻賊平請手斬黑闥以其
首祭母拜營州刺史封東平郡公轉洛州刺史太宗征遼東拜右驍

衛將軍平壤道行軍總管遷營州都督兼東夷都護擊高麗於貴端水焚其新城歷晉蒲二州刺史鏤方道總管

李晦 新唐書河間元王李恭傳子晦乾封中爲營州都督以治狀聞璽書勞賜遷右金吾將軍檢校雍州長史摧擿奸伏無留隱吏下畏之高宗將幸洛詔晦居守謂曰關中事一以屬公故晦治有異績宋慶禮 舊唐書宋慶禮傳宋慶禮洛州永年人開元中爲貝州刺史河北度支營田使元宗欲復營州於柳城慶禮盛陳其利詔慶禮等築城興役拜御史中丞兼檢校營州都督開屯田八十餘所數年間倉廩頗實居人漸殷慶禮爲政清嚴勤於聽理所歷之處人吏不敢犯卒贈工部尚書諡曰敬

姜師度 唐書姜師度傳姜師度魏州魏人元宗徙營州治柳城拜營田度支修築使

李謹行 唐書李謹行傳李謹行鞞鞞人偉容貌勇蓋軍中累遷營

州都督家僮至數千以貲自雄夷人畏之

遼

牛溫舒 遼史牛溫舒傳牛溫舒范陽人剛正尙節義壽隆中拜參

知政事兼同知樞密院事攝中京留守部民詣闕請真拜從之召爲

三司使耶律富勒敦舊作耶律僕里篤今改正 遼史耶律富勒敦傳耶律富勒

敦六院林牙圖魯卜舊作突呂不也今改正 四世孫太平十六年知興中府以

獄空聞清寧初歷長寧匡義二軍節度使致仕

耶律古昱 遼史耶律古昱傳耶律古昱北院林牙圖魯卜四世孫

有膂力工馳射開泰間詔鎮撫西北部中京盜起命古昱爲巡邏使

悉擒之以功歷開遠軍天成軍節度使卒贈同中書門下平章事

耶律孟簡 遼史耶律孟簡傳耶律孟簡裕悅烏珍舊作於越屋質今改正 之

五世孫乾統中遷六院部太保改高州觀察使修學校招生徒遷昭

德軍節度使以中京饑詔與學士劉嗣昌減價糶粟

馬人望 遼史馬人望傳馬人望字儼叔高祖某爲石晉青州刺史
太祖兵至堅守不降城破被執太祖義而釋之徙其族於鑿巫閭山
因家焉曾祖廷煦南京留守祖淵中京副留守父銓中京文思使人
望幼穎悟以才學稱咸雍中第進士爲松山縣令歲運澤州官炭獨
役松山人望請于中京留守蕭托歡舊作吐渾今改正均役他邑托歡怒下
吏繫幾百日復引詰之不屈蕭喜曰君爲民如此後必大用以事聞
於朝悉從所請擢中京度支司鹽鐵判官轉南京三司度支判官公
私兼裕遷警巡使京城獄訟填委人望處決無一冤者遷南京諸官
提轄制置歲中爲保靜軍節度使有二吏兇暴民畏如虎人望假以
辭色陰令發其事黥配之是歲諸處饑乏惟人望所治粒食不闕路
不鳴桴遙授彰義軍節度使遷中京度支使始至府廩皆空視事半
歲積粟十五萬斛錢二十萬緡累遷樞密直學士拜參知政事判南
京三司使事以守司徒兼侍中致仕卒諡曰文獻

金

完顏宗翰 金史完顏宗翰傳完顏宗翰本名粘沒喝汗國相薩該

舊作撒改今改正之長子也年十七軍中服其勇及議伐遼宗翰與太祖意

合太祖敗遼獲耶律色什舊作謝十今改正薩該使宗翰及完顏希尹來賀

捷即稱帝為賀羣臣皆勸進太祖謙讓宗翰與阿里罕舊作阿離合懣今改

正普嘉努舊作蒲家奴今改正進曰若不以時建號無以繫天下心太祖意乃

決天輔五年四月宗翰奏曰遼主失德中外離心我朝興師大業既

定而根本弗除後必為患今乘其釁可襲取之天時人事不可失也

太祖然之即命清路戒備軍事十一月宗翰復請曰諸軍久駐人思

自奮馬亦壯健宜乘此時進取中原太祖即從宗翰策于是烏赫哩

貝勒杲舊作忽魯勃極烈杲今改正都統內外諸軍蒲家奴宗翰魯宗翰疑有誤宗

磐副之宗峻領哈濟明安舊作合扎猛安今改正皆受金牌取中京實北京既

克中京宗翰率偏師趨北安州與羅索舊作婁室今改正圖克坦綽囉舊徒單

綽里今改正合兵大敗奚王哈瑪爾舊作霞末今改正北安遂降熙宗即位拜太

保尙書令領三省事封晉國王乞致仕不許天會十四年薨追封周

宋國王正隆二年例封金源郡王大定間改贈秦王謚桓忠配享太

祖廟廷

完顏阿喜 金史完顏阿喜傳完顏阿喜宗室子好學問襲父北京

路筈柏山明安聽訟明決人信愛之除彰國軍節度使改上京留守

判官

布色舊作僕散今改正忠義 金史布色忠義傳布色忠義本名烏哲舊作者

今改正上京博勒和舊作拔盧古河今改正人魁偉長髯有大畧年十六領本穆

琨舊作謀克今改正兵從宗輔定陝西伊喇鄂斡舊作移刺窩斡今改正僭號兵久不

決右副元帥完顏默音舊作謀衍今改正既敗之于霧靈河乃擁衆貪鹵掠

不追討而縱其子色克舊作斜哥今改正暴橫士卒不用命賊軼出山西師

久無功忠義請曰契丹小寇不時殄滅以致動煩聖慮臣聞主憂臣

辱願效力死除之世宗大悅即召還默音勒歸色克本貫拜忠義爲平章政事兼右副元帥封榮國公賜以御府貂裘寶鐵吐鶻弓矢大刀具裝對馬及鞍出鐵甲玉牌忠義至軍賊陷靈山同昌惠和等縣陣而西行忠義追之及于花道宗亨爲左翼宗敍爲右翼與賊夾河而陣賊渡河先攻左翼偏敗右翼救之賊引去鄂斡乃以精銳自隨以羸兵護其母妻輜重由別道西走期于山後會集追復及於裊嶺西陷泉與賊遇時昏霧四塞跬步莫覩物色忠義禱曰狂寇肆暴殺戮無辜天不助惡當爲開霽奠已昏霧廓然及戰忠義左據南岡爲偃月陣右迄而北大敗之獲其弟紐俘生口三十萬獲雜畜十餘萬車帳金珍以鉅萬計委分諸軍賊走趨奚地遣將追躡至七渡河又敗之旣踰渾嶺復進軍襲之望風奔潰遁入奚中降者相屬於路契丹平忠義朝京師拜尙書右丞相封沂國公大定六年薨諡武莊泰和元年配享世宗廟廷

赫舍哩

舊作紇石
今改正

金史赫舍哩志寧本名薩哈連

舊作徹曷
今改正

上京

和坦

舊作胡塔
今改正

安人完顏默音征鄂斡志寧以臨海節度使都統右

翼軍鄂斡敗于長灤西走志寧追及于霧霖河大破之于是元帥默

音右監軍福壽不急擊賊久無功右丞布色忠義請自討賊而志寧

擊賊有功上以忠義代默音志寧代福壽封定國公賊畧懿州畧陷

靈山同昌慶和三縣睥睨北京會土河水漲賊不得渡乃西趨三韓

縣志寧方追躡之不敢乘勝遂西走是時大軍馬瘦弱諸將欲止勿

追志寧獲賊候人知賊自選精銳與老小輜重分道期山後會集進

西陷泉擊之賊衆大敗涉水走鄂斡母徐輦舉營由羅和

舊作落括
今改正

岡去盡獲其輜重俘五萬餘人雜畜不可勝計僞節度使六及其部

族皆降鄂斡走奚中至七渡河復敗之賊過渾嶺入於奚中志寧獲

賊將碩和卓

舊作稱合
今改正

釋勿殺縱之歸約以捕鄂斡來自効碩和卓

去見鄂斡祕不言見獲事反反間奚人于鄂斡曰陷泉失利奚人有

貳志不可不察是時鄂斡屢敗其下亦覺有心碩和卓與舍圖肯舊作

神獨斡執鄂斡詣右都監完顏思敬降志寧與萬戶清臣宗寧蘇格

今改正等追捕餘黨盡得所畜善馬因至茂巴勒舊作抹拔達界

逆黨既平入朝為左副元帥賜以玉帶經略宋事駐軍睢陽拜平章

政事封鹿平郡王堯明昌五年配享世宗廟廷

努延溫騰烏達舊作赫溫烏達兀帶今改正太師思忠姪

也學問通達累官同知大興尹京師盜賊止息事無留滯再遷尙書

正隆伐宋為武定軍都總管世宗即位授咸平尹為北邊行軍都統

改會寧尹都統如故是時初定鄂斡人心未安烏達為治寬簡多備

禦謹斥候邊郡以寧改北京留守以廉察舉烏達所在有能名無私

過入拜參知政事

梁肅 金史梁肅傳梁肅奉聖州人天眷二年擢進士第調平遙縣

主簿遷望都絳縣令以廉入為尙書省令使除定海軍節度副使改

中都警巡使遷山東西路轉運副使宛平趙植上書曰前中都警巡使梁肅勤恪清廉願加進擢改大興少尹坐捕蝗不如期貶川州刺史削官一階解職上御便殿召左諫議大夫奚籲等訪問古今事少間籲從容請曰梁肅材可惜解職太重上曰卿言是也乃除河北東路轉運副使致仕薨諡正憲

伊喇

舊作移喇今改正

金史伊喇子敬傳伊喇子敬本名烏克德呼

舊作屋骨

梁魯今改正遼五縣人由簽書樞密院事出爲河中尹請老河中地熱上恐子敬不耐暑改興中尹子敬女自懿州來興中省謁遇盜途中剽掠其行李且盡旣而還之謝曰我輩初不知爲府尹家也尹有德于民忍侵犯耶徒咸平廣寧尹致仕

高德基 金史高德基傳高德基遼陽渤海人皇統二年進士大定中以察廉治狀不善下遷同知北京路都轉運使事是年秋土河泛濫水入京城德基遽命開長樂門疏分使入御溝以殺其勢水不能

爲害

賈少冲 金史賈少冲傳賈少冲通州人天眷二年進士調營州軍
事判官遷定安令大定二年調御史台典事累遷刑部郎中往北京
決獄奏誅首惡牽連者皆釋不問全活千人以本職攝右司員外郎
改順天軍節度使卒

伊喇鄂爾多

舊作移喇斡里朵今改正

金史伊喇鄂爾多傳一名巴沁

舊作八斤今改

正 系出遼五院司正隆間轉同知北京留守事會伊庫河闌子山等
明安契丹謀亂時方發兵討之別遣鄂爾多押軍南下至松山縣爲
賊黨江哥所執推爲主盟要以契約鄂爾多怒曰我受國厚恩豈能
從汝反耶寧殺我契約不可得也賊知不可屈乃困辱之使布衣草
履逐馬而行且欲害之鄂爾多說其監奴因得脫還六年九月改北
京路轉運使大定初爲博州防禦使改通遠軍節度使卒

大懷貞

金史大懷貞傳大懷貞字子正遼陽人皇統五年除閣門

祇候大定二年遷彰國安武軍節度使改興中尹錦州富民蕭鶴壽
殺人匿府少尹家有司捕不得懷貞以計取之實於法改彰德軍節
度使卒

伊喇富森

舊作移刺福
僧今改正

金史伊喇富森烏楞古

舊作烏連
苦今改正

河猛安

人以蔭補吏部令史簽北京臨潢按察事興中治中莫州刺史上言
沿邊軍官私役軍人邊防不治及擾動等事按察司專一體究各路
宣差提控嚴勒禁治詔尙書省行之大安初改沃州同知興中府事
督民治城郭浚濠爲禦守備百姓頗怨頃之兵果至攻其北城福僧
戰其北使備其西薄暮果攻其西以有備解去

盧克忠

金史盧克忠傳盧克忠貴德州鳳集人大定二年除北京

副留守會民艱食克忠下令凡有蓄積者計留一歲悉平其價糶之
由是無損瘠之患轉陳州防禦使後以靖難軍節度使致仕卒

劉煥

金史劉煥傳劉煥中山人天德元年進士遷北京警巡使捕

二惡少杖于庭中戒之曰孝弟敬慎則爲君子暴戾隱賊則爲小人
自今以往毋狃于故習國有明罰吾不得私也自是毋敢犯者召爲
監察御史父老數百人或臥車下挽靴鐙曰我欲復留使君期年不
可得也同知北京留守事世宗幸上京所過州郡大發民夫治橋梁
馳道以希恩賞煥所部惟平治端好而已上嘉其意遷遼東路轉運
使

傅慎微 金史傅慎微傳慎微其先秦州沙溪人遷居長安宋末
登進士累官河東路經制使宗翰已克汴京使羅索定陝西慎微率
衆迎戰兵敗被獲元帥宗翰愛其才學起爲陝西經畧使尋轉中京
副留守累遷太常卿除定武軍節度使移靖難軍大定初復爲太常
卿遷禮部尙書卒

元

穆呼哩

舊作木華
黎今改正

元史穆呼哩札刺兒氏世居阿難水東太祖即

位命統諸軍征遼東次高州盧琮金朴以城降裨將蕭額森舊作也先今改

正平東京進攻北京金人殺守將銀青推音達璋舊作寅答虎今改正遂降穆

呼哩怒其降緩欲坑之蕭額森曰北京為遼西重鎮既降而坑之後

豈有降者乎從之奏音達渾留守北京以烏葉爾舊作吾也而今改正都元帥

鎮之遣高德玉劉布色鄂爾招諭興中府同知烏里布舊作兀里卜今改正不

從殺布色鄂爾未幾吏民殺烏里布推土蒙石天應為帥舉城降奏

為興中尹兵馬都提控錦州張鯨聚眾十餘萬殺節度使稱臨海郡

王至是來降詔穆呼哩以鯨總北京十提控兵從呼蘭舊作忽蘭今改正穆

呼哩密察鯨有反側意請以蕭額森監其軍至平州鯨稱疾逗留復

謀遁去蕭額森執送行在誅之鯨弟致憤兄被誅據錦州叛畧平灤

瑞利義懿廣寧等州穆呼哩率蒙古巴哈舊作不花今改正討之進逼紅羅

山主將杜秀降奏為錦州節度使致陷興中府進兵臨興中先遣烏

葉爾等攻溜石山諭之曰今若急攻賊必遣兵來援我斷其歸路致

可擒也又遣蒙古巴哈屯承德縣東候之致果遣鯨子東平將騎兵
 八千步卒三萬援溜石蒙古巴哈引兵趨之馳報穆呼哩夜半引兵
 疾馳遇於神水縣東夾擊之分麾下騎兵之半下馬步戰選善射者
 數千令曰我步兵無甲疾射之乃麾騎兵齊進大敗之拔開義縣進
 圍錦州致遣張太平高益出戰又敗之圍守月餘致憤將校不戮力
 殺敗將二十餘人高益懼縛致出降伏誅詔封太師國王都行省承
 制行事薨至治元年詔封魯國王諡忠武子博羅嗣

烏葉爾

舊作吾也而今改正

元史烏葉爾沙下珠

舊作珊竹今改正

氏狀貌甚偉父

曰圖嚕噶察

舊作圖魯華察今改正

太祖九年從太師穆呼哩取北京領兵為

先驅下之捷聞授金紫光祿大夫北京總管都元帥留撫其人綏懷

有方自京以南相繼來降時金將塔倫

舊作撻魯今改正

以惠州漁河為隘

圖復北疆烏葉爾以銳兵千人擊摧其鋒殺數千人獲其旗鼓羊馬

斬塔倫於軍中趙守王據興州烏葉爾討平之張致以錦州叛又攻

破之穆呼哩大喜以馬十匹甲五事賞其功十二年充北京東京廣寧蓋州平州泰州開元府七路征行兵馬都元帥佩虎符卒

塔本 元史塔本伊拉古爾舊作伊吾 廬今改正人從太祖討諸部屢阨艱危

復從圍燕征遼西下平灤白霽諸城軍士有妄殺人者塔本戒之曰國之本民也殺人得地何益於國且畏無罪以堅敵心非上意太祖聞而喜之賜金虎符俾鎮撫白霽諸郡號行省都元帥管內得承制除縣吏死囚得專決久之徙治興平卒封營國公謚忠武

史秉直子天倪天安姪天祥 元史史天倪傳史天倪燕之永清人

父秉直讀書尚氣義太師國王穆呼哩統兵南伐所向殘破秉直聚族謀所以自全知降者皆得免乃率里中老稚數千人詣涿州軍門降穆呼哩欲用秉直秉直辭而薦其子乃以天倪為萬戶而命秉直管領降人家屬屯霸州秉直拊循有方遠近聞而附者十餘萬家尋遷之漠北降人道饑秉直得所賜牛羊悉分食之多所全活從穆呼

哩攻北京北京降穆呼哩承制以秉直行尙書六部事主餽餉軍中未嘗乏絕以老謝事歸鄉里卒三子長天倪次天安次天澤天澤自有傳天倪始生之夕白氣貫庭成童姿貌魁傑穆呼哩見而奇之既以萬戶統諸降卒從穆呼哩畧地三關已南至於東海所過城邑皆下因言於穆呼哩曰金棄幽燕遷都於汴已失策矣遼之東西諸郡金之腹心也我若得大寧以抗其喉襟則金雖有遼陽終不能保矣穆呼哩善之從攻高州又從攻北京皆不戰而克授右副都元帥改賜金虎符武仙降穆呼哩承制以天倪爲金紫光祿大夫河北西路兵馬都元帥行府事仙副之仙之黨據西山腰水鐵壁二砦以叛天倪直擣其巢穴盡掩殺之仙怒謀作亂乃設宴邀天倪有知者止毋往天倪不從遂爲仙所殺天倪之赴真定也秉直密戒之曰觀武仙辭氣終不爲我用宜備之天倪曰我以赤心待人人或相負天必不容願無慮秉直乃攜其孫楫權還北京至是人服其先識先是天倪

擊鞠夜歸大星隕馬前有聲心惡之果及禍天倪死時年三十九妻程氏聞亂恐汚於賊乃自殺子五人其三人尙幼俱死於難惟楫權在天倪弟天安字全甫秉直仲子也秉直降太師穆呼哩以其兄天倪爲萬戶而質天安軍中從討錦州叛人張致平之從略地關右生擒鄜州驍將張資祿號鐵鎗者武仙殺天倪於眞定天安率衆來會天澤併力攻仙敗走之以功授行北京元帥府事撫治眞定

謹按史天澤傳天澤秉直季子從其兄天倪帥眞定時秉直爲

北京元帥天倪遣護送其母歸北京什訥台舊作尙乃傳云天

澤送母還白霽副帥武仙殺天倪王守道傳云天澤攻武仙天

安在白霽聞變率其兵亦至蓋秉直雖本永清人以其爲北京

元帥故有歸什訥台還白霽之文初非流寓今以秉直天倪天

安皆入宦蹟而天澤則不錄

秉直姪天祥父懷德尙書秉直之弟也太師國王穆呼哩從太祖伐

金天祥隨秉直迎降於涿穆呼哩命懷德就領其黑軍隸帳下署天祥都鎮撫選降卒長身武勇者二百人使領之招徠丁壯得衆萬餘從取霸州文安大成滄濱長山等二十餘城東下淄沂密三州所至皆先登詔賜以銀符從大軍攻燕不克略地高州拔惠和金源和衆龍山利建富庶等十五城惟大國固守不下天祥獲金將完顏和斯穆呼哩欲殺之天祥曰殺一人無損於敵適驅天下之人爲吾敵也且其降時嘗許以不死今殺之無以取信於後不若從而用之乃以爲千戶復合衆攻其城懷德先登擒其二將爲流矢所中歿於軍乃以所統黑軍命天祥領之天祥憤痛父死攻之愈急與太師烏葉爾舊作野兒今改正降北京留守伊德呼舊作銀答忽今改正進攻北京傍近諸寨磨雲山王都統首詣軍門降天祥命擒都統布拉克舊作不刺今改正釋其縛曉以大義布拉克感泣願效死天祥察其誠許與王都統往說降城子崖旺嘉努舊名王家奴今改正乃命三人各率所降舊卒付空名告身使諭樓

子崖等二十餘寨來降樓子崖等皆從惟乾河達魯舊作答魯五指

山揚兆努舊作揚趙奴今改正固守不下天祥擊之大小百餘戰兆努死達魯

敗走復聚衆攻龍山復大敗之達魯戰死進克興中府張致盜據錦

州從穆呼哩討平之會契丹漢軍擒關肅復利州殺劉祿於銀冶遷

鎮國上將軍利州節度黎許部降民都總管監軍兵馬元帥徇西夏

破賀蘭山還遇賊射傷額出血目爲之昏歸北京授右副北京等七

路兵馬都元帥朝太宗於盧朐河乞致仕不允太宗用兵河南強之

從行轉漕河上給餉諸軍命領汴京百工數千屯霸州之益津行元

帥府庫賜錦衣一襲初天祥夜中流矢鏃入頰骨不能出至是金鎗

再發鏃自口出睿宗聞而閔之授海濱和衆利州等處總管兼領霸

州御衣局人匠都達嚕噶齊舊作達魯花赤今改正行北京七路兵馬都元帥

府事憲宗即位俾仍舊職以疾卒

舒穆魯額森舊作石抹也先今改正元史舒穆魯額森者遼人也其先嘗從

蕭后舉族入突厥及后還而族留至遼爲舒嚕舊作述律氏遼亡改

舒嚕氏爲石抹氏勇力過人善騎射多智略豪服諸部聞太祖起朔

方匹馬來歸首言東京爲金開基之地蕩其根本中原可傳檄而定

也太祖悅命從太師國王穆呼哩取東京師過臨潢次高州穆呼哩

令額森率千騎爲先鋒額森曰兵貴奇勝何以多爲謀知金人新易

東京留守將至額森獨與數騎邀而殺之懷其所受誥命至東京易

置其將佐部伍三日穆呼哩至移師圍北京城久不下及城破將屠

之額森曰王師拯人水火旣降而復屠之則未下者人將死守天下

何時定乎因以上聞赦之授御史大夫領北京達嚕噶齊時石天應

與豪酋數十據興中府額森分兵降之奏以爲興中尹又命額森副

托和倫色勒舊作脫忽闌必監張鯨等軍征燕南至平州鯨稱疾不

進額森執鯨送行在所帝責之曰朕何負汝鯨對曰臣實病非敢叛

帝曰今呼汝弟致爲質當活汝鯨諾而宵遁額森追戮之致已殺使

者應其兄矣致既伏誅額森籍其私養敢死之士萬二千人號黑軍者上於朝賜虎符進上將軍以御史大夫提控諸路元帥府事舉遼水之西灤水之東悉以付之後從國王穆呼哩攻蠡州北城先登中石死子察喇舊作登喇今改正襲御史大夫領黑軍從穆呼哩攻平陽太原隰吉岢嵐關西諸郡下之從國王塔斯征金帥宣撫萬奴於遼東之南京先登衆軍乘之而進遂克之王解錦衣以賜太宗嘉其功授眞定北京兩路達魯噶齊卒於柳城

舒穆魯拜達勒

舊作石林字迭兒今改正

元史舒穆魯拜達勒契丹人仕金爲

霸州管民官太師國王穆呼哩勒師至霸州拜達勒迎降穆呼哩察其智勇奇之擢爲千戶從觀太祖於雄州佩以銀符充漢軍都統帝次牛闌山欲盡戮漢軍木華黎以拜達勒可用奏釋之因請隸麾下從平高州授左監軍佩金符與北京都元帥烏葉爾分領錦州紅羅山北京東路漢軍二萬始從征伐及後爲將大小百戰所至有功以

疾卒於官

姚天福 元史姚天福傳姚天福絳州人父居實避兵徙雁門天福幼讀春秋通大義及長以材辟懷仁丞至元五年詔立御史臺以天福爲架閣管勾尋拜監察御史遷山北道按察使其民鮮知稼穡天福教以樹藝皆致蕃富民爲建祠刻石紀之大德二年授江西行省參政以疾辭四年拜參知政事大都路總管兼大興府尹以疾卒

王忱 元史王忱傳王忱讀書明敏有才識平章趙璧引見裕宗潛邸語稱旨命宿衛掌錢穀計簿授山北遼東道提刑按察司副使馬博和里舊作伯忽里今改正獵蹂民田忱繩以法憲吏耿熙言征北京宣慰

司積年逋負計可得鈔二十萬錠帝遣使覈實熙懼事露擅增制語有并打算大小一切諸衙門等事凡十二字追繫官吏至數百人忱驗問知其詐熙乃款伏裕宗薨於潛邸忱建言春秋高當早建儲嗣平章布呼密以聞帝嘉納焉至大三年拜中奉大夫雲南行省參知

政事未行卒

伊蘇

舊作也速
今改正

元史伊蘇蒙古人倜儻有能名拜中書平章政事

改行省淮南賊陷大寧詔伊蘇往討之至侯家店遇賊即前與戰自

昏抵曙散而復合伊蘇遣別騎繞出賊後賊腹背受敵大敗之遂拔

大寧擒首賊湯通周成等三十五人磔於都市召入覲賞賚優渥進

階金紫光祿大夫既而賊雷特穆爾巴哈

舊作帖木兒
不花今改正

程思忠等陷

永平詔伊蘇出師遂復灤州及遷安縣時遼東郡縣惟永平不被兵

儲粟十萬葛藁山積居民殷富賊乘間竊入增土築城因河爲塹堅

守不可下伊蘇乃外築大營絕其樵採數與賊戰獲其僞帥二百餘

人平山寨數十又復昌黎撫寧二縣擒雷特穆爾巴哈送京師賊急

乃乞降於參政徹爾特穆爾爲請命于朝詔許之命伊蘇退師伊蘇

度賊必以計怠我師乃嚴備以偵之程思忠果棄城遁去亟追至瑞

州殺獲萬計賊遂東走金復州詔還京師拜遼陽行省左丞相知行

樞密院事撫安迤東兵農委以便宜開省于永平總兵如故金復海
 蓋乾王等賊並起西侵輿中州陰由海道趨永平聞伊蘇開省乃止
 伊蘇分兵防其衝突賊乃轉攻大寧為守將王聚所敗斬其渠魁眾
 潰西走伊蘇慮賊窺上都即調右丞和哩台舊作忽林台今改正擊破之賊眾
 大潰永平大寧始平分命官屬勞來安集其民使什五相保以事耕
 種民為立石頌勳德博囉特穆爾舊作字羅帖木兒今改正伏誅詔伊蘇為右丞
 相分省山東明兵取山東伊蘇禦於莫州眾敗潰乃盡掠莫州殘民
 北遁

達爾瑪實哩舊作達禮麻識理今改正元史達爾瑪實哩傳達爾瑪實哩怯列

台氏其先北方大族幼穎敏至正五年經筵選充譯史累遷至上都

留守兼開平府尹加榮祿大夫分司土嶺東鎮三州以督轉輸二十

四年朝廷以前中書平章政事達實特穆爾舊作塔失帖木兒今改正來為留守

時博囉特穆爾擁兵京師而皇太子出居於外達爾瑪實哩與達實

特穆爾皆以忠義許國相與結人心以觀時變未幾改授達實特穆

爾爲大司農達實特穆爾謂達爾瑪實哩曰我至京師則制於強臣

未易圖也因留不行適都濟爾舊作脫吉以博羅特穆爾命屯兵噶

爾舊作蓋里泊託腹心於宗王伊蘇也不堅授以金印俾駐上都東

郊而以留守善安集兵於斡齊爾舊作瓦吉部落達爾瑪實哩遇之

有禮善安辭去博羅特穆爾復調特穆爾托和舊作託忽蘇克舊作

正今改至上都以守禦爲名事益矛盾達爾瑪實哩與之周旋略無幾

微見於外而密遣宗正札爾古齊舊作赤今改扎魯伊埒特穆爾舊作帖木兒今

正改通信于抗呼哈拉海舊作罕哈伊勒搭拉舊作益老塔請調兵

南行又遣照磨陳恭取兵興州訪有才者約束東西手巴勒克齊舊

八喇哈赤虎賁司糾集丁壯什伍相聯布列鐵旛竿山下揚言四方

勤王之師皆至特穆爾等大駭一夕東走其所將兵盡潰由是達爾

瑪實哩增修武備城守益嚴二十五年皇太子在冀寧命立上都分

省達實特穆爾為平章政事達爾瑪實哩為右丞以固護根本圖沁

舊作禿堅今改正特穆爾博囉特穆爾命以兵犯上都先遣利用少監特爾

格齊舊作帖里哥赤今改正至上都逐大軍達爾瑪實哩開陳大義戮之於市

民乃定已而圖沁特穆爾率鐵甲馬步軍蔽野而至呼聲動天達爾

瑪實哩申明順逆之理以安人心巡視城壁晝夜不息夜遣死士縋

城下焚其攻具調圖魯默色哈雅舊作禿魯述失引兵由小東門出

與之大戰臥龍岡敗之未幾博囉特穆爾伏誅圖沁特穆爾等皆奔

潰上都以安拜中書右丞兼上都留守提調虎賁司加光祿大夫賜

黃金繫腰仍命提調東西手巴勒噶齊既而上都分省罷遙授中書

平章政事上都留守位居第一力辭不允召為太宗正府伊克扎爾

固齊舊作也可扎魯忽赤今改正遷翰林學士承旨除知樞密院事大撫軍院事

欽定熱河志卷八十六

欽定熱河志八十七

人物一 列女 流寓 方外并附

熱河山川雄秀英傑鍾靈方今改設郡縣建立學校人材由是蔚興而前代自魏晉以還生其地者代有賢豪遼金及元爲中京北京上都大寧地文武輩出亦炳然可觀焉茲特綜成事具錄于篇至于列女貞操足風時俗與夫名賢流寓釋道棲貞託迹靈區者並採附簡末俾來者觀感興起志人物第十八

晉

孫泳 十六國春秋前燕錄咸康四年趙率衆來伐朝鮮令昌黎孫泳帥衆拒趙大姓王清等密謀內應泳收斬之同謀數百人惶懼請罪泳皆赦之與同拒守僥二年伐趙趙征東將軍鄧恆焚倉庫棄安樂遁去都尉泳急入安樂撲滅餘火籍其穀帛僥以泳爲廣寧太守謹按慕容氏時昌黎有二咸康三年以前昌黎郡當淦水下流

海口在今錦州府境與熱河所屬無關至前燕錄稱徙昌黎郡築好城以逼乙連事在咸康三年後其地已移屬龍城以西爲今八溝東境卷中孫泳以下諸人事迹皆在咸康四年以後例得載入至盧副鳩爲昌黎徒河人徒河本漢縣在前燕時亦隸錦州府境至慕容垂遣驃騎將軍農出蠡螭塞攻令支討餘巖置幽州牧後已屬熱河境內

詳見建革沿革

故亦仍編載焉

劉斌 十六國春秋前燕錄龐以昌黎劉斌典機要咸康二年虢遣斌送王齊等于建康僂二年伐趙留世子守龍城以內使斌爲大司農與典書令皇甫眞留統後軍

韓宰 十六國春秋前燕錄韓宰昌黎人也仕僂爲謁者僕射揚威將軍子昞降于魏

谷袞 十六國春秋後燕錄谷袞昌黎人也膂力兼人彎弓三百斤勇冠當時仕垂至廣武將軍

盧副鳩 十六國春秋後燕錄盧副鳩昌黎徒河人也仕垂爲尙書

令臨澤公

北魏

屈遵

孫恆曾孫道賜

魏書屈遵傳屈遵字子皮昌黎徒河人也

魏書太平真君八年

併徒河屬昌黎郡廣興縣

名著當時慕容垂以爲博陵令太祖南伐屬城長吏多

逃竄遵獨告其吏民曰往年寶師大敗今茲垂征不還天之棄燕人

弗支也魏帝神武命世寬仁善納御衆百萬號令若一此湯武之師

吾欲歸命爾等勉之遂歸太祖素聞其名厚加禮焉拜中書令出納

王言兼總文誥中原既平賜爵下蔡子從駕還京師卒 遵子須須

長子恆字長生沈深有局量少纂家業尤善書計給事諸曹遷將作

監世祖即位稍遷尙書右僕射加侍中以破平涼功賜爵濟北公加

平南將軍督諸軍東伐進號鎮東大將軍師次和龍馮文通致牛酒

犒軍獻甲三千恆責其不送侍子數之以王命遂掠男女六千口而

還世祖信任之委以大任車駕出征常居中留鎮與襄城公盧魯元俱賜甲第眞君四年墜馬卒時世祖幸陰山恭宗遣使乘傳奏狀世祖悼惜謂使人曰汝等殺朕良臣何用乘馬遂令步歸 恆子道賜襲祖爵進爲尙書加散騎常侍善騎射機辯有辭氣世祖甚器之

谷渾 魏書谷渾傳谷渾字元冲昌黎人也父袞勇冠一時渾少有父風任俠好氣以父母在常自退抑晚乃折節受經業被服類儒者以善隸書爲內侍左右遷前鋒將軍世祖即位從征赫連昌遷侍中安南將軍領儀曹尙書賜爵濮陽公渾正直有操行性不苟合趨舍不與已同者視之蔑如也然不以富貴驕人時以此稱之卒諡文宣

盧魯元 魏書盧魯元傳盧魯元昌黎徒河人也曾祖副鳩祖父並至大官魯元敏而好學寬和有雅度太宗時選爲通直郎以忠勤給侍東宮恭謹盡節世祖親愛之及即位以爲中書侍郎拾遺左右寵待彌深魯元益加謹肅內外大臣莫不敬憚焉性多容納善與人交

好掩過揚善由是公卿咸親附之工書有文才累遷中書監領祕書
事賜爵襄城公從征赫連昌世祖親追擊之入其城門魯元隨世祖
出入是日微魯元幾至危殆真君三年車駕幸陰山魯元以疾不從
及薨世祖臨其喪贈襄城王諡曰孝葬于崞山爲建碑闕自魏興貴
臣恩寵無與爲比子統襲爵

韓秀 魏書韓秀傳韓秀字白虎昌黎人也祖宰父晒秀歷遷尙書
郎賜爵遂昌子拜廣武將軍高宗稱秀聰敏清辯才任喉舌命掌機
密延興中尙書奏以敦煌一鎮介遠西北欲移就涼州秀獨謂徒就
姑臧慮人懷異意乃從秀議太和初遷內侍長後爲平東將軍青州
刺史假漁陽公在州數年卒子務襲爵

韓麒麟 子興宗 孫子熙 顯 魏書韓麒麟傳韓麒麟昌黎棘城人也 魏書 太平

真君八年併棘城屬昌黎郡 自云漢大司馬增之後父瑚麒麟幼而好學美姿容

善騎射恭宗監國爲東曹主書高宗即位賜爵魯陽男加伏波將軍

父亡在喪有禮後參征南慕容白曜軍事進攻升城師人多傷及城潰白曜將坑之麒麟諫曰勅敵在前便坑其衆恐自此以東人各爲守三齊未易圖也白曜從之皆令復業齊人大悅高祖時除冠軍將軍齊州刺史假魏昌侯在官寡于刑罰以新附之人未階臺宦士人沈抑宜推用豪望從之京都大饑復表陳時務卒於官遺勅殯以素棺事從儉約麒麟立性恭慎恆置律令坐傍臨終之日唯有俸絹數十疋其清貧如此贈散騎常侍安東將軍燕郡公諡曰康 長子興宗字茂先好學有文才官祕書中散 興宗弟顯宗字茂親性剛直能面折廷諍亦有才學法門法撫三齊稱其聰悟常與顯宗校試抄百餘人名各讀一遍隨即覆呼法撫猶有一二舛謬顯宗了無誤錯太和初舉秀才對策甲科除著作佐郎車駕南討兼中書侍郎既定遷都顯宗上書其一願輿駕早還北京省諸州供帳其二北都富室競以第宅相尚今因遷徙宜申禁約令貴賤有檢無得踰制其三輿

駕還洛陽輕將數千騎銜蹶或失願少垂省察其四願垂拱司契委下責成高祖頗納之又上言進賢求才朝廷但檢門望不復彈坐當校其有寸長銖重者即先敍之又止姦在於防檢不在嚴刑又代京宜建畿置尹崇本重舊以光萬葉又伎作不可雜居士人不宜異處又僑置中州郡縣名數甚重疑惑書記錯亂區宇非所以疆域物土可依地理舊名釐革又賜賚太過不可以親近之昵猥損天府之儲又諸宿衛內直者宜令武官習弓矢文官諷書傳今給簿博之具徒損朝儀一宜禁止高祖善之後爲本州中正車駕南伐軍次楮陽蕭鸞戍主成公期遣高法援等來擊顯宗親率拒戰斬法援首高祖詔曰卿破賊斬帥何爲不作露布顯宗曰臣頃聞鎮南將軍王肅獲賊二三驢馬數匹皆爲露布臣在東觀私每哂之近雖仰憑感靈擒斬不多所以斂毫卷帛解上而已新野平以爲鎮南廣陽王嘉諮議參軍後上表訴前征勳詔以白衣守咨議卒顯宗撰馮氏燕志孝友傳

各十卷傳于世景明初追赅陽勳賜爵章武男 興宗子子熙字元
雍少自修整有學識侍中崔光舉爲清河王懌常侍遷郎中令初興
宗以爵讓弟顯宗不受子熙緣父素懷卒亦不襲及顯宗卒子熙別
蒙賜爵乃以先爵讓弟仲穆父亡居喪有禮子熙爲懌所眷元義害
懌久不得葬每言王若不得復封以禮遷葬誓終身不仕靈太后返
政以元義爲尙書令解其領軍子熙伏闕上書靈太后義之乃引子
熙爲中書舍人後遂賜元義死子熙清白自守不交人事少孤爲叔
顯宗撫養及顯宗卒子伯華幼子熙友愛等同生長猶共居車馬資
財隨其費用又上書求析階與伯華于是除伯華東太原太守興和
中爲侍講卒遺戒不求贈諡

孫紹 魏書孫紹傳孫紹字世慶昌黎人世仕慕容氏祖志入國父
協字文和紹少好學陰陽術數多所貫涉初爲校書郎稍遷給事中
朝廷大事好言得失遂爲世知與常景等共修律令性抗直每上封

事懇切不憚犯忤兄世元早卒善彈箏紹後聞箏聲便涕泗嗚咽世以此尚之曾與百寮赴朝東掖未開紹于衆中引吏部郎中辛雄竊謂之曰此中諸人尋當死盡唯吾與卿猶享富貴雄甚駭愕未幾有河陰之難紹善推祿命事驗甚多遷左衛將軍右光祿大夫卒諡曰宣

盧醜 魏書盧醜傳盧醜昌黎徒河人魯元之族世祖爲監國醜以篤學博聞入授經後以師傅舊恩賜爵濟陰公除鎮軍將軍拜尙書加散騎常侍出爲河內太守延和二年卒

北周

怡峰 周書怡峰傳怡峰字景阜遼西人也本姓默台因避難改焉高祖寬燕遼西郡守魏道武時率戶歸朝曾祖文峰少從征役以驍勇聞永安中爲都將討万俟醜奴以功授給事中明威將軍轉征虜將軍都督齊神武與魏孝武構隙太祖令峰率輕騎赴洛陽至潼關

值魏西遷即從太祖回洛復潼關拜安東將軍華州刺史尋轉大都督討曹泥進爵華陽郡公從破竇泰威名轉盛授開府儀同三司拜夏州刺史討劉平伏有功東魏圍潁川赴援至南陽疾卒峰沈毅有膽畧得士心太祖嗟悼久之諡曰襄威子昂光春

謹按北周時無遼西郡號自隋書地理志始稱遼西郡舊置營州統柳城周書成于隋代當時爲怡峰立傳或即現在所置地書之亦未可知故仍載入

豆盧寧

弟永恩

周書豆盧寧傳豆盧寧字永安昌黎徒河人本慕容

氏前燕之支庶也高祖勝燕皇始初歸魏授長樂郡守賜姓豆盧或云避難改焉父長柔元鎮將有威重見稱于時寧少驍果有志氣身長八尺美容儀善騎射永安中以別將授都督破万俟醜奴嘗與梁企定遇于平涼相與肄射懸沙草百步射之七發五中定服其能侯莫陳悅反率衆歸太祖從擒竇泰破劉平伏羌師武興氏反叛討平

之武成初爲同州刺史封楚國公保定四年授岐州刺史大軍東討
輿疾從薨於同州諡曰昭初寧未有子養弟永恩子勣及生子讚親
屬請爲嗣寧曰兄弟之子猶子也以勣爲世子永恩少有識度與寧
俱歸授殄寇將軍屢逢征討皆有功封沃縣公卒諡曰敬子通

庾信豆盧公神道碑君諱永恩字某號之後也尙書府君改性豆盧
箴仕于魏祖代左右將軍魏文皇帝直寢父長少以勇畧知名

謹按北魏之昌黎郡在今塔子溝東境北齊時爲龍城縣地周
承北齊之業則昌黎郡人例得編載至豆盧恩碑顧炎武金石
文字記云今在咸陽縣碑云恩字永恩北史附見其兄豆盧寧
傳但言永恩而闕其名據此則永恩本名恩後乃以字行耳庾
信集諱字不同應以碑爲正

隋

豆盧勣

子號
兄通

隋書豆盧勣傳豆盧勣字定東昌黎徒河人也本姓

慕容燕北地王精之後也中山敗歸魏北人謂歸義爲豆盧因氏焉
祖長父寧勣生時周太祖親幸寧家時新破齊師因字曰定東聰悟
有器局少受業國子學畧涉文藝魏封義安縣侯周改丹陽郡公明
帝時勣自以經業未通請解職勅以本官就學拜邛州刺史未之官
涇源燒當羌因饑作亂以勣有才略轉涇州刺史甚有惠政德澤流
行宣帝大象二年拜利州總管進位上大將軍月餘拜柱國高祖爲
丞相益州總管王謙作亂勣嬰城固守經四旬勢漸迫出奇兵擊之
斬數千級降二千人使持節上柱國賜一子爵中山縣公開皇二年
突厥犯塞以勣爲北道行軍元帥備邊歲餘拜夏州總管以疾徵還
卒諡曰襄子賢嗣 賢弟毓字道生少英果有氣節漢王諒出鎮并
州毓以妃兄爲王府主簿征突厥以功授儀同三司煬帝即位徵諒
入朝諒納諮議王頰之謀發兵作亂毓苦諫不從因謂弟懿曰吾匹
馬歸朝自得免禍此乃身計非爲國也今且僞從以思後計毓兄顯

州刺史賢言于帝曰臣弟毓素懷志節必不從亂但逼凶威不能克遂臣請從軍與毓爲表裏諒不足圖也許之賢密遣家人齎勅書至毓所諒出城將往介州令毓與總管屬朱濤留守毓謂濤曰漢王構逆敗不旋踵當與卿出兵拒之濤驚曰王以大事相付何得有是語拂衣去毓追斬之閉門拒諒部分未定諒襲擊之遂見害時年二十八及諒平贈大將軍封正儀縣公諡曰愍子願師嗣 通字平東勣之兄也一名會有器局入朝官典宿衛出拜定州刺史轉相州刺史遷夏洪二州總管所在并稱寬惠卒諡曰安有子寬

新唐書宰相世系表豆盧氏本姓慕容氏燕王瑰弟西平王運生尙書令臨澤敬侯制制生右衛將軍北地愍王精降後魏北人謂歸義爲豆盧因賜以爲氏居昌黎棘城二子醜勝

又考證沈炳震曰按慕容寶傳精爲慕容麟所殺未嘗降後魏南燕錄慕容鍾傳鍾封北地王降後秦封歸義侯是北地王之封歸義侯

者乃南燕之北地王鍾非後燕之北地王精且降後秦非後魏也

謹按新唐書表沿隋書之誤但隋書歸魏無主名表則直指精耳十六國春秋運孫慕容永有傳所謂西燕者也制無考北地王精亦未知爲何人後又周書首列勝合觀隋書及庾信二碑惟勝之子失名次曰代次曰長次曰寧曰永恩寧子曰勣曰讚勣子曰賢曰毓毓之子曰願師永恩子曰通通一名會子曰寬歷歷可考新唐書表葺子永恩永恩子通通子寬亦同長即葺也自葺以下皆系醜而不系勝蓋悞又豆盧得氏之始周書以爲勝廋信碑以爲勝之子而舊唐書豆盧斂望傳又以爲葺俱不同大抵鍾降後秦爲歸義侯而凡慕容氏皆從之改豆盧氏不必定在魏且鍾于凱爲從子不得爲運孫據廋信碑寧兄弟爲凱後亦不得系之於廋弟運姑嫌疑焉

唐

尙可孤 唐書尙可孤傳尙可孤字可孤東部鮮卑宇文之別種世處松漠間天寶末隸安祿山復事史思明上元中自賊所歸累授左右威衛大將軍封白水縣伯爲神策大將以功試太常卿徙封馮翊郡王魚朝恩主衛兵器其勇養爲子名智德使將兵三千屯扶風武功歷十餘年隊伍閑整朝恩死賜氏李名嘉勳李希烈叛擢爲招討復本姓名累戰有功朱泚之難召可孤可孤率兵三千道襄鄧而西遂收藍田德宗將遷梁州命引兵守灊上拜神策京畿渭南商州節度招討使進軍與李晟收長安爲先鋒以功加檢校尙書右僕射又會諸軍進討李懷光次沙苑卒于軍可孤性謹審沈壯既有勳勞未嘗自論功御衆公嚴晟數稱之

侯希逸 新唐書侯希逸傳侯希逸營州人長七尺豐下銳上天寶末爲州裨將守保定城安祿山反使中人韓朝敷傳命希逸斬以殉祿山又以親將徐歸道爲節度使希逸率兵與安東都護王元志斬

金史卷之八十一
之遣使上聞詔拜元志平盧節度使元志卒共推希逸數有功然孤軍無援又爲奚侵掠乃拔其軍二萬浮海入青州據之平盧遂陷肅宗因以爲平盧淄青節度使自是淄青常以平盧冠使寶應初與諸軍討平史朝義加檢校工部尙書圖形凌煙閣希逸始得青治軍務農有狀後召還檢校右僕射封淮陽郡王遷司空未及拜卒

謹按平盧軍屬營州都督故舊唐書希逸本傳稱平盧人其實一也後李惠登亦然

張孝忠 新唐書張孝忠傳張孝忠字孝忠本奚種世爲乙失活酋長父謐納款授鴻臚卿孝忠始名阿勞以勇聞燕趙間共推張阿勞王沒諾干齊名沒諾干王武俊也孝忠魁偉長六尺性寬裕事親孝天寶末以善射供奉仗內安祿山奏爲偏將祿山史思明陷河洛常爲賊前鋒朝義敗自歸以兵屬李寶臣易州諸屯委以統制十餘年威惠流聞田承嗣寇冀州寶臣付兵四千使出上谷屯貝邱承嗣見

其軍整嚴歎曰阿勞在冀未可圖也寶臣晚節稍忌刻殺大將李獻誠等召孝忠不往寶臣死子惟岳擅立詔朱滔討之孝忠遣易州錄事參軍董真入朝德宗嘉之朱滔與武俊叛遣蔡雄說之啖以金帛皆不受滔悉兵攻之詔李晟率師援孝忠遂全其軍天子出奉天遣將楊榮國佐晟收京師貞元二年河北蝗民多餓死孝忠與其下同粗淡日膳裁豆譜而已人推爲賢將子茂昭茂宗茂和

謹按權德輿撰碑稱諱孝字達忠不同爲易州時封符陽郡王傳與碑同獨舊唐書本傳作范陽今易州有唐時石刻張公山亭再葺記其文云光祿大夫試太子賓客使持節易州諸軍事兼易州刺史充高陽軍使兼御史中丞符陽郡王張公與權碑合則知以符陽爲范陽者舊史之誤也

李惠登 唐書李惠登傳李惠登營州柳城人爲平盧軍裨將安祿山亂從董秦泛海略定滄棧等州輕兵遠鬪賊戰輒北史思明反惠

登陷賊以計挺身走山南依來瑱表試金吾衛將軍李希烈反屬以兵二千使屯隋州惠登挈州以歸即拜刺史州數被亂野如藝人無處業惠登雖樸素無學術而視人所謂利者行之所謂害者去之率心所安暗與古合政清靜居二十年田畝闢戶口日增人歌舞之于是節度使于頔狀其績詔加御史大夫升隋爲上州俄檢校國子祭酒卒贈洪州都督

謹按惠登在循吏傳又舊唐書韓愈傳昌黎人唐李翱作行狀宋程俱作年譜並同今詳新唐書宰相世系表韓頹當裔孫尋始遷潁川此愈所自出遷昌黎者尋之先與愈支別雖愈亦自稱昌黎但以當日族望言耳新唐書愈傳鄧州南陽人據韓文考異辨宋洪興祖所作年譜以爲河內之南陽非鄧州傳蓋附會世系表頹當始居赭陽之說洪氏亦誤從之二地同名南陽然遷徙屢更不可遠引也今從考異定愈爲河內南陽人茲不

錄

謹按唐書地理志營州柳城郡縣一柳城西北接奚北接契丹
其地當在今塔子溝三座塔境內詳見建
置沿革至唐時營州都督府
于萬歲通天二年曾爲契丹李萬榮所陷神龍二年移於幽州
開元四年移還柳城八年又往就漁陽其地雖危得危失但尙
可孤諸人事蹟在開元天寶間去武后未遠計其生時在營州
未遷以前故仍從舊志載入至李光弼唐書本傳雖稱營州柳
城人但其父楷洛于武后時入朝已屬內地故不附載云

欽定熱河志卷八十七

欽定熱河志卷八十八

人物二

遼

姚景行 遼史姚景行傳姚景行始名景禧祖漢英本周將應歷初來聘用敵國禮帝怒留之及景行既貴始出籍貫興中縣景行博學重熙五年擢進士乙科爲將作監改燕趙國王教授不數年至翰林學士樞密副使參知政事性敦厚廉直人望歸之道宗即位多被顧問爲北府宰相九年秋告歸道聞重元亂集行旅三百餘騎勤王比至賊已平帝嘉其忠咸雍元年出爲武定軍節度使明年驛召拜南院樞密使上從容問治道引入內殿出御書及太子書示之賜什器車仗帝有意伐宋召景行問曰宋人好生邊事如何對曰自聖宗皇帝以威德懷遠宋修職貢迨今凡六十年若以細故用兵恐違先帝成約上然其言而止致仕不踰月復舊職丁家艱起復兼中書令太

康初鎮遼興以上京多滯獄命爲留守不數月以獄空聞累乞致政許之加守太師卒遣使弔祭追封柳城郡王謚文憲壽隆五年詔爲立祠

竇景庸 遼史竇景庸傳竇景庸中京人中書令振之子聰敏好學清寧中第進士授祕書省校書郎累遷少府少監樞密直學士大安初遷南院樞密副使監修國史知樞密院事賜同德功臣封陳國公有疾表請致仕不從加太子太保授武定軍節度使審決冤滯以獄空聞拜中京留守薨謚曰肅憲子瑜三司副使

大公鼎 遼史大公鼎傳大公鼎渤海人先世籍遼陽率賓縣統和間徙遼東豪右以實中京因家于大定曾祖忠禮賓使父信興中主簿公鼎幼莊愿長而好學咸熙十年登進士第調瀋州觀察判官時遼東雨水傷稼北樞密院大發瀕河丁壯完隄防有司承令峻急公鼎以大興役事非利國便農之道疏請罷役從之水亦不爲災改良

鄉令奏禁鷹坊羅畢之擾省徭役務農桑建孔子廟學部民服化累
遷興國軍節度副使徙長春州錢帛都提點俄拜大理卿多所平反
天祚即位歷長寧軍節度使南京副留守改東京戶部使時盜殺留
守蕭保先公鼎單騎行郡陳以禍福安輯如故拜中京留守乘傳赴
官境內清肅時人心反側公鼎請布恩惠爲肆赦以安之累表乞歸
不許會奴賊張撒八率無賴嘯聚公鼎欲擊而勢有不能嘆曰吾欲
謝事久矣爲世故所牽不幸至此豈命也夫憂憤成疾卒子昌齡左
承制昌嗣洛州刺史昌朝鎮寧軍節度使

馬保忠 契丹國志馬保忠營州人也疏眉目豐下謹重寡慾斤斤
自修人賢其行讀書不謁州縣節用以給親里大饑則賑其餘于鄉
黨太平年間授洗馬改著作郎殿中丞興宗朝爲樞密使尙父守太
師兼政事令封燕國公

金

田灝 金史田灝傳田灝字默之興中人遼天慶八年進士歷官金部員外郎權歸德郎節度使太祖定燕灝舉四州版圖歸朝加都官郎中權節度使事四遷知眞定府事招降齊博游貴等賊衆五千餘人三遷行臺左丞彰德軍節度使是時新定力役灝蠲籍之半而上之故相之繇賦比他州獨輕改同僉燕京留守民遮留不得出易服夜去入爲刑部尙書居三月請老卒于家

裕爾伯特舊作瑤里字迭今改正金史裕爾伯特傳裕爾伯特北京路庫本明

安舊作窟白猛今改正托囉舊作陀羅今改正山穆琨舊作謀克今改正人也以軍功歷海

濱令遷徐王府掾以稱職再任御史臺察廉升同知震武軍節度使事明昌初爲唐州刺史尋授西北路招討副使改東北路六年正月北兵圍慶州急伯特率本路軍往救敵解去州竟無患承安元年丞相襄北伐伯特爲先鋒副統後授鎮寧軍節度使以六羣牧人叛改寧昌軍伯特爲都統領步騎萬次懿州敵數萬逆戰勢甚張伯特親

陷陣奮擊却之身中二創捷聞遷一官二年紮軍千餘出沒剽掠錦
懿間伯特追敗之復獲所掠悉還本戶改東北路招討使以捍邊有
功賜詔褒諭三遷爲崇義軍節度使卒遣官致祭賜銀五百兩贈金
紫光祿大夫伯特勇決善戰任兵鎮十餘年所向克捷凡再遷官賜
金幣甚爲上倚注云

鄧儼 金史鄧儼傳鄧儼字子威懿州宜民人也天德三年擢進士
第大定中爲左司員外郎右司郎中尋轉左司掌機務者數年世宗
嘗謂宰臣曰人言鄧儼用心不正朕視儼奏事心識甚明在太府監
心亦向公宰臣因奏儼明事機有心力于是擢戶部侍郎翌日復謂
宰臣曰吏部掌銓選當得通練人因改命焉累遷中都路都轉運使
明昌初爲戶部尙書上命尙書省集百官議如何使民棄末務本以
廣儲蓄儼言今風俗競爲侈靡莫若定立制度使貴賤上下衣冠車
馬室宇器用各有等差裁抑婚姻喪葬過度之禮罷去鄉社追逐無

名之費用度有節則蓄積日廣矣尋知歸德府事致仕卒

完顏博恰

舊作伯嘉今改正

金史完顏博恰傳完顏博恰字輔之北京路額

爾袞必喇

舊作訛魯古必喇今改正

明安人明昌二年進士調中都左警巡判官

豪右屏跡除監察御史劾奏平章政事布色

舊作僕散今改正

揆累官莒州

刺史讞屬縣盜博恰曰饑寒爲盜得錢二千經月不使一錢云何此

必官兵捕他盜不獲誣以準罪耳詰之果然貞祐四年三月博恰奏

西京副統程琢智勇過人以私財募集壯士二萬復取渾源白登有

恢復西山之志盡忠于國百戰不挫臣恐失機會輒擬琢昭勇大將

軍同知西京留守事兼領一路義軍制可兵部尙書簽樞密院事富

察阿爾布色

舊作蒲察阿里不孫今改正

爲右副元帥備禦潼關陝州次沔池土

濠村兵不戰而潰逸去博恰劾之宣宗憂旱博恰奏曰今日之旱聖

主自用宰相諂諛百司失職實此之由高琪汝礪深怨之以御史中

丞行尙書省元帥府于河中控制河東南北路便宜從事奏曰本路

衝要不可闕官凡召辟者每以艱險爲辭乞凡檄召無故不至者宜
令降罰悉心幹當者視所歷陞遷詔召不至者決杖一百餘如所請
廷議欲棄河東徙其民以實陝西博恰上書諫曰中原之有河東如
人之有肩背古人云不得河東不雄萬一失之恐未易取也大忤宰
執意罷爲中丞河南大水充宣慰副使按行京東奏曰亳州災最甚
合免三十餘萬石三司止奏除十萬石民將重困詔治三司奏災不
以實罪博恰純直不能與時低昂嘗曰生爲男子當益國澤民其他
不可學也元光元年坐言事過切降遙授同知歸德府事二年三月
遙授集慶軍節度使權參知政事行尙書省于河中率陝西精銳與
平陽公史詠共復河東頃之有疾薨

富察阿里

舊作蒲察
今改正

金史富察阿里傳富察阿里興州路人以廕補

官充護衛十人長武器署令遷右衛副將軍宋兵犯分道鋪馳驛赴
邊伺其入以伏兵掩之改提點器物局泰和伐宋從右副元帥匡爲

副統攻宜城縣取之以功遷武衛軍副都指揮使崇慶初遷元帥左都監都城被圍道路梗塞移駐大名軍變遇害

珠嘉

舊作朮甲今改正

臣嘉

金史珠嘉臣嘉傳珠嘉臣嘉北京路明安人

襲父穆琨泰和伐宋隸陝西完顏綱麾下歷通州海州同知軍州事貞祐二年除武器署丞救集寧有功遷河南統軍判官興定元年行樞密院于壽州由壽泗渡淮伐宋破宋兵三千于漸湖灘有詔蹂踐宋境上母深入臣嘉駐霍邱楂岡村縱輕騎鈔掠焚毀積聚宋兵屯高柳橋老幼甚衆其寨兩城環之以水臣嘉獲宋謀者張聰遣持牒招之不從先令水軍徑渡攻之軍士牛青操戈刺門卒皆披靡散去遂登陴大軍繼之夷其寨還遇宋兵數千於梅景村臣嘉伏兵林間以步卒誘致之伏發宋兵潰追奔十餘里生擒其將阮世安等五人獲器械甚衆二年賞征南功陞職一等遷元帥右都監轉左都監駐兵京兆元光元年卒

郭俛 金史郭俛傳郭俛字伯有潭州人大定二十二年進士調長
子主簿萊州觀察判官萊陽縣令補尙書省令史知管差除大理
寺司直太常博士左司都事御史臺舉俛才幹可用詔陞一等除平
陽府治中久之召爲同知登聞鼓院兼祕書丞遷禮部郎中滕州刺
史同知眞定府事上言每季合注巡尉官吏刑兩部斟酌盜賊多寡
處選注詔議行之大安元年遷遼東按察轉運使貞祐三年罷按察
轉運使改中都路都轉運使泰定軍節度使陝西東路按察轉運使
貞祐三年罷按察司仍充本路轉運使行六部尙書改河北西路轉
運致仕卒

王維翰 金史王維翰傳王維翰字之翰利州龍山人父庭遼季率
縣人保縣東山後以衆降維翰好學不倦中大定二十八年進士調
貴德州軍事判官察廉遷永霸令縣豪設事陳訴維翰窮竟其詐杖
殺之健訟衰息佐胥持國治河決有勞遷一階改北京轉運戶籍判

官補尙書省令史除同知保靜軍節度使事檢括戶籍一郡稱平屬縣有奴殺主人誣主人弟殺者維翰微行物色得其狀奴遂引服攝侍御史奏事殿中章宗曰佳御史就除侍御史布色揆伐宋維翰行省左右司郎中泰和七年河南旱蝗詔維翰體究田禾分數以聞八年宋人受盟上問復背盟否維翰對曰宋主怠于政事兩淮千里蕭條其臣無敢執咎者不足憂也惟北方當勞聖慮耳權右諫議大夫三司欲稅間架維翰諫不聽轉御史中丞遷工部尙書兼大理卿改刑部尙書拜參知政事貞祐初罷爲定海軍節度使鎮無兵備隣郡皆望風奔潰維翰謂吏民曰孤城不可守此州阻山浮海當有生地無俱爲魚肉也乃縱百姓避難維翰率吏民願從者奔東北山結營堡自守力窮被執不屈死詔贈中奉大夫

鄭子昞 金史鄭子昞傳鄭子昞字景純大定府人父宏遼金源令二子子京子昞楊邱行嘗謂人曰金源二子鳳毛也小者尤特達後

必名世子時及冠有能賦聲天德二年廷試明日海陵以子時程文示邱行對曰可入甲乙及拆卷果中第一甲第三人調翼城丞遷贊皇令召爲書畫直長子時頗以才望自負常慊不得爲第一甲第一人正隆二年會試畢海陵示以第一人程文子時少之問作賦如何對曰甚易因自矜且謂人莫已若也海陵不悅使與翰林修撰綦戩楊伯仁宣徽判官張汝霖應奉翰林文字李希顏同進士雜試七月癸未御寶昌門臨軒觀試以不貴異物民乃足爲賦題忠臣猶孝子爲詩題憂國如飢渴爲論題上謂讀卷官翟永固曰朕出賦題能言之或能行之未可知也詩論題庶戒臣下丁亥御使殿親覽試卷中第者七十三人子時果第一海陵奇之有頃進官三階除翰林修撰改侍御史京畿旱詔子時決囚遂澍兩人以比顏真卿顯宗深器重之以疾求補外爲沂州防禦使皇太子幣贖甚厚命以安輿之官召還改吏部侍郎遷侍講兼修國史上曰修海陵實錄知其詳無如子

昉者蓋以史事專責之也卒年五十五子昉英俊有直氣其爲文亦然生平所著詩文二千餘篇

中州集小傳鄭子昉字景純大定人少日有賦聲時輩莫與爲敵天德三年第三人登科士論以爲屈而海陵不之許也正隆二年詔景純再試擇能賦者八人先以題付之以困景純且將視其中與否罪賞之

御題天錫智勇正萬邦海陵謂侍臣漢高祖諱不避之可乎乃改作萬國

及開卷景純果第一海陵

終不以爲工與被黜者兩罷之趙獻之賀啓云丹桂一枝不失舊物青錢萬選無愧古人其爲名流所稱道如此累官吏部侍郎改侍講學士卒其賦醮醮有玉斧無人解修月珠裙有意欲留仙之句甚爲詩家所稱

謹按子昉事史本傳與中州集有三異一第三人登第史係天德二年中州集係三年一史再試時有賦詩論三題中州集祇一賦題又不同一子昉中第一人後史有進官三階文中州集

則云與被斥者兩罷之皆不可強合姑兩存之以備考

劉昂 金史劉昂傳劉昂字之昂興州人大定十九年進士曾高而下七世登科昂天資警悟律賦自成一家詩得晚唐體尤工絕句李純甫故人外傳云昂早得仕年三十三爲尙書省掾調西涼路轉運副使術士有言昂官止五品昂不信俄以母憂去職連蹇十年卜居洛陽有終焉之志有薦其才于章宗者泰和初自國子司業擢爲左司郎中會掌書大中與賈鉉漏言除授事爲言者所劾獄辭連昂章宗震怒一時聞人皆譴逐之鉉罷政昂降上京留守判官道卒竟如術者之言

李經 金史李經傳李經字天英錦州人作詩極刻苦喜出奇語不蹈襲前人李純甫見其詩曰眞今世太白也由是名大震再舉不第拂衣去南渡後其鄉帥有表至朝廷士大夫識之曰此天英筆也朝議以武功就命倅其州後不知所終

金定集卷之八 卷八十八 七
中州集小傳李經作詩極刻苦如欲絕去翰墨蹊逕聞者李趙諸人頗稱道之嘗有詩云雁奴失寒更拍拍叫秋水天長夢已盡秋思紛難理最爲得意其餘或有不可曉者累舉不第卒

謹按金史地理志錦州舊屬興中後屬大定其地當有與今境相錯者故李經本傳及歸潛志並以爲錦州人

孫德淵 金史孫德淵傳孫德淵字資深興中州人也大定十六年進士調石州軍事判官涑水丞察廉遷沙河令有盜秋桑者主逐捕之盜以刃自刺其足面曰秋桑例不禁探汝何得刺我主懼賂而求免盜不從訴之縣德淵曰若逐捕而傷瘡必在後今在前乃自刺也盜遂引服選尙書省令史不就丁父憂去官民爲刻石祠之累官大理丞兼左拾遺審官院奏德淵剛正幹能可任繁劇遂再任大安初遷盤安軍節度使改河北西路按察轉運使改昭義軍節度使潞州破被執俄有拜于前者皆沙河舊民也密護德淵由是得脫貞祐二

年拜工部尙書攝御史中丞是時山東乏兵食有司請鬻恩例舉人居喪者亦許納錢就試德淵奏此大傷名教事遂寢尋致仕監察御史許古論德淵忠亮明敏可大用士大夫望朝廷起復必能建明以利國家宣宗嘉納未及用而卒

趙子翼 中州集小傳趙子翼字士美大定人正隆二年進士性剛果與物多忤用是仕宦不進以同知臨海軍節度使事致仕居眞定有詩樂府傳于世父仲尹字叔獻三世皆仕至四品職名亦相近士美詩有筆力如賦臨海乳山萬松堂爲可見矣

趙之傑 中州集小傳趙之傑字伯英大定人本名宗傑避諱改大定十六年進士歷西京提刑副使棣州防禦使終于太常卿使宋還言事云宋人文敝之極且脆弱不足爲慮邊部爲可慮也其前識如此子繪名進士早卒孫季卿在燕中

冀禹錫 中州集小傳冀禹錫字京父龍山人崇慶二年進士調沈

邱簿與令不相能令以賊敗疑京父發之賂權貴誣京父以賓客依託之事坐廢十年朝臣薦其才者數十人終爲銓曹所礙居襄邑部使者起之旁近諸縣所至有父母之愛農司治許昌又爲主事區處餽餉上下千餘里不露聲迹而條畫次第皆具雖零雜米鹽若不足經意者問之應如指掌時人多自以爲不及也正大中當路諸公力辯其被誣乃得以常調守扶風丞召補省掾不就歸德奏充知事及城被攻京父爲經歷官守禦之策一府倚重之車駕至授左右司都事兼應奉翰林文字官奴之變家人勸京父羸服免禍不從有自外至者曰禁中賊滿矣乃自投水中

歸潛志冀禹錫京父惠州龍山人幼聰明絕倫年十九擢大興魁入太學有聲弱冠登高第時號得人入仕以能稱遇事風生老吏莫及初任沈邱簿以年少喜交遊飲酒遂爲令所乘坐廢再調考柘二城皆主簿又以治聞由前過終不得京官朝士累薦爲當途所沮得扶

風丞因客睢陽爲行樞密院辟爲都事末帝東遷擢爲應奉翰林文
字充尙書省都事蒲察官奴之變與宰相李蹊同見殺年四十三京
父詩鍛鍊甚工寫畫亦勁健可喜散文亦精緻

謹按金史地理志無惠州遼金二史地理志惠州下並無龍山
縣歸潛志言惠州當是利州之悞

劉海 元史劉濬傳劉濬字濟川其先興州人曾祖海金進士第一
人仕至河南府尹死國難子孫遂家河南

侯金鼎 元好問詩集贈利州侯神童詩註兒字金鼎生十四月識
字予見時生二十一月識字無算

詩見
藝文

謹按神童之名無考姑以字列之

欽定熱河志卷八十八

欽定熱河志卷八十九

人物三

元

巴圖爾

舊作拔都
兒今改正

元史巴圖爾傳巴圖爾額依蘇舊作阿遠
今改正氏世

居上都宜興憲宗在潛邸與兄鄂齊爾巴罕舊作兀兒
不罕今改正及馬特爾

斯舊作馬塔兒
沙今改正

帥衆來歸巴圖爾從征李壇圍濟南身二十餘戰世

祖嘉其能常居左右尋于阿克塔齊舊作阿塔
赤今改正內充集賽舊作怯薛
今改正

百戶後從塔布台舊作塔不
台今改正南征又以功賞師還言于帝曰臣願從

軍爲國效死世祖留之仍命充巴克實舊作字可
孫今改正兼領阿克蘇舊作
阿速

正今改軍御馬必令鞚引授廣威將軍後衛親軍副都指揮使賜虎符

從征納延舊作乃顏
今改正於伊綿舊作亦迷
今改正河擒僉嘉努舊作僉家
奴今改正塔布

台以歸賞鈔及衣緞加定遠大將軍卒子巴濟拉舊作別吉
速今改正襲至大

四年河東陝西鞏昌延安燕南河北遼陽河南山東諸翼衛特默齊

舊作探馬赤今改正爭草地訟者二百餘起命往究之悉正其罪積官懷遠大

將軍從丞相燕特穆爾舊作鐵木兒今改正擒道拉實舊作倒刺沙今改正黨額卜德時

勒舊作烏伯都刺今改正等領諸衛軍守居庸關及諸要害地天歷元年十月

王禪兵掩至羊頭山攻破隘口勢甚張巴濟拉從丞相擁衆奮擊之

突入其軍王禪敗走文宗賜御衣二襲三珠虎符及弓矢甲冑金帛

等物旌其功尋以疾辭子伊蘇岱舊作也速襲今改正

石天應子佐元史石天應傳石天應字瑞之興中永德人善騎射

豪爽不羈頗知讀書鄉里人多歸之太祖時太師國王穆呼哩舊作木華

黎今改正南下天應率衆迎謁軍門造戰攻之具臨機應變捷出如神以

功拜龍虎衛上將軍元帥右監軍成燕旌旗色用黑人目之曰黑軍

屢從穆呼哩大小二百餘戰常以身先士卒累功遷右副元帥征陝

右假道西夏自東勝濟河南攻葭州拔之以勁兵五千留守葭蘆遂

造舟楫建浮橋分兵四出悉定葭綏之地移軍河中金軍潛入中條

襲河中天應知之先遣驍將吳澤伏兵要路澤勇而嗜酒是夕方醉臥林中金兵由間道已直抵城下時兵燼後守具未完新附者爭縋而出敵乘隙入天應奮身角戰從者四十餘騎或勸西渡河天應曰先時人諫我南遷吾違衆而來此事急棄去是不武也縱太師不罪我何面目見同列乎今日惟死而已汝等勉之少頃敵兵四合天應飲血力戰至日午死之穆呼哩聞而痛惜焉子煥中知興中府事執中行軍千戶授中興中府相副官

初天應死事時弟天禹子佐中在軍中伺敵少懈倒抽其斧反砍之突城而出趨穆呼哩行營求得蒙古軍數千回與敵戰敗之穆呼哩嘉其勇奏授金符行元帥尋詔將官各就本城授興中府千戶子阿旺舊作安琬今改正襲職佩金符從征大理討李璫皆有功隆興之分寧判行省檄阿旺討擒之累功至右衛親軍副都指揮使後授大同等處萬戶領江左新附卒萬人屯田紅城大德三年李萬戶當戍和寧親

老且病阿旺請代其行及還以疾卒子居謙襲職後改忠翊侍衛親軍都指揮使

謹按元史穆呼哩傳天應戰死以天應子烏克舊作疑是幹襲

領其衆其即煥中耶

伊喇鼎爾

舊作移刺捏兒今改正

子瑪努勒

舊作買奴今改正

孫元臣

元史伊喇鼎

爾傳伊喇鼎爾契丹人也幼有大志膂力過人沈毅多謀畧遼亡金以爲參議留守等官皆辭不受聞太祖舉兵私語所親曰爲國復讐

此其時也率其黨百餘人詣軍門獻十策帝召見與語奇之賜名賽

音筆且齊

舊作賽因必赤今改正

問生何地對曰霸州因號爲霸州元帥拜兵

馬都元帥佐太師穆呼哩取北京下高利興松義錦等二十六城破

五十四寨平利州賊劉四祿及錦州賊張致遷龍虎衛上將軍兵馬

都提控元帥繼取遼東西廣寧金復海蓋等五十城興州益州重兒

反復討平之帝遣使者詔曰自汝效順戰功日多今賜汝金虎符居

則理民有事則將從攻東平延安圍鳳翔先登手殺數十人左臂中

流矢創甚裹創進攻迪延

舊作丹延今改正

穆呼哩止之曰創未至死敢自

愛耶穆呼哩壯之與所乘白馬明日飾以朱纓馳突萬衆中穆呼哩

乘高見之曰此霸州元帥也諸軍繼進金兵敗走迪延十餘城皆降

遷軍兵都達嚕噶齊

舊作達魯花赤今改正

都提控元帥兼興勝府尹從帝征

河西取甘合辛蛇等州師還復從穆呼哩攻益都下萊膠淄等三十

二城以疾歸高州卒贈推忠宣力保德功臣太尉開府儀同三司上

柱國追封興國公諡武毅 肅爾子瑪努勒早從父習戰陣初入見

太祖問曰汝年小能襲父爵乎對曰臣年雖小國法不小帝異其對

顧左右曰此兒甚肖乃父以爲高州等處達嚕噶齊兼征行萬戶命

攻高麗花涼城監軍張翼劉霸都殞于敵瑪努勒怒曰兩將陷賊義

不獨生趨出戰破之誅首將撫安其民進攻開州州將金沙密逆戰

擒之城中人出童男女及金玉器以獻卻不受遂下龍宣雲泰等十

四城興州趙祚反土豪楊買驢等附之命從親王察罕台舊作察合台今改正

帥師討之斬賊將董蠻等圍買驢於險樹寨三月不下買奴令健卒

劉五兒即寨北小徑上大樹以繩潛引百人登寨直前卻之買驢投

崖死餘黨悉平太宗即位錄功賜金鞍良馬從征高麗入王京取其

西京而還賜金鎖甲加鎮國上將軍征東大元帥佩金符復命出師

高麗將行以疾卒贈推誠效義功臣榮祿大夫平章政事追封興國

公諡顯懿 瑪努勒子元臣別名哈喇哈斯舊作哈喇哈孫今改正年十六入

宿衛應對進止有度世祖謂丞相和爾和舊作和魯火今改正孫曰此勳臣子

非凡器也以爲集賽筆且齊襲千戶將其父軍從伐宋攻淮西成清

口取瓜洲下通泰累有功至元十二年從丞相巴延舊作伯顏今改正平宋

進階武毅將軍中衛親軍總管佩金虎符珠爾噶台舊作只兒瓦台今改正叛

圍應昌府時皇女魯國公主在圍中元臣以所部軍馳擊珠爾噶台

敗走追至魚兒灤擒之公主賜賚甚厚奏請暫留鎮應昌以安反側

居一歲召至京師遷明威將軍後衛親軍副都指揮使還鎮應昌又三歲召還加昭勇大將軍帝以所籍入權臣家婦賜之元臣辭曰臣家世清素不敢自污帝嘉歎不已進昭毅大將軍同僉江淮行樞密院事罷歸高州帝親征乃顏元臣率家僮五十人見行在所願效前驅移僉湖廣行樞密院時溪洞施容等州蠻獠作亂元臣親入其境喻以禍福賊首魯萬丑降卒官贈安遠功臣龍虎衛上將軍同知樞密院事追封興國公諡忠靖子迪中奉大夫湖廣宣慰使都元帥

謹按金之霸州屬中都元之霸州屬大都皆燕地而傳于鼎爾稱得疾歸高州于元臣亦稱罷歸高州高州元屬興中遼金俱有霸州彰武軍之名其爲興中之霸州無疑

何實 元史何實傳何實字誠卿其先北京人曾祖搏霄雄于貴好施與鄉里稱善人祖鼎敬父道忠仕金爲北京留守實少孤依叔父居氣節不凡家人常入臥內見一青蛇蜿蜒衣被中駭視乃實也及

長通諸國譯語驍勇善騎射個儻不羈遠近慕其雄略咸歸心焉中原盜起錦州張鯨自立爲臨海郡王遣使納款以叛伏誅鯨弟致初以叛謀于實實厲聲叱曰天之運數在朔方汝等恣爲不軌徒自斃耳乃籍戶口一萬募兵三千來歸大將穆呼哩與論兵事奇變百出欣躍稱賞遂引見太祖獻軍民之數帝大悅命從穆呼哩選充前鋒以功爲帳前軍馬都彈壓穆呼哩東下齊數郡使實帥師四千取燕南齊西之地遷兵馬都鎮撫從取大同雁門石隰等州悉平之引兵掠太原平陽河中京兆諸城所向款附錄功爲元帥左監軍穆呼哩卒子博囉舊作學魯今改正嗣武仙復叛據邢實帥師五千破之軍令嚴肅博囉命戍邢多善政邢民敬如神明博囉征西夏以實分兵攻汴陳蔡唐鄧許鈞睢鄭毫穎所至有功復命駐兵邢州分織匠五百戶置局課織賜金虎符便宜行元帥府事邢因武仙之亂歲屢饑請移匠局于博囉從之太宗數召入見賜座與論軍中故事良久曰思卿

效力有年朕欲授以征行元帥後當重任實叩頭願辭監軍之職幸得元佩金符督治工匠歲獻織幣優游以終身帝不悅令射不能密使人覘之實臂果不能舉始可其奏取金符親賜之授以漢字宣命充御用局人匠達嚕噶齊子孫世其爵遣歸卒于博子九人孫十七人子崇禮授應奉翰林文字從仕郎同知制誥兼國史院編修官

劉亨安 元史劉亨安傳劉亨安其先范陽人後遷遼東川州初太師國王穆呼哩經略遼東兄世英率宗族鄉人隸麾下分兵收燕趙雲朔河東以功充行軍副總管平陽諸郡被兵之餘民物空竭世英言于王曰自古建國以民爲本今河東殺掠殆盡異日我師復來孰給轉輸收存卹亡此時也王善之以絳州邊地難其人奏授世英絳州節度使兼行帥府事卒于師無子博囉命其族兄德仁襲職金將伊喇副樞攻絳州城陷死之穆呼哩承制命亨安領其衆奏賜金虎符授鎮國上將軍絳州節度使行元帥府事兼觀察使從王師渡河

金史卷之二十一
入關會大軍于鈞州敗金人于三峰山既而宋兵二十萬攻汴將趨洛都亨安往拒之宋師奔潰追擊百餘里都元帥塔海征巴蜀出奇制勝戰功居多進圍成都亨安爲先鋒大破之于城西生擒宋將陳侍郎有喬長官與亨安爭功未幾攻城喬爲礮所傷亨安負之以出喬感愧從軍十年累著勳伐所獲金帛悉推與將佐士卒咸樂爲用卒子貞嗣職孫三人宏彊弼

田雄 元史田雄傳田雄字毅英北京人也幼孤能樹立以驍勇善騎射知名金末署軍都統太祖至北京率衆出降隸太師國王穆呼哩麾下從征興中廣寧諸郡有功穆呼哩承制授雄隰吉州刺史兼鎮戎軍節度使行都元帥府事平汾西霍山諸柵以穆呼哩命授河中帥聽石天應節制太宗時從攻西河興元夔諸州論功尤最賜金符授行軍千戶名爲御前先鋒頃之使攻破楨州雷家堡奉旨招納河南降附得戶十三萬七千有奇民皆安堵而別部將校縱兵虜掠

民惶懼悔降雄力爲救護至出已財與之民得免害授鎮撫陝西總管京兆等路事時關中苦于兵革郡縣蕭然雄披荊棘立官府開陳禍福招徠四山堡砦之未降者獲其人皆慰遣之由是來附者日衆雄乃教民力田京兆大治事聞賜金符定宗時入覲于和林以疾卒後追封西秦王子八人大明襲職知京兆等路都總管府事

姚樞 元史姚樞傳姚樞字公茂柳城人後遷洛陽少力學楊惟中與之偕覲太宗世祖在潛邸遣趙璧召至大喜待以客禮詢治道樞爲書數千言陳平治大經及救時之弊即位立十道宣撫使以樞使東平拜太子太師樞曰皇太子未立安可先有太師改大司農拜中書左丞昭文館大學士翰林學士承旨卒諡曰文獻子偉仕爲平章政事從子燧官至翰林學士承旨以文章大家知名卒諡曰文

謹按元無柳城縣蓋元史成于倉卒偶沿志狀用古地名又樞兄子燧元史亦有傳因生長在洛陽故未採入他如金之圖克

坦

舊作徒單
今改正

克寧其先金源縣人元圖圖爾噶

舊作吐
今改正

其先

居武平北折連川劉濬其先興州人皆占籍他處已久如斯類

者概不泛列

趙炳

元史趙炳傳趙炳字彥明惠州灤陽人父宏有勇畧國初爲

征行兵馬都元帥積階奉國上將軍炳幼失怙恃鞠于從兄歲饑往

平州就食遇盜欲殺之兄解衣就縛炳年十二泣請代兄盜驚異舍

去甫冠以勳閔之子侍世祖于潛邸恪勤不忘遂蒙眷遇世祖次桓

撫間以炳爲撫州長中統元年命判北京宣撫司事北京控制遼東

番夷雜處號稱難治時參知政事楊果爲宣撫使聞炳至喜曰吾屬

無憂矣李璫叛據濟南炳請討之將千人獨當北面所俘獲即縱遣

去曰脅從之徒不足治也入爲刑部侍郎兼中軍省斷事官濟南妖

民作亂賜金虎符加昭勇大將軍濟南路總管炳至止罪首惡餘黨

解散歲凶發廩賑民而後以聞遷遼東提刑按察使豪猾屏迹帝念

關中重地思得剛鯁舊臣以臨之授炳京兆路總管兼府尹皇子安西王開府于秦詔治宮室悉聽炳裁制府吏卒橫暴擾民者即繩以法王命曰後有犯者勿復啓請若自處之由是悉斂迹關民以安加鎮國上將軍安西王相秋被旨入見便殿勞之曰卿去數載衰白若此關中事煩可知已詢及民間利病炳悉陳之因言王薨後運使郭琮郎中郭叔雲竊弄威柄改中奉大夫安西王相兼陝西五路西蜀四川課程屯田事餘職如故即令乘傳往按琮等琮假嗣王旨囚之炳子仁榮訴于上詔近侍二人馳驛脫炳且械琮黨偕來琮等留使者醉以酒先遣人毒炳于平涼獄中其夜星隕有聲如雷帝聞之撫髀歎曰失我良臣琮等至帝親鞫問盡得其情命仁榮手刃琮叔雲于東城籍其家以付仁榮對曰不共戴天之人所蓄物皆取于民何忍受之別賜鈔二萬五千五百緡爲治喪具舊制無賻臣下禮蓋殊恩也六月詔雪炳冤特贈中書左丞諡曰忠愍子六人仁顯早亡次

仁表仁榮仁旭仁舉仁軌仁榮仕至中書平章政事餘俱登顯仕

張庭珍

弟庭瑞

元史張庭珍傳張庭珍字國寶臨潢全州人父楫

金商州南倉使降太宗命監權北京等路賦課改北京都轉運使因家北京憲宗即位以庭珍爲筆且齊高麗擅徙居海中江華島遣庭珍往問答言大軍歲入侵掠避而走險不得已也賂以金銀數千兩卻之歸以狀聞帝爲禁戍兵無擅入其地高麗以安伐宋至閩州授安撫使世祖即位自將北伐以庭珍熟知西涼入漢南路遣立沙井諸驛兼給糧運授同僉土蕃經畧使安南入貢不時以爲朝列大夫安南國達嚕噶齊佩金符由吐蕃大理諸蠻至安南世子光晒立受詔庭珍責之光晒惶恐下拜旣曰汝官朝列我王也相與抗禮古有之乎庭珍曰王人雖微序于諸侯之上光晒曰旣稱大國何索吾犀象庭珍曰貢獻方物藩臣職也光晒無以對益慚憤使衛兵露刃環立庭珍解所佩弓刀坦臥室中曰聽汝何爲光晒及羣下皆服明

年遣使隨入貢帝大悅授襄陽行省郎中從數騎抵南門呼宋將呂文煥語曰孤城路絕欲以死守求空名如闔郡之人何文煥降以功遷中順大夫宋平拜大司農卿南京路總管兼開封府尹卒于官庭珍性清慎丞相巴延嘗語人曰諸將渡江無不荒貪惟我與國寶始終自守聞者以爲知言弟庭瑞 庭瑞字天表幼以功業自許兵法地志星歷卜筮無不推究以宿衛從憲宗伐蜀爲先鋒中統二年授元帥府參議留戍青居諸軍攻開州建州庭瑞將兵築城虎嘯山扼二州路宋將夏貴以師數萬圍之堅守踰月援兵不敢進庭瑞度宋兵稍懈三分其兵夜劫貴營宋兵驚潰以功授奉議大夫兵圍重慶以庭瑞練習軍事改成都總管佩虎符舟楫兵仗糧儲皆倚辦蜀平陞諸蠻夷部宣慰使甚得蠻夷心授叙州等處蠻夷部宣撫使改潭州路總管辭歸關中三年思成都遂從漢中分家奴往居焉以疾卒王克敬 元史王克敬傳王克敬字叔能大寧人幼奇穎常戲道旁

丞相旺扎勒

舊作完澤
今改正

見之曰令器也大寧朔土習尙少文克敬獨

孜孜爲儒者事既仕累遷江浙行省照磨監四明倭人互市先是往

監者懼夷情叵測嚴兵衛如待大敵克敬悉去之撫以恩意帖然無

敢譁番陽大饑總管王都中出廩粟賑之行省欲罪其擅發克敬曰

番陽距此千里比待命民且死彼爲仁而吾屬顧爲不仁乎都中因

得免拜監察御史尋遷左司都事時英宗勵精圖治丞相拜住請更

前治不便者會議中書堂克敬首言江南包銀民貧有不能輸當罷

之兩浙煎鹽戶當免其他役悉從之擢江西道廉訪司副使轉兩浙

鹽運司使首減紹興民食鹽五千引入爲吏部尙書乘傳至淮安墜

馬居吳中養疾元統初起爲江浙行省參知政事請罷富民承佃江

淮田從之視事五月請老年甫五十九謂人曰穴趾而峻墉必危再

實之木必傷其根無功德而忝富貴何以異此又曰世俗喜言勿認

真臨事勿認真豈盡忠之道乎讀書有所得者輒抄爲書所著詩文

奏議傳于世卒贈中奉大夫陝西等處行省參知政事追封梁郡公諡文肅子時以文學顯歷仕中書參知政事至左丞以翰林學士承旨致仕

崔敬 元史崔敬傳崔敬字伯恭大寧之惠州人通刑名法律之學天歷初辟御史臺察院書吏歷刑部令史徽政院掾史遂陞中書掾用累考及格授刑部主事遷樞密院都事拜監察御史上疏請迎歸太后太子全母子之情又諫巡幸上都宜御內殿出僉山北廉訪司事按部全寧獄有李秀以坐造僞鈔連數十人皆與秀不相識敬疑而讞之詢知始謀者乃大同王濁有司誤以秀爲濁捶楚之下秀自誣服耳移文至大同果得濁至正初遷河南又遷江東所至抑豪強惠下窮洗冤滯興學勸農百廢具舉同知大都路總管府事直沽河淤數年中書省委敬浚治之不三月告成除刑部侍郎歷兵部尙書尋拜參知政事行省河南復爲兵部尙書盜據齊魯敬與平章政事

達蘭

舊作答蘭
今改正

參知政事阿普爾

舊作俺普
今改正

分省陵州州乃南北要

衝無城郭居民散處敬兼領兵刑戶工四部事供給諸軍事無不集丞相以其能上聞賜之上尊仍命便宜行事山東郡邑之復敬之策居多敬以軍馬供給浩繁民力日疲請行納粟之令積粟百萬以給軍費民力稍蘇除山東行樞密院副使遷江浙行省左丞卒贈資善大夫江浙行省左丞如故諡曰忠敏

孫秀實

元史孝友傳孫秀實大寧人性剛毅喜周人急里人王仲

和嘗託秀實貸富人鈔二千錠貧不能償棄親逃去數年其親思之疾秀實日饋薪米存問終不樂悉爲代償取券還其親復令奴控馬賚金訪仲和使歸父子歡聚聞者莫不嗟美又李懷玉等貸秀實鈔一千五百錠度無以償盡還其券不徵

劉廷讓

元史孝友傳劉廷讓大寧武平人至順初北方兵起民被

殺掠廷讓挈家避山中有幼弟方乳母王氏置于懷兵急廷讓乃棄

已子一手抱幼弟一手扶母疾驅得免事聞旌之

張洪範 石抹昌齡 元史孝友傳居喪廬墓者有北京張洪範興

中石抹昌齡

列女

附

唐

宜芳公主楊氏 舊唐書元宗紀天寶四載三月封外孫獨孤氏女
爲靜樂公主出降契丹松漠都督李懷節封外孫楊氏女爲宜芳公
主出降奚饒樂都督李延寵九月契丹及奚酋長各殺公主舉部落
叛

謹按宜芳公主全唐詩小傳作宜芬公主云公主本豆盧氏有
才色天寶四載奚靺無主安祿山請立其質子以公主妻之上
遣中使護送至滹池驛哀怨作詩一首題屏風曰出嫁辭鄉國
由來行路難聖恩愁遠道行路泣相看沙塞容顏盡邊隅粉黛

殘妾心何所斷他日望長安其事蹟皆在天寶四載疑宜芬即
宜芳也特一作楊氏一作豆盧氏未可解耳至靜樂公主雖見
唐書以無事實不錄又舊唐書紀內李懷節新唐書契丹傳作
李懷秀

遼

陳氏 遼史列女傳邢簡妻陳氏營州人父陁五代時累官司徒陳
氏甫笄涉通經義詩賦一覽輒誦尤好吟咏時以女秀才名之年二
十歸於邢簡孝舅姑閨門和睦親黨推重有六子陳氏親教以經後
二子抱朴抱質皆以賢位宰相統和十二年卒睿智皇后聞之嗟悼
贈魯國夫人刻石以表其行及遷祔遣使以祭論者謂貞靜柔順婦
道母儀始終無歉云

金

姚氏 金史王維翰傳王維翰利州龍山人為定海軍節度使避難

率吏民結營堡自守力窮被執妻姚氏亦不屈與維翰俱死詔贈芮國夫人諡貞潔

元

柏都賽兒 元史文宗紀至順二年大寧和衆縣何千里妻柏都賽

兒夫亡以身殉葬旌其門

趙哇兒 安氏 魏氏 張氏 白氏 劉氏 謝氏 蕭氏 元史列女傳趙氏名哇

兒大寧人年二十夫蕭氏病劇謂哇兒曰我死汝年少若之何哇兒

曰君幸自寬脫有不諱妾必從君地下遂命匠製巨棺夫歿自經死

家人同棺斂葬焉又有大寧趙瞻兒妻安氏陳恭妻張氏武壽妻劉

氏宋敬先妻謝氏薩里 舊作撒里 今改正 妻蕭氏興州某氏妻魏氏利州高

托卜嘉 舊作高塔 必也今改正 妻白氏並以早寡不忍獨生以死從夫事聞悉

命褒表或賜錢贈恤云

段氏 張羽七姬墓權厝志七姬皆良家子事浙江省左丞榮陽潘

大正九年可志 卷八十九 人物三 十一

公皆爲側室及敵抵境公日臨戰一日歸召七姬謂曰我受國重寄義不顧家脫有不宿戒若等毋爲人嗤也一姬跪而前曰主君遇妾厚請及君時死以報遂趨入室以帨自經死于戶六人者亦相繼經死段氏大寧人年十八其先死者也

謹按七姬墓在蘇州府城內以段氏爲大寧人故錄之

額森呼圖克

舊作也先忽都今改正

玉蓮

元史列女傳額森呼圖克蒙古欽

察氏大寧路達嚕噶齊特穆爾巴哈

舊作帖木兒不花今改正

之妻以夫恩封雲

中郡君夫坐事免官居大寧至正十八年紅巾賊至與妾玉蓮走尼寺中爲賊所得令與衆婦縫衣罵曰我達嚕噶齊妻也汝曹賊也我不能爲針工以從賊賊怒殺之玉蓮因自縊者三賊併殺之先是其子旺扎勒特穆爾舊作完者帖木兒今改正年十四與父出城見執于賊拜請以身代父死賊愛其姿秀遂挈以從久之乃脫歸訪母屍並玉蓮葬焉

謹按特穆爾巴哈以免官居大寧則額森呼圖克與玉蓮皆爲

流寓人不得屬之大寧以他無可附故錄于此

欽定熱河志卷九十

人物四

流寓 附

晉

封奕 十六國春秋前燕錄封奕字子專渤海蓀人也祖釋疾屬於慕容廆釋卒廆以爲軍諮祭酒軍國機要悉委之討鮮卑木提於白狼全柳城遷右司馬尋擊宇文逸豆歸大獲而還進鎮軍左長史遂與諸將佐勸凱稱燕王奕進位相國封武平侯封平冉閔在相位十五年政務之暇留心講論接引後進如不及喜怒不形於色儁即帝位進爲太尉領中書監復十餘年遂爲宋策元勳及暉之世欲徙龍城宗廟社稷及所留百官家屬必得耆德大臣迎之乃遣奕與侍中慕輿龍往既至暉親率羣臣謁於道左奕以暉建熙六年卒謚曰匡

公

謹按晉永嘉末中州士族咸往依慕容氏故流寓爲多其時所
居尚在今境外茲但就甄都龍城以後見於史者錄之他若宋
王富歐陽諸人通使於遼特爲經過其境五代漢時胡嶠居契
丹七年宋時洪皓亦留金十五年可謂流寓矣然觀嶠所著陷
北記先至上京後至福州皆不在中京境內皓所著松漠紀聞
載上京至燕之道里亦經由渝關而不至北京

金北京即遼中京

故不

列入

陽鶩弟裕十六國春秋前燕錄陽鶩字士秋右北平無終人也父耽

爲遼西太守母李氏博學有母儀耽常升堂拜之鶩少好學器識沈
遠起家爲平州別駕屢獻安時強國之策及耽即位遷左長史東西
征伐參謀帷幄封建寧公耽臨終謂儁曰楊士秋志行高潔忠幹貞
固可託大事汝善待之儁將圖中原鶩制勝之功亞於太原王恪曄
既嗣立申師傅之禮親遇日隆及爲太尉固求罷職不許歷事四朝

年耆望重自太原王恪以下皆禮拜之而謙恭謹厚過於少時子孫朱紫羅列無敢違犯其法度者性尤儉約好施無倦常乘弊車瘠牛卒無殮財人士莫不痛惜之諡曰敬弟裕字士倫少孤兄弟皆早亡宗族無能識者惟叔父耽奇之曰此兒非惟吾門之標秀乃佐時之良器也石勒克薊城欲任之裕微服潛遁令支歷事段氏五主甚見親重其後段遼與虓相攻裕諫不從出爲燕郡太守北平相及石虎攻遼長驅入薊裕帥其民數千家登燕山自固諸將急欲攻之虎曰裕儒生矜惜名節恥於迎降耳無能爲也既克令支裕詣軍門降拜北平太守徵爲尙書左丞段遼之請迎於虎也裕以左丞爲征東將軍麻秋司馬秋敗裕爲虓軍所執虓素聞裕名命釋其囚拜郎中令遷大將軍左司馬東破高句驪北滅宇文歸皆預其謀及遷都龍城城池宮閣規模皆裕制性謙恭清儉剛簡慈篤歷居朝端有若布衣士大夫流亡羈絕者莫不經營收葬存卹孤遺士無賢不肖皆傾

身以待之是以所在推仰范陽盧諶每曰吾及晉之清平歷觀朝士如陽士倫者實亦未幾也及死諶甚悼之比葬三臨時年六十一

高詡 十六國春秋前燕錄高詡遼東人也永嘉末避地隱居建武初虜自稱大單于詡杖策見之曰霸王之資非義不濟今晉室雖微人心猶附宜遣使江東示有所尊然後仗大義以征諸部誰敢不從虜善之拜爲郎中令毓嗣立遷元菟太守以平征虜仁功封汝陰侯轉左長史詡善天文及謀伐宇文逸豆歸詡進曰宇文強盛今不取必爲國患伐之必克然不利於將出而告人曰吾往必不返然忠臣不避也將發不見其妻使人語以家事而行逸豆歸果大敗身爲流矢所中卒

黃泓 十六國春秋前燕錄黃泓字始長廬江人也

一作魏郡人

父沈

善天文祕術泓受父業精妙逾深博覽經史尤明禮易性甚忠勤永嘉末避地於薊率宗族歸虜虜待以客禮引爲參軍軍國之務輒咨

之泓止說成敗事皆如言鹿常曰黃參軍國之仲翔也及弒嗣位遷左常特領史官石虎率衆來攻弒將走遼東泓曰賊有敗氣無憂也不過二日必奔潰宜嚴勒士馬爲追擊之備及期果退弒益奇之儻即王位遷從事中郎及僭僞號署爲進謀將軍太史令關內侯尋加奉車都尉西海太守領太史令開陽亭侯進封平舒縣五等伯常從左右諮決大事靈臺令許敦害其寵泓待敦彌厚不以毀已易心暉敗以老歸家歎曰燕必中興其在吳矣恨吾年過不及見耳年九十七卒後三年吳王垂果以興焉

韓恒 十六國春秋前燕錄韓恒字景山灌津人也

一作安平人

父默以

學行顯名恒年十歲能屬文同郡張載奇之曰王佐才也身長八尺一寸博覽經籍無所不通永嘉末避地遼東依於崔愨愨既逐愨恒徙於棘城召見與語悅之拜參軍事咸和中宋該等表請愨爲大將軍燕王之號下羣僚博議咸以爲宜恒駁曰立功者患信義不著不

患名位不高且要君以求寵爵者非爲臣之義也。庖頗不平之出爲新昌令。遷營邱太守。政化大行。僞旣僭號。將定五行次羣議以爲燕宜承晉爲水德。恒時疾在龍城。乃召決之。旣至言於僞曰。大燕王迹始於震。於易震爲青龍。受命之初有龍見於都邑。城龍爲木德。幽契之符也。祕書監聶然聞恒言。歎曰。不有君子國何以興。其韓令君之謂乎。

鮮于亮 十六國春秋前燕錄。鮮于亮。范陽人也。初仕石虎爲別將。與麻秋帥衆迎段遼。太原王恪擊敗之。亮失馬。步緣山不能進。因止。端坐。恪兵環之。叱令起。亮曰。汝曹能殺。亟殺不能。則去。儀觀豐偉。聲氣壯厲。燕兵憚之。不敢殺。以白氈。氈命以馬迎之。與語大悅。拜爲左常侍。後氈自率大衆征高句驪。亮言於氈曰。臣以俘虜蒙王國士之恩。不可以不報。今日願效死。前驅。遂與數十騎先犯高句驪陣。所向摧潰。僞旣嗣立。復以前鋒將軍伐趙。攻拔薊城。陷陣。先登。威名顯著。

以功遷揚威將軍歷章武齊郡二郡太守

乙逸 十六國春秋前燕錄乙逸平原人也仕爲東夷護軍慕容仁之叛棄城奔還轉元菟太守僞建留臺于龍城遷尙書專委留務徵爲左光祿大夫夫婦共載鹿車子瑋隨從常數十騎服飾甚麗奉迎道左逸大怒閉車不與言到城乃深責之常憂其必敗而瑋更被擢用頻歷顯位至中書令御史中丞乃歎曰瑋專爲奢縱而更居清要此豈惟瑋之忝幸實時世之陵夷也

皇甫眞 十六國春秋前燕錄皇甫眞眞字楚季安定朝那人也兄岌晉東夷校尉崔恣請爲長史終莫能致鹿招之即至與眞並任居樞要眞更弱冠高才甄嗣立遷平州別駕時百姓勞瘁眞議欲寬減賦稅休養力役不合旨免官後以破麻秋功拜奉車都尉守遼東營邱二郡皆有善政及僞即位入爲典書令從恪等討擒冉閔南拔鄴都城內珍寶充溢眞一無所取惟存恤人物收斂圖籍而已僞臨終

真與恪等俱受顧命累遷太尉侍中苻堅密謀併燕命西戎主簿郭辦潛結匈奴左賢王遣使朝貢辦因爲之副還爲堅言燕朝政無綱紀實可圖也鑿機識變惟皇甫真耳真性清儉寡慾不營產業飲酒至石餘不亂雅好爲文凡著詩賦四十餘篇王猛入鄴真從堅入關爲奉車都尉奉朝請數歲卒

李洪 十六國春秋前燕錄李洪平陽人也初受王浚假署爲雍州刺史後歸姚仕爲大理歷內史右司馬石虎攻棘城洪弟普勸洪出避禍洪曰天道幽遠人事難知且當委任勿輕動以取悔普固請不已洪曰卿意見明審當自行之吾受慕容氏恩當效死於此耳與普流涕而訣普遂降虎從虎南歸死於喪亂洪由是以忠篤著名從僞攻鄧恒于魯口出屯高冢慕容根擊恒部將鹿勃早洪徐整騎隊助之俘斬甚衆暉立轉龍驤將軍進位司空王猛克鄴隨暉入長安拜駙馬都尉奉朝請卒

高開 十六國春秋前燕錄高開渤海蓀人也父瞻永嘉末北依崔
恣密謀伐庾瞻固諫不從及恣奔敗瞻隨衆降庾署爲將軍稱疾
不赴卒開仕僞爲昌黎太守時土豪封放與趙故太尉劉準聚衆自
守僞遣開討之至渤海準放迎降遂署爲幕府參軍從太原王恪征
冉閔於襄國閔多步卒說恪以誘致平地擊之閔遂敗走開被重創
而卒弟商剛毅嚴重好學有事幹爲僞范陽太守兄開戰歿悲哭嘔
血扶杖乃行僞召見之商涕泣不勝僞顧謂左右曰自古友于之愛
未有如商者也即日拜昌黎太守商泣辭曰臣兄亡於此郡臣故不
忍爲之僞愍而改授遼西

公孫鳳 十六國春秋前燕錄公孫鳳字子鸞上谷人也隱居昌黎
之九城山谷冬衣單布寢處土床夏每并食於一器蛆臭乃食彈琴
吟咏陶然自得人莫能測也暉以安車徵至鄴見暉不言不拜衣食
舉動如在九城賓客造請少得與言數年病卒

謹按自封奕以下或以避地或以歸降多爲燕之將相列卿于十六國春秋有傳皆在凱儻時曾居龍城故得列入惟公孫鳳以上谷人而隱居昌黎則以地而存其人也

封裕 十六國春秋前燕錄慕容廆以渤海封抽子裕典機要凱即王位以爲記室永和元年凱以牧牛給貧家使佃苑中公收其八二分入私自有牛而無地者公收其七三分入私記室參軍裕諫凱乃下令賜錢五萬宣示中外

韓壽 十六國春秋前燕錄太興二年宇文悉獨官率衆逼城遼東韓壽言於廆曰悉獨官將驕卒肆若奇兵猝起倚其無備必破之策也乃出兵大戰遂敗之四年廆備置僚屬以壽爲別駕凱即王位以爲司馬復兼左長史八年伐高句驪壽斬其將阿佛和度加諸軍乘勝追之遂入丸都

劉佩 十六國春秋前燕錄咸康四年趙王虎率衆至棘城凱懼形

於色元菟太守河間劉佩曰強寇在外衆心恟懼事之安危係于一人大王此際當自強以厲將士今事急矣臣請出擊之縱無大捷足以安衆乃將敢死士數百騎出衝趙兵斬獲而還于是士氣百倍建元二年伐宇文逸豆歸爲副前鋒克其都城中流矢卒

常煒 十六國春秋前燕錄慕容儁三年二月冉閔僭稱大號攻圍襄國趙主石祗危迫遣故太尉張舉乞師許送傳國璽姚弋仲亦遣使來告儁以悅縮爲禦難將軍帥兵三萬往會之閔聞儁欲救趙遣大司馬從事中郎廣寧常煒來聘儁使記室封裕詰以僭稱大號張舉云璽在襄國其言信否又聞冉閔初立鑄金爲己象以下成敗壞而不成奈何言有天命煒曰天之神璽實在寡君鑄形之事所未聞也儁旣銳信舉言又欣于閔鑄形之不成也必欲審之乃積薪置火其旁使裕以私誘之煒神色自若抗言就死遂赦之使出就館夜遣其隣人趙瞻往勞之且謂不以實言王將處君于遼碣之表煒曰吾

尚不欺布衣況人主乎直情盡言雖處東海不敢避也遂臥向壁不復與瞻言僞怒囚之龍城八月悅綰還自襄國僞知張舉之妄而殺之常煒有四男二女在中山僞釋煒囚使諸子就見之煒上疏謝恩僞手令敕曰卿本不爲生計孤以州里相存耳今大亂之中諸子盡至豈非天所念耶賜妾一人穀三百斛使居丸城

謹按自封裕以下十六國春秋皆未立傳然其事具見前燕錄內故亦登之此外寓燕之人逮事凱僞兩世者尙多事蹟或不甚著故不概錄

許謙 十六國春秋前秦錄許謙字元遜代人也少有文才善天文圖讖之學苻堅從弟行唐公洛鎮和龍請謙之鎮未幾以繼母老辭還鄉里後仕於魏太祖

北魏

奚兜 魏書奚兜傳奚兜烏侯子世祖時親侍左右隨從征討常持

御劔後以罪徙龍城尋徵爲知臣監出爲薄骨律鎮將假鎮遠將軍賜爵富城侯時高車叛圍鎮城兜擊破之延興中卒

于什門 魏書于什門傳于簡字什門代人也太宗時爲謁者使喻馮跋與跋往復聲氣厲然初不撓屈旣而跋止什門歷二十四年後馮文通上表稱臣乃送什門歸拜治書侍御史世祖下詔曰什門奉使和龍值狂豎肆虐勇志壯厲不爲屈節雖葶蘇武何以加之賜羊千口帛千疋進爲上大夫策告宗廟頒示天下咸使聞也十六國春秋北燕錄魏太宗使謁者于什門來聘至和龍跋遣黃門郎常陋迎之爲不稱臣怒而不見及至跋又遣勞之什門忿而不入曰大魏皇帝有詔須馮主出受然後敢入跋使人牽逼令入見跋不拜跋使人按其項什門曰馮主拜受詔吾自以賓主致敬何苦見逼也乃幽執欲降之什門於衆中回身背跋披襖後襠以辱之終不肯降跋遂留之不遣久之隨身衣冠弊壞畧盡蟣蝨流溢跋遣以衣服拒而不受

和龍人歎曰雖古烈士無以過也

謹按于什門之在和龍魏書謂歷二十四年十六國春秋作二十一年考什門以魏神瑞元年至燕延和三年還魏實止二十一年故兼取北燕錄馮跋傳又于什門晉書作耿貳與魏書及十六國春秋互異疑晉書之譌

隋

李景 隋書李景傳李景字道興天水休官人也容貌奇偉驍勇善射平齊之役頗有力焉授儀同三司進爵滑國公帝令營遼東戰具於北平後爲高開道所圍獨守孤城外無聲援歲餘士卒患脚腫死者十將六七景撫循之一無離叛遼西太守鄧嵩率兵救之遂歸柳城後將還幽州在道遇賊見害契丹靺鞨素感其恩聞之流涕幽燕人士傷惜之

唐

王思禮 唐書王思禮傳王思禮高麗人入居營州父爲朔方將軍
思禮習戰鬪從王忠嗣至河西以功授右衛將軍關西兵馬使安祿
山反哥舒翰爲元帥奏思禮充元帥府馬軍都將委以軍事密勸翰
表誅楊國忠翰不應潼關失守思禮走行在肅宗責不堅守引至蘄
下將斬之宰相房琯諫以爲可收後效遂赦之更爲關內行營節度
河西隴右伊西行營兵馬使守武功長安平思禮先入清宮收東京
戰數有功遷兵部尙書封霍國公乾元元年與子儀圍賊相州軍潰
惟李光弼思禮完軍還尋破史思明別將萬餘衆于直千嶺上元元
年加司空自武德以來三公不居宰輔唯思禮而已薨贈太尉諡曰
武烈

謹按舊唐書思禮傳云營州城傍高麗人蓋其先爲高麗人後
雖徙居猶以族地自別耳新唐書宰相世系表營州王氏本高
麗之族是也

金

趙興祥 金史趙興祥傳趙興祥平州盧龍人父瑾遼靜江軍節度使興祥以父任閣門祇候謁告省親於白雲會遼季土賊據郡作亂興祥攜母及弟妹奔燕京不能進乃自柳城涉砂磧夜視星斗而行僅達遼軍而不知遼主所向遂還柳城及羅索舊作婁室今改正獲遼主興祥乃歸國

史肅 中州集小傳史肅字舜元京兆人僑居北京之和衆幼孤養於外家天資挺特高才博學作詩精緻有理尤善用字古賦亦奇峭工字畫業科舉爲名進士立朝爲才大夫政事嚴而不苛所至有聲吏畏而安之坐鑄降同知汾州事卒官舜元素尚理性之學屏山學佛自舜元發之

元

王珣 元史王珣傳王珣字君寶本姓耶律氏金正隆末祖成從母

氏避難遼西更姓王氏遂爲義州開義人珣武力絕人善騎射河朔兵動召諸鄉人諭以保親族之計衆推珣爲長旬月之間招集至十餘萬太師穆呼哩畧地奚霫承制以珣爲元帥兼領義川二州事張致僭號錦州陰結開義楊伯傑等來掠義州珣出戰伯傑引去致兄子以千騎來衝珣選十八騎突其前復令左右犄角之其衆潰走時興中亦叛穆呼哩圍之召珣以全軍來會致窺覘其虛夜襲之家人皆遇害及興中平珣無所歸穆呼哩留之興中遣其子榮祖馳奏其事帝諭之曰汝父子宣力我家不意爲張致所襲歸語汝父善撫其軍自今以往當忍恥蓄銳俟逆黨平彼之族屬城邑人民一以付汝吾不吝也乃免徭賦五年使汝父子世爲大官珣以穆呼哩兵復開義擒伯傑等殺之進攻錦州致部將高益縛致妻子及其黨千餘人以獻穆呼哩悉以付珣珣但誅致家其餘皆釋之始還義州入朝帝嘉其功賜金虎符加金紫光祿大夫兵馬都元帥鎮遼東便宜行事

兼義川等州節度使珣貌黑人呼哈喇舊作哈喇今改正元帥哈喇中國言

黑也卒年四十八

方外附

北燕

曇無竭 法苑珠林宋元嘉初有黃龍沙門曇無竭者誦觀世音經
淨修苦行與屬徒二十五人往尋佛國備經艱險既達天竺舍衛路
逢山象一羣竭資經念誦稱名歸命有獅子從林中出象驚奔走後
有野牛一羣鳴吼而來將欲加害竭又如初歸命有大鷲飛來牛便
驚散遂得免

謹按宋書元嘉十二年封黃龍國主馮文通爲燕王十六國春
秋北燕錄亦曰江南謂之黃龍國蓋是時燕通于宋傳聞此事
故記載者繫之宋元嘉實北燕人也

魏

法度 太平廣記釋法度黃龍人也南齊初遊于金陵高士明僧紹
隱居攝山挹度清真待以師友及亡捨所居山爲棲霞寺先是有道
士欲以寺地爲觀住者輒多恐懼自度居之羣妖皆息歲餘忽見一
人投刺曰靳尙形甚閒雅羽衛亦衆致敬畢乃言弟子主有此山七
百餘年矣前後棲托或非眞實法師道德所歸謹捨以奉給并願受
五戒明日一人送錢一萬并香燭等疏云弟子靳尙奉供度爲設會
尙又來同衆禮拜行道受戒而去旣而攝山廟巫夢神告曰吾已受
戒於法度師矣今後祠祭者勿得殺戮由是廟中薦獻菜飯而已

謹按是時黃龍屬魏法度當爲魏人

遼

可觀 法頤 惠敬 遼耶律劭安德州靈巖寺碑統和中有山主
僧可觀卜築結菴專精戒律守太師通圓輔國大師法頤者久覯人
天之譽蔚爲帝王之師精選道行得長老惠敬付以寺事提綜不倦

守奇 道隣 遼張嗣初靈感寺釋迦佛舍利塔碑銘此塔自太平九年柳城人梁氏之所建氏兄弟二人長曰守奇次曰道隣自童子時有聚沙之戲後果志於出家大通宗乘先隱於龍岫之一蘭若後爲城中人請居此土一日鉢中忽出異光不散者久之得舍利二粒玉采晶燦不可正視乃特興塔像凡一十三級復常有光數見或五色氣覆之因上聞以精誠有感故靈應必通敕其寺曰靈感寺

恆劬 靈巖寺碑僧恆劬書并篆額其碑陰復有文一首末題劬述劬書蓋即恆劬所撰之文而耶律劬所書也

慧材 釋迦定光二佛舍利塔記僧慧材撰

謹按二僧無行事可考然恆劬書法可觀慧材駢體頗有詞采故並錄之据靈巖寺碑陰則恆劬即彼寺之僧至於慧材舍利塔記中有稱狼山冗學知亦即興中府境內人碑稱講經律論師慧材撰遼時以經律論爲三學考試境內之僧取經律論優

者爲三法師慧材蓋卽三學之師也

金

圓蓋 金趙秉文利州精嚴禪寺蓋公和尚墓銘師張姓諱圓蓋永昌阜俗人十九棄俗而僧參玉泉名公闕安寶公以機緣不契退居靈巖佛髻山結茅棲隱者數載詣北京謁微公求印證公初不之許旣而不參而參無得而得大定六年始開堂於精嚴繼席松林靈感師行峻而方故學者尊其道而憚其律

謹按碑稱四明達公爲北京松林北遷第一祖圓蓋爲四明之孫微公之子則達公與微公皆北京之高僧也以行事無考故不專列附識於此又元雲峰真人康泰真墓碑稱金鼎之地至人奇士比比而出如鄭狀元曹尙書蓋頭堂乃儒釋中之魁俊所謂蓋頭堂卽指圓蓋也

元

顯月 慧靄 元僧顯月重修敵樓山天宮禪院記師諱慧靄江淮楚地人也幼歲投師出家後聞夾山順公長老道風孤潔繼而師之師天姿敏達洞曉五經研窮三藏歲在辛酉憩止惠州觀其西南嶺峰峻拔率道友躡躋而登止於敵樓山之抱有古址殿宇額曰天宮惟設觀音神像于是面奉慈顏益加精謹乃結廬而止未逾半載四衆雲臻丙戌間不遠千里扣予之丈室懇求咨訣見其機鋒峻利知是法器謂曰獅子窟中無異獸象王行處絕狐踪遂左提右挈痛下鉗鎚深獲契悟以印證衣頌付之

謹按碑文所稱慧靄實受法於顯月顯月稱白鬻沙門則亦今境內人也

鳩巢 大輪 元僧居實五指山大輪禪師碑大輪禪師闕十字行大

輪號也海山名家吳氏子幼頗讀書海州陷師甫十歲與中元帥王樸得師觀其風儀氣宇非常兵刃下問對不悞師異之師鳩巢薙髮

服勤左右歲丙申受具已而行脚遍參諸方迅機若電莫之當負出
倫輩衲子翕然

謹按此碑磨滅不完碑文所云大輪從師鳩巢受具則鳩巢亦
靈峰古德也因並列之

祥盤 元僧無際月華山林泉禪寺地產碑大寧之東南三舍餘有
山名號月華有禪者祥盤屈此躬立茅茨緇素聞之雲棲而輟伐除
荆棘去其燼壤師之行酒不濡齒過中不食非戒不履

康泰真

元李闕二

雲峰真人康泰真墓銘公俗姓康氏道諱泰真

利州花務村人也母感異夢娠二十四月而生長而敦厚美髯過腹
自有仙風道骨明昌元年耕於州西長壽山遇至人盤石而坐公異
之稽首而拜感至人口傳道于公心印元妙神識爽然拜謝間忽失
所在石上履跡迄今存焉棄家入道於長壽山懸壁半石窟之中下
志修真數年里人敦請下山披木葉衣過舅氏之舍其始氏竊焚公

葉衣火豔飛身神亦無懼體亦無傷丁丑夏間徙居霽都有長春觀住持道人高煉真少所許予一見公貌奇之曰殆非鍾離之後乎時夏甚早太師烏庫哩公率衆請至雪壇下公於赫日中跣跌而坐良久曰來辰正當有甘澍果依期有一犁之足是年仲冬凜冽霽之朝爽樓者最爲傑觀四壁曠然千山疊雪公裸袒而居及十旬餘樓下瞻仰者雲集真寒暑不能侵者也其後利州節度使任公帥官屬稽首於公曰金鼎郡師之鄉也願建道院一區冀鶴駕賁臨公憫其懇誠俯而允諾不數載間勅建琳宇名曰玉京後于長壽山作十笏大室命曰葆光書遺世頌云平生生活計得優游寄托人間九十秋撒手這回歸去也杖挑明月赴瀛洲

李元久 元張道中雲谿觀碑瑞州之北二百里許有洞曰天一大洞觀曰雲谿自古黃冠修煉所李元久先生錦州坊市人也幼多疾父母捨入建州雲峰觀禮曹大師爲引度師實邱神仙之法孫庚戌

來遊斯洞居山四十餘年人無識者庚辰郡人大寧路總管崔履謙
因暇訪師談元論道見其冥功實行樂清虛之活計甘淡泊之家風
愛之敬之

欽定熱河志卷九十

一三

欽定熱河志卷九十

欽定熱河志卷九十一

食貨

熱河古爲邊徼財用之式無聞我

朝幅員廣遠民物阜繁舊於其地設七廳乾隆四十三年改設承德府領一州五縣申畫郊圻規模大備謹案洪範八政所先具列貢賦稅課倉儲戶口條目志食貨第十九藏冰爲豳詩所重並以附焉

貢賦

凡旗地每畝上則徵銀一分四釐中則徵銀七釐下則徵銀三釐五毫民地每畝上則徵銀六分中則徵銀三分下則徵銀一分五釐柴山每畝徵銀一分園地每畝上則徵銀二錢五分中則徵銀一錢二分五釐下則徵銀六分二釐五毫灤平縣香火民地徵銀準民地下則例豐寧縣香火民地征銀準民地上中下則例其籽荒并基地徵

銀旗民地各準下則例

承德府

即熱河廳

旗地八百八十六頃三十四畝有奇共徵銀四百一十

三兩三錢二分有奇民地二千零七十三頃二十三畝有奇共徵銀

四千一百一十三兩五錢七分有奇

灤平縣

即喀喇河屯廳

旗地一千二百九十三頃六十三畝有奇共徵銀五

百零八兩三錢五分有奇民地八百七十九頃二畝有奇共徵銀一

千五百六十八兩七錢四分有奇

平泉州

即八溝廳

旗地三千四百三十四頃三十五畝有奇共徵銀三千

一百九十五兩三錢六分有奇民地四百三十六頃九十三畝有奇

共徵銀九百零九兩九錢一分有奇

豐寧縣

即四旗廳

旗地一萬二千一百七十七頃四十一畝有奇共徵銀

九千一百一十五兩三錢八分有奇民地五十二頃二十畝有奇共

徵銀七十八兩三錢有奇

建昌即塔子溝廳 赤峰即烏蘭哈達廳 朝陽即三座塔廳 等三縣無額徵旗民地畝其

所屬各旗地俱由王子貝勒公札薩克等交民人佃種取租

稅課

承德府每年額銀五千六百九十八兩五錢五分有奇

灤平縣每年額銀三百零二兩四分有奇

豐寧縣每年額銀二百三十兩

以上三處由該府縣經徵儘收儘解交直隸布政司庫

平泉州每年額銀一萬一千五百一十二兩六錢附收龍鬚門額銀

一百一十七兩六分有奇小子溝額銀一百七十五兩八錢二分有

奇

建昌縣每年額銀五千九百八十二兩八分有奇附收大城子額銀

二百三十五兩一錢七分有奇

赤峰縣每年額銀一千八百三十七兩九錢八分有奇

金定集 卷九十一
朝陽縣每年額銀一千四百四十七兩四分有奇附收木頭城額銀三百七十四兩三錢三分二十家子額銀一百七十兩三錢五分以上一州三縣由理藩院奏派司員徵收除稅局支銷并奏請恩賞各札薩克銀兩外餘悉解部交納

倉儲

承德府額貯穀二萬六千八百一十九石有奇

灤平縣常平倉貯穀六千六百九十五石有奇

鞍匠屯倉現貯穀八千五十石

平泉州額貯穀一萬五千三百七十四石有奇又廣裕倉存貯穀八萬三千四百五十四石有奇

豐寧縣現存穀二萬四千六百六十七石有奇

建昌朝陽赤峰三縣無額徵地糧並未建倉

戶口

承德府現在戶口共計八千九百七十九戶男婦四萬一千四百九十六名口

灤平縣現在戶口共計五千二百三十戶男婦一十萬六千六百三十二名口

平泉州現在戶口共計二萬九千三百十五戶男婦十五萬四千三百零八名口

豐寧縣現在戶口共計二萬零八百七十一戶男婦七萬二千零七十九名口

建昌縣現在戶口共計二萬三千七百三十戶男婦九萬九千二百九十三名口

赤峰縣現在戶口共計六千三百二十四戶男婦二萬二千三百七十八名口

朝陽縣現在戶口共計一萬五千三百五十六戶男婦六萬一千二百

百二十名口

冰窖

承德府喇嘛寺原設冰窖八座

豐寧縣中關波羅河屯二處各設冰窖一座

灤平縣喀喇河屯常山峪兩間房三處各設冰窖一座

平泉一州建昌赤峰朝陽三縣未設冰窖

欽定熱河志卷九十一

欽定熱河志卷九十二

物產一

熱河水土肥甘岡原沃衍菁華所萃百產充盈

聖祖仁皇帝展巡茲土

御製康熙幾暇格物編臚舉品彙考證精詳我

皇上篇章題品

寵錫嘉名凡殊種異產內地罕見者均可以補圖經之未備謹分類

排次志物產第二十

穀之屬

早御稻 米色微紅較長味甘香六月早熟本

豐澤園種移藝山莊

聖祖御製康熙幾暇格物編 四集

豐澤園中有水田數區布玉田穀種歲至九月始刈穫登場一日循

行阡陌時方六月下旬穀穗方穎忽見一科高出衆稻之上實已堅好因收藏其種待來年驗其成熟之早否明歲六月時此種果先熟從此生生不已歲取千百四十餘年以來內膳所進皆苑米也其米色微紅而粒長氣香而味腴以其生自苑田故名御稻米一歲兩種亦能成兩熟口外種稻至白露以後數天不能成熟惟此種可以白露前收割故山莊稻田所收每歲避暑用之尙有贏餘曾頒給其種與江浙督撫織造令民間種之聞兩省頗有此米惜未廣也南方氣暖其熟必早於北地當夏秋之交麥禾不接得此早稻利民非小若更一歲兩種則畝有倍石之收將來蓋藏漸可充實矣昔宋仁宗聞占城有早熟稻遣使由福建而往以珍物易其禾種給江淮兩浙即今南方所謂黑穀米也粒細而性硬又結實甚稀故種者絕少今御稻不待遠求生於禁苑與古之雀銜天雨者無異朕每飯時常願與天下羣黎共此嘉穀也

聖祖御製詩

早御稻

紫芒半頃綠陰陰最愛先時御稻深若使炎方多廣布可能兩次見
秧針

嘉禾雙穎

夜雨初晴日素商驅暑天林紅變綠葉穀熟卜豐年勿訝嘉禾瑞須
知貴粟先秋成各地異大有再書篇

烏喇白粟 米色純潔味甘性膩其種得於烏喇樹孔中

聖祖御製康熙幾暇格物編

四集

粟米有黃白二種黃者有黏有不黏本草注云粟黏者爲秠北人謂
爲黃米是也惟白粟則性皆不黏七年前烏喇地方樹孔中忽生白
粟一科土人以其子播穫生生不已遂盈畝頃味既甘美性復柔和
有以此粟來獻者朕命布植於山莊之內莖幹葉穗較他種倍大熟

亦先時作爲糕餌潔白如糯稻而細膩香滑殆過之想上古之各種嘉穀或先無而後有者概如此可補農書所未有也

麥 有大小二種塞外地寒節候稍遲麥秋後半月方熟

聖祖御製文

刈麥記

四集

塞外早寒最宜禾黍邇來中外一家版圖萬里朕避暑山莊歷年已多今百穀齊成與內地相似不過遲十數日而已故種麥者頗蕃山莊苑內麥穀黍稻皆寓焉從來稼穡之艱不可不知亦不可虛設朕念切民依痾瘵一體年近七旬精力漸衰扶杖而閱耕種臨畦而觀刈穫遇雨暘時若則收割之際蒼顏野老共慶有秋黃口稚子無愁乏食此朕一時之真樂也五十四年夏六月小暑乃苑中刈麥之候薦新觀成如雲表盛晨氣曖風秀漸標奇遠聞各省麥秋相同此目前之實景也孔子云吾不如老農老圃孟子云從其大體爲大人從

其小體爲小人農夫足食則樂天下至廣兆民至衆天時之不齊地脈之不一吾之樂民有食也以目前之實景而且不能必其盡同又如此嗚呼豈如田野村夫憂樂止繫於身家而計慮不及於遠大乎故心之勞逸不可同日而語也夫

聖祖御製詩

五月上旬避暑熱河途中喜麥秋盈野雨暘得時賦七言一律

四集

避暑乘輿出鳳城麥秋預卜望庚晴千村共飽連年稔萬井同歡比屋盈谷有靈泉山脈壯道無峻嶺馬蹄輕移風易俗先忠孝蕃息編氓在厚生

五十四年仲夏避暑途中瑞麥盈野賦五言律以記

忽送清塵雨題詩吮兔毫青黃接玉粒艱霖佐瓊膏入野農歌徧綠溪牧笛高蔚林能解慍密草滿亭臯

御製詩

麥收 癸未

山田報麥收候遲將半月場圃見高困種穗仍貽厥詎惟平斗斛已
有鬻餅餽昨秋稼尙可關內被災濶灌注救目前兩敗力具竭青黃
茲略濟

蒼靈幸轉幹拳拳待西成民艱其敢忽

麥收 壬辰

關外較關內麥收遲半月寒暄殊致然驗農不容忽閱隄偶野行崇
墉見兀兀稔穫關內同邨舍飽麵餽數日晴更佳困鹿納已卒山雲
將釀雨大田澤無缺時若有是哉額手慶無竭

稻 名類甚多不離粳糯二種羣芳譜曰北方地平惟澤土宜早稻
今則熱河境內山田多種之

粟 即粱也本草曰穗大而芒長粒粗者爲粱穗小而芒短粒細者

爲粟有青赤黃白黑數色羣芳譜曰北方直名之曰穀脫穀則謂之小米今熱河所產色黃赤者山東河南種白者北地種又有黑穀種出遼東土人間亦種之俗稱穀者爲涼穀米紅穀者爲紅黏米青穀者爲黑米

稷亦作稌先諸米熟本草曰稷與黍一類二種也黏者爲黍不黏者爲稷稷可作飯黍可釀酒猶稻之有粳與糯也其色有赤白黃黑數種稷熟最早爲五穀長元戴侗六書故曰稷稌同聲實一字也羣芳譜曰南人承北音呼稷爲稌謂可供祭也考後漢書烏桓傳曰其土地宜稌新唐書奚傳曰稼多稌蓋其土之宜稷由來舊已

黍 土人稱爲黃米羣芳譜曰有黃白黎三色米皆黃比粟微大北人呼黃米是也

蜀黍 一名高粱亦作蜀秫明徐光啓農政全書曰蜀秫在北方地不宜禾麥者乃種此今熱河遇窪下之土多種之山田則否其莖織

長懼為山風所折也有甜苦二種甜者以供餐其苦者止宜作酒

蕎麥 於山田尤宜羣芳譜曰北人日用以供常食農人以為禦冬

之具許有壬上京十詠有飢麵詩曰坡遠花全白霜輕實便黃杵頭

麩退墨磴齒雪流香指蕎麵言也

按熱河全境在元時半屬上都亦稱上京半屬大寧今承德府本境

灤平縣豐寧縣即舊熱河廳喀喇屯廳四旗廳皆上都路地也惟上都城在

今境外故凡詩文之作於上都者皆不載其統言上都境內物

產者亦僅采為注釋不入後藝文門餘做此

大豆 有黑白黃青褐斑數色塞外每以豆釀酒謂之豆酒其一種

黑而稍細者宜飼馬

赤小豆 一名赤豆羣芳譜曰處處種之可煮可炒可粥飯可作麵

食餡赤黯而粒緊小者入藥

綠豆 羣芳譜曰粒粗而色鮮者為官綠又名明綠粒小而色暗者

爲油綠又名灰綠其用甚廣亦作菜豆

白豆 一名飯豆羣芳譜曰小豆之白者也亦有土黃色者

豌豆 逸周書王會解曰山戎菽孔晁注云豆藥也春秋莊公三十一年齊侯來獻戎捷穀梁傳曰軍得曰捷戎菽也范甯注云菽豆楊士勳疏引徐邈曰今之胡豆管子亦載此事注云胡豆爾雅曰戎菽謂之荏菽亦豆也考張揖廣雅分胡豆豌豆爲二本草辨其非是以爲戎菽與胡豆即今之豌豆也

按羣芳譜載豆之屬以大小二豆該之豌豆亦在小豆之中以其種出山戎而今熱河即古山戎之地故特著之

蠶豆 亦作胡豆羣芳譜曰與豌豆同時種而形性迥別明徐光啓農政全書曰蠶豆之利比於豌豆十倍

豇豆 蔓生其筴有白紅紫斑數色羣芳譜曰此豆嫩時充菜老則收子可穀可果取用最多

菽豆 山家沿籬多種之其一種子圓而色白者入藥品

薏苡 土人稱爲薏米可粥可麪其種特良每收鬻關內

脂麻 一名油麻亦名胡麻宋沈括夢溪筆談曰胡麻直是今油麻張騫始得油麻之種故名胡麻素問經曰油麻中國有四稜六稜者外國得八稜黑麻種故又名胡麻一名巨勝即黑脂麻也有黑白二種

玉蜀黍 一名御麥亦作番麥故或附麥類農政全書又作玉米今俗稱爲包兒米有黃白赤黑斑數色羣芳譜但稱粒如芡實大而瑩白未足盡之其粉可作糕土人亦以爲糜

東牆 後漢書烏丸傳曰其土地宜繆及東牆東牆似蓬草實如繆子三國志作實如葵子至十月而熟亦作東薺子虛賦曰東薺彫胡注張揖曰

東薺實可食廣志曰東薺色青黑粒如葵子語曰貸我東薺償我白梁幽并皆有之今土人罕稱其名疑即口外之稗子米是也

按元一統志載穀麥稷黍豆麻大寧諸縣出又利州惠州興中州川州建州高州土產有穀麥黍豆又利州惠州高州土產稷又利州川州建州土產麻又興中州土產芝麻其地皆在承德府全境內今則土人隨宜種藝百穀並產無復有疆域之限矣

聖祖御製詩

口外設屯耕植聚落漸成 二集

沿邊曠地多棄置良非策年來設屯聚勸以分阡陌春夏耕耨勤秋冬有蓄積霜濃早收黍暄遲晚刈麥土固有肥磽人力變荒瘠山下出流泉屋後樹豚柵行之無倦弛定能增戶籍古之王者治恐亦無以易

御製詩

山田 辛酉

禾黍芄芄遍嶺巔停鞭欣看有秋年版圖可識同遐邇塞外荒山盡

關田

高原宜黍稻宜低物土耕桑塞外齊茶幔酒旗山抱塢軟沙濕草水

鳴溪

舊代常愁烽火驚於今此地有人耕混同中外皆天澤倍切乾乾保

泰情

關外山田 癸亥

關外山田盡作梯漠南風景似江西水流野澗全無約谷轉荒村別
有蹊樂事食瓜兼剝棗生涯炊黍更蒸藜百年赤子經休養物土耕

桑六合齊

半載宵衣課雨陽停鞭一覽樂無央卻欣民色渾非菜即看雲容欲
作黃玉塞甫田遲錢鏞羽林飛騎漫騰驤去年惕厲今猶憶且喜秋

臨淮海揚

直隸頻歲有收雖今夏河間天津被旱然秋成之處多是
尚易辨所慮惟淮揚災饑之餘元氣未復聞今歲頗可望

故有收云

山田 丁卯

山田率有收其說頗嘗試陂陀易疏洩霖雨無憂積氣潤蒸霧露便
旱猶霑泊所以其生穀短莖而碩穉屈指數年間五過乃豐四去歲
山左歉賑恤亦云備所濟究難遍災黎羣走避攜妻負其孩來者以
萬計亦有筐盛種或乃犁拖犍墾闢荒确謀食聊託寄長吏漫遮
迴輕去豈其志幸得免溝壑何分內外地幾見榆關外耕作恣民意
以此畧爲慰更復念不置聚者日以衆地利已無棄穀賤則傷農天
時況難必叶嗟嗟守牧臣豈不深長思

山田 己巳

今歲山田果倍收黃雲到處暢吟眸可欣火種刀耕地也報崇墉比
櫛秋搖曳似聞風味美湛灑好看露光浮賦租本薄養殖足茅屋讒
言了不愁

納稼 三首

納稼塞中早寒暄候不同秋豐悅圃滿田穫覺山空升屋炊烟白當
爐濁酒紅兒孫瓦盆熟便以侑村翁

田家底爲樂秋好即無愁不識催租吏渾成擊壤遊比隣皆有積滯
穗未曾收乘屋仍多暇春寒不播牟

莎坂玉霜濃垂鞭過碧峰烟村呼父老穡事訪從容故地原難較今
秋得未逢關外種地者多山東之民皆言常報章披更喜大有慰三

農

山田 辛未

山田日以闢刀耕火種之所幸常有秋不辭辛苦治生齒日滋繁地
利詎有遺贏此邊外墾稍救乏業黎丁男相踵至燕雲逮晉齊奚啻
千萬戶梯巖事耕犁內外久一家蒙古頗相資更慮啓忿爭治之良
有司亦知非遠圖權以醫燃眉

山田 壬申

山田關外住村村期二誦春夏值時若所幸霑秋雨以此勝關內終
善早登圃虛望彼其嗟實償此猶愈內外皆我民所願逢年普有懷
每難遂殷憂繫心所山田無土著大都齊晉民刀耕復火種巒障成
滕鱗聞之其初來裹糧惟一身心計躬受勞或有致富人賦稅既以
薄蒙古風更醇戶口茲日增藉以資饑貧後此非所知目前誠可因

山田 甲戌

山田不愁旱恆有陣雨過山田不愁澇就下流溪河蒙古佃貧民種
田得租多即漸罷遊牧相將藝黍禾黍禾日以好牛馬日以少是云
務近利而或失本道本道云何如毳帳羊裘居射生善馳馬乳酒相
歡娛試問百年前流民到此無流民今到此或亦資生理凡茲率土
濱孰非我赤子養恬在隨宜不督翻爲喜

塞田 己卯

塞田每致佳今歲實望外夏至過無雨跼蹐不可待叶孰謂迴

天佑甘霖乃大沛駕言自京畿農功觀一帶兩種都芄秀關外較尤最獨是谿勃漲間去聲頗致爲害大體縱無妨一夫彼何賴得之已不易失之惜應倍叶莫非祈年憂豈識行秋快

山田

山田已報熱農父事腰鎌願遂汗邪滿利遺穰穗兼便霜信何礙卒歲爲欣占薄賦還逢稔閭閻氣自恬

山田

山田率已熟向北看更好圃場積如墉棲畝收未了閭閻氣象恬可因識溫飽俯仰足資生盜賊自然少所以祈年要首務爲政道回思半年旱千重赤如掃寧敢作此想展轉增憂惱

昊天不遺民恩雨蘇枯槁內外同一日得雨俱六月十二日即科爾沁喀爾沁等處詢之皆然

普霖佑懷保信哉

德好生詎曰能精禱呼吸實通靈對越益凜藐

山田 甲申

山田將及熟偏喜午暄催已有腰鎌出行看踏碓開若暘成大穗時
兩免汙萊薄賦還逢稔吾民庶慰哉

山田 丙戌

數日園中居山田得遠望策馬出石城近欲悉其狀田父老之言六
月頗旱亢雨隨翠華來高低被酣暢早種秀增實晚植苗芘壯所見
如所述蔚綠金風颺更兼邇來熱暄曝實大當此後暘雨若屢豐又
可償然惟增惕乾吾心安敢放

塞田

塞田隔山即殊觀得雨便豐雨短歎西來歷歷閱農功築場已速多
稼斂未畢穫者蔚黃雲喜色溪村與巖厂問知夏雨較東優所以豐
歉不相掩頗有輦糧待賈糶及至糧集賈亦減安得萬方普屢豐望
則不無必何敢

野田 壬辰

野田高下總芘青樂國今朝昔塞庭灘外即看墾秭隴舍傍還復藝
蔬町幸茲晴雨逢時若庶冀倉箱賚我寧何處不因民繫念民天惟
食寸心銘

閱稼

清曉策輕騎山田出閱稼深居豈弗佳宴安夙所吒都來無半月吐
穗堪欣訝蔚雲間去聲綠黃吹風齊穰稔千頃連山川一律茂高下不
惟塞外然京畿米減價時暘定暄晝時雨每零夜由近以及遠各省
報非詐率稱可望豐常平不須借何修遇是哉額手

天恩謝築場期尙遙戒滿心猶怕

觀稼效陶潛體 癸巳

暑雨山蹊濘半月未命駕快晴四五天泥乾潦亦瀉乘閒策玉驄原
田試觀稼禾黍胥怒生吐穗高低亞日暄與露潤秀實西成迓乃知

向所憂先事失醞藉然總未虛擲看此與與乍秋熟期尚遙愨哉吾猶怕

觀稼

夏秋陽雨幸調勻觀稼欣觀銓艾新憂切不孤勤一己稔連差足慰

羣民

昨歲各省秋收自八九分以至十分可稱大有今歲閩省已報早稻收八分有餘山東亦報約計收成九分有餘滇省則早者

收足九分晚禾亦極豐蔚其北省之直隸豫晉陝甘南省之江浙江西河北及邊省之黔粵均經各督撫奏報雨水調勻禾穀暢茂豐稔可期茲閱山田秋稼亦全熟待穫屢綏之象實可為寰宇羣黎慶也

祈年益勵常年志經事多成畏事人策馬山田熟滿目有收更喜報

來頻

山田

山田收穫畢隴畝尚棲餘盡道去年勝誠觀遍野如婦男温飽樂氣象里隣舒綏屢逢望外慰哉更稟予

閱稼 甲午

十日未出行禾黍如助長揠苗鄙宋人

天恩眞浩蕩高下綠芄雲改觀頓殊曩帶露潤瀼瀼承曦明晃晃時
復霏嘉霽旣雨旋晴朗似此月餘間西成堪翼穰雖然豈敢必敬以
平心想

觀稼

無逸素所厯深居心每怵傳宣出觀稼聊因散馬蹄豈知數日間良
苗秀已齊簇簇梁穗高翼翼禾稌低颺以風散之潤以露滲兮秋陽
復皜曝實粟率可期然而西成遙益爲去聲懼斯時

出山莊觀農務即事得句

丙申

我至山莊將半月邇逮旬朝未命輿雖然咨政日宣召籌筆旣罷多
暇餘高居豈曰所無逸厯心農務應閱諸夏雨旣渥非溼潦赫曦暄
之助長如纍纍已有結穗者十日以前觀頓殊更殷此後祝時若西
成庶足慰田夫

出麗正門策馬閱隄閱稼

萬里無片雲山風拂朝爽數日祇高居翻以閒為快策馬一出遊詎
暢遊觀賞閱隄兼閱稼有事寧虛往禾黍胥吐穗時陽資勃長霽雨
既非溼漲弗致沆瀣隄實高出河徹橋惜費杜河上架橋以備過河
禮廟遇大雨漲集易
於衝地物料每至漂失有司不克賠墊因於溥仁寺拈香後即命徹
去以省繁費俟秋時潦退啓行蹕園時再行搆構以度車馬永著為
令細事亦厘心要務敢忽想

過河觀稼

潦水寒潭欲退時臥波武列已橋搆綠雲有幸黃雲染夏令不期秋
令移較雨量晴願差別築場納廩候猶遲鳴鞭攬處生欣慰幾許憂
勤易得斯

出麗正門乘馬觀稼觀隄並成是什 己亥

十餘日深居未曾一命駕雖曰有召見究覺多閒暇邇來縱炎熱曉
每涼風下因之一策騎觀隄更觀稼稼既茂有成隄亦堅無罅習勞

勤之端重穡德之化

皇祖家法昭詎此徒消夏

過河觀稼

立秋後喜十朝晴潦退徒枉亦駕成

固都爾呼河上長橋每值暑雨盛漲輒易衝損因於未交伏前

即命撤去俟秋時潦退始命支架為梁以省物力今日橋已成矣

便與過河一觀稼果然滿野副期

情黍高穀矮都將熟菜圃蕎町正向榮此景豈云容易致幾多厯慮

度三庚

閱稼

庚子

較晴量雨到秋中閱稼今朝畧慰衷已是黍高穗翼翼更看梁下葉

芄芄

梁耐潦其莖長故曰高梁北方多種之窪地

畿南曾繾問

去聲

逢潦

袁守侗奏永定河漫水經過良鄉等

州縣窪地間有被水俟勘明被淹久暫酌籌蠲賑各事宜另行奏報

塞北難誇此報豐身自九重心萬

寓愁多鮮得放眉叢

出麗正門乘馬沿隄閱稼之作

壬寅

山莊駐蹕月屢出率肩輿是或隣乎逸寧不心負初今朝欲閱稼風
日良清舒吉驄試躬御沿隄按轡徐暴漲條流過萬家安閭閻既觀
河左右多稼助長如翼翼已結穗庶可期滿車先是爲望霖勒祈原
未虛登秋期遠哉殷念敢懈諸

按熱河土地豐腴溝塍繡錯自我

聖祖仁皇帝課民樹藝式闢山田首垂

天藻

皇上廬念閭閻補耕助斂

屬車所過時切疇咨故能黍稌彌望旱澇無虞

恭讀

御製諸詩審雨晴之候辨物土之宜天時地利勸課具詳敬彙載物
產穀屬門以昭重農貴粟之

家法至於境內各蒙古皆漸知稼穡刀耕火種斥鹵日開昔時龍沙

雁積之區今則築場納稼烟火相望太平景物亙古未有也

蔬之屬

菘 其佳者名爲黃芽白苗葉皆嫩黃極爲脆美元許有壬上京十詠有白菜詩曰土膏新且嫩筐筥薦紛披可作青葢飯仍攜玉版師是也其細莖者曰箭桿白宜鹽漬爲菹又一種產平泉州境內者別名回回白菜

蕨 叢生山谷間最爲繁茂土人多採之曝乾爲束鬻於關內今灤平縣境內有蕨菜溝以多蕨得名又一種似蕨而葉細者俗名野雞膀子

蔓菁 爾雅疏曰幽州人謂之芥羣芳譜曰塞北種者名九英蔓菁亦曰九英菘今土人皆無此名也廣羣芳譜曰蒙古呼其根爲沙吉木爾

山蔥 似蔥而小細莖大葉爾雅謂之蒼蔬云蔥生山中者名蒼管

子內言九曰北伐山戎出冬蔥與戎菽布之天下注云山戎有冬蔥
戎菽今伐之故其物布天下元周伯琦上都扈從詩註曰什巴爾台
舊作失巴兒
禿今改正
北遍生蔥韭明金幼孜北征錄曰戎地多沙蔥野韭所
謂冬蔥與沙蔥蓋即山蔥之類

山韭 似韭而小爾雅謂之菴蔬云韭生山中者名菴本草曰山韭
形性與家韭相類但根白葉如燈心苗山中往往有之又曰孝文韭
生塞北山谷狀如韭人多食之云是魏孝文帝所種許有壬上京十
詠有韭花詩曰西風吹野韭花發滿沙陀氣校葷蔬媚功於肉食多
濃香跨薑桂餘味及瓜茄我欲收其實歸山種澗阿金幼孜北征錄
亦謂之野韭即山韭也今灤平縣即舊喀喇河屯廳境內有韭菜溝以多山
韭得名

山蒜 似蒜而小爾雅謂之蒿蔬云蒜生山中者名蒿本草曰山蒜
澤蒜石蒜同一物但分生於山澤石間不同今塞外山中多有之蒙

古謂野蒜苗爲哈里雅爾園場中地有稱哈里雅爾者以山蒜得名
蘿蔔 亦作蘆菔有白紫紅三種許有壬上京十詠有蘆菔詩曰性
質宜沙地栽培屬夏畦熟登甘似芋生薦脆如梨又一種名胡蘿蔔
羣芳譜曰元時始自邊塞中來又有山蘿蔔大如指有節黃白色可
食即金幼孜北征錄所謂沙蘿蔔也

蘑菇 亦作麼菰菌之屬形如猴頭者良中土絕重之呼曰口蘑又
曰營盤蘑菇以屯營之地糞壤肥沃所產尤鮮美許有壬上京十詠
謂之沙菌其詩曰牛羊膏潤足物產借英華帳脚駢遮地釘頭怒戴
沙註云此物喜生車帳卓歇之地夏秋則環繞其迹而出周伯琦上
京雜詩曰菌出沙中美元楊允孚灤京雜詠詩曰更說高麗生菜美
總輸山後麼菰香皆以此爲珍品

木耳 土人稱爲黑菜生榆上者謂之榆肉尤珍美明李日華六研
齋筆記曰古北口有榆肉者菌蕈之類如蘑菇而稍大煮熟其大又

倍聶切之味如肉

地螺 菜名形如小螺鹽漬可食

按熱河物產與內地相同者多蔬屬內如蔥韭芥萹之類均非特著之產不復專列以下蔬果屬如茄瓠之類禽獸屬如雞豚之類俱倣此

蔬之屬

西瓜 五代胡嶠陷北記曰契丹破回紇得此種以牛糞覆棚而種大如冬瓜味甘宋范成大詩自注曰西瓜味淡多液本燕北種宋洪皓松漠紀聞曰西瓜形如扁蒲而圓色極青翠經冬則變黃其味類甜瓜味甘脆中有汁尤甘冷予攜以歸今禁圃鄉園皆有元一統志曰大寧路富庶縣土產西瓜據此則西瓜之始實由塞北今關內所產皆塞外種也

甜瓜 形類甚繁土人以大而黃斑者爲甜瓜其小而青斑者別名

香瓜味尤勝

菜瓜 羣芳譜曰生時色青質脆可作醃菹又一種名梢瓜似甜瓜而長倍之可生食亦可爲菹

南瓜 一名倭瓜亦作番瓜羣芳譜曰結實形橫圓豎扁而色黃者爲南瓜形似葫蘆而色黑綠者爲番瓜其實一圃之中種形互出農家亦未嘗強爲區別也今土人概稱之爲倭瓜其一種色紅者亦稱爲南瓜止採以供玩不可食南方人謂之北瓜

冬瓜 較關內所產尤巨一騎僅勝數枚

御製詩

寒瓜 辛未

野店寒瓜可當蔬村民生計覽吟餘芻棚茅舍紛懸處細雨涼風欲熟初體會遙思粟烝在荒唐漫說棗還如烹蒸雅合三家供肉食休誇丙穴魚

按凡熱河物產仰邀

宸翰留題者謹隨物類分載其非專詠物如穀屬之山田觀稼蒞屬之寒瓜諸什於物產下敬相比附錄載餘卷倣此

欽定熱河志卷九十二

十三

欽定熱河志卷九十二

欽定熱河志卷九十三

物產二

果之屬

草荔枝叢

聖祖仁皇帝賜名曰草荔枝

御製詩

草荔枝

甲戌

叢生朱顆味甘且芳似普盤而無子普盤亦內地所無而塞外恆有此惟興安及烏喇乃有之

聖祖時命移植山莊錫名曰草荔枝當秋而實閩貢適至蠲湯生津難擬伯仲也

滿口甘腴撲鼻芳女夷雅解遺

去聲

雲漿品題造物能名物比似元方

與季方漫譜瓢平如絳雪饒稱核小尙丁香崇椒嘉植烟霞外那更

羶薺待蔡襄

普盤 木本叢生結實味甘酸畧似楊梅

聖祖御製康熙幾暇格物編 四集

普盤即木莓一名懸鉤子爾雅所謂蒟也按本草云懸鉤樹生高四五尺其莖白色有倒刺其葉有細齒頗似櫻桃葉而狹長又似地棠花葉四月開小白花結實色紅味酸美人可多食之有以爲即覆盆誤也蓋莓有三種藤生綠樹而起者大麥莓乃入藥之覆盆也樹本挺而叢生者木莓一名山莓即普盤也草本委地而生者地莓亦名蛇莓不可食今江南人謂之蛇盤也

櫻額 樹不甚高叢生結實離離可愛形如黑葡萄而差小至秋熟可食味甘澁

聖祖御製康熙幾暇格物編 四集

櫻額果屬也產於盛京烏喇等處古北口外亦有之其樹叢生果形

如野黑蒲桃而稍小味甘澁性溫煖補脾止泄鮮食固美以至曬乾
爲末可以致遠食品中適用處多洵佳果也今山莊之千林島徧植
此種每當夏日則纍纍綴枝遊觀其下殊堪娛目不獨秋實之可採
也查盛京志云櫻類一名稠梨子實黑而澁土人珍之問亦作麵暑
月調水服之可止瀉又查本草有楮李木高者一二丈低者八九
尺葉如李但狹而不澤子於條上四邊生時青熟則紫色若五珠
子至秋葉落子尙在枝治水腫腹脹滿除疝瘕積冷今關陝間時有
之稠李或即楮李聲訛也

倒弔果 形如山梨而差小其花實皆下垂故名熟時可食其味酢

聖祖御製康熙幾暇格物編 四集

倒弔果俗名弔搭果形似山梨而小體微長味酢肉多沙長蒂諸果
始生時皆向上此果花實皆下垂故名生時堅澁熟乃沙性煖利健
脾消食樹枝葉俱如梨爲秦中物產今遵化沿邊有之而考之書籍
草木諸譜皆不載倒弔之名惟司馬相如上林賦云荅選離支荅選
音近打拉張揖注曰荅選果名按梅堯臣牡丹詩用打拉二字北人

方言以欹垂爲打拉是蒼選名果或因其下垂也說文海篇俱作楷
選果今名弔搭或是蒼選音之轉耳

花紅 柰屬土人稱爲沙果其一種大而赤色者爲檳子味微酸澁
土人亦謂之香果元楊允孚滌京雜詠詩曰海紅不及花紅好注云
海紅花紅皆果名考今之沙果亦名蘋婆果詩所云甘棠即沙棠呼
檳子者乃赤棠也詩甘棠毛傳云杜也鄭注云北人謂之杜梨爾雅
杜赤棠注云今之杜梨今赤峰縣境內有杜梨子溝以地多此果故
名

聖祖御製康熙幾暇格物編 四集

李類甚繁林檎其一也樹不甚高枝葉皆如李花白唐人謂之月臨
花實如李而差小有黃紅二種本草所謂金林檎紅林檎是也獨核
有仁味甘津亦名來禽亦名蜜果此果味如蜜能來衆禽於林故得
林檎來禽蜜果諸稱學圃餘疏謂花紅即古林檎誤矣花紅柰屬也

奈有數種其樹皆疎直葉皆大而厚花帶微紅其實之形色各以種
分小而赤者曰柰子大而赤者曰檳子白而點紅或純白圓且大者
曰蘋婆果半紅白脆有津者曰花紅錦而沙者曰沙果西京雜記所
以有素柰青柰丹柰之別也又有海棠果通志謂之海紅而關西有
楸子有楹梓濶州呼山楸曰楹梓與陝西同音查梅堯臣有得沙苑
其始或從陝西流名關外或從關外通音陝西俱未可知亦皆柰類蓋李之與柰其枝葉花實固
區以別而其子核之異尤最易辨堅而獨者李類柔小而四五粒者
柰類草木諸書皆以林檎附於柰內其亦未嘗體認物性矣

北天竺 叢生深秋結實色正赤類南天竺子

皇上賜名曰北天竺

御製詩

北天竺 辛未

塞山奇種異植茂密蒙茸神農岐伯有所未辨郭璞陸佃夫豈

次它熟可志

卷九十三

物產二

三

能疏有倒生絕壁不與恆羣結子纍纍玫瑰鞞鞞其色而扶綠
葉者問之蒙古不能舉其名與南天竺子相類因名之曰北天
竺而繫以詩

佛說西天竺視如乾闥城而誰於卉物南東強借稱四維缺匪宜朱
穗百八盈儼從兜羅手飛來證無生北亦有天竺吾今正其名是地
秋常雪渥丹積素擎叢益滋其繁葉不改其青隱笑南方暄耐寒熟
不能

烏沙爾器 樹高數尺實如櫻桃而小可食味酸苦

御製詩

烏沙爾器 乙亥

樹名生塞外秋結紅果一枝纍纍千百顆見廣羣芳譜

紅子垂垂綠葉飄巖關一綫限春翹女夷賦物饒神解塞外奇蕤映
綺寮

是果皆花自作林珠囊錯落翠陰森笑他移植郭駝拙只許行宮伴

倚吟

常命移植御園雖成活而不茂地氣之限有如此者

珊瑚爲實玉爲葉豔發秋風也自豪不向廣羣芳譜檢只疑天竺與

櫻桃

烏沙爾器二首用迴環韻體 癸未

朝來秋日又秋風特地秋光玉塞中底覺堦前太分曉烏沙爾器一

枝紅

昨穗含青今綴紅信饒梧葉落庭中愛他千古依龍寒不入離騷與

國風

烏沙爾器 丁亥

珊瑚珠襯綠瓊葉是實非花花不如未入栝含闌檢校塞山太古自

全初

烏沙爾器 壬辰

前日全綠葉今朝紅果垂木難羞錯落火齊頓然疑夏後庭松側塞

中天竺奇秋光劇滿眼不肯讓惟時

奇石蜜食 綠葡萄也結實無子本布哈爾種西域平定後自回部

移植

御製詩

奇石蜜食 癸未

回語綠葡萄之名也凡葡萄皆有子此獨無子截條植地而生

回中古亦無此種云數百年前自布哈爾始得之布哈爾去葉

爾羌西又數千里前年命取根移植禁苑今成活結實詩以紀

事

服食明垂貢旅樊苑中初熟綠葡萄昔同苜蓿原有子 中國葡萄相傳種來自西

域然皆此便離支寧比高 魏文帝詔南方龍眼荔枝事比西域葡萄有子者 燕歌休詔一杯豪奇石 亦曾見

此廣志徒傳三種色 廣志云葡萄有黃白黑三種 耶

食賓方物慎德那辭乾惕勞

枝葉蟬封獻者同碧琉璃顆獨中空采條移植上林茂結實須餐造
物功欲笑醞醕歌太白直疑崖蜜詠坡翁本來無子根何託雞卵誰
先辨豈窮

榛 元一統志曰大寧土產榛今塞山多有之實極美好土人每收
貯鬻於關內常山峪

行宮中榛樹尤多山莊內之西嶺有榛子峪亦以此得名

御製詩

榛 癸未

塞外叢生塞裏無秋來佳實剝盤腴白雅谷口栗如擬卻未曾登杜
老廚

梨 元一統志曰大寧路大寧富庶二縣惠州興中州建州皆土產
梨考元楊允孚灤京雜詠詩曰買得香梨鐵不如玻璃碗裏凍潛蘇

注云梨子受凍其堅如鐵以井水浸之則味回可食今熱河山家多有之以甘脆勝不盡如楊允孚所詠也山莊內梨樹峪有梨花伴月之勝蒙古謂梨爲阿里瑪建昌縣境內有阿里瑪圖谷亦以有梨處得名又一種名罐兒梨味甘而小一種名山梨亦作酸梨又名香水梨味酢而多水爾雅謂之楸注云實似梨而小酢可食本草謂之野梨汁經煉成膏味鮮美

棗 元一統志曰大寧路富庶縣惠州興中州建州皆土產棗蒙古謂棗爲齊巴噶今平泉州建昌縣諸境內有齊巴噶山及齊巴噶溝皆以棗樹得名又一種名酸棗似棗而小爾雅謂之楸注云樹小實酢者是也

栗 元一統志曰惠州土產栗塞外栗結實微小圖經謂燕山栗小而味最甘今熱河所有大抵皆燕種也蒙古謂栗爲呼什哈今灤平縣有地稱呼什哈者即以栗樹得名

核桃 一名胡桃學圃餘疏曰核桃北果而宜山種今塞山多有之
松子 本草曰松歲久則實繁中原雖有不及塞上者佳好也今塞
山多有之

桃 元一統志曰大寧路大寧縣惠州興中州皆土產桃今豐寧縣
之白雲洞平泉州之鳳凰嶺諸處尤多又一種名山桃爾雅謂之樝
注云實如桃而小不解核羣芳譜謂之毛桃

杏 元一統志曰大寧路大寧富庶金源三縣惠州興中州建州皆
土產杏又富庶諸縣土產杏仁今關外多杏山中有老杏根文理細
密可飾器

柿 山家有之經霜早熟其一種軟柿實小而長亦名牛奶柿
安石榴 山家有之其一種名海榴植以供盆玩亦能結實

山楂 土人稱爲山裏紅味酸澁羣芳譜曰一種小者實有赤黃二
色堪入藥大者經霜乃紅可食今塞山多有之

金匱要略卷之九十三
櫻桃 有赤白二種白者味微酢尤難得元一統志曰興中州土產櫻桃今平泉州境內有櫻桃溝又一種名山櫻桃子小而尖亦可食而味遜

郁李 棣也子如櫻桃可食即幽風之鬱元一統志曰大寧路和衆縣建州皆土產郁李仁考陸璣詩疏有白棣赤棣二種今所產惟赤實者爲多

葡萄 有紫葡萄水晶葡萄馬乳葡萄數種元一統志曰白葡萄出興中州城西北隅明一統志謂三衛土產白葡萄蓋即據此又一種名山葡萄苗葉花實皆與葡萄相似惟實小而圓即幽風之莫也羣芳譜謂之野葡萄

烏喇柰 一名歐李子土人稱爲酸丁廣羣芳譜曰烏喇柰塞外紅果也實似櫻桃而大味甘酸然不可多食

巴欖仁 元楊允孚灤京雜詠詩曰杏子何如巴欖良注云杏子巴

欖仁皆果名

御製詩

山果

辛未

山果靺鞨紅經霜甘且脆設使結炎方離支譜應次

水果

附

菱 塞外多山少池塘是以水果較遜而山莊之內環帶澄湖實饒
水產有採菱渡之勝

御製詩

菱

癸未

潤腰銳角熟湖中渤海猶存太守風漫議浮根歸落莫須彌世界也
依空

艾菱

辛丑

菱與荷並生塞湖始原洲渚各分區侵尋菱占荷之界簇戟角葉波

間鋪荷之田田勢脆弱菱之藪藪興豪粗是謂小人害君子此而不治直道無因命艾菱俾荷暢紅花綠葉恣芳敷祛邪扶正非害物斯豈寧因遠觀圖聚散劄子讀牟氏絜矩恐有似此夫

蓮 荷實曰蓮山莊湖中多有之

藕 荷根曰藕山莊湖中多有之

木之屬

松 宋王曾行程錄曰自過古北口即蕃境山中長松鬱然元史松州在松林南境元一統志曰大寧路富庶縣龍山縣惠州皆土產松今近邊諸地經明嘉靖時胡守中斬伐遼元以來古樹略盡然山中尚多松林以黃松爲貴又有白松廣羣芳譜謂之杆松其幹直上枝葉如盤下枝長以上漸短遠望無異浮圖其體最輕蒙古謂松爲納喇蘇今塞外諸山多有稱爲納喇蘇台者皆以有松處得名山莊內則喬松尤多諸勝景之以松名者若萬壑松風松鶴清越及松壑間

樓松霞室松雪樓松巖亭就松室其尤著也

御製詩

松 乙亥

千林蒼翠皆空幾株謾韻巖風底視巖枝澗葉芳時許爾相同

移松 癸未

松在雜林下屈抑弗得長雨潤及日暄莫被天恩蕩沮然色半黃慙
矣顏如強上伏地溽濕草木咸資養乘暇課移植出蔽遷佳壤本疏
培欲平擇向取高敞會看放喬枝童童綠陰廣所懼不在茲樹人因
可想

松

疊巘參天翠越濃韻金風籟謾重重低臨萬樹猶同色咨爾行將認
老松

稚松 甲申

稚松得地放新枝老幹凌雲定可期自喜栽培出豐蔀去年猶記雨中移

倚松吟

壬辰

徙倚古松下因成倚松吟古松不知閱世幾何載但見參天黛色聳
十尋橫枝插壑張翠蓋縱有赫曦其下仍濃陰因提疏乞以來共日
月兒孫行聲去視秦松漢柏惟斯任惜哉未生長城以內地羶薌翰墨
名傳今亦幸生茲塞外留本色彼其虛聲諛頌誠末事耳奚足誥倚
松吟渺余心

穉松

甲午

穉松種庭前不覺隨年長縱無拏空枝自具凌雲想山中有高柯少
計以十丈阿誰爲我植宜此付他賞況我託懷別良材要作養

落葉松

松葉杉身生興安嶺北質極堅緻入水土中年久化爲石
芒刺傷人肌即腫難消其葉當霜後即脫與他松異今山莊亦種之

廣羣芳譜曰蒙古以其皮代茶木性最堅其幹直挺參天枝葉蔚然
松上寄生白脂厚五六寸光潔似玉微軟而堅

聖祖御製康熙幾暇格物編 四集

五臺及口外興安高寒之地有樹名落葉松枝幹與杉無異而針亦
青蔥如蓋惟經霜雪後則葉盡脫其木質甚堅有微毒斫伐時誤入
肌膚驟難平復根株歷久不朽沈埋水土中則變爲石可供磨礪之
需亦松杉之別種也

御製詩

塞外落葉松歌 辛酉

我聞松柏有本性經春不榮冬不凋此木亦被松之名當秋葉落何
刁刁凌空足有偃蓋枝詎無盤屈傲霜條或云塞外節候殊千林隕
擗秋寂寥嚴寒栗烈異徂徠故應落落紛蕭蕭我聞此語增歎息古
來志士不易操因地寒暖變節概蒼松何以殊蓬蒿此木非松冒松

名千秋定論應難逃

落葉松 丙子

塞外有此種昔曾詠之有因地寒暖變節概蒼松何以殊蓬蒿之句今移植御苑亦森森成活非不菁蔥埽場居然松也一入

冬則真偽分矣觸懷得句抑亦有所思焉

亦被八公號移來千里途

木蘭去此近者不過五百里遠或千里舉成數耳

春前生嫩葉霜

後賸枯枝頗有充君子寧無假大夫真松莫相怨聊待歲寒乎

落葉松 丁丑

松有落葉者乃在興安北其山夏積雪風勁善蕩滌是木性宜寒翠雲盤巔劣而頗羞獨樹與衆同凋寂崖口向已無關內何能得我命帶根移植平土固密既因順木天遂如轉地力奇峰詭石側森森助景色材豈限於域由來繫培植

鳳尾松

松葉如鳳尾故名旃檀林階砌間有石孔尺許乾隆乙未

歲植鳳尾松於此

御製詩

鳳尾松十韻 乙未

砌石爲樓階有孔以尺計命種鳳尾松偶然供點綴移根自別所從
植於茲地其生與弗生固屬難定事視之六七年日見生長遂鬱鬱
放枝葉蔥蔥吐青翠高欲出樓檐粗欲彌孔際少當百春秋今人見
弗逮然必有其時逮見夫何異聊識拱把姿乾隆乙未歲

詠旃檀林鳳尾松疊乙未舊作韻 己亥

隨宜築山舍奚用延袤計而迴得佳概懸居若空綴懿此鳳尾松移
根自別地恰值門前石有孔亦奇事孔圓徑一尺松纔拱把遂放根
綽有餘得氣鬱蔥翠茲別復三載不殊彈指際雖覺分寸粗石孔粗
未逮逮其同孔粗誰當詠靈異百年已難期而況期千歲

俗云千年
松萬年相

若至千年此松
當粗彌石孔矣

詠梅檀林鳳尾松再疊乙未舊作韻 辛丑

於古有恆言種樹十年計是蓋謂榆柳目前供景綴松柏異衆木十年根認地百年方擎空品高無易事譬之君子人晚成弗速遂而我於石孔移種鳳尾翠初綠一時興思未及此際幸其得地氣粗增分寸逮巖間蔚古松相視何同異七年凡三詠再詠期十歲

韻已再疊詩書三首

以後當以十歲一疊爲限耳

詠靈珀 庚子

松柏含靈氣仙葩幻有無堪方莫茁砌漫擬蓮生廚陽復漸成菀陰生遂就枯人心小天地視此定何殊

楸 即楓之屬叢生歲久成文理甚爲堅緻材中諸器

聖祖御製康熙幾暇格物編 四集

楓樹南北不同北方原無楓樹之名自南巡見楓樹方知北方之楸木即是楓樹但南方厥木惟喬所以直生北方厥木惟叢故矮短耳

其枝葉則相同也

楓 塞山多有之秋初未經霜已有紅葉秋漸深則全頰紅與蒼崖
碧嶂相間每逢

清蹕經臨秋容獻麗旌門輦道間望若錦繡歲邀

天藻留題山莊內則北嶺尤多有青楓綠嶼之勝

御製詩

楓 癸亥

乍見新紅三五枝停鞭還爲立移時吟丹自我償詩債近作有楓林樹阪遲詩約

塞上重吟一突綠看伊入畫姿松柏有心原共秀李桃無色敢爭奇片丹之句

千秋知己應誰是只有司勳杜牧之

匪同烏鵲歎無枝一例寒林卻耐時絕勝衰楊翻葉態還如老菊傲

霜姿媽紅不數江花好頰紫唯應塞樹奇自是山靈儀衛肅樵蘇誰

得斧斯之

詠楓再疊前韻

朔地依然越鳥枝恍如霜落洞庭時
滑稽重憶吳江句衰謝誰知漢苑姿
百歲爲人應是幻千年成虎已標奇
丹青天巧能渲染不藉名工顧愷之

最喜重吟絳雪枝
酣紅猶讓昔年時
詎因改綠嘗無節
卻爲施朱發妙姿
平抹如看霞外影
常醜似飲米中奇
千林秋色知多少
欲向山靈一問之

楓 丁卯

邇日晨霜重巖楓盡作丹樹中
傳正色塞外識金官
照日疑霞爛經風惜露殘
林深鹿呼侶枝盡鳥梳翰
變幻煙雲狀續紛錦綉團
山靈工點綴正及彈鞭看

楓 己巳

江楓盡曾看山楓親所睹
洞庭猶未波玉塞已如許
殷峰雜早霞頽

巘明秋宇幻傳或作人耽視每來虎今歲與前秋白駒迅似流林景
曾何異帷宮事不侔開窗聊縱目點點照人愁

楓 癸未

緜峰鋪嶺猶青翠色與平林了不殊稍待染成紅數點始知格調有
高孤

檜 塞山多有之爾雅所謂柏葉松身者也與落葉松相似而非廣
韻以爲即栝也

御製詩

檜 癸未

森森鳳尾倚峻嶒惟十八公許作朋別有一般稱落葉落葉松似檜而非冬時落

葉生與安嶺北近
移植山莊亦成活冰天瞥眼可猶能

榆 元一統志曰大寧路富庶和衆龍山三縣惠州建州皆土產榆
又高州有榆山其山多榆木因名今塞山多有之熱河諸境稱榆樹

溝及榆樹林者甚多蒙古謂榆爲海拉蘇圍場中地有稱海拉蘇台者亦以有榆處得名其堅老者可任車軸又有榆癭生榆樹上鋸爲片色黃文細密可以飾器土人稱爲疙疸榆

御製詩

榆 癸亥

自昔稱榆塞經過乃識榆入林雖有徑望樹似無隅絕壑蟠深翠平沙臥老株鸞鳩時決起跳兔善駭瞿一帶排天仗千頭媿木奴縱輸春色好均被露華濡便是遊星漢焉知在朔區關荊如到此健筆早應圖

桑 宋曾公亮武經總要曰白川州地宜桑柘民知織紉之利元一統志曰大寧路富庶金源龍山三縣利州惠州興中州建州皆土產桑宋王曾行程錄謂但無桑柘者蓋偶未見耳今土人亦間養山蠶考十六國春秋前燕錄載慕容皝躬巡郡縣勸課農桑後燕錄亦載

馮跋課民種桑柘令此則塞外種桑之始也

柘 塞山有之葉可飼蠶材可作器

構櫞樹 土人取其葉以飼山蠶或以爲即櫞也爾雅注以櫞爲櫞之別名本草謂之大葉櫞今朝陽縣土默特山中尤多至秋深霜降其葉丹黃與楓林相映

楸 葉大如團扇初生時可裹粉餌蒸食秋月經霜鮮紅可愛爾雅注曰楸樹似白楊羣芳譜曰其皮土人取爲魚網之綱牢固殊常元一統志曰大寧路和衆縣龍山縣土產楸木今灤平州境內有楸樹嶺蒙古謂楸爲多們圍場中地有稱多們者亦以楸樹得名

樺 爾雅翼曰樺木似山桃本草曰其木有小斑點紅色皮厚而輕虛軟柔匠家用襯鞞裏及爲刀靶之類謂之暖皮其皮色白元一統志曰大寧土產鵲鞞皮明一統志亦謂三衛土產鵲鞞皮今灤平州境內有大小樺榆溝蒙古謂樺爲威遜平泉州境內諸山多有稱爲

威遜圖者皆以有樺處得名凡弓矢諸器用多取資焉

杉 塞山有之蒙古謂杉為楚古爾蘇圍場中地有稱楚古爾蘇者以杉樹得名

柏 元一統志曰惠州土產柏今塞山有之其大者亦可為器用

梓 元一統志曰大寧路和衆縣土產梓又和衆縣有梓木山其山多梓因名今塞山有之

槐 有青槐白槐二種土人收其子可以染黃

櫟 爾雅疏曰似樗之木圖經以為即柞也其子亦名橡實土人收之可以染皂

御製詩

古櫟歌 辛丑

古櫟不知其歲月盤空綠雲翳櫛櫛不火寧同楓柏焚

山中木歷歲久或生火

而自焚於木蘭中每見之 非材更道斧斤伐塵世匠石且弗顧而況

惟櫟不生火見淮南子

玉塞隣仙闕與雲霞護鹿豕遊鳳爲羽儀龍作骨我每筍輿憩其下
颯沓清籟爽毛髮無用居然成有用質之南華語應訥將軍大樹彼
何爲莫擬重儻致唐突

楊 有青楊白楊二種青楊本草謂之水楊可爲矢幹白楊株較高
大可勝屋材塞外多有之

柳 其條柔軟可供諸用又一種名河柳爾雅謂之檉注云河旁赤
莖小楊是也

曬樹 塞外樹名其花黃產山中灤平縣境內有大小曬樹溝

六道木 塞外樹名幹有紋六道細如線而界畫甚勻產山中

明開夜合 塞外樹名結實纍纍色粉紅狀如秋海棠中含紅珠晨
放暮斂故名產山中其木色白可以飾器

夜亮木 生塞外山中枯木根入土千歲煜有光晶移至暗室中毫
髮皆見以素盞貯水投之澄澈透明略無障翳

聖祖御製賦

夜亮木賦

并序 初集

塞上古木夜視有光遇雨益明移置室中即之可以燭物嘉其有異故賦

猗嘉木之迥異垂四照之華英蜿輪困於川壤翠盤錯於柯莖外稟異德內蘊離精煥然夕皎灼爾宵明晚瑞星之初麗炯璧月之漸生既騰暉於山谷亦揚彩於檐楹若乃靈根濯雨榮枝浥露芳澤加鮮澄暉遠布方隱之而彌耀旋即之而如晤洵昭質之無虧何冥行之是懼爾乃金膏炆葦鶴燄韜光獨飛燦而振采長煜煜以煌煌吐瓊文於赤水懸瑤景於崑崗非朝華而夕謝殆積闇以能彰於是列之桂宮置以椒室流映金鋪近燭緇帙豈浮豔之爲容亮靈奇之足述庶含章之可貞雖在野而靡失

御製賦

夜亮木賦

壬申

東坡先生謫居黃州蠻煙瘴雨之鄉不改其樂青瑣玉堂之側敢忘其憂則施施而行舒舒而遊惟木石之與居亦鹿豕而爲儔一日者入深林窮迴谿蒼然其暝不辨東西覩一物焉晶晶熒熒燦燦離離匪斂人之宮宛呈火齊豈天祿之閣乃示燃藜遠而眎之謝鶴欲之布煖暱而迫之肖螢火之生輝是何繼明之屬而光怪若是其離奇也哉於是徙倚徬徨瞻矚審詳厥有臥木於河之陽生意已盡葉落枝僵皮膚瓦裂癭瘤土囊木魅之所擲揄山精之所潛藏千齡寂滅萬古荒涼雖有九轉之丹祖洲之草不能起其生機豈復冀其妍好是固匠石之所棄顧漆園徒資諧喻棟梁弗任繩墨乖度永辭剗剗不受丹牖埋沒沈淪訖無用處乃其日月駐照雨露垂滋豈有取舍不分公私否之極者泰斯復暗之盡者影亦隨則見夫微微耀吐熠熠精發含陰火之佛鬱比木難之燦蔚可以奪車子之囊可以掩織

金定集卷之三
第九十三
十五
阿之闕失路者得津夜遊者棄燭文梓徒爾青牛貞松彼哉白鹿枯
樹緬東陽之庭朽社託高橋之陸蘇子愀然振腕竦立而歎曰木必
先腐也而後蟲生之謂永世其無用而尙有自見之時況萬物之最
靈豈終不及乎斯相隨二任顧而問焉是固極南麗明之區也若夫
長城之北迤邐陰山人跡之所罕至鳥獸之所盤旋陽燄陰燐冰碎
曦暄孕焱揚爍舒爛爭端不假人力豈伊火傳孰繼其後孰啓其先
蘇子失答笑而弗言

御製詩

夜亮木

己丑

塞嶺多奇木奇過夜亮無不燃光自放遇濕耀偏敷照孰劉向者賦
同郭璞乎明柴蜀中有較此想非殊

按以上物產皆熱河果木中可指數者至

聖祖御製詩

皇上御製詩中如紅葉錦樹之類不專指名爲彙列於後

聖祖御製詩

賦得霜葉紅於二月花 三集

塞鴻初度驚霜信
楓葉流丹樹樹紅
最喜山林清俗念
故應暫卻世塵風

御製詩

紅葉 辛酉

萬幅屏開積翠嵐
霜林點綴正紅酣
喻言未覺朱輪紫
比色何妨青出藍
訝許陶鎔稱杜牧
那曾名狀紀嵇含
傳神除是關仝筆
極目渾忘駐六驂

古木

古木歷歲月孫枝歇
芳鮮何年劫火餘
橫臥山之巔生意既寂滅
枯幹猶曲卷其長勁矢過其圍
合把圓不爲梁棟材
乃以全其天徒倚

興吟懷妙理然乎然

落葉

西風吹葉如鳴管剪緋纈綃千林滿霜晨丹紫正蕭蕭夕陽鴉鵲何
纂纂卻憶三春綠陰濃一朝萎謝無留蹤徘徊不爲歎搖落愛看蒼

翠秋山容

焦木 乙丑

焦木橫山阿秃兀轟餘枿青黃曾未施枝葉已全脫僵立碍綫路成
陰憶叢樾雨露雖均滋死灰豈復活烏鳶不顧棲黐黐時跋躄何年
經陸渾炎官威尙烈聲不中孤琴色仍作青鐵成質斯有壞修短何
分別謂云山木壽莊生殊未達

錦樹 丁卯

錦樹高低倚翠嶒風前作態恰相應霜飛碧樹天容與曦晃赤城霞
蔚蒸詎必芝蘭誇有味還教松柏結爲朋山靈點染工神術畫裏關

全得未曾

紅葉 戊寅

覺嶂青雲放曉晴乍看紅葉一枝橫徘徊體物難成句幾點玫瑰襯
綠瓊

何必過雲錦繡攢卻欣少見耐吟安北寒知早連林紫逸興過飛向
木蘭

錦樹三首 己卯

初來濃綠尙縝紛逾月棲遲秋已分舉目連林試騁望新紅幾點又
堪欣

含暉爛爛復飛飛靺鞨玫瑰是也非林下麀麀忽行過錦張天鹿出
唐機

已看颯沓未槎枒一轡遙峰亂晚霞特是山靈能解事設來孤注鬪
春華

山木

山木年深率自焚
新條嫩穎更縝紛
世間何物不代謝
理解當前晤
後欣

紅葉二首

青女行霜染塞林
一般艷奕點蕭森
世間紅紫安容擬
目與爲幽意
與深

鳴鞭猶憶綠雲纔
生面連林萬錦開
借問關仝誇絕藝
那能點筆一時該

伐木 癸未

塞山雨挾風古木或摧折
園丁持斧尋剪拂不可缺
丁丁隔院聞其聲
中音節敗枝與芟夷
嘉幹益分別
行仁寓於義
凡事可矩絜
惜薪既供爨
求友亦興平聲悅
猶虞林漸稀
謂言護萌蘖

紅葉三首

連林生翠色猶濃幾點新紅
驀地逢打疊懋勤筆硯匣秋容
袞袞到諸峰

火盼巖霜不礙風葉紅端的勝
花紅春園欲笑桃還杏秋巘請
看柏與楓

星星纔見渲枝梢爛爛行看變
碧嶠自是金秋稱素節應教繪
事出羣超

塞樹

甲申

塞樹常自茁本不畏霜雪築牆爲山園斯有賴培活去歲見林稀申
命護萌蘖譬彼十圍木始生未條達足可搔而絕手可擢而拔林丞
奉行善枿芽都識別平野及高岡簇簇荆標設旣免鹿蹂躪那慮人
拘折十年計堪指千章望無缺是謂因地利何煩用力劓育材得良
方寧弗心生悅棧樸詠周詩輒復慚矩絜

紅葉

紅葉奚曾定待霜數枝早自爛晴陽塞山殊勝於何見火迫秋光是
所長

紅葉 乙酉

千峰重去聲翠尙杖屨幾點新紅入望踪不是春山二三月卻疑林際
始開花

佳樹 丙戌

佳樹有陰亦有風憩於其下觀長空片刻千秋如可擬與鹿豕遊將
無同

叢樾

叢樾坐延颯爽新雲容峰態悅心神懸車頗有居城市卻自高稱林
下人

紅葉

誰云秋暖今年甚幾點丹楓那讓時溼沈鏡中觀電火世間何事不

如斯

芟樹

深秋金令芟樹候發生氣畢歸根宿明年條達益充盈化而栽之實
造就塞山層疊千萬林豈能一一柯斧尋無亦求諸近且便中庭坦
與虛堂陰伐繁梢細留良幹翠柏蒼松方合選曲成中復有鑿別乍
喜間去聲間平聲遠峰見拈毫偶爾坐南榮寓意還欣眼界明錯節亦可
入模範何須利器誇升卿

移樹 丁亥

山木易爲生亦在人培植萌蘖既叢茁反覺相蓬塞乘閒課移種分
科疏側匿密葉於以舒糾枝去其逼而復空廓處楚楚新林節事半
功斯倍一舉欣兩得

紅葉二首

秋遲疊嶺尙濃青一夜西風枕上聽頓覺殊觀清曉望碧琳天際點

疎星

陸陸離離青間

去聲

紅何曾渲染待霜融

塞上向未霜

向

一般巖麓凝眸處昨

日今朝致不同

再詠紅葉

黃紺青紅間

去聲

染殊錦機曾不費工夫春園欲笑花徒燦未許其間

綠葉扶

護樹 戊子

沿山種稚樹拱把未長

上聲

大恐防鹿蹂踐園人為

去聲

遮蓋護之以枯

枝繞樹束其外嫩條不得伸雨露艱需漑頽兀鮮生意匪愛其實害

知然去太甚格物亦一快

紅葉 己丑

識時真箇是丹楓灼灼初翻八月風雅助山莊秋半景一枝相映晚

荷紅

萬綠瓊中玫瑰相絕勝秋卉豔裳裳塞山月令原來別紅葉何曾定
待霜

紅葉 辛卯

秋令今年頗覺炎綠雲猶護遠峰尖金官昨夜研朱筆
紫猩紅幾點添

新紅剛染衆青中便覺林光致不同日日看來忽有此爲能爾者是
誰工

紅葉 甲午

萬樹菁蔥蔚綠雲其中紅葉見一兩九夏何來九秋景塞山變幻非
意想人固有之物豈無所以速成戒闕黨

紅葉 丙申

綠雲猶自蔚巖從何事宛看一點紅代謝四時弗假借引人秋思不
言中

錦林最是數山莊幾葉先容報信忙說與文人得知否染秋原自不須霜

山樹一首 己亥

一樹敷榮一樹枯相形豐嗇有差殊化工施豈分厚薄傾覆栽培若是乎

紅葉

萬綠叢中紅一枝塞山無藉染霜為兩年一瞬訝新見石火流陰又若斯

錦樹 辛丑

錦樹無端見一枝山莊秋色又如斯石渠早度關全畫

內府貯關全蜀山棧道圖

中多錦樹芸閣常吟杜牧詩綠綺葉中標爛爛白珠露下灑離離硃批奏摺猶餘潘忙裏偷閒遂寫之

欽定熱河志卷九十三

欽定熱河志卷九十四

物產三

花之屬

金蓮花 廣羣芳譜曰出山西五臺山塞外尤多花色金黃七瓣兩層花心亦黃色碎蕊平正有尖小長狹黃瓣環繞其心一莖數朶若蓮而小六月盛開一望遍地金色爛然至秋花乾而不落結子如粟米而黑其葉綠色瘦尖而長或五尖或七尖元周伯琦上都扈從詩註所謂金蓮花似荷而黃者是也

聖祖仁皇帝自五臺移植山莊有金蓮映日之勝

聖祖御製賦

金蓮花賦 二集

倅嘉名於華頂結異質於清涼冠方貢之三品賦正色於中央擧芙蓉而在陸麗菡萏於崇岡顧柳池之非偶豈蘋澗之可方煥彪炳而

成文散栴檀而結燼烟橫鉢裏之香妝沐江干之靚受範公輸之規
移芳彭澤之徑田田與芰蓋殊形矯矯並木蘭比勁若夫當融風之
拂樹值暑雨之平池而鏡潭而寫色掩玉砌以橫枝葉潤陵晨之霧
花含照夜之珠襲輕芬於衣縠映斜月於窗帷本托根於道岸曾何
畏乎泥淄爾乃草鋪微綠之區蝶舞輕黃之翅沾芳則土脈流膏落
蕊則蜜脾分饋非桃李而成蹊與鞠衣而同製於是滴珠露以研黃
挹金房而瀉翠玉版潤而脂融松腴蒸而雲翳摘珍產於山經表奇
芳於幽闕異紅采於巖阿謝朱霞於水曲漏鑪長樂之銅壺燈燦蓬
山之銀燭卑五華之仙葩超四照之靈木彼夫綠竹則稱君子青松
以擬大夫澤荷載於篇什猗蘭紀於史書惟斯卉之挺秀拔衆卉而
標奇感無言於空谷久掩嫫於山陂移土碁於上苑沐日月之光曦
化同被於偃草忱獲效乎傾葵

聖祖御製詩

詠金蓮花 二集

迢遞從沙漠孤根待品題清香拂檻入正色與心齊磊落安山北參差鶯嶺西炎風曾避暑高潔少人躋

金蓮盛放 四集

曾觀貝葉志金蓮再見清涼徧地鮮近日山房栽植茂參差高下共爭妍

其二

數畝金蓮萬朵黃凌晨浥露色輝煌薰風拂檻清波映併作芙蕖滿院香

綠金蓮花

牡丹有綠誠仙品幻色生香野草中數朵乍開凝碧玉黃花應遜碧花叢

聖祖御製詞

詠嶺外金蓮盛放可愛

小令柳梢青

二集

萬頃金花平臨難畫高眺千般珠蹙移花翠翻帶月無暑神仙俗
人莫道輕寒悠雅處餘香滿山嶺外磊落遠方隱者誰似清閒

世宗御製詩

金蓮花

茵苜敷鮮彩絢爛雲錦重茜裳雜編袂擢豔白復紅根株遍陂澤名
品將毋同昔傳天竺師鉢咒青芙蓉非關造物力色相自虛空獨有
金蓮號圖譜考莫從我來古塞北野卉競丰茸羅生巖谷底瑣屑焉
能窮燦然靚奇葩誰施冶鑄工六丁鼓爐鞴幾費丹陽銅鏤刻成千
瓣片片黃金鎔碧莖裊翠葉挺出薰風中儼如九品臺寶絡垂玲瓏
金仙此跌坐演偈降猊龍幽芳宜見賞輦路會當逢亭亭黃屋側照
耀銜壁釭宸遊每披拂香氣向日融願言植堦砌淨浥清露濃惜哉
遠難致忍令伍蒿蓬綴詞續花譜以冠羣芳叢

御製詩

金蓮花 丙寅

五臺佳種迎薰到布地黃金是澤芝

天上錫名曾入畫

是花產自五臺
移植避暑山莊而賜今名

皇祖時

人間擷秀少題詩齊

宮步處原來假唐院分餘只合吹映日樓高莊避暑花開每憶廿年時

題蔣溥畫金蓮花即用其韻 己巳

一種清涼卉

是花以出五臺者為
美茲塞上亦有之

數叢金碧織畫成塵外質餅貯靜

中醺相映金風拂惟輸玉露霑不須分彼此

佛手早經拈

金蓮花 甲戌

金英翠葉曷朝霞移自清涼蔓塞沙揚娜恰看當暑放散芬雅合受風斜兔葵燕麥真凡品蘆荀曼陀本一家暎日當年承

佛笑肯教卉譜例閒花

金蓮花 乙亥

水玉裁為葉黃金鏤作英的知極樂國方見此花呈

金蓮花 癸未

應節含金氣敷榮宜號金花惟開鷺嶺樹合伴檀林三品茲標首羣

芳總伏心給園佈滿地

調御昔來臨

金蓮花 丙戌

種自五臺出蔓延徧塞壤納涼曾有峪方輿紀要獨石口北金世宗納涼處韋黃花狀若芙渠

開府亦名川元世祖昔開府地直以陸為海真同金布田漫生分別見

孰不是心蓮

荷 敖漢所產較關內特佳山莊移植之有曲水荷香香遠益清觀

蓮所冷香亭諸勝塞外地寒草木多早黃落荷獨深秋尙開木蘭

迴蹕時猶有開放者

聖祖御製詩

湧翠巖觀瀑賞白蓮 四集

畢竟天然造化功方能巧設古今同噴雲百尺穿巖石瀑水千層點
藥叢波湧白蓮承曉露溪浮綠蓋動香風經聲似脫紅塵外泡影依
稀宇宙中

世宗御製詩

湖亭觀荷

館宇清幽曉氣涼更宜澹蕩對烟光湖平水色涵天色風過荷香帶
葉香戲泳金鱗依密荇低飛銀練貼芳塘蘭橈折取憐雙蒂殊勝陳
隋巧樣糕

御製詩

九月初三日熱河見荷花 辛酉

金天集卷之四
人看
霞衣猶耐九秋寒翠蓋敲風綠未殘應是香紅久寂寞故留冷豔待

前朝見菊黃兼綠今日看荷紫帶紅夏卉秋葩渾不辨一齊搖曳曉
風中

荷花謝疊前韻

數日餘芳傲晚寒經霜今曉乍凋殘元都觀裏春風面只許劉郎一
度看

離披殘蓋全消綠寥寂寒葩不剩紅水月鏡花觀幻色清歌一曲御
湖中

觀荷 癸亥

我從御園來荷花半凋殘此地乃關外荷花正新鮮離宮憇征轡鏡
浦迴遊船鳩鵲時出沒遠峰入清瀾香籟拂我旁霞錦輝我前俯朶
如欲訴傾珠學涕洟仰華似開靨對客呈笑顏朔塞多嚴風花事應

早闌是荷婀娜姿詎能全其天或云惜芳菲留與詩人觀或云開較遲夏仲方田田晚榮亦晚枯至理然乎然

荷丁卯

紅霞剪剪耐秋寒開掃新粧鏡碧瀾漫謂遲開緣候異卻辭早謝待人看風前弄影還依柳雨裏霏香欲賽蘭芝徑雲堤清賞處三十六景之一幾多丰韻未衰殘

晚荷

御湖芙蓉強半紫山莊菡萏如霞美初來時節乃新秋謂是偶然耐寒爾塞垣旋蹕近重陽尙有臨波纈紅綺宛向霜天共菊芳依然露嶼同葭倚南暄北冷殊未然彼屈此伸固其理

荷己巳

每至山莊玩晚荷依然雲錦落澄波水仙已是工圖畫園客無勞豔綺羅鹿愛香風常飲澗蛩悲瀉露亂鳴莎相看不忍輕拏折有恨無

情韵最多

荷甲戌

沙浦初粧淨植姿木蘭停柁賞移時韻稱遠俗從教野芳喜經秋那
怨遲鳥映葉明珠上下魚穿莖綠玉參差若耶羅綺嬌無力邈爾含
毫引靜思

恭侍

皇太后觀荷

平湖香錦夏風吹長日承

歡此處宜已喜自天無暑氣可知隨地有西池當前頓覺忘關塞開
後何須較疾遲蓮葉蓮花不如藕愛他延

壽縷絲絲

賦得初日芙蓉

出水呈芳迴迎曦弄影新烟流花欲醉露湛葉生津畫裏神仙品臺

端清淨身蘋香連一氣霞彩照初勻錦浪翻無定文禽宿有因娥英
臨曉鏡不語亦宜人

晚荷 丙子

野水寒塘幾柄芳不妖態度出塵香風前全露凌波體塞外常看耐
冷裝色共巖楓翻夕日節同籬菊傲秋霜關南開早凋還早信屈憑
參理趣長

荷 戊寅

每來偏愛荷猶存雖非三徑實仙源藏鷗友鹿秀而野微露盪風廉
且溫託根常在雲霞表駐年八千應覺少卉中君子誠有之予方惜
此馮唐老

荷 己卯

關中房墜粉塞外錦舒芳祇以寒開晚翻教時耐長恰如君子德緣
託

聖人鄉竟谷香風馥含毫意未央

晚荷

芳收岸蓼與汀蘋淨植依然濡水濱何必奪朱不君子可知衣紫亦
山人

荷一首 辛巳

御園荷欲闌山莊荷正放沿堤已宜觀而况漾輕舫左右皆君子居
州奚數量松柏擬後凋雲霞豈時尙幽香拂山籟冷豔照野漲耐時
異求人曰惟得之讓

荷壬午

幾柄秋荷擢塞灘年年芳色待人看卉中怪底稱君子頗似巖松耐
歲寒

戲題荷

夏卉何來秋仲披花中宛有歲寒姿傲寒也爲時逢暖然孰不云君

子斯

泛舟見荷花始開 癸未

御園早見滿湖花今日山莊始放葩因悟常年榮久駐率由過節論
饒賒求伸尺蠖何妨屈避雨雙鴛喜入霞寄語卉中君子者一時晚
遇底須嗟

恭奉

皇太后賞荷作

山莊荷信每年遲季夏猶然久待之明曉定將親侍

賞一宵花綻滿琳池

花潭葉嶼曉秋榮 是日桂棹牙檣塞水清宣德龍舟西苑裏猶稱盛

事豔春明

藕絲

壽縷憶前吟 甲戌恭侍 皇太后親荷詩 末二句云 九閱春秋此

逆集逆花不如藕愛他延

壽縷絲絲

重尋歡侍

高年益康健如斯百度詎厭心

秋蓮

蓮朶秋來綻滿池
濯清態度靜芳姿
不爭夏令相期際
原是年來晤對時
一片香霞花處覆
三霄瑞露葉間披
卉中君子真無忝
欲速還應我見嗤

荷

水芳堪比昨來添
偏愛秋涼嬾逐炎
君子不爭真妙義
濂溪說裏未曾拈

荷甲甲

嫋嫋點芳津居然七月春
地高紅染重露滿綠擎
勻寧止鳧忘去還饒鹿欲親
塞中君子者疑是姓蘇人

晚荷

蓋張徹玉露衣振拂金風飛韻涼雲表揚猗寒浦中何當仲秋月翻
看十分紅臺訝思仙上淮南見八公

荷乙酉

鏡浦霞衣香未消品曾元凱侍

神堯水華陸植如相較松栢應同耐後凋

荷二首 丙戌

芙蓉出水塞垣開秋浦偏看霞錦裁十丈誰誠分玉井靈根真自敖

漢

平聲

來

此

漢

御製

山莊

三十六

景詩

於香

遠益

清會

詠其

事

皇祖

時移

根於

於

於

於

於

於

於

於

於

於

於

於

於

沐雨翻風總絕塵愛曦羞月有良因遲開傲得秋湖冷似爲去聲新詩

特待人

荷二首 丁亥

綠蓋紅冠塞水濱風前雨後越精神年年不負拈毫約占得山莊七

月春

清涼境界淨真花那數南方有若耶山雨昨朝野水漲黃金一片襯
紅霞

荷二首 戊子

每來山館看荷花冷豔平鋪水面霞我亦因之生靜悟開遲謝後理
無差

露濃風颯滿清芬相顧秋英迴出羣過雨塞川挾泥下黃金田地擁
紅雲

詠荷二首 己丑

紅葩綠葉郁承擎霞帔瓊裾凌浦行王母漢宮七月降紛隨嘉慶董
雙成

不少秋英繞砌裳愛看隰有拔羣芳晚來巖鹿下飲水亂入雲霞遞
嗅香

晚荷二首 辛卯

落落蕭蕭開尙仍
挈舟佳會得閒憑
愛蓮說裏稱君子
不遇後凋未足稱

迴舟向浦爲憍停
距藉花臺葉嶼寧
今日揆毫有別趣
綠雲田地點疎星

荷 壬辰

初來未見一枝花
十日開成滿浦霞
石火電光迅如此
惜分陰語豈其差

不塵風度真空色
塞沼明明證淨因
織就錦章襯天鹿
世間何處可同倫

賦得驟雨打新荷

迴宇膩雲卷平湖
驟雨過因之泛輕舫
耐可玩新荷碎點
猶滴露垂頭恰映
波桃花醜面玉柳葉
藉眉蛾態拂晴光
麗香迎風籟多惟應
結漢女乍似泛湘娥
浦展七襄錦舟撐一
具梭如逢趙松雪圖
畫得

爲麼

詠荷 癸巳

到遲昨歲盼荷放來早今年荷卻開

昨歲六月朔至山莊荷向未開故有初來未見一枝花十日開

成滿浦霞之句今來較上年早半月而荷已先放物理之不可曉如此殆難強爲之解也

底較南暄及北冷祇欣

葉嶼與花臺

妙質超塵夏五節淨香搖籟塞湖濱世間何處無君子卻似相看晤

故人

觀荷有作 甲午

來從御園時池荷方吐蕊既至到山莊荷花滿塞水北乃早於南殊

難窮此理或亟迎人看則不可知耳然此數日間彼亦全開矣是則

南北同其氣候使

余年十一二時八月至塞上鹿已鳴每值雨雪衣裘又二十年幸木蘭則鹿哨較遲雪亦不常

有又二十年駐山莊哨鹿須待九月此蓋氣候自南而北暖以漸遷或入烟日盛所致向作氣候詩嘗及之

葉嶼花臺間

香遠亦清美因憶濂溪言何處無君子

避暑山莊仲秋尙有荷因做文嘉蓮藕淨因圖寫之並再疊舊

韻

荷朶仲秋見惟應此熱泉

山莊內有溫泉熱河以此得名

味堪爭桂馥色似傲霜鮮

再做仍率爾相看祇淡然一空具四有

圖內花葉藕蓮蓬各一

默會是何緣

荷二首乙未

一方在水早縈思旬日山莊始遇之花譜漫疑鮮伯仲清高原是出

塵姿

凌波乍見試芳枝夏季纔開莫怨遲冷豔饒留八九月

山莊荷花至八九月尙存

因塞河內有溫泉之故而落遲開亦宜遲造物權衡應如是也權衡造物本無私

賦得初日芙蓉

六月呈春色東山出曉曦流光晶且嫩寫影淨猶怡四岸開奩關一

湖朗鏡披新綉端以正宿洗粉和脂香藉水風散潤含晨露滋書如

李氏帖

梁武帝評書李鎮東書如芙蓉之出水

詩乃謝家詞

南史鮑照云謝靈運五言如初發芙蓉

自是

瑤池品而非塵世姿設將擬太華受照早於其地形北高而南低太華雖高以地形度之

則低於此處矣地高則近天而受日照必早故云

荷二首 丙申

去年花遇以季夏今歲看花纔夏中遲速總因節早晚不同間自有其同

風度九齡特相入聲如六郎豈足汗塗諸漫言塞水何有此君子寧須

擇地居

山莊荷花尙存簪植膽餅與盆菊相對天然清供竭爾成什亦

興之所寄也

菊放深秋荷夏秋忘年仙鏡做同遊傲霜裊露誠無忝開晚謝遲斯

有由內地荷花至八月即凋盡今已屆霜降而塞湖之荷尙有作花者蓋由園中有溫泉而開花較內地又晚之故卉裏更

誰堪伯仲畫中雅台擅風流卻如隱士逢君子一望應知氣味投

荷庚子

近歲啓行早御苑非荷時山莊六月春相逢遲不遲數里水面芳一例弗蔓支有鹿襲其芬有魚闌其漪設以君子方曰惟子卿宜

荷辛丑

荷放塞湖訝早期

塞上氣寒往年率于六月開荷花然以時憲書氣候而論十六日小暑以前作五月用以後作六月

用則仍較先旬五看芳藜靈台節候原無舛仍是常年六月時

初旭芙蓉散淨香根盤玉塞特禁涼宜於日卻弗宜月

荷見日而開見月而斂出

梵君子德輝自應去聲陽

荷二首壬寅

近玩居然代遠觀又看五沃發前灘昔年季夏今仲夏氣候漸移此

一端

往年熱河荷花於六月始開今五月下旬已放向嘗為氣候詩有或者人烟棲以致默轉旋之句即此亦見一端

文綵鏤金體煖風無薰香氣不天紅試看出水淨真度書法全標李

鎮東

羣芳譜曰蓼花其類甚多皆春苗夏茂秋始花開蓓蕾而細

長二寸枝枝下垂色粉紅可觀水邊甚多故又名水蒨花今山莊湖
中有之塞外淺水之地亦多產紅蓼

御製詩

蓼 癸未

所期風度不期香幾穗臨波豔夕陽詩客但知愁塞積誰知秋景是
江鄉

菊 元揚允孚灤京雜詠詩曰紫菊花開香滿衣注云紫菊花惟灤
京有之今塞外所產兼有諸種

御製詩

九月初一日迴鑾至博羅河屯見菊花盛開 辛酉

幾種金英傍砌隈臨風恰迓翠華迴寒香盈把陪青案素萼搖姿點
綠苔最愛三秋經雨洗 是日 定知重九冒霜開何曾王勃工詩句

朵都擎送客杯

野花

野菊小於鈴依依傍砌庭知時舒晚豔爲客發幽馨洗濯曾經雨參差似列星詩情兼畫意緣此暫留停

菊
丁卯

閒階破萼鬪輕涼隔歲重看正色黃秋卉中宜作盟主春園畔不逐花王名標隱逸真孤調態洗鉛華祇靜芳底用飲泉方益算千秋已見壽柴桑

晚節秋容迴出羣離宮靜對意彌欣寒蟲借助酬清韻爽籟依稀送逸芬風度獨臻無色色品題何事漫云云卻饒前歲重陽景把筆拈花傲朔雲

菊
己巳

黃華鍾正色必向御園開識得重陽節剛從上塞迴霜嚴信徒爾日嫩特佳哉靜對無窮趣茱萸漫泛杯

即事 壬申

昨日過重九今朝見菊花翻成兩度節未是負芳華

菊

梅是明春信蓮爲盛夏芳二花猶不及餘卉可相方呦鹿閒相顧游蜂怯欲藏女夷設孤註合點塞山蒼

漫題菊 癸酉

菊有黃華載禮經何來紅紫幻多形茸儒充隱紛無數人有如斯物可聽

菊 庚辰

菊節過將彌月菊花開尙數叢漠水塞山自爾丹楓翠柏原同知己霜清日嫩笑他柳綠桃紅漫擬陶家三徑戒酒卻緬高風

菊 辛巳

野卉家葩秋本稠菊花開際衆芳收女夷誰道惟司豔可識幽貞氣

獨投

翠雀花 廣羣芳譜曰其身如雀有身有翼有尾有黃心如兩目或云即茱萸花

聖祖御製詩

山菊翠雀花 三集

雨過初涼至山花遍地馨雖無紅紫豔能使屬車停

剪秋羅 羣芳譜曰一名漢宮秋色深紅花瓣分數岐尖梢可愛八

月間開

聖祖御製詩

詠剪秋羅 四集

可惜輕羅任剪裁名傳南國向秋開未知紫塞多佳種雜製嫣紅配

綠苔

御製詩

剪秋羅 辛巳

秋羅底把并州剪應製仙人霓羽裳謾說漢宮秋色好請看秋色在
山莊

秋海棠 羣芳譜曰一名八月春草本花色粉紅甚嬌豔葉綠如翠
羽探蘭雜志云其葉正綠反紅秋開

御製詩

秋海棠 己巳

塞中野卉多而脆幾度經霜委白沙還是御園饒景色秋風嬈嬈見
唐花

秋海棠 辛巳

反紅正綠渾難畫酸態嬌姿正可人春好軒 山莊內軒名 前風露好居然

八月有三春

玉簪 羣芳譜曰一名白萼有宿根六七月叢中抽一莖上有細葉

十餘每葉出花一朶長二三寸本小末大未開時正如白玉搔頭

御製詩

玉簪 辛巳

夏芳出塞耐秋馨繪白爲花纈葉青彳亍鶴仙心不繫也來叢畔肖其形

雞冠 羣芳譜曰有深紫淺紅純白淺黃四色又一種五色者最矮今處處有之高者五六尺矮者纔數寸

御製詩

雞冠 辛巳

無聲絳幘玉階頭以意分明報曉籌榆塞楓宸寧有別宵衣一例愼咨疇

牽牛 羣芳譜曰牽牛黑者野生尤多蔓遶籬牆花不作瓣如旋花而大碧色本草注云此藥始出田野人牽牛謝藥故名

御製詩

牽牛辛巳

慢稱花葉擬天星莫詆非佳又乏馨火種刀耕關塞外牽牛頗喜叶
農經

藍菊 羣芳譜曰藍花單薄而小其萼黃

御製詩

藍菊辛巳

萼承露葉受風斜那識東籬處士家雖是此花名冒菊可知還有出
藍花

萬壽菊 花正黃以八月中盛開關外處處有之山莊產者莖高而
瓣尤大

御製詩

萬壽菊辛巳

葉纈瓊璫爲正碧花裝琥珀是真黃
幽風八月稱觴句常裏山莊湛
露灑

老少年 有葉無花初生嫩綠經霜後變爲紅黃諸色故名羣芳譜
曰一名雁來紅又紅紫黃綠相兼者名十樣錦

御製詩

老少年 辛巳

是花皆葉絳葳蕤韓衆千年貌似兒此卉最宜關外種西風颯颯雁
來時

丁香 廣羣芳譜曰今丁香花三四月開者又一種也與入藥之丁
香別今塞外所產有紫白二種亦有一樹二色者不由接植偶然得
之土人名鴛鴦丁香然不多有

木槿 羣芳譜曰花小而豔有深紅粉紅白色五月始開朝開暮落
亦有作紫色者

梔子 羣芳譜曰梔子有兩三種入夏開白花如杯皆六出中有黃蕊

合歡 羣芳譜曰一名夜合一名清棠處處有之五月間花色如蘸

暈

棟 本草曰一名苦棟開花紅紫色

金絲桃 廣羣芳譜曰塞外徧地叢生六七月花開五瓣如桃而長色鶯黃心微綠一苞出五花開則五花俱開如黃金然元楊允孚櫟京雜詠詩所謂御園花簇小金桃是也

芍藥 元楊允孚櫟京雜詠詩曰若較內園紅芍藥洛陽輸卻牡丹花注云內園芍藥迷望亭亭直上數尺許花大如斗揚州芍藥稱第一終不及上京也又曰時雨初肥芍藥苗脆甘肥壓酒腸消注云草地芍藥初生軟美居人多來食之元一統志曰大寧路金源縣利州興中州川州皆土產芍藥又興中州有芍藥河源自芍藥莊山谷間

芍藥叢中流出今熱河境內芍藥往往不由人力自生山谷間有紅白二色

木芙蓉 羣芳譜曰一名拒霜花有數種八九月間次第開謝最耐寒

玫瑰

羣芳譜曰灌生花類薔薇色淡紫有黃花者稍小於紫

月季

羣芳譜曰灌生花有紅白及淡紅三色四時不絕

凌霄

羣芳譜曰凌霄花多生山中蔓纒數尺得木而上即高數丈

開花一枝十餘朵赭黃色深秋更赤

山丹

羣芳譜曰番山丹高四五尺如萱花花大如碗紅斑黑點瓣

俱反捲一葉生一子即本草所云卷丹蒙古謂山丹爲薩喇納今赤峰縣境內有薩喇納台山以有山丹處得名

鹿葱

羣芳譜曰鹿葱色類萱鹿喜食之故名廣羣芳譜謂嵒含以

宜男花爲鹿葱則古人亦以鹿葱爲萱花蓋一類而二種也

秋葵 羣芳譜曰一名側金盞莖高六七尺葉如芙蓉六月放花大如碗鶯黃色紫心六瓣

蜀葵 羣芳譜曰一名戎葵考爾雅曰葍戎葵注云今蜀葵也花如木槿疏云戎蜀蓋其所自也因以名之是此花之種本出塞外也又一種花小而紅紫色者名錦葵即爾雅注所謂荊葵也

金盞 羣芳譜曰一名長春花金盞其花形也長春言耐久也

金燈 羣芳譜曰金燈花莖如箭斡開花白色有紅黃色者衆花簇成一朵如絲紐成

石竹 羣芳譜曰石竹草品纖細而青翠花皆五色

紫茉莉 廣羣芳譜曰草本一名胭脂花今所產有紫紅白黃四種並有一花數色者俗呼狀元紅其紅色者可漬綿爲胭脂子可爲粉馬蹄蘭 廣羣芳譜曰馬蹄蘭生草間葉如建蘭堅韌不可斷其花翠色可愛秋則結苞成子塞外尤多

黃花 廣羣芳譜曰黃花不知其名一朵四瓣合抱如金盞其色驚黃出罕特木爾嶺以北每一莖只一朵經霜愈鮮

長十八 花葉並似玉簪而小花紫色即羣芳譜所謂紫鶴也元廼賢塞上詩曰雙鬢小女玉娟娟自捲瓊簾出帳前忽見一枝長十八折來簪在帽簷邊

晚香玉 莖高二三尺一苞數朵次第開花色白如玉日晚則放香金雀梅 土人稱之花形如雀色黃野生疑即廣羣芳譜所謂金縷梅也

繡毬梅 土人稱之花白叢開如毬野生

山海棠 土人稱之青葉紅梗花色粉紅狀如垂絲野生

珍珠花 土人稱之花白叢開如珠野生

千穗穀 土人稱之本如雞冠生長條作細花紅紫色每本數十條結子可食

按塞外野花種類甚繁每有不詳其名者元周伯琦上都扈從詩注所謂草多異花五色者是也居人所傳或止係土俗之稱今即其最著名者載入

聖祖御製詩

夏日山莊百花齊放

四集

咫尺雄關一線牆景風已拂尙芬芳近都愛此清涼地逢草逢花莫不香

御製詩

詠掛瓶中花

癸亥

清秋野卉紛榮謝不知其名愛其姸迎風粲粲笑靨開晞陽湛湛露珠化我非騷人亦拏芳掛瓶貯之氈帷舍渾似春園桃李朝那知雁塞星霜夜只少琵琶一曲彈玉鞍紅頰明妃嫁

秋花

乙丑

秋花濯山雨裳裳院砌邊
繽紛呈冷豔蒙茸霏絳烟
澹杯曉露滴寫影午暄妍
遊蜂不知採晚蝶時或穿
舒華爭其時誰云畏塞寒
臨芳不忍擷憶昔當歌筵
寂寞離宮秋於今過廿年
是花豈無意應博詩人憐
膽瓶縱清佳爭似枝頭鮮

瓶中花

是處嫣紅並姹紫不知其名訝其美貌
陋徐黃圖畫間種遺栳鄭書編裏
裊風三春灑月秋點綴
山山塞景稠天姿未許人窺取不共飛
觴擲管流誰教探入瓷瓶內色香根淨
原無碍卻似遊仙壺嶠中紛迎駕鳳驂
鸞輩

瓶花
丁卯

山花無名致總佳淺絳深黃爭倩若
詩人畫客幾曾經雁塞龍堆欣所託
丁星玉露且鮮妍搖曳金風未落
寞掛瓶聊與作清供依舊前秋
種室樂恰似文殊示善財探來
莖草無非藥

瓶花 己巳

單椒紫婉更紅裳偏是秋來生意昌
擷入掛瓶饒靜趣又教行殿挹
清芳拈鬚竭爾吟新句插鬢能無憶
舊粧相對奚容成一往便參離
合露中香

野花

辛未

野花不入鬪含狀有豔無名人詎曉
露霏或比素蘭馨風娜還過寶
相姣未逢說頃空奇芳荒原蕪沒
殊不少爾雅方言逮寓中寰海周
裨誰則到叶匪直人也幸生文物邦
幸生乃至凡花草

野花

壬申

塞甸金令司神權野花秋較春時妍
東皇女夷不過問錯綺縟繡爭
嫵嫵高低羈約殊娟姣羣友翹飛
弗相擾傲霜凌雪此其常節比南
花猶覺好鬪含疏亦廣蒐羅龍沙
地遠曾未過設使揣稱復侔色春
風桃李何爭多我命中人隨意採
掛瓶香氣勝蘭茝陡憶孤山錦逕

西依然興會於斯在獨惜無名名亦得增譜羣芳著子墨盧胡大笑
有是哉得無猶被名相域牡丹芍藥稱者誰裳裳者花自豈知以彼
例此應罷之用全其天恆希夷

塞花 癸酉

塞花能耐寒冒霜越艸嫋丁星帶烟霏媚嫵迎風姣秀如爭籬菊芳
自勝坂草饒有鳥獸遊而無絲管擾掛瓶雅相宜拂室亦精好詎知
銀燭下珍重發芬藻

秋英 甲申

秋英本最幽塞中幽更美如彼巖壑間處之以君子各種無不具繞
砌舒寒蕊翻風鬱金黃浥露琅玕紫游鹿尙忘去稚蜂自應止觸目
已澄神何必膽瓶裏便擬贈以言還當戒其綺

山花 乙酉

山花滿浥露華新便是山莊七序春莫恨羣芳漏名字恰如疏仡世

時人

種塞花丁亥

塞花不計名種種上聲秀而野移彼植此間易於木拱把雨後地濕潤

課種去聲足消暇叶繞砌分左右依石任高下香引蝶隨來色疑鹿不

捨須臾前墀間紅紫紛瀟灑誰謂秋寂寥看此向榮者

附載

桂

按桂為炎方之產非塞外所有元楊允孚灤京雜詠所謂玉宇

桂無花者是也今山莊所有盆植多從關內移往每當秋日作

花正

清蹕臨幸之時迎邀

睿賞播諸詩篇敬彙列於後其牡丹與蘭亦自關內移植並從附載

御製詩

桂壬申

金春麗日霽光鮮
恰喜天香映壽筵
應節芳姿標畫格
一時佳興屬吟篇
賡歌東壁西園合
風物南邦北塞連
幽賞詎惟增韻事
更因叢桂憶招賢

桂癸酉

今年秋信長
九月桂花黃
砌下芳融日
塞中寒傲霜
小山重詠句
圓魄早虧匡
擬付含毫者
還稱天外香

桂丁丑

一種臯塗試
塞風清芬淨
質玉瓏璫春
華秋實尋常
勝燕北江南
訝許同芳信
不孤八月節
幽襟宛憶小
山叢關河漫
道遙艱致都
在冰輪朗照中

桂六首巳卯

秋暖勝去年
桂花開卻早
去歲山莊以秋暖桂花未開即啓蹕往木蘭
臯塗真有神應節

從吾好叶

不可更孤負色香靜且娟一晌含毫對流陰霎兩年
花既有君子樹豈無金仙舉手向空宇新蟾銀漢邊
滿院甜香噴坐久卻淡如會心不在遠似與善人居
紗窗多護惜盜盆亦貼妥若從聞思修堪證菩提果
本是江南樹揚猗塞北山何物不可致人材較卻難

桂癸未

好花不讓節滿樹粟霏黃標出正中色散爲真靜香種上聲來應月窟
根徒自江鄉塞苑揚猗處寧知道路長

桂甲申

氣暖花遲放粟胎纔漸黃依然江國候誰曰塞山涼雅愛扶疎格惟
思道路長蟾宮原有約應節自芬芳

瓶貯桂枝荷朵恭進

皇太后并爲圖以紀其事

底識山莊駐景長
荷花紅映桂花黃
亞瓶香色都清淨
益算先應獻壽康

晚桂

山莊仍有桂花黃
今歲餘暄異常見
中秋微吐粟爲婪
迴蹕久舒芳色惟
卉裏元吉色香是
風前勝妙香不識
江南似茲否菀枯
遲速耐評量

桂乙酉

天香那讓時金粟
又盈枝真是飄雲
外誰云此塞陲芳
惟秋可擲影共月
來移何物不能致
予方休在茲

桂丙戌

寒暖雖遲放桂得寒氣始榮所以異於桃李也
中秋不爽期品高
出塵質芬寂入聞
思綠玉裁爲葉黃
金纈作鞋我心孰
先獲侍御早成詩

王建曾爲御史後從軍塞上其十五夜望月之作所謂中庭者意
非門內之中庭蓋王庭本自有左右中也若云門內則地白爲不
稱矣但塞上無桂其稱露濕者似指月中故即繼之以月明人望
秋思誰家之句始覺興趣不盡此即太白疑是地上霜舉頭見明
月之意若建自在門內望月又何涉於人盡望而興思乎山莊本
塞上今雖有桂然亦祇御園盆植者耳因用建詩意故並詳其說
于後

晚桂

塞中有桂已屬奇況是秋晚奇甚然其理寔易可知特爲去聲霜遲
致暖審百卉率得暖氣開桂菊獨待涼氣來桂先菊後稟金令乍看
同苑誠希哉聯芳合德金英簇奚必分疏草與木秋蟾三度又團圓
佳節何殊廣寒馥誰云南產艱北生窖中培護應時榮莫謾小山更
招隱人品依稀蘇子卿

桂 丁亥

逢閏得秋早，皋塗已放芬。色原塵外質，香合靜中聞。金玉非宜擬，麝檀底藉熏。崇情托雲表，招隱謾云云。

桂 辛卯

塞苑何來江國枝，中秋節近不違期。猗風香逐金風遞，滄露穗擎玉露垂。又已隔年看淨品，去歲京中度誰能特地罷搗詞。設如擬作月中樹，無翼飛來有所思。

牡丹 自關內移植山莊

聖祖御製詩

蓮花巖松牡丹 四集

離宮初雨後，花氣滿天街。石壁流泉響，松坪古幹佳。馨凝金掌露，名重玉盤釵。靜裏經聲息，方知道有涯。

蘭 自關內移植山莊，雖不甚繁，亦能作花。

御製詩

戲題蘭 甲戌

澤蘭自昔擬騷人南國移來塞地新
水土不諳風月異芳菲強弄鮮

精神

蘭 癸未

誰從九畹移見此三珠淑亞盆
弄窈窕對牖詎幽獨晴光溢箭紫露
潤溥葉綠揚猗藉輕風散芬當上伏
庭鹿可爲友寒禽那敢啄何處
不國香分別寧非俗奚必湘沅間
方云稱清馥

卉之屬

蘆 山莊湖中多有之塞外凡遇沮洳處亦多產蘆葦蒙古謂爲呼魯蘇今圍場中地及建昌縣境內有稱呼魯蘇台者皆以有蘆葦處得名

御製詩

蘆 癸未

風裏葉姿若無主月中花色杳難窺如霜雅合吹爲管白露誰知興
作詩

麻 羣芳譜分苧麻大麻繅麻三種繅麻說文謂臬屬本草亦作苧
麻一名白麻高六七尺葉圓如蓋花黃結子如橡斗刈作小束池內
漚之去青皮取麻片潔白如雪可織爲毯及作纆索爲農家所需今
熱河所種大抵皆白麻也其苧麻大麻二種即偶有之亦但績以爲
線罕有織成布者

藍 本草謂藍有五種而作靛則一今土人於山坡下平坦處種之
刈其葉掘地爲坎漬以灰水成靛用以供染

烟草 本名淡巴菰土人亦稱爲烟酒隴旁隙地多種之葉肥大至
徑尺其近頂處數葉俗呼曰蓋露

赤芝 產松根落葉間色近紫山莊時有之

地椒 元許有壬上京十詠有地椒詩曰凍雨吹花紫輕風散野香
刺沙尖葉細敷地亂條長楚客收成裹奚童擲滿筐行厨供草具調
鼎爾非良元周伯琦上京雜詩曰椒生地上香元楊允孚灤京雜詠
詩曰地椒生處乳羊肥注云地椒草牛羊食之其肉香肥元一統志
曰松州土產地椒本草謂地椒覆地蔓生莖葉甚細花作小朵色紫
白即蔓椒之小者是也

野茴香 元周伯琦上京扈從詩注曰什巴爾台北皆芻牧之地無
樹木徧生地椒野茴香葱韭芳氣襲人伯琦所由乃黑谷一路尙在
今承德府本境之西而居上都之東蓋今豐寧縣西境也

茅 本草曰茅處處有之春生茅謂之茅針夏生白花至秋而枯今
土人以爲覆蓋牆屋之用

莎 陸璣詩疏曰莎草皮堅細滑緻可爲簦笠今山莊多有之

紅姑娘 叢生山谷間結子成苞四瓣如鈴中含丹實大如龍眼婦

女多反捲其苞而簪之望如火齊亦呼豆瓢兒考元宮殿志上都棕毛殿有紅姑娘其狀謂外垂絳囊內含赤子味甜酸與今紅姑娘相同

德勒蘇草 廣羣芳譜曰塞外叢生葱翠挺拔經霜則變而爲白取之組織爲涼帽光皎異常俗亦呼爲玉草

蝎子草 廣羣芳譜曰塞外多有之高四五尺叢生亂草間其葉有毒人誤觸之即紅腫馬亦不敢近之惟駝能食蒙古謂哈拉垓今承德府本境內有哈拉垓溝以蝎子草得名

黃白草 土人取以蓋屋廣羣芳譜作黃背草謂層層有節細葉乾之可代茅結屋背即白之轉音也

烏拉草 土人以之絮鞋細軟而暖

御製詩

塞草 丙戌

塞草剛看雨後滋綠茵如毯布長陂嘉陰更藉松爲幄小坐乘涼恰
合詩

山卉

山卉當秋亦自芳幾叢淺紫復深黃本來入畫仍宜詠卻是無名只
有香君道包含字君道著南方草木狀不妨成掛漏龍門還笑藉羶薌天漿沆瀣

眞公溥萬朵奚分一例灑

綠毯八韻辛丑

山莊土美草豐連岡遍野而以鹿多恣食不致蔚長鋪地不過
寸餘誠綠毯也對而引興用成八韻

綠毯試云何處最最惟避暑此山莊卻非西旅織裘物本是北人牧
馬場兩足翠茵鋪滿地夏中碧罽被連岡鶴行無礙柔叢印鹿嚙那
容密剡長度不足盈剛及寸聞殊香藝乃饒芳奢哉溫室甞餽漢刺
矣白家綠線唐奚必鄭元書作帶偶同李賀句歸囊莎羅小坐因成

什

示儉因之緬

訓良

藥之屬

人參 五椹五葉視

盛京迤東所產爲遜考唐書檀州營州俱土貢人參熱河在檀州之北蓋自昔已產之五代史奚附錄曰奚以別部西陟嬀州依北山射獵常採北山人參所云北山者今豐寧縣西境外諸山皆是也

聖祖御製詩

熱河產人參雖不及遼左枝葉皆同命翰林蔣廷錫畫圖因戲作七言截句記之

四集

舊傳補氣爲神草近日庸醫誤地精五葉五枝成洛數順時當用在權行

五味子 金史地理志曰大定府產五味子

枸杞 汁經煉成膏味鮮美

蒿 叢生山谷間有名獨挺蒿者挺生衆草中一莖獨秀採之可以

已疾

艾 叢生山谷間香馬上襲衣不散

按塞外庶草蕃廡可入藥者不一而足元一統志載大寧路大

寧富庶金源和衆龍山五縣惠州興中州建州土產蒼朮又大

寧惠和武平龍山四縣高州松州土產麻黃又大寧和衆二縣

利州惠州興中州土產黃芩又富庶和衆二縣利州惠州興中

州建州土產桔梗又和衆縣利州惠州土產柴胡又龍山縣利

州土產防風白芷又大寧縣土產地骨皮瞿麥篇莢大寧縣土產有五味

子枸杞已又和衆縣土產白蘚皮又利州土產遠志荊芥澤瀉

自芩白蘆藜蘆石膏地黃草烏頭荊三稜又惠州土產白附子

又興中州土產知母又川州土產紅花又高州土產甘草今土
人不諳採掇併其名類亦漸湮沒附識於此

欽定熱河志卷九十四

欽定熱河志卷九十五

物產四

禽之屬

鶴 山莊內多畜之有松鶴清越及放鶴亭之勝

御製詩

鶴鹿 庚辰

鶴鹿雖異類胥足助山景鶴則賦之糧惟取聲露警鹿每挾矢尋苓
野寧容騁材與不材間漆園語堪省

園鶴 辛巳

園鶴年年飽稻粱每因尋鹿試神鎗一般都是仙家畜無可欲惟爾
所常

聞鶴鳴三首 癸未

放出籠中纔閱年塞山魚不讓青田因風吹送雲間響祇覺其音特

自然

高飛雲表落巖城疑是山莊即玉京擬問昌黎夏然者是因何不得其平

原是山莊原有鶴剪翎何必檻中留遂生性復芻糧省一舉端知兩得收

翥鶴三首 甲申

翥鶴翩翩掠過軒不低還復不高騫分明自適雲山樂亦自未忘梁稻恩

山城飛出又飛來大異籠中大快哉一舉吾因獲兩得何曾少卻羽仙陪

養成羽翼那長往祇覺山莊鳴夏然不是東坡游赤壁揖予宛遇瞞衣仙

嘲鶴

鶴翼已長成，翔翥皆由已。朝騰山城外，暮宿山城裏。如此清涼境，信足安汝止。而何意忽遷，竟自忘歸矣。啄粟山田間，夜遇守田子。捕捉將來獻，鶴類愧有泚。因憶昌黎言，歆羨古之士。或于周不可，秦楚可之。仕彼其熱中，流尙識去無地。叶咄哉青田姿，胡乃昧此理。

鶴三首 己酉

不教剪翮作羈縻，誅蕩仙莊任所之。伏卵成禽有佳報，

放鶴將子山莊益致佳趣

誰云羽類乏良知。

飛去飛來記昨年，將雛更不出墻邊。風清月白一聲唳，其意肫然亦灑然。

澗竇山葩勝稻粱，天空林密任翱翔。有時彳亍庭沙步，印出雲章不可詳。

歎鶴四首 丙戌

放去胎禽雪翼穠，迴翔何不可招來。王倪齧缺寧須道者，箇佳賓已

稱去聲陪

來往瑤臺意自仙一聲清唳徹雲天漫言縻爵心猶在霞表相延屬

偶然

有雪霜儀宜伴侶無烟火氣得清臞何當喚起唐伯虎爲我揮毫寫

入圖唐寅有款鶴圖向入石渠寶笈上等

去亦不追來不拒空聽爲蒼宇爲翔了知欲入新詩句豈是翻因戀

稻梁

鶴二首 丁亥

飲啄何曾遠去颺翱翔原祇在山莊笑他剪翅牢籠者拂物性還費

稻梁

嘹唳風清還月白徘徊水裔更山椒有時樂意翩然舞曲盡形容繪

鮑昭

鶴 戊子

鶴不剪雙翅亦不遠飛揚深林大壑中瀟灑恣翱翔溪毛與澗實飽
啄勝稻粱今則卵孚罷率子繞野塘其馴弗待教其喜殊異常乃悟
順物性知良能自良

鶴癸巳

放翅聽飛去愛山仍復還

山莊有放鶴亭並有詩

那期稻粱報常伴渚洲間唳

月聲非怨梳風意自閒使無清介格亦豈異乎鷗

鶴

昔時放鶴深山峭一罷鶴糧與鶴料且免刀剪更籠囚大壑茂林從
所樂後來復有貢鶴人賦糧給料仍因循云不如此鶴將去其實竊
饋從中分養鶴則喜放鶴苦鶴雖知饑不能語廐有肥馬孟子言謂
彼時人心尙古

孟子云以意逆志是爲得之即如廐有肥馬之言亦戒厚斂于民
以養禽獸而已余作鶴詩謂彼時人心尙古者則指廐人不竊馬

之饋以肥已如今之養鶴者耳然如孟子所云狗彘食人食而不知檢塗有餓莩而不知發其意當以有餓莩而不知發爲重若夫狗尙或食肉彘之所食則糠粃及糞豈人所食哉且今之鷹狗監無不予以月銀俾其敗肉飼鷹狗而分其料使鷹狗餓斃如養鶴者有之矣使放鷹犬減其料必有竊歎如養鶴者然且即減此瑣碎細費其所濟亦幾何固不如使天下有司明知不諱災必妥賑之爲救民無窮也吁讀書者明理達政而不爲章句所誤者其亦鮮矣因用孟子語故推類而言之

鷓鴣

山莊湖中多有之爾雅注曰鷓鴣頭曲如鈎食魚宋陸佃埤雅

曰鷓鴣水鳥似鷓而黑本草謂一名水老鷓

御製詩

鷓鴣 丁亥

鷓鴣食魚鳥又弗中釜鬻紫頭曲似鈎伺鱗沙水潯人以其無用亦

弗矰繳侵因惡全其生審非愛物襟持銃偶即鹿葦叢見隱深可以
試神器一發馥成禽鹿大鷗鷗小艱中去聲譬尺尋古人示其理飛衛
貫蝨心

雁 來賓較關內爲早古稱雁積雁塞雁本朔漠所產今關外秋風
初厲嘹唳滿空千百爲羣

御製詩

秋夜聞雁 辛酉

龍堆月白雁聲寒
羶屋清宵玉漏殘
憶昨題詩坐松樹
深秋見爾落沙灘
早乘霜露傳邊信
夜渡星河避彈丸
此日賢王爭扈從
不須書寄漢庭看

雁 癸亥

去歲畿南人送雁
今年塞北雁迎人
因知此地寒常早
卻比他秋景倍新
唳月有情驚客枕
衝烟無意戀霜津
衡陽故國三千里
底事勞

勞來往頻

射雁

彎弓射雁行雁落弓猶滿無能笑虞人底事高張罕

聞雁 丁卯

暖氣泛楚江肅肅雁北鄉北人謂之來南人謂之往叶塞垣寒氣早

雁赴衡陽期北人謂之往南人謂之來叶乃知往來無定論隨陽豈

解分主賓霜後嘹嘹數聲度又是一番詩意新

聞雁 己巳

旃廬清夜分候雁數聲聞霜落纔傳信塞上早霜故云沙平淺印文早來應

挈子春時雁北去至極涼處換羽育雛至秋攜之以南可羨未離羣木葉洞庭下何須怨楚

雲

聞雁 庚辰

不寐夜如何秋鴻送響多昨驚霜乍落今聽雨中過沙漠夏棲止瀟

湘冬寢訛順時奚揀擇踵事有吟哦

鷹 爾雅翼曰在北爲鷹在南爲鷂一云大爲鷹小爲鷂考爾雅以鷹爲鷂鳩又有鷂負雀注云鷂也是鷹與鷂本爲二種本草曰鷹出遼海者上北地者次之唐段成式酉陽雜俎記諸鷹出處有曰漠北白者身長且大細斑短脰生沙漠之北曰東道白者腹背俱白生盧龍和龍以北元一統志謂松州每歲貢納鷹鷂又建州土產皂鷹細鷹鷂兒所謂鷂兒者廣韻謂鷂似鷹而小能捕雀蓋亦鷹類也今塞外山中多有之

御製詩

鷹 癸亥

白露爲霜秋氣冷蒼鷹祭鳥雙眸炯錦鞬玉絡忽在臂迴思故處失林嶺饑飽由人不由己目窮碧落常懷騁鷹師養鷹識鷹性惟以飲食司其柄不使過飽力有餘繭雲一去無迴影過饑復難任擊搏追

逐雉兔弗鷲猛發蹤指使固如是爲叢毆爵尤堪省

飼鷹乙酉

飼鷹良有法饑飽貴得宜飽則遠揚去饑則力難支今之飼鷹人弗令飽令饑固無愁逸颺在臂翼已垂縱之使撮雉神心艱迅飛猛氣徒懷嗟雄技安能施以是爲得計孰勿可鷹師如臯非所論但幸隼在羈食不盡其材所以昌黎悲

雉 本草曰雉雄者文彩而尾長雌者文暗而尾短爾雅釋雉有十四種今土人但呼尾長者爲雉雞尾短者爲野雞塞外凡山谷間處處有之

御製詩

放雉行 丁亥

大蒐之便亦設羅有雉罹焉獲實多籠收車載率生致淹寒重試饜則那山莊林泉清且美取諸于彼放諸此開籠飛去任所之悠然遊

若縱壑鯉憑觀自欣縱自笑瀕死倖生雉豈料煦嫗爲仁詎所期愛物應須識其要

鷓 詩義疏曰黃鳥鷓鷯也或謂黃栗留幽州謂之黃鶯今無黃鶯之名土人但呼曰黃鷓爾雅釋鳥中凡四見曰皇黃鳥註云俗呼黃離留亦名搏黍又曰倉庚商庚註云即鷓黃也又曰鷓黃楚雀註云即倉庚也又曰倉庚鷓黃也註云其色鰲黑而黃因名皆指是鳥也

御製詩

黃鷓 癸未

候較清和一月遲山中今日嘯黃鷓此聲太古自如此寧待戴顓來聽之

雀 本草曰雀短尾小鳥也故字從小從佳佳音雉短尾也棲宿簷瓦之間故曰瓦雀俗呼老而斑者爲麻雀小而黃口者爲黃雀

御製詩

瓦雀 甲申

瓦雀信何謂其性依屋居有屋處有雀無屋雀亦無萬物具性靈易簡成中孚夢醒尙味爽啼啁窗前呼始悞宿行宮曉景非羶廬

寒雀 乙酉

寒雀身雖寒不離庭院間決起偶出牆率場啄粟還啁啾頗自得誰知紇那千

野鴨 說文曰鶩野鳧也尸子曰野鴨爲鳧家鴨爲鶩陸璣詩疏謂鳧狀如鴨而小雜白青色肥而耐寒今塞外水泊中多有之

御製詩

野鴨 乙酉

野鴨亦鳧類寒灘聊且止忽罹虞人羅淹寒佐庖旨雲鶴不入烹飛宿自由己

火雞 亦雉類宋陸佃埤雅曰鷄似雉而大黑黃色本草謂青黑色

者名鴿今塞外山中所產火雞黑身白尾紅冠赤足蓋即鴿雞之屬
御製詩

火雞 庚辰

火雞特異雉足觀不足食修尾拖紳白通身染黛黑昂藏亦頭角磷
瑞亦羽翼于野昧三嗅言家乏五德吐火幻詎真破敵術非直無須
羅網施已見雌雄得宣付上林官飼養俾孳息

雕 埤雅曰雕似鷹而大黑色俗呼皂雕本草曰皂雕即鷲也出北
地青雕出遼東

鷓 說文但以鷓爲鷓鳥陸璣詩疏以隼爲鷓埤雅曰鷹之搏噬不
能無失獨隼爲有準

鵠 廣韻曰鵠鷹屬埤雅曰鵠拳大如彈丸俯擊鳩鵠食之元一統
志曰建州土產鵠

鶴 陸璣詩疏曰鶴似鴻而大樹上作巢大如車輪本草曰似鶴而

巢樹者爲白鸛黑色曲頸者爲烏鸛

燕 羅莘路史注引張采使遼錄曰中京牛山館北去羣燕飛翔大如鳩鴿本草曰燕有兩種紫胸輕小者是樾燕有斑黑而聲大者是胡燕今熱河諸處燕至秋後不復他去輒蟄入土堤沙磧中

采耳 按宋無張采使遼事當是張浮休使遼錄脫一休字又訛浮爲

烏 元周伯琦上京途中紀事詩曰烏雅大似鷹金史曰活羅漢語慈烏也北方有之狀如大雞善啄物見牛馬橐駝脊間有瘡啄食之若飢不得食雖砂石亦食之

鵲 其一種土人稱爲山喜鵲者狀似鵲而尾長如綬毛羽可觀

鳩 鳩類甚多左氏所謂睢鳩鵲鳩皆大鳥埤雅以鵲鳩爲布穀以鵲鳩爲鳴鳩亦作鷺鳩以祝鳩爲雛亦作鴝鳩今土人多呼爲斑鳩本草曰斑鳩有有斑者有無斑者有灰色者有大者有小者其一種

喚雨者爲鷓鴣

鷓鴣 居人畜之亦有野鷓 本草曰名品雖多大要毛羽不過青白皂綠鷓斑數色

鷓 山谷草間多有之本草曰鷓與鷓兩物也形狀相似俱黑色無斑者爲鷓考爾雅釋鳥曰鷓鴣母注云鷓也又曰鷓鷓其雄鷓雌痺注云鷓屬又曰鷓子鷓鴣子鷓今土人但總稱爲鷓鷓灤平縣境內有鷓鷓溝以地多產鷓故名

白翎雀 元陶宗儀輟耕錄曰白翎雀生于烏桓朔漠之地雌雄和鳴自得其樂世皇因命伶人顧德閏製曲以名之元楊允孚灤京雜詠詩曰白翎隨馬叫晴空注云白翎草地所產是也

蒿雀 本草曰蒿雀似雀青黑色在蒿間塞外彌多食之美于諸雀山畫眉 善鳴與他處所產不甚殊獨以卵珍大僅如蓮子綠如松石亦有白色及斑褐文者土人鎔蠟實其中以爲簪珥之飾鬻於關

內

沙雞 古名鷓鴣其色淡黃形如鴿爪有毛爾雅曰鷓鴣寇雉注云

大如鴿似雌雉鼠脚無後趾岐尾爲鳥慙急羣飛出北方沙漠地亦

名突厥雀唐書突厥傳鳴鷓羣飛入塞吏曰所謂突厥雀者是也

本朝天聰七年八月鷓鴣羣集遼東國人皆曰遼東素無此鳥今蒙

古之雀來必蒙古歸順之兆明年察哈爾額哲來降今豐寧縣等處

多有之

啄木 異物志曰此鳥有大有小有褐有斑褐者是雌斑者是雄本

草曰山中一種大如鵲青黑色頭上有紅毛者爲山啄木

御製詩

山鳥 乙酉

山鳥山棲不自藏啁啾簷角復墻匡分明似話秋光舊解語何須藉

冶長

獸之屬

鹿 塞山產鹿最盛其角自兩又四又六又至八又年久則數至八
又以外蒙古謂鹿為布古今圍場中地及府屬州縣內之山多有稱
布古圖者皆以有鹿處得名每歲
行圍時獲鹿不可數計

山莊內孳息更蕃有馴鹿坡之勝

御製詩

尋鹿六韻 己卯

園內富麋鹿尋踪遵躡達步行常十里手銃那雙施

一鎗即中不須再也

大澤

深山處習勞奮武為无虞自可耳同往且卑之所育戒多取

原係園中育物

亦不多傷物命也 圖餐豈藉斯繩

先具深義樂此不為疲

尋鹿 癸未

麋毛毳且班秋氣爽屏顏挾矢堪尋麕乘標聊趁閒虞无還獲鹿朋
得並逢山寧為肥鮮計心存溫故間

待鹿 丙戌

日之夕矣鹿下來命侶羣飲溪水隈山中行久識其性靜待如何招
而徠斜陽漸下陰鋪地莎草如茵坐蒸翠一以延涼圖熱消一以暢
觀取適意徐見麕麕躑蹊走小者在前大者後牝牡作隊各分朋異
路居然彼亦有待之之意意如何物適其適皆太和重華尙矣詎能
企愛觀或類羲之鵝

遲鹿 丁亥

遲去聲鹿乘餘暇徘徊亦可欣樹翻延爽籟山出護霜雲奎踞依林
見呦伊隔嶂聞誰知思獲處詩意與平分

放鹿 戊子

或有獻鹿者檻中籠蔽棘開檻命放之山谷恣遊逐無何持銃出林

中尋踈伏牛羊何擇焉況是同爲鹿仁術在擴充變然增忸惡

鹿癸巳

靈囿無不有伊尼

梵語謂鹿

特物焉革希領子出角解異羣踈

鹿自五月解角後化

壯即別羣而處

未是供庖候因非挾矢前忘幾近左右寧獨海鷗然

山鹿 壬寅

山鹿似海鷗傍人咫尺遊秋肥學虞即遠見便林投

按園場內畜產孳息名類繁夥每年木蘭秋獮時

上親御諸武具殫獲甚多

御製有前後哨鹿賦及哨鹿獲麇殫虎射熊諸詩皆敬編入園場卷

中茲不複列

麇形似麇角似鹿而短僅一兩又塞山多有之每歲于園場中所

獲甚衆蒙古謂麇爲朱爾今園場中地及府屬境內之山多有稱朱

爾圖者皆以有麇處得名其白色者尤珍

御製詩

瑞麇詩六韻 辛未

辛未秋獮塞上蒙古台吉必力滾達賴以此來獻色純白如雪

目睛如丹砂抱朴子稱鹿壽千歲滿五百歲則色白此殆其類

今年恭遇

聖母皇太后六旬萬壽適靈獸應時而至爰命曰瑞麇而紀以詩

質稟庚辛色躡珠應壽星

天心慶花甲德產祝

慈寧豈意牲牲屬偏成駑駘形乍辭鹿食野可比鳳儀廷性自仙人

馴讀如訓見史記圖成動物靈無須稽獸譜永此驗祥經

麋與鹿相似毛作梅花斑者為麋考爾雅釋鹿曰牡麋牝麋其子

麋絕有力麋釋麋曰牡麋牝麋其子麋絕有力狄蓋一類而二種也

園場內多鹿麇而少麋迤南始有之舊說以鹿角解于仲夏麋角解

于仲冬我

皇上考驗物候以解角仲冬者係麀而非麋特為更正月令之誤

馬 史記匈奴傳曰其畜多馬新唐書奚傳曰其馬善登五代史奚

附錄曰馬趁前蹄堅善走其登山逐獸上下如飛遼史曰契丹舊俗

其富以馬今豐寧縣之西即接上都達布遜諾爾牧場故馬最蕃息

其蒙古諸部皆習于畜牧每歲

行圍進宴時陳詐馬教駢之觀牧事之盛古所未有蒙古取其渾與

牛羊酪並資飲食而掬酒尤佳元許有壬上京十詠所謂馬酒者是

也

御製詩

閱馬 辛酉

上都 即元上 鹽海 答不遜腦兒即 地寬平芻牧年年龍種生此日材

官羣扈蹕當秋田馬並銜聲雲岡萬隊鋪霞錦露草千蹄踏玉英侍

次 宅 熟 可 志 卷 九 十 五 物 產 四

從藩王咸眩目空懷少傅作歌情

閱馬 癸亥

肥壤挾川阿名駒恣寢訛魯詩空賦駟唐牧謾誇多比色猶鋪錦分
馳似捲波太平無戰伐憑眺意如何

橐駝 史記匈奴傳曰其奇畜則橐駝韋昭謂背肉似橐故云橐駝
漢書作橐駝師古謂能負橐囊而馱物也橐駝本塞外之產漢時中
土罕見故以爲奇畜宋王曾行程錄曰深谷中時見畜牧牛馬橐駝
爾雅翼謂今云駱駝蓋音之轉今蒙古謂駝爲承墨飼秣得宜最爲
蕃息

御製詩

橐駝 癸酉

種繁艸善多封牛食少任重其性柔畜中良產內地鮮謬稱馬狀羊
爲頭塞程橐載無過此色有蒼白或黃紫而今市販亦知用鈴聲替

戾行連尾圖鳴嗜柳俗云駱駝嗜柳蒙古嗜酒不肯前長繩穿鼻騎以牽征囊百

務一身具蹄胝背腫誰則憐鵝頸低昂過積川圖展塞景胡瓌傳避

風跑泉語乃誕漢書西域傳燉煌往外國流沙千餘里無水有伏流駝遇其處以足跑地掘之常得水又青海北夏有

熱風傷行旅風將至駝先以鼻口匿沙中人見之則少見多怪理實

然

詠駝 癸未

駝有懶乳者忽復厭其駒蹠齧不肯哺弱難飼以芻菴待凍斃行

將棄諸塗惟彼特墨赤蒙古謂駝為特墨特墨赤牧駝者也識性計有餘胡笳奏其旁

哀腔鳴鳴感駝心生憐乳駒乃如初藁鹽旋長成致遠收良圖口

詢非耳聞此事信非誣嗚呼駝獨非獸乎凱風之母獸不如

青羊 宋王曾行程錄曰契丹多青羊格物論曰羊有青者南人所

罕見今塞上多有之善走屢屢間為山羊之一種

御製詩

次定熱可志 卷九十五 物產四

青羊 庚辰

青羊善緣壁四蹄利如鑷躑躅巉岼間虎狼不能躡一朝失所據生捕被虞獵神心豈跳踉喙息惟伏帖何必貪肥膾爰命育蹇茶誰辨梓樹化謾擬成都接隨園霍集斯驚觀笑鞮頰

飛狐 銳頭缺口耳小尾長毛深褐色肉翅連四足其前足三爪後足五爪

聖祖御製康熙幾暇格物編 四集

飛狐產於口外密樹林中形似狐肉翅連四足及尾能飛但能下而不能上續博物志云飛狐亦名飛生今山陝有飛狐嶺飛狐口當時必以物產得名而名勝志曰有狐食五粒松子遂成飛仙其說荒誕皆因未知天下有所謂飛狐也

飛鼠 首及尾皆似鼠翅與飛狐同

聖祖御製康熙幾暇格物編 四集

口外又有飛鼠與飛狐相類特頭尾似鼠形體小于狐荀子所謂鼯鼠五技而窮也

虎

元史稱松州知州布薩圖格

舊作僕散禿哥今改正

前後射虎以萬計以

是知口外產虎自昔爲衆今塞山多有之蒙古謂虎爲巴爾圍場地及府屬境內之山多有稱巴爾圖者皆以有虎處得名每歲遇

駐蹕山莊常

命虎鎗人殺虎至

行圍時

親御虎神鎗殲虎及射獲者爲數尤不可勝舉

豹 唐書地理志曰營州土貢豹尾今塞山多有之以金錢文者爲貴艾葉文者次之宋沈括夢溪筆談曰豹東胡呼失刺孫今舍利孫與豹本爲二類沈氏殆因舍利孫一名土豹而訛耳

熊 唐段成式酉陽雜俎曰猪熊其形似猪馬熊其形似馬今塞山

多有之小者爲狗熊其一種大者爲人熊本草謂即羆絕有力而不常見

狼 宋陸佃埤雅曰狼大如狗青色善逐獸今大塞山多有之蒙古

謂狼爲綽諾府屬境內之山多有稱綽諾圖者皆以有狼處得名

麋 形似鹿而無角說文以麋爲麋崔豹古今注亦謂麋一名麋爾

雅釋麋所謂牡麋牝麋其子麋絕有力犴者是也今塞山有之

麝 唐書地理志曰營州檀州俱土貢麝香五代史奚附錄曰奚常

採北山麝香今塞山有之爾雅注所謂脚似麝有香者是也

野馬 後漢書鮮卑傳曰禽獸異于中國者有野馬考爾雅釋畜有

野馬注云如馬而小出塞外又有騊駼注云狀如馬色青疏引字林

云北狄良馬也一曰野馬是野馬即爲騊駼史記匈奴傳所謂奇畜

則騊駼郭璞騊駼贊所謂騊駼野駿產自北域者是也又匈奴傳有

騊駼徐廣謂巨虛之屬索隱引說文云野馬屬考逸周書王會解曰

孤竹巨虛孔晁注云巨虛驢羸屬然塞外不產驢羸所謂驛驂與巨虛蓋皆野馬之類

野羸 崔豹古今注曰驢牡馬牝生羸考塞外無驢故無畜羸惟野羸則有之產沙磧中蒙古語謂耳爲齊克特野羸耳長故以名之驢 塞外向不產驢今迤南之地亦有之蒙古部落惟喀喇沁有驢以承平日久復與內地連界故有其種

按史記稱匈奴奇畜則驢羸又載單于與漢戰不利乘六羸馳去古之匈奴即今之蒙古也恭讀

御批通鑑輯覽單于乘六羸條及

御製野羸詩以驢父馬母而生羸驢非塞產故塞外無羸若野羸雖沙漠所有然野獸不可乘洵足以正前史相傳之謬

牛 史記匈奴傳曰其畜多牛明葉向高四裔考曰烏梁海產青牛黃牛明一統志於三衛土產下亦列青牛黃牛考明寶錄載朵顏三

衛求入關市牛者不一蓋其時多以剽掠爲業牧產不蕃也今則塞外多畜之耕犍乳特產類繁息蒙古資其漚酪用充飲食爲酥餅尤可行遠又金史地理志謂大定府產酥乳餅元一統志謂大寧路武平縣川州土產酥乳酪蓋塞外所製尤勝內地也

野牛 後漢書鮮卑傳曰有角端牛以角爲弓俗謂之角端弓史記司馬相如傳作角端郭璞謂角端似貊角在鼻上堪作弓李陵嘗以此弓十張遺蘇武旣云角可作弓自當爲常見之獸而又稱角在鼻上殊未可信至宋書符瑞志謂角端日行萬八千里元史謂元太祖至東印度有一角獸形如鹿而馬尾其色綠作人言耶律楚材曰其名角端能四方語者此係神獸不常見後漢書鮮卑所產之角端乃野牛之類

羊 史記匈奴傳曰其畜多羊新唐書奚傳曰其羊黑五代史奚附錄曰地多黑羊宋洪皓松漠紀聞曰羊生達靺者大如驢尾巨而厚

類扇自脊至尾或重五觔或營脂以爲假熊白唐楊煜膳夫經手錄曰羊之大者不過五十觔奚中所產者百餘觔元許有壬上京十詠有秋羊詩曰塞上寒風起庖人急尙供戎鹽春玉碎肥豎壓花重肉淨臙脂透膏凝琥珀濃年年神御殿頒餽每霑儂今塞外多畜之秋冬風戾其肉謂之風羊內地以爲珍味其乳亦與牛酪同元楊允孚灤京雜詠詩所謂不須白粲備晨炊乳酪羊酥塞北奇者是也

山羊·塞山多有之鹿身細毛兩角盤背上有蹙紋後漢書鮮卑傳有原羊考爾雅釋獸曰羴如羊注云羴羊似吳羊而大角埤雅曰羴羊狀若騾而羣行暑天塵露在其角生草戴行代郡賦所謂羴羊養草以盤旋是也本草謂山羊有二種一種大角盤旋肉至百觔所謂盤羊者殆即羴羊也又一種毛作深黃色者爲黃羊亦係野產元許有壬上京十詠有黃羊詩曰草美秋先膾沙平夜不藏解條文豹健鬪炙宰夫忙元楊允孚灤京雜詠詩曰北陲異品是黃羊注云黃羊

北方所產者是也蒙古謂山羊爲伊瑪今圍場中地及府屬境內之山多有稱伊瑪圖者皆以有山羊處得名

野豬 塞山多有之宋王曾行程錄曰契丹多黃豕蓋亦野豕之類蒙古謂豬爲噶海今圍場中地及府屬境內之山多有稱噶海圖者皆以有野豬處得名

獾 塞外多有之爾雅謂之貍注曰豚也一名獾字林曰似豕而肥今土人呼爲豬獾其小者爲狗獾

獺 宋陸佃埤雅曰似狐而小青黑色是物本有山獺水獺二種今塞外所產者大抵皆山獺之類土人呼爲旱獺

田犬 善捕野獸塞外多畜之元周伯琦上京途中紀事詩所謂獵犬高於鹿者是也

兔 山谷間處處有之有褐及白黑數色蒙古謂兔爲洮賴府屬境內之山多有稱洮賴圖者皆以有兔處得名

狐 種類不一毛長而黃者曰草狐短而齧者曰沙狐並出蒙古其皮皆可以裘蒙古謂狐爲烏納格府屬境內之山多有稱烏納格圖者皆以有狐處得名

鼯 與貂同爾雅翼謂貂本鼠屬故字亦作鼯東觀漢記曰建武二十五年烏桓獻貂豹皮詣闕朝貢金史地理志曰大定府產鼯鼠
鼯 後漢書鮮卑傳曰有貂鼯鼯子皮毛柔蟻天下以爲名裘章懷太子注曰鼯音女滑反鼯音胡昆反鼯並鼠屬鼯猴屬也許慎說文解字曰鼯鼠出丁零胡皮可作裘又曰鼯鼠屬善旋陸德明經典釋文又稱鼯一作鼯考爾雅釋獸鼯無前足注謂似狗豹文有角兩足疏引呂忱字林謂獸無前足似虎而黑者名鼯則是異之名非可以爲裘者寇宗奭等本草衍義又以海狗當之然所云前脚似獸尾即魚身者亦與皮毛柔蟻之說不合考晉書稱夫餘國出善馬貂鼯唐書稱黠夏斯服貴貂鼯陳器藏本草稱骨鼯獸出西方突厥國似

狐而大長尾綜核諸說似獬爲今之舍利孫而鼪子蓋今灰鼠之類也至唐書地理志稱營州土貢骨_骨而咄一作骨而不詳其何物或疑其卽爲骨獬然唐書於黠夏斯傳既有貂獬而又稱其獸有野馬骨咄知必非一物松漠紀聞載契丹重骨咄犀紋如象牙黃色知骨咄乃野牛之名與納故迴異矣

黃鼠 許有壬上京十詠有黃鼠詩楊允孚灤京雜詠詩註曰黃鼠灤京奇品劉績霏雪錄謂北方黃鼠穴處各有配匹秋時蓄黍菽及草木之實以禦冬各爲小窖別而貯之天氣晴和時出坐穴口見人則供前腋如揖狀卽竄入穴味極肥美元朝恒爲玉食之獻置官守其處人不得擅取也黃鼠之名古來所稱互異宋刁約使契丹爲北語詩曰密賜十貔狸注云形如鼠而大穴居食穀梁嗜肉北朝以爲珍膳味如豚肉而脆宋周密齊東野語引澠水燕談謂契丹國產大鼠曰毗狸形類鼠而足短極肥其國以爲殊味穴地取之以供國王

之膳自公相以下皆不得嘗常以羊乳飼之頃北使嘗攜至京烹以進御本朝使其國者亦皆得食蓋極珍重之此物亦竹榴獾狸之類又宋張浮休使遼錄曰有令邦者以其肉一臠置之食物之鼎則立糜爛是以愛重考宋張舜氏畫墁錄曰南使至北帳前見畢密賜羊羴十枚毘黎邦十頭毘黎邦大鼠也據此則獬豸也令邦也毘黎邦也實是一物譯語有緩急輕重耳明李時珍本草綱目乃稱黃鼠古之謂鼯鼠遼人呼爲獬豸亦名令邦皮可爲裘領然諸書所載黃鼠俱無別名鼯子之說亦無皮可爲裘之事時珍蓋臆說也

欽定熱河志卷九十五

欽定熱河志卷九十六

物產五

蟲之屬

蟬 爾雅釋蠋有七種皆蟬之屬揚雄方言列諸蟬多至二十餘名蓋是物本隨地而異今關外之蟬不入關內其出聲較內地稍遲而音特清壯蒙古謂蟬為綽爾齊

御製詩

塞蟬

較內地者大而聲壯蒙古名之曰綽爾齊綽爾齊者胡笳也

甲戌

塞榆兩霽流繁響靜聽啁噉亦自嘉蒙古不知虛體物指聲直謂是胡笳

塞蟬 辛巳

綽爾齊爭噪霽川

關外蟬不入關內其音較內地宏而直蒙古謂之綽爾齊綽爾齊者胡笳奏曲人謂其聲似故名之

天然南北限雄邊中庭地白傳陳語日和明君撥四絃

聞蟬 癸未

氣候北來遲一月塞林今日見聞蟬舉頭密葉尋不見但見流陰旋

去聲旋遷

聞蟬 乙未

萬物憑生各趨時率因暄寒為早遲山莊今日始聞蟬南北氣候殊
若斯詎惟氣候殊聲音亦異其北蟬聲粗雄且野南蟬聲細清以淒
大抵氣稟分人性而衆生類咸隨之蒙古遂謂綽爾齊關內蟬聲較
蒙古謂之綽爾齊綽爾齊者胡笳曲項蘆管和去聲以吹有時頗叶韻
奏曲人也以蟬聲相似故名之高低然而彼此兩不知豈非幕天席地中若人若物同蒙大造同熙
怡小哉俞琰席上腐談獨舉昭君笑其渾不似而又訛為火不思

詠蟬 丙申

塞外蟬聲殊塞內元音太古綽爾平聲齊呼塞外蟬聲與內地稍異蒙古
報秋律合商兮羽飲露韻諧高與低松下花間常入聽排衙喝道漫

嘲題山中鼓吹流清響意謂斯猶勝孔圭

聞蟬 辛未

御園五月蜩

昨于御園有聞蜩詩

山莊六月蟬一二本難辨實有先後焉解一南

者亮以清北者宏而壯物異人豈同強固因殊狀

解二蒙古無巧語直

呼綽爾齊

蒙古呼蟬為綽爾齊綽爾齊者胡笳奏曲人也以蟬聲宏壯似之胡以為名云

聲頗中宮商而蟬

豈自知

解三時至彼自鳴夫豈有不平意謂昌黎序畧失之琢情解四山

中嫌寂歷流響出林翦設以鼓吹方謂當勝彼孔解五粗韻為金石細

韻為絲絃聆餘鞞然笑恐人號官蟬解六官蟬塞外聞此事亦希有芑

蒙鄙彼癡怵惕厲予守

解七

聞蟬 壬寅

秋蟬關內夥關外曾未聞山莊所有者綽爾齊之倫

塞外之蟬其聲宏壯與口內清

亮者有問蒙古呼為綽爾齊蓋謂胡笳奏曲音也

今朝忽聞蟬其聲迴不羣既亮淒以清訝

聽如遏雲風高颺愈遠露重飲益神比似御園噪

圓明園秋蟬甚多反覺聒耳茲數年

皆于山莊度秋今茲偶聞之為之心耳俱爽塞上 關久喜聆新綽爾齊收聲如慚下里紛吾昔

詠氣候謂自南北遷叶以今始聞蟬誠有如所云堯夫雖怪語氣候

自北而南向嘗為氣候詩云都大廿年中暖必以漸遷又云邵子天

津橋怪語非正詮或者人烟輳以致默轉旋今以所聞蟬音證之益

信至邵子天津橋之語雖非正論要可存為鑒戒云率應戒為君

蟋蟀 崔豹古今注曰蟋蟀一名吟蛩一名蛩秋初生得寒則鳴爾

雅注曰蟋蟀今促織也蓋蟋蟀與絡緯皆有促織之名而其類各別

御製詩 月夜聞蛩 甲戌

漾舟逗星渚淒吟發露坡塞夕已颯沓寒月猶婆娑歐陽賦未就是
聲來則那嫠婦怨別離孤客悲蹉跎于我何有焉也覺秋懷多

聞蛩 癸未

漾舟廣寒宇取適非取疾沿傍葦岸間數聲颺唧唧吁嗟胡為來觸
景增蕭瑟韻芳每遲候商調斯縮律塞外之恒情山莊詎能尼獨喜

暑意遙何妨秋信出

絡緯 即莎雞也爾雅曰翰天雞注云小蟲黑身赤頭一名莎雞陸璣詩疏曰莎雞如蝗而斑色其翅正赤六月中飛而振羽索索作聲崔豹古今注曰莎雞一名促織一名絡緯促織謂鳴聲如急織絡緯謂鳴聲如紡績也一名紡績今塞外有一種形小而色綠與常產特異

御製詩

興安絡緯至小而色綠率筆圖之兼題以句 丁卯

依稀果羸負螟蛉塞草霏黃尙作青可惜徐黃曾未覩爲傳蠕動補蟲經

莎坂蒼烟動股鳴雲閒天淡磧垣清若教賦質淪關裏答響流黃更覺情

跂跂脈脈露華枝欲上寒英意轉遲大小畧殊牟益畫

牟益畫續入石渠寶

次定熱可志

卷九十六

物產五

三

笈中神品也 風流渾脫惠連詩

何必花棚草舍尋一番畫取更長吟閒聽靜想評形似穉室清宵冷
遍衾

絡緯已已

塞上秋蟲夥紛鳴抱露榛那曾催嬾婦卻解動征人風物渾如昔烟
花且自新剡藤親貌取

前歲塞上曾圖之
以歸並成詩四首

俛仰便成陳

榛蠹 周禮蠹氏及月令螻蠹鳴注皆以蠹爲蛙唐韻亦以蠹爲蛙
之別名玉篇集韻蠹字皆以蝦蟇爲訓惟廣雅有蝻蠹馬蠹也然馬
蠹乃蟬屬今塞外所產榛蠹則係絡緯蟋蟀之類善以翼鳴土人呼
爲叫蠹蠹盛以小籠置之暖室經冬猶有作聲者

御製詩

榛蠹 甲戌

啾啾榛蠹抱烟鳴互野黃雲入望平雅似長安銅雀噪一般農候報

西成

蛙生水族蠃生陸振羽秋叢解促寒蠃氏去雷因錯注至今名象混

秋官

按蠃蠃乃絡緯蟋蟀之類周禮蠃氏去雷因錯注至今名象混注謂蠃今御所食蛙夫蛙乃蝦蟇不可食脂亦其類俗名田雞

尚可食至蠃蠃則斷無可食之理不精者而錯注以訛傳訛蓋不少矣

蝶 古今注曰峽蝶一名野蛾一名風蝶有大如蝙蝠者或黑色或

青斑今熱河所產有黑花蝶大四五寸許

蜂 爾雅有土蠶木蠶之別疏謂土蠶又名馬蠶今塞外馬蜂視常

蜂較大亦有蜜蜂元史興州有採蜜提舉司元一統志曰大寧路龍

山縣惠州土產蜜及蠟

螢 塞外流螢極大光可燭三尺許

蜥蜴 塞外山中蜥蜴長四寸許頭以下色如翡翠有紋如魚鱗尾

作金色吐氣為雲土人稱為雲虎

魚之屬

箬漢薛 塞外諸溪澗中皆有之狀似鱸細鱗重唇身有黑斑伊遜河所產尤多

御製詩

箬漢薛 乙亥

魚名出口外諸溪澗中狀似鱸而味鮮美過之國語謂之箬漢薛蒙古謂之集伯格然尙不如吉林之赭鱸也偶爾成詠以備方言

九曲伊遜聲平水有依莘尾魚細鱗秋撥刺巨口渡吹噓陰益食單美輕噉戲譜疎還應問張翰所憶定何如

鯉 灤河有之味較內地者肥美

鯽 灤河及瀑河皆有之鯽鯽以灤州偏涼汀所產者爲佳此爲灤水上流熱河東南灤水中舊有鯽魚坑水深魚肥

鮎 塞外溪河有之有斑無鱗

柘綠魚 色微綠產灤河中

滑子魚 長五寸許形狹而脩產平泉州山溪中

蟲魚 一名尖口魚大盈尺許銳口細鱗產平泉州冰窖山溪中居

民于二三月網取之鬻于市

按遼史多載釣魚土河今土河所產蓋鮮古今地氣異也惟據

今所有者載之如右至于

行宮湖中則鱗族最繁有石磯觀魚及知魚磯犛魚亭諸勝

御製捕魚網魚詩均

駐蹕山莊時所作往往取諸外湖以實內湖故鱖鯢鰻鯉品類充牣

焉

御製詩

灤河捕魚 辛酉

野灘片片起駕鷺盪槳中流樂意多髣髴江鄉三月景西風紅葉小

灤河

灤河水自上都流順水行如風送舟最是關全得意筆蒼山野渡正
初秋

觀魚

伊松河水秋日澄伊松河岸秋風清岸側停鞭聊復憩但見波光日
影爭晶明漁人弄網中流迎駕鷺雁鴨驚飛鳴我聞任公獨垂釣不
釣鯤鮪釣長鯨湯網祝禽未祝魚涓濱無乃存空名不如乘興觀漁
樂興盡輒遊無留停涼颺獵獵催歸轡鳶魚飛躍隨其情

釣魚 癸亥

一川金紫明斜照清溪翠壁天然妙竿絲偶弄作熊羆瀼瀼游鱗俯
可眺今來古往釣魚人不知卻被魚兒釣

敖漢釣魚

一水帶龍岡三秋理釣航蒹葭颭寒渚鷗鷺貌江鄉樂事漁同獵嘉

魚鱣共鱉便途資衆釣莫漫比如棠

玉鏡澄秋浦林巒入照佳不綱仁未逮結網念常懷獻獲甘誰後頒
恩與衆偕鳴榔歌快豫齊泊白雲涯

把釣 乙丑

秋湖魚鮮餌把釣意如何愛此空明景如聞款乃歌

釣魚 己巳

跋石弄竿綫蓼波漾烟翠豈乏釜鷺烹爲愛滄浪意

垂釣 辛未

富春以釣隱磻溪以釣顯亦各適其適何繫竿與綫 叶 跋石臨澄渚
秋水冷然善垂絲致喁暝豈爲烹鷺鷥隱顯非我爲潛躍任彼轉渺
彌眇烟波興正復不淺

捕魚 甲戌

隄分內外湖置牓期節制內湖育鱗族蒸然繁其類漏卮或傍出潛

躍乃于外侵尋落野潦釜烹同浪棄乘閒命罟師濺濺臨流試鯉鯉
其品美生放內湖既鯉鮎其品惡逮衆盡分賜縱之斯未能挈入原
有自忽憶文王囿卻笑此何謂

釣魚戲三首 癸未

魚磯芳餌滿堆盤歷夏何曾試綫竿卻恐孤他勤伺候垂鉤聊試對
秋灘

水冷秋湖魚懶曝片時空坐蓼花濱中涓竊議非時矣知爾誠爲善
釣人

釣意由來非釣魚水天空闊則如如紫溪翁與烟波叟無事希他偶
似諸

捕魚

或曰捕魚可致雨無聊極思試爲取金鉤甘餌已非時遊梁發笱徒
延佇塞湖空闊潛族多中流濺濺施網罟小船深處提大綱兩岸拽

行衆邪許徐牽密攏近淺涯發發鱗類無潛所鯉鱣鱸鮪不一足強
上聲立泥中其意苦觀之盛哉思之憐揀存一二悉放去吾意在雨不
在魚網師竊惜空力努水寒可一不可再薄行賞賜足酬汝

釣魚戲題

甲申

野水蒼烟曲岸濱持竿意不在求鱗了知跼餽勞勞者人匪釣魚
釣人

捕魚

乙酉

內河不捕魚爲是肫然養外河每捕魚爲恐悠然往亦弗事甞寒仍
向內河放叶好生雖得一公物乃失兩陡憶文王囿棄畧惡以憫

網魚

丙戌

網魚塞湖中濡鯽向稱美施罟獲藉藉從去聲人意甚喜擇碩留四五
餘仍放諸水于取戒其多況原斯湖裏長大供烹鬻其期亦可指從
人或後言竊漁誰禁彼肩輿過隔岸吾亦取諸此逆詐雖不爲其實

有此理

捕魚戲言 丁亥

內湖不捕魚外湖常捕魚捕魚獲外湖放魚于內湖內湖鱗類孳外湖人烹諸人以示好生亦因觀水虞然魚豈得知業已殭泥塗救五于彼什蓋非彼所娛更有人竊笑盜取誰禁吾

打魚 壬辰

數年打魚曾未爲茲當長夏偶爲之打魚非緣烹飪計打魚仍圖會育滋園中水自有高下建閘斯分內外也內則常牧園湖中外則一去無留者外湖濺濺茲施罟欲以打魚置內湖大綱兩岸擲掬掣近磯羣力邪許呼鯉鯉鱸隨所取水盆滿置噉喙口波濤永失事則無底用長歌歎杜叟悠然而逝親見斯子產之欺誰能施取之外廐置中廐苟息之策誠非漏

金石之屬

魚兒石 產朝陽縣西北山中石不甚堅層層可剝各有魚形隨剝隨異無相同者纖悉如畫土人名曰魚兒石

聖祖御製康熙幾暇格物編 四集

喀爾沁地方有青白色石開發一片輒有魚形如塗雌黃或三或四鱗鰭首尾形體俱備各長數寸與今所謂馬口魚者無異揚鱗振鬣猶作鼓浪游泳狀朕命工琢磨以裝硯匣配以松花江石誠几案間一雅玩也嘗讀水經注及酉陽雜俎言衡陽有石魚山石具魚體宛若刻畫又池北偶談述汧陽縣有石魚溝取石破之兩兩成魚可以辟蠹故宋人石魚詩曰相傳此石能辟蠹功在琅函並玉儲然未有如斯之纖悉克肖者也其與石俱生耶抑魚之化如零陵之燕海南之蟹耶物理之不可全窮又如此

御製詩

魚石屏歌 有序 甲戌

物產五

向見酉陽雜俎載衡陽湘鄉縣有石魚山山石色黑理若生雌黃開發一重輒有魚形鱗鬣首尾若畫長數寸燒之作魚腥又重慶江心有雙魚刻石上每一魚三十六鱗見則歲豐云云夫石上刻魚世或恒見至開石自具魚形則非人力所能爲疑爲烏有誕論而已今過土默特部落路南有所謂撒哈河灘者土人種田掘地得石剖之有魚形復剖之則復見大寸許小數分許銜尾比目若游泳然乃知古人所載必有其徵誕在此實即在此製以爲屏不異王振鵬魚藻圖也

造物有無宗元疑石中魚形誰所爲雕琢不到繪難揮又匪其中置鯤鯨擘開紋理紛鏤奇髻甲刻畫喚喙姿永免麗留及粘微漫應漑釜膾銀絲琴高仙駕或其遺不然善眩如條枝殖瓜種樹幻術施冠鳧秋化石不移元王沈璧洛水涯化玉未聞仍孕其湘鄉奇蹤向謂虛_叶事必有偶今始如詭談詫蹟序若斯折中理氣繫予思是地昔

必潦水滋水退魚存僵淤泥歲久土變石理宜試看易剖片片披宛
然藻潛還浪吹寓形得所壽可期磨而不磷涅不淄製屏堪陳荀席
垂兆維豐年念在茲

前題再詠

久竹青寧化難窮萬物情卻看文石裏不異碧波清寫影矜鱗活知
春出浪輕誰能緝餌釣底慮釜鬻烹幻體何妨脫真形永寄貞謂言
在藻類可以認三生

鉛 平泉州境內之雅圖溝楊樹溝波羅樹等處產之康熙五十一年許內地民人及蒙古開採令每歲納鉛入錢局以爲課雍正元年悉令封閉

炭 宋王曾行程錄曰深谷中多以燒炭爲業元一統志大寧路和衆縣土產木炭蓋塞外多樹故爲炭較易今所產視內地特佳

鹽 元戴侗六書故謂鹽爲鹵之凝著者今建昌縣之南即明史大

寧衛東南之大鹽場地

鹽 塞外食鹽皆蒙古境內所產泡子河生天然鹽不待煎熬而成
蒙古用小車載以貿易博物志所謂戎鹽累卵者是也

按遼史地理志載太祖于澤州採鍊陷河銀冶又宋王曾行程
錄曰柳河館旁西北有鐵冶多渤海人所居就河漉沙石鍊得

成鐵又元史食貨志載產金產銀產銅之所遼陽省曰大寧又
產硃砂水銀之所遼陽省曰北京

即大寧也元初仍金名曰北京至元七年改爲大寧路

又載金在遼陽者至元十年聽李德仁于龍山縣湖碧峪淘採
每歲納課金三兩銀在遼陽者延祐四年惠州銀洞三十六眼
立提舉司辦銀課鐵在檀景等處者太宗丙申年始于北京撥
戶煽焉中統二年立提舉司又元史仁宗紀延祐二年四月諭
晉王以先朝所賜惠州銀礦洞歸還有司七月復賜晉王惠州
銀礦洞又元史史天祥傳復利州殺劉祿於銀冶又元一統志

興中州有鐵冶在州西北九十里蓼子峪利州有鐵冶在州東南二百八十里牛口峪惠州有鐵冶二所一在州西北二百三十里寺子峪名灤陽冶一在州東北六十里松棚峪名寶津冶皆辦官課龍山縣有瑪瑙場在縣東北五十里興中州有瑪瑙場在州東八十里鳳凰巖下皆每歲貢又明一統志載三衛產瑪瑙諸產並在承德府屬即舊熱河七廳境內今則禾麥盈疇鋪莖錯繡各場治久經封閉其鉛礦暫行開採亦即停止

聖朝首重農事不貴異物即此可見故附識于此

器服之屬

鹿角器 每歲

行圍獲鹿甚多截其角材中諸器

御製詩

詠鹿角筆架 戊寅

茸長八叉老蛻然去不留無從別麋麇又幾閱春秋形欲成芝朶堅
將變石頭雅宜供架筆毛穎本同游

命製鹿角椅並題以句 壬午

獵獲八叉角長工製椅能由來無棄物可以備時乘詎是仙都遺去聲

從思

家法承盛京貯有太宗時鹿角椅山莊有聖祖時鹿角椅今命製此亦肯構之意也夔夔戒倚側棣棣

慎居興休剗形猶曲豐尖柔足徵底須七寶飾樸素審堪稱

恭詠

皇祖鹿角椅 癸未

大彌年年

幸塞沙詰戎深意襲荒遐虞人惟許獻三殺匠氏因教製八叉既樸
而淳供憩息匪雕以飾戒奇袤昭哉白水欽

前跡鄙矣青氊詔舊家

詠鹿角椅 乙酉

雙撐玉戟牙一具絳河槎解割氣猶煦吐茸期未賒考工漏匠氏樸
製創朝家小坐輒成什亦無慚八叉

恭詠

皇祖鹿角椅 癸巳

製椅猶看雙角全烏號命中想

當年

神威詎止羣藩讐

聖構應謀萬載綿不敢坐分惟敬仰既知樸矣願捐妍

盛京惟遠興州近

盛京有成兩詣瞻觀會一再恭詠茲椅為鹿角椅癸亥甲

每歲駐山莊常得觀仰
家法欽承益增景慕

家法欽承一例然

樺楸木器 以樺楸木及雜樹根為之製作工巧全以雜色參錯為

文如褥繡然自几案至盤匱無所不有熱河市中多鬻之

聖祖御製詩

用椽木杯器四集

素輕珠玉器專製及時杯錯節分花影盤根別利才茂林成木癭深
斧染莓苔澹泊明吾志天然見體裁

皮茵褥 以馬皮爲之其毛色淺深相間文茵方褥俱燦然可觀熱
河市中多鬻之

山紬 產建昌縣每年內地民攜蠶種出塞養之收絲織紬其養蠶
時以構櫛葉爲餉故名曰構櫛繭宋曾公亮武經總要載塞外養蠶
之法有與內地不同者曰收種春蠶用秋種貯以簞箔勿受風燥曰
溫種冬至後以針線穿蠶種至煖室就溫勿傷蛹子曰拾蛾清明蛾
出必以申酉戌三時分雌雄各置一筐曰摘對配蛾次日以指捻雌
蛾腹謂之把蛾以紙罨筐貯其內置涼室中邊地春寒恐葉未發而

先出子也曰斫芽插墩穀雨後出子斫構穰枝向陽嫩芽連枝葉三尺餘擇流水河邊無土沙灘不見水處掘寬二寸許深如之插芽勿使露水少提之令活曰坐墩日出後將蛾盆去蓋入墩中使與枝近曰上障四五日蠶一眠起帶葉剪取移置障上曰守場山中長構穰處爲蠶場恐蟻傷蠶置柵守護曰摘繭蠶出六十餘日成繭著葉處謂之蒂去之傷絲包者各絡繭外亦謂之衫留以織始有紋曰收繭擇春蠶爲秋種置涼室曰選場蠶場宜凹下樹宜低小取其葉輒蠶場宜向陽塞外早寒非日暄不能成繭也尤忌高山山高則多霧霧則蠶病多風風厲每不成繭曰打鋪秋蠶出時天漸寒蠶上枝時縛置草鋪使其隨而復上曰抽繭繭成以手撚線織爲紬名山紬

按塞外器用之屬見于前史者後漢書烏桓傳謂男子能作弓矢鞍勒鍛金鐵爲兵器金史地理志載大定府產螺盃菜莢梳玳瑁鞍元一統志利州有細盜窩一所在州西南棠葉務有麤

盜窰一所在州東南感化莊興中州有白盜窰一所在州北二十里笠子塌松州西二十里有盜窰西北有甌瓦窰又興中州建州土產紙是也塞北服用之屬見于前史者後漢書烏桓傳謂婦人能刺韋作文繡織氎氎北史契丹傳以青氎爲上服元一統志大寧路龍山寧利州興中州建州皆土產絲紬和衆龍山二縣利州惠州皆土產布是也諸產並在熱河府州縣境內今民間日用所需或商賈貿遷或土人造作非有特著之產故不復專列至于宋曾公亮武經總要謂幣帛多書白川州稅戶所輸金史載北京歲貢緞疋今則歲課亦但輸額賦而已

欽定熱河志卷九十七

古蹟一

志乘紀古蹟所以網羅放失蒐輯舊聞尙矣熱河廣袤二千里城邑遷改碑碣流傳所在多有至於大寧城爲遼金之陪京興中城爲慕容之故都地靈攸萃厥跡斯彰今博考正史旁引傳記證以碑碣志古蹟二十一其有史冊所載按其方位宜在境內而今無考者亦不敢略若夫流俗相傳誇誕失實者無取焉

承德府

即熱河廳

五指山寨 在承德府東南四十里五指山元史史天祥傳進攻北京傍近諸寨五指山楊昭努舊作楊趙獨固守不下蓋金末建寨於此今無存

大輪禪師塔 在五指山有元至元二十四年碑大都大奉福禪寺傳法住持嗣祖沙門居實撰文稱大輪爲鳩巢法師弟子至元七年

以丞相安圖舊作安童今改正疏請住持靈峰禪寺十二年八月示微疾而

化收舍利本山祖塋塔葬之碑額曰興州宜興縣五指山大靈峰禪

寺大輪禪師碑銘知其地在元為宜興縣境

灤平縣即喀喇河屯廳

御製詩

興州覽古言懷丙戌

興州於古為遐荒長城築守防秦亡遼金元漸開版章惜哉宅中未
久長縱有墨客怯寒涼掛一漏百名空償建置今亦不可詳大清一
統撫萬方

皇祖於斯闢山莊山川增色田野穰

垂法示後深意藏文臣扈蹕翰墨香馬遷青雲譬不妨雖然所重在

覲揚紹庭善繼百世昌

興州故城 在灤平縣金承安五年置興州治興化縣屬北京路元

仍爲興州治興安縣中統三年改屬上都路以元時興州之西北尙有宜興州故俗稱此爲大興州明洪武二年常遇春進攻大興州自新開嶺進下開平三年以興州屬北平府四年改置興州左右中前後五衛永樂初移衛入內地而故城遂廢今灤平縣西南里許基址尙存

謹按興州故城

即喀喇河屯廳

在今灤平縣明一統志謂在雲州堡東

五百五十里方輿紀要謂在開平衛

開平衛故城在今多倫諾爾廳西北境東二

百里皆影響附會之詞不足據也

宜興故城 在灤平縣西北七十五里金初爲興化縣之白檀鎮泰和三年置宜興縣屬興州元初因之致和元年升爲宜興州以舊有興州故俗稱此爲小興州明初改置宜興守禦千戶所永樂初廢今土人猶稱其地爲興州有舍利塔拉川流經其地亦稱爲興州河迤南三里爲小城子蓋宜興故城址也

謹按元時宜興州界西抵豐寧縣之五黃旗東抵承德府之五指山而小城子適當其中知即為宜興故治明一統志謂在雲州堡東四百五十里方輿紀要謂在興州西曹家寨口外三十里五里為青河嶺又北五十四里即小興州皆不足據

太師太平王德勝碑 在宜興故城北元天曆時宜興州官吏所建

頌太師右丞燕特穆爾舊作燕鐵木兒今改正之功碑文漫漶不詳撰人姓名

新館 在灤平縣境內遼置王曾行程錄自古北口度德勝嶺八十

里新館今無考

臥如來館 在灤平縣境內遼置王曾行程錄自新館過雕窠嶺偏

槍嶺四十里至臥如來館蓋山中有臥佛像今無考

豐寧縣即四旗廳

安州故城 在豐寧縣境內北魏皇興二年置安州與廣陽郡同治

燕樂縣水經注濡水又東而南索頭水注之水逕廣陽僑郡西今安

州治又南流注於濡水考今之伊遜河即索頭水土子東一百二十里有廢城址周四里土人稱爲波羅河屯亦曰黃姑屯伊遜河正逕其西當即故安州城也

高峰戍 在豐寧縣大閣兒西南四十里湯山水經注沽水又東南右合高峰水水出高峰戍東南城在山上考今之白河即沽水今之湯河即高峰水湯河出湯山下知湯山爲魏高峰戍今無存

西密雲戍 在豐寧縣大閣兒境內水經注鮑邱水出禦夷北塞中俗謂之大榆河南逕鎮東南九十里西密雲戍西又道人谿水南歷密雲戍東又孟廣峒水西南至密雲戍東西注道人谿水流逕密雲戍城南右會大榆河考今之潮河即大榆河發源於大閣兒之上黃旗知密雲戍當在其東北魏時置有密雲縣在邊內此言密雲戍者明與縣非一地也今無存

神樹站 在豐寧縣境內明太宗實錄永樂十九年命置邏騎營於

古北口北神樹之地知與古北口南北相直英宗實錄正統九年命陳懷出古北口經大小興州過神樹知在興州之北方輿紀要以爲在臨潢府西南非也

宜興分界石碣 在豐寧縣土城子西北一百三十里上黃旗至正二十六年立正面刻北開平縣界側面刻東宜興州界蓋元時開平宜興分界之所

甌塔 在豐寧縣土城子西一百里塔十級周四丈二尺高五丈餘正面甌甃上鐫明崇禎十年三月白馬關造

平泉州

即八溝廳

御製詩

大寧城覽古

甲戌

斷戍頽垣蔓草青
秋風立馬一延停
侍臣不識憑臨意
只道初番過大寧

金元遺跡感荆凡祇有羣山繞碧巖慨古心還惕殷鑒遐荒貼服在
和誠

明祖當年亦甚英遠臨絕域建三城豈知土木百年未介弟居然攝
北京

躡後燕師慮患深魏邛會飲早成擒南中燕雀真堪笑方建臯門及
正心

題大寧塔 甲戌

魯恭宮殿頽無存惟餘翠堵巍平原寂寥此日真淨業莊嚴異代徒
祇園傑構歲久具靈異不雲常窈氤氳氣自遠早見鬱峇巖逼近欲
瞻翻不易此中妙諦吾已知恰似法華開塔時因緣時節苟未至當
面錯過空齋咨須臾朗徹陰翳消珠幢湧地影蕩搖八方薄伽梵齊
現一路湮槃門豈遙瓠壁枝撐邈難陟摩空鸛鶴搏其翼當時挈眷
盡歸南萬古標宗恆鎮北六和浮玉向曾登仰矚空懷最上層觸緒

題詞詎可置遇境忘言實未能大千乾闥何春秋碧眼僧過有偈留
牛羊下麋鹿遊那似慈恩杜甫愁金風策馬遵前郵

大寧故城 在平泉州東北一百八十里即遼之中京大定府金之
北京大定府也遼史地理志聖宗嘗過七金山土河之濱南望雲氣
有郭郭樓闕之狀因議建都擇良工於燕薊董役二歲郭郭宮掖樓
閣府庫市肆廊廡擬神都之制統和二十五年城之實以漢戶號曰
中京府曰大定城池湫濕多鑿井泄之人以爲便南有朱夏門北有
陽德闔闔門王曾行程錄云中京大定府垣卑小方圓纔四里許門
但重屋無築閣之制南門曰朱夏門內夾道步廊多坊門次至大同
館其正北門曰陽德闔闔城內西南隅岡上有寺城南有園圃宴射
之所又有長樂門金史大定三年土河泛濫水入京城轉運使高德
基命開長樂門疏分使入御溝以殺其勢元改爲大寧路明初設北
平行都司置大寧衛封建寧藩於此自永樂元年棄大寧其地遂墟

景泰四年三衛乞居大寧廢城不許令去塞二百里外居住天順後遂入於三衛今其城在喀喇沁扎薩克公鎮界老河之北本遼之舊址經金時改拓明初復加修築蒙古名察罕蘇巴爾漢城高丈餘周二十里東西二門南北四門城中街道倉庫樓闕依稀可辨城內有浮圖二一在城東隅十三級一在舊倉旁城外西南隅有浮圖一遼宮殿 在故大定府城內有延慶殿永安殿遼史聖宗統和二十七年四月駐蹕中京營建宮室開泰七年十月名中京新建二殿曰延慶曰永安又有觀德殿會安殿二殿爲奉安列祖御像之所又中京武功殿聖宗居之文化殿太后居之今並無存

遼祖廟 在故大定府城內遼史地理志中京大定府皇城中有祖廟又聖宗開泰八年正月建景宗廟於中京九年十二月詔中京建太祖廟今無存

遼國子監 在故大定府城內遼史道宗紀清寧六年六月中京置

國子監命以時祭先聖先師今無存

遼祕書監 在故大定府城內遼史興宗紀重熙二十三年十月駐蹕中京幸新建祕書監今無存

遼相府院 在故大定府城內三朝北盟會編中京相府院者契丹時宰相所居也今無存

遼市樓 在故大定府城內王曾行程錄中京大定府有市樓四曰天方大衢通闕望闕今無存

大同館 在故大定府城內王曾行程錄中京大定府南門內次至大同館遼史地理志作中京有大同驛以待宋使今無存

朝天館 在故大定府城內遼史地理志中京大定府城中有朝天館待新羅使今無存

來賓館 在故大定府城內遼史地理志中京大定府城中有來賓館待夏使今無存

柳河館 在平泉州東南境遼置王曾行程錄自過烏巒河又過墨斗嶺芹菜嶺七十里至柳河館劉敞使契丹有宿柳河詩今無考

謹按宋時使遼所經之路史稱契丹欲誇示險遠道多回曲故

其方位尤未易考曾公亮武經總要謂柳河在安州遼之北安

州為豐寧縣即四旗灤平縣即喀喇河屯之東境及承德府即熱河地今

以宋史劉敞傳互證之史謂敞使契丹自古北口至柳河回曲

殆千里敞質譯人曰自松亭松亭故關在喜峰口北一百二十里趨柳河甚徑且

易不數日可抵中京何為故道此敞詩中亦有稍出盧龍塞及

別道入松亭之語乃知當時驛路先自古北口而北行仍遼至

盧龍塞外也柳河館與松亭相近故知在今平泉州東境

打造部落館 在平泉州南境遼置王曾行程錄自柳河館過松亭

嶺七十里至打造部落館今無考

牛山館 在平泉州南境遼置王曾行程錄自打造部落館五十里

至牛山館牛山在明初亦稱牛嶺永樂元年命新昌伯唐雲帥師自小興州大興州東接牛嶺會州諸處屯種今無考

鹿兒峽館 在平泉州南境遼置王曾行程錄自牛山館八十里至鹿兒館劉敞有朱橋鹿兒館詩鹿兒峽亦稱鹿兒嶺明初常遇春追元兵出遵化度鹿兒嶺至會州今無考

鐵漿館 在平泉州境內遼置王曾行程錄自鹿兒峽館又過蝦蟆嶺九十里至鐵漿館劉敞有鐵漿館詩今無考

富谷館 在平泉州東北境內遼置王曾行程錄自鐵漿館又過石子嶺自此漸出山七十里至富谷館元一統志載大寧路古蹟曰富谷有站宋范鎮行富谷道中有詩云路迴山陡轉沙漫水平流曾肇亦有富谷山頭一騎歸之句今無考

通天館 在平泉州北境遼置王曾行程錄自富谷館八十里至通天館二十里至中京元一統志引宋綬出使錄亦謂富谷館八十里

至通天館距中京二十里今無考

臨都館 在平泉州北境遼置富弼行程錄自中京正北八十里至臨都館今無考

官審館 在平泉州北境遼置富弼行程錄自臨都館四十里至官審館今無考

謹按武經總要引此文作宮室館與契丹國志所載行程錄作官審館互異考元一統志載松山州與中州等處皆有盜審知遼時中京附近之地多設官審其作宮室館者蓋字形之訛耳

神水館 在平泉州境內遼置蘇轍使契丹有神水館詩今無考

新城 在平泉州境百里明洪武二十年命宋國公馮勝等率師出松亭關築大寧寬河會州富峪四城留兵居守所築之大寧城即此其曰新城者以別於遼金元故城也置新衛永樂初廢明太祖實錄洪武二十二年會寧侯張溫及北平行都司都指揮使周興奏修拓

大寧等城并上其規制大寧城門五城周三千六十丈濠長三千一百六十丈九尺明史地理志距行都司六十里今其城在喀刺沁扎薩克公旗界周十里東西三里有奇南北二里

謹按新城蒙古名喀喇城土人稱爲黑城一統志原本以爲青城引薊門考證之然新城而訛爲青城又因青城而訛爲黑城轉輾考稱其實一地耳

富峪故城 在平泉州北明初築富峪城置守禦千戶所後改置富峪衛永樂初廢明太祖實錄富峪城門四城周九百丈濠長九百八丈二尺深一丈三尺明史地理志距行都司一百二十里

會州故城 在平泉州南二十里本遼澤州地元改置惠州後訛爲會州明初築會州遼澤州城尙在明會州之東北詳見建置沿革門置會州衛永樂初廢明

太祖實錄會州城門四城周一千一百二十八丈濠長一千一百八十九丈二尺深一丈八尺薊門者青城即新城西南至會州一百二十

里會州西南至喜峰口二百里與今方位正合方輿紀要會州城在大寧衛西南二百四十里又二百四十里又二百四十里即喜峰口二薊門考互異者計里有廣狹耳今其故城高丈餘周三里有奇四門無樓櫓蒙古名察罕城豹河流經其東稱爲察罕河屯河城中居民數百家比屋鱗次烟火相望信塞外之要衝也

寬河故城 在平泉州南一百十里喜峰口外明初築寬河城門四城周八百十二丈濠長八百五十九丈深一丈五尺今其故城周四里四門無樓櫓土人稱爲寬城

富庶故城 在平泉州東北遼置富廣縣屬大定府金因之元屬大寧路明初廢元一統志謂富庶縣西北至大寧路東至建州南至利州西南至和衆縣今州屬喀喇沁翼旗東南境地名公營子有廢城址周五里正當大寧之東南與元一統志西北至大寧一百五十里之方位相合又其東接朝陽縣

即三座塔廳

屬土默特右翼旗界爲建州

地其南接建昌縣即塔子溝屬喀喇沁左翼旗界為建州及和衆縣地

當為故富庶城

凡城 在平泉州境內方輿紀要凡城慕容氏所置城也考三國志

烏丸傳太祖自征蹋頓袁尙與蹋頓將衆逆戰於凡城是漢時已有

此名不始自慕容燕也十六國春秋石虎率衆次棘城凱遣子恪等

擊之趙兵逃潰乘勝追之築成凡城而還又虎使鎮遠將軍石成入

寇凡城不克又趙撫軍將軍李農率衆三萬與征北大將軍張舉攻

燕凡城又平北將軍尹農攻燕凡城不克而還又晉書地理志慕容

熙以并州刺史鎮凡城水經注盧龍東越清陁至凡城二百里許當

在平泉州之東南今無考

三會城 在平泉州西南境水經注五渡水北出安樂縣丁原山南

流逕其縣故城西本三會故城也又高石水東出安樂縣東山西流

歷三會城南酈氏所載在濡水即濼水既合武列水今熱河之後將入盧

龍塞

今瀋家口

之前當在魏安州界考魏書地形志有安樂郡

領土垠安市二縣齊

廢土垠入安市周廢安市入密雲

而無安樂縣然安樂郡與密雲相接自當在邊內

至安州廣陽郡所領有燕樂縣或疑安樂即為燕樂然燕樂縣乃安

州所治為索頭水

即今伊遜河

所經又當在豐寧縣

即四旗廳

境惟魏志於燕

樂縣下注云真君九年併永樂知永樂亦北魏之縣與燕樂縣相接

水經注所謂安樂縣當為永樂縣之訛酈道元時已併入燕樂故稱

為故城今承德府

即熱河廳

東境之老牛河即五渡水州南之豹河即高

石水三會城當在老牛河之東豹河之西今無考

受米城

在平泉州境內唐書地理志自古盧龍北經九荊嶺受米

城當在州境之南今無考

回紇城

在平泉州境內金史太宗紀都統杲克高恩回紇三城進

取中京則城當與高恩二州相近蓋遼時俘回紇部人居此故以名

城也今無考

奚王牙帳 在平泉州東北舊唐書奚傳自營州西北饒樂水以至其國新唐書奚傳依土護真水地理有長城口北八十里有吐護真河奚王牙帳也自盧龍北至奚王牙帳六百里今之土河即吐護真水在喀喇沁右翼旗之南今之英金河即饒樂水在喀喇沁右翼旗之北奚王牙帳正居其間遼史地理志五帳院進故奚王牙帳地城之號曰中京知大定府即故奚王牙帳也

奚王避暑莊 在平泉州東北契丹國志東過小河唱叫山道北奚

王避暑莊有亭臺今無考

奚君宅 在平泉州東北蘇轍使契丹有奚君宅詩自注云在中京南蓋遼滅奚後使居于此今無考

花道 在平泉州東北金史布色忠義舊作僕散忠義今改正傳武雅舊作窩幹今改

正 陷靈山同昌惠和等縣陣而西行忠義追之及於花道是花道在

惠和之西也元史穆瑚黎舊作木華黎今改正傳平定東京進攻北京金守將

伊木沁

舊作銀青
今改正

率衆二十萬拒花道逆戰敗之是花道在北京之

東也元時曾置驛於此爲花道驛今無考

冷翠軒 近平泉州東北金趙秉文有重九登會禪寺冷翠軒詩今

無考

朝爽樓 在平泉州東北元雲峰真人康泰真墓碑曰仲冬凜冽霽

之朝爽樓者最爲傑觀四壁曠然千山疊雪泰真裸袒而居及十旬

餘樓下瞻仰者雲集今無存

塗河千秋橋 在平泉州境內元一統志載大寧路塗河千秋橋陳

元革詩云華表狻猊勢自雄闌干十二玉玲瓏勢吞曉岸橫蒼獸影

落寒江浸彩虹塗河即土河今州北之老河是也

金特進興中府尹完顏嵩墓 在平泉州東北元一統志完顏嵩大

定人金故特進興中府尹墓在大寧西三十里玉泉鄉有明昌初翰

林待制党懷英所撰碑記

赤峰縣

即烏蘭
哈達廳

松山館 在赤峰縣境內遼置富弼行程錄自官審七十里至松山

館今無考

崇信館 在赤峰縣境內遼置富弼行程錄自松山館七十里至崇

信館今無考

廣寧館 在赤峰縣境內遼置富弼行程錄自崇信館九十里至廣

寧館今無考

姚塞館 在赤峰縣境內遼置富弼行程錄自廣寧館五十里至姚

塞館今無考

咸寧館 在赤峰縣境內遼置富弼行程錄自姚塞館五十里至咸

寧館今無考

謹按富弼行程錄所記自咸寧館又三十里度潢水石橋旁有

饒州在今翁牛特北境外巴林旗界已非赤峰縣境所及故不

列入

松山故城

在赤峰縣境遼置松山

按遼志所載松江當作州治金松山詳見建置沿革門

州治金

以縣屬大定府元中統時復置松州改屬上都路至元二年以松山

縣省入明初廢元一統志謂松州東南至大寧路東至高州西至興

州今縣境地名小烏朱穆沁有廢城址高四五尺周四里正當平泉

州即八溝應

境大寧故城之西北與元一統志東南至大寧二百二十里

之方位相合當為故松山城又元一統志載遮蓋山在松州東南二

十里山在今翁牛特旗南境今小烏朱穆沁廢城南二十餘里即遮

蓋山有金皇統三年靈峰院千佛洞碑其銘云縣之東南有山孤嵐

名曰遮蓋雲影氤氳在金時有松山縣而無松山州所稱縣之東南

者殆即指松山縣也

烏丹城

在赤峰縣境城基高五尺周六里所存東西二門亦當為

遼金時州縣之遺址城中有廢塔又有斷碑一字已殘闕惟魯國大

長公主字可辨城南七里地名烏蘭坂有魯國公主媵臣準台

舊作竹溫

台今改正墓蓋此地在元時為魯藩分地也

元中順大夫準台墓 在烏丹城南七里準台蒙古人為魯國大長

公主媵臣冒姓翁吉喇特

舊作雅吉喇今改正

氏事魯王為管領隨路打捕鷹

房諸色工匠等戶錢糧都總管府副達魯噶齊

舊作遜魯花赤今改正

尋進中

順大夫為達魯噶齊卒葬歡喜嶺之麓子色爾濟戩

舊作撒而吉事思鑿今改正

文宗為宮相都管府副總管入宿衛順帝尤愛之詔為其父立碑翰

林待制奉議大夫兼國史院編修官揭傒斯篆文奎章閣大學士資

善大夫知經筵事尙師蘭篆額至元元年立碑今尚在

遮蓋山石佛

在赤峰縣境入遮蓋山十餘里有千佛洞俗名大碾

子洞洞口徑丈有八尺高丈有二尺中有石佛像一旁列阿難迦葉

二像循洞入少折而西路漸窄高廣不盈丈又折而東亦如之洞內

石壁兩岸俱鑿成佛像洞外有金皇統三年靈峰院千佛洞碑其文

云遼乾統三年有西山院天台法師鑿山穿石前以成殿後以環洞名曰靈峰院後遭兵火寺如懸磬至皇統辛酉歲僧惠學等請中京資聖院僧遵說嗣興遠近居民欣然同施各發一念願心匠成千佛石像蓋石洞爲遼時天台法師所開洞中千佛則金皇統中僧遵說嗣成之也

欽定熱河志卷九十七

欽定熱河志卷九十八

古蹟二

建昌縣即塔子溝廳

惠和故城 在建昌縣北境遼置惠州治惠和縣屬中京金廢州以縣屬大定府元屬大寧路明初廢元一統志謂惠和縣西南至大寧路北至高州東南至金源縣東至武平縣今縣北三百四十里敖漢旗西境地名博羅科有廢城城基周四里城北山上有浮圖高五丈其西南接平泉州即八溝廳屬喀喇沁右翼旗界為大寧路地其西北即平泉州屬翁牛特旗界為高州地當為故惠和城

利州故城 在建昌縣東北遼統和四年置阜俗縣二十六年置利州以領縣屬中京金因之元以阜俗縣省入屬大寧路明洪武初嘗割隸遼東永樂後廢元一統志謂利州西北至大寧路西至和衆縣南至龍山縣今縣治東北七十里有廢城址東西一百三十五丈南

北二百丈周四里土人稱爲大城子城外有大小浮圖三亦名小三座塔城東有金承安五年利州精嚴禪寺圓蓋和尚塔銘爲北京路轉運度支判官趙秉文撰其文云松漠之北利州之東無縫塔樣八面玲瓏又元至元二十四年利州長壽山玉京觀地產碑爲白鬻李察撰文白鬻張洪禮書丹其文云跋利州之西憑榆河之渡佉然魁秀者長壽山也知大城子故利州城信矣大城子在縣屬喀喇沁左翼旗北界其西北接平泉州屬喀喇沁右翼旗界爲大寧路地亦與元一統志西北至大寧一百六十里之方位相合

滿井 在利州故城南元一統志滿井在利州南十三里鳳翼莊其水清冷冬溫夏涼晝夜外湧至中夏正午澄澈見底雖毫髮之微歷歷可數居民引以灌溉用之釀酒其味尤佳

會經樓 在利州故城內元一統志會經樓在利州市心金章宗泰和年建今無存

圓蓋和尚塔 在利州故城東金承安中閑閑居士趙秉文所撰誌銘猶存圓蓋利州阜俗人從北京微公付法大定六年開堂於精嚴寺繼主松林靈感時人稱爲蓋堂頭

融安和尚塔 在利州故城東天成觀之旁塔上有融安和尚靈塔六字其年無考

龍山故城 在建昌縣南遼開泰二年置龍山縣後置潭州以領縣屬中京金皇統三年廢州以縣改屬利州元屬大寧路明初廢元一統志謂龍山縣北至利州西北至和衆縣南至冷口今縣屬喀喇沁左翼旗西南八里大凌河之旁有廢城址周三里其北即大城子爲利州地其西北即小城子爲和衆縣地其西南即永平府邊牆之冷口當爲故龍山城

和衆故城 在建昌縣西北遼置榆州治和衆縣屬中京金廢州以縣屬大定府元屬大寧路明廢元一統志謂和衆縣西北至大寧路

東至利州東北至富庶縣東南至龍山縣今縣治西北二十五里有
土城址東西一百六十丈南北一百五十丈周四百丈有奇土人稱
爲小城子城西里許有浮圖一小城子在縣屬喀喇沁左翼旗東北
界其北接平泉州屬喀喇沁右旗界爲大寧路地其東九十里即大
城子爲利州地當爲故和衆城

秦王魚石 在故和衆縣北元一統志秦王魚石在和衆縣北三里
七寶山中其石皆有魚形所稱秦王者未詳所指元一統志載瑞州
產魚曰秦王鱸以唐太宗征遼駐此得名魚石之得名疑即因此

白狼城 在建昌縣南魏書建德郡治白狼城今縣南境爲北魏建德郡地十六

國春秋後燕錄慕容垂時北平吳柱聚衆寇廣都入白狼城又高雲
以并州刺史鎮白狼又北燕錄馮跋時以并青二州牧鎮白狼馮宏
時魏遣將軍古弼等克白狼城白狼城在慕容燕時爲重鎮方輿紀
要曰狼城在營州西南今無考

乙連城 在建昌縣西南十六國春秋前燕錄慕容皝遣材官將軍

劉佩攻乙連不克蓋是時乙連尙爲鮮卑段氏之地今縣南境爲晉時鮮卑段氏地

後入慕容氏又後燕錄慕容寶時議欲伐魏於永康三年二月己卯

發兵龍城壬午次于乙連旣而寶爲蘭汗所殺慕容奇起兵於建安

進屯乙連又北燕錄馮跋時魏遣將軍長孫道生率師襲乙連城克

之進攻和龍方輿紀要乙連城在營州西南二百里今無考

好城 在建昌縣境內十六國春秋前燕錄慕容皝築好城於乙連

東使蘭勃戍之以逼乙連今無考

曲水城 在建昌縣境內十六國春秋前燕錄慕容皝使蘭勃戍好

城復城曲水以爲勃援知曲水與好城相近今無考

興國城 在建昌縣境內十六國春秋前燕錄段遼遣屈雲夜襲慕

容皝子遵於興國城雲敗斬之方輿紀要謂慕容氏築興國城與乙

連城相距數十里今無考

新城 在建昌縣東十六國春秋前燕錄慕容廆遣子翰攻段氏取
徒河新城後燕錄慕容熙以青州刺史鎮新城方輿紀要謂新城在
徒河之西爲鮮卑段氏所置縣考徒河在今錦州府錦縣之西北而
新城更在其西當在縣界今無考

金紫城 在建昌縣境內魏書地形志建德郡廣都縣有金紫城今
無考

長谷 在建昌縣境內十六國春秋北燕錄馮跋之父安東徒和龍
家於長谷又跋弟宏爲亂跋驚死宏葬之於長谷今無考

雲峰真人康泰真墓 在建昌縣東北六十里長壽山中墓旁石碑
一立於元初碑尾書丙辰年癸巳月丁酉日建撰文者白鬻進士李
姓其名已剝落刊石者白鬻石匠高守真也以史考之丙辰爲元憲
宗之六年時未有年號故以干支紀年也泰真利州花務村人元初
特賜含真體道至德真人自號雲峰子

朝陽縣

即三座塔

興中故城 即朝陽縣治慕容燕之國都也十六國春秋前燕錄晉
咸康七年慕容皝以柳城之北龍山之西一作南福地也使築龍城八
年就遷都龍城歷苻秦及後燕北燕元魏並曰龍城魏之營州昌黎
郡隋之營州遼西郡唐之營州柳城郡皆在其地亦曰黃龍城水經
注白狼水北逕黃龍城魏氏土地記曰黃龍城西南有白狼河北燕
馮宏稱臣於宋宋因封爲黃龍國主高齊時以營州刺史鎮黃龍隋
書稱契丹居黃龍之北皆即指龍城而言至唐時入於奚遼太祖平
奚置霸州彰武軍重熙十年升興中府興中縣金因之元至元七年
降爲興中州屬大寧路明初改置營州左右中前後五衛永樂初廢
明史成化九年遼東總兵歐信以偏將韓斌等敗三衛於興中即其
地也今其城在土默特右翼旗界周七里有奇遼金時所建三塔猶
存土人稱爲三座塔蒙古語三爲古爾班塔爲蘇巴爾罕故名古爾

班蘇巴爾罕城乾隆十六年於其地設巡檢司爲塔子溝廳東境三十九年析置三座塔廳四十三年改設縣治

慕容燕宮殿 在故龍城內十六國春秋前燕錄晉咸康七年正月慕容皝使陽裕等築龍城構門闕宮殿廟園八里七月皝營龍城新殿建元元年十月復大起龍城宮闕永和元年二月有黑龍白龍各一見於龍山皝親率羣僚觀之還宮號所居新宮曰和龍宮又有承乾殿前燕錄慕容皝十四年十月饗羣臣於承乾殿又有新昌殿後燕錄慕容盛長樂二年十二月讌羣臣於新昌殿又有承華殿後燕錄慕容熙爲苻后起承華殿今並無存

東庠 在故龍城內十六國春秋前燕錄慕容皝十三年二月賜大弟子弟爲官學生者號高門生立東庠於舊宮以行鄉飲之禮每月臨觀考試優劣十四年正月皝親臨東庠考試學生其通經秀異者擢充近侍今無考

白雀園 在故龍城內十六國春秋後燕錄慕容盛長樂元年四月有異雀素身綠首棲翔東園二旬而去改東園爲白雀園今無存

東堂 在故龍城內十六國春秋後燕錄長樂二年十二月引見百僚于東堂考詳器藝又北燕錄馮跋每遣守宰必親見東堂今無存
洪光門 在故龍城十六國春秋後燕錄慕容熙光始四年四月擬鄴之鳳陽門作洪光門累級九重建始元年馮跋等爲亂帥衆攻洪光門北燕錄太平元年高雲爲幸臣離班桃仁所殺馮跋升洪光門以觀變十三年洪光門鸛雀折今無考

龍騰苑 在故龍城外十六國春秋後燕錄光始三年五月熙大築龍騰苑廣袤十餘里起景雲山於苑內基廣五百步峰高十七丈四年四月於苑起逍遙宮甘露殿連房數百觀閣相交鑿天河渠引水入宮又鑿曲光海清涼一作淨池其後至建始元年馮跋閉門距守熙夜至龍城攻北門不克退入龍騰苑知苑在城外今無存

金匱要略卷之二十一
年十一
五
韭町 在故龍城十六國春秋北燕錄馮跋太平二年立高雲廟於
韭町置園邑二十家今無考

前燕慕容皝墓 在故龍城東龍山上十六國春秋前燕錄慕容皝
葬於龍山上曰龍平元一統志謂墓在興中州西北狼山下又近馬
兜山慕容皝設伏兵處皝卒葬於此顯與十六國春秋不合其說恐
無據

後燕慕容熙墓 在故龍城西十六國春秋後燕錄慕容熙營苻后
墓下錮三泉周輪數里內則圖畫尙書八座之象號曰徽平陵及將
葬熙爲馮跋等所殺高雲僭立與苻后共葬於徽平陵元一統志徽
平陵在興中州西三里慕容熙與苻妃葬處即八角墓

五柳戍 在故營州南唐貞觀時置羈縻順州於此後廢今無考

靜蕃戍 在故營州東北唐貞觀時置羈縻昌州於此後廢今無考

陽師鎮 在故營州東北唐貞觀時置羈縻崇州師州於此後廢今

無考

安德故城 在朝陽縣東南柏山上遼置安德州治安德縣屬興中

府金廢州仍以縣屬興中府大定七年改名永德元廢今土默特右

翼旗南七十里界柏山上有廢城址城外古井旁有遼乾統八年安

德州靈巖寺碑為朝諱大夫守殿中少監知安德州軍州事耶律劬

撰知即故安德城考遼史地理志安德縣析霸城東南境戶置霸城

即興中府為今縣治此城正居其東南與遼史合

白川州故城 在朝陽縣東北六十七里遼置川州會同中詔為白

川州後省曰川州治咸康縣並領宏理宜民二縣尋省宏理縣金大

定六年廢州惟存宜民屬懿州承安二年復置川州治宜民縣泰和

四年又廢州以縣屬興中府元復置川州以宜民縣省入屬大寧路

明初廢武經總要元一統志之川州乃金謂白川州西南至霸州興即

城中七十里今土默特右翼旗北一百五里地名四角坂有廢城址東

西一百五丈南北一百六十丈周不及三里蒙古名卓索喀喇城其西南距縣治六十七里與武經總要所記方位正合城內有遼開泰二年佛頂尊勝陀羅尼石幢記爲白川州官吏所建知即遼時故白川州城

佛頂尊勝陀羅尼石幢 在白川州故城內遼開泰二年建石幢記首云奉爲神贊天輔皇帝齊天彰德皇后萬歲親王公主千秋文武百僚恆居祿位風調雨順海宴河清一切有情同霑利樂長寧軍節度掌書記儒林郎試大理評事武騎尉王桂撰長寧軍節度管內觀察處置等使金紫崇祿大夫檢校太傅使持節白川州諸軍事白川州刺史兼御史大夫上柱國以下俱闕神贊天輔爲聖宗尊號遼史仁德皇后傳云册爲齊天皇后碑云齊天彰德皇后則史文闕畧也左方列銜可辨識者有銀青崇祿夫大兼監察御史武騎尉商稅麴務都監王元泰銀青崇祿大夫兼監察御史武騎尉同監麴務張翼

三司押衙麴務判官兼知商稅事翟可行銀青崇祿大夫檢校工部
尙書兼御史大夫上柱國崔宸儒林郎試大理寺評事守白川州咸
康縣今武騎尉王闕銀青崇祿大夫檢校左散騎常侍兼殿中侍御
史驍騎尉江濤觀察判官儒林郎試大理司直雲騎尉賜緋魚袋田
能成內觀察處置等使金紫崇祿大夫檢校太傅使持節白川州諸
軍事白川州刺史兼御史大夫上柱國鉅鹿縣開國子食邑五百戶
耿延闕皆官此土者也左方同列名者則有寺主僧義超都維那僧
義訓其末行云石作院使王德辛鐫字

宜民故城 在朝陽縣北遼統和中置宜民縣屬川州而川州自治
咸康縣金大定六年廢川州惟存宜民縣承安二年復置川州泰和
四年廢州以縣屬興中府蓋金復置之川州移治宜民已非遼川州
之舊元大寧路有川州無宜民縣亦當治宜民故地矣元一統志謂
川州南至興中府西至武平縣西南至金源縣今其地有土城址高

六丈周八里土人稱爲黑城子城北八里有元至正五年川州重修

東嶽廟碑爲儒學正徐潛撰文醫學正張質書丹陰有川州達嚕噶

齊舊作達魯花赤今改正特穆爾舊作帖木兒今改正及建平典史數字知即遼金之宜

民縣元之故川州城也黑城子南距縣治一百六十八里與元一統

志所記方位正合此與遼之白川州別爲一城方輿紀要謂川州有

東西二城是也

建州故城 在朝陽縣西遼太祖置建州治永霸縣州初在凌河之

南聖宗遷於河北金因之元以永霸縣省入明初廢元一統志謂建

州東至興中府西南至利州西至富庶縣北至金源縣今土默特右

翼旗西至百七十里地名黃河灘有廢城址東西二百七十丈南北

三百六十丈周十里有奇四門蒙古名喀喇城城西北有浮圖十七

級周十二丈其旁又有小浮圖七級周四丈其東距縣治爲興中州

地其西南達大城子爲利州地當爲故建州城

荊岸 在故建州東元一統志荊岸以建州東有荊水昔人決岸漑

田故名

石晉李太后墓 在故建州元一統志李太后墓在建州熨斗山之北五代漢乾祐二年二月遼主耶律德光徙晉出帝及李太后於建州節度使趙延暉避正寢以館之明年三月李太后寢疾謂出帝曰我死焚其骨送范陽佛舍遂卒帝與皇后宮人宦者被髮徒跣扶昇其柩至熨斗山得地穿其隴首而葬焉後人因號李太后塚又有安妃從出帝北遷死於建州道中遂與李太后並葬於此

大悲心陀羅尼石幢 在建州故城北高三尺三寸六面各鐫陀羅尼咒備蒙古畏吾及漢字數體書又附近境內有陀羅尼咒廢碑爲建州香花邑人所立字畫殊劣亦不詳建置年月惟首云奉爲承天太后昭聖皇帝皇后萬歲考承天乃遼聖宗太后尊號昭聖乃聖宗初即位時之尊號則此碑當建於聖宗初年又滿代營子有元至治

二年廢碑上有建州南開泰鄉安家莊字可辨開泰鄉見元一統志
建州鄉鎮內知其地亦建州界也

漢兒城 在朝陽縣境內五代史晉家人傳李太后自馳至霸州見
永康王求於漢兒城側賜地種牧以爲生明年徙帝太后於建州節
度使趙延暉避正寢以館之去建州數十里外得地五十餘頃帝遣
從行者耕而食之遼史亦云故石晉太后詣世宗求於漢城側耕墾
自贍許於建州南四十里給地五十頃營構房室創立宗廟所稱漢
兒城者蓋即建州城也然建州自有二城一在凌河之南一在凌河
之北世宗之時州尙在河南也今縣屬土默特右翼旗西南一百二
十里地名五十家子有廢城址周二里許四門久圯城中有浮圖一
在大凌河之南當即遼初之建州城所謂漢兒城是也

石家寨

在朝陽縣城內遼史耶律哈喇齊

舊作合里只今改正

傳云重熙中

充宋國生辰使館於白溝驛宋宴勞優者嘲蕭惠河西之敗哈喇齊

曰勝負兵家常事我嗣聖皇帝俘石重貴至今興中有石家寨惠之一敗何足較哉宋人慚服所稱石家寨者當與建州故城相近今無考

宿軍城 在朝陽縣東北十六國春秋後燕錄慕容熙時高句驪攻宿軍平州刺史慕容歸棄城走後改置營州刺史鎮宿軍方輿紀要在營州東北今無考

檢頓城 在朝陽縣魏書地形志昌黎郡龍城縣有檢頓城今無考
雀目城 在朝陽縣境內水經注方城川水北屈逕一故城西世謂之雀目城今無考

倭城 在朝陽縣境內水經注高平川水東流逕倭城北今無考
乳樓城 在朝陽縣境內水經注高平川水東南逕乳樓城北又東南注白狼水乳樓城與倭城並當在縣南境今無考

麝香崖石刻 在朝陽縣東遼史地理志興中府有麝香崖天授皇

帝刻石在焉天授世宗尊號也元一統志謂遼天授皇帝嘗獵其間
獲一香麝故名麝香崖考麝香崖在今土默特右翼旗東九十里其
石刻今無存

紫草務石木橋 在朝陽縣南之羊角屯屯西故渠旁立二碑其一
剝落不能辨其一有懿州路興中州南孝行鄉紫草務至正四年甲
申年壬寅月丁卯日重修石木橋碑記孝行鄉見元一統志興中州
鄉鎮內碑記文多殘闕字畫亦劣其文略云山西有澗入於凌源兩
水衝壞要路邑衆人等建石木橋一座今水涸斷流橋址無存

佛頂尊勝陀羅尼碑 在朝陽縣南五十家子廢城內塔上高不及
三尺共四石先列陀羅尼經序次列陀羅尼經次列陀羅尼咒字體
端整不詳建置年月

鐵舍利塔 在朝陽縣南遼時建靈感寺重熙中鑄鑄塔以藏佛舍
利後以定光佛舍利六百粒釋迦佛舍利一千三百餘粒改藏塔下

塔宮今塔已無存土人嘗於其處掘土丈餘見地宮一所高八尺廣六尺五寸八面相等周遭嵌碑文中有一碑字大徑二寸餘云維大契丹國興中府重熙十五年丙戌歲十一月丁丑朔十六日壬辰起手鑄次年四月乙巳朔八日壬子午時葬釋迦佛舍利記末載辨塔主僧則覺花鳥海雲寺業律沙門志全也又有二片爲天慶二年講經律論師慧林所撰釋迦定光二佛的身舍利塔記文稱重和十五年鑄鐵塔一所歷十三簷互百尺往往夜晦屢放虹光邇後展討殿宇津置堂廊每嗟佛壟閉於南隅大衆僉議欲移中央即有惠行大德潛資義倉提點雲敷共捨淨資一千緡其諸釋侶量力施錢共四百千用充功費尋擇良辰亦得吉卦折至十簷獲定光佛舍利六百餘顆至地宮內獲釋迦佛舍利一千三百餘顆再選定四月八日午時依舊如法安葬考遼諸帝無紀元重和者書寫之譌以重熙爲重和耳

石觀音像 在朝陽縣南境之天慶寺像高七尺圍五尺二寸遼沙門智公所造首唱胎字韻詩二章自兵部尙書門下侍郎平章事鄭若愚以下和者二十四人勒石寺中今尙存

臥佛寺石佛 在朝陽縣南恩及山中高八尺圍四尺不詳何年所鑿蒙古於其地建寺寺中有遼應歷七年十月石幢記首云奉爲當今皇帝建造其記文首二行已缺落第三行以下差可辨識不知何人所撰

千佛洞石佛 在朝陽縣南八十里山腰有洞穿洞口而入有三路其一東出中有大小石佛數十尊莊嚴法身具諸殊相洞前有碑石裂爲三段鐫千手千眼觀世音菩薩大悲心陀羅尼咒遼聖宗統和二十三年立

台頭溝山石佛 在朝陽縣東北一百九十里山下爲廳峪道院故址今惟石佛大小數尊尙存半已殘損有金皇統八年宜州廳峪道

院復建藏經千人邑碑東海徐卓撰文考金史地理志義州遼宜州
天德三年更州名此碑在天德之前故仍稱宜州也州治在今錦州
府之義州此當爲州西境矣碑文稱廳峪者耶律賽音溫舊作詳穩
今改正
家之墓所今無考

波羅台溝石佛 在朝陽縣西六十里山洞中有石佛像一

石人溝 在朝陽縣東一百十里山澗中有石人二

附錄無考諸廢城

土城子廢城 今豐寧縣即四
旗應治

土城子西北廢城 在豐寧縣西北一百五十里城基周三里有奇

地隣潮河俗名西土城

巴顏托哈廢城 在平泉州即八
溝廳北喀喇沁扎薩克公旗界城基高

數尺周二里東西有門

三道營廢城 在平泉州北三百六十里喀喇沁右翼旗界城基周

約十里東西有門

達拉海溝廢城 在平泉州北三百二十里城基高四尺東南北有

門

巴顏烏拉溝廢城 在平泉州北三百四十里城基高六尺四門久

圯

烏蘭哈達西北廢城 在赤峰縣即烏蘭哈達廳境內翁牛特界城基高四

五尺周八里

烏蘭哈達西南廢城 在赤峰縣境內翁牛特界城基高四五尺周

四里

翁牛特北廢城 在赤峰縣境內周五里僅有基址可辨

藍旗營廢城 在朝陽縣即三座塔廳境內城基周三里四門

苞骨洛營廢城 在朝陽縣境內城基周二里

謹按諸廢城大抵皆遼金以來州縣遺址以別無証據未能定

爲何地且自慕容燕元魏以後又有非州非縣之城如凡城乙
連城之類今不敢傳會謹附錄卷末俟參考焉

欽定熱河志卷九十八

欽定熱河志卷九十九

故事一

承德府全境越在關外自漢迄明惟遼金元三朝全得之其餘諸代皆分割參錯之壤也其一時用兵勝負封貢往來以及邊防營建行幸振貸諸典載在史傳事蹟紛如於諸卷門類無可附麗而又不容遺逸爰別彙成帙以代相繫以類相從祛繁複而資參互庶一展卷間時會之興衰幅員之廣隘約畧可觀焉

志故事第二十二

漢

匈奴

按漢初匈奴冒頓最强然其建庭直代雲中不在今承德府全境內今境乃漁陽右北平遼西三郡邊外與匈奴左方相接地也至武帝拓塞之後爲漢塞地匈奴更徙而西北去今境益遠

茲但就其有事於上谷以東者錄之

漢書匈奴傳燕王盧綰反率其黨且萬人降匈奴往來於上谷以東

時在高帝末年匈奴數千人盜邊漁陽尤甚漢使將軍韓安國屯漁陽備胡

元光六年匈奴二萬騎入漢殺遼西太守畧二千餘人又敗漁陽太守武帝

紀作入漁陽敗郡尉軍千餘人圍將軍安國安國時千餘騎亦且盡會燕救至

匈奴迺去元朔元年

漢書韓安國傳安國為材官將軍屯漁陽捕生口虜言匈奴遠去即

上言方佃作時請且罷屯罷屯月餘匈奴大入上谷漁陽安國壁乃

有七百餘人出與戰安國傷入壁匈奴虜畧千餘人及畜產去上怒

使使責讓安國徙益東屯右北平元朔元年事

漢書武帝紀元朔二年冬匈奴入上谷漁陽殺略吏民千餘人

荀悅漢紀元朔元年春將軍李息將軍張次公出右北平擊匈奴

漢書匈奴傳漢使博望侯武帝紀作衛尉張騫及李將軍武帝紀作郎中令李廣出右

北平擊匈奴左賢王左賢王圍李廣廣軍四千人死者過半殺虜亦過半當會博望侯軍救至李將軍得脫盡亡其軍

元狩二年

匈奴入右北

平定襄各數萬騎殺畧千餘人

元狩三年

漢書李廣傳廣以郎中令將四千騎出右北平博望侯張騫將萬騎與廣俱異道行數百里匈奴左賢王將四萬騎圍廣廣軍士皆恐廣乃使其子敢往馳之敢從數十騎直貫胡騎出其左右而還報廣曰胡虜易與耳軍士乃安爲圍陳外嚮胡急擊矢下如雨漢兵死者過半漢矢且盡廣乃令持滿毋發而廣身自以大黃射其裨將殺數人胡虜益解會暮吏士無人色而廣意氣自如益治軍軍中服其勇也明日復力戰而博望侯軍亦至匈奴乃解去

漢書王莽傳遣誅貉將軍陽俊討穢將軍嚴尤出漁陽

莽二年討匈奴也

烏桓

按漢武帝擊破匈奴左地因徙烏桓於上谷漁陽右北平遼西

遼東塞外在今承德府北境

漢書匈奴傳五見後漢書烏桓傳烏桓嘗發先單于冢匈奴怨之發二萬騎擊

烏桓大將軍霍光欲發兵邀擊之間中郎將范明友明友言可擊於

是拜為度遼將軍將二萬騎出遼東匈奴聞漢兵至引去初光誠明

友兵不空出烏桓時新中匈奴兵明友既後匈奴因乘烏桓敝擊之

斬首六千餘級獲三王首還

元鳳三年

按范明友所誅之三王或係武帝所封或即自稱為王史記漢

書俱未詳昭帝紀謂遼東烏桓反以中郎將范明友為度遼將

軍將北邊七郡兵二千騎擊之觀匈奴及烏桓傳知明友本為

邀擊匈奴而出特乘烏桓之敝耳

後漢書烏桓傳烏桓復寇幽州明友輒破之

元鳳六年

宣帝時乃稍保塞

降附

漢書匈奴傳匈奴遣使者責烏桓稅烏桓距曰奉天子詔條不當與

匈奴稅匈奴使怒收烏桓酋豪縛到懸之酋豪昆弟怒共殺匈奴使及其官屬單于聞之發左賢王兵入烏桓責殺使者因攻擊之烏桓分散或散上山或東保塞匈奴頗殺民人毆婦女弱小且千人去置左地告烏桓曰持馬畜皮布來贖之烏桓見略者親屬二千餘人持財畜往贖匈奴受留不遣

在平帝時

按武帝所徙之烏桓在五郡塞外而塞上自爲亭障之地宣帝以後烏桓始保塞乃入居塞上之漸

後漢

匈奴

按匈奴當後漢時分爲南北二庭自相攻擊罕爲漢患南單于居西河美稷去今承德府境殊遠而北單于則更遠矣茲亦但錄其在上谷以東之事

後漢書匈奴傳單于畏漢乘其敝乃遣使詣漁陽求和親

建武十二年

單于入雲中遂至漁陽太守廉范擊卻之永平十年延熹九年南單于諸部並畔遂與烏桓鮮卑寇緣邊九郡以張奐爲北中郎將討之單于諸部悉降

烏桓

按烏桓在後漢時入居塞內今承德府皆烏桓地故于上谷等

五郡爲患尤甚

後漢書烏桓傳光武初烏桓與匈奴連兵爲寇代郡以東尤被其害朝發穹廬暮至城郭五郡民庶家受其辜至於郡縣損壞百姓流亡後漢書祭彤傳建武初匈奴鮮卑及赤山烏桓連和強盛數入塞殺略吏人朝廷以爲憂益增緣邊兵郡有數千人又遣諸將分屯障塞後漢書天文志元興元年遼東貊人反鈔六縣發上谷漁陽右北平遼西烏桓兵討之

後漢書烏桓傳永初三年夏漁陽烏桓與右北平胡千餘寇代郡上

谷

後漢書靈帝紀中平四年漁陽人張純與同郡張舉舉兵叛攻殺右

北平太守劉政遼東太守楊終護烏桓校尉公綦稠等舉兵自稱天

子寇幽冀二州劉攽曰案張舉自稱五年九月遣中郎將孟益率騎

都尉公孫瓚討漁陽賊張純等十一月公孫瓚與張純戰于石門大

破之六年三月幽州牧劉虞購斬漁陽賊張純公孫瓚傳烏桓反畔

與賊張純等攻擊薊中瓚率所領追討純等有功遷騎都尉張純復

與畔胡邱力居等寇漁陽河間渤海入平原多所殺略瓚追擊戰于

屬國石門虜遂大敗棄妻子踰塞走悉得其所略男女瓚深入無繼

反爲邱力居等所圍於遼西管子城二百餘日糧盡食馬馬盡煮弩

楯力戰不屈乃與士卒辭訣各分散還時多雨雪墜阬死者十五六

虜亦饑困遠走柳城劉攽曰案遠當作還瓚常與善射之士數十人皆乘白馬

以爲左右翼自號白馬義從烏桓更相告語避白馬長史乃畫作瓚

形馳騎射之中者咸稱萬歲劉虞傳中平初車騎將軍張溫討賊邊章等發幽州烏桓三千突騎而牢廩逋懸皆畔還本國前中山張純私謂前太山太守張舉曰今烏桓既畔皆願爲亂子若與吾共率烏桓之衆以起兵庶幾可定大業舉因然之四年純等遂與烏桓大人共連盟攻薊下燔燒城郭虜略百姓舉稱天子純稱彌天將軍安定王誘使烏桓峭王等步騎五萬入青冀二州虞復拜幽州牧設賞購舉純舉純走出塞餘皆降散純爲其客王政所殺送首詣虞

三國志魏武帝紀三郡烏丸承天下亂破幽州略有漢民合十餘萬戶袁紹皆立其酋豪爲單于以家人子爲己女妻焉遼西單于蹋頓尤強爲紹所厚故尙兄弟歸之數入塞爲害建安十二年公將北征三郡烏丸諸將皆曰袁尙亡虜耳蕃人貪而無親豈能爲尙用今深入征之劉備必說劉表以襲許萬一爲變事不可悔惟郭嘉勸公行五月至無終七月大水傍海道不通田疇請爲鄉導公從之引軍出

盧龍塞塞外道絕不通乃塹山堙谷五百餘里經白檀歷平岡涉鮮卑庭東指柳城未至二百里虜乃知之尙熙與蹋頓遼西單于樓班右平北單于能臣抵之等將數萬騎逆軍八月登白狼山卒與虜遇衆益盛公車重在後被甲者少左右皆懼公登高望虜陣不整乃縱兵擊之使張遼爲先鋒虜衆大奔斬蹋頓及名王已下胡漢降者二十餘萬口遼東單于速僕丸及遼西北平諸豪棄其種人與尙熙奔遼東尙有數千騎遼東太守公孫康斬尙熙及速僕丸等傳其首烏丸傳裴松之注引英雄記曰袁紹遣使拜烏丸三王爲單于皆安車華蓋羽旄黃屋左纛

三國志魏武帝紀裴松之注引曹瞞傳曰時寒且旱二百里無復水軍又乏食殺馬數千以爲糧鑿地三十餘丈乃得水旣還科問前諫者衆莫知其故人人皆懼公厚賞之曰孤前行乘危以徼倖雖得之天所佐也故不可以爲常諸君之諫萬安之計是以相賞後勿難言

之田疇傳疇常忿烏丸昔多賊殺其郡冠蓋有欲討之意而力未能
太祖北征烏丸先遣使辟疇隨軍次無終時方夏水雨而濱海洿下
滯滯不通虜亦遮守蹊要軍不得進太祖患之以問疇疇曰此道秋
夏每常有水淺不通車馬深不載舟船爲難久矣舊北平郡治在平
岡道出盧龍達於柳城自建武以來陷壞斷絕垂二百載而尙有微
徑可從今虜將以大軍當由無終不得進而退懈弛無備若嘿回軍
從盧龍口越白檀之險出空虛之地路近而便掩其不備蹋頓之首
可不戰而擒也太祖曰善乃引軍還而署大木表于水側路傍曰方
今暑夏道路不通且俟秋冬乃復進軍虜候騎見之誠以爲大軍去
也太祖令疇將其衆爲鄉導上徐無山出盧龍歷平岡登白狼堆去
柳城二百餘里虜乃驚覺單于身自臨陣太祖與交戰遂大斬獲追
奔逐北至柳城軍還入塞烏丸傳太祖自征蹋頓于柳城潛軍詭道
未至百餘里虜乃覺尙與蹋頓將衆逆戰于凡城兵馬甚盛太祖登

高望虜陣柳城軍未進觀其小動乃擊破其衆臨陣斬蹋頓首死者
被野

鮮卑

按鮮卑興于建武之初至漢末檀石槐益強分爲三部其卓帳
雖在代郡北今承德府境亦其疆域所及也

後漢書鮮卑傳永元十三年遼東鮮卑寇右北平因入漁陽漁陽太
守擊破之延平元年鮮卑復寇漁陽太守張顯率數百人出塞追之
兵馬掾嚴授諫曰前道險阻賊勢難量宜且結營先令輕騎偵視之
顯意甚銳怒欲斬之因復進兵遇虜伏發士卒悉走惟授力戰身被
十創手殺數人而死顯中流矢主簿衛福功曹徐咸皆自投赴顯俱
歿陣鄧太后策書褒歎賜顯錢六十萬以家二人爲郎授福咸各錢
十萬除一子爲郎

後漢書安帝紀元福四年鮮卑寇遼西遼西郡兵與烏桓擊破之見

鮮卑傳

後漢書鮮卑傳永建三年四年鮮卑頻寇漁陽六年秋耿彞遣司馬將胡兵數千人出塞擊破之冬漁陽太守又遣烏桓兵擊之斬首八百級獲牛馬牲口

後漢書靈帝紀建寧元年十二月鮮卑及濊貊寇幽并二州熹平二年十二月鮮卑寇幽并二州四年五月鮮卑寇幽州五年鮮卑寇幽州六年十二月鮮卑寇遼西光和二年十二月鮮卑寇幽并二州三年冬閏月鮮卑寇幽并二州四年十月鮮卑寇幽并二州中平二年十一月鮮卑寇幽并二州三年十二月鮮卑寇幽并二州

按後漢之季鮮卑屢寇邊郡茲取其與今境相近者載之餘不具錄

晉

前燕

按慕容氏自涉歸以後至廆及凱並受晉封逮晉咸康三年凱始稱王永和九年始不用晉年號故自涉歸以後凡有事于今承德府全境者並錄之

十六國春秋前燕錄慕容廆父涉歸一名弈洛韓以全柳城之勳進拜鮮卑單于晉太康二年冬涉歸始寇昌黎安北將軍嚴詢敗走之斬獲萬計四年涉歸卒廆出避難五年通鑑作六年國人迎廆立之代領部落初涉歸與宇文鮮卑素有隙廆將修先君之怨表請討之武帝弗許廆怒入寇遼西殺掠甚衆帝遣幽州諸軍討之自後復掠昌黎每歲不絕

按晉書武帝紀載涉歸寇昌黎事作太康二年十月鮮卑慕容廆寇昌黎三年三月安北將軍嚴詢敗鮮卑慕容廆于昌黎殺傷數萬人據十六國春秋及通鑑俱作慕容涉歸蓋慕容廆以太康五年始立也當屬晉紀之疎因廆後復掠昌黎而致誤耳

晉書康帝紀建元元年石季龍帥衆伐慕容皝皝大敗之七月石季龍將戴開帥衆來降丁巳詔曰慕容皝摧殄羯寇乃至死沒八萬餘人將是其天亡之始也中原之事宜加籌量且戴開已帥部黨歸順宜見慰勞其遣使詣安西驃騎諮謀諸軍事

十六國春秋前燕錄永和元年冬十月皝以古者諸侯即位各稱元年於是始不用晉年號

晉書穆帝紀永和三年夏五月進慕容皝爲安北將軍

前燕錄作安北大將軍

按慕容氏世受晉封自慕容廆于太康十年拜鮮卑都督大興元年拜龍驤將軍大單于三年加監平州諸軍事安北將軍平州刺史四年拜使持節都督幽州東夷諸軍事車騎將軍平州牧進封遼東郡公慕容皝於咸和九年拜鎮軍大將軍平州刺史大單于遼東公持節都督承制拜封一如廆故事咸康四年加征北大將軍幽州牧領平州刺史七年拜持節侍中大將軍

大都督河北諸軍事幽州牧大單于燕王以是時未都龍城尙不在今境內故不錄

穆帝紀永和五年四月假慕容儁大將軍幽平二州牧大單于燕王慕容儁載紀永和五年僭即燕王位依春秋列國故事稱元年是歲穆帝使謁者陳沈拜儁爲持節侍中大都督都督河北諸軍事幽冀并平四州牧大將軍大單于燕王承制封拜一如虜虢故事

按十六國春秋載儁元年受晉封爵與晉書載記同而載記與本紀互異今兩存之考前燕慕容皝于晉成帝咸康八年十月始居龍城至其子慕容儁二年當晉穆帝永和六年復還于薊今但錄其在龍城時事

北燕

十六國春秋北燕錄太平九年四月跋遣王特兒等入貢于晉魏章武太守捕之五月晉青州刺史申永遣使浮海來聘跋使中書郎李

扶報之

按後燕慕容寶永康二年始去中山走保龍城當晉安帝隆安元年至北燕馮跋太平九年當晉安帝義熙十三年中間與晉久相隔絕惟是年一通使餘無事可書

宋

北燕

南史朱修之傳太武伐馮文通修之及同沒人邢懷明並從又有徐車者亦沒魏復欲率南人竊發事泄見誅修之懷明懼禍同奔文通不見禮停一年會宋使至修之名位素顯傳詔見便拜彼國敬傳詔呼爲天子邊人見傳詔致敬乃始禮之時魏屢伐黃龍文通遣使求救修之乃使傳詔說而遣之

宋書文帝紀元嘉十二年正月封黃龍國主爲燕王

十六國春秋北燕錄太興五年正月宏遣使詣建康稱藩貢奉于宋

四月遣右衛將軍孫德乞師于建康

按北燕馮宏太興五年即宋文帝元嘉十年

宋書高句麗傳跋死子文通立屢爲索虜所攻不能下太祖世每歲遣使獻方物元嘉十二年賜加除授

按文通跋之季弟晉書載記魏書十六國春秋並同宋書以爲跋之子誤

欽定熱河志卷九十九

欽定熱河志卷一百

故事二

後魏

前燕

魏書昭成帝紀建國六年慕容元真遣使薦女七年二月遣大人長孫秩迎后慕容氏元真之女於境六月皇后至自和龍七月慕容元真遣使奉聘求交婚帝許之九月以烈帝女妻之八年慕容元真使朝貢

按十六國春秋前燕錄載建元元年七月昭成帝復求婚于皝皝使納馬千匹爲禮昭成不與又倨慢無子壻禮八月皝遣世子儁率前軍師將軍評等伐之昭成率衆遁走評等無所見而還即魏書所載薦女事也至魏昭成建國六年當晉康帝建元元年其八年當晉穆帝永和元年皆皝遷龍城後儁遷薊前事

Wt 41152

故錄之

北燕

魏書太宗紀神瑞元年八月遣謁者于什門招諭馮跋泰常元年徒何部落庫偃官斌先降後復叛歸馮跋驍騎將軍延普渡濡水討擊大破之斬斌及馮跋幽州刺史漁陽公庫偃官昌征北將軍關內侯庫偃官提等首生擒庫偃官女生縛送京師幽州平泰常三年五月壬子車駕東巡至於濡源及甘松遣征東將軍長孫道生給事黃門侍郎奚觀率精騎二萬襲馮跋又命驍騎將軍延普自幽州北趣遼西爲聲勢帝自突門嶺待之道生至龍城徙其民萬餘家而還六月乙酉車駕西返

按後魏神瑞元年當晉安帝義熙十年北燕馮跋太平六年後魏泰常元年當晉安帝義熙十二年北燕馮跋太平八年

魏書李先傳先與上黨王長孫道生率師襲馮跋乙連城克之悉虜

其衆乃進討和龍先言於道生曰宜密使兵卒人備青草一束各五尺圍用填城塹攻其西南絕其外援勒兵急攻賊必可擒道生不從遂掠民而還尉古眞傳古眞弟諾初爲幽州刺史加東統將軍進爵爲侯長孫道生之討馮跋也諾與驍騎將軍延普率師次遼西轉寧東將軍進爵武陵公

按是年當晉安帝義熙十四年北燕馮跋太平十年

魏書世祖紀延和元年五月大簡輿徒於南郊將討馮文通六月庚寅車駕伐和龍七月己未車駕至濡水庚申遣安東將軍宜城公奚斤發幽州民及密雲丁零萬餘人運攻具出南道俱會和龍己巳車駕至和龍臨其城八月甲戌文通使數萬人出城挑戰昌黎公元邱與河間公元齊擊破之死者萬餘人文通尙書高紹率萬餘家保羌胡以自固己卯車駕討紹辛巳斬之詔平東將軍賀多羅攻文通帶方太守慕容元攻猴固撫軍大將軍永昌王健攻建德驃騎大將軍

樂平王丕攻冀陽皆拔之虜獲生口班賜將士各有差九月乙卯車

駕西還十月癸酉車駕至濡水十一月乙巳車駕至自伐和龍二年

二月庚午詔兼鴻臚卿李繼持節假馮崇文通子封長樂公車騎大將軍遼

西王承制聽置尙書已下賜崇功臣爵秩各有差六月遣撫軍大將

軍永昌王健左僕射安原督諸軍討和龍將軍樓勃別將五千騎十六

國春秋作五百騎圍凡城原作瓦城誤文通守將封羽以城降徙其民三千餘家

三年六月辛亥撫軍大將軍永昌王健司空汝陰公長孫道生侍中

古弼督諸軍討和龍芟其禾稼徙民而還太延元年六月戊申詔驃

騎大將軍樂平王丕等五將率騎四萬東伐文通己卯丕等至於和

龍徙男女六千口而還

按後魏延和元年當宋文帝元嘉九年北燕馮文通太興二年

十六國春秋載拜崇假節侍中都督幽平二州東夷諸軍事車

騎大將軍領護東夷校尉幽平二州牧遼西王與此詳畧有異

魏書屈遵傳屈須

孫遵

子恆督諸軍東伐進號鎮東大將軍師次和龍

文通致牛酒以犒軍獻甲三千恆責其不送侍子數之以王命

按屈恆十六國春秋作屈垣考魏書恆字長生當從魏書作恆

爲是又韓茂傳及尉撥傳皆云從樂平王丕討和龍即此事也

魏書世祖紀太延二年三月辛未平東將軍娥清安西將軍古弼率
精騎一萬討文通平州刺史元嬰又率遼西將軍會之五月乙卯馮
文通奔高麗古弼傳文通之奔也弼部將高苟子率騎衝擊賊軍弼
酒醉拔刀止之故文通得東奔將士皆怨弼不擊世祖大怒徵還黜
爲廣夏門卒樂平王丕傳初馮文通之奔高麗世祖詔遣送之高麗
不遣世祖怒將討之丕上疏以爲和龍新定宜優復之使廣修農殖
以饒軍實然後進圖可一舉而滅帝納之乃止

安州

魏書封懿傳回

懿族孫

除鎮遠將軍安州刺史山民愿朴父子賓旅同

寢一室回下車勒令別處其俗遂改江悅之傳文遙悅之子肅宗初拜
平原太守遷後將軍安州刺史善于綏納甚得物情時杜洛周葛榮
等相繼叛逆自幽燕以南悉皆淪陷唯文遙介在羣賊之外孤城獨
守鳩集荒餘且耕且戰百姓皆樂爲用

營州

魏書肅宗紀熙平二年九月城營州治和龍城正光五年十月營州
城人劉安定就德興據城反執刺史李仲遵城人王惡兒斬安定以
降德興東走自號燕王盧同傳營州城民就德興謀反除同度支尙
書黃門如故持節使營州慰勞聽以便宜從事同頻遣使人皆爲賊
害乃遣賊家口三十人并免家奴爲良齋書諭德興德興乃降安輯
其民而還德興復反詔同以本將軍爲幽州刺史兼尙書行臺慰勞
之同慮德興難信勒衆而往爲德興所擊大敗而還
魏書肅宗紀孝昌二年九月就德興攻陷平州殺刺史王買奴

按此雖平州事以德興爲營州賊故著之

魏書孝莊紀永安二年十一月就德興自營州遣使請降

庫莫奚

魏書太祖紀登國二年十月癸卯幸濡源十二月巡松漠三年五月癸亥帝北征庫莫奚六月大破之獲其四部雜畜十餘萬渡弱落水班賞將士各有差長孫肥傳登國初與莫題等俱爲大將自濡源擊庫莫奚討賀蘭部並有戰功

魏書高祖紀太和十四年五月庫莫奚犯塞安州將樓龍兒擊走之魏書庫莫奚傳登國三年太祖親自出討大破之旣而車駕南還十數年間庫莫奚滋盛及開遼海置戍和龍諸夷震懼各獻方物高宗顯祖世庫莫奚歲致名馬文皮太和四年輒入塞內辭以畏地豆干抄掠詔書切責之二十二年入寇安州營燕幽三州兵數千人擊走之後復款附求入塞與民交易自是以後歲常朝獻至於武定未不

絕

按庫莫奚自北魏滅燕之後每歲入貢魏書帝紀載興安二年十二月遣使朝獻興光元年九月庫莫奚獻名馬有一角狀如麟皇興元年二月二年四月三年二月四年二月延興二年八月三年八月四年九月俱遣使朝貢五年五月遣使獻名馬承明元年二月七月九月太和元年二月十月三年九月十七年五月正始四年八月永平元年七月八月二年八月三年十月延昌元年十月二年八月三年十月正光四年九月五年十二月孝昌二年四月俱遣使朝貢又周書庫莫奚傳大統五年遣使獻方物亦在魏末類記于此

契丹

魏書契丹傳契丹國在庫莫奚東俱竄松漠之間登國中大破之遂
逃迸與庫莫奚分背北史作住經數十年稍滋蔓有部落于和龍之北數

百里多爲寇盜眞君以來求朝獻歲貢名馬顯祖時使莫弗紇何辰奉獻得班饗于諸國之末歸而相謂言國家之美心皆忻慕於是東北羣狄聞之莫不思服皆得交市于和龍密雲之間太和三年莫賀弗勿于內附止于白狼水東自此歲常朝貢

按契丹自北魏滅燕後屢來朝貢魏書帝紀載太延三年二月興安二年十二月皇興二年四月三年二月四年二月延興三年二月四月四年九月五年五月承明元年九月太和元年二月十月三年九月十七年五月永平元年七月二年七月三年閏五月四年七月延昌元年七月二年八月三年九月熙平二年二月八月正光五年十二月俱遣使朝貢彙著於此

北齊

營州

北齊書文宣紀天保九年七月詔營州去年蝨澇損田兼春夏少雨

苗家薄者免今年租賦

庫莫奚

北齊書文宣紀天保三年正月帝親討庫莫奚于代郡大破之獲雜畜十餘萬分賚將士各有差以奚口付山東爲民孝昭紀皇建元年十一月帝親戎北討庫莫奚出長城虜奔遼分兵致討大獲牛馬

契丹

北齊書文宣紀天保四年九月契丹犯塞壬午帝北巡冀定幽安仍北討契丹十月丁酉帝至平州遂從西道趣長塹詔司徒潘相樂率精騎五千自東道趣青山辛丑至白狼城壬寅經昌黎城復詔安德王韓軌率精騎四千東趣斷契丹走路癸卯至陽師水倍道兼行掩襲契丹甲辰帝親踰山嶺爲士卒先指麾奮擊大破之樂又於青山大破契丹別部綦連猛傳天保四年從討契丹於黃龍

按庫莫奚契丹在北齊時帝紀載天保元年十二月庫莫奚遣

使朝貢三年二月契丹遣使朝貢四年正月六年十二月七年
九月八年八月庫莫奚連遣使朝貢河清二年十二月庫莫奚
契丹並遣使朝貢天統元年契丹遣使朝貢亦類記於此

隋

營州遼西郡

隋書文帝紀開皇三年四月庚辰行軍總管陰壽破高寶寧于黃龍
五月丙寅赦黃龍死罪以下煬帝紀大業十年二月戊子詔曰往年
出軍問罪將屆遼濱死亡者衆不及埋藏今宜遣使人分道收葬設
祭於遼西郡立道場一所恩加泉壤庶彌窮魂之冤澤及枯骨用宏
仁者之惠

按是詔指大業八年九年兩伐高麗之事

隋書煬帝紀帝盛興屯田于柳城之外王世積傳遼東之役世積與
漢王並爲行軍元帥至柳城遇疾疫而還元孝矩傳孝矩弟褒遼東

之役以行軍總管從漢王至柳城而還

按柳城于北魏時爲龍城縣隋改龍山縣後復改柳城縣屬遼

西郡

北史勿吉國傳煬帝初與高麗戰頻敗其渠帥突地稽率其部降拜右祿大夫居之柳城與邊人來往悅中國風俗請被冠帶帝嘉之賜以錦綺而褒寵之及遼東之役突地稽率其徒以從每有戰功賞賜甚厚十三年從幸江都尋放還柳城

奚

隋書奚傳初臣于突厥自突厥稱藩之後遣使入朝或通或絕最爲無信大業時歲遣使貢方物

契丹

隋書高祖紀開皇四年九月契丹內附契丹傳開皇六年諸部相攻擊又與突厥相侵高祖使使責讓之其國遣使詣闕頓顙謝罪其後

契丹別部出伏等內附安置于渴溪那頡之北開皇末其別部四千餘家背突厥來降上方與突厥和好重夫遠人之心悉令給糧還本

部原脫部字依北史補勅突厥撫納之固辭不去部落漸衆遂北徙逐水草當

遼西正北二百里依託紇臣水而居東西互五百里南北三百里分

爲十部兵多者三千少者千餘逐寒暑隨水草畜牧有征伐則酋帥

相與議之興兵動衆合如符契原脫如字依北史補突厥沙鉢畧可汗遣吐屯

潘垠統之契丹殺吐屯而遁大業七年遣使朝貢方物契丹殺吐屯以下十七字

隋書刊本脫去依北史補入

按隋書刊本契丹傳與室韋傳悞相連屬中有脫文今所引依

北史補正至於奚契丹在隋時據奚傳稱大業時每歲朝貢契

丹傳稱大業七年朝貢茲考帝紀載開皇五年四月契丹遣使

貢方物十三年正月契丹奚並遣使貢方物二十年正月契丹

遣使貢方物大業十一年契丹遣使朝貢亦類記于此

唐

營州

舊唐書太宗紀貞觀十五年十一月薛延陀以同羅僕骨回紇靺鞨
靺鞨之衆度漠屯于白道川命營州都督張儉統所部兵壓其東境
唐書太宗紀貞觀十六年七月營州都督張儉率幽州兵及契丹奚
以伐高麗十九年九月班師十月次營州以太牢祭死事者高麗傳
詔集戰骸葬於柳城祭以太牢帝臨哭從臣皆流涕貞觀二十二年
李勣爲遼東道行軍大總管右武衛將軍孫貳朗右屯衛大將軍鄭
仁泰副之率營州都督由新城道以進次南蘇木郭知運傳詔知運
兼隴右經略使營柳城
資治通鑑開元二年初營州都督治柳城以鎮撫奚契丹則天之世
都督趙文翹失政奚契丹攻陷之是後寄治於幽州東漁陽城或言
靺鞨奚靺鞨大欲降唐正以唐不建營州無所依投爲默覈所侵擾故

且附之若唐復建營州則相帥歸化也并州長史和戎大武等軍州節度大使薛訥信之奏請擊契丹復置營州五年奚契丹既內附貝州刺史宋慶禮建議請復營州三月制復置營州都督於柳城兼平盧軍使管內州縣鎮戍皆如其舊以太子詹事姜師度爲營田度支使與慶禮等築之三旬而畢

唐書肅宗紀寶應元年建寅月戊申史朝義陷營州

奚

唐書奚傳顯慶間奚叛五年以定襄都督阿史德樞賓左武侯將軍延陀梯真居延州都督使含珠爲冷陁道行軍總管明年詔尙書右丞崔餘慶持節總護三都督討之奚懼乞降萬歲通天中叛延和元年以左羽林衛大將軍幽州都督孫佺左驍衛將軍李楷洛左威衛將軍周以悌帥兵十二萬爲三軍襲擊其部次冷陁與戰不利遂大敗佺以悌皆爲虜禽送默啜害之朝廷亦多故未暇討

資治通鑑景雲元年十二月奚霫犯塞掠漁陽雍奴出盧龍塞而去
幽州都督薛訥追擊之弗克先天元年十一月奚契丹二萬寇漁陽
幽州都督宋璟閉城不出虜大畧而去

舊唐書薛訥傳時契丹及奚與突厥連和屢爲邊患訥建議請出師
討之開元二年夏詔與左監門將軍杜賓客定州刺史崔宣道等率
師二萬出檀州道以討契丹等杜賓客以爲時屬炎暑將士負戈甲
齎資糧深入寇境恐難爲制勝中書令姚元崇亦以爲然訥獨曰夏
月草茂羔犢生息之際不費糧儲亦可漸進一舉振國威靈不可失
也時議咸以爲不便元宗方欲威服四夷特令訥同紫微黃門三品
總兵擊奚契丹議者乃息六月師至灤河遇賊時旣蒸暑諸將失計
會盡爲契丹等所覆訥脫身走免歸罪於崔宣道及蕃將李思敬等
八人詔盡令斬之特免杜賓客唐書元宗紀開元二年七月薛訥及
奚契丹戰於灤河敗績

舊唐書元宗紀開元二十年正月信安郡王禕爲河東河北道行軍副元帥以伐奚契丹三月信安郡王禕及奚契丹戰於薊州敗之五月忠王浚俘奚契丹以獻裴耀卿傳禮部尙書信安王禕受詔討契丹詔以耀卿爲副俄又令耀卿賫絹二十萬匹分賜立功奚官就部落以給之耀卿謂人曰賫持財帛深入寇境不可不爲備也乃令先期而往分道互進一朝而給付並畢時突厥及室韋果勒兵邀險謀劫襲之比至而耀卿已還烏承玼傳契丹可突于殺其王邵固降突厥而奚亦亂其王魯蘇擊族屬及邵固妻子自歸是歲值奚契丹入寇詔承玼擊之破於捺祿山二十二年詔信安王禕率幽州長史趙含章進討承玼請含章曰二虜固劇賊前日戰而北非畏我乃誘我也公宜畜銳以折其謀含章不信戰白城東大敗承玼獨按隊出其右斬首萬計可突于奔北奚

唐書德宗紀貞元十一年奚寇平州劉濟敗之於青都山劉惲傳子

濟南美數侵邊濟擊走之窮追千餘里至青都山斬首二萬及其後又掠檀薊北鄙濟率軍會室韋破之

唐書書張仲武傳始回鶻常有酋長監奚契丹以督歲貢因訶刺中國仲武使裨將石公緒等厚結二部執諜者八百餘人殺之大中初又破奚北鄙及山奚俘獲雜畜不貲奚傳大中元年北鄙諸山奚悉叛盧昶能張仲武擒酋渠燒帳落二十萬取其刺史以下面耳三百牛羊七萬輜貯五百乘獻京師

按唐書奚傳貞觀三年始來朝閱十七歲凡四朝貢開元二年使奧蘇梅落丐降明年身入朝終帝之世凡八入朝至德大歷間十二德宗時兩朝獻元和元年君梅落身入朝憲宗世四朝獻太和九年來朝威通九年使入朝而舊唐書奚傳別敘景雲元年遣使貢方物則新書之漏也

契丹

資治通鑑唐太宗貞觀二年四月丙申契丹酋長率其部落來降四年突厥既亡營州都督薛萬淑遣契丹酋長貪沒折說諭東北諸夷奚霫室韋等十餘部皆內附高宗顯慶五年以定襄都督阿史德樞賓等爲沙磧道行軍總管以討契丹擒契丹松漠都督阿卜固送東都

唐書武后紀萬歲通天元年五月契丹首領松漠都督李盡忠歸誠州刺史孫萬榮陷營州殺都督趙文翽左鷹揚衛將軍曹仁師右金吾衛大將軍張元遇左威衛大將軍李多祚司農少卿麻仁節等擊之七月春官尙書武三思爲榆關道安撫大使納言姚璹爲副以備契丹八月張元遇曹仁師麻仁節等及契丹戰於黃巒谷績執元遇仁節九月同州刺史武攸宜爲清邊道行軍大總管以擊契丹十月辛卯契丹寇冀州刺史陸寶積死之

資治通鑑則天皇后萬歲通天元年契丹破營州獲唐俘數百囚之

地牢聞唐兵將至使守牢霽給之曰吾輩家屬饑寒不能自存唯俟官軍至即降耳既而契丹引出其俘餉以糠粥慰勞之曰吾養汝則無食殺汝又不忍今縱汝去遂釋之俘至幽州具言其狀諸軍聞之爭欲先入至黃驪谷虜又使老弱迎降故遺老牛瘦馬於道側仁師等三軍棄步卒將騎兵輕集契丹設伏橫擊之飛索以緹元遇仁節獲之將卒死者填山谷鮮有脫者契丹得軍印詐爲謀令元遇等署之牒總管燕匪石宗懷昌等云官軍已破賊若不至營州軍將皆斬兵不敍助匪石等得牒晝夜兼行不遑寢食以赴之士馬疲憊契丹伏兵於中道邀之全軍皆沒

唐書武后紀神功元年三月王孝傑及孫萬斬戰於東硤石谷敗績孝傑死之四月右金吾衛大將軍武懿宗爲神兵道行軍大總管及右豹韜衛將軍何迦密以擊契丹五月婁師德爲清邊道行軍副總管右武威將軍沙叱忠義爲清邊中道前軍總管以擊契丹王孝傑

傳契丹李盡忠等畔有詔起白衣爲清邊道總管將兵十八萬討之
軍至東硤石谷與賊接道隘虜衆孝傑率銳兵先驅出谷整陣與賊
戰而後軍總管蘇宏暉以其軍退援不至爲虜所乘軍潰孝傑墮谷
死士相蹂且盡

資治通鑑先天元年十一月契丹寇漁陽大略而去

詳見前
奚條

唐書元宗紀開元二年薛訥及契丹戰于灤河敗績

詳見前
奚條

舊唐書元宗紀開元二十年信安郡王禕爲河東河北道行軍副元

帥伐契丹敗之

詳見前
奚條

郭知運傳開元二十一年幽州長史薛楚玉

遣英傑及裨將吳克勤烏知義羅守忠等精騎萬人及降奚之衆以
討契丹屯兵于榆關之外契丹首領可突于引突厥之衆拒戰於都
山之下官軍不利知義守忠率麾下便道遁歸英傑與克勤逢賊力
戰皆沒于陣其下精銳六千餘人仍與賊苦戰賊以英傑之首示之
竟不降盡爲賊所殺

按新唐書郭知運傳作二十三年誤也

舊唐書元宗紀二十二年二月幽州長史張守珪發兵討契丹斬其王屈烈及其大臣可突于於陣傳首東都餘叛奚皆散走山谷立其酋長李過折爲契丹王張守珪傳先是契丹及奚連年爲邊患契丹衙官可突于驍勇有謀略頗爲夷人所服趙含章薛楚玉等前後爲幽州長史竟不能拒及守珪到官頻出擊之每戰皆捷契丹首領屈刺與可突于恐懼遣使詐降守珪察知其僞遣管記右衛騎曹王悔詣其部落就謀之悔至屈刺帳賊徒初無降意乃移其營帳漸向西北密遣使引突厥將殺悔以叛會契丹別帥李過折與可突于爭權不叶悔潛誘之夜斬屈刺及可突于盡誅其黨率餘衆以降守珪因出師次於紫蒙川大閱軍實宴賞將士傳屈刺可突于等首於東都梟于天津橋之南詔封李過折爲北平王使統其衆尋爲可突于餘黨所殺

按屈刺可突于之死本紀以爲陣斬而守珪傳則言李過折殺之以降蓋必守珪以陣斬奏故本紀從之而本傳則紀其實也
屈刺本紀作屈烈係傳寫之訛

唐書烏承玼傳契丹可突于降突厥入寇詔承玼擊之破于捺祿山

詳見前
奚條

唐書安祿山傳天寶十一載率河東兵討契丹告奚曰彼背盟我將討之爾助我乎奚爲出徒兵二千餘人鄉導至土護真河祿山計曰道雖遠我疾趣賊乘其不備破之固矣乃飭人持一繩欲盡縛契丹晝夜行三百里次天門嶺會兩甚弓弛矢脫不可用祿山督戰急大將何思德曰土方疲宜少息使使者盛陳利害以脅賊賊必降祿山怒欲斬以令軍乃請戰思德貌類祿山及戰虜叢矛注矢邀取之傳言祿山獲矣奚聞亦叛夾攻祿山營士略盡祿山中流矢引奚兒數十棄衆走山而墜慶緒孫孝哲掖出之夜走平盧部將史定方以兵

鏖戰虜解圍去

唐書元宗紀天寶十四載三月安祿山及契丹戰於潢水敗之

唐書張仲武傳仲武厚結二部丹奚契執謀者八百餘人殺之詳見前奚條

唐書契丹傳咸通中其王習爾之再遣使者入朝部落寢強習爾之

死族人欽德嗣光啓時入寇幽薊劉仁恭窮師踰摘星山討之歲燎

塞下草使不得留牧馬多死契丹乃乞盟獻良馬求牧地仁恭許之

劉守光戍平州契丹以萬騎入守光偽與和張飲具於野伏發禽其

大將欽德輸重賂求之乃與盟十年不敢近邊

按唐書契丹傳稱武德中遣人來朝而君長或小入寇邊後二

年乃遣使者上名馬豐貂貞觀三年來朝由是有常未幾舉部

內屬在開元天寶間使朝獻者無慮二十至德寶應時再朝獻

大歷中十三貞元間三元和中七太和開成間凡四此契丹于

唐時朝貢之大略也

次定熱可志

卷一百

故事二

十三

欽定熱河志卷一百

欽定熱河志卷一百一

故事三

遼

奚

遼史太祖紀唐天復元年歲辛酉哈陶津汗

舊作痕德董可汗今改正

立以太祖

為本部額爾奇木

舊作夷窩蓋今改正

專征討破奚帥錫爾格

舊作轄刺哥今改正

俘獲

甚衆

按哈陶津汗即契丹傳所云欽德也立於光啓中此云天復元

年立誤

遼史耶律赫

魯今改正

傳太祖為德

舊作迭刺今改正

部額爾奇木

討奚部其長珠爾

舊作朮里今改正

逼險而壘攻莫能下令赫嚕持一笥往

諭之既入為所執迺說奚曰契丹與奚言語相通實一國也我額爾

奇木於奚豈有凌轢之心哉漢人殺我祖奚首額爾奇木怨刺骨日

夜思報漢人顧力單弱使我求援於奚傳矢以示信耳額爾奇木受

命於天撫下以德故能有此衆也今奚殺我違天背德不祥莫大焉

且兵連禍結當自此始豈爾國之利乎珠感其言乃降太祖紀先是

德祖俘奚七千戶徒饒樂之清河至是唐天復二年創爲奚德呼勒部分

十三縣二月唐天祐三年擊劉仁恭還襲山北奚破之十一月遣偏師討

奚讐諸部五年正月上親征西部奚奚阻險叛服不常數招諭弗聽

是役所向輒下遂分兵討東部奚亦平之於是盡有奚讐之地東際

海南暨白檀西踰松漠北抵黃水凡五部咸入版籍三月次灤河刻

石紀功部族表天贊二年討奚呼遜今改獲之置奚多科舊作墮塊

今改部會同六年奚超穆特舊作錫勃部進白麀今改正

遼史聖宗紀統和二十年十二月奚王府五帳六節度獻七金山土

河川地賜金幣

按地理志事在二十四年與紀互異

遼史屬國表準布舊作阻卜酋長默古斯舊作磨古斯殺金吾托郭斯

舊作禿古斯今改正以叛遣奚六部圖哩舊作禿里耶律郭薩舊作郭三發諸

蕃部兵討之

中京道

按今承德府全境於遼屬中京道故摘敘中京道事之隸於本

境者著之惟赤峰朝陽二縣北境兼涉上京道邊境無毗切本

境之事故不錄

遼史太宗紀天顯三年十一月自將伐唐十二月次杏塢唐使至遂

班師九年正月漁於土河十一年正月釣魚於土河遊幸表會同九

年三月釣魚於土河

遼史穆宗紀應歷四年冬駐杏塢

遼史景宗紀保寧七年十月釣於土河

遼史聖宗紀統和二年九月駐蹕土河三年七月駐蹕土河以暴漲

令造船橋四年正月觀漁土河十五年十二月釣魚土河二十五年
正月建中京十月駐蹕中京二十六年五月高麗遣使賀中京成十
月如中京二十七年正月釣於土河四月駐蹕中京營建宮室十二
月如中京二十八年五月如中京清暑七金山八月幸中京遊幸表
統和三十年十月幸中京

按遼史帝紀統和二十九年止其明年改元開正此云統和二
十年蓋紀開泰元年事編年有悞

聖宗紀開泰九年十月如中京遊幸表太平元年八月獵于孟山聖
宗紀太平元年九月幸中京八年九月幸中京九年正月至自中京
遼史興宗紀重熙元年十月幸中京十年十月幸中京遊幸表重熙
十年十月獵於烽臺山親射虎立斃興宗紀重熙十六年十月幸中
京謁祖廟十一月幸中京朝皇太后十三年十月駐蹕中京幸新建
祕書監有事於祖廟

遼史道宗紀清寧二年九月幸中京祭聖宗興宗於會安殿遊幸表
清寧十年九月幸七金山三學寺道宗紀清寧十年十月駐蹕中京
咸雍八年二月歲飢免武安州租稅賑恩蔚順惠寄州民六月賑中
京賑中興府太康三年二月中京飢罷巡幸大安二年九月發粟賑
中京飢四民三年三月發粟賑中京饑四月賜中京貧民帛六年二
月駐蹕雙山八年三月曲赦中京役徒壽隆三年正月駐蹕雙山

按遼史地理志無中興府紀所云賑中興蓋興中府之悞

遼史天祚紀乾統三年十月如中京天慶六年二月耶律章嘉努舊作

張家奴今改正誘饒州渤海及中京賊侯槩等萬餘人攻陷高州三月東面

行軍副統綽哈舊作酬今改正等擒侯槩於川州耶律孟簡傳中京饑詔

與學士劉嗣昌減價糶穀蕭綽哈舊作蕭今改正傳時廣州渤海作亂乃

與駙馬都尉蕭罕家努舊作韓家奴今改正掩其不備平之復敗敵將侯槩於

川州天祚紀天慶七年九月上自燕至陰涼河獵輞子山十月至中

京屬國表天慶八年正月遣耶律努克舊作奴哥等使金國議和好

金主復書大畧言如以兄事朕歲貢方物歸上中京與中府三路州

縣則可以如約七月金朝復遣呼圖克琨舊作胡克以書來免所取

上京與中府所屬州郡天祚紀天慶九年二月賊張薩巴舊作撒八

誘中京射糧軍僭號南面耶律伊都舊作余觀擒薩巴保大二年正

月金克中京二月金師敗奚王錫默舊作霞末於北安州遂降其城

三年正月宜錦乾顯成川豪懿等州相斷皆降二月興中府降金來

州歸德軍節度使田顥權隰州刺史杜師回皆藉所管戶降金興中

宜州復城守四年十月金攻興中府降之

金

北京路

金史太祖紀天輔元年十二月烏爾古舊作幹魯等敗耶律聶呼時舊

捏里今兵於蒺藜山拔顯州乾懿豪徽成川惠等州皆降二年十二

改正

月 雁州寇二萬已降復叛赫舍里卓哩舊作統石烈擊破之五年十一

月以和掄貝勒極烈今改正 杲為內外諸軍都統以昱嘉即滿宗翰宗

翰宗望宗盤等副之六年正月都統杲克儁恩回紇三城取中京遂

下澤州二月宗翰等取遼奚王錫默於北安州奚部西節度使額哩

埒舊作訛里以本部降宗翰駐安遣希尹等畧地獲遼護衛耶律錫

納埒舊作習泥知遼主獵鴛鴦灤遂遣報都統杲進兵襲之三月都

統杲出青嶺宗翰出瓢嶺追遼主於鴛鴦灤遼主奔西京八月中京

將先顏暉春今改正 敗契丹奚漢六萬於高州貝勒瑪奇舊作字

今改正 死之德里德們舊作得里得 部降九月實默舊作闍母 平中京

部族之先叛者及招撫沿海郡縣七年正月遼奚王和勒博舊作回

正改 僭稱帝詔招諭和勒博實默傳都統杲兵至中京實默自城西沿

土河以進城中兵尙餘三千皆不能守遂克之羅索舊作婁室 傳從

杲取中京與希尹等襲走達魯今改正 和尙伊呀森舊作雅里等

今改正

敗奚王錫降奚部西節度額哩埒舊作訛里尼楚赫舊作銀朮傳從

都統杲克中京尼楚赫與實古納舊作習古富察呼巴哩舊作蒲察

正改率兵三千擊奚王錫默於京西七十里錫默棄兵遁瑪奇舊作麻

正傳都統杲取中京屯兵高州以兵援蒙古貝勒舊作蒙剗字大破

敵兵彼敗恩州兵五萬人討平遼人聚中京山谷者降三千餘人戰

於高州境上伏矢射之中目遂卒高彪傳都統杲出中京彪領穆琨

已而駐軍武安赫時蘇以勁兵二萬來襲從韓魯出戰與所部皆出

馬先登奮擊敗之角險拒命所在屯結彪屢戰有功巴爾斯舊作拔

正改傳宗翰在保安州將會舍音舊作斜也於奚王嶺遼兵奄至古北

口使博勒和舊作婆盧彈春各領兵二百擊之彈春請濟師宗翰欲

自往希尹羅索曰此易與耳請以千人為公破之彈春以騎士三十

人前行至古北口遇其游兵遂入山谷遼人以步騎萬餘迫戰亡騎

五人暉春退據關口希尹羅索至巴爾斯鄂摩罕舊作說謀罕今改正呼實罕

舊作胡實海今改正摧鋒奮擊大破之斬馘甚衆盡獲甲冑輜重實古納舊作習古

迺今改正傳蕭妃自古北口出奔太祖使實古納追之不及王伯龍傳天

輔四年從攻下中京并克境內諸山寨

按金克中京在天輔六年獨王伯龍傳作四年乃傳寫之誤

金史太祖紀天輔七年正月宜錦乾顯成川豪懿等州皆降二月命

薩巴詔諭興中府降之實默舊作闕母今改正傳興中府宜州復叛實默討

之并下詔招諭

按乾顯成川懿豪等州本紀稱於天輔元年降金二年川州寇

復叛今復稱乾顯成懿諸州皆降者蓋既降而復城守至是再

降也

太祖紀契丹越堅舊作九斤今改正聚黨興中府作亂擒之越堅自殺薩茂

舊作斜卯今改正阿里傳與蘇都哩舊作散睹魯今改正屯高州契丹扎古雅舊作牙今

正改赴堅合興中兵數萬攻和爾台舊作胡里特今改正寨阿里與八穆琨救之

和爾台先往敗於城下阿里指揮前緋衣者二十餘人曰此必賊酋

也麾兵奮擊皆殺之餘衆大潰來州隰州兵圍和爾台城聞阿里來

救即解圍去實默傳貝勒舊作勃堇今改正蒙古舊作蒙刮今改正錫伯舊作斜鉢今改正

烏林舊作吾撻今改正等獲契丹赴堅興中平

按契丹赴堅據興中尋見獲而興中猶不降實默傳興中平者

蓋舉其後事書之

大金國志天會元年蕭鄂斡據奚王府自立為神聖帝國號大寶改

元天嗣尋為其下所殺

金史太宗紀天會二年八月六部都統達蘭舊作撻懶今改正擊走扎古雅

殺其隊將赫時蘇舊作曷魯燥今改正博碩噶舊作白撒今改正等又破降駱

駝山金源興中諸軍完顏昌傳遼外戚約尼舊作遙登今改正扎古雅部族

在建州舍音舊作斜野即前擊走之獲其妻孥及官豪之族達蘭復

擊之擒其隊將赫哱蘇博碩噶殺之降民戶千餘進降金源縣詔增

賜金牌十又降約尼二部再破興中兵降建州官屬得山砦二十村

堡五百八十阿古舊作阿忽復敗扎古雅降其官兵尤多扎古雅勢

蹙亦降興中建州皆平詔第將士功賞撫安新民達蘭請以約尼九

營爲九明安舊作猛安今改正上以奪隣有功使領四明安扎古雅仍爲親

管明安五明安之部帥使達蘭擇人授之達蘭與劉彥宗舉蕭公翊

爲興中尹郡府各以契丹漢官攝治上從之兵志天會五年伐宋之

役調中京民兵隸諸萬戶太宗紀天會十年七月上如中京十月上

如興中府十二月上至自興中府

金史兵志天德二年省併中京等路節鎮及明安穆琨海陵紀天德

四年四月有司請今歲河南北選人並赴中京銓注從之九月次中

京白彥敬傳正隆六年契丹薩巴反以彥敬爲北面行營都統與副

統赫舍哩志寧以便宜往賜御服皮襖行至北京聞南征諸軍逃歸

者皆奔東京欲推戴世宗彥敬與志寧謀陰結會寧尹完顏富色時

舊作蒲速利涉軍節度使通古義舊作獨吉以圖之世宗已即位使

資今改正舒穆魯伊德舊作石抹移迭今改正伊喇赫伯舊作移刺曷蒲今改正等九人招彥敬志

寧彥敬拒之使伊德跪伊德不屈皆殺之及完顏默音舊作謀衍今改正將

兵攻北京彥敬使偏將率兵拒於建州之境而通古義先歸世宗富

色時稱疾不至世宗密遣人乘夜揭榜於北京市購以官賞彥敬志

寧恐爲人圖已遂降赫舍里舊作紇石烈今改正志寧傳契丹薩巴反樞密使

布色瑚圖舊作僕散忽忽土今改正北京留守蕭頤西京留守蕭懷忠皆以征討

無功坐誅於是志寧爲西北面副統與都統白彥敬以北京臨潢泰

州三路軍討之餘與白彥敬傳畧同

金史世宗紀大定二年正月遣右副元帥完顏默音率師討蕭鄂幹

舊作窩翰今改正四月默音等敗鄂幹於長灤復敗於霧霖河五月以臨海

軍節度使嚇舍里志寧爲元帥監軍副元帥完顏默音元帥右監軍

完顏福壽坐逗遛召還京師皆罷之六月以尙書右丞布色忠義爲
平章政事兼右副元帥經畧契丹戰於花道大敗鄂斡於梟嶺西陷
泉獲其弟梟以西南路招討使完顏思敬爲元帥右都監七月詔發
濟州會寧府軍在京師者以五千人赴北京八月詔元帥右都監完
顏思敬以所部軍與大軍會討鄂斡九月詔赫舍里良弼以便宜招
撫奚契丹之叛者庚子完顏思敬獲契丹鄂斡餘衆悉平十二月遣
尙書刑部侍郎劉仲淵等廉察東京北京兩路赫舍里志寧傳志寧
以臨海節度使都統右翼軍鄂斡敗於長灤西走志寧追及於霧靄
河賊已先渡依岸爲陣毀橋岸以爲阻志寧與賊夾河爲疑兵與萬
戶瓜爾佳舊作夾谷
今改正清臣圖克坦哈里舊作徒單海
羅今改正於下流涉渡已
渡前有支港岸陡絕其中泥濘乃束柳填藉士卒畢濟行數里得平
地將士方食賊奄至據南岡三馳下志寧陣陣堅力戰流矢中左臂
戰自若賊據上風縱火乘煙勢馳擊志寧步軍繼至轉戰十餘合火

益熾風烟突人不可當會雨作風烟乃熄遂奮擊大破之於是元帥

默音右監軍福壽不急擊賊久無功右丞布色忠義請自討賊而志

寧擊賊有功上以忠義代默音志寧代福壽封定國公使富察通舊作

滿察通至軍中宣諭之伊喇鄂斡舊作移刺窩傳大定二年右副元

帥完顏默音率諸軍討鄂斡屯懿州慶雲縣川州武平縣奏請糧運

當遣人護送兵伏迤選精良者付之四月鄂斡攻懿州不克遂殘破

川州將遜於山西而北京亦不邀擊之於是右宣徽使亨為北京

路都統吏部郎中完顏達吉為副統會元帥府討擊之六月布色忠

義平章政事兼右副元帥以西南路招討使完顏思敬為都統西北

路招討使唐括蘇古都舊作索古副之以兵五千往會燕子城舊戍

軍視地形衝要或於狗濼屯駐遠斥候賊至即戰不以晝夜為限布

色忠義至軍中是時鄂斡西走花道衆尙八萬忠義高忠建軍與賊

遇萬戶察喇舊作查刺富察舊作蒲查為左翼宗亨統之宗寧羅索

今改正

舊作刺撒
今改正

爲右翼宗敘統之世傑亦在左翼中與賊夾河爲戰賊渡

河以兵四萬餘先犯左翼軍察喇以六百騎奮擊敗之以四萬騎與
右翼軍戰宗亨世傑七穆琨指畫失宜陣亂遂敗於賊世傑挺身投
於察喇軍中賊圍察喇軍察喇力戰宗敘以右軍來救賊乃去鄂幹
自花道西走布色忠義赫舍里志寧以大軍追及於梟嶺西陷泉明
日賊軍三萬騎涉水而東大軍先據南岡左翼軍自岡爲陣迤邐而
北步軍繼之右翼軍繼步軍北引而東作偃月陣步軍居中騎兵據
其兩端使賊不見首尾是日大霧晦冥旣陣霧開少頃晴霽賊見左
翼據南岡不敢擊擊右翼軍烏延察喇力戰賊稍卻志寧與瓜爾佳
清臣烏凌噶舊作烏林
刺今改正薩都拉舊作撒鐸
刺今改正合戰賊大敗將涉水去
泥濘不得急渡大軍逐北人馬蹂踐而死不可勝數陷泉皆平餘衆
蹈藉而過或奔潰竄匿林莽間大軍踵擊之俘斬萬計生擒其弟僞
六院司大王梟鄂幹僅與數騎脫去綽哈舊作鈔兀
今改正清臣追四十餘

里不及斬千餘級獲車帳甚衆其母錫納舊作徐釐舉營自噶庫舊作

落括今改正岡西走志寧追之盡獲輜重俘五萬餘人性畜不可計數偽

節度使六及其部族皆降詔北京副統完顏達吉括本部馬規辦芻

糧仍使達吉爲監戰官錄有功者聞奏鄂幹收萬餘人遂入奚部以

諸奚自益時時出兵寇蘇噶克舊作速魯淀古北口興化之間溫德

亨舊作溫迪阿噶岱舊作阿魯守古北口與戰敗焉詔完顏默音布

噶琿舊作滿盧以兵三千合舊屯兵五千擊之詔完顏思敬以所部

兵入奚討鄂幹鄂幹自度勢窮乃謀自羊城道西京奔夏國大軍追

之益急其衆復亡去度不能西乃北走沙陀間監軍志寧獲賊碩和

卓舊作稍釋而弗殺縱還賊中使誘其親近捕鄂幹以自效九月

碩和卓與實圖肯舊作神獨執鄂幹詣右都監完顏思敬并獲其母

錫納及其妻子婦弟姪盡獲偽金銀牌印志寧與清臣蘇克舊作速

正等追餘黨至燕子城盡得其黨前至茂巴爾達舊作抹拔之地

悉獲之逆黨遂平尼瑪哈綽哈薩兀今改正傳海陵將伐宋而契丹

反命與都統白彥敬副統赫舍里志寧進討至北京未能進會世宗

即位遼陽綽哈迎謁遷輔國上將軍與都統烏哲庫忽今改正副統

琿舊作渾今改正討鄂斡綽哈行至宥歷與鄂斡遇左軍小卻綽哈挺槍馳

入其陣手殺二十餘人賊乃退元帥布色忠義自花道追之綽哈以

前鋒追及於陷泉遂大敗之赫舍里良弼傳鄂斡敗於陷泉入奚中

詔良弼佩金牌銀牌四往北京招撫奚契丹世宗紀大定四年二月

以北京粟價踴貴請免今年課甲三月詔免北京歲課段匹一年九

月上謂宰臣曰北京懿州臨潢等路嘗經契丹寇掠父母兄弟不能

相保多冒鬻爲奴朕甚憫之可速遣使閱實其數出內庫物贖之金

史章宗紀大定八年世宗幸金蓮川秋七月丙戌次冰井上生承安

元年十月命左丞相襄行省於北京二年三月以參知政事裔代左

丞相襄行省於北京五月北京行省參知政事裔移駐臨潢府九月

遣官分詣北京等路招募漢軍不足則簽捕之以胥持國爲樞密副
 使權參知政事行省於北京泰和四年六月罷惠川高三州秀巖
 陽徽州咸寧全安利民六縣及北京宮苑使金史衛紹王紀崇寧元
 年十月曲赦北京金史宣宗紀貞祐三年正月北京軍亂殺宣撫使
 溫屯襄襄舊作奧屯今改正二月詔曲赦招撫北京作亂者元太祖十年貞祐四年
 六月遼西僞瀛王張致遣完顏納罕舊作南合今改正張頑僧上表來歸詔
 授致特進行北京路元帥府事兼本路宣撫使納罕同知兵馬總管
 府頑僧同知廣寧府元太祖十一年

欽定熱河志卷一百二

故事四

元

上都路 興州 松州

元史世祖紀中統二年十月詔指揮副使鄭江將千人赴開平指揮

使董文炳率善射者千人由魚兒泊赴行在所指揮使李伯裕率餘

兵屯潮河川十一月那海舊作訥懷今改正從阿呼岱舊作阿忽帶今改正出古北口

駐興州帝親將諸萬戶漢軍及武衛軍由檀順州駐潮河川三年免

興州松州望雲州新舊差賦以望雲松山興州課程隸開平府烏葉

爾舊作吾也兒今改正傳興州監軍珠爾舊作重兒今改正以兵叛烏葉爾往征之賊

軍射殺所乘馬軍士憤怒奮戈衝擊大破賊軍世祖紀至元二十七

年二月興州興安饑給九十日糧十一月興松二州隕霜殺禾免其

租二十九年正月興州之興安宜興兩縣饑賑米五千石

元史文宗紀致和元年八月阿蘇舊作阿速衛指揮使托克托穆爾

舊作脫脫木帥其軍自上都來歸即命守古北口及上都諸王實喇

兒今改正平章改事鼎瑪台舊作乃馬詹事奇徹舊作欽察戰於宜

舊作失刺興斬奇徹於陣禽鼎瑪台送京都戮之實喇敗走徹爾舊作徹里傳

今改正子實勒們舊作失列直宿衛致和元年八月從知院托克托穆爾至

潮河川獲旺扎勒巴圖爾舊作兒者八愛勒德濟舊作愛的等十二

人戮八人執四人歸京都復於宜興遇實喇鼎瑪台等迎戰奮戈擊

死二人以功賞白金楮幣

元史順帝紀至元三年五月以興州松州民饑禁上都興和造酒至

正二十四年四月圖卜沁特穆爾舊作禿堅帖以兵入居庸關皇太

子率侍衛兵出光熙門東走古北口趨興松至路兒嶺詔追及之還

宮庚申外史至正二十八年七月二十一日大軍自通州進兵克永

平伊蘇舊作也速軍潰於是檀順會利大興等處以次皆降附焉

按以上諸條載興州松州事其地屬今承德府境故著之其槩
言上都者俱不錄

大寧路

按大寧路元初為北京路至元七年改大寧嗣改武平後復為
大寧凡紀傳中書北京者皆大寧路事在今承德府境故全錄
之

元史太祖紀九年十月穆呼哩舊作木華
黎今改正征遼東高州盧琮金朴等

降十年二月穆呼哩攻北京金元帥音達琿舊作寅答
虎今改正烏庫哩舊作
烏古

倫今改正以城降以音達琿為留守烏葉爾權兵馬都元帥鎮之興中府

元帥石天應來降以天應為興中府尹四月詔張鯨總北京十提控

兵從南征鯨謀叛伏誅七月紅羅山寨主杜秀降十一年春鯨弟張

致陷興中府穆呼哩討平之王珣傳太師穆呼哩畧地奚霫珣吏民

出迎承制以珣為元帥兼領義川二州事張致僭號錦州陰結開義

楊伯傑等來掠義州珣出戰伯傑引去會致兄子以千騎來衝珣選十八騎突其前復令左右犄角之一卒以槍刺珣珣揮刀殺之其衆潰走獲馬幾盡時興中亦叛穆呼哩圍之召珣以全軍來會致窺覘其虛夜襲之家人皆遇害及興中平珣無所歸穆呼哩留之興中遣其子榮祖馳奏其事帝諭之曰汝父子宣力我家不意爲張致所襲歸語汝父善撫其軍俟逆黨平彼之族屬城邑人民一以付汝吾不吝也珣以穆呼哩兵復開義擒伯傑等殺之進攻錦州致部將高益縛致妻子及其黨千餘人以獻穆呼哩悉以付珣珣但誅致家其餘皆釋之始還義州太祖紀十二年夏盜祁和尚據武平史天祥討平之遂擒金將巢元帥以獻

元史世祖紀中統元年六月詔燕京西京北京三路宣撫司運米十萬石輸開平七月勅燕京西京北京等路宣撫司造羊裘皮帽袴靴皆以萬計輸開平二年八月勅北京運糧於魚兒泊食貨志中統二

年免北京差發以鈔一千二百錠於上都北京西京等處糴三萬石
世祖紀中統三年正月耶律鑄詣北京餉諸王軍仍遣宣撫司柴楨
等增價糴米三萬石益之三月括北京鷹坊等戶丁爲兵蠲其賦四
月以北京廣寧豪懿州軍興勞弊免今年稅賦兵志中統四年八月
命阿海充都元帥專於東京北京平灤懿州蓋州路管領見管軍人
凡民間之事毋得預焉世祖紀中統四年三月命北京元帥阿海發
漢軍三千人赴開平五月詔北京運米五千石赴開平其車牛之費
並從官給八月命中書省給北京西京轉運使車牛價鈔至元元年
正月勅北京西京宣慰司和糴以備糧餉二年正月命北京行省給
扎拉齊舊作扎刺赤今改正戶東徙行糧萬石十二月宋子貞請罷北京行中
書省別立宣慰司以控制東北州郡從之

按紀書中統二年罷行省置宣慰司至十五年又書改北京行
省爲宣慰司而八年至十四年復屢書特訥克舊作頭釐哥今改正廉希

憲張附哈達

備作合答今改正

行省如故則是十五年以前行省未嘗

罷也史書從之必有誤

元史世祖紀至元八年正月賑北京饑七月以國王特訥克行尙書省於北京遼東等路食貨志金課在遼陽者至元十年聽李德仁於龍山縣胡碧峪淘采每歲納課金三兩世祖紀至元十一年五月勅北京中京等新附軍恐不宜暑權駐上京十一年二月以廉希憲為中書右丞北京等處行中書省事七月敕山北遼東道提刑按察使烏魯斯布哈舊作兀魯失不花今改正同參知政事廉希憲行省北京國王特訥克毋署事有大事則希憲等就議十二年八月免北京等路今歲絲銀十三年六月以北京行中書省廉希憲為中書右丞行省於荊南府以戶部尙書張附參知政事行中書省於北京十四年正月詔上都隆興西京北京四路編民捕獵等戶僉選丁壯軍三千人防守上都二月命北京選福住所統軍三百赴上都三月以郡王哈達為平

章政事行中書省於北京十五年四月改北京行省爲宣慰司九月
 詔發東京北京軍四百人成應昌府十月詔西河西京南京西川北
 京等處宣慰司案牘宜依江南近例令按察司磨照移河南河北道
 提刑按察司十六年二月詔河南西京北京等路課程令各道宣慰
 司領之五月烏朗哈特舊作兀里養合帶今改正言賦北京西京車牛俱至可運
 軍糧帝止之十八年二月以北京大定諸州旱免今歲稅賦之半二
 十年五月省北京提刑按察司副使僉事各一員八月勅大名眞定
 北京衛輝四路屯駐新附軍於東京屯田十月罷北京鹽鐵課程提
 舉司二十三年七月罷遼陽等處行中書省復北京咸平宣慰司鄂
 都濟蘇舊作幹脫吉思今改正部民饑就食北京二十四年四月諸王納延舊
乃顏今改正反免北京今歲絲銀仍以軍旅經行給鈔三千錠賑之五月
 遣額森舊作也先今改正傳旨諭北京等處宣慰之凡隸納延所部者禁其
 往來毋使乘馬持弓矢托爾楚舊作塔出今改正傳托爾楚探知納延謀反

遣人馳驛上聞有旨領軍一萬與皇子阿雅噶齊舊作愛也同力備

禦女直碩達勒達舊作木達官民與納延連結托爾楚遂棄妻子與

麾下十二騎直抵建州距咸平千五百里與納延黨台繖巴圖爾舊作

太撒拔都等合戰兩中流矢繼知其黨特爾格舊作帖哥綽爾齊舊

兒今改正抄兒赤等欲襲皇子阿雅噶齊以數十人退戰千餘人扈皇子渡遼

水納延軍來襲托爾楚轉鬪而前射其酋特古勒岱舊作帖古中其

口鏃出於項墜馬死追兵乃退遂軍懿州州老幼千餘人焚香羅拜

道旁泣曰非宣慰公吾屬無遺種矣世祖紀至元二十四年六月諸

王實都爾舊作失都所部特爾格舊作鐵哥率其黨取咸平府欲劫

取豪懿州守臣以乏軍救援勅以北京戍軍千人赴之九月咸平懿

州北京以納延叛民廢耕作又霜雹為災告饑詔以海運糧五萬石

賑之食貨志至元二十四年九月除北京馬五百匹世祖紀至元二

十五年二月省遼東海西道按察司入北京改北京路為武平路

按元初沿金北京之名至是始改武平地理志載至元七年改北京爲大寧然紀中仍書北京未見以大寧紀事也

世祖紀至元二十五年二月遼陽武平等處除今年租稅及歲課貂皮二十六年十月武平路饑發常平倉米萬五千石賑之十一月武平路饑免今歲田租十二月武平路饑以糧二萬三千六百石賑之二十八年三月武平路饑百姓困於盜賊軍旅免其去年田租賑遼陽武平饑民仍弛捕獵之禁四月以地震故免侍衛兵籍武平者今歲徭役五月賑上都桓州武平寬河等處饑民十月武平路饑免今歲田租十一月武平平灤諸州饑弛獵禁其孕字之時勿捕食貨志至元二十八年詔武平路絲綿並除之

按元史食貨志載中統五年北京市糴即至元元年事蓋是年三月始改元也茲不重錄

世祖紀二十九年正月以武平地震災全免去年稅四千五百三十六

金史卷一百一十一
三
錠今年量輸之止徵二千五百六十九錠六月大寧路惠州連年旱澇加以役繁民饑死者五百人詔給鈔三千錠及糧一月賑之

按元史地理志武平後復爲大寧不詳年月紀中無復武平爲大寧事以此年正月紀武平六月紀大寧証之則知改名在至元二十九年春夏之間蓋從此始定爲大寧矣

元史成宗紀大德五年七月大寧路水以糧千石賑之

元史仁宗紀七月大寧等路隕霜勅有司賑恤

按是年爲武宗至大四年仁宗七月已即位故入仁宗紀

仁宗紀皇慶二年二月以大寧饑禁酒四月大寧路免今年田租十之三仍禁釀酒七月免大寧路今歲鹽課延祐四年惠州銀洞三十六眼立提舉司辦課

元史泰定帝紀九月大寧蒙古大千戶部風雪斃畜牧賑米十五萬石

按是年爲英宗至治三年泰定帝已即位故入泰定紀

泰定帝紀泰定二年十二月大寧路饑禁釀酒惠州等處饑賑糴有
差三年十一月大寧等路水民饑賑鈔五萬錠是歲大寧路大水溺
死者人給鈔一定四年三月大寧廣平二路屬縣饑賑鈔二萬八千
錠致和元年四月大寧屬縣饑發粟賑之

元史順帝紀元統二年六月大寧廣寧遼陽開平懿州水旱蝗大饑
詔以鈔二萬錠遣官賑之庚申外史上都與紅羅山未平庚申帝在
上都紅羅山在東南伊蘇駐兵在焉上都恃有紅羅山爲之藩籬紅
羅山恃上都爲救援而不設備常遇春使人覘知之即以大兵銳騎
晝夜兼行六月破紅羅山七月破上都城

按是年爲至正二十九年明太祖洪武二年

明

興州衛

明太祖實錄命遇春自鳳翔赴北平以平章李文忠輔之自北平往取開平道三河徑鹿兒嶺過惠州敗故元將江文清兵次全寧故元丞相伊蘇復以兵迎戰又敗之伊蘇遁去進攻大興州乃分兵千餘爲八屯伏其歸路大破之明史李文忠傳拜征虜左副將軍與大將軍分道北征至北慶州而還道興州禽國公江文清等降三萬七千人至紅羅山又降楊思祖之衆萬六千餘人

按江文清常遇春傳作汪文靖字誤也

明太祖實錄洪武四年二月罷山後諸州徙其民於山南中書右丞相魏國公徐達奏山後順寧等州民雖已招集來降未見安土樂生恐其久而離散已徙順寧宜興州沿邊民入北平州縣洪武七年九月燕山衛都指揮使朱杲通州衛指揮僉事鄭治汝寧衛指揮僉事馮俊密雲衛指揮僉事張斌等師出古北口防秋卒遇敵皆力戰死明史成祖紀洪武三十五年十月命北平州縣棄官避靖難兵者朱

寧等二百十九人入粟免死戍興州

大寧衛

營州衛

明太祖實錄洪武四年十一月賜北平紅羅山新附鞑靼軍五萬七

千七百餘人綿花綿布蘇木五年六月振武衛指揮僉事王常先等

招集紅羅山故元將阿蘇舊作阿速今改正所部軍士七千人來降七年七

月左副將軍李文忠帥師攻高州大石崖克之斬故元宗王托多寶

哩舊作朶朶失里今改正餘衆敗走文忠復遣指揮唐某追擊之至韃帽山遇

故元魯王營於山下以兵攻之斬魯王及司徒達噶濟舊作答海俊今改正平

章巴爾舊作巴刺今改正知院呼都克舊作忽都今改正獲魯王妃蒙克圖舊作蒙兒禿今

改正并金印一玉圖書一十二年六月命都督僉事馬雲統兵征大寧

明史太祖紀二十年正月馮勝爲征虜大將軍傅友德藍玉副之率

師征納克楚舊作納哈出今改正三月師出松亭關城大寧寬河會州富峪六

月踰金山納克楚降閏月師還次金山都督濮英殿軍遇伏死之九月置大寧都指揮使司明太祖實錄十月征虜大將軍永昌侯藍玉奏留人馬戍守大寧會州等處二十一年命北京都指揮使司調新籍軍士赴大寧屯戍代還舊軍二十三年遣使勅遼東都指揮胡旻朱勝率所操軍馬往大寧候總兵官調遣其駝牛馬非備戰者悉發大寧運糧二十五年八月置營州後屯衛命指揮郭麟守之二十六年二月置營州前屯衛於興州右屯衛於建州中屯衛於龍山縣左屯衛於塔山北

按興州當作興中州誤脫一字

明史太祖諸子列傳寧獻王權太祖第十七子洪武二十四年封踰二年就藩大寧在喜峰口外古會州地東連遼左西接宣武爲巨鎮帶甲八萬革車六千所屬朵顏三衛騎兵皆驍勇善戰權數令諸將出塞以善謀稱明太祖實錄二十八年四月調大寧左右二衛爲寧

王營州左右二護衛

明史惠帝紀建文元年八月詔興州營州開平諸衛軍全家在伍者免一人十月燕兵自劉家口間道襲陷大寧守將朱鑑死之總兵官劉貞都督陳亨援大寧亨叛降燕燕以寧王權及朶顏三衛卒歸北平太祖諸子列傳建文元年朝議恐權與燕王合使人召權權不至坐削三護衛其年九月江陰侯吳高攻永平燕王往救高退燕王遂自劉家口間道趨大寧詭言窮蹙來求救權邀燕王單騎入城款洽不爲備北平銳卒伏城外吏士稍稍入城陰結三衛部長及諸戍卒燕王辭去權祖之郊伏兵起擁權行三衛曠騎及諸戍卒一呼畢集守將朱鑑不能禦戰歿王府妃妾世子皆隨入松亭關歸北平大寧城爲空明太宗實錄七月庚寅守遵化指揮蔣玉言都督劉貞陳亨都指揮卜萬引大寧兵出松亭關駐沙河將攻遵化壬辰上率兵援之劉貞等聞上將至走還松亭關乙未上命千戶李濬等領兵至關

劉貞等閉關不敢出敵邏騎獲大寧二卒至乃作招卜萬書盛稱獎萬而極毀詆亨緘識牢密召一卒飲之酒且厚賚之而置書其衣中俾歸與萬其同獲之卒竊窺之問守者曰彼何爲者守者曰遣歸通意故得厚賚卒請偕行遂俱遣而不與賚不得賚者至即發其事劉貞陳亨搜卒衣得與卜萬書遂疑萬執下獄籍其家九月議攻大寧乙未師行十月戊戌師至劉家口路極險隘守關百餘人乃命鄭亨領勁卒數百卷旆登山斷其歸路而從後攻之悉擒守關者師遂度關壬寅師抵大寧適西南隅城崩遂克之獲都指揮房寬遣陳亨家奴并城中將士家屬報亨等劉貞等引軍來援軍士聞家屬無恙皆解甲寧王權三護衛軍爲朝廷削奪者尙留城中至是皆歸附上悉以還寧王丁未劉貞陳亨回至亂塔黃崖亨與營州中護衛指揮徐理右護衛指揮陳文夜襲破貞營貞單騎走廣寧亨等率衆降甲寅拔大寧之衆及寧王權皆回北平乙卯我軍至會州以大寧歸附之

衆分隸各軍丁已師入松亭關

按明史言燕王詐入大寧而實錄言城西南隅崩而事跡互異
今兩存以備攷

明太祖實錄十月命兵部復議大寧營州興州三衛凡各衛官軍先
調遼東等處及在京並有坐事謫戍邊者皆令復原衛屯田命戶部
尙書王鈞馳驛往北平與新昌伯唐雲經度屯糧十一月令武安侯
于千戶寨灰嶺慶州神樹西馬山七度河皆設煙墩使屯守知備仍
令新昌伯以所領軍自小興州至大興州東接牛嶺會州塔山龍山
諸處屯種北勿令出會州西勿過千戶寨永樂元年二月辛亥以興
州左屯興州右屯興州中屯興州前屯興州後屯隸北京留守行後
軍都督

按明史地理志興州諸衛永樂元年二月徙治玉田遷安良鄉
豐潤三河實錄不言徙治史官之疎也

明太祖實錄永樂元年二月改營州左護衛爲隆慶左衛右護衛爲隆慶右衛中護衛爲寬河衛三月調營州左屯衛於順義右屯衛於薊州中屯衛於平谷前屯衛於香河後屯衛於三河衛設左右中前後五所仍隸大寧都司

明史成祖紀永樂元年三月改北平行都司爲大寧都司徒保定始以地界烏梁海

舊作兀良哈今改正諾音衛

泰寧衛

明史諾音傳成祖從燕起靖難患寧王躡其後自永平攻大寧入之謀脅寧王因厚賂三衛說之來成祖行寧王餞諸郊三衛從一呼皆起遂擁寧王西入關成祖復選其三千人爲奇兵從戰天下既定徙寧王南昌徙行都司于保定盡割大寧地界三衛以償前功

按烏梁海初在潢河北明太祖二十二年分置三衛以居之其部落始內徙然猶有大寧等衛錯處而監制之如都護然及成

祖盡撤諸衛以地全畀烏梁海終明之世邊徼遂無寧歲

明太祖實錄永樂十年四月福餘等三衛指揮使爾爾巴哈

舊作喃不花今

正改等如敕書遣人納馬贖擄掠邊卒之罪十九年十一月命邊將置

邏騎營於古北口之北神樹之地作深溝高塹以自固二十年七月車駕次捕虜川始諸將之赴烏梁海也諭之曰官軍至彼虜必西走以兵從西要之可獲也至是率精騎數萬弛赴之命武安侯鄭亨成山侯王通陽武侯薛祿率大營諸將軍後行甲戌烏梁海寇黨老弱者皆詣軍門待罪命釋之八月戊戌車駕次玻璃谷諸將先受命征烏梁海者奏云已入寇穴寇悉衆來敵大敗之斬首數千級餘衆潰而西走盡收其人口孳畜先道大寧入喜峰口

明史宣宗紀宣德三年八月丁未帝自將巡邊九月辛亥次石門驛烏梁海寇會州帝帥精卒三千人往擊之乙卯出喜峰口擊寇於寬河帝親射其前鋒殪三人兩翼軍並發破之甲子班師癸酉至自喜

峰口六年七月許諾音三衛市易明宣宗實錄六年正月宥泰寧福

餘諾音三衛剽竊之罪勅諭其大小頭目七年五月諾音衛指揮使

司差指揮圖噶特穆爾舊作都兒帖本兒今改正奏所降印信為巴延實哩舊作木雅

失里今改正掠去請再給賜從之十年十月鎮守遼東太監伊實喀舊作亦失

哈今改正等奏諾音三衛縱其部落數來擾邊乞舉兵征勦

明英宗實錄正統四年九月左參將都指揮使楊洪領軍追捕叛虜

至白塔兒十岔口遇烏梁海五百餘騎射死十二人生禽三人并獲

其馬匹軍器六年十月左參將都督僉事黃直等率兵巡哨至巴顏

舊作伯顏今改正山遇虜騎百餘擊走之明日至明安舊作閔安今改正山復與烏

梁海三百餘騎遇都指揮朱謙文洪廣等率眾又敗之至莽賚舊作莽來

今改正泉賊遁去八年四月錦衣衛指揮僉事王息奉使烏梁海三衛

還九年正月命成國公朱勇興安伯徐亨都督馬亮陳懷等分統兵

出境勦賊時烏梁海三衛雖陽朝貢屢寇遼東延安邊境命勇出喜

峰口恭順侯吳克忠佐之亨出界嶺口亮出劉家口懷出古北口各將兵萬人約至黃河土河兩大口等處探賊踪跡葉向高諾音三衛考勇等兵渡柳河經大小興州過神樹至全寧遇福餘逆戰敗之次虎頭山及流沙遇泰寧諾音又敗之

明英宗實錄初肥河衛都指揮伯勒格舊作別里格今改正奏烏梁海拘殺其使人朝廷許其報復伯勒格遂同敖罕舊作囉罕今改正河衛都督尼克塔

舊作你哈答今改正等率衆與戰大敗之明史諾音傳正統十二年衛拉特舊作瓦剌今改正擊殺鼎爾巴哈舊作乃兒不花今改正大掠以去額森繼至諾音泰寧

皆乞降福餘獨走避諾衰舊作腦溫今改正江三衛益衰畏衛拉特強不敢背仍歲來致貢止以利中國賜賚又心銜邊將勦殺潛圖報復十四

年夏大同參將石亨等復擊其盜邊者於箭谿山三衛益怨秋導衛拉特大入英宗遂以是役北狩

按正統時諾音三衛入貢邀賞無慮數十次其間六年則一年

五至四年五月則一月四至考土木事在十四年而正月申猶有來朝者上下恬嬉懵然不悟彼豈獨賜賚為利蓋為衛拉特所使耳茲諾音傳所言庶幾得其實矣

明英宗實錄諾音衛都指揮阿爾齊默舊作阿兒乞遣其頭目哈喇

蠻今改正

今改正

舊作母納

等來朝奏言為衛拉特額森所逼徙其部落於黃河穆楞舊作母納

之地昨者欲召三衛頭目今發壯丁隨營攻戰臣等以祖父以來世

臣中國不願從之且言額森欲分道南向恐為邊患並進馬匹詔宴

勞之先是泰寧等衛都督僉事格根特穆爾舊作革干帖木兒今改正等遣人上

書願附塞居住為中國藩籬且乞大寧廢城及甲盾見賜如有外侮

願備前驅令去塞二百里居住天順二年諾音衛欲從宣府入境朝

貢守臣以聞命仍從喜峰口入

明憲宗實錄成化十年正月重給諾音衛印從本衛署印知院托和

齊舊作脫火言其印為瑪拉噶舊作毛里孩今改正所掠故也二十三年六月

諾音三衛爲那海舊作那孩今改正等遂掠各攜人畜入關避匿救邊東守

臣嚴爲戰守之備仍遣譯諭三衛聽其暫駐近邊

明孝宗實錄宏治十一年十二月巡撫薊州都御史洪鍾奏潮河川

去京師僅二百里居兩山之間約廣百餘丈每夏秋水漲溢則汪

洋巨浸水退則坦然平路虜可擁衆而入請於本處之東三里許第

二第三兩寨之間其山內高外低約餘二丈鑿爲兩渠以殺水勢復

於口外斜砌石堰使水由川中行仍於石堰之內築立外關一座以

百人防守使虜不衝突從之

明史諾音傳三衛之迭犯也實諾音部哈丹舊作哈丹兒今改正陳通事爲之

二人者俱中國人被虜遂爲三衛用嘉靖二十九年謫達謀犯畿東

哈丹爲指瀾河川路俺答移兵白廟近古北哈丹詐言敵已退邊備

緩俺答遂出鴿子洞曹榆溝入直犯畿甸已而俺答請開馬市哈丹

復往來誘阻之三十年薊遼總督何棟購捕至京伏誅

失定熱河志卷一百一

欽定熱河志卷一百三

外記一

烏桓鮮卑之在漢魏慕容氏高氏馮氏之在晉宋及北魏奚契丹之在隋唐諸音泰寧等衛之在明聲教所阻宛若異域然二千餘年間君長渠帥之名氏散見諸書或詳或略未可以闕而弗記其盛衰興廢梗概差存均藉是可考亦輿記所不容遺也爰各標名氏爲綱彙訂成帙與故事門相爲表裏互資審核其事跡旁見側出不能繫之一人者別爲附錄綴各國之末云志外記第二十三

漢

烏桓

按烏桓在漢初爲匈奴冒頓所破餘衆孤弱臣伏匈奴武帝時霍去病擊破匈奴左地徙烏桓於上谷以東五郡塞外光武時

金史卷一百一十二
郝旦等內附復置之塞內於是緣邊諸郡漸爲烏桓所據其在
今承德府境者曰遼西烏桓曰右北平烏桓曰漁陽烏桓而遼
西烏桓爲最强茲叙郝旦以下諸人如左

又按漢時匈奴建庭直代雲中不在承德府境其有事於上谷
以東者已載故事門茲纂外記不列匈奴斷自烏桓始

遼西烏桓郝旦

後漢書烏桓傳建武二十二年匈奴國亂烏桓乘弱擊破之匈奴轉
北徙數千里漢南地空二十五年遼西烏桓大人郝旦等九百二
十三人率衆向化居塞內布於緣邊諸郡遂爲漢偵候助擊匈奴鮮
卑

漁陽烏桓歆志賁

後漢書鮮卑傳漁陽赤山烏二歆志賁等數寇上谷永平元年祭彤

賂偏何鮮卑名擊歆志賁破斬

遼西烏桓于秩居

後漢書鮮卑傳烏桓大人于秩居等與連休

遼西鮮卑

有宿怨共郡兵奔

擊大破之

元初四年

漁陽烏桓扶漱官

後漢書鮮卑傳烏桓豪人扶漱官勇健每與鮮卑戰輒陷敵詔賜號

率衆君

永建六年

右北平烏桓烏延

後漢書烏桓傳靈帝延右北平烏延衆八百餘落自稱汗魯王

遼西烏桓邱力居

後漢書烏桓傳靈帝初烏桓大人遼西有邱力居者衆五千餘落自

稱王中平四年前中山太守張純畔入邱力居衆中自號彌天安定

王遂爲諸郡烏桓元帥寇掠青徐幽冀四州五年以劉虞爲幽州牧

虞購募斬純首北州乃定

遼西烏桓樓班 蹋頓

後漢書烏桓傳獻帝初平中邱力居死子樓班年少從子蹋頓有武略代立總攝三郡謂遼西烏桓右北平烏桓遼東屬國烏桓衆皆從其號令建安初冀州牧袁紹與前將軍公孫瓚相持不決蹋頓遣使詣紹求和親遂遣兵助擊瓚破之紹矯制賜蹋頓難樓蘇僕延烏桓二字衍文烏延等皆以單于印綬從難樓蘇僕延率其部衆奉樓班爲單于蹋頓爲王然蹋頓猶秉計策及紹子尙敗奔蹋頓時幽冀州人奔烏桓者十餘萬戶尙欲憑其兵力復圖中國建安十二年曹操自征烏桓大破蹋頓于柳城斬其首虜二十餘萬人袁尙與樓班烏延等等皆走遼東遼東太守公孫康並斬送之其萬衆衆餘落悉徙居中

國

按袁紹矯制所封之單于自蹋頓烏延之外尙有難樓爲上谷烏桓蘇僕延爲遼東屬國烏桓以不在今承德府境故不錄又

漢書所列烏桓封單于者四人三國魏志亦謂賜蹋頓難樓峭

王即蘇僕延汗魯王即烏延印綬皆以為單于而裴松之注引英雄記

則謂拜烏桓三王為單于及載詔封之版文則稱遼西率眾王

蹋頓右北平率眾王汗盧維遼東屬國率眾王頒下所謂汗盧

維者當即烏延或因其自稱汗魯王而訛所謂頒下者當即蘇

僕延魏志傳太祖臨陣斬蹋頓首速附丸樓班烏延等走遼東所謂速附丸亦即蘇僕延武帝紀亦作速僕丸名號

各殊難于稽証則中外字書音譯成訛理固然耳

右北平烏桓能臣抵之

三國志魏武帝紀北征三郡烏丸未至二百里虜乃知之尙熙與蹋

頓遼西單于樓班右北平單于能臣抵之等將數萬騎逆軍

按袁紹所封之右北平單于為烏延是時與魏逆戰者據後漢

書三國志烏桓傳烏延亦在其內而魏武紀獨作能臣抵之當

是別為一人其所以稱單于別無可考

又按後漢時烏桓名之見于漢書者有烏桓大人勿柯烏桓大人戎朱虜率衆王侯咄歸去延等俱未詳其屬于何部故不錄鮮卑

按鮮卑在漢初亦爲冒頓所破竄于遼東塞外未嘗通中國建武初始于烏桓隨匈奴寇北邊永元中耿夔擊破北奴因徙匈奴據其地稍稍近邊其後寢大至延熹時分爲三部右北平以東爲東部右北平以西爲中部今承德府境蓋得東部十之七中部十之三茲敘連休以下諸人如左

遼西鮮卑連休

後漢書鮮卑傳元初四年遼西鮮卑連休等燒塞門寇百姓

遼西鮮卑烏倫 其至韃

後漢書鮮卑傳永寧元年遼西鮮卑大人烏倫其至韃率衆詣鄧遵降奉貢獻詔封烏倫爲率衆王其至韃爲率衆 建光元年秋其至

韃復叛累殺郡守控弦數萬騎後其至韃死鮮卑抄盜差稀

按鮮卑之在後漢于光武時首先內屬受封者爲于仇賁滿頭然其所居在遼東于桓帝時最强大者爲檀石槐凡東西中三部大人皆屬之然其卓帳在高柳北三百餘里並在今承德府境外故不列後倣此

遼西鮮卑宇文普回 莫那

北史周本紀其先出自炎帝爲黃帝所滅子孫遁居朔野其後有葛烏菟者鮮卑奉以爲主遂總十二部落世爲大人及其裔孫曰普回因狩得玉璽三紐文曰皇帝璽普回以爲天授已其俗謂天子曰宇文故國號宇文并以爲氏普回子莫那自陰山南徙始居遼西是曰獻侯爲魏舅甥之國九世至侯豆歸爲慕容皝所滅

按自晉以上九世爲宇文莫那約計當在漢時故附錄于此侯豆歸即十六國春秋所載逸豆歸詳見後

魏

烏丸

即漢烏桓桓
魏書作丸

按漢武北討以後烏丸微矣今錄其可考者二人

右北平烏丸寇婁敦

遼西烏丸護留

三國志毋邱儉傳毋邱儉率幽州諸軍屯遼隧右北平烏丸單于寇婁敦遼西烏丸都督率衆王護留等昔隨袁尙奔遼東者率衆五千餘人降寇婁敦遣弟阿羅槃等詣闕朝貢封其渠帥二十餘人爲侯

王景初
元年

按烏丸傳裴松之注引魏畧護留作護留葉當即等
字之訛訛袁尙奔

遼東作遼西阿羅槃作阿羅獎二十餘人作三十餘人當從儉

傳爲正又北魏書徒河段就六眷傳有漁陽烏丸庫辱官約畧

時世當在魏末魏初然無確驗附著於此

鮮卑

按魏初鮮卑軻比能爲最強其地自雲中五原東抵遼水實盡有今熱河全境然其卓帳當并州之北在今承德府境外比能見殺之後其餘衆散居潢水之南黃龍之北亦皆無名氏可考今惟錄檀石槐舊部受魏封爵者著於篇

素利彌加 厥機 沙末汗 成律歸

三國志鮮卑傳素利彌加厥機皆爲大人在遼西北平漁陽塞外建安中因閭柔上貢獻求通市太祖皆表寵以爲王厥機死又立其子沙末汗爲親漢王延康初又各遣使獻馬文帝立素利彌加爲歸義王太和二年素利死子小以弟成律歸爲王代攝其衆魏書鮮卑傳檀石槐分其地爲中東西三部從右北平以東至遼東接夫餘濊貊爲東部二十餘邑其大人曰彌加厥機素利槐頭從右北平以西至上谷爲中部十餘邑其大人曰柯最闕居慕容等

按檀石槐東部大人以魏書所載方位證之彌加厥機素利當
在今境然三國志以素利彌加爲一人厥機爲一人魏書又似
以彌加厥機爲一人素利爲一人未詳孰是其中部大人亦未
審孰居今境內並附存之

晉

鮮卑

烏丸附

按西晉之末北州紛擾熱河北境爲鮮卑宇文氏地爲詳著卷
內其時烏丸已弱餘種尙雜處其間故祇從附載至熱河南境
雖爲段氏疆域所涉而段氏世居令支建庭不在今境內如檀
石槐軻比能例不書

鮮卑宇文莫圭

魏書作莫虜

十六國春秋前燕錄太安初鮮卑宇文單于莫圭部衆強盛遣其弟
屈雲寇邊別帥素怒延

晉書載記及魏書作素延

攻掠諸部虜親擊敗之素怒延

復率衆十萬圍虜於棘城衆咸震懼虜曰素怒延軍無法制已在吾計中諸君但爲力戰無所憂也乃躬貫甲冑馳馬出擊大敗之追奔百里俘斬萬餘人

按庾信周上柱國齊王憲碑晉太康之世據有黃龍當太安初字文莫圭攻慕容廆之時距太康止十有餘年史稱莫圭部衆強盛自稱單于則所謂據有黃龍者當即莫圭

鮮卑字文悉獨官

魏書作遜昵延

十六國春秋前燕錄太興二年虜封略漸廣據棘城晉中州刺史東夷校尉崔恣乃陰結高句驪及字文氏段氏謀滅虜以分其地三國進攻棘城虜閉門自守遣使獨以牛酒犒字文大人聲音於衆曰崔恣昨有使至二國疑字文氏與虜有謀各引兵歸字文大人悉獨官曰二國雖歸我當獨兼其國率衆數十萬逼城連營四十里虜使召其子翰于徒河翰遣使謂虜曰悉獨官舉國爲寇彼衆我寡易以計

勝難以力勝今城中之衆足以禦寇翰請爲奇兵于外伺其間而擊之乃聽翰留徒河悉獨官聞之曰翰素名驍果今不入城或能爲害當先取之城不足憂也遂分遣數千騎襲翰翰潛知之詐爲段氏使者逆于道曰慕容翰久爲吾患聞當擊之吾已嚴兵相待宜速進也使者既去翰即出城設伏以待之宇文氏之騎見使者大喜馳行不復設備進入伏中翰奮擊獲之乘勝徑進遣間使語鹿出兵大戰鹿使子孰與長史裴疑將精銳爲前鋒自將大兵繼後悉獨官自恃其衆初不設備見鹿兵至方率衆逆戰前鋒始交翰將千騎從旁直衝其營縱火焚之衆皆震擾不知所爲遂大敗之悉獨官僅以身免盡俘其衆獲皇帝玉璽三紐

按孰破悉獨官得玉璽三紐與周書晉回文合知悉獨官以下至乞得歸逸豆歸即九世中之三世也

鮮卑宇文乞得歸

晉書載記及魏書作乞得龜

十六國春秋前燕錄太寧三年春三月石勒遣使通和虜拒之遂其使于建康勒怒加宇文乞得歸官爵使之擊虜虜遣皝拒之以遼東相裴疑爲右部都督率索頭段國爲右翼命征虜仁自平郭趣伯林爲左翼乞得歸屯保澆水固壘不戰遣兄子悉拔雄襲仁于伯林仁逆擊悉拔雄斬之悉虜其衆乘勝與皝攻乞得歸大破之乞得歸棄軍走皝仁入其國城使輕兵追乞得歸過三百里而還盡獲其國重器畜產以百萬計徙其民數萬戶以歸先是海出大龜枯死于平郭至是而乞得歸敗其東部大人逸豆歸逐而殺之因自立爲王

鮮卑宇文逸豆歸 涉弈千

十六國春秋前燕錄宇文逸豆歸既殺乞得歸自立咸和八年八月皝率騎討之軍于廣安逸豆歸懼請和遂築榆陰安晉二城而還咸康元年七月遣右司馬封弈率兵襲擊宇文別部涉弈千一作涉大獲而還涉弈千率騎追戰於渾水又敗之二年六月段遼遣弟蘭將

攻柳城西曲水宇文逸豆歸入寇安晉以爲蘭聲援虢引兵北趣安
晉逸豆歸棄輜重走虢遣封弈率輕騎追擊大破之收其軍實館穀
二旬而還十月使封弈攻宇文別部大捷而歸五年又使子蕩寇將
軍恪平狄將軍霸等擊宇文別部建元元年二月宇文逸豆歸遣其
相國莫淺渾將兵來伐諸將爭欲擊之虢不許渾以虢爲憚之荒酒
縱獵不復設備虢遣翰率騎擊之渾大敗僅以身免二年正月虢與
左司馬高詡謀伐宇文逸豆歸以翰爲前鋒將軍劉佩副之分命廣
威將軍軍慕容也渡遼將軍恪平狄將軍霸及折衝將軍慕輿根將兵
三道並進逸豆歸遣騎將南羅大涉弈千將精兵拒翰翰自出衝陣
弈千出應之霸從旁邀擊遂斬弈千宇文士卒不戰而潰燕兵乘勝
逐之遂克其都城逸豆歸遠遁死漠北宇文氏由是散亡虢悉收其
畜產資貨闢地千餘里徙其部民五萬餘落于昌黎改涉弈千所居
城爲威德城使弟左將軍彪戍之而還

鮮卑木堤 附烏桓悉羅侯

十六國春秋前燕錄咸和九年正月軌遣軍諮祭酒封奔攻鮮卑木堤于白狼揚威將軍淑虞攻烏丸悉羅侯于平岡皆破斬之

前燕

按慕容氏自廐居棘城尙在今承德府境外後併段氏宇文氏其境始大自廐及軌並受晉封號洎稱燕王漸成外域軌都龍城實居今境故記錄自軌始僞之二年始南徙數年之間不乏事蹟茲具著于篇并敘龍城留臺以下諸人不列慕容暉者以來都鄴不在今境也

慕容軌

十六國春秋前燕錄慕容軌字元貞小字萬年廐第二子晉成帝咸和八年五月廐卒軌嗣遼東公位九年三月段遼寇徒河軌別將張萌擊敗之段遼弟蘭寇柳城不克而退休息二旬復益兵來攻卒不

能拔虢遣寧遠將軍汗及封弈等共救之與蘭遇于牛尾谷大敗之弈整陣力戰得不沒咸康二年六月段遼遣中軍將軍李詠夜襲武興遇雨而還都督張萌追擊禽之遼別遣弟蘭率步騎數萬屯于曲水亭將攻柳城西曲水虢率步騎五萬擊之師次柳城蘭不戰而遁虢謂諸將曰虜耻無功而歸必將復至宜于柳城左右設伏以待之乃遣封弈率騎潛伏于馬兜山七月遼果來寇抄弈夾擊大破之斬其將榮伯保十月使世子儁伐段遼諸城大捷而歸三年正月徙昌黎郡築好城于乙連東戍之以逼乙連六月遼又遣從弟揚威將軍屈雲夜襲虢子遵於興國城大戰于五官水上雲敗斬之九月左長史封弈等以虢任重位輕宜稱燕王遂以三年十月丁卯僭即王位大赦改備羣司十一月虢以段遼屢爲患稱藩於趙乞師討遼自請盡率國中之衆會之并以弟寧遠將軍汗爲質石虎大悅辭其質期以明年大舉四年正月虢遣都尉趙榮如趙請師期虎將擊段遼募

驍勇者三萬餘人悉拜龍騰中郎帥舟師十萬步騎七萬伐之三月
槃還至棘城虢引兵攻掠令支以北諸城段遼弟蘭來拒戰敗之掠
五千餘戶及畜產萬計以歸五月趙石虎至徐無遼奔密雲山虎進
入令支怒虢之不會師先攻遼而自專其利率衆來伐燕人震恐虢
成周內史崔燾等凡三十六城皆叛應之趙兵進次棘城圍守旬餘
左右或勸虢降虢曰孤方取天下何謂降也遣子蕩寇將軍恪等率
騎二千晨出擊之趙兵棄甲逃潰恪等乘勝追擊斬獲三萬餘級虢
分兵討諸叛城皆下之拓境至凡城築成凡城而還十二月段遼降
遼降使詐降于趙請兵應接石虎遣征東將軍麻秋率衆三萬迎之
虢自率諸軍迎之遣伏精騎七千于密雲山大敗麻秋于三藏口擁
段遼及其部衆以歸五年四月虎使鎮遠將軍石城據後趙錄入寇
凡城不克進陷廣城當作廣成六年虢率驍騎二萬出螻蟥塞長驅至于
薊城掠徙幽冀三萬餘戶而還七年正月使築龍城縣改置柳城爲

龍城縣八年七月營龍城新殿十月執遷都龍城大赦晉康帝建元元年十月執躬巡郡縣勸課農桑復大起龍城宮闕二年四月趙平北將軍尹農率衆寇凡城不克而去晉穆帝永和元年二月賜大臣子弟爲官學生者號高門生立東庠于舊宮以行鄉飲之禮親造太上章以代急就又著典誡十五篇並以教胄子十月執以古者諸侯即位各稱元年于是始不用晉年號自稱十二年十四年正月執親幸東庠十月饗羣臣于承乾殿以久旱丐百姓田租十五年七月執畋于西鄙馬倒被傷九月丙申薨于承乾殿時年五十二在位十五年十月葬于龍山僑僭號追諡文明皇帝廟號太祖陵曰龍平

接錄內慕容汗慕容恪當時俱爲將軍然止因事著號故不另標題後做此

慕容僑

十六國春秋前燕錄慕容僑字宣英小字賀賴跋執第二子僭即燕

王位稱元年大赦四月發兵伐趙以恪爲輔國將軍評爲輔弼將軍陽鶩爲輔義將軍霸爲前鋒都督建鋒將軍簡精卒二十餘萬二年二月使霸將兵二萬自東道出徒河慕輿根自西道出蠡螭塞儁自中道出盧龍塞伐趙留世子守龍城三月攻陷薊城入都于薊兵至范陽太守李產率八城令長出降四月悉置幽州郡縣守宰自將擊鄧恆于魯口引兵還薊八月徙代郡民于凡城九月南徇冀州十月還薊州諸將守之還至龍城謁陵廟三年二月冉閔僭稱大號攻圍襄國趙主石祗危迫乞師閔聞儁欲救趙師大司馬從事中郎常煒來聘儁囚煒于龍城遂還薊八月克中山儁釋煒囚使居凡城十二月儁如新城元璽元年正月儁還薊稍徙軍中文武民兵家屬于薊四月恪與閔戰于魏昌廉臺擒閔送之于薊斬于龍城遂進攻鄴六月鄴北郡縣悉降八月魏校尉馬願等開鄴城納燕兵十一月戊辰僭即皇帝位大赦建元元璽國號大燕時晉永和八年也建留臺于

龍城二年二月立妻可足渾氏爲后世子爲皇太子皆自龍城遷于薊宮三年九月僞如龍城四年四月僞自和龍還薊城五年七月太子卒僞諡獻懷光壽元年二月復立次子中山王暉爲太子大赦十一月自薊徙都于薊十二月使昌黎遼東二郡營起虎廟建熙元年正月甲午僞薨時晉升平四年也葬于龍陵僞諡景昭皇帝廟號烈祖

龍城留臺尙書三人

乙逸

十六國春秋前燕錄元璽元年十一月建留臺于龍城以元菟太守乙逸爲尙書專委留務

慕容垂

十六國春秋前燕錄元璽三年四月命冀州刺史吳王霸徙治信都更名曰垂尋遷侍中錄留臺事鎮龍城大得東北之和僞忌之復召

垂還

慕容亮

十六國春秋後燕錄慕容令密謀起兵鎮東將軍渤海王亮鎮龍城令將襲之亮閉城拒守前燕錄建熙十一年十一月宜都王桓率鮮卑五千奔龍城殺鎮東將軍渤海王亮併其衆奔遼東

按慕容儁建龍城爲留臺以乙逸爲尙書又以慕容垂代逸尋召垂還而不言代垂之人以慕容令之叛及慕容桓事考之知代垂者亮也終前燕鎮龍城者此三人

柳城守將二人

石琮 慕輿廕

十六國春秋前燕錄段遼遣弟蘭與慕容翰寇柳城柳城都尉石琮與城大慕輿廕并力拒守蘭等不克而退復益兵來攻圍二旬琮廕拒守彌固殺傷千餘人卒不能拔

凡城守將一人

悅綰

十六國春秋前燕錄悅綰榼盧城大人也初仕皝爲司馬石虎入寇遣征北張舉襲凡城皝以綰爲禦難將軍授兵一千以守之

好城守將一人

蘭勃

十六國春秋前燕錄咸康三年正月築好城于乙連東使折衝將軍蘭勃戍之以逼乙連四月乙連飢甚段遼以車數千輛輸乙連粟蘭勃邀擊獲之

昌黎太守一人

高開

十六國春秋前燕錄慕容儁三年趙故太尉劉準土豪封放別聚衆自守儁使昌黎太守高開討準放高開至渤海準放迎降

附錄

十六國春秋前燕錄建熙五年七月遣太尉封弈侍中慕輿龍詣龍城徙宗廟及所留百官於鄴都十月封弈等迎神主于和龍十一年秦兵至鄴十一月暉與上庸王評樂安王臧定襄王淵左衛將軍孟高殿中將軍艾朗等數十騎出奔昌黎堅使郭慶追之執暉送於堅慶進至龍城評奔高句驪

前秦

按慕容暉爲符堅所破地入于秦前後燕之間十有餘年秦之職官及境內事不可闕也列敘如左

龍城鎮將一人

苻洛

十六國春秋前秦錄堅從弟行唐公洛鎮和龍

平州刺史二人

石越

十六國春秋前秦錄建元十六年八月分幽州置平州以石越爲平州刺史領護鮮卑中郎將鎮龍城

苻冲

十六國春秋前秦錄建元二十一年幽州刺史王永平刺史苻冲帥幽并人衆擊慕容垂

按秦初滅燕其幽州刺史鎮和龍及苻洛以和龍叛平洛之後乃分幽州置平州于是幽州刺史鎮薊城而平州刺史鎮和龍此惟地入于秦十數年間如是前後皆不然也又前秦錄太安元年十一月苻丕以王亮爲平東將軍平州刺史十二月以宋敞爲平州刺史是時和龍已入于慕容垂亮與敞但有平州刺史之名而未能至其地故但附識于此

昌黎太守二人

王縉

十六國春秋前秦錄苻洛舉兵以昌黎太守王縉爲右司馬

宋敞

十六國春秋前秦錄建元二十一年王永苻冲頻爲慕容垂將帶方太守平視等所敗乃遣昌黎太守宋敞焚燒和龍薊城宮室率衆三

萬進屯壺關

按魏書張亮傳亮父卓昌黎太守考昌黎郡至魏世祖大延時始入于魏張亮之歷官在魏太祖時亮父張卓爲昌黎太守計其世次當在秦苻堅時並識於此

附錄

十六國春秋前秦錄建元十二年十月堅遣安北將軍幽州刺史行唐公洛爲北討大都督帥幽冀兵十萬擊魏又遣後將軍并州刺史俱難鎮軍將軍鄧羌尙書趙遷御史中丞李柔前將軍朱彤前禁將

軍張蚝右禁將軍郭慶帥步騎二十萬東出和龍西出上郡皆與洛會十六年三月行唐公洛自稱大都督秦王以平規爲輔國將軍幽州刺史四月洛率衆七萬發和龍將圖長安堅使屯騎校尉石越帥騎一萬自東萊出石逕浮海四百餘里襲和龍五月斬平規及其黨羽百餘人幽州悉平

欽定熱河志卷一百四

外記二

魏

後燕

按慕容暉滅後垂復中興孰儔舊疆仍爲燕有及寶自中山北徙又都龍城由盛及熙凡傳三世高雲養子猶冒慕容乘熙之亂以攘有其國四主相承皆是土也今自寶以下各詳著之稽寶初徙及雲之亡皆在晉世然是時魏有中原久矣南海北海如風馬牛魏收編之魏史于義較長今從其例不復以典午標題焉敘慕容寶至慕容雲及龍城鎮將以下諸人於左

慕容寶

十六國春秋後燕錄慕容寶字道祐小字庫勾垂第四子以晉太元二十一年嗣僞位大赦改元永康元年八月魏太祖大舉來伐二年

三月魏圍中山既久將士皆思出戰趙王麟每阻其議麟既叛侍郎段平子說麟招集丁零東據和龍寶召高陽王隆及遼西王農謀去中山走保龍城隆曰今外寇方盛而內難復起百姓疑懼誠不可以拒敵北遷舊都亦事之宜然龍川地狹民貧若節用愛民務農訓兵數年之中公私充實庶幾返施克復故業如其未能則憑險自固猶足以養銳耳寶出中山至薊殿中親近散亡略盡惟高陽王隆所領數百騎爲宿衛清河王會帥步騎迎寶乃盡徙薊中府庫北趨龍城魏兵追之寶不欲戰會固請逆擊之魏兵大敗會既退魏兵矜狼滋甚四月寶宿廣都黃榆谷會遣其黨分道襲農隆殺隆於帳下農被創逃遁會復勒兵攻寶侍御郎高雲襲擊敗之逃奔中山開封公詳執而殺之論功行賞以農爲左僕射尋拜司空領尚書令贈高陽王隆爲司徒以高雲爲建威將軍封夕陽公十月燕人有自中山至龍城者言太祖衰弱司徒德完守鄴城會德表至勸寶南還于是大簡

士馬將復取中原遣將軍啓崙南視形勢三年正月啓崙還至龍城言中山已陷寶命罷兵遼西王農曰宜因成師襲庫莫奚從之北行渡澆洛水會南燕王德遣侍郎李延詣寶言魏主西上國中空虛寶大喜即日引還詔諸軍就頓不聽罷散文武將士皆以家屬隨駕遼西王農長樂王盛切諫寶曰吾計決矣敢諫者斬二月發兵龍城以慕容騰爲前軍大司馬遼西王農爲中軍寶爲後軍步騎三萬連營百里次于乙連長上段速骨宋赤眉等因衆心之憚征役作亂逼立高陽王崇爲主寶將十餘騎奔遼西王農營營兵亦厭征役皆棄仗走寶農奔還龍城長樂王盛聞亂引兵出迎寶農僅而得免尙書頓邱王蘭汗潛與速骨等通謀引兵營龍城之東城中兵少盛徙內近地之民得丁夫萬餘乘城禦之三月速骨攻城農恐不能守且爲汗所誘夜潛出赴之明旦攻城城上拒戰甚力速骨乃將農循城農素有忠節威名城中恃以爲強忽見在城下遂皆逃潰寶輕騎南奔速

骨幽農于殿內以高陽王崇幼弱更欲立農崇親信讓讓出力撻等殺農速骨即誅讓等蘭汗襲擊速骨並其黨盡殺之遣使迎寶及于薊城寶欲還北盛等皆曰汗之忠款虛實未明不如南就范陽王合衆以取冀州若其不捷收南方之衆徐歸龍城未爲晚也寶以汗祀燕宗廟所爲似順欲還龍城盛勸寶宜且駐留乃遣宄從僕射李旱先往見汗寶留頓石城會汗遣左將軍蘇超奉迎陳汗忠款寶不待旱還遂行盛流涕固諫不聽留盛在後盛與將軍張眞等下道避匿寶至索莫汗陁去龍城四十里汗遣弟加難帥五百騎出迎穎陰公餘崇密勸寶勿前不從行數里先執崇殺之引寶入龍城外邸遂爲汗所弑諡曰靈帝盛僭僞位追諡寶曰惠愍皇帝廟號烈宗

慕容盛

十六國春秋後燕錄慕容盛字道運寶之庶長子寶即位領北中郎鎮鄴進爵爲王寶爲蘭汗所殺盛馳進赴哀汗以爲侍中左光祿大

夫親待如舊汗兄提弟加難勸汗殺盛不從提事汗多無禮盛因而間之太原王奇楷之子汗之外孫也汗亦有之以爲征南將軍盛遂相與謀潛使奇逃去起兵於建安汗遣使討之盛曰太尉素驕難信汗因更遣撫軍將軍仇尼慕是時龍城自夏不雨至秋七月汗日詣燕諸廟及寶神座頓首禱請委罪於提加難提加難率部兵襲仇尼慕軍汗懼遣子穆討之穆曰慕容盛我之仇讐奇今起兵盛必爲應請先除之盛妃密以告于是僞稱疾篤汗亦止不殺穆討提加難破之大饗將士汗穆皆醉盛夜如廁袒而踰牆入于東宮與李旱等誅穆進攻汗斬之汗子魯公和陳公揚分屯令支白狼盛遣李旱張眞襲誅之提加難亡匿捕得斬之于是內外帖然宇文拔率壯士數百來赴盛拜拔爲大宗正告成于太廟大赦盛謙益自卑不稱尊號遂以長樂王攝行統事諸王降爵爲公初太原王奇舉兵討汗進屯乙連盛既誅汗命罷兵奇勒兵叛盛執奇還賜死桓王之嗣遂絕九月

以慕容豪爲幽州刺史鎮肥如十月丙子盛僭卽尊位大赦改元建平尊寶后段氏爲皇太后太妃丁氏爲獻莊皇后正月大赦改元長樂有犯罪者每十日一自決之高句驪王安遣使貢方物七月拜范陽盧溥爲幽州刺史八月遼西太守李朗在郡十年威制境內恐盛疑之累徵不赴以母在龍城未敢顯叛乃陰召魏兵將爲自安計許以郡降表請發兵詣龍城以拒寇盛曰此必詐也召其使詰之果無事實盡滅其族遣輔國將軍李旱率騎討之師次建安召旱旋師羣臣莫測其故九月復遣之朗聞其家被誅擁二千餘戶以自固及旱中路還謂有內變不復設備迎魏師於北平旱追及無終斬之十二月征虜將軍燕郡太守高湖帥戶二千降魏二年正月大赦去皇帝號貶稱庶人天王魏遣材官將軍和拔襲幽州刺史盧溥克之禽溥盛遣廣威將軍孟廣平援之無及斬魏遼西守宰而還高句驪王安事燕禮慢二月率衆三萬伐之以驃騎大將軍熙爲前鋒襲其新城

南蘇二城克之開境七百餘里徙五千餘戶於遼西十二月立燕臺
統諸郡雜夷尊獻莊丁氏爲皇太后立遼西公定爲皇太子大赦引
見百僚于東堂考詳器藝超拔者十有二人命百官舉文武之士才
堪佐世者各一人三年七月討庫莫奚大虜獲而還盛懲其父寶以
懦弱失國峻刑極威舊臣莫不夷滅前將軍思悔侯段璣等因衆心
搖動潛入禁中鼓譟盛率左右出戰賊從閭中擊傷盛足召叔父河
間公熙屬後事熙未至而盛死僞諡昭武皇帝墓號興平陵廟號中
宗

慕容熙

十六國春秋後燕錄慕容熙字道文小字長生垂少子永康初隨寶
奔龍城段速骨之難諸王多被其害熙素爲高陽王崇所親愛故獨
免蘭汗之篡以熙爲遼東公長樂元年拜都督中外諸軍事驃騎大
將軍尙書左僕射領中領軍及盛死羣望在盛弟司徒尙書令平原

公元而熙素得幸于丁氏遂廢太子定密迎熙入宮以晉隆安五年八月癸巳僭即尊位大赦改元光始改北燕臺爲大單于臺置左右輔位次尙書十二月魏虎威將軍宿庫干攻令支中領軍宇文拔救之宿庫干拔令支而戍之二年正月干失利退走遂以拔爲幽州刺史鎮令支五月高句驪攻宿軍平州刺史歸棄城走三年正月熙引見州郡及單于北部耆舊于東宮問民間疾苦司隸部民劉瓚對問稱旨拜帶方太守是月大治宮室十二月尊垂之貴嬪段氏爲皇太后立貴嬪苻氏爲皇后大赦四年九月熙北襲契丹大破之十二月高句驪寇燕郡五年正月熙伐高句驪不克引歸八月遼西太守邵顏有罪亡命爲盜九月中常侍郭仲討斬之十二月熙襲契丹六年正月熙與苻后至陁北畏契丹之衆將還苻后弗聽輕兵襲高句驪不克而還夕陽公雲傷于矢且畏熙政虐以疾去官五月寶諸子博陵公虔上黨公昭皆以嫌疑賜死乃大城肥如及宿軍以仇尼倪爲

鎮東大將軍營州刺史鎮宿軍上庸公懿爲鎮西大將軍冀州刺史
鎮肥如建始元年正月改元建始四月苻后死熙哭之慟七月葬后
于徽平陵初中衛將軍馮跋坐事亡奔至是以熙政殘虐與從兄萬
泥等推夕陽公雲爲主發尙方徒五千餘人分屯四門跋弟乳陳等
帥衆攻洪光門禁衛散走遂入宮授甲閉門拒守中黃門趙洛生等
奔告熙尙方兵褚頭踰城從熙熙驚走溝下潛匿中領軍拔謂中常
侍郭仲曰大事垂捷而帝無故自驚深可怪也然城內企遲至必成
功不可稽留吾當先往趣城卿留待帝乃分壯士二十餘人登北城
將士謂熙至皆投仗請降既而久不至衆皆潰散拔爲城中人所殺
熙爲人執送于雲雲殺之及其諸子同殯城北雲葬之苻氏墓僞諡
昭文皇帝

高雲

十六國春秋後燕錄慕容雲字子雨寶養子高句驪之支庶也虓破

高句驪徙于青山由是世爲燕臣以高爲氏雲厚重寡言時人以爲愚唯中衛將軍長樂馮跋與爲友寶爲太子雲以武藝侍東宮永康初拜侍御郎襲敗會軍寶遂子之賜姓慕容氏拜建威將軍封夕陽公及熙嗣位稱疾其後因熙出葬苻氏馮跋襲殺熙推雲爲主遂以晉義熙三年七月乙丑僭即天王位復姓高氏大赦改元正始國仍號大燕八月署馮跋爲侍中都督中外諸軍事征北大將軍開府儀同三司錄尚書事封武興公二年正月立妻李氏爲天王后子彭城爲太子五月以尚書令馮萬泥爲幽冀二州牧鎮肥如七月封慕容歸爲遼東公使主燕祀立燕之宗廟社稷三年十月雲自以無功德而居大位內懷危懼常蓄養壯士以爲復心爪牙寵臣離班桃仁專典禁兵賞賜以巨萬計而班仁志願無厭猶有怨憾雲臨東堂班仁懷劍執紙而人稱有所啓拔劍擊雲雲以几拒班仁從旁擊雲遂被殺馮跋遷雲屍于東宮僞諡惠懿皇帝

龍城鎮將二人

王佐

十六國春秋後燕錄燕二年閏五月命帶方太守王佐鎮龍城

慕容農

十六國春秋後燕錄燕二年七月建節將軍餘巖叛北趨幽州遂據令支八月垂遣驃騎將軍農出蠟螭塞歷凡城趨龍城會兵討餘巖農至龍城休養士馬十餘日諸將皆曰殿下之來取道甚速今久留不進何也農曰吾速來者恐餘巖過山鈔盜侵掠良民耳今此田善熟未收而行徒自耗損當俟收畢往即梟之亦不出二旬耳頃之農將步騎三萬攻令支巖衆震駭稍稍踰城歸附巖計窮力竭出城請降農斬巖兄弟進伐高句驪復遼東玄菟二郡還屯龍城上疏請繕修陵廟垂以農爲使持節都督幽平二州北陲諸軍事幽州牧鎮龍城徙平州刺史帶方太守王佐鎮平郭

龍城守臺尙書二人兼留臺尙書二人

慕容隆 平幼 封孚

十六國春秋後燕錄建興四年正月遼西王農在龍城五年表請代還召農還爲侍中司隸校尉以高陽王隆爲都督幽平二州諸軍事征北大將軍幽州牧建留臺於龍城以隆錄留臺尙書事又以護軍將軍平幼爲征北長史散騎常侍封孚爲司馬並兼留臺尙書

慕容會

十六國春秋後燕錄建興十年十二月以清河公會錄留臺事領幽州刺史代高陽王隆鎮龍城

按會本傳建興初封公未幾晉爵爲王

凡城鎮將一人

衛駒

十六國春秋後燕錄光始三年十二月以光祿大夫衛駒爲并州刺

史鎮凡城

白狼城鎮將一人

馮乳陳

十六國春秋後燕錄正始二年五月以中軍將軍馮乳陳為并州刺

史馮乳陳傳
作并州牧鎮白狼

宿軍城鎮將二人

慕容歸

十六國春秋後燕錄光始二年五月高句驪攻宿軍平州刺史歸棄

城走

仇尼倪

十六國春秋後燕錄光始六年五月以仇尼倪為鎮東大將軍營州

刺史鎮宿軍

新城鎮將一人

悅眞

十六國春秋後燕錄光始三年十二月以衛尉悅眞爲青州刺史鎮
新城

昌黎尹二人

留忠

十六國春秋後燕錄長樂元年正月昌黎尹留忠謀反伏誅

馮素弗

十六國春秋後燕錄正始元年八月署馮素弗爲昌黎尹撫軍大將
軍

昌黎太守二人

崔適

十六國春秋後燕錄崔適字寧祖有名于時仕垂尙書左丞范陽昌
黎二郡太守

按崔適北史作崔遙以字寧祖推之適蓋遙之譌當以北史爲正

賈彝

十六國春秋後燕錄賈彝字彥倫弱冠仕垂遼西王農記室參軍魏太祖聞其名嘗遣使求之垂彌增器重更加寵秩遷驃騎長史帶昌黎太守

石城令一人

高和

十六國春秋後燕錄光始二年十一月狩于北原石城令高和與尙方兵作亂

附錄

十六國春秋後燕錄建興三年三月趙王麟擊許謙破之謙奔西燕遂廢代郡悉徙其民于龍城五年九月北京吳柱聚衆千餘立沙門

爲天子攻破北平轉寇廣都入白狼城高陽王隆方葬其夫人郡縣守宰皆來會衆聞柱反請隆還城遣大兵討之隆曰今閭閻安業民不思亂柱等以詐謀惑愚夫誘脅相聚無能爲也遂留葬訖遣北平太守廣都令先歸續遣安昌侯進將百餘騎趨白狼城柱衆聞之皆潰窮捕斬之十一年二月平翰率衆趨龍城清河公會遣東陽公根等擊翰破之長樂元年正月遣中衛將軍衛雙就誅幽州刺史留志于凡城

北燕

按馮氏竊據承燕故土江南所謂黃龍國主也文起文通兄弟相及二十八年茲節敘大概暨龍城守將以下如左

馮跋

十六國春秋北燕錄馮跋字文起長樂信都人小字乞直伐永嘉之亂跋祖父和避地上黨父安雄武有局量慕容永僭號以安爲征東

將軍永爲垂所滅安東徙和龍家子長谷跋母弟素弗次丕次宏皆不修行業惟跋恭慎父母器之旣而家于昌黎永康末慕容寶僭號署爲殿中左監稍遷衛中郎將中衛將軍熙卽僞位密欲誅跋兄弟跋懼禍遂與諸弟亡命與萬泥等二十二人結盟跋與二弟乘車使婦人御之潛入龍城匿于北部司馬孫護家因而殺熙立夕陽公高雲爲主跋進爲使持節侍中都督中外諸軍事征北大將軍開府儀同三司錄尙書事封武邑公事無大小皆決于跋兄弟高雲爲幸臣離班桃仁所殺跋升洪光門以觀變帳下督張泰李桑斬班于西門殺仁于庭中羣僚請跋爲主遂以晉太元二十年僭卽天王位于昌黎大赦卽國號曰燕建元太平分遣使者巡行郡國觀察風俗尊母張氏爲皇太后立妻孫氏爲皇后子永爲皇太子二年二月萬泥與乳陳自以宗室至親並有大功當入爲公輔久而不得阻兵俱叛跋命將討之俘斬無遺八月跋以禮葬雲及其妻子立雲廟于葦町置

園邑二十家三年正月蝮蠕勇斛律遣使獻馬三千匹求跋女樂浪公主遣遊擊將軍秦都率騎二千送女歸于蝮蠕庫莫奚虞出庫真率三千餘落請交市獻馬千匹許之處之于營邱分遣使者巡行郡國孤老久病不能自存者賑穀帛有差孝弟力田閨門和順者皆褒顯之七月遣太常丞劉軒徙北部人五百戶于長谷爲祖父園邑以太子永領大單于置四輔都尉跋勵意農桑勤心政事每遣守宰必親見東堂問爲政之要六年五月契丹庫莫奚來奔署其大人爲歸善王八月魏使謁者于什門來聘跋留之八年建太學以長樂劉軒營邱長熾成周翟崇爲博士郎中簡二千石以下子弟年十三以上者教之九年自三月不雨至六月跋減膳徹懸大赦十一月蝮蠕大檀遣使獻馬三千疋羊萬口厚禮其使而遣之十年四月和龍有赤氣四塞蔽日自寅至申太史令張穆曰此兵氣也五月太宗遣征東大將軍長孫道生率精騎二萬來伐襲乙連城克之進攻和龍跋嬰

城固守魏攻之不克掠其民萬餘家而去十一年三月穴國遣使來朝十八年八月太子永卒立次子翼爲太子十九年二月丁零氏楊道來降二十二年八月跋寢疾召中書監申秀侍中楊哲謂之曰吾患當不濟卿等善相吾子九月命太子翼攝國事勒兵聽政以備非常跋妾宋夫人規立其子受居惡翼聽政謂之曰主上病將瘳奈何便欲代父臨天下乎翼性仁弱遂還東宮一日三往省疾宋夫人矯詔遏絕內外中給事胡福掌禁衛言于司徒錄尙書事中山公宏曰宋夫人專擅恐一旦不諱國家殊未得安宏深然之於是與壯士數十人裹甲入禁中爲亂跋驚懼死宏遂即天王位太子翼率東宮兵出戰敗績宏賜翼死跋有子百餘人皆殺之葬跋于長谷陵僞諡文成皇帝廟號太祖

按馮跋之立當晉安帝義熙五年此云晉太元二十年者誤又後燕錄言慕容熙滅於義熙三年與此亦不合乃紀載之疎也

馮宏

十六國春秋北燕錄馮宏字文通跋季弟跋死僭即天王位元年正月大赦改元太興二月立夫人慕容氏爲皇后二年正月立慕容后子王仁爲太子六月世祖來伐七月至遼西宏遣侍御史崔聘奉牛酒犒師世祖至和龍石城等十郡迎降世祖發其民三萬穿圍塹以守和龍八月攻建德冀陽拔之九月世祖引師還十一月黜長樂公崇使鎮肥如十二月崇遣弟樂陵公邈如魏請舉郡降宏聞之使別將封羽率衆圍崇于遼西三年正月世祖遣撫軍大將軍永昌王健救遼西六月世祖遣諸軍擊和龍別將圍凡城凡城降八月崇上表于魏請求說降其父世祖不許四年正月宏遣給事黃門侍郎伊臣請和于魏世祖不許三月宏遣尙書高颺上表稱藩請罪于魏乞以季女充奉掖庭世祖許之乃徵太子王仁入朝宏不遣散騎常侍劉滋諫宏怒殺之世祖遣諸軍來伐宏嬰城固守五年正月宏數爲魏

所攻稱藩奉貢于宋宋封宏爲燕王江南謂之黃龍國三月遣大將軍湯燭入貢于魏辭以太子王仁有疾故未遣四月乞師于建康六月世祖遣騎四萬來伐七月至和龍宏以牛酒犒師十二月魏復率衆來伐宏日就蹙削上下危懼密遣尙書楊伊求迎于高麗六年二月宏遣使入貢于魏請送侍子世祖不許將舉兵討之遣使者十餘輩詣東方高麗等諸國告諭之三月世祖遣騎一萬攻白狼城遼西諸軍會之四月克白狼城宏迫急復遣使求迎于高麗高麗王璉遣大將葛居盧孟光等率衆數萬隨楊伊至和龍來迎宏欲東奔民多難之大臣單于右輔古泥及尙書令郭生開城門納魏兵魏兵疑古泥詐不敢入城生遂勒兵攻宏宏引高麗兵入自東門與生戰于闕下生中流矢死五月宏率和龍見戶東徙焚燒宮殿宏至遼東高麗王處之平郭尋徙北豐宏素侮高麗政刑賞罰猶如其國高麗王奪其侍人取太子王仁爲質宏怒遣使上表求迎于建康詔遣使者王

白駒等迎之并令高麗資遣高麗王不欲宏南來遣別將孫漱高仇等殺之于北豐子孫同時死者十餘人僞諡昭成皇帝

凡城守將一人

封羽

十六國春秋北燕錄太興三年六月魏圍凡城凡城守將封羽以城
迎降

昌黎尹一人

孫伯仁

十六國春秋北燕錄太平七年十一月跋殺尙書令孫護弟昌黎尹
伯仁

石城太守一人

李崇

十六國春秋北燕錄李崇仕跋吏部尙書石城太守魏世祖至和龍

崇帥十餘郡歸降

建德太守一人

王融

十六國春秋北燕錄太興二年七月世祖至和龍建德太守王融率衆迎降

建德令一人

高育

魏書高道悅傳祖育馮文通建德令值世祖東討率其所部五百餘家歸命軍門

契丹

按契丹興于後魏分爲八部皆奇首可汗之後其地尙在今朝陽縣北境外至其別部入附白狼水東者始居朝陽縣境若庫莫奚亦錯居安營二州之地其部長名氏尠可考故不備錄

莫賀弗勿于

魏書契丹傳顯祖時各以其名馬文皮獻天府得交市于和龍密雲之間太和三年高句麗竊與蠕蠕謀欲取地豆干以分之契丹懼其侵軼莫賀弗勿于率其部落車三千乘衆萬餘口驅徙雜畜求入內附止于白狼水東

按契丹八部曰悉萬丹部何大何部伏弗郁部羽陵部日連部匹絜部黎部吐六于部即遼史所謂古八部也其莫賀弗勿于爲何部之酋長亦未詳

北齊

庫莫奚

按高齊立國二十八年大率以西備關隴爲事未遑東畧奚與契丹亦叛服不常茲但就奚部中可考者錄之

阿會氏

北史庫莫奚傳齊受魏禪歲時來朝其後種類漸多分爲五部一曰辱紇主二曰莫賀弗三曰契箇四曰木昆五曰室得每部一人爲其帥隨逐水草頗同突厥有阿會氏五部中爲盛諸部皆歸之

按庫莫奚之分爲五部周書載于大統以前則當在魏末隋書載于大業以前又似在隨初茲據北史列于齊代至周時之庫莫奚契丹于史傳無名字可考故缺之

又按魏書及北史並言庫莫奚東部宇文之別種周書言鮮卑之別種宇文氏即鮮卑三史去奚之先未遠必有所攷至舊唐書云奚蓋匈奴之別種新唐書云奚蓋烏丸蹋頓之後與前說互異歲代已遙未足爲據也

欽定熱河志卷一百四

欽定熱河志卷一百五

外記三

隋

契丹

按北魏以後突厥始強威服塞外諸國齊周皆傾府藏以給之
隋初營州高寶寧爲患沙鉢略可汗與之合軍攻陷臨榆鎮隋
書奚傳稱奚臣於突厥契丹傳稱契丹爲突厥所逼又契丹別
部背突厥來降其託紇臣水契丹十部突厥沙鉢略遣吐屯潘
垓統之則今承德府全境雖分屬奚與契丹實爲突厥之屬國
然沙鉢略遠居西北自在今境之外亦如檀石槐軻比能之遙
制無容列入茲但錄契丹部長于篇奚于隋代無名氏可考故
亦缺之

莫賀佛

隋書高祖紀開皇四年五月癸酉契丹主莫賀弗遣使請降九月內附契丹傳當後魏時爲高麗所侵部落萬餘口求內附止於白獺河其後爲突厥所逼又以萬家寄于高麗開皇四年率諸莫賀佛來謁五年悉其衆款塞高祖納之聽居其故地

按白獺河北史作白浪河隋書字誤本紀稱契丹主莫賀佛請降列傳作率諸莫賀弗來謁而其先在後魏時內附者已有莫賀弗勿于疑所謂莫賀佛者如靺鞨渠師稱大莫弗庫莫奚渠師稱俟斤之類乃契丹酋長之總稱也至庫莫奚傳第二部亦曰莫賀弗其部落各別莫名偶同耳

多彌

隋書高祖紀開皇五年四月甲午契丹主多彌遣使貢方物

按隋開皇四年莫賀佛內附而五年又有多彌遣貢之事其事之同異及多彌爲何部酋長俱無可考

出伏

隋書契丹傳契丹別部出伏等背高麗率衆內附高祖納之

唐

奚

按烏桓鮮卑迭盛于漢魏晉間烏桓微弱已無部落可考鮮卑之後爲奚契丹又盛于唐仍錯處今承德府全境內奚後分東西二部西奚居媯州北山在今境外其酋帥見于五代史者不

備載載其牙帳在吐護真河

即今老河源出平泉州經赤峰建昌朝陽諸縣境

者

蘇支

唐書奚傳太宗伐高麗大酋蘇支從征有功

可度者

舊唐書奚傳貞觀二十二年酋長可度者率其所部內屬以可度者爲右領軍兼饒樂都督封樓煩縣公賜姓李氏顯慶初又授右監門

大將軍

匹帝

唐書奚傳顯慶間可度者死奚遂叛五年以定襄都督阿史得樞賓左武侯將軍延陀梯真居延州都督李含珠爲冷陁道行軍總管明年詔尙書右丞崔餘慶持節總護定襄等三都督討之奚懼乞降斬其王匹帝

李大輔

舊唐書奚傳景雲元年其首領李大輔遣使貢方物睿宗嘉之宴賜甚厚延和元年左羽林將軍檢校幽州大都督孫儉率兵十二萬以襲其部落師次冷硯前軍右饒衛將軍李楷洛等與大輔會戰我師敗績儉懼不敢進救遣使矯報大輔云我奉敕來此招諭大輔曰將軍可還無相驚擾儉軍漸失部伍大輔乃率衆逼之由是大敗開元三年大輔遣其大臣粵蘇梅落來請降詔復立其地爲饒樂州封大

輔爲饒落郡王仍拜左金吾員外大將軍饒樂州都督五年大輔與契丹首領松漠郡王李實貴舊作失活見遼史今改正咸請于柳城依舊置營州都督府上從之其年大輔入朝詔封從外甥女辛氏爲固安公主以妻之賜物一千五百疋遣右領軍軍將軍李濟持節送還蕃

按大輔新唐書作大酺舊唐書本紀開元五年亦作大酺孫儉新唐書作孫佺舊唐書孫處約傳亦作佺其作輔作儉者蓋字之譌開元三年新唐書作二年許尙主明年入朝成昏考新舊唐書開元二年七月薛納爲奚契丹所敗則是年無乞降事可知新唐書本紀開元四年八月奚契丹降則前兩年無許昏入朝事可知舊唐書本紀開元五年三月丁巳以幸京初女封爲固安縣主妻於奚首領饒樂王大酺蓋乞降在三年入朝在四年八月尙主在五年三月丁巳舊唐書于此一事最爲詳覈新唐書契丹傳開元二年實貴來歸後二年與奚長李大酺皆來

此即開元四年八月書奚契丹降時事也許尙公主當在此時

魯蘇

舊唐書奚傳開元八年大輔率兵救契丹戰死其弟魯蘇嗣立十年入朝詔令襲其兄饒樂郡王右金吾員外大將軍兼保塞軍經畧大使賜物一千段仍以固安公主爲妻而公主與嫡母未和遞相論告詔令離昏復以成安公主之女韋氏爲東光公主以妻之十四年又改封魯蘇爲奉誠王授右羽林軍員外將軍十八年奚衆爲契丹衙官可罕于所脅後叛降突厥魯蘇不能制走投渝關公主奔歸平盧軍

李詩 瑣高

舊唐書奚傳開元二十年信安王禕奉詔討叛奚酋長李詩瑣高等以其部落五千帳來歸詔封李詩爲歸義王兼特進右羽林軍大將軍同正仍充歸義州都督賜物十萬段移其部落于幽州界安置

李延寵

唐書奚傳李詩死子延寵嗣又叛為幽州刺史珪所困延寵降復拜饒樂都督懷信王以宗室出女楊為宜芳公主妻之延寵殺公主復叛

怒皆

舊唐書王忠嗣傳天寶元載與奚怒皆戰于桑乾河三敗之

蘇庫

舊作娑固見遼史今改正

舊唐書奚傳天寶五載封其王蘇庫為昭信王仍授饒樂都督

按唐有兩李蘇庫開元三年契丹首領李實貴率種落內附實貴死弟蘇庫代領其眾又天寶五載封奚國王蘇庫為昭信王兩國俱經太宗賜姓當時皆稱李氏也

李日越

唐書奚傳安祿山節度范陽詭邊功數屢鬪誅其君李日越

按張九齡集有敕奚都督李歸國書二篇文苑英華蕃書門亦載之歸國作歸圖其人在元宗時而新舊唐書皆不載附錄於此

啜刺

舊唐書德宗紀貞元十一年夏四月丙寅幽州劉濟奏大破王啜刺等六萬餘衆

君梅落 索氏 沒辱孤

唐書奚傳元和元年君梅落身入朝拜檢校司空歸誠郡王以部酋索氏爲左威衛將軍檀薊州遊弈兵馬使沒辱孤平州遊弈兵馬使皆賜姓李氏

按舊唐書索氏作索低無沒辱孤名檀薊州作檀薊兩州義較同

茹羯

唐書奚傳太和四年復盜邊盧龍李載義破之執大將二百餘人縛其帥茹羯來獻文宗賜冠帶授右饒衛將軍

按舊唐書文宗紀太和四年九月以投來奚王茹羯爲右饒衛將軍王同據此則茹羯是投來之王非縛獻之帥也未詳孰是

匿舍朗

唐書奚傳後五年太守領匿舍朗來朝

太和九年也

按舊唐書回紇列傳大中元年遏捻可汗有衆五年以上其食用牛羊皆取給于奚王碩舍朗新唐書回紇傳同大初中距太和末纔十二年碩與匿聲相近蓋一人又李商隱爲營陽公賀幽州破奚寇表稱舊奚王匿即其事亦在大中初即字當是朗字之譌脫去舍字耳

突董蘇 薩葛

唐書奚傳咸通九年其王突董蘇使大都督薩葛入朝

契丹

按唐書地理志營州西北一百八十里松陁嶺其西奚其東契丹則契丹故地跨今承德府境內僅十之三四然舊唐書安祿山傳渡吐護真河三百里就潢水南契丹衙與之戰則其王牙帳固在今境內也故會帥姓名悉錄于篇

咄羅

舊唐書契丹傳武德六年其君長咄羅遣使貢名馬豐貂

摩會

舊唐書契丹傳貞觀二年其君摩會率其部落來降

唐書契丹傳明年摩會復入朝賜鼓纛

貞觀三年

窟哥 祐莫離

舊唐書契丹傳太宗伐高麗至營州會其君長及老人等衆賜物各有差授其蕃長窟哥爲左武衛將軍二十二年窟哥等部咸請內屬

乃置松漠都督府以窟哥爲左領軍將軍兼松漠都督府無極縣男賜姓李氏顯慶初又拜窟哥左監門大將軍其曾孫祜莫離則天時歷左衛將軍兼檢校彈汗州刺史歸順郡王

按祜莫離新唐書作枯莫離傳寫之訛也

辱紇主曲據

唐書契丹傳大酋辱紇主曲據率衆歸即其部爲元州拜曲據刺史隸營州都督府未幾窟哥舉部內屬乃置松漠都督府以達稽部爲峭落州紇便部爲彈汗州獨活部爲無逢州芬間部爲羽陵州突便部爲日連州芮奚部爲徒河州墜斤部爲萬丹州伏部爲匹黎赤山二州俱隸松漠府即以辱紇主爲之刺史

按諸州乃契丹八部全境以領于二人故備錄之其地則不盡在今境內也

孫敖曹

舊唐書契丹傳契丹有別部酋孫敖曹初仕隋爲金紫光祿大夫武德四年與靺鞨酋長突地稽俱遣使內附詔令於營州城傍安置授雲麾將軍行遼州總管

阿卜固

唐書契丹傳窟哥死與奚連叛行軍總管阿史德樞賓等執松漠都督阿卜固獻東都

按舊唐書薛仁貴傳與辛文陵破契丹於黑山擒契丹王阿卜固而新書言阿史德樞賓等以大帥主名也

孫萬榮 李盡忠

唐書契丹傳窟哥孫曰盡忠爲武衛大將軍松漠都督而敖曹有孫曰萬榮爲歸誠刺史於是營州都督趙文翽驕奢數侵侮其下盡忠等皆怨望即共舉兵殺文翽盜營州反盡忠自號無上可汗以萬榮爲將縱兵四掠所向輒下不重浹衆數萬攻崇州執討擊副使許欽

寂武后怒詔鷹揚將軍曹仁師金吾大將軍張元遇右武衛大將軍李多祚司農少卿麻仁節等二十八將擊之更號萬榮曰萬斬盡忠曰盡滅諸將戰西峽石黃驪谷王師敗績元遇仁節皆爲所擒進攻平州不克后乃以右武衛將軍建安王武攸宜爲清邊道大總管擊契丹萬榮夜襲檀州清邊道副總管張九節募死士數百薄戰萬榮敗而走山俄而盡忠死突厥默啜襲破其部萬榮敗散兵復振使別將駱務整何阿小入冀州殺刺史陸寶積掠數千人武后聞盡忠死更詔夏官尙書王孝傑羽衛將軍蘇宏暉率十七萬討契丹戰東峽師敗孝傑死之萬榮席已勝遂屠幽州攸宜遣將討捕不能克乃命右金吾大將軍河內郡王武懿宗爲神兵道大總管右肅政臺御史大夫婁師德爲清邊道大總管右武衛大將軍沙吒忠義爲清邊道前軍總管兵凡二十萬擊敗萬榮鼓而南殘瀛州屬縣神兵道總管楊元基率奚軍掩其尾契丹大敗獲何阿小降別將李楷固駱務整

金史卷一百一十五
收械仗如積萬榮左馳張九節爲三伏以伺之萬榮窮與家奴輕騎
走潞河東憊甚臥林下奴斬其首九節傳之東都餘衆潰契丹不能
立遂附突厥

按舊唐書則天皇后紀與此畧同其契丹傳趙文翹作趙翹脫
文字攻崇州作進逼檀州西峽黃石驪谷作西峽石谷王孝傑
等所領十七萬武懿宗等所領二十萬作三十萬至盡忠死在
王孝傑領兵前舊書則云在武懿宗領兵後楊元基率奚軍掩
其尾舊書作云奚及突厥之衆掩擊其後紀載互殊皆當以新
書爲正

李楷固 駱務整

舊唐書狄仁傑傳六月左玉鈐衛大將軍李楷固右武衛將軍駱務
整討契丹餘衆擒之獻俘於含樞殿則天大悅特賜楷固姓武氏楷
固務整並契丹李盡忠別帥也初盡忠之作亂楷固等屢率兵以陷

官軍後兵敗來降有司斷以極法仁傑議以爲楷固等並有驍將之才若恕其死必能感恩効節又奏請授其官爵委以專征制並從之及楷固等凱旋則天召仁傑預宴因舉觴親勸歸賞于仁傑授楷固左玉鈐衛大將軍賜爵燕國公

實貴

舊作失活
今改正

舊唐書契丹傳開元三年其首領李實貴以默啜政衰率種落內附實貴即盡忠之從父弟也于是復置松漠都督府封實貴爲松漠郡王拜左金吾衛大將軍兼松漠都督明年實貴入朝封宗室外甥女楊氏爲永樂公主以妻之

遼史世表實貴元宗賜丹書鐵券開元四年與奚長李大輔偕來六年卒

蘇庫

舊作娑固
今改正

舊唐書契丹傳實貴死實貴從父弟蘇庫代統其衆遣使册立仍令

襲其兄官爵蘇庫大臣格圖肯舊作可突驍勇頗得衆心蘇庫謀欲

除之格圖肯反攻蘇庫蘇庫奔營州都督許欽澹令薛泰率驍勇五

百人又徵奚王李大輔者及蘇庫合衆以討格圖肯官軍不利蘇庫

大輔臨陣皆爲格圖肯所殺

遼史世表蘇庫賈貴之弟帝以蘇庫襲爵開元七年十一月蘇庫與

公主來朝

裕雲舊作鬱于今改正

舊唐書契丹傳格圖肯立蘇庫從父弟裕雲爲主俄又遣使謝罪上

乃令册立裕雲令襲蘇庫官爵開元十年裕雲入朝請婚上又封從

妹夫率更令慕容嘉賓女爲燕郡公主以妻之封裕析軍經略大使

賜物千段

遼史世表裕雲蘇庫從父弟也開元十年入朝燕郡公主下嫁裕雲

卒

托雲

舊作吐于又作咄于今改正

舊唐書契丹傳裕雲病死弟托雲代統其衆襲兄官爵復以燕郡公主爲妻托雲與格圖肯復相猜沮開元十三年攜公主來奔便不敢還改封遼陽郡王因留宿衛

遼史世表托雲裕雲之弟襲官爵

實古

舊作邵固今改正

舊唐書契丹傳開元十三年格圖肯立李盡忠弟實古爲王其冬車駕東巡實古詣行在所因從至岳下拜左羽林軍員外大將軍靜析軍經略大使改封廣化郡王又封皇從外甥女陳氏爲東華公主以妻之實古還蕃十八年格圖肯殺實古

遼史世表實古托雲之弟國人共立之開元十三年以陳氏爲東光公主下嫁十八年爲格圖肯所弑以其衆降突厥東光公主走平盧按唐書東華公主遼史作東光未知孰是

庫烈

舊作屈烈又作
屈列今改正

格圖肯

舊作可突
于今改正

唐書契丹傳格圖肯來不為宰相李元紘所禮鞅鞅去張說曰彼獸心者惟利是尚且方持國下所附也不假以禮不來矣後三年格圖肯殺實古立庫烈為主脅奚衆共降突厥

遼史世表庫烈不知其世系格圖肯立之開元二十二年六月幽州節度使張守珪大破格圖肯十二月又破之斬庫烈及格圖肯等傳首東都餘衆散走山谷

按庫烈張九齡集作據埒聲轉成訛故紀載互殊耳

李克珍

舊作李過
折今改正

拉恰

舊作刺乾
今改正

唐書契丹傳衙官李克珍與格圖肯內不平守珪使客王悔陰邀以兵圍格圖肯克珍夜斬格圖肯庫烈及支黨數十人自歸守珪使克珍統其部拜北平郡王為松漠都督

遼史世表克珍本契丹部長為松漠府衙官斬格圖肯及庫烈歸唐

幽州節度使張守珪立之封北平郡王是年格圖肯餘黨聶哱弒克
珍屠其家一子拉恰走東安拜左驍衛將軍自此契丹中衰達呼哩
舊作大賀氏附庸于奚王以通于唐

聶哱 舊作泥禮
今改正

遼史世表聶哱耶律儼遼史書為涅里陳大任書為雅里蓋遼太祖
之始祖也

按張九齡集作涅禮開元中為松漠都督右金吾衛大將軍拒
破突厥涅禮涅里雅里皆聶哱之訛也

李懷秀 舊作楷洛 霞魯 今改正 努爾蘇 舊作耨里
今改正

唐書契丹傳天寶四年契丹大酋李懷秀降拜松漠都督封崇順王
以宗室出女獨孤為靜樂公主妻之是歲殺公主叛去范陽節度使
安祿山討破之更封其酋霞魯為恭仁王代松漠都督

遼史世表達呼哩氏微別部長克珍代之克珍尋滅德哱勒
舊作迭
今改正

正部長聶哱立達年蘇爾舊作迪鞏組爲蘇爾威汗舊作阻午可更

號約尼舊作蓬鞏氏唐賜國姓曰李懷秀既而懷秀叛唐更封霞魯

爲王而聶哱之後曰努而蘇者左右懷秀霞魯至于齊蘇舊作屈戌

幾百年國勢復張

悔落拽何

舊唐書契丹傳貞元十年遣使來朝大首領悔落拽何以下各授官

放還

熱蘇

舊唐書契丹傳貞元十一年大首領熱蘇等二十五人來朝

齊蘇舊作屈戌

唐書契丹傳會昌二年回鶻破契丹會齊蘇始復內附拜雲麾將軍

守右武衛將軍

遼史世表契丹王齊蘇是爲伊蘭舊作耶瀾可汗張仲武奏契丹舊

用回鶻印乞賜聖造詔以奉國契丹爲文

錫勒

舊作習京
今改正

遼史世表契丹王錫勒是爲巴爾汗

舊作巴刺可
汗今改正

欽德

唐書契丹傳光啓時方天下盜興北疆多故乃鈔奚室韋小小部種皆役服之欽德晚節政不競其八部大人法常三歲代時耶律安巴堅舊作阿保機今改正建鼓旗爲一部不肯代自號爲王而有國達呼哩氏遂

亡

五代史四夷附錄契丹後分爲八部部之長號大人而常推一大人建旗鼓以統八部至其歲久或其國有災疾而畜牧不蕃則八部聚議以旗鼓立其次而代之某部大人約尼次立時刻仁恭據有幽州數出兵摘星嶺攻之每歲秋霜落則燒其野草契丹馬多飢死即以良馬賂仁恭求市牧地請聽盟約甚謹八部以爲約尼不任事選于

其衆以安巴堅代之

遼史世表契丹王欽德錫勒之族也是爲哈陶津汗舊作痕德堇可汗今改正

按與劉仁恭盟者唐書以爲欽德五代史以爲約尼蓋唐之契

丹王自窟哥至實古爲達呼哩氏自李懷秀至欽德爲約尼氏

遼太祖安巴堅則世里李氏也遼太祖本紀云哈陶津汗殂羣

臣奉遺命請立太祖其世表云努爾蘇之孫曰安巴堅功業勃

興號世里氏是爲遼太祖於是世里氏與達呼哩約尼號三耶

律然則唐書稱安巴堅自號爲王而有國達呼哩氏遂亡殆未

詳考達呼哩及約尼之世次歟

又按遼史稱潢河以西土河以北皆奇善汗舊作奇首可汗今改正故壤

蓋契丹始祖也遼滅奚後奚王支裔尙存蘇轍詩注記奚君宅

在中京南遼史所載奚部族及奚王質默等名猶可考然非自

爲一國故不錄

大邑縣志

卷一百五

外記三

十一

欽定熱河志卷一百五

欽定熱河志卷一百六

外記四

明

按前卷敍次及唐其遼金元三朝本境已爲內地故不錄錄明代烏梁海諸酋之隸於本地者以爲外記之終焉

烏梁海

按大寧故烏梁海地也元爲大寧路明永樂改北平行都司爲

大寧都司徒保定而以大寧故地界三衛隸今境者爲諾音舊作

朵顏今泰寧二衛其福餘衛不居境內故不敍錄

托爾楚舊作脫兒火察又作脫兒察又作脫兒察哈拉固岱舊作哈兒兀

葉向高諾音三衛考洪武二十一年故元宗室遼王阿拉實哩舊作

失禮今及諾音諸酋內附詔立三衛自全寧抵喜峰近宣府爲諾音

衛以托爾楚爲指揮同知

明史諾音傳永樂元年使指揮蕭尙都齋敕諭明年夏頭目托爾楚等隨尙都來朝貢馬命托爾楚爲左軍都督府都督僉事哈爾固岱爲都督指揮同知掌諾音衛事賜誥印冠帶及白金鈔幣襲衣

明太宗實錄永樂元年十二月丙子烏梁海頭目哈拉固岱遣其部屬托郭斯舊作脫忽今改正等來朝貢馬命禮部賜幣襲衣並賞馬直十二

年十一月諾音衛都督僉事托爾楚遣人貢馬命禮部遣指揮多爾濟舊作朶兒只今改正等資金帛往賜之

默德格舊作猛禿哥今改正

明太宗實錄永樂三年冬十月乙丑命來朝諳達頭目默德格等爲諾音衛副千戶賜冠帶襲衣並銀鈔綵幣有差

都哩圖舊作都兒禿今改正

明太宗實錄永樂五年正月癸亥諾音衛指揮都哩圖等率所部頭目諾木袞特木舊作奴溫塔木今改正等來朝貢馬賜鈔幣有差

噶布拉舊作幹不
兒今改正

明太宗實錄永樂十五年又十一月乙亥諾音衛頭目噶布拉等來

朝貢馬賜鈔有差

哲辰舊作者赤
今改正阿爾庫哩舊作阿兒苦
哩今改正

明宣宗實錄宣德元年冬十月乙酉賜諾音衛指揮僉事哲辰泰寧

衛指揮僉事阿爾庫哩等綵幣表裏襲衣靴襪有差

烏塔舊作兀台
今改正旺扎圖舊作宅者
禿今改正實都爾岱舊作失禿兒
朶今改正

鼎爾巴哈舊作乃兒不
花今改正圖罕舊作禿干
今改正和爾實舊作火
兒失今

正改巴罕舊作保罕
今改正納延特穆爾舊作乃顏帖
木兒今今卓郭勒台

舊作扎忽魯
台今改正庫爾舊作古里
今改正

明宣宗實錄十一月己未諾音衛故指揮僉事烏塔子旺扎圖實都

爾岱子鼎爾巴哈圖罕子和爾實巴罕之孫納延特穆爾故千戶卓

郭勒台子庫爾等十六人俱襲職

阿實克特穆爾

舊作阿失帖木兒今改正

明宣宗實錄宣德二年十二月丁巳諾音等衛指揮僉事阿實克特

穆爾等來朝貢馬

旺扎勒特穆爾

舊作完者木兒今改正

明宣宗實錄宣德四年三月諾音等衛頭目旺扎勒特穆爾等來朝

貢馬七年十二月癸卯以諾音衛指揮僉事旺扎勒特穆爾屬遣人

朝貢賜敕獎諭併賜金織文綺綵絹

哈喇哈斯

舊作哈喇哈孫今改正

明史諾音傳宣宗七年秋以諾音頭目哈喇哈斯恭事朝廷久加賜

金織綵幣表裏有差

恩楚

舊作安出今改正

明宣宗實錄宣德七年七月戊午遣賜諾音衛都督指揮僉事恩楚

等

成格勒

舊作逞吉
今改正

明宣宗實錄宣德七年十一月丙子諾音等衛指揮僉事成格勒等
來朝貢馬十二月戊子賜諾音衛指揮僉事成格勒等鈔綵幣絹布
有差

布達拉和克

舊作不哈兒
花幹今改正

明宣宗實錄宣德八年二月辛卯諾音等衛指揮布達拉和克遣千
戶巴爾貢馬及方物癸卯賜諾音等衛千戶巴爾等鈔綵幣絹布衣
金織紵絲襲衣有差

多羅干

舊作朶羅
干今改正

明宣宗實錄宣德八年秋七月乙亥諾音衛都督僉事托爾楚卒其
子多羅干遣人進馬且請襲職遂命多羅干爲都督指揮同知陞都
指揮僉事哈喇哈斯亦爲都督指揮同知

明英宗實錄天順三年三月甲辰陞諾音衛都督同知多羅干爲右

都督

哈瑪爾台

舊作哈瑪
今改正

明宣宗實錄宣德九年六月甲寅諾音衛指揮哈瑪爾台等七人來朝且奏邊事賜鈔綵幣表裏金織襲衣有差

巴延特穆爾

舊作木兒今改正

托克托沁

舊作赤今改正

多羅特穆

爾

舊作木兒今改正

珠爾噶岱

舊作歹今改正

迪錦

舊作今改正

達蘭特穆爾

舊作木兒今改正

章圖

舊作今改正

伯特

舊作今改正

綽爾齊

舊作今改正

呼喇呼

舊作谷今改正

特穆爾

舊作兒今改正

博羅

舊作今改正

烏蘭阿古

舊作互今改正

奇爾岱

舊作列今改正

肅爾巴哈

舊作花今改正

噶爾薩

舊作子今改正

永和爾

舊作

容乞兒

今改正

阿勒楚爾岱

舊作歹今改正

巴海

舊作今改正

威台

委塔

今改正

固哩勒

舊作兒今改正

董實哩

舊作哩今改正

多羅圖

朵羅

今改正

蒙克圖

舊作秃今改正

努圖克巴

舊作花今改正

塔不

賞都

阿果穆爾

舊作阿古

鼐爾章

舊作能列

阿勒哈

舊作

今改

徹辰圖

舊作扯

鼐

寔哩

舊作失來

格爾

根

察實

托克托巴

哈

格

哈喇

搭拉

鄂拉齊

哈

哈

今改

察實

舊作擦

實

格

哈

該

將

羅

鄂

哈

赤

訥克林

舊作捏

可

迦

凌

巴

巴

爾

台

台

今改

古裕

舊作歸

均

阿

爾

齊

默

克

阿

里

今改

布齊克

舊作卜

齊

烏

遜

特

穆

爾

木

兒

呼圖哩

舊作歡

正

恩

克

特

穆

爾

多

和

圖

改

穆爾薩

舊作述

兒

誇

喇

哈

哈

托

克

托

正

伯勒齊

舊作孛

齊

伯

勒

今

阿

延

特

穆

奄

呼蘭台

舊作忽

蘭

伊

楞

烏

兀

都

薩

阿

兒

圖們德勒

舊作土

得

都

薩

阿

兀

今

哈

齊

克

桑阿

舊作顏

挨

依

克

特

穆

爾

木

兒

蒙克薩勒

舊作猛克塞
兒今改正

托克托博羅

舊作脫脫孛
兒今改正

克卜特

特格

舊作肯帖帖
該今改正

滿濟勒噶

舊作滿滿劉
該今改正

按以上諸人並見明英宗憲宗實錄皆以入貢來朝為名而陰

合額森

舊作也先
今改正

輩為邊患明綱不振甘受其愚耳因其事實

略同故不贅述僅存其名如右

特穆爾博羅

舊作帖木兒
孛羅今改正

明孝宗實錄宏治十六年正月己丑諾音衛指揮特穆爾博羅等來

貢並賜紗緞衣服等物

哈當

舊作花當
今改正

巴爾斯

舊作把兒
孫今改正

鄭曉吾學編正德初部落既蕃陽順陰逆累肆侵盜諾音都督哈當

求添貢其子巴爾斯深入虜掠烏梁海諾音為大部諾音哈當為貴

種十年巴爾斯入馬蘭峪塞殺參將陳乾遣都督桂勇討之巴爾斯

遣察克圖

舊作扯托
今改正

等來言請入貢且獻馬贖殺乾罪未幾入寇參

將魏祥全軍覆沒

葉向高諾音三衛考兵部尙書王瓊建議議諭哈當必以巴爾斯償乾

陳乾等先戰沒馬蘭峪

乃罷兵許貢哈當言巴爾斯已遠遁請入馬贖殺乾罪

瓊初持議堅後竟許哈當貢

明史諾音傳哈當退去屯駐紅羅山匿巴爾斯使其子達哈

舊作打哈今改

正等入朝請罪詔釋不問

明世宗實錄嘉靖二年六月癸丑都給事中許復禮言頃諾音衛巴爾斯以逆回被虜人口守臣言其功因授巴爾斯千戶臣竊聞巴爾斯往年殺害參將陳乾尙未伏法而反加秩乞追奪之各守臣曲爲陳情亦宜懲戒上曰巴爾斯待後有勞績奏來授職各邊鎮被虜逃回人守臣從實報若匿情罔上者罪之

葉向高諾音三衛考肅皇帝立都御史孟春言巴爾斯修貢謹又歸我人畜請予一秩詔予千戶給事中許復禮爲不宜予事乃格是時

巴爾斯與小王子婚屢誘敵入寇都督馬永禦之頗有斬獲孟春復請毋惜一官以餌敵御史盧瓊疏罷之

格爾博羅

舊作革列字
羅今改正

格爾台

舊作革爾
台今改正

鄭曉吾學編格爾台者哈當孫也哈當長子格爾博羅早死其弟巴爾斯驍勇屢謀奪適諸酋惡之不相附尋亦死哈當種人皆附格爾

台格爾台遂入寇漁陽諸小關堡皆殘破嘉靖十一年九月巡撫王大用欲通諾音與厚賄城其霽靈山不果是時會阿多哈喇齊

舊作阿堆

哈利赤
今改正

數入建昌喜峰太平諸塞殺掠人畜格爾台又乞陞官兵部

言大用喜事請以毛伯溫代大用出漁陽巡撫二十年格爾台求添貢衛三百人不許請衛二百人又不許時時出沒塞下輒云結小王

子且夕大舉入塞會諳達

舊作俺答
今改正

濟農

舊作吉囊
今改正

自大同深入太

原不得已許其補前貢失期者衛二百人

蒙克岱

舊作猛可
歹今改正

明武宗實錄正德八年十二月癸亥諾音衛差頭目蒙克岱等貢馬
補賀萬壽聖節並賞綵幣等物

實琳博羅

舊作失林字
羅今改正

明武宗實錄正德十年閏四月戊寅命諾音衛所鎮撫實琳博羅襲
祖職右都督

伊克拜

舊作影克
卜今改正

明世宗實錄嘉靖八年十月丁丑諾音衛頭目伊克拜等貢馬補賀
聖節賜宴賞給加例

圖爾哈

舊作土兒
罕今改正

明世宗實錄嘉靖十六年十一月甲辰給賞諾音衛圖爾哈等綵緞
表裏有差

伊克

舊作影克
今改正

葉向高諾音三衛考嘉靖二十七年格爾台死子伊克襲三十八年

巴圖爾

舊作巴都兒今改正

十萬騎挾諾音曾

舊作哈該今改正

為鄉導潰

牆深入明年伊克勾巴圖爾犯一片石遊擊郭琬敗之

伯克

舊作伯革今改正

達哈

舊作打哈今改正

明史諾音傳當巴爾斯犯邊時詔削其職巴爾斯死其子伯克入貢嘉靖九年詔與伯克父爵而達哈自以哈當子不得職怒遂先後掠冷口擦崖喜峰間參將袁繼勳等失於防禦皆逮治

按伯克襲父爵從巡撫順天僉都御史周期雍奏也明實錄在嘉靖十年壬子此作九年者誤

台達爾

舊作歹答今改正

明世宗實錄嘉靖三十年十一月壬辰諾音三衛都督台達爾各差頭目雙和爾

舊作升合兒今改正

等入賀冬至節宴賞如例

巴爾斯哈喇

舊作伯思哈兒今改正

明世宗實錄嘉靖三十五年六月癸卯諾音都指揮巴爾斯哈喇引

間諜數人窺邊會守備詹承恩引兵出哨盡殺之

綽滿

舊作炒蠻
今改正

阿雅爾台

舊作阿牙
今改正

多和

舊作董灰
今改正

明世宗實錄嘉靖四十年二月乙酉陞諾音衛正千戶綽滿及頭目

阿雅爾台俱為都指揮僉事頭目多和為正千戶以進送人馬盛甲

及報事有功也

博羅

舊作字羅
今改正

明穆宗實錄隆慶五年正月庚戌諾音衛博羅等補賀長至令節宴

賞如例

多和倫

舊作董忽
力合改正

葉向高諾音三衛考多和倫勾土蠻十萬人入寇勢甚猖獗折牆出

至棒樺崖迷失道墜坑死無算是後督臣譚倫總兵戚繼光協謀練

兵增垣控制有方迄隆慶三衛奉職稍謹邊特稍安

按明諾音三衛即今哈喇沁地自永樂中以大寧地界三衛始

拓地至今承德府境其間不應有土蠻當屬土默特之訛今土

默特左右翼二旗在朝陽縣舊塔子溝之東北境與喀喇喀接

壤當時與三衛聯結理或然也至棒極崖今土人尚呼為棒極

山當即磬鍾峰自古北口外道殊逕坦以本地人行熟路何至

迷失且山不甚高何至墜死無算皆緣中土昧于譯音傳聞失

實以至紀載訛淆其不足憑類如此耳

圖罕舊作通罕

明史諾音傳諾音圖罕者諳達子星哈舊作辛愛妻父也嘉靖四十

二年古北哨卒出關為諾音所撲殺俄圖罕叩關求賞副總兵吳鎮

伏兵執之總督楊選將為牽制星哈計乃拘繫圖罕令其子更迭為

質三衛恨甚遂導諳達入掠順義及三河

昌昂舊作長昂

明史諾音傳萬歷初諾音昌昂益強挾賞不遂數糾衆入掠截諸番

貢道十二年秋復導土蠻以四千騎分掠三山三道溝錦州諸處守臣李松請急勦昌昂等朝議不從僅革其月賞于是昌昂益跋扈自恣擾諸邊十七年入寇又二年大掠獨石路二十二年復擁衆犯中後所攻入小屯臺明年潛入喜峰口二十九年納款請復寧前木市許之三十四年昌昂死諸子稍衰

按明實錄正統三年朵顏衛所屬哈拉該舊作哈喇該今改正衛指揮納

克林舊作捏來今改正等來朝疑有誤字哈拉該當是人名無此衛名

姑闕之

欽定熱河志卷一百七

藝文一

志乘載藝文文獻並徵之義也熱河自

聖祖仁皇帝肇啓

山莊文物聲明燦然大備我

皇上每歲駐蹕

奎藻日新

大文炳耀臣等於卷首恭列

天章用昭弁冕至於木蘭秋獮

命諸

皇子隨侍

行圍習勞肄武之餘兼攻文藝所著鬪鹿賦諸篇選義考辭稟承

聖製而諸臣扈從賡颺潤色

儀容流連景物皆得仰邀

睿覽雖摹繪

日月無當萬一而珥筆之榮於斯爲盛謹以次採錄登諸簡末其前代著作流傳蓋寡茲蒐討史乘參以碑碣略分門類各依時世著於篇志藝文第二十四

本朝

賦

鬪鹿賦

皇四子永城

時維八月序值三秋暑退

仙莊屆白露而光看湛湛涼生靈囿警蒼鹿而聲聽呦呦隔蘭坂兮烟迷有呼必應下松岡兮雲羃獨往何求牝牡交馳應各尋其匹偶氣機相感乃竟視若仇讐嚮分類而異游茲隔羣而互哨欲諸伉儷因先致其聲聞將效綢繆冀共遵其號召勢雖並立何妨賈勇以憑

陵情在必爭豈故恃強而攻剽突如以決勝負大似雙雄居然若保
室家殊堪一笑于是或深藏夫蒙翳或高據夫峻巖豪敞相誇常奮
發而攘彼肆行自忼遍籠絡以私其豎利角以難撓意誠有待挺強
項而易怒志在無遺以逸待勞恐四方之尙多窺伺以寡敵衆嗟一
戰之未定安危始跂跂兮疾趨復驚驚兮小住蓄威未逞奚殊磨厲
以須銳志方韜反覺從容以素當蠹鼻而似嘯千山遙落腥風及瞳
目而前迎萬樹橫披薄霧計惟事夫并兼義不容夫返顧及其忽焉
相遇鷲焉若驚如觸如蠻有洶洶難安之象患得患失存多多益善
之情毛戟張而蝟磔聲雷轉而風鳴乍竦體而若矜銛鋒互抵遂舉
頭而弗讓鋒刃交撐慣角勝以爭雄務當衝而挫敵養茸日久又逢
技癢之秋孳尾期臨轉奏戎倚之績方掩羣而多獲得朋自樂崇林
或羸角而紛逃走險寧辭峭壁縱未若羝觸之入爻又何事雞鬪之
須檄也哉迺知嗜慾之性常開爭奪之端念蟋蟀之鳴階每有心於

爭長睹螳螂之怒轍還無故而自殘況大欲之所存寧辭較力抑微情之攸託詎肯懷安恐覆蕉之夢醒虞擇音之情闌今者寄跡丹邱呼羣翠巘知時慕侶咸濯濯以懷

仁應候尋媒或儻儻而近

輦惟我

皇父天毫體物開萬象於鴻濛

睿藻窮形識百昌之流衍謹拜手而獻賦敢詡潘安仁射雉之篇雖
援筆以陳詞毋忘楊執戟雕蟲之辯

鬪鹿賦

皇六子永瑑

維鬻鬻之角獸實充牣於

梁騶有食苹之至樂無翳叢之遠憂以雌以雄旣招徠乎儕伍或羣或友更攘攸夫匹儔是有爭心頗異巨蛩之救居然雄長要非蠻觸之讐繫夫茸以陰萌蛻因夏革枝格則銳可觸林末豐則堅能礪石

雖走險而不辭將忿爭而何惜故解角孕麋之候類自相依而尋聲
葦尾之時猜還生隙時則氣清榆塞景霽

雲莊露初溥兮湛玉風頻爽兮吹商長楸蕭颯以寫籟秋英藿靡以
霏香當馬騰弓勁之時彼伎者豈遑假息非豺祭鷹征之比即姓
姓也亦逞強梁聲氣兮相應材力兮相量入山徑之崎嶇何殊伏莽
踞密林之灌翳宛作爭場則見夫屹兩敵以爭前轟八叉以相接試
焉而近陡覺矜豪突如其來何煩用謀氣全憑於一擊齒即刀鉞弊
奚待於投戈角當矛缺偶然小挫勢益倍其崢嶸豈有中休勇猶賈
其敏捷雜沓平陵之坂棲雀驚巢摧藏幽蔚之墟喬林振葉殆勝負
其將分乃踉蹌而少荼蓋其始也恃磨厲之孤傑其繼也收衆夥之
羣雌羌勝一而獲百即奪彼而益茲並無勞乎誘致徑自快乎取攜
獲地應機洵有擅場之樂倏來忽往竟同掉鞅之奇彼夫鵲喜爭巢
雞暝伏鷖鷓鶴奪粟竦翼曾聞蟋蟀占窩先登罕覩青林以擊場爲

戲尙借驍媒野人以由鹿爲長猶須設覆孰若此之不傷類以附人
非發蹤而勇鬪思決勝以爭雄恥狐疑而撓逗宜乎秉靈氣於瑤光
樂蕃孳於

文囿也況夫棲遲芝徑飯啄蘭除友綺階之馴鶴偕銀沼之游魚當
山輝川媚之辰殊看景洽沉松翠楓香之頃彌覺情舒閱天上之春
秋助風光於

闔苑游壺中之日月邀

顧盼於仙居

皇父乃揆天章博物趣暢

冲襟拂毫素哨以類其情見人事之化裁鬪自率其性觀天機之呈
露無論爲靈爲蠢總原亭毒無私比諸能躍能飛略備

燕閒一顧子臣欣叨

扈從私摹繪於

前篇敬捧

瑤章增誦讀於

今賦

鬪鹿賦

皇八子永璇

有鹿砦逸民過龍沙田父而問曰於鑠哉吾

皇之允文允武也懿時巡以彌田兮率

武烈而由舊閱

萬幾之少閒兮灑

天藻以立就蓋

覽夫甡甡者求牡而嘯羣跂跂焉游牝而競鬪其結耦而行也恣寢
訛以娛嬉其作氣而前也奮犄角以用救事擬于爭雄勢儕夫禦寇
如是者固山虞之未及詳而實圖經之未嘗究者也子盍爲我言之
田父曰諾若夫金序初殷乎八月兮秋蒐聿邇乎三田般乎總總兮

將踐于木蘭之囿休乎齋齋兮早駐于

仙苑之巔歷垂屣兮神臯岵岵之控南樓西省也

熱河古興州本唐
奚王西省地又遼

之南樓亦
在州北境

叢林淑兮鬱林穹邃之蕃平仲君遷也其畜則麋麀麀麀

麀麀麀麀攸伏礪阿咸若來前速者超軼躔者迴旋乃或羣或友孳
尾而安焉于是屏玉仗披靈境瞻儻俟之在林兮

乘吉驄而度嶺乍呦鳴而求其友聲兮爰厲響而改其寧靜豪奪者
逞兼并之雄兮覲覲者昧強弱之等急走險以逐逐兮勢相陵而不
相並故其拘怒也氣迅厲以撼叢薄其觸鬪也聲猛獷而激寒颼其
甘心于折衝也何憂乎重耳之伏盥其腦其致命于春戈也何慮乎
僑如之軾見夫眉挺角又兮無前之迎去聲慣齧齧齧兮無後之隨一
俯一仰兮觚隙而動一縱一橫兮兼弱以欺已跋前而躓後猶中乾
而外強惟其懷失儷之是恥喜得偶之有光故迺枝格撞捩繚緜振
突以蹂躪乎町疇之場方且厲飽也噬于虎搏逞疾擊于鷹揚夫何

鬚鬚之既羸而壯往不已也何偃蹇終昔而踣復張也何酣爽傑黠而柔敵剛也彼鹿之鬪也如是是其鬪也有由其戕也自作徒爲決失得于么麼而豈知虞人之不能暫忘也哉二老既退于是臣永璩跪而稱曰憶往年之從狩幸長哨之稍知獲伊尼以恭

進向

穹廬而敬持

去年扈于僧機園駕木蘭子臣永璩

茲林中之鬪獸愧物象之

未窺有機斯應莫適而爲行遇獮劉之候聿符驚擊之期審化樞之變協驗角力之差池仰繹

睿裁于茂育豈惟旁暨于鹿斯

鬪鹿賦

皇十一子永璩

援神經以體物驗金方之瑞獸文斑斑以素綦質皎皎以緗紉蹄四踣而交蹤角雙岐而戴脰狎挺龍于中林散瑤光于崇岫探仙蒲而向溫結遐齡而游園稟馴性而無猜紛和聲而相就感清商之激揚

始求虺而肆鬪於時蕭蕭漠野寥寥素旻寒風晝厲白露宵淪上蘭
結凍榆塞澄氛貔虎闕其攫搏鷓鴣迅其騰騫同擊猛于秋肅變和
樂于春溫矧廢塵之感氣豈羣友而引馴邂逅乎林麓衝突乎陵原
其始也據蒼巖而牝聚倡長哨而情通恃強梁而挾耦恥嬰索而無
從既矜多而妬衆又攘敵以興戎其繼也捷蹄文赴挺角相攻剡戈
轟項堅鉞剝鬪漲雄心而獨進鋌猛力而奚容蔑情親于舊侶銳矜
昔于新茸則有莽莽奔驅囂囂震駭或憑怒而無前或蓄威而有待
或側勢而偏乘或迂途而巧給或驟捷而心驕或小挫而氣倍傑僂
營厲趨趨跋跨轆轤趨趨布濩踟躕何竭何盈甚矣其憊軒蜂轆谷
響撼崖嶠翬駘橫縱震雷揮霍鳥鷲休巢狸惕屏壑于是漼濯濯折
嶽嶽跂足蹙斑毛剝戰勝者昂藏亡羣者落漠填餘勇而未休振威
稜而復作天地網緼萬物化醇凡所有血氣皆有爭心有觸藩之柔
毳與莽羽之翰因苟婚媾而非寇何干戈而日尋衍彼徐女之歸楚

又夏姬之適申儼烝人而尙門孰品物而能任諒同求而異志亦何惑乎紛紜

聖王乃建鳳旆鳴龍騶觀畚廣野講武涼秋發軔于薊北弭節于興州睇中原之屢屢聆閒館之呦呦慨羣倫之險走閱人類之陰謀研瑰形以精釋揚麗藻以冥搜偉休符而肆應綜大化而咸周

鬪鹿賦

皇十二子永璵

伊沆瀣之初寒喜新秋之鬱岫

聖德日躋被勳華于文章

仁恩天包逮草木與禽獸塞山含崩另林木標錦繡呦呦鳴哨互爭牝而決豪強麇麇伊尼占高岡而逞狼鬥懿此靈禽遊於

文囿丹楓之嚙兮護茲羣雌白雲之隈兮功歸獨奏絕有力者爭之益多弱無能者失其所守因離反合與接爲構題相抵兮山頽支相交兮輻輳或竟於邱陵或聚於林樹將籠所有於幽巖乃併其力於

孤嶼抵其角兮八叉蓋所爭兮一侶於是節屆中秋始就嚶咿聳查
了之角占孳尾之時決其勝負恃其拄搯爲所敗者是走擇所勝者
是隨如爭穴之絡緯同爭啄之雄雞孳姓姓之子走攸攸之麇緬生
機之勃發合天地之端倪

夜亮木賦

朱彝尊

皇帝避暑於輿州時維昭陽大淵獻之秋尋捺鉢之舊蹟啓悵殿於
仙陬六屯內肅千廬外周雲容容兮四合水決決兮交流風颯颯兮
徐來雨霏霏兮乍收爰有物焉星芒遙逗明滅露螢之尾吐吞火雞
之味謂野燒而不延疑神燈而未輟乃命僉騎即而視之是爲鬼木
有枿無枝黝同桴炭澁若榴皮如場之轉碌礪如絳之拽豐碑載以
堅車駕之健犢入重關度平谷選郢匠以運斤俾奄人以司局舍科
上槁存堅多心近

天顏兮咫尺位祕宇之崇深鑽不勞兮司燿燎無灼兮烘燧等壁夜

光類珠宵映方角枕而輝盈比風簾而神定四照儼若木之華六官
擬賓連之慶豈非

聖德之咸臨固無遠而弗鏡宜神珍之畢效雖枯木朽株亦疇德而
瑞

聖

嘉禾賦

并序

王之樞

康熙三十有一年

皇上省方古北口外變輿所過百穀蕃殖中有嘉禾叢生一莖數穗

實穎實粟聯疇被畝爰

命驛致闕下昭示羣工臣伏念書傳所記惟德動天苟

聖德淵粹通於神明豈能使日星霜露之精暢被草木以成奇瑞矧

茲粒食烝民所天非若蕙蒲萸莢朱草華平徒稱瓌璋蓋天所
以慰聖人之憂勤而垂恩儲祉也臣昧學少文詎克美

盛德之形容揚英聲以騰茂實徒以躬逢盛事願效衢歌亦猶測量

天地繪畫日月云爾謹拜手稽首賦曰

維我

后之神靈實超邁於古先心亶仁以滅義躬闡坤而握乾烈厯鴻以
巍峻恩布濩而綿連膏潤滋乎后土協氣奮於河山無一夫之失所
暨萬物而皆然和三靈與百福暢九垓與八埏以

宵旰之靡寧思民隱之弗宣藉

省方以爲觀遂時行而應天當秋氣之清明披金風之淅瀝輶碧草
之萋萋閱丹楓之歷歷望闕雲之曉舒聽河流之夜激澤馬鑣連山
車轂擊旄建雄虹旂橫雌霓飛芝蓋於隰原轉風烏於亭壁道穰隴
以停驂聞豳歌而控勒澗複林長阡紆陌遯陞疆刻鏤菽荏縷績風
布葉以離披露垂條而涓滴則有嘉禾呈異侍從傳譁挺生上腴族
類奇葩每一莖而數穎蓋本合而歧斜根密蒙以攢立枝重纍而交

加沃夜瀼以凝實迎朝陽而吐華真太平之奇瑞鑑史冊而爭誇爾
乃

皇情斂抑

睿慮宏圖不矜千里之駿罔珍照乘之珠卻貢則冰丸火鬪免輸則
玳瑁珊瑚謂雙歧之特出視九穗以無殊勿張皇而失實勿揚厲以
加誣偶因從官之採擷

命載輕輶之迤迤集鵷班之濟濟開雉門之峩峩朱宮翠靄紫禁香
多離離綴蕾采采含科歡騰有位喜溢鳴珂知符應之不虛信嘉祥
之有以彼夫蒿宮譜經芝房歌史孝竹之頌有聲瑞木之文如綺縱
表異以示奇皆浮誇而譎詭又若種異不周符稱北里九熟四熟之
奇元山玉山之旨雖信美而無徵何嘉名之足侈惟我

聖皇敬天之命合契剖符內霑外潤省夏甸以爲度操南風而解愠
幾有開而必先德無倡而不應異稱爲陶虞之祥同穎乃成周之慶

歷百世而同軌洵後先而比聖伊微物之托生亦遭時而得舉日月播精雨露資茹含英則嘘噏山川練質則經過寒暑偶衆穠以叢生獨亭亭而自處茲乃拔起田間輝煌天府近

帝都之光儀承

九重之笑語排金門而入玉堂雜珪璧而親袞黼典司則什襲爲珍拜舞千官如組皆以

聖人有道念切無逸和氣凝祥惠風迪吉即讓美而弗居終騰光於有餽載牒府以書年被宮商而應律昭靈契於來茲貽休聲於罔極

秋塞大獵賦

并序

汪由敦

乾隆十有四年秋

皇帝獮狩於塞上七月初吉奉

皇太后鑾輿發軔於京師

諸皇子皆扈從經熱河抵木蘭蒙古王公額駙台吉鱗集迎覲率衆

簡精銳以從事於行圍三驅禮成彌月旋軫臣叨侍

清蹕獲覩羽獵之盛竊伏思在昔上林長楊近屬畿田之內動稱殷
天動地野盡山窮故或恐啓後葉之侈靡或恐農民不得收歛
此相如揚雄之徒所謂雍容諷諭冀覺悟於一得也令獲生於
今日仰覩我

皇清之拈述垂統

聖天子之不揚光烈將必矐專失所舌播而不能下臣才孱不足揚

厲

鴻休彰明其所以顧遭逢之幸不可以默謹獻賦曰

歲在屠維月惟夷則白精莅辰金官奉職

天子順時節而布令馬比物而土齊力七萃洸橫以前驅招搖慘澹
而直北時則禾黍鋪葵嘉穀被隴蕤蕤或或恁恁懔懔彌平疇而無
際蔚雲合而濤湧一莖九穗未足陳太史之瑞兮實穎實粟老農幾

不能名其種互高原下隰而不可辨兮由郊圻以達乎邊陲戒衛士之蹂躪引馴馬而避之紛萬寶之在目雖野核錦穀谷填瓊璣無足以喻其絢爛而陸離宜

乘輿之按節而神怡也爾乃歷黃圖經赤縣次離宮即行殿仍衢室之

前規安樸素而戒營繕覽古北之雄關朗天門之四扇襄羊乎避暑之清都弭

翠華而息晏寥宇廓清露溥馬躑躅士桓桓林衡翹首而待命典澤戒事而守官長矛萃縱冽卒澶漫

天子乃韞唐夾而御腰褭星陳天行以幸木蘭伊並塞之名王襲衣冠者累百奉湯沐而親肺腑荷

累朝之醴液仰

神武之健行震

天威之赫奕匪徵發期會而奔走來庭會青城而有繹貢飛黃而效
竇驅虓虎而執役益以索倫狡騎期門禁旅追風迅發開石飲羽按
轡如怒控弦如舞左旋右抽忽仰忽俯恒擇肉而命中苟橫驚其必
取爾乃申之以軍律聯之以編伍越重岡陵深阻超澗壑躡榛楛衆
屬目乎前旌肅進止其有序少焉呼聲謹重圍合四纛馳千騎而首
尾應遠近接驢駢轆轤沸滑迥還封狼跳躑而竄突黃羊騰希而競
捷元熊皎賜而最屬顧兔脫走而輕躡麕麋麀麇之屬總總擗擗拄
角交項踢蹴而困懾乃抽荊蒲彎

天弧麗龜決脰自鏢達鬪試應弦于壹發殪猛虎於負嵎將以示
威容於警御肆僥倖于公徒故埜視嶄巖塊睨峯嶸而未嘗不範我
之馳驅已乃他他藉藉充牣周法

念効獲之孔多命弛圍而舍諸符解綱於天乙鬯惠風於騶虞聿計
鮮而頒禽紛駝載而車輸夫乃知練戎校武異夫從獸之爲娛也昭

仁秩禮異夫竭澤而不留其有餘也間從掌故竊聞夫木蘭之所自
焉其地也南襟灤江北枕興安左控巴林右引奈曼翁牛特喀喇沁
諸蕃部之環繞而碁布者儼拱衛於畿寰其山則齒崒嶸嶸嶸嶸嶸
岫有宮有霍有岌有恒巖崕乎龍堆千疊之崇巔其水則汨渥渥沸
洩泮濼湏爲沮爲澤爲檻爲沕潛演乎羊腸百折之迴川凡毛角蹄
遠之儻儻俟俟者莫不蕃宇衍息于其間木則樺靡留皮松仍落葉
黃榆望秋而飄雪丹楓經霜而眩暎其他交柯挺幹與夫蒙茸蒼蕨
者復蓼蒨而莅獵其陽則紫菊金蓮揚葩含芬敷陘緣瀆其陰則嚴
霜峩冰慘慄凌競白草鬣鬣蓋數百里之內旬日之中而氣候判乎
其不同倏片雲兮散湧灑凍雨兮溶濛或密霰兮交加更飛雹兮相
攻蓄畬不可冀其有穫井畝不可即其田功是以界以虎落殊其疆
索匠氏不營司空弗度殆扶輿融結之奧區故外藩不敢私有而以
供靈囿之表貉緬惟

聖祖之長駕遠馭荒高山於天作於鑠哉我

皇之紹休繩武拓戶牖於大漠撫列藩而浹之以霽洋咸鳧趨而雀躍且方今燿燿銷聲靈燼竇焚革心候尉謹約梯航琛賮肖翹咸若安可以履泰而忘危懷安而示弱仰

聖蹟之孔彰煥

遺徽其如昨故不憚涉埃壙而席戎鞍冒風霜而勤旃幕即麟趾之振振且豫教習勞而恢之以雄畧不然夫豈不知

九重之爲安而端拱之足樂也况夫奉

安輿侍左右日靡間於省覲佳辰屆而上

壽視膳給鮮以笑以侑至於

勅幾政披章奏先晨鐘而求衣遲葳蕤于夕漏通萬里於指掌固八荒之在宥洵

王者之無外沙磧曾不殊于宮囿更復

飛毫拈韻，飄翔雲驟。翩若游龍，炳若縟繡。雖游藝之餘，間有以知神功之日。懋尙復進角，觝而決勝。張畫候而志毅，蓋睿哲文明。信天縱而時敏，而健行不息。則純嘏之多益，而單厚由是觀之。丕闡鴻模，顯號也。承歡。

慈豫廣孝也，垂裕少成至教也。綏懷屏翰，宏造也。載纘武功要道也。行慶頒賚優勞也。一舉而諸善備焉。此其爲。

聖天子之大獵而翰林子墨者，流固不啻持螢爝而當曦曜也。頌曰：廣甸膺膺。

皇武履兮，麀鹿麀麀。紛若跂兮，我士孔武。猷以俟兮，躬桓藩輔。執鞭弭兮，式歌且舞。惟。

天子使兮，湛露斯溥。宵燕喜兮，內訓外撫。具衆美兮，嗣服仁祖。先後一揆兮，昭茲來許。多受祉兮。

哨鹿賦 并序

汪由敦

哨鹿蓋索倫舊俗惟精於獵者能之

聖祖仁皇帝妙解其術歲以白露之候晨興

親舉高年弗倦衆蒙古王公從獵者驚傳以爲神我

皇上行圍之次擇地數往且

御製賦述之雖未曾覩其事者讀焉不啻身歷而熟究也非夫盡物
之性察物之情而文足以達難顯之隱者孰能與於斯臣承

命授簡蹶踏失措謹獻賦曰

偉中林之攸伏紛或羣而或友當白露之既溥候氣至而挾耦牡儻
儻而游牝牝濯濯以求牡恆引脰以長鳴交應聲而疾走旣類別而
區分儼畫疆而據守忱同儕之我先猛奔集而恐後蓄忿妒而狷疾
貪無厭而廣取乘高驀其越岡就卑宛其在藪恃強彘捷以角逐迎
合競進而膠糾爭前騰踏以奮迅屢舉厲乃而抖擻揆厥聲之多變
呦掀脣而呿口曲者如語直者如詬長者如嘯遽者如吼虞人以射

獵爲耘耔老更事於歲久匪弋獲之爲長契性靈而狎狃是以殫精竭思爲哨鹿之術焉以坐致而巧誘也時則嚴寒襲肌濃霜沾衣月冉冉而欲墮星耿耿而未稀邃谷闐其幽杳陽崖闕其朝暉蒙茸藜密犖確徑微林無雨而雲霽草不風而萋萋乃屏徒御却驂駢弛夏服豈忘歸象首戴角反裘蒙皮三兩爲偶輕躡潛移禁聲斂跡伏伺忘疲俄遠音之噉爾時迥出於烟扉爰舉長哨匪笳匪角如倡如和忽徐忽數鼓中氣以歎激縱善辨其罔覺更順旨以頻易恍相招而諧樂斯排突而徑前魁雄特之卓犖擢高足之伎伎仰抗首而橫恣冒先馳以矜長要衆雌而並至震疾叱以驚却瞪睥目而直視尙乘興而顧戀鬱雄心於一試昧深機之潛伏似喬鈎而貪餌斯時也伏草自翳偃側若僵屏息傍睨察於微芒忖疾徐於遠邇商分判於低昂神機割其雷駭立顛隕而同吭或韞鞞之小衄仍決起而踉蹌終倚角以就獲寧漏網而遠颺羣匹駭其近散雜蹂撞而超驥苟趨疾

而旁鶩羌遽引而披攘亦逃生而倖免釋逋竄於窮荒應節度而巧
合審爲樂之多方原夫聖人有作利用畋漁網罟矰繳弧矢車徒冥
氏穴氏山虞澤虞蓋博取以備物獲三品而充厨亦順時而行令匪
耳目之爲娛至于鶴因媒而鎩羽雉應驍而碎軀狡同類之傾詐宜
仁者之弗圖豈若呈妙解而捷得奏神技於一呼旋首頽而臆仰灑
毛血於平蕪又何事騁驩騮於廣甸張羅畢于周陔信哉物致其精
術神於用勤弗辭勞動而皆中窮變態於擇音釋覆蕉之綺夢補千
古之闕文振

鴻篇而卑屈宋體至道以研幾懿五德之兼綜亶
智勇之首出擅

多能于天縱藐侍_臣之弁劣惟鞠瞻而莊誦固不待獻司原之良箴
奏長楊之嘉頌

後哨鹿賦

汪由敦

曉漏沉山月小紅燈明京薪燎

天之方御紫纒乘腰褭出旌門兮逶迤即長薄兮深杳期門飲飛之
倫肩神鎗負象首鞭弭囊鞬奔走先後聽隔嶺之呦鳴覓前山之羣
友於時嚴霜未結山霧初低谷風凜冽林靄淒迷識途信馬遵路緣
蹄觸響知石聞湍識溪百爾扈蹕鵠立遙俟乃有芻蕘野夫躑躅而
前曰蓋聞古帝王清道而行大昕而出鸞旗在前傳警聲蹕展輪授
綬動必以律僕御戒嚴尙凜奔軼繫哨鹿之可娛羌無關於政術顧
乃披蒙茸踐齒窅熊羆所馮虎豹所窟搏噬直前伏莽竊發負險咆
哮乘人倉卒此賈山所由致戒於馳獵而相如殷殷獻規於銜際也
諸大夫食鼎鍾都貴仕旅進旅退曰兪曰唯借曰未知惜前紀也知
而不言秦越視也若謂吾豈無心力不能止退有後言特祿奉已遇
茲

堯舜之君顧安忍出此乎時則庶尹常伯盱衡而言曰惡乎何言之

過也今夫泛江海者不以波濤之險而迴橈登峻坂者不以要駕之虞而脫轆何則智者恒預防於先事而勇者必禦患於有備獨不聞掃穴之神鎗固莫當之利器乎使其聞僨狡之超騰遽逡巡而却避是將懼陸梁而戢戈矛畏強禦而弛法制其何以爲治歟若夫沙苑五花渥洼汗血越嶄絕以如砥捐重巒以爲埒邁空濶以奮迅遇蟻封而旋折縱送惟時疾徐按節記曰不躓於山而躓於垤履康莊夫且致戒更何虞於嶮巖之蹉跌且夫哨鹿之爲技本索倫之舊俗陋罟弮之周章息長圍之馳逐飭同類之殊羣曼長聲以相屬遂尋響以斯奔將直前而立角蓋深中所忌而倏乘其罔覺舉神械而命虔駭電發而颿速用明智以坐獲懲驕妒而致戮苟取順而失禽弗窮追而遠蹙譬意釣之忘竿豈夢求於蕉覆夫其指之以類取之以義逸以待勞出其不意此克敵之長計也判遲速於俄頃量低昂於分寸揆地形之遠近究物理之利鈍此制事之大分也

聖哲必因時而熙績明主恒由舊而戒荒方今海宇寧謐鞮譯梯航
恩洽九宇風行萬方然而兜平之士漸已遠羈勒而親羣屐沓革之
旅亦且鄙弧矢而慕縹緗夫變古勢趨於積弱而保泰者力矯於蹈
常此

聖主所爲撫時增惕兢兢焉率

聖制而振乾綱也顧樂甘暴露而冒風霜也哉

夜亮木賦

汪由敦

戴斗之區擊壤之儔且耕且牧以蘇以燠暑雨旣溥澤潦未收風霧
蒙晦鳥道阻修堂密迴互榛薄鬢蟻忽見夫光朗晶瑩璀璨洞明噓
燄非紫揚輝正清騰金蛇而未掣噎火樹之初熒豈傳薪之烟烟將
遺燎于星星爰躡蹠而俯拾煒灼爍而高擎歸而詫其父老曰叟有
覲於此者乎是何仙木之降靈也時則厖眉三老攜杖鳧趨睥眄權
忭顧語其徒曰於樂

山莊實惟天都繫昔

神堯在御治軼華胥莫莢生階蕙蒲扇厨朱明清暑駐此奧區山川
畢獻其瑰異卉木殫效其珍符聿有亮木曜于山隅枝膚剝落炳蔚
特殊豈伐樹於撐輪乍分月桂若浮槎而貫斗應掩星榆爰經
聖鑒麗製霞敷增輝縱縹垂比球圖懿我

皇之續緒丕紹休於

烈祖臨玉塞以行秋歷長原而講武曰止曰時方壺懸圃直

天光之照臨雖朽木其作覩殆以供

清賞於幾餘勒

鴻篇於冊府也歟彼隋侯明月之珠田父夜光之璧上林則鼃采碧
琳西都則玫瑰降柏麗則麗矣終濟夸而多僻又若瑤芝九光華蓋
百影舍利現燈於浮圖朱霞曜靈於丹井奇則奇矣亦丕誕之徒逞
豈如茲木太樸未散大椿靈冥莫知其算幸逃匠石之斤且免中郎

之爨雲蒸日暄精鑠氣鍊厥靈厥瑩其輝有爛雖潛處於幽遐恒昭
晰而達旦良積久而自彰詎因人而始銜是宜灑金壺搗

宸翰攬藻采之陸離倬爲章於雲漢也聞者矍然而興曰嘻歟方今
日月之華容光必照螢燭之微亦舒其曜棟梁宋桷任各得宜枯木
之末亦且弗遺泯我知識順

帝之則慶斯木之遭逢允克彰夫

聖德

欽定熱河志卷一百七

欽定熱河志卷一百八

藝文二

本朝

賦

秋郊大獵賦

梁詩正

惟

聖作覩乃文乃武智勇天錫遠邁前古道洽化淳覃敷下土繼志述
事遙追

皇祖緬惟

謨烈之垂於鑠蒐苗之舉乘農隙而詰戎兵歷周原而臨津圃時巡
經五十餘年賓服暨四十八部匪徒樂乎從禽實以資乎講旅爾其
寒蟲作語殘蟬咽鳴域中氣爽塞上秋清開廣野而百里聳疊嶂之
千層露點山楓丹黃成幄潦收石澗清冽無聲草淺獸肥則儻儻而

俟俟風高馬健斯龐龐而駟駟撫涼晨之方屆應令典之時行

天子迺簡爾卒徒卜焉允吉六師載陳

萬乘以出旌幟飛揚駢騏走軼循一逕以逶迤喜百昌之茂實雄關
瞻眺則馬上

賦詩廣陌諮諏則林間

駐蹕戒金吾之漫警無害田禾

詔賦額之量蠲克知民恤遂乃縈紆沙磧攀陟巖崕凌百谷露隱
三峯奮

一人之神武擁千衛之羆熊左右賢王負弓弩者從公子邁渥洼名
產效服襄者我駕既同行聯雁趨勢總鴻洞森鶴鵝陣之圖法嚴赤
白羽之軍容綺霞輝色皎日臨空將赴桓于七萃訖聲教而四通則
見夫野豕連羣黃羊彌陸雉兔星流響塵波屬始則環林箐以成圍
繼乃驟岡巒而爭逐任駭獸之馳奔臨

至尊而懾伏惟時我

皇佩烏號挾夏服澤射麋林即鹿蹂躪封豨捎接鸞鷲鷹逞攫拏盧
供呼蹴風翎掣耳霜鋒睽目奔莽叢搖飛鳥頸縮看一發之威張仍
三驅之澤渥受殪者流血朱殷逸圍者驚魂殼隤用循狩野之文藉
供登俎之肉陋上林於漢武嗤七澤於周穆於是大綏罷抗上殺紛
馱計鮮數獸牲牲孔多兩牡之從莫比三狐之獲奚過
特賞聿酬乎虎旅餘恩兼逮夫鸞坡刀割火燔鱗次駢羅厥儀以備
其禮則那此

聖主載覲

耿光非侈雄風之賦而從臣欣傳盛事欲賡吉日之歌者也夫
聖烈克善繼繩

大孝尤垂永久有事武功敬求

文母黍禾低拂扶輦膝間幕殿高張問

安門右升幔城而怡

色笑既豫以康視御膳而進肥鮮維旨且有方閱秋中再經重九受琛有艾納之香介壽薦菊花之酒雖大漠其偶臨徵

尊養之彌厚臣職司橐筆行效服裝數奉清塵於

豹尾獲瞻

偉績於龍驤力乏策鞭彌慙短馭才非作賦雅慕長楊不諳釋氏之經未嘗止殺曾讀相如之疏頗鑒垂堂竊綢繆於未雨願儆戒乎作荒凜登危之明誠懷御朽之良方永爲後式迪惟

前光歌曰時蒐畋兮奉祭祀戒不虞兮習戎矢考舊典兮禮經煥新猷兮

天子仰

丕烈之於昭兮奉

慈顏之有喜涼風戒塗兮

法駕北指雲罕兮輕移塞垣兮戾止羽林夾扈兮連鑣番部來同兮
結軌大圍兮周環沿谿谷兮邈迤屹如山兮逝如水百獸匿兮深林
裏月弓星礮兮惟

君之使落飛鳶兮殪大兕法湯仁兮網乃弛大庖充兮娛

慈寧旌門錫兮勞將士簡軍實兮柔遠邇苞桑永固兮千萬紀

秋郊大獵賦

以天人同澤上下
交歡爲韻有序

錢陳羣

是歲八月十日己酉

上閱武行至準烏拉代地方道右之圍既合

車駕詣行宮有

旨明日駐蹕於此修道左圍及晨

上乘馬出宮門從官之執事圍中者咸先期儲俯臣與大學士臣查

郎阿等侍立門右仰瞻

雲日霽色順時魚須之旆既導雕玉之輿既隨行未數里遣侍郎臣

傅恒傳

諭臣等綴筆爲賦以紀斯典臣惟大閱載於春秋教田垂於月令周
宣內修政事外攘夷翟復文武之境土會諸侯於東都以講武
事其時詩人爲之賦車攻賦吉日以書其美弧矢以來茲爲近
古後世子虛上林羽獵諸篇鋪陳過實君子譏之他若華林之
舉非其時元武之局於其地庾信張說擗擗揚厲亦無取焉我

皇上法

祖勤民興仁興孝恩澤所覃沾溉庶類乃以安不忘危有備無患四
年多舉大閱禮六年秋修大獵事八年

幸盛京恭謁

三陵蠲租賜赦進從官階一級中外震疊歌詠明盛今年七月下濬

恭奉

慈闈復修田事凡行圍所過之地皆

聖祖當日三至五至之區塞農野老林立道旁得睹

天顏無異爲兒童時仰觀

神堯也而番部名王之率衆來迎者亦相望於途維時山川效靈風

雨和會臣陳羣備員

禁近得隨

輦路未行旃帳濡豪不文是惡謹拜手稽首而作賦曰

蓐收乘令少皞司天禱申房伯道指燕然選車徒者數萬號賁育者

三千揚

祖烈於龍沙平移華蓋奉

慈顏於黃屋廣列細旃肅馬政以訓五戎旣咸旣好遵秋原以瞻百
穀實粟實堅下令師中禁蹂躪於長路沛恩畿近賜田租之半年夜
雨知時潤庶草而征衣不濕秋山入畫罨衆卉而鈴旃自妍於時鑰
鎖元戎屏息凜節穹廬君長抗手獻珍負弓弩者備東樓之裔通膏

沐者列西雝之賓拖豨之矛非假淬而後利射熊之館不待移而自
陳規延袤以星羅路方千有餘里徧爽塏以杼列圍設一十五巡肅
慎悉暈重圓聖乎又縱烏號自呈滿月天也非人於是八部分行視
前旌以爲導兩翼競進拱大纛而居中人影環山揮袂雲連鬣鬣馬
蹄踏草風來香染芎藭匝鷹窠之千嶺審瓜跡於三巖洵無幽而不
入亦靡奧之弗通凡茲輕鳥道而用命者莫不因由事而抒忠則見
驚羣黖獸窟不能營挂贈文禽木不能擇鹿麋麋而緣岡兔爰爰而
越陌黃羊之起殷殷斑雉之飛彳亍狐失冰聽豹迷霧澤狼雖顧而
離披熊欲申而狼藉虓虎迎

天弧以就殲大兕嬰地羅以自搯或迸石而墜崖或獲雙於射隻縱
突圍其延喘終魄褫而神隳爾其角力既適於羣材獻絕復及於衆
養髯官遞喉天狗猙獰奚奴指頤海青迅往隼脫韞而奮擊犬帶鈴
而直上小試則似石壓卵大受則如獅搏象中必要害來必愒怛乍

颯發於雲間仍馴伏於

御仗况夫德稱於駟力優於馬獸多若陵互禽墮如雨下實既登籍
矢猶盈把按轡於峩嶬之峰馳驟於廣莫之野于以見軍旅之止齊
而餘勇之可賈也衆志懌矣

皇情寫矣召墨卿而灑翰何揚風而挖雅爰整七校爰建長旂序涉
涼候歷徧秋郊解湯網之恢廓筮顯比之象爰簡左臚之上等進

慈寧之嘉肴貴胄公孤頒以肥脆羽林鷓鷯逮以燔炮豈惟示雨露
之均亦以定上下之交是役也發軔流火迴軫初寒深谷長松迢遞
盡乎遼土鐵漿芹菜館舍覽夫契丹應氣而行鉅典撫景而得大觀
示禦攘課繕完威武耀磐石安惟

德車之遠馭占玉衡之長端賦成紀實歌以志歡歌曰於鑠

皇旅則時邁兮仁育義正敷天對兮

祖烈重光威無外兮日未靡旃無已太兮又歌曰率左右兮從羣醜

還

宸居兮薦嘉卣

天祿申兮昭受式下武兮

萬壽

秋郊大獵賦

謹序

劉綸

臣聞三田詳於王制匪止充庖四隙載自周官爰勤講武故大閱以義舉大蒐以禮行俾步伐示我行間而風聲貽諸逖聽六師由時有赫七德職是無虧往牒彌文意同一揆伏見

皇帝陛下光宅海寓文武兼資湛恩龐鴻中外蒙福懿惟

祖宗時巡率狩永肩在今咨彼徼荒鱗集仰流內面亦久迺以乾隆十四年秋七月戒臚人鳩禁旅交獵於木蘭由啓塗訖歲事茂典修濃化浹愉愉乎勿勿乎昭晻之氣通歛誦之音作矣臣蒞蘆下走承跡屬車瞻望清塵退而竊忭不揣樸昧輒受簡以爲

之賦目尙迷夫誕鼠敢云句擬子雲心冀識夫騶虞或且嗤同
曼倩焉爾

拊輿桓以北睇臻穆納以南賊太行緣陲而竦嶂灤水絕漠而增波
六扇關門塞日射丸泥之谷一圍天幕邊風清勅勒之歌首塗則十
二軌方繪秋原于指掌奉引則三千迺卒園

法駕以駢羅是時也蓐收告辰大丙陪位雷轉塵斑雲捎罕翠遣人
充其廕儲掌舍操其柅陞

離宮表記里之鼓九埜垣墉

馳道消甌脫之偵一家尉吏古卉服而穹居今雲宿而露積蓋別部
星萃周廬櫛比廣場郵置喁喁遂遂以待

天子之所有事爾其曙噉昭回莽窅洞開橫襟雁積高枕龍堆長陸
曼曼其垂蠶儀鍠轟轟其轉魁

命大章豎亥之侶程翹關超距之材而止止而行行宵乎如陽施陰

設儼一纛之縮中台也曰左左曰右右趨乎若箕張翼舒俄雙旌之
紉外廻也羌蕞列以茅班又轅轅而輻輳瑛抱珥而環循綱引維而
目就閣闌大壑臆梯接而權懸齒宰重厓睇人寸而馬豆於是夏箴
抽烏號發發縱齊

指麾授快得雋於一呼矧疊雙乎多又乍矯睨以鷹麟穿腋以剌
脰突圍趨趨下折角乎犀兕麋麋失穴襍縱上縮跋乎鼈鼈猱猱洵
不媒而不囟竟何飛而何走

皇帝迺出和門遵靈囿奉

大安上

慈壽祝湯網鄰堯酬則有蕃封君長庭實多儀

頒禽壓案行酒捧匱希鞞鞠騰起而敵辭昔也荷

皇祖之龍光今焉陪

聖孫之燕私遘三驅於大甸嫺九伐之閱規況新覩巴子蠶叢之式

化曾不煩寸纓尺組以縶之又奚竢哆五柞於漢賦捫十鼓於周詩
然後筮師貞而思羣策圖王會以誌招攜哉謹拜手稽首系之頌曰
天山窿窿塞草膻膻有若駝峰碣磴摻拄有若羊腸洄洑表豎
皇帝臨汝如闐如戶金風旣縻

玉趾斯舉員獵員游山祇蹈舞足足般般四靈爲府闔乎
至仁皇矣

大武武纘厥

緒仁篤其祐元會萬億登三成五

哨鹿賦

劉綸

皇帝幸上塞修時畋五戎燁七萃闐三扈表禽二虞獻研別有守大
羅氏之職者以致鹿告擇綏請前厥制不罟不阱匪蹶匪窞從其類
乎神以茲而全者托於音矣哨可得而傳焉方其未之哨也瞰衆巋
伺叢薄測卉泉闕聚落爲町爲疇旣登場以目營或抗或瓜爰逐跡

而臆度良有合乎師行之外謀旁偵而豫紓夫卷甲啣枚之勝略至夫白藏露塗青女霜鋪啓明東耿耿影西晡設宵田之燿火殊夜獵之戴罽時其簡練比其耦俱太人占之即鹿無虞於是坂緣九折隊麗三伍旅屯於郭銳采其阻聯絡聲援若偃若僂若肱若臂又不翅營陣之六伐七伐五步七步駢比乎散伏而蹙部也其貌之則皮其冠也角之芟然首之斑然奚取乎中黃朱鬢之植髮如竿也其召之則木斯竅也抑之窅然抗之噉然無需乎淘河鳥脰之大號而小號也當斯之時密利迦羅蹙躑迟迟求牡俟游牝祈祈駮谷聲之自答宛命匹而要之退彳亍乎如遺進蹙蹙乎如疑恍同同而睥睨訝異異而詆謀彼跚然其獸舞紛胡爲乎來思此闖然其人立睥不知夫所爲於焉呼急鎗捫列宿會若連襁解若脫胄趣後車選徒而舉

齒信

天弓不虛夫先殷償銅牌之可識昨者憶釋網於帝園或芝草之能

銜今也願捧觴爲

慈壽迺復有司銜之佐典澤之儔希光道周爰諮爰諏進而稱曰蓋聞至人寓物造化神謀故叩或驢負雉或媒求意釣者時忘其魚入羣者不驚其鷗苟有氣乎斯應豈於林乎是搜凡天降與地出寧盡縹以窮講方今

聖天子聽化醴粹彌洽溼陬庶彙由庚咸和咸柔詎惟在囿者感姬文而攸伏居山者際重華而與遊也哉

上乃擣天藻

勅賡載羅訓典陸雕績

皇綱帝紘囊括乎園內雖有馬鄭專家鄒枚齊輦隸事罕習卮言失槩未效江陵射者之吹竊陋畝邱封人之對莫不据觚緘喙操牘汗背遷延而辭退

哨鹿賦 謹序

于敏中

皇帝臨御以來海宇乂安羣生茂育殊方別區沐

德化而憺威稜者莫不陸讐水慄奔走內附乃履盛暢若逸不忘勞

歲以秋八月蒐於塞上繼繩

祖武有事於哨鹿順時應機即小喻大義宏且遠爰於武帳濡翰杼

藻

親製前後哨鹿賦翕若璧合粲然錦襄長言載賡纖悉具舉美哉洋

洋乎天地之大文古今之能事備矣彼相如賦上林揚雄賦長

楊詞夸意騁固瓌瓌不足稱煒若射雉一賦體物繪情亦可謂

擬諸其形容矣而義囿於文莫能籠函萬有以方

聖製殆猶瓦缶黃鐘難以儕響者也

小臣無似承

命給札神惴汗惶不知所云退而齋心殫思積時累日忘弁鄙之愚

誌賡颺之榮譬諸爝火思附光太陽而蛙黽妄依聲天籟也敬

拜手稽首而獻賦曰

蓋聞哨鹿之爲制也實權輿於索倫匪角力以鬪捷弗脆遇以揜羣酌劑乎仁義衷度乎屈伸離合盡態翕闢互根其動也無端其致也不紛占即鹿之無虞厥功媿乎至神猗歟

聖祖爰躬爰親我

后是則纘茲武功

叶

揀吉日撰良辰肅周徽戒虞人曳羽罕靡雲旂

叶清道按列天行星陳駢衍陸離迺

莅止乎木蘭其爲地也沃塹千里連山逶迤窠窠弗鬱嶽崱礪礪周表包給以界乎左右叶邈嶺嶺之中豁峙儲胥與槍纍豐彼圃草芊綿猗靡帶以羊腸之河阻以伊遜之水峻者如削平者如砥曲者窈繚曠者侈侈騁覽矚於嶽原渺不知其遠近叶是蓋天闢神壤隩衍豐美廣陪漢苑樂均靈囿叶無事設以周陸而足供三田植旌抗綏之所叶若此故其地乃可喜也爾其磅礴鬱積物產斯聚毛羣羽族穴藏谷處禽經不暇載獸簿不及舉彼伊尼之蕃息更日孳而歲廣

叶有麀有麀有麀有麀判彼麀麀差其覺麀叶牲牲跋跋儻儻麀
七星八歧雙頭一角殊形而詭狀者蓋不能以更僕數爾乃白藏屆
商風引露既降木葉隕乳字以時匪靈伊蠢紛其求牡習焉遊牝既
挾偶以兼羣遂分圻而畫畛逞驍健以自衛僂環角而植吻或寢或
訛或馴或躡忌他族之實偪選同類之相近彼孱弱者逡巡睥眄已
望形而佻睨而桀雄據守夫澤中方且睥睨旁睨畜趨猛而餘忿故
得因勢施巧乘間度情攻其無備奪其必爭伊濯濯之與居信呦呦
而善鳴爰制器以象之乃能疾徐進退宛轉而相迎匪笳而淒匪笛
而清脛無取乎淘河管弗效乎簧笙把宮彈角翕焉中音叶是則哨
之爲用所以握勝而操羸也於時清霜慄側宿烟蒼莽眺影西流啓
明東上嚴韜影以暎暖野含曙而矚睥廼

簡徒御屏衛仗星廬拱和門敞七校靜六轡騁叶蚺鎧絕列以雙導

羽騎眴分而掎張叶前驅後扈或三或兩枚肅無譁鈴駁無響驟蹶

蹠以相羊於焉望崖嶺而邁往爰荷長哨被短衣其裘則纈其冠則
皮載以象首出諸麓笥綴毛體之般般聳叉角以鬚鬚攀彼叮嚀拄
茲薈翳始蠖伏以密伺徐跂張而仰關既儲精於闐寂奮先聲以出
奇虞原獸之罕至因舉哨以宣之脣引則響集吻吮則音移噉然而
高窈然而微嘯囉嚙嚙如倡斯隨唵唵紆鬱若距若追嘹如引吭噓
如鼓頤懾狡黠于幽遐應友聲而是求叶彳孛旁星睢盱錯愕將前
忽却既進復沮魂悚悚以狼狽心惴惴而猶豫懼羣匹之或失矯長
鳴以捍禦恣狼戾而獾狻突生猜而觸妬乍凝聽以曲睨旋擢身而
思赴鬱狂迸而陸梁恃角搶與題注狡焉願鬪警爾相遇斯時也厭
躡深潛屏息矚顧不震不撓不徐不遽迨心煩而伎懽始悚立以騰
湊叶倏脫帽以呈形忽應叱而少任翳喬桀之殊才遂乃脈脈犴犴
子蛻瞪眄而不能去於是釋哨具進神鎗規分判測豪芒心平視審
手正機張奮駢聲激流光號號煜煜擊雷轟叶電火之一掣已

中嚮而洞腸或小創之蹶起俄應聲而復僵亦有去如脫兔駭若驚
聲或挺而驚或怯而危或習霍以森迅或蹙竦以霧藏擗捻躍而盤
辟若負固而不自量準鯨牙之軒轅又無不殪於廣莫之場至若或
騰或倚或羣或友掉而未來逐之輒走緬驚怖以卻步尙倏呻而抗
首膽劣目眊足蹠跡風遽聞聲而逋竄莽凌躡而相蹂固縱之而弗
追亦舍旃而弗誘掩不計多獲不厭少叶失也其常得也其偶斯蓋
仁者之事君子所取又何必單戈彌谷爲量蔽藪前遮後麟徼亂屬
軌叶他他藉藉乃爲備物而咸有哉既而

皇情洽恩澤宣弭節乎神臯儲與乎皮軒乃論上射乃擇左肩登於
大庖以炙以燔嘗其旨否進諸

大安割鮮染輪野饗從官升觴既醕羣情悅懽咸避席擎拳鞠脰而
頌曰允矣

聖人如天之好生叶遊非樂乎耽盤義固準夫秋獮欲左者左欲右

者右有殷湯祝網之仁焉舍逆取順失會不誠有周文三驅之訓叶
焉信乎美善莫得而形容徵引無藉乎更端者矣矧愚臣之孱弱徒
授簡而拘牽職有忝乎執戟力不勝夫控弦日未睹秋田之盛身未
習講武之班驟與語夫哨鹿鹿等捫燭而扣槃竊幸蹈詠

奎藻紉繹鴻篇庶聳贖之一振聆鐘簾之在縣縱極揣摩窺測雍容
揄揚曾未能得其涯涘又何足補於邱山也哉

跋

御製避暑山莊三十六景詩恭跋

張廷玉

康熙五十一年六月臣等恭注

御製避暑山莊三十六景詩仰見

皇上聖學崇深含經味道純粹以精發爲詩歌上繼雅頌囊括百家
臣等學識舛陋管窺蠡測未能宣揚盛美茲蒙

恩諭俾得附名簡末且喜且愧不容於我欽惟我

皇上聲教覃敷極天所覆盡入版籍要荒之外率同畿甸自京師東北行羣峰迴合清流縈繞至熱河而形勢融結蔚然深秀古稱西北山川多雄奇東南多幽曲茲地實兼美然蓋造化靈淑特鍾於此前代威德不能遠孚人跡罕至

皇上時巡過此見而異之念此地舊無居人闢爲離宮無侵民田廬之害又去京師至近章奏朝發夕至綜理萬幾與宮中無異乃相其岡原發其榛莽凡所營構皆因巖壑天然之妙開林滌澗不采不斲工費省約而綺綰繡錯煙景萬狀標其尤者凡三十有六清涼爽壇於夏爲宜每至盛暑則奉

皇太后駐蹕焉泉甘土沃居此逾時

聖容豐裕精神益健蓋

皇上憂勞萬民德合於天故天特開靈境以待

皇上之遊息也臣等忝列侍從時

賜燕遊諸景皆管目擊而莫能摹寫及伏讀

御製詩則林泉蒼籟一一湧現於胷中蓋此地之景乃天地山川自然之氣所發著非

皇上化工之筆莫能傳也而臣等尤有厚幸者伏讀

皇上御製避暑山莊記及諸詩奉

慈闈則徵寢門問膳之誠憑臺榭則見茅茨不剪之意觀漑種則念稼穡之艱難覽花蔕則驗陰陽之氣候玩禽魚則思萬物之咸若凡讀者因詩以求諸景之勝豈獨未見者如親歷哉即

皇上敬天勤民與覆載同流之氣象可以昭示天下萬世永永無極矣

御製古長城說恭跋

汪由敦

御製古長城說以化工之筆行自然之文深入顯出宇宙在手尋繹再四心目曠然在昔山經地志類出文人承傳沿襲掇拾諷探輒矜

爲創獲其經目覩記可覆按者百不一二數也況絕塞僻遠遊躅所不至之地哉茲以

六御所經名王部長旃裘之衆親履而指數之其核實爲何如者且謂天地自然所生以限南北尤不易之論蓋嘗觀之百家之聚千室之邑率有岡巒川阜縈迴環抱之勢至通都郡國則其阨塞阻要顯然爲之疆域屏翰皆非人力所能爲聖人者爲之相其陰陽建城郭宮室規重門禦暴之制無非因其自然易曰地險山川邱陵也王公設險以守其國此物此志也蒙恬之爲長城後人專罪其長惡勦民其垂死所歎爲絕地脈者一若設詞以自文而不知其拂天地之經而不因其自然彼固未嘗不自知之而深悔之也然非親歷而得其實其孰從而證之或疑塞外蕃部聯屬雖逐水草亦各有分地且此故元上都興州近境安知非昔之居是者殘壁故壘荒畧失傳者是或未可知然西北之澣海流沙東北之窩集是非天地所限也不

寧惟是凡大川之達江海其入處必有沙橫亘若戶闔然濬輒復淤是乃在水中又豈昔人所爲耶觀此則天地所生自然者益信

碑記

勅修承德府

關帝廟碑記

梁國治

乾隆四十三年歲在戊戌

詔升熱河廳爲承德府其餘六廳改隸爲州縣於是鼎建

文廟選造生徒增置解額以明年己亥五月

上親詣釋奠是月復

詔協辦大學士尙書英廉侍郎和坤重修麗正門右

關帝廟改易黃瓦殿宇崇閎規制大備臣國治恭承

嘉命爲文以記臣竊惟古者立國必先建學設廟所以定民志一耳

目也承德近接塞垣前代聲教所不及邊關之氓不見通都大邑禮

樂威儀之盛非一日也我

國家撥文奮武邁古超前自

聖祖肇啓山莊成都在成邑朝宗輻輳萬國會同我

皇上觀揚

光烈四十五年以來開闢疆宇二萬餘里自蒙古諸王公喀爾喀及四衛拉特回部諸藩等莫不傾心託命奔走俯伏來享來庭於是承德爲古北口外一大都會將山川靈淑之氣蘊於古而發於今耶抑天眷有德

聖天子赫聲濯靈薄言震之莫不震疊者也夫制禮以作民敬也立廟以作民誠也

關帝廟祀遍天下各直省府州縣建祠設像守土官吏歲時展謁典禮視

文廟況承德距京師數百里

日月所照臨中外所瞻就

廟貌之盛可以見

國家褒崇忠義凜乎綱常名教之大焉可以使遠近更易觀聽動其嚴威儼恪之忱焉秩祀之修庸可已乎工經始於乾隆四十四年五月越明年五月工竣凡用銀五千八百九十三兩有奇新廟既成文武吏士邦人咸喜而蒙古外藩歲時朝覲者亦得展禮廡下以申畏神服教之誠以昭

文德武功之盛臣國治奉

命撰述與有榮也謹拜手稽首恭記

欽定熱河志卷一百八

欽定熱河志卷一百九

藝文三

本朝

詩

辛酉扈從出喜峰口

高士奇

清蹕出雄關鳴笳歷荒徼夾嶂真天開壁立盡奇峭往時設重戍藉
此爲險要戰壘虛風生孤城斜日照年年荷戈人未得息征調自從
被

至德遠近奉

明詔遂使邊隅民不用驚烽燎喜隨

萬乘來快哉肆登眺

晚宿白臺

高士奇

塞行未十里塞景已殊異入目多荊榛亂峰含紫翠翹首睇長城萬

載嚴邊備連幕宿山陽迢逕橫晚吹虎嘯巖谷鳴颯颯風隨至幕火
散繁星周廬環七萃來朝

屬車塵應抗凌雲志

過嶺

高士奇

六龍乘曉發萬騎陟重岡灌木翳青天亂石縈羊腸縱橫澗水流隱
約山花香山花非一狀紅紫含芬芳更有青楓樹嘉蔭凝衣裳仰面
觀奇峰怪石紛低昂時當四月初猶覺山風涼曠然心眼豁不似披
遐荒兼旬實壯遊塵慮爲之忘

黃土巖

高士奇

何年鑿山骨屹立疑千尋徙倚不可卽駐馬空沈吟藤梢與葛刺蒙
密何陰森懸崖支一木微徑通嵌嵌巖扉有遺跡邈矣烟霞深杳靄
青松際白雲迷至今

駐蹕寬城北五里水次

高士奇

省方入遠疆

駐蹕蒼崖裏崖下俯長河波瀾最清駛娟娟三兩峰掩映雲霞紫微
風馨礧松殘陽下流水幽賞平生懷對此翻然喜捲幔息銀燭愛看
山月起

將出達什喇卜齊爾口作

高士奇

衆山向背殊峰峰自迴互石上漾清泉山根叢茂樹咫尺誤行蹤往
來遵細路彎環數十轉潺湲八九渡林花雜春夏風景變朝暮勝覽
意不忘塞行有深趣

駕出達什喇卜齊爾口喀喇沁諸部落率其所屬伏迎道左

高士奇

直北幽崖早向誠不須更築受降城職方記載梯航路王會傳呼拜
舞聲紅綻邊花迎雉扇碧搖巖樹轉龍旌太平
遊幸非征伐應笑元封自勒兵

從獵

高士奇

蒼山萬疊雨初晴從獵朝看塞景清月兔射來誇技絕星狼追得鬪
身輕班聯翡翠翎中坐隊入鵝黃褶裏行十二羽林皆健將只容款

段一書生

臣班在親隨侍衛之列

駐蹕巴爾漢湯泉

泉較溫化更熱

高士奇

夕照下西嶺平楚生荒烟旌旗散晚獵萬馬奔前川忽看碧草際一
水流濺濺深澗轉澄澈暖氣如沸煎少坐濯塵纓云是古湯泉遠聽
鐃吹發柝幕燈光懸四望盡暝色圓月明山巔

射虎行

并序

高士奇

巡徼者報夜來虎至營中傷一驪馬尙在山前

上率侍衛往射殪之恭紀

皇輿蕩蕩界蒙古

玉輦時巡歷茲土迴岡巨壑叢棘多陰森林木不知午千乘萬騎排

空來夜張行幄山之塢月上忽聞羣馬驚傳道山前出猛虎曉看一馬果摧殘殷血淋漓在兩股

龍鑣飛鞚陟層崖衛士騰驤齊負羽摻巖別藪無幾時一箭橫曾洞肺腑遠人手額復戰栗踞言此虎爲患苦道傍白日每捕人傷戕行旅莫可數幸茲惡劣得剪除

聖主當陽真神武從來射虎多耳聞何似臣今得目覩因歎蠢頑本不靈貪饕無厭乃自取不然長林豐草間餐眠何畏施弓弩殺人安人王者心即此推之澤自普

扈從雜紀四首

高士奇

古人邊塞吟但道沙場苦誰知遠徼外峰崖更參伍地腴苜蓿肥山幽松樹古若令勤耕織其益豈小補穹幕山之陽終歲牧牛殺近稍敦禮義漸漸識規矩偃僂謁道隅趨蹌申拜舞欣看古甌脫今受大化撫

空山狐兔羣終歲少人跡叢條蔽遠岡墮葉堆荒澤首夏猶苦寒邊
風日將夕夜雨聲瀟瀟燈光暗油碧雲黑峰巒沈但見炊烟白

喬松千餘株枝枝盡奇矯遠望青岑邊似在白雲表雨過林壑清天
空初日曉羽騎來驂驪霓旌更縹緲迤邐入山谷細路歷深窅終日
臨高峰嶽崎復盤遶回首顧榆關萬山青不了方知地軸雄結構非
貌小

人生宇宙間志願當何如不行萬里路即讀萬卷書早歲慕五嶽中
年困窮居耳目苦未廣懷抱慙空虛鳴鑣隨

禹載攬轡觀

皇輿出境雖不遙閱歷皆異墟朝朝扈

蹕行非是勞征車詩成傲往彥徒見征伐餘

賜宴喀喇沁諸部落恭紀

高士奇

黃幄高張羽衛陳遐方述職盡稱臣金螺酒醴頒三爵寶碗茶膏遍

一巡問俗遠同虞出狩要盟欲笑漢和親長城有險休重設至治從來守四鄰

賜賚喀喇沁諸部落恭紀

高士奇

帝澤遙敷到八埏精繆文織散窮邊應羞使者通西域何用將軍款
右賢錦繡平添林嶠色雲霞四映塞垣天賈生五餌終迂論何似懷
柔大化宣

過大石磯行雨中

高士奇

流雲浮晶晶山川雜烟霧出沒多奇峰穹窿各吞吐驅馬上懸崖崖
傾馬驚顧百里盡蒙密杳靄失前路古道幾登頓亂流繞深樹活活
雨脚低隱隱雷聲布澗外起長虹旌旂閃薄暮

曉行將入喜峰口新霽

高士奇

雲際露山頂青林來日光曉從

六龍行高下逾重岡巖花落未殘磴道餘芬芳鳥聲辨關樹人語如

故鄉鏡歌清吹發遠風旌旆揚
鑿鑿萬仞餘鬱堦臨大荒歷茲戰鬪
地壯士顏慨慷願施造化功處處知耕桑

癸亥扈從出古北口

高士奇

古鎮青山口雙崖對面削綫路通兩軌峰如犬牙錯險阻自天成何
人施鑿鑿怪石虎狼蹲硤角馬驚愕

盛世尙柔遠邊陲久開拓葳蕤列雲旂金支耀叢薄憶昨經榆關山
川恣搜索春來望雁門千里窮寥廓懷抱早超然當暑再持橐出塞
起長謠

皇心在經略

十八盤嶺

高士奇

塞行不厭山騁望少平陸北上更岢峩鳥徑繚而曲前旌趨平岡後
隊出灌木龍蔥巖陰繁滴瀝礪泉足火雲照衣裳炎景近初伏馳驅
萬馬蹄翫勺走深谷向午聞鳴蜩凌風振輕縠

塞花

勵杜訥

姹紫嫣紅鬪午晴韶光彷彿是春明
近天雨露均霑潤徧地芳菲不
辨名異種合教鵝絹寫濃香長傍馬頭生

盛朝茂育真無外百卉邊陲共向榮

塞草

勵杜訥

萋萋磧口復巖腰和雨和烟色最饒軟
碧迎來袍影蒨芳茵襯處馬
蹄驕多因地僻膏偏沃爲喜風和翠未凋
生長幸承

雕輦路龍蔥小草並含韶

塞外觀月

勵杜訥

乍湧冰輪萬里清光騰行幄儼瑤京
遲他五夜晶初滿坐到三更魄
倍明此夕似疑邊地雪當年曾照漢家營
龍沙盡繪昇平景侍
輦多慙謝賦成

野芍藥

勵杜訥

山坡遠望見花枝宛似豐臺綽約姿野質未曾登上苑芳名猶自號
將離喜逢化雨霑濡日得有臨風爛熳時寒植盡皆涵

聖澤莫云草木便無知

扈從出口山川景物觸目賞心恭紀十首

陳元龍

土美從人說身經始稔知清泉甘似醴豐草滑如脂不信風霜厲還
看物產滋小臣誠厚幸策馬自忘疲

山行深更好恍在畫圖中絕巘千尋碧疎林萬樹紅原禽棲茂草仙
鹿出芳叢目賞真難給朝朝景不同

靈液不知源涓涓遠石根臨流清可鑿潤物氣常暄沁骨能祛疾充
腸便滌煩南陽空記異菊水漫稱尊

綿互山無極鳴鞭入紫烟凌寒花自滿映日翠逾妍樹杪雙旌出雲
中六轡連巨靈何日擘巡幸待

堯年

奇花難問種珍果不知名豔若鋪霞錦香疑襲杜蘅金光隨手摘火
實傍車迎漫道江南好霜柑幾樹盈

近塞羊初美高原雉正肥擊鮮真足樂下鼓漫相譏珍豈誇婁膳貧
還笑朔饑徒縈鰕菜慕嘗此味全非

且暮寒暄異終朝備四時午風初夏好斜日晚秋宜春服隨人著冬
裘入夜披自然安作息雲臥不須疑

青崖多植黍葱鬱自成叢不費耘耔力無勞灌溉功餘糧棲畝畔滯
穗樂年豐擊壤皆熙皞猶存上古風

誰言沙漠地鎮日作山遊嵐翠侵衣濕溪聲傍枕流汲泉烹茗撥
火試新荔自愧詩篇拙難題塞上秋

堯封應未及禹貢幾曾收景物移三島輿圖隘九州山從高掌拓水
載廣輪浮不是陪

仙蹕疇能快壯遊

熱河紀事四首

陳元龍

千山環紫塞一水護丹邱土沃風猶古農耕戶已稠地靈迎

日馭天意待

宸遊隨

蹕重過此清涼五月秋

行殿無雕繡山原有性情高卑因地勝簡樸儼天成林壑千重護烟

雲四面生寰中新樂土歲歲駐

霓旌

官自文章舊

恩因顧問新地傳真閬苑人識老儒臣高厚難酬

主袞殘未乞身摩挲雙眼暗卷每逡巡

儻舍三間潔移花一院香新泉烹茗啜野菜入羹嘗室淺風翻帙牆

低月滿床七年塵土夢到此暫心涼

熱河

高其倬

好景天開古塞垣百靈翹首奉

行軒峰迴翠黛烟長護水孕丹砂氣自溫五色雲來知入夏萬家人

聚喜成村年年雨露隨

雕輦千里桑麻接廣原

熱河山莊

高其倬

昆圃原宜苑神山自有樓烟雲開紫塞職覲近

皇州壑邃炎難到湖平澹不流

聖人行處好翠麥十分秋

渡灤河

高其倬

天晴渡灤河漲落水初縮古岸留舊痕磷磷沙映玉迴思夏潦盈萬
騎走平陸重來幾何時波靜颺輕縠青山亦多情千里同迴曲返照
上遙鬢秋影落蛾綠纖鱗依鏡遊晚鷺抱烟宿清賞惜須臾搖鞭轉

前麓

扈從出古北口二首

蔣廷錫

詰旦飛雲霓連峰忽中鑿蜿蜒一線開青蔥下縈薄山城據雄勢睥睨俯萬壑

聖人大無外天險非隄鑰居民儼廬井關吏靜鈴柝乃知至治世元化自寥廓和風迎面來遠烟吹漠漠

石路車聲高青林深且邃重山互回抱淡日照空翠小橋架潺湲恍然闢天地袂衣生微寒頓覺氣候異書生處海濱見聞僅一二奇觀新耳目美景豁胸次多幸事

聖明談笑竦輕轡

夜光木

蔣廷錫

乍見星芒映室中喜看藜火照窗櫺夜明簾薄來西域徑寸珠圓出海宮清似晶融還貫月碎如螢散遠隨風此身恍入琉璃界寧羨金

蓮蠟炬紅

雙塔峰歌

蔣廷錫

遠山月落天鷄唱長風吹雪度層嶂霧花作雨十里香扶桑鞭促金
烏上斷雲忽露兩峰尖半隱半明失顧瞻太陽高照陰靄散塔影雙
插驚排籤紅雲一握遞迎送糝金石色光浮動誰將玉斧中劈開比
肩而立相伯仲左峰彷彿生紫烟鏤開三穴皆天然山根疑與鑿圭
竇上穴大小珠窩圓日光直射圓鏡赤玲瓏透漏仇池天右峰稍低
如拱揖浮圖相對神功全須臾馬首齊向東兩峰體合如一峰石屏
方正卓然起峰巔綠樹陰濛濛行行二里山脚走右峰轉左左轉右
嵌空突兀亦非常面面皆驚峰勢陡憶從先臣宦粵省梅花村上羅
浮頂百二十里老人峰沒膝黃雲盤石磴復記前年登華山蓮花朵
朶雲霓間仙人掌冷挹紫瀟玉女盆虛圍翠鬢今朝所見真大觀半
空落下青琅玕山迴溪轉雙塔隱行人馬上回頭看生平足跡探奇

金 七 八 卷 九 示 一 百 一
祕飽眼山川皆

帝賜愧無米芾畫石筆寫出雙峰掛帆勢

上幸海拉蘇臺大獵

恩賜觀圍恭紀

蔣廷錫

秋高弓勁萬馬肥千山紅葉連霞飛外藩部長率帳落來奉

君王大合圍平川幾點人如豆漸見烏闌畫遠岫青旗引路時飄揚
四無人聲約步驟峰腰變出常山蛇羣馬班駁雜五花陣脚欲轉勢
未合草間出沒驚麕麕東偏飛騎下林麓山頂人排城堵羸圍場圓
放十里寬四面回還衣帶束僬僬俟何處來長角大耳跳蒿萊倉
皇急欲突圍走揚鞭噪逐喧春雷羽林掠圍靜無擾馬密人齊圍轉
小雲麾五色八門開盤屈遊龍頭尾繞十尋黃纛吹長風晴天皎日
光瞳瞳山祇地靈共鞭策悉率羣友居圍中繡鞍玉勒疾馳騁乾草
霜蹄逐風影

天威手挽八石弓十四把長餘箭鏃前鹿已中金僕姑雕翎灑血紅
模糊後鹿一發中其項高坡仰仆鳴鳴須臾連射二十鹿箭服曾
無遺一鏃天網還開三面恩下馬撤圍教止戮秋冬獮狩古所傳維
皇聖武縱自天仁風已捲鶴麗陣勇氣尙掛魚須旃外藩健兒千二
百忽掃雲屯散無迹疾徐進退心力齊知是吾

君恩所格始信天下一家語絕域遐邊總畿輔小臣袖手得賜鮮敬
繼岐陽歌石鼓

上命登興安高處遠眺恭紀四首

蔣廷錫

馬蹄得得踏寒莎日色雲光兩盪摩穩立興安最高處青天左界看
山河

花飛短荻雲千疊葉落喬松玉萬株無數春蠶沙上臥絕勝平遠范
寬圖

掠掠風從脚下生始知身已接空冥直將目力窮千里著地天垂一

金史卷之九十一 十一

線青

沙痕奔馬晴還捲風力盤雕怒自號此處重陽無幾日山頭先已

賜登高

上親射金錢豹恭紀

蔣廷錫

朔塞雲深候南山霧隱年韜文藏白草煥采發寒烟爪利騰張猛身
輕跳躍便志貪全鹿飽路值

六龍旋木落千林蠹塵飛一騎先出房金鏃疾彎月寶弓圓驚性思
拏肉

天威易縛綿奔逃方股慄僵仆見腦穿置負明駝背攜歸

行殿前驚看人聚堵環立衆摩肩鬚勁垂霜潔毫斑帶血鮮舊曾聞
艾葉今始識金錢雪照胸間色風腥口上涎真堪雄並虎寧止倍於
豳孔武羔裘句長楊射獵篇幸隨豹尾後窺管頌秋田

癸未六月扈從出古北口

查慎行

太行蜿蜒二千里七十二坳連首尾東趨遼碣西冷陁留幹一門屹

中壘古北口一名留幹嶺見金史巨靈擘石如擘雲雲根俯插黃花軍烟氛突過

掃無迹風雨欲來天半聞出關彌望神州壤

六飛清暑頻來往高墉已斷山不斷無數芙蓉列仙掌川迴岡轉

輦路長涼亭舊驛今村莊元時避暑沿路多涼亭賜東西涼亭軍士

傳明洪武二十七年置古北口十四驛猶存東涼亭驛之名禽魚共識

天顏喜草木中含

御氣香小臣多年客燕代夢想何曾踰紫塞自謂遭逢老更奇停鞭

飲馬長城外

兩間房直廬作

查慎行

隨班番直又晨興金鑰銜魚轉數層延閣日長無箇事坐消清簟一

壺冰

過清石梁

查慎行

天豁新開嶺

鸞旂曉向東古藤攀石度絕壁過雲通鳥啄槐花雨蟬嘶檨葉風林
巒行不盡長在畫圖中

駐蹕鞍子嶺連雨驟涼

查慎行

複磴中涵金碧姿小青山外

蹕初移愛迎嵐翠晨趨直貪傍燈明夜詠詩泉脈曲通行帳外雨聲
渾似滴篷時水晶宮殿清涼國傳語人間總未知

賦夜光木

查慎行

積水生神木俄登几案旁四時無改火五夜必騰光近映藜輝淡遙
分桂魄涼頓教虛室白臨卷勝螢囊

五更隨

駕發鞍子嶺行至三道梁天始明

查慎行

金壺虬箭響登登霽月流天景漸澄谷窰一重環翠幙雲移雙仗識

紅燈風輪暗激飛梁轉松頂遲看旭日升滿篋織絺長什襲此來何處有煩蒸

駕幸釣臺召臣等隨行

查慎行

賜膳釣魚恭紀六首

高臺俯瞰樺榆溝

指示灤河最上流記得銀絲膾鮮鯽欣從塞外識源頭已刻樓召臣等

至指臺下流水
諭曰此灤河上流也

魚藻池邊

輦路平直隨

仙仗到蓬瀛官廚初餼紅蓮飯

御饌仍分碧澗羹午刻
紅蓮米飯柳根魚羹
賜御饌

山莊一帶並河壩人衆如魚盡力田要與周詩占吉夢早開場圃待

豐年

一條羅帶水拖藍史少漁舟着兩三滿眼丹青輸畫手鶯聲柳色似江南

文鱗躍處起漣漪水族沾

恩樂此時不是網罟施不得爲留餘澤及鯤鯨

佳名原自柳根來

魚名柳根赤蓋柳根之色此魚好噉柳根故名

釣得仍將柳貫腮分

賜詞臣三百尾插竿騎馬雨中回

直廬磁瓶草花

查慎行

澗草巖花摘小叢祕磁甌水愛青紅不教開落塵沙畔只似栽培雨露中映壁數枝開曉日入簾雙蝶帶西風誰將蟋蟀籬邊景移向灤河

避暑宮

賦野杏根

查慎行

古根埋不爛搜剔豈能辭班剝舊苔蘚槎枒新菌芝乾坤無棄物研

席得奇姿自有天然質何煩斧鑿爲

雙塔峰歌

查慎行

灤河之水鳴淙淙晨光欲透草木蒼千巖浮動萬壑充十里霧濕三
光鬢陽鳥展翅烟攄虹倒射石壁紛青紅中有兩峰迥不同向人騰
躍比祝融厥初生時誰所鑿分而爲二疑靈籙自從巨斧開鴻濛勢
欲復合難彌縫小者爲霍大者宮前高後亞兒隨翁其顛石笋各卓
空如宰堵波剗圓穹其旁老松垂薤蔥雨露已費千年功初從南麓
瞻崇隆恍然御氣乘罡風青天一碧懸雙篷仙舟出沒波濤洪形隨
徑轉日在東併作高柱孤竈窺首末稍斂中微豐異哉三竈何玲瓏
下空一門拆崆峒中央一線星光通最上一穴磨青銅團團皎月非
朦朧洞貫腹背豈羿弓誰與人力爭天工須臾位置移忽忽左右互
易驚愚矇漸行漸遠漸不窮回頭依舊藏霾霧我思佛力大且雄舍
利所在塔廟崇十方照耀開盲聾僧伽興廢會有終豈如茲山媿華

嵩巍我俯闢荆榛叢綿亙古塞接巒螭劫火不壞況兵戎地雖僻左

秀獨鍾昔名未彰今始蒙吾

皇盛德邁帝鴻盡攝六合歸牢籠年年雅詩賦車攻

山莊近在封域中已獲顧盼邀

重瞳何須秩祀偕三公小臣作歌達

聖聰特與此日慶遭逢

塞田雙穗嘉穀恭紀

查慎行

屬車到處瑞徵奇嘉穀

俗呼小米子

欣看燕尾垂異畝比禾皆九穗連畦

如麥總雙歧澤流膏雨珠兼玉譜入豳風畫亦詩從此康年豈勝紀

太平

天子是農師

駐蹕巴龍桑阿蘇台

上於附近山中行圍

賜臣等全鹿恭紀

查慎行

雉尾雞翹曉望分旌旗高捲萬山雲威加草木秋行令禮重驅腰畫
掩羣從獸總歸司馬法回鑣如策凱旋勳只慚未効三驅力拜

賜長先七校軍

駕幸海拉蘇臺大獵

賜臣等觀圍恭紀

查慎行

聖朝雄略彌宇宙四海爲家同在宥

行宮直過大青山纘武年年寓巡守川原蕃廩少甌脫邊障清寧罷
烽堠盡收種落當郊樊大展岡巒作靈囿涼秋八月商飈發霜氣凝
嚴冰未溜朝來下

詔大合圍草淺林疎宜往狩三千虎旅移前帳十萬龍驤出華廐奇
毛箇箇五花文表貉揚旛徧巖岫層層葉幄絢紅紫面面山屏圍錦
繡前行十里雪初晴千步場如築新就遙看數騎林西麓畫裏依微

人比豆雁行齒序列後先魚貫班聯隨長幼綿綿翼翼遠不斷整整
斜斜近相湊須臾旋繞山之東觀者同時盡迴首舉鞭初可一二數
錯落星文排列宿長松冠嶺嶺插空人馬從空俄下走呼聲幾處震
虛谷驚起雕翎落飛欻此時已有鹿斯奔闌入圍場孤引脰東跳西
顧迷所向首鼠張皇等鼯鼬魚麗鶴翼頃刻成變幻圓方詎能究陣
圖本是邱井法旌立和門嚴介冑合圍漸緊壤漸平匝布叢攢勢相
繆不知鹿羣何處來俟俟儻儻紛邂逅麕麕麇麇麇麇麇麇麇麇麇
麇麇麇麇麇麇麇麇麇麇麇麇麇麇麇麇麇麇麇麇麇麇麇麇麇麇麇麇
思突重圍透

天威奮武臨咫尺頓轡齊鑣不容竇神機獨握舉大綏衆志成城鹿
爲鍬虹流電掣忽飛鞞月滿弓開胥入散逸足公然帶箭馳先聲所
至隨弦仆

一人獲雉萬人歡羣祝

君王千萬壽大昭旋轅不盡發餘勇猶浮

袞龍袖網開一面頌

皇慈節應騶虞叶仁獸雲收霧捲圍乍撤萬騎如風散晴晝小試眞
同掃塞氛盈庖豈獨充釘餽觀兵耀德典彌崇行賞頒餘功孰懋竊
聞上古有大甸秋獮相傳本由舊青邱自欲吞雲夢吉日先須卜庚
戌漆沮甫草偶于畋悉率從王惟左右今之獃兒千二百來自諸蕃
踰尉候

大團兵蒙古兵一千二百五十人皆出喀喇沁諸部落

期門將士但旁觀山力何曾技

輕奏此皆

至尊善撫馭同軌歸成車輻輳

國家恩澤浩如天蕃部寧非天所覆自然忭舞羣用命王用三驅此
其又車攻寧數小雅材羽獵應嗤西漢陋矢詩橐筆本臣職況著征
衣隨短後雖慚無力効爰鋌盛事千秋幸親覲

駐蹕興安嶺有

金 卷之九 詩 卷之九 十一
旨命臣等登絕頂遠眺恭紀四首

查慎行

崇岡斗起杳難攀

翠罕華旌歲往還六合一家寧特險九邊三面總無關龍沙展勢提
封外鳥道盤空霄漢間

詔許重登峰頂望始知高出萬層山

忽開眼界向層巔指掌圖成立馬前東走

陪京山委浪北踰瀚海地黏天牛羊白散千屯雪草木青回萬竈烟

四十九藩齊望

幸呼嵩聲徹半空傳

甲帳辰旗紫邏長極天晴色辨微茫黃榆不斷庭方路白日能消冰
雪光獵騎嘶風爭北向野鷹隨鴈亦南翔西山蒼靄遙相接直似登
臨在

帝鄉

輿圖遠關古興安鳳舞龍迴氣鬱蟠半嶺出雲鋪大漠喬松落葉倚

高寒

嶺以北松皆落葉

丹青不數東南秀俯仰方知覆載寬萬里乾坤千里

目欣從奇險得奇觀

駐蹕伊遜河源

上親射石熊掌頰

賜臣等恭紀

查慎行

千峰萬峰爭落木秋聲蕭蕭氣肅肅連朝纘武大掩羣殪盡山中雪

斑鹿西風捲地餘怒號虎豹股栗豺狼逃老熊何物敢自匿出林獨

叫求其曹

天威赫業楊雲罕搗穴直窮熊所館公然人立向人啼正值瑯弓毅

初滿皮毛與石孰比堅不聞射石石亦穿須臾三發三命中搖尾大

似求哀憐忽看趨捷如猿鳥騰上千年松樹杪神機別以火器攻霹

靂斜飛貫脰腦半空拗折青珊瑚松耶熊耶墮地俱

皇心因材有生殺倔強那得逃天誅雉飛兔走青林莽重馬馱來徧
行賞驚性寧非恃爪牙焚身竟至因躡掌駝踣鹿尾猩猩唇舊傳此
味配八珍大庖祇合供

御饌榮施何幸加詞臣聞南山之下渭水濱從禽搏獸空鋪陳賦
家漫誇三十六終日射侯原非真豈如吾

皇勇且仁除兇服猛胥躬親已靖六合無纖塵山林兼使異獸馴他
年珥管紀上瑞郊藪行見遊麒麟

上親射金錢豹恭紀

查慎行

朔漠回鑾候

君王罷獵時忽聞山下豹正逐草間麋詎縱顏行抗還將餘勇施三
驅爭效命七校復揚旗金鏃霜花淬飛龍電影追應弦疑樹鵠拔箭
已連鼬直作摧窮寇真如殪伏雌右髑充上殺全質少微疵狸首斑
斑血貓睛眈眈眇鬚雄粗縮蝟爪利善藏雖自匿荊榛窟初含霧雨

姿氣曾吞虎兕力肯讓熊羆緩死俄無路偷生詎有期但令供獮狩
猶得壯威儀鎗桿風搖尾鞍橋錦冒皮呈文留炳蔚取用及捐麋師
武當關險兵韜示象奇小臣慚獻頌何異管中窺

駕發藍旗營乘舟網魚

命臣等沿河騎隨

賜鮮鯉人各一尾恭紀

查慎行

雪光晶晶山稜稜千山映雪朝日升灤河之水暖不冰剝舟剡楫凌
空去三尺黃龍

帝親御川后前驅風伯助峽形漸束波愈清潛鱗帖帖何敢驚人聲
不聞聞水聲須臾船重

皇情樂啣尾駢頭來繹絡八紘一張魚載躍鱗鱗鯉鯉旨且多義不
盡取收網羅滿渠新漲餘天波詞臣拜
恩已無算復

賜紅鱗長尺半馬上攜歸萬人看

命侍衛射虎召臣等同觀恭紀

查慎行

後射豹前射熊陰方凜凜生寒風既殺熊復殺虎積雪皤皤映強弩
君王威德彌寰宇坐致遐方歌樂土闢田築室藝稷黍猛獸寧容此
偏處爾牙如鋸我鏃鈇焚林盪谷期盡殲溪東距溪西相望十餘里
忽聞響應徹山巔

天語遙傳順風耳

西洋人所製

六飛所幸成坦途冥頑何物乃負嵎期門壯士能手搏奉令何異天
行誅天生

聖人能格物構杙窮奇情狀悉耳端一缺戕一人厥罪昭然何待詰
自從殺此虎邊牧蕃鷄豚自從殺此虎莊戶長子孫黃熊赤豹同噬
吞腥風掃盡無一存小臣稽眼嗟未見談虎尋常色爲變此來快覩
三害除直似陪遊向畿甸

扈從入古北口

查慎行

金支影轉翠微間
萬馬驕嘶並入關
雉堞連雲軍角壯
虎牙憑險戍旗閒
西風漸老河邊柳
積雪回看塞外山
正是清秋好時節
六龍行狩扈南還

欽定熱河志卷一百九

欽定熱河志卷一百十

藝文四

本朝

詩

乙酉五月扈從過青石梁新開路

查慎行

高入雲端俯作梁中間鑿石得康莊松聲落澗風泉合藥氣浮山露
草香馬爲重經成熟路人貪早度取微涼詞臣例飽

天廚膳已有中官候道旁

發黃甲營喜晴

查慎行

青浮翠積氣氤氳曉色俄從霽色分馬首已迎初上日雕翎猶帶未
歸雲峰皆似染供屏幃樹不論年絕斧斤曾記上番隨

蹕候灤河新漲隔山聞

癸未六月過此連值大雨

駐蹕樺榆溝特給官房止宿感

恩恭紀

查慎行

千帳連雲並出關受屢何幸預清班
炎埃氣隔無三伏覆載
恩深抵萬間新瓦鱗鱗宜聽雨短牆面面好看山
風餐露宿原臣分
每被殊榮輒汗顏

發樺榆溝從新開石梁至喀喇河屯

查慎行

鑿開峭壁轉龍腰高棧中縈綫一條石
吻仰歎泉作霧雲根倒拔樹
干霄向來紆徑千盤轉此去前村十里遙
真覺太平民樂業山南山
北盡漁樵

召遊行宮後院

賜宴恭紀十二首

查慎行

銀河西繞翠微岡紫界東連宛轉牆
一片樓臺先入望蓬瀛遙在水
中央

天然圖畫引躋攀盡出

宸衷指點間巖壑不須多架構下因流水上因山

神川過雨氣溟濛沙土無痕井脉通欲識泉源深幾許轆轤聲轉白雲中

坡陀幾曲接礮頭漸入仙源境漸幽忽漫孤雲生兩角小欄低檻盡

如樓

煌煌

禁扁麗中天楹帖分題兩兩懸萬丈光芒爭耀眼不知旁有好山川

松鶴陰從積翠生泉蘿烟月一時清每經

御墨留題處記得栴檀別殿名

帶峰傍石布芳筵夾岸鏗鏘奏管絃山水清音消不得況從

天上聽鈞天

一道清流合兩河醞渠中有半開荷分明太液池邊種重沐

天家萬里波

插架排籤滿禁林

御牀左右列森森

行宮仍是圖書府清暑時時惜寸陰

水精簾幙綠莎茵行過星橋別有津除卻澆花無汛掃就中何處著

纖塵

疊砌平階茁露芽近看如錦遠如霞塞垣小草生何幸開作長春苑

裏花

華貂環座盡公侯

特許詞臣與宴遊滿引金樽歌既醉謝

恩齊上木蘭舟

隨

駕行興安嶺上

查慎行

橫互東西路幾千直從遼海控居延盡消伏莽山無樹不斷靈源地

涌泉羣牧牛羊量論谷諸蕃廬帳列如屢

聖朝不畫長城界一道平岡是九邊

山莊雜詠 有序

查慎行

山莊者我

皇上避暑行宮之統名也臣以草茅新進再塵扈從自夏徂秋往反

各閱百餘日其間山川風土之美草木禽魚之狀一一俱蒙

恩指示凡耳之所聞目之所覩口不勝述則紀以小詩合成三十首

用備忘遺不揣蕪詞並呈

御覽

朝涼夕爽絕氛霾畫裏山川處處佳

聖德如堯惟尙儉采椽不斲土爲階古北口外行宮八所無丹縷之飾

章奏多從驛騎馳

行宮勤政日夜孜孜三更樺燭明如晝又是宵衣

乙覽時

溪菽山肴味有餘

慈幃時達問

安書往來中使頻相望何異宮庭侍

起居

每得新蔬輒中使馳
送皇太后宮

阡陌橫從蒔藝區
颯風七月繪成圖
瓜瓠豆莢田家味
帶露朝朝進

御厨

烟光濃淡寫晴空
多少旌旗掩映中
大抵無峰無好樹
一峰不與一

峰同

幾暇濡毫有萬行
臨池無體不飛翔
蛟龍噴作巖頭雨
千澗流來墨

潘香

畫鹿宮門樹射棚
冬膠秋幹試初呈
靜中人籟皆天籟
朱鷺單傳中

的聲

嶺復岡重不記名石砭隨處瀉琮瑋濛濛薄霧沾衣潤雲縷多從水
面生

帳燈
小雨初過月未升浮浮空翠煖如蒸不知濕氣消何處萬竈炊烟萬

林幽谷邃暗霏微過午人人換袂衣預卜明朝天色好相風微動柘
黃旗

松蓋年深雨露滋茯苓琥珀化應遲太平是物爭呈瑞枯槁先看出
紫芝

赤芝產落
葉松根

灩水清流比漆沮霽潭潑潑漾菰蒲細鱗柘綠皆堪鱸不數紅鯢巨
口鱸

細鱗魚重唇身有黑斑柘
綠魚色微綠皆鱗所產

泡子河淤瀉鹵開霜華瀾望白皤皤邊民聽食天然利只禁鹽車入
口來

泡子河生天然鹽不待煎熬
而成蒙古用小車載以貿易

煜煜蒼龍尾角蟠小星如沸鬧林端乍驚三尺飛光度螢火大于金

彈丸

塞外流螢極大光可燭三尺許

泥金細縷簇龍鱗首尾中分翡翠紋頗訝賦形同蠍虎試看噓氣卻

成雲

山中蜥蜴長四尺許頭以下色如翡翠有紋如魚鱗尾作金色吐氣為雲土人呼為雲虎

多年沙土養奇材照夜渾疑吐蚌胎可是水中真蘊火但生涼燄不

然灰

山杏根入水千年光如水精夜置暗室中毫髮畢見

銳頭長尾口如飄肉翅旁連四足俱猜是千年老蝙蝠問名方始識

飛狐

飛狐銳頭缺口耳小尾長毛深褐色翅如鼈裙四足生翅中前三爪後五爪能飛不踰尋丈

叢間樸檉葉先枯歐李駢睛似火珠長路微甘供解渴馬鞭爭挂紫

珊瑚

歐李一名烏喇奈子如櫻桃而大味微甘而醇

青楓烏柏自喬柯映日多成錦繡窠片片丹砂開障扇就中檉葉得

霜多

根樹葉大如團扇切生時可愛粉餅蒸食秋月經霜鮮紅可愛

山梨微澁杞漿酸崖蜜煎從翠釜頒珍重蓬萊金醴味不傳方法向

人間

山梨枸杞汁經煉成膏味皆鮮美上嘗以賜近臣

榛貫初生似栗蓬秋來采掇出低叢鷄頭剝玉差相並
餽釘曾無一

顆空

俗云十榛九空塞外所產不爾也

難憑本草考豨苓異卉奇葩眼未經滿地根株移不得金蓮垂實茵

收釘

地產金蓮花及猴頭藤姑

官馬如雲盡上驪便經霜雪也肥饒地黃苜蓿人人識何似蓮山盡

藥苗

千盤百折上興安寒燠平分咫尺間忽見萬松齊落葉人言山後是

陰山

落葉松生興安嶺北秋冬凋落與凡木同

道是山鄉又水鄉四時多半領秋光西風欲起馳爭鬪早雪將飛麝

退香

雲端千仞跨晴空真是飛梁互彩虹番語漫傳生吉兔佳名新賜玉

玲瓏

遼顏嶺東北四十餘里山巔巨石百餘丈中通一門望若飛橋蒙古謂之生吉兔皇上改名名玲瓏山

晨隨羽衛愛山行夜宿周廬傍慢成自入秋來常起早挈壺攢點最

分明

詞臣慢房在行宮南門外五十餘步欽天監司漏處也

畫屏繚繞直廬傍草色常先柳色黃八月初頭風力緊夜來傳

旨禁燒荒

塞外草枯禁野火犯者法甚重

蝗不成災歲有秋直從畿甸到邊頭更教州縣除蝻子預算來年

睿慮周

秋來蝗不為災明年慮命畿輔所在徧掘蝻子

溪流經雨雜清渾茗椀頻霑雨露

恩日給大官泉一斛祇應飲水亦思源

自發喀喇河屯恐河流渾濁至傷脾氣賜臣等官

厨水日一石

丙戌七月扈從曉發熱河渡嶺至喀喇河屯天尙未明

查慎行

塞天暑亦涼矧此秋候變披衣起我早熟路馬重踐羣峰競高低孤月遞隱現參差樹交影斷續雲流片長風從西來過耳劇囑箭行行得平地星火遙可辨嵐霧滃然蒸橫前鋪白練道旁有雙塔隔手不

復見礪絕賴橋通泉鳴知徑轉忽聽一聲鐘微芒識

行殿口外無佛老之宮惟鳥城行宮之旁有新創穹窿寺及琳霽觀

上入山行圍射獲白鹿一頭恭紀

查慎行

白鹿非凡種仙山歲月長出當時有道瑞叶

壽無疆洞口眠時月原頭望處霜明明開射的皎皎入圍場碧怒千
鈞鏃瑤星一道芒最宜研並獻肯與豹深藏至潔斑同雪如膏色勝
蒼皮能留素質草不療金創雕俎充庖味銀毫耀眼光謬慚陪羽獵

作頌比麟祥

重過琳瓏嶺看霜林作

查慎行

犖确重來路秋容最好時往年經雪早今歲得霜遲二月花相似千
林景特奇問名難辨種設色故多姿濃淡丹黃葉交加爛熳枝簇來
成綺繡疎處度旌旗換眼層層別迴鞭步步隨已憐侵暮色還與發
華滋糝點江南畫鋪張塞外詩偏宜晴旭映未受峭寒欺好事何人

賞登高此地宜
丁寧朔風候
日暮莫狂吹

雪後隨

駕度汗特穆爾嶺

查慎行

校獵秋初罷

回鑾雪乍零
雲峰晴晶晶
風磴曉泠泠
換景供吟筆
收圖入畫屏
萬

株枯樹頂獨愛一松青

發波羅河屯至藍旗營

查慎行

劍分一嶺隔西東

自駱駝嶺東北為校獵之區其西南則山莊也

半月風光迥不同
沙磧

人歸黃落後
山家烟起翠
微中年豐障塞
秋先穫水落浮橋路
盡通

誰信古來甌脫地
築場樊圃入幽風

白星龕巖歸至烏城道中重見霜林再疊前韻
查慎行

過眼當搖落
繁華又一時
地非千里遠
候較兩旬遲
煦日晨猶麗
烘

霞煖更奇黃
留將雪景紅
發朱霜姿秀
拔多喬木輪
困乏醜枝似
燒

原上火愛映酒邊旗猶憶衝炎去曾經緩轡隨綠陰晴借爽潤色雨
添滋忽換登高屐來題看葉詩含情如見待有信不吾欺榮悴天難
主妍熾分各宜本非松與柏那免受風吹

重陽後十日扈從入古北口

查慎行

踏遍雲中雪外山敝裘重脫柳重攀寒花過節如迎客朔雁先期已
度關官馬散隨黃犢臥戍兵秋較老農閒書生幸廁
鸞鑣後默數三年六往還

熱河紀事六首

蜿蜒環嶺塢睥睨建

宮垣拱極千山脈朝宗萬壑源邊風多樸厚土物日孳蕃總被陽和
澤冬泉氣自溫

地占佳山水

離宮闢一隅花繁知溜暖穀稔喜田腴耨穫民依切陰晴

睿念紆爭看

文囿裏稼穡繪圖

風土敦龐地天教界兩京

詩篇酬勝景圖畫

錫嘉名雨後銜芝鹿風前選樹鶯幾回登島嶼不復羨崑瀛

好景

帝開先從遊逾十年鶴鳴莎逕軟魚躍藻紋圓曲岸迴蘭棹繁陰覆

錦韞迎

恩邀一盼萬彙儼登仙

屋斜無定向隨意築林邱爽氣千峰逼濃烟萬井稠含毫增逸思振
轡足清遊伏暑崇朝雨迎涼敵九秋

清切趨仙直宏文啓別廬溪雲霑硯席巖翠滴衣裾性與烟霞愜身
依霄漢居自慚還自喜故舊得應徐

扈從出古北口

張廷玉

曉日未出山烟昏冷風直透重絛溫長鞭馬過峻嶺綵旛近指南
天門綫路不足容兩軌猱獐怪石狼虎蹲攬轡高吟頴濱句前途山
色非中原長城直與鳥巢似雲邊隱見頽垣存前朝防戍疲士卒峰
頭高下連營屯一聲羌笛霜月苦枕戈荷戟忘寒暄青燐散野白骨
聚至今想像猶銷魂

聖朝聲教遠莫外黃支烏弋皆稱藩堠臺不設亭障罷窮邊來往如
庭軒年年避暑歷茲土笑迎

鑾輅山花繁書生珥筆良厚幸趨隨

清蹕邀殊恩朝嵐夕靄供覽矚巉巖危磴從攀援盛事真足傲千古
昔人出塞安足論

扈從自喀喇河屯至樺榆溝

張廷玉

馬蹄侵曉發烏城衣透涼風溽暑清嵐起千峰疑翠滴烟光一縷似

雲生幕連沙尾高低見路鑿山腰曲折行最愛沿溪三十里奔流不
斷雪濤聲

扈從喀喇河屯蒙

恩召入

行宮

賜宴徧覽苑中諸勝恭紀四首

張廷玉

橐筆羣叨

錫宴榮簪裾連步到蓬瀛雙溪水繞平橋遠萬壑雲依曲檻生臺榭
參差隨地築山川環立自天成關風換盡塵凡骨俯仰都教耳目清
盡收好景在庭除一幅颺風總不如湛露無邊滋稼穡

萬幾餘暇玩圖書天淵體道鳶魚趣山水怡情仁智居五色

宸毫光萬丈仰瞻銀牒麗瓊琚

層臺高陟若凌空人在苔痕樹影中夾岸林巒含宿霧隔溪歌吹逐

微風芊芊草拂漁磯綠點點花飛釣艇紅到此始知

文囿樂時當秋爽若春融

承

恩更泛木蘭舡特設芳茵

御座前法醞自天傾石髓宮庖隔岸送瓊筵幾人得聽金璈曲兩袖
都攜玉篆烟自是太平多盛事塞垣同賦蓼蕭篇

召遊行宮後苑恭紀

張廷玉

澗草巖花映碧蘿五雲長護萬年柯迎涼樓閣依山迴避暑軒窗傍
水多臥石幾重橫玉几飛流千尺瀉銀河誰言天漢無人到已許乘

槎六度過

是年
命遊覽凡六次

塞外扈從紀事四首

張廷玉

六御逢秋獮關山駟路通昨朝霜始白一夜樹全紅馬踏千林葉駝
鳴萬壑風解鞍吟短句難寫塞壩雄

舉頭天五尺真媿受

恩偏朝食分仙饌宵燈接

御筵

臣等帳幕設于黃幄東南最近

命安處

獵場容緩轡行帳每烹鮮勺水皆瓊液

如傾第一泉

地偶乏水奉命於

御廚給

圍場遙在望虎旅若雲騰分隊旗雙引穿林騎一層草遮傷箭鹿風

送脫講鷹古禮三畝重書生見未曾

返照連山紫重圍合又分馬蹄宜淺草豹尾帶殘雲木葉翩翩下溪

流斷續聞不愁岐路晚身傍羽林軍

雨後扈從出古北口

張廷玉

衆木吟風送晚晴振衣關口覺身輕螺尖滴翠千重岫雉堞蟠雲萬

里城澗湧清泉珠歎欲橋穿白石玉崢嶸昇平鎖鑰無勞設長許書

生款段行

雪霽隨獵

張廷玉

嚴寒一夜雪霏霏
早起冰花點客衣
千樹凍時瓊蕊密
四山環處玉塵飛
雲銜曉日迎

仙仗路絕纖塵合

御園正是前岡風力勁

天弧頻中仰

天威

扈從塞外蒙

恩召入

行宮泛舟觀荷徧覽諸勝

賜宴於流杯亭恭紀二首

張廷玉

經年未踏三山路
此日重登太乙舟
錦萼千層圍兩岸
紅雲一片在中流
空明潭影全消霧
雜沓泉聲欲送秋
宛轉蘭橈向何處
徧隨鷗鷺過汀洲

橋藏深樹路穿花次第探奇到日斜廊廡高低因水石軒窗朝暮納
雲霞連畦特植雙歧穀亞架還懸五色瓜爲是

恩波最優渥遊仙更與飯胡麻

扈從進古北口

張廷玉

如雲千騎散高原扈蹕人歸自塞垣九折岡巒分內外一重關隘隔
寒暄新霜未改青林色宿雨猶滋碧蘚痕指點溪橋皆舊識不愁前
路暮烟昏

扈從度嶺行

張廷玉

鞭鐙連雲度嶺東荻花如雪舞秋風山橫豹尾龍旗外路在楓林榭
葉中野兔避人依茂草饑鷹擊雉上晴空書生見獵心先喜躍馬高
原也自雄

秋日隨獵紀事十二首

張廷玉

穿林跨壑騎如飛健卒連岡正布圍

龍馭遠從山頂過丹楓高映柘黃旗

霜林濃處獸成羣待合圍時日半曛一騎直追奔鹿去控弦深入數重雲

萬竈炊煙暮色催終朝登陟試龍媒忽聞鐵騎歡聲動又向前山殺虎來

校書
幾務偶閒披萬卷健行不息愛三餘秋原射獵歸來晚帳殿懸燈尙

聖朝威德徧遐荒紫塞天開畜牧場芻粟不需民力省養成牛馬谷難量

諸番部長遠迎

纓膜拜呼嵩夾道歡布幕居中車四繞傍山新立小營盤

狂風未見卷飛沙信是陽和近

翠華共說今年天氣暖中秋方見雪飛花

興安嶺與碧雲齊徑路盤旋信馬蹄地勢漸高渾不覺直登峰頂萬峰低

裁綃翦綺樹鋪紅吹散霜林大漠風一谷陰晴太無定漫天雪片日光中

獵罷歸營月未升四山如霧晚烟凝馬前錯落流星影萬帳齊明萬點燈

莫道書生款段遲

天閑分與驕驍姿路人爭看牙牌上細寫蕃王入貢時恩賜名馬於項下

懸牌記外蕃進貢年月

布幕高懸俯碧溪夜深燈火望還迷向來此景無人道月白山高萬馬嘶

隨獵

張廷玉

珊瑚鞭指日東升人在岡巒最上層逐電愛看千里駿摩空齊縱九

秋鷹弓彎明月形常滿旗捲寒雲影共騰慚愧年年扈

清蹕長楊欲賦歎何能

康熙五十二年五月二十五日蒙

恩宣賜筵宴得遊

避暑行宮懷

恩紀事詩二十首

湯右曾

苑籞紅泉繞翠岑

萬幾餘暇始登臨寧知清暑迎涼地盡是誠民阜物心

門入

宮

搖浴桂檝漾蘭舟青雀晴飛彩鷁浮欲到蓬萊三萬里應從瀛海更

乘流

登舟

碧樹周阿夏景清三才萬物厪

皇情每尋解慍歌薰句已覺涼颺殿角生

無暑清涼

軒窗面面納虹霓左是丹臺右玉梯每惜寸陰勤

乙覽晨霞紅映數峰西

西嶺晨霞

殊形特似產芝房行盡雲根別有莊橫截一隄銀漢繞大羅天在水

中央

芝逕雲隄

夾鏡澄明倒碧虛四山晴翠繞周廬分明圖畫西湖景此景西湖較

不如

雙湖夾鏡

穿蒲戲藻自遊行集網垂鉤了不驚自是

至仁周萬物一鱗一鬣總生成

石磯觀魚

稻垂麥仰足陰陽土厚泉甘草木香會吐雙歧銜九穗一星天上應

農祥

稻田麥隴

波迴芷岸接菱汀曲水流杯眼乍經總為

帝書真第一恍從蘭渚到蘭亭

曲水流觴

遙青不斷綠雲鋪萬木蒼然總畫圖對面千林有瑤島蓬壺高處望

方壺

萬樹園

湫流噴薄雪成堆潤物資生一竇開真送

恩波到東海俱從天上發源來

泉跨突

聖心原自合

天心誠敬由來昭格深此日高居瞻絳節六時仙樂海潮音

上帝開

曾從廬阜尋巖瀑憶到黃華問水簾今日銀河天半落恍疑兩地一

時兼

布瀑

迴崖沓嶂翠浮空峭壁巉巉插水中直是五丁開不得天然疊出錦

屏風

壁石

仙巖時有絳雲封榭葉陰邊自養茸待到千年毛盡白仍驂赤驥御

蒼龍

鹿馴

將雛挾子共因依瑤草金沙翠羽肥從此隨陽天直北年年更不娶

南飛

雁候

移根幸植玉階旁寶地蓮臺萬品香天與十分端正色承

恩先借御袍黃

金蓮花

龍沙小草孕瓊漿

賜出金盤得共嘗一自嘉名

天賜與海南不記荔枝香

荔枝枝

青絲籠裏盛猶早白玉盤中看不殊每向上蘭宮樹望勻圓萬顆水

珍珠

白稷桃

仙人六膳出珠宮九奏簫韶率舞同百子池頭萬年樹侍臣身在彩

雲中

筵宴

閏五月初二日二十日復蒙

恩賜膳兩遊

避暑行宮紀

恩詩四首

湯右曾

君恩重許到

行宮復嶺澄湖望不窮仍泛靈槎渡河漢復騫

法駕上崆峒神臯路迴環仙境福地天開養

聖躬常願萬年調玉燭五雲樓閣翠微中

謳歌東陌復西阡瑞麥嘉禾滿塞壩人慶六旬逢

聖節天教九域遍豐年中和氣與陰陽會易簡心通造化先昨日山

靈出時雨爲迎

仙蹕到溫泉

松風別殿倚層岑

寶字瓊章許遍尋孝養陔華崇

帝德阜成民物見

天心文包理數圖書祕詩叶咸韶雅頌音

揮翰萬言成頌刻由來

聖學至高深

籠葱佳氣接芳原
淑景晴開閭闔門
三謁

帝臺當晝永
每承

宸幄似春溫
風前紅萼穿波出
檻外金英耀日繁
小草亦蒙天地德
微材難報

聖明恩

黃土梁

劉巖

後嶺連前嶺
天根倚石根
峭稜熊耳峯
穹洞虎牢門
鳥路穿雲迴
駘蹄踏霧昏
中原回睇處
寧獨華嵩尊

鞍子嶺

劉巖

天畔插山稜
盤盤幾百層
石危循磴歇
峰峭撥雲登
朔吹旋崖瀑
寒聲裂竇冰
未曾鑿姓字
孤負碧峻嶒

熱河山莊四季應

制

王敬銘

珠杓迴淑氣韶景麗仙家綠展扶輪草紅鋪簇仗花曉山明似黛晴
園望成霞

睿思同春益非徒攬物華

春

九夏調槐序涼從別館生庭移葵日靜沼拂芰風清鷺立金沙影蟬
迴翠樾聲始知無暑地塞景自天成

夏

地勝涼颺早天高爽氣多
薛階蛩自語楓坂鹿頻過
暗露初塗玉織雲半捲羅西成徵上瑞

文園熟嘉禾

秋

歲屆安寧節天隨

日馭迴書雲占玉宇映雪上瑤臺
密室香猶護迴塘凍未開
璇甯生
意轉芳信已相催

冬

欽定熱河志卷一百十

欽定熱河志卷一百十一

藝文五

本朝

詩

虎神鎗歌

有序

汪由敦

虎神鎗者

聖祖仁皇帝嘗御以殪虎命曰神鎗志異也

皇上行圍所至誓御負之以從猛獸當之無不摧斃今年秋岳樂圍中於三百餘步外殪洞中伏虎

御製文紀其事臣竊謂鎗固神抑由

智勇天廩用之者神也敬爲之歌

塞垣崿嶮伏虎多壓山壯士排長戈斑斑白額恃牙爪獨踞深洞藏巖阿巖阿百尺徑路絕隔谷獵徒來指說

天子前岡正合圍手舉神鎗纔一瞥電掣橫飛星火流雷轟直劈蒼崖裂怒吼狂跳強負嶠陷腦洞胸俄掃穴神鎗奇中此最奇精良湖白

聖祖貽軼才狡獸惟所施發無不貫無不糜火攻猛烈豈輕試除殘去惡理則宜獵場引滿日飛鞚藩部萬人爭目送幽陰壓合往輒摧共仰

天威本天縱詰戎纘武法守昭茲事由來邦政重珮戈垂矢典冊陳夏鼎商盤謨誥誦寶傳武庫鎮五兵神器善承須善用

扈從觀獵恭紀

汪由敦

龍沙繡嶺秋早霜天留奧區作獵場順時行獮

神武揚藩部選徒千二百萃從沈浴盡賁獲蜚遽游臬手能格霜蹄蹴踏披雲根雙拳風纛排天闔包巒蔽嶠氣可吞駭鹿驚鷹困奔仆希間突衝橫錯逕堵牆櫛比餘拘怒黃間滿穀動有神呼聲颯拉凌

高旻一開生路昭

皇仁霧散塵飛各騰驀獻尾旌門如獻馘車箱駝背紛他藉上林羽

獵矜奇觀扈游

異數容據鞍承

恩一洗書生酸

塞外雜詠進

呈

蔣溥

種廬

千人可坐帳伊那棟宇居然載以駝牆似編籬風陣入蓋疑張繖雨
聲多到門一任生青草捲幔偏宜對碧蘿別有雙簷人字樣都稱安
樂得行窩

駝裝

貼地何曾千里駝遙裝不慮塞程多載將家具還行具度盡危坡與

淺坡沙際奔泉蹄印闕柳邊作隊項鈴過歸來雉兔紛他藉負重須
防偶一蹉

馬絆

分將官馬足驅馳維繫休教起遯思耳後風生來玉埒脊端霜重立
金羈竿爲閑廐繩爲皂水滿山前草滿坡竊轡詭銜防夜逸一聲嘶
向夢中知

風竿

入望高低各颺搖竿頭斜曳颺層霄危檣亂轟風帆挂山店初開酒
旆招圖就忽翻前度樣燈明認取舊時標影收人臥周廬靜夜櫂沉
沉響徹宵

雨溝

不同積潦塔兒頭雨集皆盈底用愁深淺但消一勺水縱橫如界十
夫溝掘成我僕痛瘡力學得伊孫詰曲流卓帳未安先命插端知前

事有綢繆

設卡

星廬萬帳簇紅雲人絕譁聲地少氛

御路兩旁雙卡立大營四面八旗分其風無敢收逋馬入夜先呵越
隊軍部勒森嚴兵法合圍間數獲足論勦

地竈

掘得團瓢三尺土煨將楫柶一鑪深不須曲直先防突但取圍圓可
駕鬻夕饌晨炊經再用燎薪揚火未全黔若教祭竈比隣請日日招
邀繼自今

安市

昨於何去適何來論價爭贏咲語陔小聚空場半日事坐塵列肆一
時開生涯但逐行人便奇貨難居日用材征稅不輸

恩例久萬人歌舞塞垣回

征衣

寬博誰言利走趨裁縫熨貼趁征途長裾斷處剛容膝短後穿來恰
半軀最喜逐熊誇捷步偏宜騎馬向平蕪路旁爭羨鷺黃褶豹尾斑
中按隊俱

銅晷

十二辰中別正初不須測影土圭如璣衡運轉原銅鑄度數分明匪
筆書妙製創由泰西法遺規傳得指南餘行人按候尤稱便起頓無
訾汝與予

頒鹿

俟俟儻儻或友羣獻斝幽雅意虔申豈知兩血風毛後徧逮調弓執
戟人拜

賜榮霑誇部落分甘

恩許洽臣鄰罷圍按簿如山積未滌猶看士怒嗔

和詩

圍間

宣示捧

新詩馬上吟成帳下披
日月三霄光莫繪
韶咸九奏響難追
盛時雅頌誠多幸

上聖文章附見知
後乘鄒枚羣橐筆
每賡

天藻自慚媿

前題

錢陳羣

韞廬

過眼川原一刹那
亭名擇勝付輕駝
牕開北牖迎風遠
幔卷西偏得月多
雪重乍融連雨點
草長綠隙入晴蘿
無窮烟景隨時領
不羨堯夫安樂窩

駝裝

檢點行裝上駱駝笑看家具亦無多山根遠望疑危石柳外斜堆似
亂坡鼻孔絲穿雲際擁蹄涔沙印水邊過行人立馬遙相待更戒相
將慎勿蹉

馬絆

周防駮駮莫長馳逸足從來有遠思利用繩之三尺法聊云與以片
時羈低頭且喜加官草緩步何妨近澤陂要使調良馴本性籟雲只
恐未能知

風竿

風時欲舞意飄搖環衛周廬傍九霄夜月偶依人影亂夕陽一向馬
頭招四時花草憑翻樣萬族禽魚各自標更映紅燈燦珠斗酒家帘
已落清宵

雨溝

一聲琴筑落牀頭高枕無煩旅客愁畚插加功資蕩瀉淺深得法合

涂溝彎環偷得羊腸樣活潑渾如鶯脰流帳下兒童須省錄要知未
雨好綢繆

設卡

皇居住往覆祥雲四面貔貅淨遠氛豁開千林連野闕綿延兩翼引
繩分星羅直似長楊道壁立寧同細柳軍遙指射鵬烟靄靄更傳磴
咒早書勳

地竈

不是燒丹探火候寧同掘井及泉深春厨尙要芟秋草塞外春時尙無草色故
竈欣看試舊鶯問有歸途行厨即去時舊竈者豈必代庖方可治何須曲突始能

黔偶然增減尋常事史册陳謀豈似今

安市

趁市隨行若子來日中逐逐復悠悠蘆簾葦蓆排偏密馬後車前擁
不開一夕所需無贖物千家資用有餘材塞垣老幼歌休助共說

皇程去即回

征衣

豹尾班中逐隊趨家家裝束事長途博博寬最笑蹒跚步短小偏宜精
悍軀浣處袖中丹禁筆香痕襟上塞垣蕪歸來好付閨人手更待明
年扈從俱

銅晷

姬旦南車是太初候陰觀象孰之如銅圭恰合西洋製玉尺兼傳南
正書九行去聲納來懷袖裏五方辨出雨晴餘

一人行殿猶宵旰尙

日分陰實起予

今人雅合分陰惜陶侃名言
實起予御製詩中句也

頒鹿

按簿如陵頌或羣頒來右臆白

天申拖全下拜趨君長割肉歸遺屬小人貫串隨車紛餽歲炙燔促

坐洽比鄰餘波早沐投醪賜廝養銜

恩孰敢曠

和詩

鈞韶天上出新詩傳寫詞臣五夜披復旦歌成

情自愜卷阿遊罷景堪追

臣應

上每

作詩皆

即景成

章提

如天

授從

九重朗照誰邀賞一字聖安便受知迴憶

屬車曾珥筆無鹽自笑老逾媿

避暑山莊感

恩紀事十六首

尹繼善

塞上峰青霽景鮮重來正值早秋天

山莊記得曾陪宴彈指光陰十二年

好雨恰隨

變輅至已看渥澤遍山田誰知

宵旰勤民意猶待霧霏望遠天

避暑時聞

帝作歌

新題舊詠揭巍峩

皇心總在同民樂得句攸關稼穡多

曾誇白下有卷阿

江南攝山御題白下卷阿

紀勝留題

睿藻多山色松濤猶入夢此間風景更如何

蒙瞻卷阿勝境

蓬瀛深處許從遊點點芙蕖引

御舟錦纜徐牽明鏡裏清香不斷綠陰稠

曾侍舟至如意洲

一片澄泓映碧空窗明水殿引涼風駕行列坐筵開處四面雲山在

眼中

薰延山館賜宴

蕊榜懸弧目未經古稀年過喜添丁嘉魚湛露歌初罷又譜新聲一

笑聽

今歲典試春闈上以似初生子調之今演入新劇

翠石環階樹繞廊

嘉名迪吉舊山房

蒙遊惠迪

吉恩

玻璃鏡映峰千疊勝景渾如屋裏藏

白鹿泉邊夕照樓曾聞彷彿此清幽

江南樓霞

上云似惠迪吉佳而

今得入方壺裏不向棲霞憶舊遊

高下亭臺倚翠螺凝眸西望樹尤多

西有萬樹園

綠陰深處紅塵少曲徑

時時見鹿過

講武承平

示典型

特教圖寫付丹青衰年見獵心彌喜未得隨班入畫屏

殿壁張木蘭圖瞻閱實

深欣羨

宮牆數仞入門難體恤

恩深得一觀多少林巒探未遍又從堤外促歸鞍

柔遠頻看禮數加諸藩列侍雁行斜分嘗

賜饌歡聲動中外于今總一家

無才叨領

御前班步履蹣跚亦赧顏日接君王難解語都疑隊內有南蠻

上以

臣似蠻子
戲告諸藩

游藝咸欽妙入神每從釣弋見

施仁

御廚珍味頻

頒賜獲鹿尤先及近臣

蒙賜鹿肉

公餘退食正風涼荔子瓶開滿院香嶺嶠一年來一度白頭能得幾

回嘗

蒙賜荔枝

木蘭隨圍感

恩紀事十六首

尹繼善

霓旌動處武維揚猛士聲喧共陟岡信是

天威能遠播道旁拜舞盡名王

山頭搏獸競追奔緩步偏邀

體恤恩指向諸藩頻

笑語南蠻今日亦囊鞬

萬騎歡騰繞

玉驄駑駘有興亦嘶風冰兢一路防顛仆時在

天顏顧盼中

行圍四面宛如牆暫歇

金鞍坐曉涼得鹿燔柴先告祭

園中得鹿先祭山神

近臣拜

賜共分嘗

路遶層巒入塞雲麋麋連中躍千軍從知

聖智由

天縱寧止多能迴出羣

從心應手共稱奇下馬旋催和

御詩試問詞臣與猛將

乃文乃武孰能師

遼東猶記嘗隨獵五十餘年竟未曾

指示開弓

親駐馬偶然倖中豈臣能

射到疲磨已可慚況容矢發再而三那知帶箭還馳去老不如人一

笑堪

風入蹄輕句豈虛驕驪進止自安舒

上駟屢得良驥均賜嘉名

同邀秣餉供驅

策駑鈍依然愧不如

鞭絲直上撥雲開林外聲聞兩翼催

顧問登山還懼否

垂憐真似護嬰孩

風生一嘯動林隈獵騎飛馳報虎來祇爲蒼生除猛獸不辭策馬上
崔嵬

飛鎗百步信如神
燧虎橫拖嶺上陳時向貔貅申

告戒恐教輕進或傷人

獸中猛力數封熊與鹿同遊傍石叢共訝神鎗聲震處一齊應響燧

林中

上施神鎗
中熊並中一鹿

麋鹿羣殷望澤情奔騰四野向人鳴得蒙一面開

仁網豐草長林獲再生

闕中圈鹿或過多
上命開一面放之

收圍

行殿集藩王四面雲開翠幕張樂奏清平頌

厚賞同聲忭舞慶重陽

重陽
清平調

賜宴演李白
賞資諸藩

一路西風馬上催年衰何幸此番來

賜脍

賜食

恩難數並得雲山飽看回

恭和

御製常山峪行宮元韻

汪由敦

碧幃開

行殿

宸遊廿載前

文孫揚

大烈

法駕閱重邊

駐輦循軒檻分甘憶

几筵

貽謀全盛日休養屢豐年積歲林增密經秋壑更妍

宸章據至孝繩武頌時肩

恭和

御製謁

陵便道駐蹕

皇祖避暑山莊曷勝今昔之感元韻

梁詩正

大孝謁

陵園西風度阪原橋山瞻

列祖巖館感

文孫避暑曾開築當秋一息轅追思攜抱樂彌訝景光奔清澗長流

森重林美蔭繇

龍文題額煥鶴步印莎存事往頻增憶腸迴默自論更殷堂構念貽

厥永銜

恩

恭和

御製出古北口元韻

錢陳羣

巒巒左折限燕遼一線天門轟半霄遠勢晴添蒼隼健輕程秋與紫

駝驕千盤迴互山容淨十館更番士氣調遼史自古北口東北迤
邐七百里內凡列館十扶

杖關民低笑語共傳

日類類

神堯

恭和

御製出古北口元韻

沈起元

嚴關非漢月非秦村落雲連古戍堙紫塞漫傳重險地青山長住太

平人礪泉漲後聲猶壯農戶豐時俗盡淳邊草邊花承

輦道欣將膏露灑清塵

恭和

御製圖興安絡緯兼題以句元韻

梁詩正

露草依棲伴蠓蛉馬蹄乍蹴趨來青興安小種曾傳說前度秋風眼

始經

臣於乾隆八年扈
駕出口始一見之

早警涼秋唧唧鳴風晨雨夕助淒清兒童一例編籠貯水飲瓜餐別
有情

凌寒蠕動上花枝寫入

仙毫秋意遲爲補幽風圖未備七言新製塞原詩

行行鄉夢杳難尋幔屋寒聽蟋蟀吟識取

聖人詩畫意要憐征士苦單衾

恭和

御製晚行二首元韻

史貽直

仗外青峰峙翠標

六龍法駕啓晴朝初瞰半映玲瓏壑淺水斜通迤邐橋巖樹綠低風

動樾野花紅亞露垂翹村民遙識停

鸞馭時有天香夾道飄

澗泉迴繞碧磷磷點綴涼波發渚蘋隱隱曉鴉開遠寺遙遙嘶馬渡

前津如枰塞畝多嘉穎似沐秋林絕點塵足慰

皇衷唯稔歲倉箱寧患小民貧

前題

蔣溥

疎星幾點逗林標塞意將添白露朝修黛自環深淺谷偃虹頻接短
長橋山田穗重懸珠顆沙岸花明濕翠翹卻望層霄多霽色

龍旗展處瑞烟飄

蒼霞片片石磷磷欲采秋芳向澗蘋金菡萏光分疊巘玉琮瑋響瀉
迴津煙中翠剎初開曙雨後青楓不染塵碌礪村村場圃築

睿懷猶軫寒農貧

恭和

御製波羅河屯作元韻

汪由敦

行殿清秋曲蓋停嵐光環繞翠爲屏百年藩部蒙

恩澤萬里邊陲慶又寧樂奏廣筵羅毳幕歡騰夾陛拜

珠庭

鴻猷遠紹

神堯烈雨露頻霑塞草馨

恭和

御製行營元韻

汪由敦

千帳拱星營如弦

御路清黃中開

法座璧合儼重城列部仍聯署分門各建旌風雲入

睿想箕畢協羣情甫草宜言狩屏藩會遠迎車攻邁周雅

宸藻更天成

秋迴蒼茫野天低平遠山鉤陳肅周衛壁疊警嚴關風幕千燈聚霜
弧半月彎遙雲橫作帶近澗曲如環班馬凌晨發明馳向夕閒咸欽
聲教訖絕塞達瀛寰

前題

劉綸

帳殿起連營邊垣入望清魁杓區九野

華蓋接重城掌舍傳施板行人識抗旌徼荒來按部琛賫競輸情夜

竈烟光散晨裝爽氣迎昇平如可繪

王會佇圖成

侍從千廬合臨流復面山

龍光依

日馭虎旅衛

天關燈幌明星麗弓衣寶月彎知時壺漏永戒道戟環列肆柴車
便長芻櫪馬閒共欣隨豹尾勝絕擅人寰

恭和

御製登興安大嶺歌元韻

汪由敦

昔聞興安大嶺上可摩蒼天粵自鴻濛作判五嶽五鎮奠方域洩雲
致雨造化分命司其權秩視三公旅四望祠官典禮自古然茲山傑
峙大漠外山經失志莫識其從前

聖祖神武燦四表幅員所際遠軼太古先龍沙

清蹕偶經此武陵果有桃花源神輦奧區塵跡不可到飛黃在御振
鬣登崇巔彷彿金支翠旂互摩戛底事滄瀛縹緲求神仙我

皇丕膺鴻緒繼

祖武紹庭上下夙夜加勤虔四經大獵橫紫塞緬溯

遺蹟親舉白玉鞭旋御虎帳灑

奎藻謂身所歷非僅竹素之傳言興安大嶺上可摩蒼天前年曾謁
五臺之淨域昨年曾登泰岱之名山應眞膜拜嶽祇導纖雲不起淨

卷兜羅綿茲來旭杲騰躍扶桑外
鬢鬢瀾漫倏若千步帷幙互接連
宓妃玉女星駟遠障蔽不比浮邱揚袂洪崖許拍肩
金戈鐵馬出飛棧鯨波鷺濤盪驚川
霓裳羽衣嫋翩翹玉徽流水儷幽蘭
蒼茫不測厚坤意神奇變幻詎可常
理論詮無乃效靈酬貺答眸嚮上干

天筆勒此煒煌卓犖之大篇不然何爲詰且遽明霽陽開陰闔殊判焉

宸章一讀一昨舌屈宋李杜頰首臣僕間雲隨飛龍絳霄氣卷舒一氣交盤旋惟見白榆歷歷舉手摘素翬玉杵守廣寒又見白虎敦圉驂金官踈烏皜皜迴晴暄俯視齊烟九點復有九經營嗚谷濛汜耕芝田洞庭窈窕張廣樂湘靈瑤瑟廿五絃塗山圭璧集萬國葱珩鞞琫垂紛縹

神心晃朗大圓鏡垓埏蟠際羅其全談天雕龍陋衍爽崑崙靈宮何侈旃興安大嶺上可摩蒼天仰賴

雲漢章萬古長流傳

前題

劉綸

負哉乎興安幾不知天山之上復有天域中名勝區三百六古來登
封代七十二對此難與削度而銖權蕃王別部厥號翁牛特唯見蟠
龍插翠拱者頰者跂者各各獻狀兒孫然水如伊遜正練未足纓其
側峰如大青瓦螺詎能睨其前孰停毒是孕毓是乾經坤絡開必先
伏聞

仁皇撫疆索四至八到窮流源綏服之臣再拜請納地文囿直跨陰
崖巔至今懸樁設葛儼如畫神臯臚朗宜有祖氣窟宅園靈仙靈仙
之緯亦遼邈烏在視公視侯秩孔虔土人告語嶺頭草樹有手不敢
指薦以鄂博羅供悅幢笥箴或弭鞭或云上通帝座之一炁或云下
俯齊州之九點雖辯士猶緇於喻言噫吁噫幾不知天山之上復有
天芻爽胥嚮理莫嘗謂天非天山非山雨不待呼龍燒燕廣野甘溜

雷辛綿電不待投壺天笑玉虛散景紛翩連大塊者何觀伯不得墮
其竅布鼓者何阿香不得弛其肩有時晡時發遠矐有時滯澗迴長
川乃知取精用物闢奧窔奚翹姬之甫草漢上蘭朔野龍窠實巨鎮
披圖按牒誰釋詮

聖時懷柔固無外

奎章況軼摩崖篇欲四三謨三二典以升介邱寧闕焉從官噉噉口
皆禁有生但識岱東華西衡南恆北嵩中間醯雞舞甕甞坐井又若
摩牛踏迹空盤旋

帝曰往哉疇作繪

是日命贊善張若澄繪圖

丹青滿幃收高寒期門受餐

翊前導手排宿霧延清暄麻皮鼠跡互攢簇肯留半掌爲平田邊陲
壯觀茲第一上之

當宁繹繹馳道來如絃髣髴諸眞欲報祝霓旌羽葆纏纏而繙繙即
看繩行殿懸表雄峙職方之志匪獨寰中全

至人有德不在險搜神迹異咸舍旃噫吁噉幾不知天山之上復有
天陳詩跼縮竊愧盧仝馬異劉又傳

恭和

御製回鑾至喀喇河屯作元韻

劉綸

輦路迴環繞塞河

山莊僅隔一程多雙懸堦影清如昨獨秀錘峰遠若何月屆授衣應
薦爽風過落帽尙回和

離宮應識

天懷愜蕃部先聞擊壤歌

經時扈從喜騰軒駑質行慚駿足奔古牒青猶環馬首秋葩紅已綻
雲根新符不待郵傳換舊帳重尋卓歇存取次入關三宿近盡攜行
卷紀

恩言

恭和

御製入古北口元韻

史貽直

誰言天險出神工中外今知雨露同秋入關城清

輦路日臨

仙仗絢霜楓萬家殷阜人烟聚百雉巍峩地勢雄多少邊民深愛戴

變迴遮拜繡旗風

恭和

御製寒瓜元韻

阿克敦

寒瓜別種亦常蔬風雨田間

採錄餘縷繩牽縈蔓後離離實好繫門初麤梁炊得餐能佐甘瓠

烹來味儘如七月詩中應補入不愁老圃食無魚

恭和

御製山田元韻

嵇璜

凡民務生計詎宜禁所之關外山可田歲久蕪不治蒙古事畜牧肥瘠俱所遺邊氓窺此利招攜來窮黎連睦及寸壤人力無不齊幸茲風雨時辛苦慰一犁礪确變腴上游曠兩有資分疆或興議帝命下所司務俾中外安民隱若察眉

前題

金德瑛

高低皆犂确有人疆場之斷石闢荊棘始覺蕪穢治當昔生齒寡土或有曠遺五方今雜聚招徠憫窮黎老幼攜筐餉丁壯用力齊颯然山雨過頰汗把一犁艱難且勿說猶勝全無資拊循泯爭奪疆界慎職司庶幾礪瘠壤樂業咸開眉

恭和

御製永恬居元韻

劉綸

東巖花發晨西嶺雲歸暮居常與之恬山亦永其趣

聖性皆天遊停鑣竚清路此中一邱壑太古心已具於焉契真詮象

外得言寤靈臺及卷阿名義資補注

恭和

御製山莊起程之作元韻

梁詩正

山館兩宵資憩息塞程初朝樹麾旌宜秋薄霧方侵曉解事西風乍
作晴翠挹青螺峰遠近香飄華黍畝縱橫佇看重譯賢王集望拜前
騶效款誠

恭和

御製種廬元韻

梁詩正

度地搆持穩隨程舒卷如延青窗半敞生白室中虛乙夜明然燭重
簾護展書莫論寬與窄天地一窺廬

恭和

御製即事元韻

阿克敦

帷宮隨事洽清觀露氣初凝木石寒列嶂依營詩境遠高原縱轡獵

場寬水筒行汲泉環繞樵斧聲聞路曲盤自是游情契真宰江南塞
北豈殊觀

恭和

御製於木蘭作元韻

劉綸

朔野古甌脫置頓若鄉縣四十有八部三年歌載

見不待披黃圖要荒等侯甸因資軍實修用使巖疆奠

泉甘而草肥樂此羣材囿賓服敢自封獻地供蒐狩伐樹禁射生育

物與時茂土名多巴顏也富德產信云富

巖花候

慈輦向暖爭爛斑秋風未滿

旃令序遲初寒簡卒佐游徼負弩來傳餐

聖孝謂六膳拵解喜登盤

鍵關設板木地利匪專美表界蕃落間避馬行且止天山成

上苑往牒口罕比遠馭在堂階

前猷隆至理

文武常兼資伊古垂令譽我

皇勤玉趾習勞溯厥初穆納控輿桓指掌羅方隅邊垣饒稔黍蹴踏
防前驅

申旦集徒御洞壑開深幽講武協

天行虜收正司秋驥嘯知獲雋彳亍紛攀留捎鞍見頒禽戢戢多駢
頭

郵籤促封臆

問夜關

堯心復此寸陰惜罷獵先

成吟詞臣如望洋微涓漸酌斟嗤彼上林賦矢此卷阿音

一舍便移徙萬竈騰烟光柴車行叱叱作市牽牛羊懽迎衆君長諷

日咸擎觴上

壽聽山呼

錫祚垂鴻龐

時巡考虞典采阻通四隕陳風更觀物

性天徵所樂暗雲斂天末萬笏插清昊願言勒貞珉紀實崇典要

恭和

御製塞上秋蒐奉

皇太后自圓明園啓蹕六韻元韻

德保

玉輦天邊發行看塞上秋

時巡遵

祖訓講武展

皇猷乾惕深

行幄

恩波遍宿郵蘭輿承

色笑蔀屋入詢諏官柳迎

清蹕

宸章記舊遊馬前隨指點佳氣擁山頭

恭和

御製聞淮南得雨元韻

德保

時霖優渥急封函報道淮南水盡甘灌溉已聞勤夏五空濛端可賀

秋三樂憂有序心常惕風雨無愆

德不慚比戶定知沾

聖澤非關財賦在東南

恭和

御製長城元韻

德保

長城設險勢方豪空憶亡羊尙補牢但使雄關分內外遂教滄海動

波濤金壙不解蕭牆患粉堞曾同束馬勞
古人來城上望笑他堅壘敵弓刀

恭和

御製灤陽別墅元韻

德保

烟抹崇巒草色青灤河環抱碧泠泠
檻依幽壑風當戶座俯清流月在庭
試馬正逢秋隼健開軒偏愛野芳馨
吾

皇茂對添佳興隱約秋聲靜裏聽

恭和

御製涼元韻

德保

輕葛無端欲改爲秋風乍引劇紛披
祇因人在層巒上頓覺涼生七月時
深徑曉行綿易早小橋徐渡水流遲
節隨地變寒暄異茂對還聞繫

睿思

恭和

御製小金山元韻

德保

緬思浮玉山嶒嶸勢
砥礪下臨萬里江
上結千年果何如此峰秀
數椽適延坐藉彼以金名
無須錦繡裹登臨仰
聖蹤結搆天成妥即小
作大觀山靈應許可

恭和

御製桂元韻

德保

丹桂當秋帶露鮮香飄

御製恰開筵月輪枝滿
逢嘉慶山館聲和應

睿篇影向高低千樹合
花看中外一家連
秋來多少延齡蕊散馥無
如此卉賢

恭和

御製霧元韻

德保

大塊文章險以奇雲氣變幻山可移塞上山多常隱豹飛烟縹緲無
東西沾衣欲濕疑細雨妙哉嘯吸伊誰爲我

皇登山初校獵從官雷動瞻旌旗樹木森布疋練染絲絲縷縷縈虬
枝仙人空中起樓閣圖畫天然臨碧池頃刻九霄如綿墜恍行萬馬
羣奔馳谷嵐捲散青天現羽林屹立麕麕迷

神武天縱君王備

祖法垂裕昭繩其道旁文臣失遠路按轡遣使交詢咨走筆寫出千
萬象下馬齊讀

軒轅詩

恭和

御製行圍獲白鷹詩元韻

德保

車駕動仙靈瑤光散碧星含貞馴在野應瑞獻於庭潔愛秋雲壑游
宜上苑亭出羣標素質養性飽芳苓得不煩彤矢歸看映玉駟壽仁

徵物象何必著丹經

恭和

御製行圍四詠元韻

德保

撒圍

千二百軍士分旗逐隊行不知山崩劣祇凜令嚴明如左飛雙翼迴
環列五旗恭勤諸部落踴躍洽

皇情

待圍

箕斗天邊下停鞭立水涯自知收縱得無不往來宜霜迴盤鷗路風
高射虎時攻車猶未合吉日早歌詩

合圍

高低緣谷勢密布網堪稱整似縱橫陣嚴如戒律僧三驅士同力壹

發

聖多能講武

皇猷盛秋蒐舊典仍

罷圍

圍罷烟雲捲情聯中外歡

頒恩到藩服觀獵及彈冠育物仁開網陳牲

孝奉盤喜承

文母宴愛日上風竿

恭和

御製行圍四詠元韻

介福

撒圍

獵騎衝霜動深林踏葉行乍看初日起漸覺萬山明馬度梯雲路人
呼出樹旌諸藩忻效命踴躍奉

皇情

待圍

山半

行城列圍來遠澗
涯令同嚴陣日典與詰戎宜
一線綿聯處雙旌合
抱時微臣忻從獵
吉日續賡詩

合圍

塞外秋蒐候寧同
羽獵稱霜寒明似雪
石古瘦於僧撇
振弦聲發超騰馬力能一圍更一嶺
樂意不相仍

罷圍

恩威式蕃服遊豫博

慈歡摯羽歸鷹架天閑御馬冠腥頒中使騎

賜重大官盤拜

澤歸廬晚燈光認遠竿

恭和

御製九日元韻

蔣溥

獵場此日恰周遭塞外風雲氣象豪排檻山光千疊秀生花

天藻九秋高莢囊佩處香盈袖菊盞斟來色映袍從古獲熊占得士

侍臣紀實喜抽毫

圍場
二熊次日京師發榜

恭和

御製罷獵出崖口元韻

汪由敦

歸程經谷口獵騎散千羣氣尚從公壯情緣拜

賜欣懷柔

先烈遠續述

聖心殷一讀豐碑句乾坤煥大文

恭和

御製波羅行宮作元韻

汪由敦

輦路逶迤候獵歸

離宮閒敞暫相違菊花過節留餘豔
時重陽後二日松翠凌空散遠暉
偶閒從味道詰戎深意在防微

山莊隔日應重到坐攬朝嵐與夕霏

恭和

御製灤陽別墅元韻

秦蕙田

水勢山容一攬收

翠華臨幸正清秋四圍烟樹紛無數
百道風泉在上頭奇境得來因地設

藻思溢出似川流碧波清嶂幽尋處
歲歲榮經

御墨留

恭和

御製雙塔山元韻

嵇璜

宰堵波明入畫圖雙尖馬耳故應殊
一鞭重指灤河北絕勝扁舟西

子湖

前題

德保

寶鐸連峰儼畫圖誰參慧業象文殊西來一曲巒河水彷彿靈蹤鎮

五湖

恭和

汪由敦

御製汲伊遜水烹茶元韻

祕製三清稱絕品竹廬風雅名高甚佳泉往往天作合栢得益彰

精鑒審

皇都玉泉塞伊遜下澤蘊奇鍾異稟崑山傍玉石抵鵲行汲尋常付

廚廩一從

真賞達

至尊第一之名斯共稔

行秋哨鹿入木蘭溯源百曲頻咨諗撒圍虎帳試注茲味別淄澠入

無朕松枝石銚活火煎雲腴雋永清不凜雖云地遠遐荒隔那比玉
泉依席衽金漿甘醴何足方半月程供大官飪

恭和

御製灤陽別墅元韻

王際華

別苑錄陰稠

鸞旗此暫留人間方入暑天上已迎秋當牖高峰列侵階激水流窈
然多靜賞花木正修修

欽定熱河志卷一百十一

欽定熱河志卷一百十二

藝文六

本朝

詩

恭和

御製山莊燈詞八首元韻

汪由敦

萬樹天花燦遠空燈筵例比

禁園中

仙莊夏景過元夜大地歡聲內外同

寶幃光搖五色雲踏歌聲裏漏聲聞尋樞宛轉新翻樣馬伎驍騰舊
絕羣

夏宵山近氣微寒萬盞燈疑九陌看絕勝昨秋三五夜桂輪冰淨露

珠團

零露

恩濃賦萼蕭丹霞百尺建神標人間天上渾難辨不夜城中第一宵
鈞天日聽琅璈樂良夜還燒錦帶燈拜舞遙稱無量壽琉璃寶界集
神僧

花散千枝驚豔發光流百道絕空緣虹橋幻出通仙跡寶字排成拱
御筵

巖嵐林影紛成彩絳闕琳宮慶此宵瀛海蓬山能似否鬱蕭臺上列
仙朝

千枝渠盈帳前陳西域休誇百轉輪豈獨明王蒙遠耀祥光朗照萬
方人

前題

王際華

玉塞宵涼碧宇空

離宮景乍度天中來賓新得焉耆長

錫宴元宵事例同

萬綠叢中散火雲雷轟電激四山聞映波百道金蛇掣彷彿紅旗競
渡羣

纔挹冰漿瑪瑙寒魚龍百戲儘教看忽驚火樹銀花發映月連星并
作團

喜對薰風詠蓼蕭雲霞繞幕赤城標芳園已過黃梅兩月色燈光又
此宵

綠樹陰中

雙鳳輦紅蕖池畔九華燈光明界即蓮花界照徹三千現古僧

來從鴈磧天西遠還結鼉山海上緣湛露三霄霑毳幕華林萬帳共
芳筵

正是星橋初起處莫教玉漏易催宵

龍光日日榮三接絳幘傳呼又早朝

花開頃刻幻俱陳
燈影旋移轉玉輪
忭舞西來諸部曲
從今常作太平人

前題

錢維城

萬樹園開朗太空
放燈如在上元中
觀光初接狼臙部
應與朝正舊例同

萬點攢星五色雲
空中雷轉遠山聞
鼓聲未驟紅初結
火鳳銀龍各一羣

不知明月水晶寒
并對晴山火齊看
夜氣自澄天宇淨
鏡光融徹錦

輪團

初聞烟氣若燔蕭
旋有霞光似建標
嘉會勝情都不減
藕花香裏試燈宵

錦幄還垂五綵線
蓮花合作九華燈
更看寶樹玲瓏塔
疑有琉璃界裏僧

烏澣亦登同樂苑素娥偏結蕊珠緣已過仙艾靈絲節重預傳柑撒
荔筵

到來玉塞招涼地猶是金吾放禁宵麗正門開千隊入

山莊仍設正衙朝

魚龍曼衍畢分陳歡洽終宵轉玉輪好語西戎全入覲來同

上國踏歌人

恭和

御製金蓮花元韻

汪由敦

灼爍爭看爛綺霞傳來嘉種自龍沙

御袍拂處風初定玉砌開時日未斜淨植寧慚君子德清芬故在法
王家承恩撒炬休相比不是尋常設色花

恭和

御製清舒山館元韻

登臨到處皆堪賞入夏尤于山館宜擎蓋有香蓮吐蕊繁陰似織柳
垂絲哢晴好鳥無心喚欲雨閑雲作意遲靜裏天機隨領畧晚來明
月入簾窺

前題

陳憲華

是地炎歎從不到此中邱壑總相宜棲林鶴起驚松籟出岫雲來帶
雨絲臨水能教塵垢淨看山不覺夕陽遲靜便何處煩囂著只許蟾
光入夜窺

前題

國柱

別館招涼當妙境三庚引興最爲宜扇裁圓月冰爲骨衣製輕雲雪
作絲雨氣一簾蒼蘚潤風飄半篆翠烟遲紅塵萬斛飛難到惟有松
間白鶴窺

恭和

御製題大寧塔元韻

汪由敦

大寧城廢名徒存曠峙孤塔臨荒原疑有梵筵開舍衛空傳詞賦說
梁園舍利金剛縱靈異難鎮燕都天子氣北顧全無拊背憂南下方
知翻手易踴來多寶定先知曾見潛師席卷時替戾禿當鈴自語長
江高閣重疇咨寧王後改封南昌珠簾碧瓦早沉消宿莽烟榛影動搖耕牛
牧馬歸殘壘可識昇平歲月遙

六龍東指時躋陟清曉陽烏纔轉翼雲來雲去乍迷離路隔空濛近
城北亭亭可望不可登默數飛簷疊幾層駐馬踟躕無片碣欲問誰
建何由能龍沙卓立幾經秋爾日忻遭

聖藻留廣漠野逍遙遊憑眺應銷萬古愁職貢而今此置郵

恭和

御製板升元韻

汪由敦

巢居苦風穴苦雨象取大壯肇棟宇疆畛所限習俗殊羶作穹廬恆
聚處平沙廣漠格爾多馳馬滿谷羊滿阿誰教架構作籬落遂闢村

莊藝麥禾候吏無呵容轉徙塞山到處營疆理或齊或晉失業民接踵栖依挈妻子一家中外樂時平舊史堪嗤詫板升祇今烟火通隣里當日風塵擾甲兵輸幣歲增虧帑用馬市纔成旋請封拜甞契塔爲寇資

蒙古稱漢人爲契塔蓋契丹之訛遼宋接境故以此爲通稱耳

隱然敵國聲勢重名藩內屬

餘百年不逐水草事力田從獵公徒隨弭韃迎

鑾除道待行邊懷柔布德

聖化宣板升更賴

天藻傳

恭和

御製魚石屏歌元韻

汪由敦

少見多怪紛然疑偉哉造物能爾爲由融而結誰指揮異石片片羅鯤鱗頑曠乃復藏神奇宛見錄波游泳姿出聽豈繫聞弦徽銜鈎那待投竿絲乍疑妙繪網箋遺啖花影弄垂柳枝或乃匠巧神工施刻

畫簪鬢分剗移想當秋水無津涯鱗鱗潑潑時紛其曝腮跋浪凌空
虛叶此樂未許惠子知滄桑何代倏若斯帶還爲礪匪夷思炎飈
日漢沫滋大鈞飛燄陶青泥一氣所到理異宜石凝水態層層披魚
爲石質息不吹麻源螺蚌有先期製屏不藉丹青緇重以
天章琬琰垂酉陽博物驗在茲

恭和

御製蒙古土風雜詠十二首元韻

錢陳羣

乳箏

孰論得髓孰論皮似莢何曾一矢遺毛孔直參無漏義元霜要悟欲
流時最憐初達先知跪羊初生求乳必跪其母只恐生駒未受羈候火定教通
味外醞醞應向此中移

荒田

偶紆

翠蹕雲中騎來看黃沙雨後田試歷塞垠無棄地方知

聖澤本同天縱橫自屬東南外樹藝仍居遊牧前力作不勞成歲事
昇平一飽故依然

鄂博

疊成齒齒復磷磷此是山川正直神便有攝儀行過客何曾施敬路
旁人由來樸魯無淫祀終古祈求有歲申桐乳災牛存典禮居然風
俗譜岐邕

革囊

一笈從來抵一奴行旋語擗擋家具此焉俱爲筐不用裁江竹盛飪何
妨當飯孟利涉亂流傳古法考工紉製陋諸儒蕭然囊橐隨行李自
笑眞成瀟落軀

柴車

聞說紫芝乘此隱而今遺法塞垣多元德秀罷官後嘗乘柴車往來陸渾山中不巾不幅

偏行遠非櫓非篙亦渡河載月伊鴉同小艇拖泥穩便比輕駝曾叨
扈從

陪車後沙路相逢一簇過

骨占

神占即可號神羊火象於焉義取揚灼矣既從呈圻兆仔肩如響定
襪祥繁昌早驗明年牧近止能知遠戍郎魚亦問晴鷄問卜乾坤至
奧豈終藏

馬竿

子子綉綉及腹繩馱馱未許縱驍騰若非竿勢先馴致那得鞭絲便
奏能罷釣任公時拂水脫旄蘇相偶踰陵盡驅天馬來
天廐絕技材官庶足稱

兒版

乳花啼笑劇堪憐章紉雙繚貼兩肩不用歌詞傳醜面豈因束縛碍

吞拳牌頭籍免添丁稅臂上絲穿長命錢更指熊祥牀寢地壁間弧
矢正高懸

灰簡

布白編韋可代言結繩而後此苞元新陳遞嬗人稱便開闔虛中道
可存春蚓秋蛇無定跡剡藤魚子不分門學書紙費成徒語執簡應
同傳笏論

竹筆

如錐蘸墨便能揮老健中書未放歸豈假象犀稱玉笋敢邀湯沐著
紅衣苞雲間製筆有
名大紅袍者透來紙背方知是認去毫端只恐非倘得

幾餘親一試行間鸞鳳會同飛

口琴

獨弦琴是口中吹匠氏偏工以治爲老眼看來真是鑷春葱撥去恰
成絲聲迴合節箏應讓舌轉如流鶯未知

行殿薰風傳解愠雷門布鼓笑闕氏

轉經

磨兜妙義自無文佛力風行衆所欣清淨輪迴原自在波羅密諦本
難聞萬緣旋轉空王國一手扶搖大地垠象教由來能護國焚修莫
說誦持勤

恭和

御製出古北口元韻

嵇璜

一峰留幹控羣山古塞巉巖是北關秋嶺風迴雲氣合邊牆雨漬土
花殷來庭遠服通輶傳迎

輦風聲動市闐底事長城誇設險八荒已在戶庭間

前題

夢麟

馬足輕塵馬首山翠微堆裏達嚴關雁沙風掃連雲白綺樹林高帶
雨殷烟靜丹梯聞畫角天開碧嶂見通闔

聖朝不用丸泥塞萬里伊犁指顧間

恭和

御製烏沙爾器元韻

汪由敦

丹黠不逐塞榆飄火齊星攢壓翠翹若向西京論賦手君遷平仲是
同寮

答還何曾到上林龍沙秋色曉森森故知遠軼嵇含狀果譜新添有
睿吟

靈砂點就神丹轉靺鞨奩開寶氣豪應笑朱方數紅豆漫勞西域問
蒲桃

前題

劉綸

好鳥榆關啄葢飄離離星影輟雲翹相於合有北天竺妙鬘華纓結
淨寮

上蘭仙種擅珠林甃斗分叢護碧森五雅釋箋都可廢品題

乙夜入清吟

頰虬探頷由來幻火齊傾梓詎足豪到眼吳儂慚物色料量郁李比
含桃

前題

觀保

芳叢疑有暗香飄朱顆圓勻壓翠翹道是珊瑚生貝闕何時移得傍
山寮

託根榆塞自成材材可爲弓老幹森旖旎詎隨凡草木應將紅豆入
新吟

丹砂色綻堪同豔火齊光懸足並豪最是巖疆多異種引來山鳥誤
含桃

恭和

御製常山峪行宮疊舊作元韻

汪由敦

雲軒青嶂外霞磴纈林前

大彌方行令酬勳為定邊遵塗屈

靈囿頓宿撫文筵迴憶初臨日俄經十五年

御製舊韻作于辛酉是年初幸木蘭臣叨

與恩從會恭和元韻烟嵐猶滂蔚風日更清妍八景

披吟處

御製八景詩

新松正及肩

前題

董邦達

容略馳方遠

宸遊跡憶前

行宮重

駐蹕諸將近收邊秋色迎

鸞輅山光拱

御筵憑軒增勝概觀稼樂豐年

舊墨龍蛇勁

新題藻采妍計程山館邇蕃部集駢肩

恭和

御製熱河啓蹕幸木蘭之作元韻

汪由敦

乘時肄武舊章循白露初過呦鹿牲峰指玲瓏林岿窳雲垂糾縵曉
輪困疇咨封事郵函速志喜

宸篇點筆頻那待周陸誇遠服

天威早懾大宛人

前題

劉綸

灤河繞塞首塗循雉介風高聽鹿牲迎勒草香聞晡藹展圍山勢看
盤困大宛選騎調良並穆納

旋轅送喜頻兩歲陪

筵許三接奉琛還待後來人

時聞哈薩克陪臣
將次入覲

恭和

御製出古北口詠古元韻

汪由敦

北門雄鎖鑰設險有嚴關一綫通戎索千重矗塞山雉樓空曲上鳥
道翠微間往昔藩籬重防秋士馬難時清邊備遠民宴古風還羽騎
駸駸度雲峰相對間

前題

紀昀

翠輦臨邊塞檀州有故關南來通一綫北顧見羣山連弩思前代偏
槍近此間飛猱行尙怯高鳥度應艱蘇轍題詩出王曾奉使還何如
今一統秋曉戍樓閒

恭和

裘曰修

御製至避暑山莊即事元韻

山山到處秋如畫勝日來時境是仙壯士扈行

親校射名王入覲歲開筵

謀深帷幄皆長算吟到禽魚有夙緣此地只如房闕內年年

清蹕與周旋

前題

錢大昕

到處林亭宜入畫，望來巖壑宛疑仙。
澄泓水展空明鏡，峭蒨山當翰墨筵。
滿眼禽魚皆至樂，會心草木有真緣。
昇平中外承

嘉讌，好待秋深。

羽葆旋

恭和

御製熱河啓蹕之作元韻

裘曰修

小駐還當啓

蹕時瞳瞳初日照，通達人言白草黃。
沙地身到青山綠，水涯八月田功觀。
晚穫三秋花事賞，芳糝塞垣未覺西風冷。
閏歲應知節稍遲。

前題

紀昀

武列河頭雁過時，勾陳羽衛啓通達。
紅飄霜葉楓千樹，綠繞寒澌水一涯。
蹕燧花驄隨。

日馭玲瓏芝蓋散雲毳如聞蕃落諸渠長會獵梁鄒到恐遲

恭和

御製兩獵元韻

劉統勳

獵以肄武傳有哉中權直冒秋霖來揚威制勝在弧矢非弩非網非
繇媒軍聲已動不遽止轟雷激電難比擬膠霑弦濕中轉奇白羽落
處蒼鹿起沾濡無愁得雋喜氣挾風霆運臂指乃知

聖意戒遲回弛者難張張易弛勗哉勇決重戎行蠡測管窺見如此
前題

裘曰修

長林豐草何遼哉平時獵騎不敢來奔狐擾鹿叢虎跡館熊窟兔驕
雉媒

大獮乘秋行至止鷺鸕魚麗安足擬左縈右拂射疊雙毛驚角駭圍
中起挽水天河真兆喜雨脚垂垂近堪指弦鳴彌覺點聲麤弓勁不
愁膠力弛須知師律寓行圍號令如山今見此

恭和

御製行圍即事元韻

汪由敦

半嶺霜風颯颯來，萬山高處絕纖埃。
欲齊衆志羅千騎，應識天生用五材。
白氍乍迎朝日上，黃旗高捲朔雲開。

據鞍批答軍郵速，那待飛書趣入聲召枚。

馬騰弓勁稱行秋，極目穹窿遠勢迥。
猛虎伏崖林霧暗，驚禽躍澗日光浮。
細尋伊遜河流曲，遙辨長城古蹟留。
即景

拈吟待圍合，飛箋曾不費冥搜。

屬囊列繻力，恢張險越屣。麗躡紀堂潮，海沈浴迴地。
軸風雲翕集，揭乾綱繩聯。碁布行無跡，環合規圍制。
有常肄武正勤，籌遠略大風歌就興飛揚。

前題

劉統勳

紫氣黃雲匝地來，寒山影裏動纖埃。
平添西極追風足，驍有東丹射

鹿材賦就長楊難自炫營連細柳不輕開蕭蕭靜聽鳴鞭響我士無
譁底用枚

縈回玉勒

詠新秋馬上

篇章韻更迺黃葉試茶新火活蒼鷹趁兔片雲浮凸凹巖壑如常履
窈窕林泉爲少留何物擇人行舐掌飲飛矛利

敕重搜

蕃部旌旄左右張躬桓先已會明堂行行隊似星分野井井條如網
在綱箭殪天狼隨指嗾芝啣銀鹿見尋常便從羽獵圖

王會吉日車攻漫頌揚

前題

裘曰修

仗外圍嚴斷往來萬蹄蹴踏不生埃黃衫煜煜文昌將翠羽翹翹武
庫材耳後鷗鳴飛箭過懷中月滿引弓開詞臣屬目

旌門下款段追隨指馬枚

樹樹金風葉葉秋
饑鷹直下力初遒
雲排兩翼呼聲合
日麗中權

御氣浮馳道

龍旗遙掩冉看城

鸞輅少遲留
賡吟每捧

瑤牋出獨愧
枯腸韻苦搜

絡海包山大翕張

神機猶是運
朝堂華夷共戴環

辰極文武兼資揭

帝綱眼底風雲生
咫尺草間狐兔只尋常
即看一矢天狼殪
凱奏西

來喜氣揚

前題

錢大昕

森嚴羽仗自

天來雨霽重嵐掃碧埃控鶴三千神策士飛龍十二上襄材令懸旌
旆和門合陣布風雲大幕開講武六軍皆整肅不煩司馬戒銜枚
野闢天高九日秋伊松河上塞風迢

玉鞭乍到輕烟拂

紫幄初開瑞靄浮雲入望中皆澹蕩山當佳處暫停留廣成欲進詞
臣頌詰屈空慙短韻搜

彌山絡野勢分張變化神機自

廟堂蕃部傾心瞻

法仗降王泥首懾

天綱握奇齊列龍蛇陣懷

德遙迎日月常頻見玉門西奏捷櫓槍掃盡

國威揚

前題

紀昀

長林豐草射生來石逕清無半點埃冀馬於今皆逸足燕犀自古是
良材行分鷺鶴雙旌動氣逐風雲萬里開

聖主臨邊軍令肅無譁不用更銜枚

獵獵風聲大漠秋高原塞馬力初迺旌旗影帶寒雲捲組練光含曉
日浮霜隼盤空爭搏擊天狼避箭敢遲留中黃奮欲摧彫虎荷戟深
嚴更一搜

雲罕天弧歲歲張儒生何用戒垂堂諸蕃震疊星從斗七萃森嚴網
在綱蹴踏崑崙猶奮迅鞭笞頡頏只尋常銘勳尙薄岐陽鼓遮莫區
區侈馬揚

恭和

御製山村元韻

汪由敦

塞外常苦寒種禾取其早地瘠旣遲發雨稀復易槁行行傍山村結
穗實堅好彌望但黃茂攬之粒俱飽婦孺各恬熙鷄豚亦馴擾

宸遊信多樂勝賞滿馳道

前題

董邦達

八月納禾稼塞外西成早山田黃盡勻熟異科上稿糜芭種自嘉結
粒堅且好遠邊成樂土八口終年飽婦子皆優游雞犬不相擾得此
功誰歸蕩平頌

王道

恭和

汪由敦

御製谷中元韻

谷裏人家成小聚火耕歲久地迴涼曲依巖壑堵爲屋平碾坡坨掃
作場經歲吏呼曾不到中田婦饁亦相莊從

遊恍見康衢象民氣知無莠種妨

恭和

觀保

御製入崖口元韻

甌脫天開屹兩崖到來眼底得清佳疊屏山訝駝峰似度嶺人看蟻
垤皆嵐氣每於雲氣合松聲時與水聲諧

習勞不爲游觀樂好景偏如峙

睿懷

恭和

御製瓊廬元韻

汪由敦

白氎剪裁潔文筠插架平自然成廣廈寧用侈雕甍霜隔簾衣重香
凝

黼座清由來陶複製存古見

深情

恭和

御製題小金山元韻

蔣溥

中央小朵即飛閣絕頂蓮花建紫廬秋水似雲圍曲檻孤峰如畫映

金定集卷之四 十一百十二
方諸綺明練靜滄江遠樹隱樓開碧澗虛

睿思不殊浮玉勝勝於浮玉轉清疎

恭和

御製清舒山館元韻

蔣溥

鶴捧爐香燕拂書清秋山館日長舒結爲塵外烟霞窟移就村間水
竹居林靄乍霏朝旭潤茶聲輕颺午風徐惜陰檢點禽魚樂詩地分
明

筆力餘

恭和

御製塞山元韻

劉綸

穆納嵐光繪嫩涼餘歛淨滌快褰裳磧中野水穿沙響

莊畔高禾出屋長夜拭玉蟾遲遠樹晴摩霜隼趁平岡木蘭萬頃如
香海崖口懸知葉未黃

前題

觀保

塞外山多氣早涼如花紅葉已裳裳雲開諸嶺駝峰出雨洗寥空鳥
道長榆柳數家依曲澗牛羊千隊散平岡秋光到處邀
宸豫況是陂陀稼已黃

恭和

御製含粹齋元韻

劉綸

一區架構有餘清納納虛檐出厂平與顯氣俱非假象得天倪露是
含精太元著草亭空峙秋水成篇檻漫橫會取
名齋真義蘊兼含孔思復周情

前題

張泰開

窈窕山齋萬象清朝嵐夕翠與檐平試看飛躍天機活便識行生道
體精石落沙明秋水淨雲歸岫複夕陽橫
天題妙括義經義俯仰高深契

睿情

恭和

御製駐行營元韻

劉統勳

興桓之北松漠南肅肅勾陳羽衛駐疊嶂遙連紫塞垠行程卻指紅
雲路崔嵬

帳殿臨高原丹林翠壑天然趣大海蕩蕩水所歸諸蕃來似百川赴
馬牛恆以山谷量酮乳時論斛石酷燒當無弋肩摩從駭愕中華強
且富昆彌動色相顧盼贊普傳言互告諭此間氣象真堂堂絕漠威
行良有故軍容嚴整神融怡疆域式廓

帝命貽欲將

王會入圖畫豈但石鼓陳歌詩蓋地之圖驂曰鹿聞風而至其奚疑
聲靈震疊邁邃古大哉玉檢明堂基

前題

劉綸

一重兩重碧嶂開千騎萬騎

黃城駐星廬匝匝翊

帷宮高下風竿辨蹊路行行設板更通橋秋原延矚無邊趣司盟舊
部馳傳來屬吏新藩踐更赴根移苜蓿抽嫩芻種獻蒲桃壓清醑佳
名沃壤多巴顏德產從知饒美富扈圍西旅競懽呼叉手脫帽難言
諭金牙瀚海坐自嗤甫草上蘭空掌故

時收悉率

皇情怡允文允武

蒙法貽鋪敘不數陳倉碣典則寧誇勅勒詩

膚功已奏繕軍實登三咸五夫何疑

和門珥筆請爲紀時萬時億恢

鴻基

恭和

御製九日元韻

劉統勳

黃花開放趁秋陽

翻幄平臨射雉場
侍從欲陳翮蜡美
蕃渠新設糗梁香
紫萸蓋泛爭承露
白雁聲多欲落霜
更喜寒山都似畫
登高一望翠低昂

恭和

御製出崖口元韻

劉統勳

講武連旬舉大蒐

六飛親涉道途修
已陳虎旅行松漠
競擁

龍旗渡索頭

伊遜河即水經注之索頭水

此地諸蕃爭送

輦古來長塹笑防秋
躬桓濟濟陪

嘉宴取次金罇湛露稠

前題

劉綸

磨崖大字紀

親蒐旋軫渾忘路阻修翠嶂雙排開石骨朱闌一折界雲頭迴瞻雁
砦鴻天晚直指烟村水市秋此際

觀風知倍喜坻京比似去時稠

前題

董邦達

寶鞍彫弧罷講蒐

六龍迴蹕引途修千行灌木縈旗首一路仙雲簇馬頭攬轡共和循
舊徑看山又是近深秋鵷行扈從重經過回望林巒萬疊稠

恭和

御製萬樹園賜布魯特觀烟火元韻

劉統勳

列溪秋水夜盈盈月色燈光倍有情萬里旃裘聯隊入千枝火樹照
人明直將玉燭通銀漢坐覓琉璃湧化城料得傳言徧西域聞風爭
拜護羌營

前題

劉綸

交光燈月一時盈敷坐擎觴共洽情舞入魚龍隨隱現篆成蟲鳥更
分明騰聲合到無雷國散彩疑遊不夜城使者來從星宿海底教瞠
目舉怔營

恭和

御製塞田元韻

蔣溥

阪田競高低迤邐接塞外入夏土脈乾播種尙有待宵旰勞
聖心甘澤還立沛良苗何油油陂塘互縈帶慮歉轉獲穰三農慶應
最碧溪水潺湲未爲秋稼害明昭

帝所貽穎粟民斯賴塞天霜氣遲自卜收穫倍想見築場時萬井農
情快

恭和

御製峽琴軒元韻

于敏中

軒前動操菜山皆攫醜無心韻自諧悟徹匣中兼指上聽從挂壁復

橫階傳聲谷遞清和奏入律風調

解阜懷

相賞更餘真意在天然松石軫徽排

恭和

御製滄浪嶼元韻

于敏中

芳嶼臨清流秀色在階砌動影沖融間倒浸翠微翠迴風澹漪瀾觸

景紛妙詣歌從孺子聆亭仿詩人置

淵懷湛然澄一理函萬事

恭和

御製登四面雲山亭子作歌元韻

于敏中

四山環合雲深處繚白縈青泊然遇笠亭螺徑凌嶢嶢

吟朗烟霄若神助層雲盪胸西復東卑之列岫羅牕中逸情遠出陶

謝上活色恍與倪黃逢

闔風窳將俯塵世聚米周知八鴻事居高視遠覩縷呈臚列川原可
數計秋山明燼秋日懸黃雲鋪隴覘豐年腰鎌行刈霜信前擔歸困
鹿人頰肩

恭和

御製射元韻

蔣溥

節應騶虞樂備官

九重神藝許齊看良遊詎數華林射

至德真同矍相觀殼滿彤弧風力勁堀開豹的月光團共知

聖武超前古朱鷺聲傳萬衆歡

前題

劉綸

簽名

行殿引材官

御射先容列侍看法

祖天弓

神所授序賢臣鵠德爲觀駁飛筵羽穿長埒的暈聯珠破小團按部
蕃王能入穀

賜衣鞠膳奉

宸歡

恭和

御製瀑源元韻

劉統勳

靈源通地脈懸瀑穿天孔曲徑落崕呀危磴圍穹窅雨晴沫濺裾秋
入雲飛隴披榛若舉幃刈蔓如開籠魚遊力上溯鳥過影倒罍哇張
一派垂峽隘千條攏空手照晶晶顛氣浮滃滃資深詎待濬奔奏知
難擁此中瀕洞含其下波濤洶皓魄滿欲流素奩寒不動象爲石甕
注用作嶽蓮聳根極四溟會鑿謝五丁勇萬古玉膏流半夜神光湧

前題

于敏中

懸洪瀉曾青噴薄泯罅孔萌柢缺無垠天瓢斟穹崑權輿導江沱濫
觴溯岷隴織路奧復峭潛窟蠓若籠近覩疏壑寥雲然始發罃沓訝
湯釜沸澆訛竹筴攏綫溜巖脚穿匹練雲根滃游濞既以泄黝條不
得擁驥渴歎羸駘雷輶殷旬洶突突盪相摩絨紐靜即動恣惟蹇澹
欲激或峭崿聳氣母所胚凝拘勢如養勇

天倪闢鴻濛言泉萬派湧

欽定熱河志卷一百十二

欽定熱河志卷一百十三

藝文七

本朝

詩

恭和

御製出古北口得詩四首元韻

于敏中

巖關洞闢

綵旂過塞上風雲儼護訶形勢此間南北合全收兩戒入山河

舊部新蕃侍獵同周陸漫詔上林中

梁騶何有長城限今日伊西是外墉

維魚豐兆信猗歟處處茭梁蔽舍廬關外權聲比畿內什三免賦

詔隨輿

秋半恰宜巖鹿哨霜前初見塞鴻征丹楓綠柳參差間一幅營邱畫

裏行

前題

王鳴盛

留幹雙崖七校過兩師灑道作前訶

昨晚微雨

蒼烟紅樹秋風外一線淙

淙響白河

熙熙文軌萬方同重鎮雄關坦蕩中漫道邊牆古設險任教耕牧上

高墉

六穗雙岐信有歟困箱露積滿田廬豐穰關外同關內處處衢歌候

翠輿

七十二均太行脊冷陁遼碣信遘征黃圖直拓于闐外茲地渾如戶

闐行

恭和

御製灤陽別墅放歌元韻

竇光霽

興桓十山灤水出

離宮經構半水陽就中架巖開別墅漩環俯視舟可方南有留幹古
塞之窘隣北有

山莊列岫之環張在昔

仁祖日肆觀羅名王四十八部享

大邦車牛煥蠡解膏薌我

皇歲狩躋斯堂維時

聲教訖伊犁哈薩布露回部二萬餘里如要荒啓

仙館兮重扃眄崇阿兮千常翠雲迴榭生虛涼小金山宛浮澄江林

丹澗碧相炫耀夕嵐晚照含餘蒼天風瑟瑟石瀨湯湯

浩歌叢雲晞景扶桑微臣授簡局強韻徒慚墨守同公羊

恭和

御製題做晴齋元韻

陳兆崙

高齋因地敞勝

覽及秋晴暖愛村烟色香知澗草名畫屏開遠勢緜帙引崇情何以
酬風日

憑軒四韻成

恭和

御製繪韻樓元韻

劉綸

常言畫境奇如真肖羣動於真又疑畫天倪鑿無孔乃知韻勝時衆
妙此兼總結樓

署新銜山靈亦驚寵盡發烟雲局一一

奎章奉

恭和

御製山行原韻

劉統勳

勤民紀事動成詩尋鹿山行寓

靜思偶以入林成野趣轉因搗句得新知幽探巖壑藏無盡格準風

騷出愈奇罨畫雲巒迴夕照清機環引

聖情怡

前題

于敏中

塞苑山呈畫裏詩意行隨處發

清思風雲引勝延緣入泉石逢佳閱歷知尋鹿蹊迴餘曠奧

探驪句得總神奇

知仁翁闢真機盎動適天倪即靜怡

恭和

御製塞山風景原韻

劉綸

下帳傳鈔

上塞吟九邊佳勝繪分陰青莎閏後重裊淺絳葉秋前一幕深馬埒

長筵因雨罷

園中以雨
蒙古王公等進宴

鹿場

清筆侍霜尋

時鹿哨節
候尚早

天山卓歇同餘暖負弩懽增黍谷心

恭和

御製命製鹿椅並題以句元韻

劉綸

有美丰茸質言裁曲象能即供

當宁御猶記列仙乘武帳威難缺文茵雅合承

雲莊尊

鶴馭

寶閣度

龍輿制擬攷工補時兼月令徵

御製鹿角記于冬夏分解
之候辨證精核足正千古傳譌

賦形昭物則異巧底須稱

前題

于敏中

器以因材貴工惟尙象能合模仙角具

端拱法宮乘瑩若雙瓊戴森然八柱承式型遵

聖作

示儉湖

龍興

手澤

詩曾述

癸亥 觀

幸盛京有 太宗所御鹿角

御製敬 椅詩

心裁記並徵

辨麋鹿角解之譌 御製鹿角記

座銘體無逸詎爲揣形稱

恭和

御製萬樹園賜宴即席得句

于敏中

天香馥郁玉津長苑樹陰清

御幄張上

壽奉觴旋右陞示

慈錫爵引中央屏藩職貢虔無懈瀛海兵銷樂且康兩序班行聞好

語西濛秋稼滿倉箱

恭和

御製肩輿入西峪即景成什元韻

劉統勳

山外愛陰呀山中喜平衍記峪具靈秀佳處隨意轉恭繹

即景詩語如圖畫展泉均可灌溉石笋宜致輦入望情已遙既過輿猶繾雜花與時鳥點綴悉完善目謀詎無暇

神瑩景自辨倪黃富邱壑雋味嗜一鬱到此應憮然拘墟知不免

前題

于敏中

苑西多岨山入峪喜曠衍風來谷含峭雲斷徑忽轉巖扉窄窳闕峰
嶺凹凸展

山堂峙秀起登級可容輦新境臻益佳迴蹊陟餘繾

因高乃見下道得絜矩善譬之登岱崧培塿一覽辨瑣若列餽釘鬱
若陳膾鬱圖置標洞天穿鑿啗未免

恭和

御製登四面雲山亭子作歌元韻

于敏中

山亭負立霄漢上諸峰羅列山腰齊夏雲四面幻雲海蓮花擎出蓮
葉低西霞東照南積雪餘縈繚者皆能稽

俯覽遂造閭風頂時有靄靄緣來蹊涼生嘘吸通顯氣冷然恍見
輪躋千巖萬壑在指顧晴晦警爾殊靄靄每來

吟眺敞蕭宇鐫刻翠墨光厓谿山靈訶護復解事更喁爽籟邀
新題

恭和

御製放鶴亭對作歌元韻

董邦達

清標玉立何亭亭芝田飲啄恆關情自入

蓬萊叨豢養舊時六翮生茸翎愛向

天家傍瑤檻九臯鳴出生成感食粟將雛意已便翔雲警露心何慊
懷

仁戀

德鶴有斯補經應繼浮邱爲

恭和

御製移松元韻

于敏中

松性本勁達移植當夏長既離叢薄翳乃識泰宇蕩左詩慰蔭鬱琫
筆釋枯強自

天栽者培得地全所養幸因潤溽暑矧復託豐壤疎碧倚石森新柯
眄庭敞之而勢與遂埒塲滋益廣詎惟十年計行作百尺想

恭和

御製濬溪元韻

于敏中

山溪挾沙易濁淤濁者宜滌淤宜疏今來

苑沼值清夏因勢利導

籌良圖斗泥畚益培塿長丈葑掩讓菱萍鋪離襪照影時下鷺瀼瀼

數計多遊魚樂成事半功乃倍既復舊跡恢新模決渠歌欲徵鄭白
祝田笑豈鄰淳于嘗聞即小可喻大神禹別鬢之智猶是乎

恭和

御製登永佑寺舍利塔作歌元韻

劉綸

興桓古之北口北槃盤捺鉢凌虛無

山莊閩利鑱雙楔其上乃有穹塔縹緲懸仙都辨方協紀厥位良史

告吉卜牖見足闢堪輿誣青邏

萬樹園名翠矗一峰錘影互離即不數螺尖浮玉鈴語流南徐中央九

級平安旁出入樞拓

元工司契象中呈

神模佛說標身標口此標意

見玉峰塔詩御製注

印可五際皈三途我

皇省成

天筆記本末豐碑典重靈祇扶溯昔

警營四衛拉特敏關至御製塔記疆索太濛戴極聚米同闔郭兩年

準部五年回部

勳大集及茲周甲事半功倍運掌如示諸是塔以十載瞻普寧寺亦

部來歸特勅建崇閣走重譯氣壓固爾札廟西陲舊日名廟膜拜鎮彼墟矧復環

以降藩比屋為交閭山莊東北皆達什達瓦部衆所居看取

行秋絕頂

王會開全圖

恭和

御製味甘書屋原韻

于敏中

煎茶味其甘寓意事甌銚酌茲石泉腴藐彼崖蜜誚臨流可用汲詎

襲餅綆貌

書屋清且佳隨宜適真好竹罇貯山房異名乃同調

恭和

御製靜餘軒元韻

彭啓豐

兀坐見太古穆然溯皇初動靜相環生要道無所餘觀易玩來復樂
山宜安居水流與雲在性體恆徵諸主靜立人極敬勝箴丹書蘊真
藏至寶

睿照涵清虛自得有真相即此爲如如

恭和

劉星煒

御製出古北口作元韻

邊柝秋清畫角寒相烏風轉戍旗竿

皇虜九軌平如掌跋馬能隄十八盤

員渠納蠶款關門隄塞空餘睥睨存絕勝亂山通顛倒穎濱句子試

重論

虎歇翹關禁旅同

是日試綠旗兵藤牌挽強
手搏諸杖賞實有加

朱提清醕

賚尤豐跪聆

天語溫如縵那有陰山雪未融

恭和

御製喀喇河屯行宮作元韻

于敏中

望裏

雲莊嶺路東川原迤邐景尤同
鱗居歲阜村烟密獵騎秋肥塞草豐

遠水拖藍縈

畫墅小山浮玉冠花宮

清吟漸覺輪輝滿仙籙三元月近中

是日為中元前二日

恭和

御製至避暑山莊作元韻

于敏中

雲山四面蔚林光

天闢神臬

聖闢莊絡表

行蒐驥逸驃

日以爲常

每行圍迴

啓蹕即御輿駘

雁臣入

覲旅中黃

都爾伯特

王策凌烏巴什等

於廣仁

駐將輝罕循東道

始駐蹕

幸木蘭園

後規得都綱

控北荒

山莊東北

錫名安遠以柔遐之義

井里殷闐豐已屢

即功猶爲

厘田康

恭和

御製登舍利塔元韻

于敏中

奇觀創龍塞傑構超雁臺戶豁星斗入標跨風雲開斷手十年

塔經

始於乾隆乙亥至甲申秋歲工

躡足九級嵬法華寶全湧祇樹香交迴

塔傍即遠

駐

西竺輪俯殷南山雷瀕洞通顥氣璫隴淨氛埃鷺翼此翥騫象步時

徬徊諸天妙鬘護極頂瞻

如來

前題

劉星煒

温簷梅檀林駢駢蓮花臺九級盤磴上八牖凌雲開玉篴闕精爽金
鈴懸歲蒐敲景磬石秀倒影灤江迴

珠旒朗慧日

塔建永佑寺

鐘梵闐殷雷良位鎮宰堵震且祛氛埃燈王受

調御

法駕斯儻徊

佛言息辨囿此峰寧飛來

恭和

御製灤陽別墅元韻

尹繼善

何年成別墅一徑入雲深虛室風生座高秋月滿林山明呈畫卷水
急響琴音歲歲遊觀地天然入

睿吟

前題

于敏中

仙墅灤河北

登臨歲月深新涼生磧戶遠景帶巖林水淨魚知樂秋高鹿有音夜

來還聽雨簷瀑助

清吟

喀喇河屯頗望雨是夜甘露優霑有即欣夜霽巖齋聽正利晚田農惠多之句

前題

觀保

別館

詒模遠雲扉入望深泉甘魚在藻山靜鳥依林自有烟霞色何須絲

竹音

幾餘欣寓目景物助

清吟

恭和

御製至避暑山莊即事得句元韻

尹繼善

玉輦初臨放好晴祥雲出岫早來迎千山翠色宜朝爽四野歡聲見

衆情縱有池亭供

眺覽時於場圃望充盈熱河雨澤暑少敬思四十年前事

祖德難忘本至誠

前題

于敏中

嶺路雲開敞曉晴

仙莊如畫馬頭迎涼思最愜

延薰意秋稼尤紓

省斂情香界裝因安遠設安遠廟仿固爾扎廟之式為之諸蕃星廬

環似會朝盈廳正門內增設各部院更欣市值平於昔樂在綏豐信

益誠今歲市中物價較每歲尤為平減

恭和

御製金蓮花元韻

申甫

彷彿銀塘植亭亭塞水堦自舒明月夜偏映夕陽川寶炬傳鼉禁華

芝緬鶴田

文殊方示現處處湧金蓮

恭和

御製題紀

恩堂元韻

尹繼善

卅載前叨

眷育恩

山莊猶是舊林園觀光此日思

文祖侍宴當年

識聖孫

康熙壬寅年春聖祖眷顧其年扈侍

上於

山莊圓明園

之杜丹臺侍宴蒙賜居於萬壑松風今

於

御園顏堂曰翠黛千峰秋日冷丹楓萬壑晚風翻於今亭

恩以申感慕

沼

留題處

念念追維凜

訓言

恭和

御製澹軒元韻

觀保

塞山秋雨過澄潭一甌積正如醴無源隨處湧靈液縈洄澹不流方
圓漾珪璧層軒俯青光瑟瑟動瑤席遙企川上心
皇情有餘適

恭和

御製興州攬古言懷元韻

汪廷瓊

今之神臯昔阻荒近代遺蹟簡佚亡猗歟

皇圖跨亥章日月出入測表長興州之壤淀名涼其俗務本豐屢償
司徒司空宣畝詳車攻令典

巡東方秋初奉

輦來雲莊流覽井牧

歌浩穰遠攬間討名山藏儒臣誰擅班馬香毋沿魚豕體例妨
皇指示之職業揚煌煌編載逢

時昌

恭和

御製塞垣元韻

于敏中

繚垣迤邐互崇阿佳景環生塞苑多雲削芙蓉排萬嶂波澄綺練貫
雙河人家烟樹春城似

仙界巒福地過

山莊前後各三十
六景適符福地之數

檢點山經兼水志操觚其奈

妙聞何

時奉
河志區亦恭與校勘
旨編輯熱

恭和

御製塞草元韻

尹繼善

恩深無處不培滋紅滿楓林綠滿陂塞外溪山吟未了還將小草入

新詩

恭和

御製千尺雪元韻

尹繼善

曾經江外看飛雪又喜從遊到此間千尺泉聲穿石罅似聽琴筑響

秋山

亭邊對瀑思前夢卻比江南景更優

江南塞山有亭對瀑

智樂天機原在水好從活潑問源頭

鬢髮白髮叨

恩遇石徑探幽步未爛恰與香山詩句合忙人到此亦須閒

恭和

于敏中

御製旃檀林八詠元韻

風

香海風輪轉大鈞非空色界淨塵因入林吹萎還新好

天籟隨機指示人

雲

縹緲烟非幻
蜃樓妙鬢垂
罨碧林浮
坐看起處還
無什應有諸
天自在遊

月

月不留波波
自滄中邊了
徹總隨形
娑羅超出衆
香國
妙境光明得
未經

松

作蓋合於香
界護聆音或
有法螺吹靈
胚琥珀何年
結
證大因緣是
此時

楓

巖坂奚論青
與丹色香分
別漫更端若
參八百鼻功
德檀炷楓脂
豈
兩般

花

聞說天花散霧鬢曼陀紛集有無間也空結習何曾著合付維摩一

羶顏

鹿

祇林遊不涉行藏曾聽華嚴第幾章銜得巖花參上乘三車妙演梵

天王

蛩

鳴竅偶然窺寶月塵根小許拂香風音聲求處如能見八識應分列

草蟲

前題

汪廷璣

風

霜裏鐘清送萬鈞簷端旛影逗初因來飯

調御求禪悅度盡聲聞學道人

雲

都梁馥郁結爲樓兜率天宮妙鬘浮五色光中仙樂度獅林欣仰

寶幢遊

月

石壇虛敞碧潭滄千月還如一月形寶相天中懸慧照絕勝燭下讀

傳經

松

已看纓絡枝頭綴疑有笙簧烟外吹初地植來先結蔭便如五葉證

禪時

楓

一葉吳江色易丹碧陰未改鷺峰端只因法雨霑來近真覺人天境

一般

花

優曇林裏坐螺鬢香在蓮臺彈指間乞得
如來拈一笑欲將意蕊奉金顏

鹿

寶筏誰探貝葉藏三車倩載度人章聽禪已化山林性花裏時來迓
法王

蛩

龕下長明能伴影月中梵唱共吟風苾芻浮植欣依託智慧還期度
草蟲

恭和

御製網魚元韻

于敏中

澄湖魚計滋出網豐且美大哉

好生仁多取非所喜銀絲足縷膾素饔矜失水縱之任泳潛洋洋化
機裏伊誰觀朵頤而欲動食指敬惟曩

南巡陳漁罷渾彼

候屢

南巡駐西

湖地方大吏陳漁舟祇勅罷之以遂方春生育之令

順時全鯤

鮪亭育準乎此與物留有餘是亦愛之理

恭和

御製待鹿元韻

于敏中

千峰紫碧夕爽來鹿羣濯濯秋山隈馴依嘯侶自麋至譬彼遠服懷
綏徠或飲於池或蹲地或食苹蒿陰林翠咸若及物全天倪
茂對以時邕生意待之不迫詎鋌走躑躅芳坡任先後如

大舜居適與遊聞

文王囿樂其有

山莊木蘭判若何於彼

示彌茲育和哨期猶可兩旬計

時距進哨之期尚二十餘日

西風涼未翮駕鷺

恭和

御製山卉原韻

汪廷璣

山窗隨意攬叢芳
深院秋光蛺蝶黃
開亦可人無俗豔
種雖近草獨清香
數畦低映蕎花細
一穗平分黍粒穰
得與階英同入

詠散材喜比蓼蕭瀼

恭和

御製行圍二首一韻前章即景後章即事元韻

尹繼善

獵騎凌晨繞翠微
秋深景色暢天機
平原草綠莎爲毯
曲磴苔斑石有衣
遠樹經霜林欲瘦
野萃著雨鹿初肥
岡頭立馬渾如畫
一望蒼烟幕四圍

晴靄初生遠黛微
穿林連中妙神機
槍排虎穴風生岫
草沒驢蹄露滿衣
七校頻分泉府

賜千官屢飫大庖肥
由來武備傳秋獮
不忘

先勞式九圍

前題

于敏中

木蘭今歲峭涼微峰景青紅錦一機信雁叫雲初作字候蛩飲露未

催衣內今歲候暖哨人過短笱迴溪窄馬趁平蕪帶雨肥布帳家家猶

露坐無須槽柚地鱸圍木蘭每至此時多藝薪擁

周陆初合曙烹微按隊分旌待

指機總爲

先勞操轡組共欽

神武御弓衣

參連中鹿坡前殪每日行圍上皆

三賜名駒塞上肥天賜連得良馬蒙孱弱未嫻陪羽獵割鮮何幸

屢

頒圍臣頻蒙特賜異圍中

所獲鹿實感

欽定熱河志卷一百十四

藝文八

本朝

詩

恭和

御製遙亭行宮晚坐元韻

于敏中

頓次黃圖信宿經第三

行館按程停度關駝影峰前黑

因次日過南天門車仗俱于日晡先行

速帳炊烟柳外

青景繪秋塍鋪迤邐

詩催夜漏遞玎玲朝晴未礙聽宵雨既愜農歡復旅寧

前題

國柱

路轉山坳

翠罕經天開

仙館玉驂停門前多稼連雲碧檻外交柯接地青氣霽烟林秋澹沱
雨晴蘿嶂石隴玲物華元不關

宸賞萬寶時登萬國寧

恭和

御製出古北口元韻

國柱

劍作雙崖壁作關馬頭翠疊石屏顏前驅羽騎鳴鞘上風勁瑠弓月
半彎

嚴關瑞氣望如龍雉堞連雲苔蘚封歌詠太平邊地樂年年

恩澤到秋濃

昔時塹鑿誇重險

今日耕畬慶屢豐高下黃雲凝遠目築場納稼厯

宸衷

恭和

御製兩間房行宮即景元韻

尹繼善

恰在濃陰古木間
數椽清淨接通園
環村曲引溪中水
入戶平看屋裏山
只愛桑麻饒野趣
還容童叟近

天顏誰知午夜傳
銀箭猶凜

時幾未肯閒

前題

于敏中

塞堤迴望翠微間

行築連村帶隧園
兩桁涼移橐駝樹
宮門內植樹兩行足資涼蔭
一房雲渲大癡

山是處山屏極似黃公望畫法堆盤珍品叨

頒獲鹿臣得上于後山鎗殪一分賜一列坐榮階荷

賜顏蒙閱古北口技勇兵于御前侍衛之次早捧研朱

詩帖下

聖人真惜寸陰閒

前題

觀保

熙熙景繪往來間真有衢尊酌市闔路折平沙逢古戍

是日過古城川

烟消

一角露秋山

對時慶協農夫願較藝權騰猛士顏仰見分陰珍尺璧還將

睿藻答

幾閒

御製有著句
聊消片刻閒句

恭和

御製至喀喇河屯即事元韻

觀保

原隰昫昫頌既平翰屏肅肅馬頭迎緩期

特沛如春澤閱歲偏殷就

日誠高樹欲遮雲去跡遙村忽遞雨來聲

時驟雨即止

拍隄漲水流方急

又聽山蟬噪晚晴

恭和

御製至避暑山莊即事得句元韻

嵩 貴

勝地何年始別鬢清流遠映市分闐最佳閨在新秋月信美

莊爲避暑山下稔正欣暘雨若承

歡更適清溫間

來遊總爲同民樂

有喜詩傳

有喜顏

恭和

御製清舒山館元韻

雙 慶

依然川觀與巖居水石玲瓏映碧疏曲磻細生雲護硯平林遙帶月
臨書地當舒曠遙峰列秋到清佳玉宇虛共識

宸衷勤茂育

幾閒還自凜咨予

恭和

御製遙亭行宮晚坐元韻

觀保

吉行三日程紅橋帶

仙館筠檻到櫺櫺紅泉映清淺

至人心鏡澄

祕閣溫飈遣坐看夕曛移靜對餘霞展

覽風軫休助秋彌勤邦典

恭和

御製南天門攬勝軒作元韻

錢維城

去天尺五豁鴻達勝槩當軒一覽披初日高涵晴漢影曉烟低渲遠
山姿頰來碧落經行處快是青雲得附時呼吸可通閭闔近山頭
旌旆見如茲

前題

邊繼祖

天門一線闢雲達攬勝

臨觀曉霧披樓堞萬千環遠勢岡巒七二聳雄姿

山自太行來凡七十二坳蜿蜒二千

里

盛朝聲教通南朔邊歲安恬應歲時自是德城同覆載八荒我闡信

今茲

恭和

御製出古北口原韻

于敏中

嚴關洞敞

蹕郵遵塞外猶然旬服民笑彼長城紛繕築孰為魏趙孰燕秦

秦築長城

史稱其因邊山險壘可繕者繕之而魏惠王趙武靈王燕昭王亦皆有築長城事

節臨處暑露微涼是日為處暑前一日禾黍鋪榮近拂裳萬騎騰驤環擁衛共

瞻良吉

御飛黃

良吉黃所御名馬也

上

雲開留幹度遙蹊藩部迎

變鞠騰齊比似雁臣孚

德信何人不奉大車輓

恭和

御製駐喀喇河屯元韻

于敏中

當時元魏建方城舊跡淆訛辨始明

舊時以喀喇河屯等為白檀諸縣地今遵旨較輯熱河志

乃知長城以外實漢晉郡縣所不及惟北魏始於建安州治方城縣益信此說之誤萬姓板升成土著百年沃

壤變刀耕灤河東繞

宮牆碧葦峪西來

輦路晴向晚灑塵微雨過鳴鳩不用載前旌

恭和

御製題宜昭齋元韻

莊存與

高齋妙得新秋景為喜秋光戶向西夕霽林含疎潤致晚涼山畫淡

閒題巧當簾額餘霞綺卻上簷牙新月低

御筆捧來冰雪句

清詞應共玉壺攜

恭和

御製夜遊山月作歌元韻

于敏中

太古塞上太古月碧落秋光靜相寄霞標矗化須彌巔一鏡飛凌大
輪四

乘驄迎月緣丹梯超出尋常泛湖例負哉溪數登虬龍何有東坡務
赤壁玉清七寶光映鞍

俯視壺鴻朗厓際蟾蜍爬沙亦吐輝桂華宵窅本無翳

雲螭直躡最上層

返轡環洲指如意還語纖阿策颺騎碾向天心景全萃

恭和

御製濬溪元韻

錢維城

苑溪漲急雨雨過流不奮疏之利用鍤澇爾去其填新淤既漸通前
源乃徐進出山濁復清繞岸曲而迅舟豈泛堂坳橋寧滓泥印晝夜
活活來不猛亦不愜

聖人利濟仁視此亦川濬

恭和

御製出古北口元韻

劉星煒

雙旌獵獵度重門夾道周廬拱塞垣跪受白金文綺
賚虎毛壯士最銜

恩

古北口北衣虎文
衣者尤稱健銳

山農也效夕葵情染彩爲臺一簣成萬歲舞來

天亦笑呼龍乞與六時晴

仄徑迢迢方軌過謾言盤馬似旋螺偏槍嶺上堆濃綠留爲金源訂

語訛

名藩膜拜鷹官日

蒙古王公于是日迎駕

裨販腰纏服賈時

古北口不征

底事郵

都矜守險屬車載筆有奚斯

恭和

御製千尺雪元韻

李中簡

知是銀河第幾灣架巖疊瀑弄潺湲分明一段寒山色風雨飛來碧

落間

匯作平流遠派長前溪添得芰荷香六花不散青峰頂自送

桐軒碾玉涼

恭和

御題宜照齋元韻

申甫

天半霞標似赤城捲簾疎快暢

皇情靜無不照能涵動雨亦殊佳豈但晴遠岫列窗多畫意飛泉漱

石作琴聲

智仁山水原相契

勝賞千秋有定評

前題

李中簡

山如屏障樹如城
昕夕徘徊愜

聖情香逗嫩黃巖
桂午影翻涼碧井
梧晴緣階苔蘚無塵跡
隔屋笙簧有澗聲
一自嘉名署宜照清光
高下入

吟評

恭和

御製秀起堂元韻

于敏中

仙莊宜畫復宜居
西峪

登臨盡攬諸四面
屏圍皆罨翠中天

堂冠欲凌虛雲蒸樹角
看成采秋澹峰眉許列
疏應有山靈喜相語

未游先得慰僊予

每年今年初

駐蹕數日後方至秀起
莅山莊即至其處

前題

申甫

層巒秀起對山居

寶翰垂光義取諸邱壑遠多藏曲折雲烟高不礙空虛山坳樹色千
章靜嶺背泉聲一脈疏敬仰

宸襟通造化茂時育物總關予

恭和

御製木蘭行圍自熱河啓蹕元韻

奉寬

宿霧齊收放曉晴高秋講武紀初程山河影裏囊韃隊禾黍香中土
女情雁齒橋平虹乍偃龍鱗樹古鬣方生最欣挾纊羅藩騎早有期
門獻獸迎

恭和

御製入崖口元韻

劉統勳

崖外穀登場崖中雉網張霜留千樹白日轉萬峰黃驅任前禽去蹄
寧得免忘明朝傳

大獵宛馬試騰驤

恭和

御製儀鎗行元韻

莊行與

傳聞搏虎掣虎騎卞莊巧以兩虎刺匹婦奮拳不顧身戾蟲磨牙竟
潛避

國家教士必使能奎踞令手鎗自衛一二超足殿其曹虎鎗抽作儀
鎗備韜鋒詎若錐處囊乃如麟有角不試循名責實多所慙不愆于
儀便榮賜

聖人辨職爰作歌更考古文詳指事

前題

申甫

練影如飛馳突騎捋虎之鬚工擊刺空林黃葉響秋風白額踈踈遠

相避

六龍整馭法乾行七萃如雲盛儀衛其中亦有虎鎗人白挺長矛器
良備彼知奔走效前驅較藝真難一一試

奎章敬誦儀鎗行轉幸流傳拜

榮賜官厨飽啖聚儔侶變色驚談刺虎事

恭和

御製關外元韻

奉寬

雨後山晴分外佳
蔭程柳碧望中皆
此來寶檣茨梁密
行見茅檐比
櫛排蝶翅輕翻三
逕草豆花碎點半
扉柴潦餘不礙西
成好極目田

原慰

聖懷

恭和

御製秀起堂元韻

金甡

懸圃瓊臺信有諸倚天拔地復誰如

高居特起絳霄上秀色還分碧落餘祇覺星垣羅象緯何殊月府傍
清虛

仙毫拈出嬋嬾秘想像人間未見書

前題

申甫

秋澄似水映方諸秀起堂前益湛如即論此間應第一儘多佳處是
其餘嵐光潑翠涵清景山勢凌空逗碧虛更與編年垂
聖藻五雲深護

御屏書

恭和

御製玉岑精舍元韻

金甡

精廬不厭入山深森竦瑤簪仰百尋關送岫雲兼吐納靜聆谷鳥學
謳吟逍遙自足娛真性冲穆偏宜養道心鐫刻永垂

天藻麗玉峰晴色煥苔岑

恭和

程景伊

御製題桃榔木孟元韻

摩挲舊物歷年存敬仰

先朝樸素敦塞外園亭傳守器海南風月想蟠根
劇由巧匠疑山骨
挹向清溪識水源就裏會心含至道

神孫觸處感

鴻恩

金銜

前題

南邦底貢厥名存彝器常陳古所敦斑駁紛呈疑
鏹甲輪困旁出似
蟠根模成本寓方圓象酌取還分涇渭源

銘重盤盂揚

祖訓獻琛薄海總懷恩

前題

申甫

孔甲銘惟字體存

山莊舊物古風敦覆孟安益懷

前列剝木成還念本根園外梅花吟臥樹亭邊月色近靈源摩挲質

理堅如鐵多少

栽培造就恩

恭和

御製即事元韻

申甫

藕汀蘭圃愜

清娛四面山疑碧玉郭拳足偶看林際鶴梳翎時見水中鳧泉因雨

後如珠濺花到秋來似錦鋪動靜總應徵

樂壽

宸懷契亦在茲乎

恭和

御製賦得片雲舒卷元韻

國柱

舒卷無心岫影東片雲高並翠螺崇早看普蔭寰瀛裏時復騰輝礪
壑中共仰

璇題紅日映漫誇舊詠絳紗籠晴空寥泚秋容淡浩浩天懷孰許同

恭和

御製熱河啓蹕幸木蘭行圍之作

申甫

嶺雲極北接興安邊塞雄逾古賀蘭蒐典正乘秋氣肅林霏微逗曉
光寒梯航遠至

皇風暢禾黍初登野望寬計日
鳴梢入崖口翠巖千尺畫中觀

恭和

御製口外元韻

賁光鼎

古北雄關外千山應接多峰迴常礙日路轉每循河

省歲籌陽雨連雲見麥禾好風資長養輕拂

翠旗過

前題

國柱

近塞居人聚黃雲入望多孽沙閒作隴引水自成河綠潤千章木青

分夾嶺禾西成今歲好

帝蹕喜經過

恭和

御製塞湖載月之作元韻

申甫

至人心若鏡隨地得清景矧茲塞上湖不知幾千頃濺濺

聖澤涵洋洋天趣領少焉明月出桂輪掛松嶺水光與月光罔非真

實境輕舟載月行水中見舟影但覺水與月湛然同一靜

宸懷於此豁道妙相與永遙夜岸風涼玉衡低素練

前題

寶光鼎

塞山斂夕霏

涼館延浩景明湖碧無烟澹澹餘百頃具舟倚南磯目遊心已領維
時月幾望皓然上岑嶺

蘭漿邀素輝沿泛足佳境汗漫琉璃界浮動山河影棹移輪猶遲纜
結練逾靜

睿思寄廣寒雲漢相與永觀海欲溯瀾汲深愧短綆

恭和

御製熱河初建城隍廟元韻

申甫

棟宇新崇

勅保庸神通明德本無壅赤烏久紀專祠建紫塞今欣廟食供八蜡
報功稽祀典五章錫命著褒封興桓民物憑呵護嶽瀆精英助協恭
禮接人天諸佛近熱河新建普陀宗乘廟職分彰瘡有司從兩廡列善惡二司捍災禦

患威靈遠

省歲觀成盛事逢熙皞益徵安土俗盈寧永與庇耕農貞珉弈弈

奎文炳

寶翰欽瞻墨妙崇

恭和

御製詠荷元韻

嵇璜

浦荷有意迎

清蹕較比常年及早開新沐

毫端珠露潤陋他凡卉盡輿臺

未離色相已離塵華頂移來銀漢濱欣侍

玉皇香案側定知太乙是仙人

前題

蔣元益

田田正屆蕤賓節如意洲邊作意開最是碧虛澄遠翠波心紅影上

重臺

麗色曉明霞綺外清姿夕寫鏡湖濱花猶解識摘華早何況深露

湛露人

恭和

御製恭詠

皇祖鹿角椅元韻

申甫

星角雙撐取用全深山不記養茸年切磋敬仰

成勞著位置常瞻

祖德綿玉樹倒垂含潤澤

蓮臺高湧並清妍

行宮法物同

豐鎬尙象因材本自然

恭和

御製遊獅子園憶舊元韻

嵇璜

獅子園舊傍塞園陪萬丈榮光勝境開庭際
穉松今合抱道旁耆老昔
童孩有那最憶

前規遠無逸長遵

家法來望裏青峰羅佛髻頻經宿雨淨炎埃

恭和

御製過九松山元韻

梁國治

松勢迴翔萬壑低青田黃鶴渺難稽
即看黛色縈丹嶂遂有濤聲卷
碧溪近塞雲封依咫尺下山苔徑乍東西
九株指點知焉是路轉林
深入望齊

恭和

御製永佑寺瞻禮元韻

梁國治

孫謀續

武協時行瞻就年年此

展誠四塞河山維

禹蹟

九重堂構白

天成秋田載旆依

前典

神御垂衣感

聖情扈特歸從二萬里共球來賀樂昇平

恭和

御製題秀起堂元韻

梁國治

堂開西峪接雲高
崦靄還宜萬景縈
天外綺霞銜日末
雲端烟樹點秋毫
晴臯欲下千年鶴
松籟微聞萬頃濤
秀色欲名難比似
四山空翠影周遭

恭和

御製永安莽喀元韻

于敏中

場選榆林迤右邊

大營有榆樹處也圍場在蘇台蒙古語謂

白沙紅樹景

天然

寶騮到處頻呼雋

連中四鹿乘寶吉騮呼射

華褶

頒來儼序賢

是日蒙古王公有於御前射鹿者蒙賜黃褶二人花翎四人以旌其能

圍准十三初

發軔

今歲自永安莽喀至塔里雅圖凡十三圍場

騎掄千二各彎弦擇肥馳進

慈寧饌

前侍衛馳進上以親射鹿

皇太后

續武承

歡例萬年

前題

梁國治

涼風白露翠微邊沙苑重岡尙宛然塞上選徒因習武園中數獲即

觀賢名藩一一欣隨轡

御箭雙雙看應弦此日

晨鮮飛騎進

萬年長奉似

初年

欽定熱河志卷一百十四

欽定熱河志卷一百十四

欽定熱河志卷一百十五

藝文九

本朝

詩

恭和

御製種槐元韻

申甫

皇仁周庶物草木念榮悴拱把帶雨移規此數弓地植根

課必深布葉看漸穢古槐自疎冷新綠宛深翠龍爪翼秋陰兔目展
春季欣欣方向榮已作十圍計詎同樗櫟材拳曲祇滋愧

恭和

御製出古北口元韻

嵩貴

長城趨古北設險自何人蘇季始謀趙賈生終過秦彎弓徒有戒飯
馬笑餘辛

今日重關關占風萬國親

省方勤

聖主扈

蹕樂藩臣望

幸頻沾

澤觀

光利用賓選徒循令典法

祖舉時巡歲歲懷柔意長敷紫塞春

前題

申甫

雙崖雄北口戍守憶前人設險空占易防邊祇效秦閉關情隔絕築

怨事酸辛

聖代金甌固

山莊

玉趾親往來如戶闥中外悉王臣從獵馳千騎每年木蘭行圍例用蒙古兵一千二百人

呼嵩列九賓恭逢王公皆隨班行慶賀禮古邊氓安力作父老望

時巡廢堞連雲處巖花歲歲春

恭和

御製味甘書屋元韻

申甫

結屋傍幽巖泉源在其左

幾餘偶靜憩宛如天上坐開牕雲忽生拂檻風自妥芸編霏古香松

濤試活火餘味喜曲包微甘殊諫果陸羽曾著經陶潛還讀我書味

與茶甘悠然相

印可

恭和

御製趣亭元韻

錢載

聚書藏書得佳趣趣以名亭閣邊峙其西則山東則臺碧樹扶疎石

嶷嶷峰陰轉壑壑隨澗澗響落池池益泚收將大段天一范兼取小
齋京口米亭中書趣勝琴趣有弦何必無弦矣
聖心妙趣與人同讀書之世胥樂此

恭和

御製曉行元韻

申甫

求衣昧旦語寧誣

聖主勤民益信夫夜雨灑林朝恰止遠烟當路近看無瞻

雲衆已駢肩集除道人忘兩足塗似聽茅檐喜相告三分額賦又蠲

吾

恭和

御製出古北口元韻

申甫

我

朝一統連中外耕鑿邊氓樂利貽但以雄關存舊蹟每看廢堞動遐

思卽論勝國何能守說到秦人更可嗤畢竟成城須衆志

皇圖鞏固在于斯

恭和

御製口外元韻

申甫

出關風景最清佳畫嶂分明處處皆樹色潤含前夕雨草痕青接去
年荑河通一水煩頻渡雲放千峰未盡埋多少山田列方罫

玉鞭遙指暢

吟懷

恭和

御製雨中至喀喇河屯元韻

申甫

如絲密密灑

龍旌已近

仙莊但一程地喜有山兼有水到來宜雨亦宜晴烏城舊址平崗遶

別墅新題

健筆橫詰旦

仁風披曉霧泥乾祇候

屬車行

恭和

御製至避暑山莊即事得句元韻

梁國治

每到雲莊詠礪阿

堯年因憶

翠華過深山無暑今猶昔一雨成秋信不訛夾路松聲清引鶴凌雲
石徑黛旋螺花宮咫尺真如境香氣三天聽貝多

恭和

御製經畬書屋元韻

梁國治

積書連屋倚嶙峋蓄穫雖勞亦勝因共仰經畬輝

寶額難從藜閣逮

文津雨耕好擬三餘賞風詠先慚一字貧

聖德裁成均教養力田還憫未逢人

恭和

御製遊獅子園元韻

申甫

獅峰綿互衆峰遙

法駕遄臨戒詰朝萬壑松濤烟靄動一池荷氣水痕消只今

翠葆停芳樹依舊青山對綺寮

毓德冲齡懷往事書聲隱隱徹涼宵

恭和

御製遊文園獅子林元韻

劉墉

入園風景各方隅物色分排畫幘鋪帶以雲烟離可合涵來秋月一
能殊蓬山未到知應似倪叟如逢歎不圖佳勝曾聞兼曠奧試看疎

豁又迴迂

恭和

御製文園六詠元韻

劉墉

房

結茅吳下景歸黃畫展倪迂卻鎮常以瓦爲之雖小異依然簡遠稱

山房

山

山中巖壑更爲山山骨清如玉鍊顏疊石天機原似畫也應盤礴出

安閒

水

印月清涼浴日紅總涵

性海一漚中請言塞北江南異轉物能令異者同

松

千齡擬待風霜古五粒先資雨露新品物繁昌知
帝力試從黛色驗松身

魚

達士知魚在濠上放言觀化翼垂雲
聖心育物非齊物觸境殷懷皞皞羣

蟬

含簧如管趁風齊響過行雲繞檻低林靜詎同暄沼開日長聽徹景
移圭

前題

申甫

房

瓦屋鱗鱗晚照黃茅檐竹戶宛如常塞垣亦有江南景縮地寧須費
長房

山

黛色濃堆面面山更煩巧匠琢山顏不知疊石高多少已有白雲相伴閒

水

浦面餘霞縷縷紅山光盡入水光中吳門一片春波綠

聖澤深涵遠近同

松

雪中未試蒼鱗古雨後先抽翠鬣新他日文園增氣色高松只是稚

松身

魚

吹波唼唼還成綺噓氣紛紛欲作雲在藻依蒲魚自樂勝他鷗鷺一

羣羣

蟬

高樹鳴蟬遠綠齊殘聲曳過別枝低詩情愛向園中領聽到林梢月

半圭

恭和

御製題秀起堂元韻

申甫

仙莊雲物競呈姿

睿賞欣知此更奇四面峰巒開秀起九天珠玉仰

文思香生蕙砌風過處涼入松牕雨歇時嵐翠滿簾濃著色畫圖如

對馬和之

前題

百齡

西峪烟林擁翠姿書堂突兀更呈奇牕中遠岫含晴態檻外仙葩發藻思境到最高全滌暑雨能延爽恰知時天然福地成圖畫不用丹青顧愷之

恭和

御製懷柔道中作元韻

和珅

季夏欣陪

輦當春想傳郵

今春奉使滇南不礎扈從

京華離未遠井田望盈眸禾黍連阡茂

恩波到處浮祝

釐佛且至不僅遠人柔

前題

董誥

雨後移

仙仗松牌曉記郵風光涼動袂山翠澹盈眸膏浥鱗原潤雲依雉堞

浮塵清欣灑道信已百神柔

前題

杜玉林

蹕路平於掌迎

鑾接遠郵晨光開一色霽景豁雙眸野闊青疇潤山圍暖黛浮飄緲

瞻彩仗柳外曉風柔

前題

國柱

夜雨朝暉靜塵清

蹕路郵曉風涼入袂斜月淡迎眸峪口炊烟出城隅
穉影浮檀州今近邑名尙襲懷柔

恭和

御製出古北口元韻

和 珅

幾年修築幾年隕不見長城見嶺嵬奉使蒙恬工力拙過秦賈傅論
言該當時北客難遊牧今日南人自往來外薄垓埏聲教訖兩階干
羽舞全恢

前題

董 誥

歷歷雄陴半峙隕蠟螭左折入雲嵬會歸有極經環合中外爲家
德化該烟樹迴連青嶂護香盤爭迓

翠華來

鑾迴更見祥輪擁擎跪關民慶益恢

前題

阿肅

河衝一任岸沙隤設險何須恃磊嵬 先是潮河入邊之處屢築屢圮詔以中外一家無煩設險

遼闕之以受河流 紫塞東西皆內屬黃圖中外久全該

雲車仙仗凌霄度雪積名王就日來親見諸藩迎道左方知

聖主德恢恢

前題

國柱

巖城雉堞未全隤嶸嶮連雲入望嵬險詎足憑前事鑒德原為本

聖謨該人烟輻輳千屯集山勢奔趨萬馬來邁古輿圖光史牒如天

道範仰恢恢

恭和

御製至避暑山莊駐蹕即事一律元韻

和珅

迎

變紫氣自來東更見

仙莊瑞靄籠錦繡旌旗千嶂裏簫韶樂舞兩階同後先奔走看藩翰
左右趨踰識辟公自愧才疎無寸補賡颺祝

嘏切愚衷

前題

梁國治

山莊佳氣遠升東

麗正門開曙色籠無暑清涼長晝靜

如天福壽大年同來瞻佛宇三千界好聽松濤十八公歲奉

宸遊賡樂愷每咨陽雨繫

淵衷

恭和

御製永佑寺瞻禮元韻

和 坤

廟貌莊嚴尊

永佑年年瞻拜

聖躬來緬懷

功德惟高矣敬誦

宸章實大哉不匱孝同錫類永

至誠禮並

配天陪

聖躬至誠展謁與郊壇誠敬相同

遠過虞舜七旬慕詩似周南樂不哀

前題

阿肅

肅穆

龍顏金地迴逶迤

鳳輦

翠華來

孝

慈克繼無憂者

啓佑常昭不顯哉縹緲香雲諸相具繽紛花雨萬靈陪瓊璫風鐸聞

天樂消盡前朝畫角哀

前題

國柱

珠宮璀璨依丹地展謁年年

御蹕來塔湧九天真壯矣疆恢萬里益欽哉會逢迦葉聽經至合有

仙靈奉

輦陪山水清音結林籟竹豪難擬況絲哀

恭和

和珅

御製學古堂口號元韻

潤屋兼能德潤身存神過化見修純如斯

聖學猶師古惟日孳孳是至人

前題

董誥

君師道備本諸身孔思周情典學純已仰

從心不踰矩依然日就月將人

恭和

御製溥仁寺元韻

和 坤

佛教西方聖教東吾

皇允執位方中錫名顯寓能仁意兩字

心傳守一通治世有功同度世不空妙諦是真空皈依共祝無疆

壽慶洽人天極樂衷

前題

阿 肅

天西象教徧天東妙蘊昭然

御榜中周溥由於無我相能仁是曰大神通禪燈慧日輝諸界定水

慈雲翼遠空佛願衆生儒利達從茲

聖製折其衷

前題

嵩 貴

曉日初升翠岫東莊嚴紺宇法雲中風清貝葉參三昧露淨曇花印

六通博愛爲仁功自溥真如有諦法非空喬皇

天藻輝千禩駐

蹕旃檀企

帝衷

恭和

御製札什倫布廟落成紀事元韻

和 坤

四海須歸

帝載彌感來佛子祝

皇釐七旬

壽洽諸天慶萬里誠昭百度熙殿聳寶光懸法象山橫瑞靄列祥枝
初秋便見伽藍體海會緣因妙喜爲

前題

周 煌

華祝嵩呼六合彌人天今此祝

鴻釐梅檀似海羣靈集日月如燈

聖學熙曇鉢花迎諸佛面貝林秋換萬年枝箕疇五福先徵壽建極
由知

帝自爲

恭和

御製布達拉廟瞻禮用去歲韻元韻

稽璜

觀稼因之臨梵界風旛動處集鴻賓共欣法侶都迎

佛那識

宸衷卻爲人初地香隨

仙仗聚諸天花映嶺雲杉神僧遠越流沙至

拈示禪宗

得句頻

前題

董誥

禪宮演教規三竺

王會陳圖達九賓金粟香中開

慶節青蓮華上擁天人風傳貝葉三乘闡霞映旛幢五色彬多稼如雲呈

輦路農歌衢祝聽頻頻

前題

國柱

金地莊嚴成法界梵天歡喜集鴻賓分班瞻禮來殊域重譯梯航識聖人音振海潮凝唄誦花敷法雨現璘彬

兩碑宗旨元歸一福德宗乘

著句頻

恭和

御製閱稼元韻

嵒璜

最喜興桓八月中萬陸佳色愜

皇衷即看秋好禾都茂不異春深麥早芄下澤雨多還有備高田風
緊慶常豐欣於所遇揮

天藻已覺真香到桂叢

前題

梁國治

高下平疇極望中

山莊穡事愜

宸衷晚黃隴漾雲紋活曉碧陸涵露氣芄節屆仲秋逢

省斂農從十雨恰占豐腰鎌便聽康年頌簫鼓喧闐里社叢

恭和

御製八月十三日於避暑山莊行七旬慶典即事成什元韻

嵒璜

七旬慶典萬年仍百代前王總跨陵厚福都緣

天德致

淵衷還鑒往朝懲殊方共祝中天

聖我

佛能來異域僧

壽寓祥開王會集

山莊盛事繪難勝

前題

梁國治

寶祚延洪

帝眷仍仙言十萬遍迦陵矩存自有

心傳絜

堂構如聞

祖訓懲

山莊新構
記闡揚要旨

戒得堂恭讀
仰見

精一心傳

人擬慶霄賡復旦佛云

曼壽過阿僧

古稀福德光前載作頌南山愧未勝

欽定熱河志卷一百十六

藝文十

本朝

詩

恭和

御製幸避暑山莊啓蹕之作元韻

嵇璜

新霽塵清七萃豪輕雲濃樹隱周遭喜年金德先徵穰閏月炎官未

許鑿

行健共瞻龍馭騁

頒恩又喜

鳳綸叨

吟鞭重指蠓螭塞望裏晴峰勢漸高

前題

和坤

曙光拂輦曉涼豪啓

蹕欣逢吉日遭車駕香輪迎旭過馬啣玉勒逐風鑿錦衣齊楚囊鞬
屬黃褶趨蹌扈從叨老稚盈途羣額手衆星環拱

北辰高

前題

梁國治

飛旆天閑選駿豪玉鞭影裏牽周遭烟臯雨潤三農憲餅餌風香百
室饗占白果徵前諺合騰黃行見歲

恩叨千官跽送清塵路馬跡雲中向北高

恭和

御製避暑山莊駐蹕即事得句元韻

嵇璜

香花層擁

羽旗前

殿閣含薰愜靜便上界清涼信無暑半空紛郁望非煙書成與志恢
三輔地奉

宸遊鞏萬年指點雲山說蓬島就中圖畫本天然

恭和

御製題戒得堂元韻

謝 墉

八紘都是

睿謨營丹艘欣從樸斲成

念切得人兼得歲

心傳惟一又惟精

堂懸

寶訓垂金鑑函貯

鴻章炳玉榮理氣

發明昭萬禩帝王學自異儒生

恭讀得與

估畢

御製

戒得

堂訓

以帝

王之

欽定熱可志

卷一百十六

藝文十

年豐俱不在所戒而戒在開疆拓
土洵爲萬古不刊之鴻論

前題

董誥

矩協從心自寡營葺堂申鑒聿觀成四言夙

契雲章煥

兩記新成寶翰精

澹泊同源松棟翼

清舒近暎竹苞榮不貪義蘊昭然揭

帝範原殊佔畢生

前題

孔毓文

館傍清舒意匠營

書堂結構閱年成無私共仰

宸居正有戒還欽

寶訓精月印

心淵千古鑑花開

睿藻四時榮

古稀天子超前聖

聖學原從

聖敬生

恭和

御製溥仁寺瞻禮作元韻

和 珅

寺因羣辟創

錫額見能仁頌祝

千齡永皈依萬國親祥雲梵宇現佛樹塞垣春終古無生滅真同極

樂民

前題

梁國治

至矣公能溥難名

聖輿

仁香花供自昔

雲日仰如親空界諸天近聲聞萬里春

堯風傳擊壤處處太和民

前題

杜玉林

創始昭

純嘏重熙仰

至仁繼承惟

祖烈瞻慕必

躬親億萬斯年慶三千大地春羣蕃長效順化宇盡

堯民

恭和

御製扎什倫布廟疊去歲韻元韻

和 坤

佛法無邊四部彌來從重譯肇鴻釐行因圓滿聊歸寂諦示宏深普
兆熙高弟尙留傳貝葉長松依舊挺香枝可知幻相皆空色過去還
同現在爲

前題

謝 壩

願力能將四大彌禪宗飛錫祝蕃釐歸依得仰

妙顏霽圓寂還留微笑熙樹坐恒思翻葉葉燈傳無盡照枝枝比丘

百八三千律

聖證無爲寓有爲

前題

馮應榴

宗風宣播大千彌丕曜禪燈祝

佛釐自識應身原不住偶來

壽世驗

重熙長開梵夾三車法先兆娑羅七葉枝

見娑羅樹製寫
御製寫識語

帝為羣生期普度憑將無礙證無為

超度 御製偈蓋普
佐我無為治

恭和

御製題煙雨樓二首元韻

杜玉林

名勝堪誇吳下景山莊構築彷彿勤空濛直似臨鴛水渺彌遙看浴
鷺羣樹簷八窗呈活畫雲垂列嶂聳奇文青蓮島是真瓊島引入薰

風菡萏芬

樓外煙波波上樓鳧鷖拍拍葦間投列湖南北供

憑眺淞水東西紀

豫遊耕織每關天下樂雨暘尙匿

聖人憂

熱河水稍多
念盼晴殊切旋即開霽

省方他日重經處風物嘉禾媿遜不

恭和

御製篋鞞用癸巳恭題

皇祖御用韞詩韻元韻

和 珅

廿連十九傳奇中

神射真堪絕古今想見和荊調
飲手不殊矍圃妙從心殫縱欣頌騶
虞什弄篋知同琬琰欽珍重

天題決拾句函封豈獨數華琳

前題

謝 壻

武功開國由來久

聖孝承家直到今

命中早殷

貽厥意珍藏彌切

優然心銘

恩彝器膚公奏昭

德遐方

手澤欽栝矢石怒輝

冊府萬年

法守炳華琳

前題

董誥

躬勤決拾垂謨遠

祖訓留貽聿愆今詎以韋弦呈炯鑑真如盤鼎契

精心三驅洞貫羣藩仰什襲函

題億載欽纘

武常懷無逸所珍緘奚啻護瑤琳

恭和

御製題錢陳羣和韻書冊再疊甲午詩韻元韻

嵇璜

田間賡拜閱居諸睠舊

深恩重賁書同直昔嘗推宿學

賜歸後更擅高譽品題泉石甘娛老宏獎風流愛起予尙記扁舟過
秀水談詩夜半雨聲疎

恭和

御製綠毯八韻元韻

嵇璜

平沙嫩綠敷葱蔚細毯鋪來

避暑莊彌望疑分三秀種叢生愛傍百花場鴨頭淺染按藍水螺髻
濃連峭碧岡雨織如絲方更密風裁似剪不教長柔毫倍勝鴛爲綺
暖席寧煩麝送芳好擬吉雲彩九景恰符朱草滿中堂行看白鹿扶
雕輦坐倚青山作隱囊敬誦

宸章昭儉德闢賓遠致詎稱良

前題

謝 堉

得意應從吉雲國多情絕勝午橋莊地靈織就莎蘿毯天巧鋪成町
疇場慶慶行時供飽食茸苒處遍層岡繡屏臚列輝高下瀑布飛

流界短長金碧畫圖相映帶
芴蒿雅詠共芬芳
華萃朱草嗤東漢
野火春風陋晚唐
煙靄恍籠青錦段
露痕疑溢彩絲囊

來遊小憩文茵展仙鹿扶

變當吉良

前題

圖敏

林巒地擅錘峰秀
圖畫天開王塞莊
乍喜碧蕪初被徑
恰疑翠巖已鋪場
繇英作陣連高塢
密剡成茵襯遠岡
繚繞平添雲錦麗
巖崿遙引綠絲長
鶴踪淺印留輕篆
燕蹴飛花雜衆芳
得氣豐茸滋上苑
乘時綠縟遍中唐
地衣似展移春檻
彩筆應歸拾翠囊
略仿堯階芡土意
甄瑜奚必羨工良

恭和

御製題秀起堂元韻

嵒璜

書堂攬秀據巖鬼
選勝眞宜避暑來
泉韻直從千澗落
山容頓覺一

時開

意超象表仝期集

興溢毫端甫白陪此是蓬壺最高處塵踪愧未列輿儻

前題

和 坤

堂名秀起勢嵬嵬萬壑千巖入座來澗落飛流知雨過牕延晴爽對
風開一庭松翠閒中賞四面雲巒靜裏陪薛印苔痕留鹿跡掃除無
事付園儻

前題

梁國治

堂臨西崦切雲嵬秀色眞從太古來山水清音

前句在畫圖生面隔年開松風迢遞千巖應石勢參差萬笏陪最好
秋天摹淡墨寫成仿作米家儻

前題

孔毓文

山堂上倚碧嵬嵬攬勝頻邀

御輦來雲構高臨丹壑啓日輪近碾翠煙開奇峰特立當軒拱茂樹
周遭入座陪到此應知闔闔迴三壺仙島亦輿儻

前題

圖
毓

峰崇西峪入雲嵬堂俯平林秀色來四面常時屏幃列十洲仙境畫
圖開高居祇有煙霞護上界惟應鸞鳳陪塞苑名山多
福地都教蓬闔作輿儻

恭和

御製幸避暑山莊啓蹕之作元韻

和
坤

古稀天子所無逸

時御欣瞻策馬行曉日瞳矓迎

彩仗薰風披拂發

神京田塍潤澤融冬雪刈穫登場曝近晴夾路農民齊額手

豫遊休助愜羣情

前題

謝壻

方澤

迴鑾昭

聖敬康衢策馬仰

乾行八荒而外皆吾闔三古以來孰與京

申儆官箴嚴舉錯

時吏治民上屢念東省依申嚴黜陟

軫懷農事課陰晴

時上以雨澤未透時

騰歡一路歌休助

郵治交孚

上下情

前題

董誥

豫遊每歲無非事吉戊初程

夙駕行

豐水百年開上塞薰風七頓指

灤京玉聽

親御觀民物繡句

殷懷諫兩晴忭慶不徒徵擊壤林巒亦有媚茲情

前題

戴衢亨

至日

方壇迴

法駕詰朝星駟肅

天行涼生巖壑宜

仙籟秀鬱川原溯上京

熱河爲金
上京地

麥穗香來喧老稚柳絲風起候陰

晴小臣幸預鷄翹末簪筆難忘鳧藻情

恭和

御製出古北口詠事元韻

梁國治

筦鑰

神京極望開興桓山翠撲鞍來一丸泥豈雄關恃六幕天教塞宇恢
野水縈紆環曲岸行人指點說荒臺
九重軫念惟民力壯築空勞可自哈

前題

戴衢亨

層闔高傍九霄開清曉遙傳

警蹕來上塞舊稱天險固重關今見

帝圖恢耕耨樂歲饒農壤煙雨前朝冷舊臺多事邊牆誇萬堞行人
駐馬蹶然哈

恭和

御製常山峪行宮三疊舊作韻元韻

和 坤

出關程按頓山館近巖前靈峪青林裏

離宮碧澗邊充庖萃鹿脯列鼎菜羹筵移

仗消長書拈詩度小年風來

行殿爽雨過塞峰妍明日河屯路

鑾輿趁曉肩

前題

梁國治

行殿常山峪周廬翠嶂前石梁郵記里土嶺界雄邊雲起生松牖風
薰韻藻筵卑宮欽

禹德

駐輦溯

堯年境寫三壺秀

篇題八景妍秋來

迴蹕路豐稷喜嶺肩

前題

嵩貴

路出千盤上浮嵐滿目前林巒高不極塞甸迴無邊羽葆停

清蹕

奎章煥

御筵尋幽仍八景

拈韻疊三年澗響空逾靜山光晚更妍莫言遊騁地

聖學念仔肩

恭和

御製山雨元韻

和 珣

時若甘霖恰值期雲生遠岫雨飄絲春苗已見登場富秋稼還欣出土滋老圃老農情得得引恬引養樂嘻嘻塞田高下都如此猶自勤劬勞來之

恭和

御製至喀喇河屯用前作韻元韻

汪永錫

河干仍際雨來期瑟瑟微涼又散絲傍砌已添蒼蘚潤捲簾彌愛碧峰滋

內閑馬過方超躍外服人來亦笑嘻更是一年安樂景

聖心長與衆同之

前題

戴衢亨

仙莊七日指前期小駐河屯歇雨絲地擅膏腴煙火轉天成烟特水

泉滋

豫遊夏諺迎

變幸笑語春臺擊壤嘻款塞名王齊拜舞

帝車遙過拊循之

恭和

御製至避暑山莊即事得句元韻

嵇璜

度嶺香花簇曉郵

山莊景物比

皇州百年禮樂聲明洽一郡官師府事修絃誦儒風斯盛矣方蓬勝

境有殊不

熙朝醞化孚中外

世德從來本作求

前題

嵩貴

七日程更報曉郵迎

變喜氣滿邊州市屢早見三條集禮樂新看四術修一豫一遊胥樂
只成都成邑足方不

皇衷更切持盈意富教殷勤事講求

前題

汪永錫

聖教覃敷速置郵絃歌化被古興州儒風正值殷繁啓士行原依樸
質修習禮明詩今若此掄材選俊昔曾不就瞻歲許親
雲日何事漸摩更別求

恭和

御製永佑寺瞻禮元韻

和 坤

輪奐仙莊

廟貌崇每先瞻禮致虔衷

續承

先烈恩繩

武繼述

前徽念集躬塔影高齊南北嶺鐸聲響引去來風

寺有舍利塔
高聳雲表

宏功至孝登仁壽拜頌

羲軒聖揆同

前題

梁國治

到此先瞻

廟貌崇洋洋如在凜

淵衷百年歌詠思

文祖萬國懷柔集

聖躬震旦光華惟

佛日時薰長養有

皇風梵天世界歸仁壽

功德從知示現同

恭和

御製寫心精舍元韻

嵇璜

聖心合

天心浩浩自抒寫存心以養諸從心不踰也要惟中和致詎使根塵
惹彌綸徧寰瀛栽培及拱把行其所無事而無非事者

指示底安瀾懷保心寧捨

恭和

和珅

御製煙雨樓對雨元韻

檻拂薰風靜籟鳴
雨中夏木翠如傾
冥濛望裏渾無跡
淅瀝聽來寂
有聲山色四圍青
似染波光一片潔
逾晶從知
睿藻標題後
遠勝江南舊擅名

前題

阿肅

萬樹涼颺槭槭鳴
荷珠碎灑聚還傾
牕紗虛映煙巒色
檐溜飛流雪
瀑聲潑墨濃雲橫
鬢鬢鎔銀平
水漾光晶鴛湖好景移
仙苑自荷

宸章倍擅名

前題

杜玉林

遠和泉紳瀉澗鳴
近翻荷蓋作珠傾
全消暑氣延風景
漸點秋空識
樹聲禾黍芄時添
滲漉松篁洗後益
光晶塞山煙雨供
宸豫坐覺灑湖浪得名

前題

嵩貴

灑灑奔流繞砌鳴迷濛咫尺雨如傾劈將幾縷飛梭影迸作千行漱
玉聲列檻螺分巒湧翠侵簾穀淨沼含晶

宸懷恰喜層軒賞不數鴛湖舊擅名

恭和

御製溥仁寺瞻禮元韻

阿肅

紺園羽衛肅鉤陳金地規模煥一新

堂構今看基

克紹升恒舊記

福長申拓開蓮界真香滿養到松鱗古色皴白髮耆民迎

翠輦齊歌

世德頌能仁

恭和

御製題文津閣元韻

和 珣

全書四庫

御披成不是文章藉墨卿塞上瑤函聊有待

宮中首部早依程

今春首部告成先陳設文淵閣其餘文淵淵

溯源津斯再後史經子集各分羸戍申閱歲期非遠

仙館行看庀架盈

前題

謝墉

經筵成禮慶書成喜宴恭叨廁墨卿

仲春講書禮成與宴恭和聖製命

餌筆熙春遊

冊府屬車清夏扈

雲程佇瞻

幾暇三庚愜還比珍藏二酉羸歲歲

來遊得津逮萬篇

奎藻玉函盈

恭和

御製荷二首元韻

和 紳

清靜偏宜靜裏觀
紅粧點綴碧溪灘
薰風譜入虞絃調
十里荷香在筆端

塞湖蕩漾芰荷風
蓮葉田田翠間紅
綠水一堤新漲滿
好山分占岸

西東

前題

謝 壩

清靜妙明如是觀
早供

宸賞發湖灘
亦仙亦佛亦君子
三教何曾有異端

亭亭獨立裊薰風
隔斷塵凡萬輦紅

靈沼靜看魚躍處
戲南戲北戲西東

前題

董 誥

亭亭不異液池觀
玉井分來映碧灘
月白風清塵不到
淨因先得證

毫端

掩冉青芬引塞風水晶鉢裏曙雲紅

作歌好譜江南曲戲看噉嚼西復東

前題

錢載

物理天時入

靜觀扶藁五月已盈灘人煙轉處風先暖旋轉真關氣候端恭釋御注

往年熱河荷花於六月始開今五月下旬已放向嘗為氣候詩有或
者人煙轉以致默轉旋之句即此亦見一端誠以駕幸山
莊順時興務熱河近歲民物蕃昌暖律先吹逆見于
荷花之早發地氣所轉天氣應之理有必然者矣

柳煙蒲雨更蘋風冉冉亭亭白間紅畫出六橋山正曉裏湖西隔裏

湖東

前題

戴衢亨

蓬萊佳處愜

登觀五月荷花發蓼灘水閣清涼天一碧忽看

仙藻下雲端

色是漪漣香是風田田斜接畫橋紅藕船十丈仙人種淨植分來

太液東

恭和

御製題所做倪瓚獅子林圖五疊前韻元韻

梁國治

古淡天然展

石渠墨池

臨做復

題書山形水勢都因彼繪意詩情亦起

予初地香幢參玉版片時吟漏轉金胥

幾閒五疊紆清賞選勝真兼曠奧如

恭和

御製遊獅子園元韻

梁國治

獅峰想像寶蓮居松牖依然

茂對餘示現緣同

三世佛紹聞衣凜

一人予楣懸榜字

天垂象輪近秋光月向諸玉磴錦淙瞻宛在如來法界證真如

前題

杜玉林

瑞啓

龍池興慶居我

皇遊豫萬幾餘高標

聖蹟瞻猶昔

永念新傳凜在

予景色關情重過此年華瞥眼未忘諸

祥雲深處開屏幃幸律獅峰畫不如

前題

戴衢亨

萬年松牖慶

那居獅嶺名園

締構餘

上壽古稀

恩溯昔

亶聰

天授德懷予岡鳴翹鳳曾來此池躍

飛龍孰擬諸最是林泉邀

眷顧塞山長頌日升如

恭和

御製晴碧亭憶舊元韻

山莊勝處九夏涼盤空晴翠澄流碧翼然亭子踞

嵒璜

山陰憶是當年

賜居宅貽謀篤慶切

堯心佳氣葱葱護層壁

歡承

溫語傍

仙舟卿雲瑞捧初升

日撫序俄看甲子周敬湖

恩慈如夙昔山翠依然萬疊橫松青不改四時質

古稀天子日孜孜與天同健誠無息濤聲謖謖韻

薰絃繩

武維殷兼述

德

前題

嵩貴

翼然亭時溪附隈萬壑松陰罨層碧棟牖疑從太古來巖阿夙擅神
仙宅雲霞舒卷圖畫開謬謬奔濤捲蒼壁此地當年仰

賜居松翠千春如一日山色寧論舊與新溪聲但覺今猶昔
九重付託萬年心此亭依約皆堪實即今

避暑莅山莊

幾暇游歌憩焉息

康強福履古云稀敬述

祖恩承一德

前題

戴衢亭

晴碧亭前萬壑松響徹晴霄舞空碧此松曾侍

軒皇來中有萬古之

仙宅宅傍巖洞含清幽一徑烟蘿上層壁溪流如練石如屏水色山
光似當日

古稀天子純慕心六十年來

恩溯昔昔時階下五粒松
樛枝盡作蒼龍質
松花松實自年年不數
征僑駐胎息願陳天保頌
如松萬載青青懷

舊德

恭和

御製題戒得堂元韻

和 坤

堂成作記復題詩去夏今秋閱歲時
顏額義明尼父訓發端別見武
公詞庭依翠磴嵐光擁砌繞清溪
細縠披得

位得

名並得

壽總因絲戒始兼之

恭和

御製觀瀑元韻

戴衢亨

瀑源搆亭子秀與諸峰殊垂紳象宛爾縱玉聲淵乎風泉迴宜眺雲
搆不可模目謀勝耳謀空色語非誣會心豈在遠靜觀有是夫蒙爲
德所育漸乃聖之謨

文津從此匯願以覘道符

恭和

御製題山近軒元韻

和 珅

巖軒清爽卻炎愁山近

璇題造化遊靜挹嵐光憑翠巘平分雨色借新秋都因地僻由
心曠幻作雲停與水流一度登臨一吟詠

聖情更厯普沾優

前題

梁國治

甘膏昨已慰農愁霽後涼軒奉

豫遊地迴近山宜避暑庭空得樹愛先秋濃涵雨氣烟嵐重影落湖

光翠黛流多少塞田邀渥澤片雲生處萬家優

前題

孔毓文

時雨能銷望雨愁名軒

幾暇暢來遊雲林繞壑清忘暑山翠當窗爽欲秋碧宇半銜斜照遠
青霄還見晚虹流陰晴往往關

宸念載頌

恩膏到處優

恭和

御製古松書屋作歌元韻

和 紳

岩阿閱歷不計年鎮古塞山秦漢前

書屋之傍如偃蓋八千靈椿差比肩歲寒不改後雕操凌霜傲雪節
錯而根蟠特立自鮮蔦蘿緣結楹恰在巖石間青青鬱鬱庭前與檐
際更有文禽馴鹿終日相迴旋欲撫古松問其春秋凡幾度太古以

來十八公號傳

書屋結隣仍倩山靈呵護焉

前題

梁國治

松柏之壽不記年此松毋乃羲皇前築室方丈隔塵境啓戶欲拍洪崖肩

山莊福地氣深厚其上石挺下有蛟虬蟠蒼髯一叟來何緣白鹿黃鶴遊其間山中甲子問以幾歲月去來萬里羲娥雲霧交縈旋曾聞大椿之壽春秋八千歲生物不測難以名言傳

古稀天子無量於此古松何有焉

前題

嵩 貴

古松柯葉閱歲年靈根秀鬱高峰前倚天拔地一千尺下視雲壑相差肩書屋

仙莊擅幽篁蒼苔一徑屈曲爭縈蟠樛枝不受鳶蘿緣宿雲盡日依

其間黃山白嶽突兀現眼底時有千年老鶴振響凌風旋偃佮之倫
餐英服實不足敷又如名材老向巖阿傳

顏曰古松書屋兩美相得益彰焉

前題

戴衢亨

山如太古日似年書屋迥出層峰前亭亭松樹儼華蓋羞與凡木同
比肩畢宏韋偃畫不得白晝疑有風雨蒼虬蟠仙之人兮空萬緣谷
神往往棲其間下有千年琥珀照幽澗上有枯藤百尺倒掛相迴旋
此松與屋不知孰賓孰爲主巖阿古幹幸遇
天筆傳屋之名也不朽松之際會豈偶焉

恭賀

御製偶見充韻

董誥

萬物並育天地心緣息岐行無棄委
聖人仁心覆載同物物總歸在宥裏山莊奎麀偃樹根麀母伎早奔

徙

宸矚偶及煦嫗周見生不忍見其死因

命遙護候母來果看砥乳弭雙耳於物天性固有然烝民夷秉尤懿

美胡笳感動駝哺駒御製詠駝詩有胡笳奏其旁哀腔雌雄跳

蕭鶴領子御製鶴領子詩有透殼宛成形淋滲

聖製體物教孝慈伏讀油然心生矣又如行圍放鹿御製巴

台放鹿詩有開圍放大半恣其毆深山之句

好生德洽有如是獸長麋麋斯一端吁嗟騶虞葭苗彼何況

仁民保赤萬倍此

恭和

御製霞標弗待月元韻

霞標弗

董誥

待月跋馬則依然年年木蘭

御弧矢龍驤馳驟相迴旋

聖人寓意不留意待與不待此意胥同焉霞標弗待月虛白光生祥
止止大千世界圓明中萬川一印非虛語金波穆穆鍾峰升寶幢華
鬘雲呈喜

天心無待無弗待智珠朗照無窮矣光明鏡淨纖翳空問之望舒應

識此旨耳

恭和

御製批摺元韻

和 坤

封章必

親披乙夜勤政要四十餘年來

古稀邁益劭眷茲農務時

厯念司民告時若見休徵盛夏不致澇有司視殿最黜陟示陞調

仙莊避暑居每禱甘霖膏休助在

豫遊豈是山水樂凌晨運

丹毫恩惠發郵報鑿井與耕田

帝力皆周到纖微無不遺遑云治本約所以召和甘雨集不愁渚

聖人止九過首慎視民傲

前題

戴衢亨

仙莊每歲來

躬覽萬幾要批決洞無遺

諮訪意彌劭爲厘農畝私每佇驛章告綢繆課早遲瑣屑占晴澇最
茲清慎勤軫彼租庸調今年三輔區陰雨芄苗膏懸知塞北豐更說
江南樂齊州沃野滋豫壤甘霖報秦隴燕代間屈指秋成到休哉播
嘉祥所貴登儉約時清鮮訟爭人和欣普淖似聞擊壤民鼓腹羲皇
傲

恭和

御製蒙古田元韻

嵒璜

大漠逐水草擇善處斯去地氣本難齊不耕何以穫內外扎薩克久
矣備藩牧羣領與谷量蕃滋是所務稌蕎雖耐寒霜早亦可慮中外
今一家風尙已非故耕鑿習而安雨暘籌以豫板升得攸居花當又
何懼或專學農圃分地嫻力作或仍習射生獷野性已除撥茶兼屯
穀萬里安且固前代三衛人擁強恃殷庶茲同編戶者頗識田間趣
我

皇舉秋蒐講武歲有素名王扈三驅

至意於是寓綏遠兼畏懷奚待象胥諭

前題

邊氓耕獵牧三者不可去蒙古寢忘舊乃惟力播穫叶昔時靠天收

猶不廢獵牧叶舍之恭去不復耕元及秋獲韻之蒙曰古靠舊天俗收種

國朝設用之從征在軍務農而不習武是宜善所慮洪惟

文皇朝大勳紀掌故蒙古實先服勅者使備豫今聞青海嬉嘗偏黑

帳懼黑帳房番人耕耰何不為獵牧何不作邇者青海好飲偷安番人不

天恩訓飭令莫忘舊俗厄魯特諸部獵牧豈其除給之暖地耕飽則遐情固如

村板升稠依山種落庶叶瓦屋曰拜姓明御注蒙古語土馴為邊外風

近同邊內趣

皇心願以籌邊部還其素射獵畜牧勤兵即農隙寓爾田報有秋舊

俗重

宣諭

恭和

御製上駟元韻

嵒璜

聖人盡物性至理通馭馬止須害者捐不患知者寡往年慶武成西

極歸宇下渥洼之所產歲貢其常也飛黃來服皂龍媒亦紛若但得

牧養方寧以奔蹏舍除葺則於春庇庠則於夏僕緣而拊之順時馬

弗訝

玉轡控自安金埒塵不惹傲儻權奇姿豈至汗盈把駿尾偶肅肅仍

既估閑且

皇心悅以豫薄言斯駟者良由愛護致亦本性馴雅習慣成自然勞

逸不可假格物在類情停鞭

得句寫

恭和

御製題鏡香亭元韻

梁國治

新亭戒得堂陰後水色花光月盪磨四面鏡波搖露檻一川香氣聚
風荷疎莖宛轉通鷗路密葉週遭陳翠窠盡日氤氳吹不散南薰添
入

御毫多

前題

戴衢亨

香到鏡中涵漱灑鏡宜香裏謝瑩麕炎消池館風生葛雨歇
山莊水放荷曲檻浮漪窺鷺浴飛檐倒影綴珠窠空明天上清涼界
自在真芬得已多

恭和

御製清舒山館書懷元韻

梁國治

承

天子萬民繼體鍾餘慶

題額凜

心傳惟

聖能知

聖於斯

深意存永言膺

寶命窈矣無形視穆矣無聲聽仰茲

義畫懸夙夜如提儆懿夫

德日新實惟

皇自敬問察逮芻蕘中外求利病求寧

觀厥成未釋

中心恟五字編

雲楣萬古乘金鏡

恭和

御製戴衢亨獲麇即賜之因成是什並令和韻元韻 戴衢亨

扈獵材難下乘充長楊賦手愧專攻獻生敢謂

天庖佐拜

賜兼傳

聖藻雄官笥應弦輸力薄詞林載筆荷

恩融攜歸喜倍期門侶一例

頒禽未許同

大正九年

卷一百一十

藝文十

三四

欽定熱河志卷一百十六

欽定熱河志卷一百十七

藝文十一

前代

表狀

龍城求代表

前燕慕容農

臣頃因征即鎮所統將士安逸積年青徐荆雍遺寇尙繁願時代還展竭微效生無餘力沒無餘恨臣之志也狀

賀依聖料赤山北無賊及突厥要重人死狀

唐張九齡

信安郡王禕承王忠副驚固

字疑有誤

牒云赤山有賊右先得前件疑云

九月三日奚探見賊無數前三日臣等面奉聖旨料此必安祿山所將之兵奚疑是賊便有此牒也臣等當初又奏突厥舉國大來微有輸失便去竊料此意恐有其謀陛下又云必應彼有要重人死所以即去今日幽州節度判官監察御史張曉至云今月十一日從幽州

發來赤山元自無賊奚所見者正是安祿山下兵馬又云契丹有蕃
落人走來云突厥之兵馬平章事第一人死所以狼狽即去在路每
日於帳衙前哭此並聖心懸照有如目擊臣等親奉睿算及此符同
萬里無差不勝驚喜無任踴躍之至仍望宣付史館

謹按後漢書鮮卑傳稱漁洋赤山烏桓知赤山在漁洋北界當
爲今古北口外地

賀奚契丹並自離貳廓清有期狀

唐張九齡

右適高力士宣示臣等張守珪奏契丹及奚並自離貳兼安祿山復
有殺獲賊數將盡觸緒猜攜邊鎮勒兵伺隙而動誅剪有日廓清可
期此皆天威遠臨逋寇自滅臣等不勝雀躍之至

賀誅奚寇可突于狀

唐張九齡

右高力士宣示張守珪所上逆賊契丹屈烈及可突于等首級此等
惡稔喪敗將及故天誘其衷旣降又貳而感恩之士惡其反覆背恩

之賊既已誅鋤幽障廊清華夷俱靜計其餘瞧永無動搖陛下邊任先擇聖謀獨斷克稟成命樹此戎功且知河朔無轉輸之勞林胡爲賦稅之地臣等忝在樞近預聞遠績捷書之至喜倍恒情謹狀賀以聞謹奏

駁宋慶禮諡議

唐張九齡

慶禮在人苦節爲國勞臣一行邊陲三十年所戶庭可樂彼獨安于傳遞稼穡惟艱又能實于軍廩莫不服勞辱之事而匪懈其心守貞堅之規而自盡其力有一于此人之所難況營州者鎮彼戎夷扼喉斷臂逆則制其死命順則爲其主人是稱樂都其來尙矣往緣趙翹作牧馭之非才自經隳廢便長寇孽故二十年間有事東鄙僵尸暴骨敗將覆軍蓋不可勝紀大明臨下聖謀獨斷恢祖宗之舊復大禹之迹以數千之役徒無甲兵之強衛指期遂往稟命而行於是量畚築執鼙鼓親總其役不愆所慮俾柳城爲金湯之險林胡生腹心之

疾蓋爲此也尋而罷海運收歲儲邊亭晏然河朔無擾與夫興師之費轉輸之勞較其優劣孰爲利害而云所亡萬計一何謬哉及契丹背誕之日俱我犄角之勢雖鼠穴自固而駒牧無侵蓋張星彼都繫賴之力也安有踐其迹以制其實貶其益以徇其虛探慮始之謗聲忘經遠之權利義非得所孰謂其可請以所議更下太常庶素行之迹可尋易名之典不墜者也

謹按唐營州都督府初治柳城扼制奚契丹武后時爲兩蕃所攻移治漁陽元宗時奚契丹款附欲復治柳城宋璟固爭不可獨慶禮以爲利乃詔爲使範城纔三旬畢九齡所言專指營州築城事故錄於此是篇曲江集未載今從舊唐書宋慶禮傳錄出所云張星彼都語不可解蓋張皇之譌因初議慶禮諡者爲太常博士張星本傳前後俱有張星字而誤也

爲榮陽公賀幽州破奚寇表

唐李商隱

臣某言臣等本道進奏官某狀報某月日幽州節度使張仲武奏破奚寇北部落及諸山奚除舊王匿即所管外殺戮首領丁壯老幼並殺獲牛羊焚燒車帳器械等計二十萬刺史以下面皮一百具耳二百隻奚車五百乘羊一萬口牛一千五百頭者天聲遠疊廟畧遐宣白虜獲於寧台赤夷俘於燕路臣某中賀臣竊窺舊史逖聽前朝有天子憂邊清宵輟寐將軍出塞白首言歸至乃或勝或奔一彼一此竟困塞郊之柝那停絕漠之烽猶欲敍列旗常告功祧廟用其暨勝謂曰難能沉幽朔巨都全燕重地荐臻奚寇擾亂邊人田讓之獲鮮卑莫能深入祭彤之軍遼水唯遣相攻近歲以來爲患滋甚是單于貞邏之路懷駒支漏泄之姦張仲武重感國恩習知邊事同三師而隸楚伴五餌以開戎乘其囂惰之時俄得剪除之便燕犀密掛冀馬潛羈超距投石者動過千羣戟手科頭者略遇萬計坎三鼓而河流自卻聲六呌而屋瓦皆飛自使鴟懼喪林兔忙迷穴無舟掬指有地

僵屍未驚紫陌之烏前軍已蹙不啻淮山之鶴後隊仍窮遂分袁尙
之頭顱仍裂蚩尤之肩髀穹廬落燼同甲揚灰山積車屯大收其車
乘角羸耳濕盡獲其牛羊柳水載澄桑河無事爰馳吉語入解皇威
此皆皇帝陛下功格上元運應下武授茲成算於彼當仁震肅九圍
歡呼萬國昔艱難云始邊塵首起於盧龍今開泰有期上將先清於
涿鹿人謀允若靈貺昭然固已上慶祖宗下光編策綠圖洪範競三
古之殊尤玉檢金泥有百神之靈祐臣雖當防遏不介邊陲空增氣
於懦夫實叨榮於下將一圍千里天蓋九重奉一月之捷書唯知抃
蹈獻萬年之壽酒尙隔班行念風水於遐藩置夢寐於宣室無任望
闕結戀之至

謹按徐樹穀李商隱文集箋以此爲會昌三年九月張仲武破
回鶻事考表中不著年月未見爲會昌二年九月明言奚北鄙
落及諸山奚不得云是回鶻即仲武傳稱後回鶻監獲奚契丹

者八百人亦不足以當此事此蓋大中元年春張仲武大破奚
衆事事在舊書回鶻傳樹穀未詳也又徐燭注柳水曰新書地
理志營州柳城縣西北接奚北接契丹柳水疑當在縣境而以
白狼水實之此未考漢書地理志柳城縣有參柳水今建昌縣
即塔子溝境小凌河也注桑河云水經注濕水東北流左會桑乾
水而以盧溝河實之此未考水經注於延水一名蒙桑河即今
正黃旗察哈爾境兆哈河也地理疎舛並附正之

書

上慕容軌書

前燕封裕

臣聞聖王之宰國也薄賦而藏於百姓分之以三等之田十一而稅
之寒者衣之饑者食之使家給人足雖水旱而不爲災者何也高選
農官務盡勸課人治周田百畝亦不假牛力力田者受旌顯之賞惰
農者有不齒之罰又量事置官量官置人使官必稱職人不虛位度

歲入多少裁而祿之供百僚之外藏之太倉三年之耕餘一年之粟以斯而積公用于何不足水旱其如百姓何雖務農之令屢發二千石令長莫有志勤在公銳盡地力一作利者故漢祖知其如此以墾田不實徵殺二千石以十數所以明章之世號次昇平自永嘉喪亂百姓流亡中原蕭索千里無烟饑寒流隕相繼溝壑武宣王以神武聖畧保全一方威以殄姦德以懷遠故九州之人寒表殊俗襁負萬里若赤子之歸慈父流人之多于舊土十倍有餘人殷地狹故無田者十有三四殿下以英聖之資克廣先業南摧強趙東滅句驪北取宇文拓境三千里增民十萬戶繼武闡廣之功有高西伯宜悉罷諸苑以業流人人至而無資產者賜之以牧牛不當更收重稅也且以殿下之人用殿下之牛牛非殿下之有將何在哉善藏者藏于百姓若斯而已矣爾者則深副樂土之望戎旗南指之日中國之人皆將壺餐奉迎石虎誰與居乎且魏晉雖道消之世猶削百姓不至於七八

持官牛田者官得六分百姓得四分私牛而官田者與官中分百姓安之人皆悅樂臣猶曰非明王之道而況增乎且水旱之厄堯湯所不免王者宜濬治溝澮循鄭白西門史起灌溉之法旱者決溝爲雨水則入于溝澮上無雲漢之憂下無昏墊之患句驪百濟及宇文段部之民皆兵勢所徙非如中國慕義而至咸有思歸之心今戶垂十萬狹湊都城恐方爲國家深患宜分其兄弟宗屬徙於西境撫之以恩檢之以法使不得散在居人知國之虛實今中原未平資畜宜廣官司猥多游食不少一夫不耕歲受其饑必取於耕者而食之一人食一人之力游食數萬損亦如之安可以家給人足治致昇平殿下降覽古今之事多矣政之巨患莫甚于斯其有經略出世才稱時求者自可隨須致置一作一之列位非此已往其耕而食蠶而衣亦天之道也殿下聖性寬明思言若渴故人盡芻蕘有犯無隱前者參軍王憲大夫劉明並竭忠獻款以貢至言雖頗有逆鱗意在無責主者奏以

妖言犯上致之于法殿下慈宏包納恕其大辟猶削出禁錮不齒于朝其言是也殿下固宜納之如其非是宜亮其狂狷置諫臣而求直言亦猶北行趨越必不得其所志矣右長史宋該等阿媚苟容輕劾諫士已無骨鯁嫉人有之掩蔽耳目不忠之甚四業者國之所資教學者有國盛事習戰務農尤其本也百工商賈特其末耳宜量軍國所須置其員數已外歸之於農教之戰法學者三年無成亦宜歸之於農不可徒充大員以塞聰僞之路臣之所言當也時速施行非也登如罪戮使天下知朝廷從善如流罰惡不掩王憲劉明忠臣也願宥忤鱗之愆收其藥石之效

答李天英書

金趙秉文

天英足下自足下失意東歸無日不思恍如三歲向得來音甚悉動靜爲慰所望所寄雜詩疾讀數過擊節屢歎足下天才英逸不假繩削豈復老夫所可擬議然似受之天而不受之人屢欲貢悃誠山川

間之坐成浮沉況勤厚如此過望默化僕非其人筆拙思荒自濡其
涸況望餘波耶豈以犬馬齒在前欲俯就先後進禮耶聊布一二所
聞于師傳間者幸恕不揆常聞古人之詩各得其一偏又多其性似
者若陶淵明謝靈運韋蘇州王維柳子厚白樂天得其冲淡江淹鮑
明遠李白李賀得其峭峻孟東野賈浪仙又得其幽憂不平之氣若
老杜可謂兼之矣然杜知詩之爲詩未知不詩之爲詩而韓愈又以
古文之渾浩溢而爲詩然後古今之變盡矣太白辭勝于理樂天理
勝于辭東坡又以太白之豪樂天之理合而爲一是以高視古人然
亦不能廢古人足下以唐宋詩人得處雖能免俗殊乏風雅過矣所
謂近風雅豈規規然如晉宋辭人蹈襲用一律耶若曰子厚近古退
之變古此屏山守株之論非僕所敢知也詩至于李杜以爲未足是
畫至于無形聽至于無聲其爲怪且迂也甚矣其於書也亦然足下
立言指意不蹈襲前人一語此最詩人妙處然亦從古人中入譬如

彈琴不師譜稱物不稱衡工匠不師繩墨獨自師心雖終身無成可也故爲文當師六經左邱明莊周太史公賈誼劉向揚雄韓愈爲詩當師三百篇離騷文選古詩十九首下及李杜學書當師三代金石鍾王歐虞顏柳盡得諸人所長然後卓然自成一家非有意于專師古人也亦非有意于崇擯古人也自書契以來未有離古人而獨立者若揚子雲不師古人然亦有擬相如四賦韓退之惟陳言之務去若進學解則客難之變也南山詩則子厚之餘也豈據汗漫自師胸臆至不成語然後爲快哉然此詩人造語之工謂之一藝可也至於詩文之意當以明王道輔教化爲主六經吾師也可以一藝名之哉賈誼董仲舒司馬遷揚子雲韓愈歐陽修司馬溫公大儒之文也僕未之能學焉梁肅裴休晁迥張无盡名理之文也吾師之太白杜陵東坡詞人之文吾師其辭不師其意淵明樂天高士之詩也吾師其意不師其辭然吾老矣眼昏力綿雖欲學古人力不足也足下書來

自言近日欲作大字然滯於藏鋒不能飛動詩欲古體然僻于幽隱不能豪放足下自知之僕尙何言然藏鋒書之一端所貴偏學古人昔人謂法書豈是率意而爲之也又須真積力久自楷法中來前所謂未有未能坐而能走者飛動乃吾輩胸中之妙非所學也若市人能積學而不能飛動吾輩能飛動而不能積學皆一偏之弊耳東坡論十八草書以爲鶯哥嬌數日相見曰此書何如曰乃秦吉了耳足下之書無乃近似之乎精神所注間出奇逸稍忘之際如病痲腫得免秦吉了足矣想當捧腹大笑也寄來詩如雜詩五首老昏殊不可曉然此迄今大成不過長吉盧仝合而爲一未能以故爲新以俗爲雅非所望于吾友也昔人有吹簫學鳳鳴不可得聞時有梟音耳君詩毋乃間有梟音乎向者屏山嘗語足下云自李賀死二百年無此作矣理誠有之僕亦云然李公愛才然知足下之深者莫如老夫願足下以古人之心爲心不願足下受之天而不受之人如世輕薄

子也與足下知心故道此意幸稍安無躁

與姚公茂書

金楊 奂

奂頓首復別四五年思渴之甚所欲言者不一也握手未期此懷可知子善至得書審玉眷佳裕且知北還喜甚去歲子善云新築祠堂而石室在正位不知何所據及見朱文公家禮圖說亦云在北架似不安也且宗廟五廟七廟而已雖有成言所以作室次第于經則無所見朱文公後宋人也建炎南渡廟社之禮一蕩就有故老或鬱鬱下僚無所見于世此說在中庸或問中略見之所可信者止是昭穆位次于神主于石室皆不及也家禮所在神主樣式亦非奂三十時入汴梁得宮室廟社法度于一故老處又五年因秋比以生徒之衆寓長安慈恩寺有僧曰了遷者乘閒請觀寺之西南杜相公讀書堂奂一見知其家廟也其廟制如世之所謂吳殿也凡石室並在西壁高與人胸臆齊其僧猶以爲藏書龕既而來洛下于揚正卿家閱稽

古編文信乎其爲杜祁公之家廟也文粹韓文溫公集多有家廟碑止說三室四室或云第一第二第三第四室又有出東室者亦不在石室方位之所在夫禮也者制度名數之所寓也不有所據必有所見文公所述未見其所據當以奐之所目覩者爲廟之定制天子與諸侯卿大夫同所以異者名數也今汴梁太廟法度故家具圖說自己亥春定課時有告隱匿官粟者親入倉檢視而倉即太廟也因得考其制度焉石室在西壁正殿凡二十五間始祖室三間內附祧廟神主五位其石室皆在西壁而近南牖世祖二間內附肅宗一位穆宗二間內附康宗一位太祖以下至宣宗各二間係八室計一十六間其神主石室並在西壁東西夾室各一間凡有神主處每一間門一牖一門在左牖在右已上共二十五間近有客曰毛正卿至自保州曾爲先朝太祝談舊禮如在目前是日坐客甚衆談竟奐問之曰如公所言行禮時以將在秋冬而不及春夏也客問何以知之奐

曰以公止見虎席故知其在秋冬也若春夏則席以桃枝桃枝竹也客曰適在冬耳矣又問公之行禮將屬時享而不及禘祫客問何以知之矣曰禘祫則太祖神主位於埴下而東向焉而昭在於北南向之穆在于南而北向之公所言而曰太祖神主在門之內南向焉故知不及禘祫也客謝未嘗及禘祫吁此定禮也患不素考耳是與非吾友訂之恐不宜襲家禮之誤也著書非細事也古之聖賢未嘗敢自作古所謂神主之說容面告焉

碑志

安德州叔建靈巖寺碑

遼耶律劭

伏聞大雄示化肇興五竺之邦像法定期實屬千年之會漸流通於震旦迴超越於古初三乘遞行一雨溥潤我國家右文敷治偃革濟時繇數落以取英翹振儒風於當代闡二宗而尙禪定傳佛燈於有生廣樹仁祠大宏慈蔭以德州靈巖寺者北連龍岫前俯郡城溪壑

幽深峰巒掩映天然勝槩斗絕於一方宛爾道場廓開於十地初統
和中有山主僧可觀與其同志幼爲縣吏各負逋租亡命北山共逃
筮楚後偕追捕同付獄中數日幽囚桎梏自解尋免徵錄因遂出家
卜築結菴專氣戒律壽考遷逝靈應臍蠻太平五年復有邑里趙延
貞王承遂張瑩焦慶等三十有三人狀施烽臺山四面隙地以廣布
金之淨域遠模靈鷲之風規增大給孤之園益茂耆隴之樹年禩寢
久徒衆漸隆重和初元有郡人雄武軍節度使太原王公育與邑人
尹節高聳等禮請悟開上人住持經始營葺僧衆蜚附工徒子來殿
宇疑爾以有嚴錢穀豐歉而不匱果畢能事全付後人僧迦實繁悉
萃六合之淨侶達摩無覩固乏三藏之秘文重和二十二年有寺僧
奧與悟開上人鳩集淨財締結信士與邑人尹節李敬張士禹高聳
等購經一藏用廣流通二十四年建九聖殿以龕置焉繪像燁煜而
嶽峙內藏巖巖而雲矗經律經論學揚法海之驚瀾上中懷恨逗塵

機于來哲清寧四載特賜淨覺之名咸雍六年復賜靈巖之號居然
闕邃迴出塵表故得水雲上士龍象名流覺境界之清虛駐瓶錫而
棲止有閩山懺悔守司徒通圓慈行大師志福游憩於此以其缺鐘
杵之音失晨昏之警飛奏爲請天旨下俞徵良冶於遠方貿精銅于
異域爐橐一鼓大器告成逸韻疊擊而豐隆林木四震于幽邈設麗
爲飾構樓以懸壽昌初元歲次己亥復建大殿以做法筵楹柱撐空
檁栴蔽日輪奐克成于大壯清淨特備于寶坊羣峰巒岼而繚若垣
牆諸塔聳峻而勢同湧現禪房自通於幽處講坐屢雨其天花今天
子即位之二年有守太師通圓輔國大師法頤者久藹人天之譽蔚
爲帝王之師衆僧懇請遂居是寺人對境以心冥地因居而名著師
因精選道行得長老惠敬付以寺事提綜不倦勤瘁歷年建置悉覩
於周圓儲蓄並臻于羨積劭恭應詔檢恪守郡符志慕佛乘誓求法
印時因假日屢扣禪關有清行大德賜紫沙門奉檀寺主沙門行柔

等語其權輿見託記述學慚博雅夢無白鳳之奇辭愧疎蕪語乏黃
絹之字牢讓不獲謹爲銘詩銘曰佛乘廣運慧日映時法膺象季溥
建仁祠世蒙誘導教被方維福濟含識學法有爲偉矣靈巖谿然林
壑斗遠流俗高視寥廓境淨心冥解脫纏縛以致名流茲焉棲泊鐘
梵時警薰修有常覺林並茂禪院滋芳滄山圭峰聊可比方居者得
趣世諦頓忘息乃塵紛味茲幽闐清淨同過現無別直書初終讚揚
洪烈刻諸貞珉永告沙劫

靈巖寺碑陰

遼僧恆劬

伏聞調御開化如烏曇華聲教四流沃浹萬彙恒劬嘗啓宿願趣直
林家雖不能發明心華密佩祖印幸以雲水且樂無事乾統六年春
憩覺華島秋露再浥振錫北游祇斯精舍尋沐居僧狀請棲息有諸
耆耄議及締構自統和中苾芻可觀經始其謀以次肯堂遂至宏敞
請文于石庶傳不朽遽采他山之石宛具螭首龜趺之狀於是郡守

耶律劭作文沙門恒劬書篆時不踰月岌于中庭余兄文學之外尤精小篆得秦相李斯泊唐李陽冰之法校其工拙亦不在下寺僧有好事者求少筆跡留之碑陰云

靈感寺釋迦佛舍利塔碑銘

遼張嗣初

夫塔古無有也本出于浮圖氏自佛教東被始有之是謂佛廟蓋聞不遷者性也恒動者情也緣情而能有者生也生不可常必至於滅滅不可已復轉於生於此流轉中能解生死之縛而得不生不滅者惟釋迦而已故超然特立於羣聖之上可謂天人師者也然大耄既至終顯有爲故金身示滅當此之際六種震動如須彌傾摧使諸天無所依也嗚呼去聖鎮遠靈迹不無故所有舍利爲八國以寶塔分葬之其數凡八萬四千爾後歷載彌久隕廢者甚衆人心特恐亡墜益復興起之或發諸寶函或擘以玉粒成葺其舊制或剏以新作故塔廟之多跡于此也雖殫其筋力嘗不爲勞然竭以資財亦不爲費

至若累寶簷絡珠網接雲漢而起嘗不爲高并閭閻夷井灶有郛郭之半亦不爲廣其人心勤厚有如此者皇朝定天下以武守天下以文太平旣久而人心向善故此教所以盛宏凡民間建立佛寺靡弗如意今此塔自太平九年柳城人梁氏之所建也氏兄弟二人長曰守奇夙植善根次曰道隣素宏願力自童子時有聚沙之戲後果志于出家旣受具已大通宗乘先隱於龍岫之一蘭若後爲城中人請居此土一日于鉢中忽出異光不散者久之旣而乃得舍利二粒玉彩晶燦不可正視人爭傳戴之由此乃舍衣盂特興塔像復求化官長暨貴戚并豪族之家各助以金帛車服或諸珍玩旣獲數百萬錢共爲成辦之於是火其磚廣若山積募其工翕如雲合負土於塔者若蟻之累垤汲泥于簷者如燕之巢房凡一十三級通百有餘尺珠函之靈瑞在乎其中觀夫有金撐以銳其上有廣陛以豐其下豈徒然哉我所貴踴出三界而爲解脫之場也有千歲燈以然于內有百

鍊鏡以懸于外亦豈徒然哉我所貴遍照四方而破黑暗之域也且如風鳴寶鐸盡宣妙法音蟻踐崇塔亦成無上道故一塵所沾一影所覆其利樂信不虛矣噫彼土木有穹隆而崔嵬者勿謂我小我小有可觀彼金碧有燦爛而陸離者勿謂我儉我儉能中禮余弗克備述徒止于此焉復嘗有光數見或五色氣以存之因上聞之以精誠有感故靈應必通乃敕其寺曰靈感寺至大安中有先師之弟子通教師賜紫沙門思整重修以潤色之二先師者蓋愚之祖母故河南太君之伯父也塔初成曰我先人嘗欲親志之而不意早沒故弗克逮今通教師素與我先人有甥舅之愛每一見必以此事爲託師既誘我以先人之志能弗繼之我復感師念先師之德可弗述之此者蓋爲其肯構也故不敢讓乃強爲記云其頌曰旣生必滅惟性不遷不生不滅惟佛能然金身雖往亦爲可傳舍利所至塔以興焉在西所建八萬四千益遠益近至于無邊凡厥願力非小因緣有僧梁氏

得此舍利千佛共與一日自至鉢中有光玉粒者二苟非精誠格茲靈瑞乃舍衣孟願作佛事以清淨心置琉璃器藏于塔中以福萬世後有門人以增以新長令淨白不生埃塵敍我以舊託我以文乃強爲述嗣我先君

釋迦定光二佛舍利塔記

遊僧慧材

竊聞三千化寶百億雄尊復往之迹以無垠方便之門而莫限應願榮辭于天界權儀降誕于王宮孜孜而示倦龍庭默默而優游鳳苑顰眉闕返嚴駕驂迴老病死苦以因觀法報化身而是慕奢華涕厭午夜逾城苦行石堅六年修道浴泥恒河已赴菩提樹來斷障降魔既登於佛果垂慈應請乃轉于法輪始從鹿苑終至鶴林時經四十九年教演一十二分所應度者皆以隨宜方便度訖其未度者亦已與作得度因緣顧此土之緣周念地方之化益於是就力士生地之內詣堅固樹林之間足南首北背東面西以足枕肱現四儀之究竟

收心住定示八象之窮終金口緘以絕言玉毫掩而闕綵四生之主

悲摧凡聖之心三界無依哀變乾坤之色堅勞之壽既已云亡金剛

之身故亦是壞閣維訖於寶樹舍利分以金鬘爰興宰堵波以利薩

達躡育王西出闕二八萬四千隨帝東臨並造三十六所於凝固之

道體雖闕然不然而轉變之化身亦法爾窅爾是以闕二之刹土咸

建多闕之塔婆垂青蔭而廣大施慧燈以遐延凡以興一供之因定

尅千生之果粵有闕四重和十五年陶冶甄鑄鐵塔一所立十三簷

互二百尺往往夜晦屢放紅光福常住以豐肥祐上下而和睦邇後

展討殿宇津置堂廊每嗟佛壠閃於南隩大衆僉議欲移中央即有

惠行大德潛資義倉提點雲敷共捨淨貲一千緡其諸釋侶量力施

錢共四百千用充功費尋擇良辰亦得吉卦圻至十簷獲定光佛舍

利六百餘顆至地宮內獲釋迦佛舍利一千三百餘顆再選定四月

八日午時依舊如法安葬切以慧材狼山冗學龍苑庸夫赧扣瓊材

聊編盛事伏願三乘五性承茲迺共捨羶軒七趣十生仗此乃同登
懷駕更願陵遷谷變懿範不凋地久天長徽猷永固云爾

欽定熱河志卷一百十七

欽定熱河志卷一百十八

藝文十二

前代

碑誌

宜州廳峪道院復建藏經千人邑記

金徐卓

佛經者西域天竺之迦維衛國淨飯王太子釋迦牟尼之所說也太
子當周莊王九年四月八日自母右脅而生及長舍太子位出家苦
身學道精進六年以來覺悟一切種智故謂之佛佛在世垂化四十
九年至於天龍神鬼無不聽法後至拘尸那城娑羅雙樹間二月十
五日入滅度其弟子迦葉與阿難等五百人共追撰述綴爲經教行
之西土千百餘年自漢已上中國未傳逮及明帝夜夢金人飛行於
殿廷以問朝臣而傅毅對曰此佛也帝遣中郎蔡愔秦景奉使天竺
求之得佛經四十二章及釋迦立像并與沙門攝摩騰竺法蘭東還

惜之來也以白馬負經因立白馬寺于洛雍門西以處之而後魏晉
宋齊之間梁及陳周隋之際聖賢繼至經論日滋寢興於姚秦羅什
大備於李唐元奘由是空門興教與儒道爭衡下至五代降及宋遼
歷夷險而其教彌光經隆替而斯道愈振凡所貯藏有五千四十八
卷故名曰藏經廳峪者乃遼時耶律詳袞舊作詳穩今改正家之墳所也其
家世積善遂卜勝地以建佛宮置以藏經其來也久雖貯於此未見
宏揚先是忠顯校尉顏壽因此地之是歷觀斯經之不宣乃約土人
共齎物用請名僧數十人長穿開讀至於皇統六年十月七日無何
爲火災所焚其餘屋舍掃地皆盡大凡事久則絕絕則有時而繼物
久則滅滅則有時而興然則繼絕興滅非其人安能爲之哉郡人馬
祐者乃逸士也遯世高蹈卜居相隣自觀煨燼之餘基誓發繼興之
大願遂與舊邑人顏壽等親爲倡率轉相糾合乃得千人立爲一社
衆推馬祐爲邑長以顏壽等爲提點募錢易經鳩工構藏隨其卷帖

貯以櫃匣其餘佛屋僧廊次第建立庶幾法無凝滯人獲頂傳上以報皇國之恩下以資吾邦之福且走一介求記於余余亦里人也既聞其事喜不知極以筆書之俾勒諸石

興中府尹銀青改建三學寺及供給道糧千人邑碑銘

金 韓長嗣

夫物不常興有時而廢物不常廢有時而興凡興廢之際繫善人不善人之爲也如不善人有爲之時當興猶廢如善人有爲之時雖廢復興茲乃必然之理也三學寺都提點崇業大師三學見經主淨慧大德吏案孔目官孫公同來造予門而言曰大尹銀青改建三學寺糺千人邑供給道糧請子銘之其可許乎予曰物興繫人信不誣矣然愧非材忝居治下豈敢無諾三公遂詳言于予曰三學者其來遠矣爰自於唐肇起之也迨及有遼建三學寺於府西擇一境僧行清高者爲綱首舉連郡經律論學優者爲三法師遞開教門指引學者

兵興以來殿堂廊廡掃地而無聖朝既獲遼土設三學如故法大定五年我大尹銀青來治興中其三學法師過廳大尹問之曰不意此方有設三學寺在何處三師對曰寺廢久矣三師名位具設皆權于私院敷演大尹喟然歎曰不亦傷乎方今京府巨鎮碁布天下設三學者有數此幸得之何不復修對曰修寺者大事也若不遇大夫緣力烏能及此大尹曰吾將揆之自歷數任未嘗不於佛廟有興衰補弊者也而況三學其事非細朝廷視之尙爲重矣凡取經律論之師者差官考試本府聚五州義學各宗出題答義中選者取三人爰命爲三宗法師下四方學者日與講肄不惟圖增聖歷綿長抑亦使佛法傳遠而不見廢絕者其在茲乎苟非設此縱有清涼宣律師慈恩之才孰能傳焉以至後來之人雖有清涼宣律師慈恩之志孰將學焉吾不忍見曠一日聽訟之餘出遊狼山其上有院曰祥蠻廢爲荆榛顧其基址頗有制度又迺柳城形勝之地改修爲三學寺信甚便

矣三師欣然相謂曰大夫緣力遇之今日定見成就大尹曰爾亦可矣曰然遂施俸錢及己夫匠築土構木宏揚經律論庶使人知三宗所垂之教言修行之正路耳三師曰誠謂善哉經律論者如鼎有足不可闕一大方廣佛華嚴經即無盡修多羅之總名也世尊始成正覺頓說是經剖裂元微昭廓心境窮理盡性徹果該因汪洋冲融廣大悉備者其惟茲乎開真體於萬化之域顯德相於重玄之門津流衆典此爲洪源星列餘經此爲杲日高不可仰深不可窺雖積行菩薩上得聲聞莫能探微索隱焉可謂常恒之妙說通方之洪規稱性之極談一乘之要軌也四分律者所以防邪檢失禁亂止魔取超世之道非戒不宏斯乃三乘之津要萬善之窟宅者也慮羣生愚惑安寢冥室悠游長夜不能自覺雖有出家庶幾玄微者徒懷遠趣迷於發足是以如來開戒德之妙門指涅槃之坦路宜加勗力明慎執持令大法久住焉成唯識論者暢大乘之妙趣也遣疑破執修行證果

括衆經之秘包羣聖之旨何滯不融無幽不燭仰之不極俯之不測遠之無智近之有識其有隱括五明搜揚八藏幽關每擁玄路未通信巨夜之銀輝實昏旦之金鏡矣此經律論者戒定慧之法耳戒以資定定以究慧相須而成凡諸衆生得證無上菩提皆不離戒定慧之灑者也是以大尹銀青愈加修造之意遂感士庶竭力助緣滿寺殿舍不日告成大尹曰成則成矣慮吾改任三師學人有闕日用其將奈何糺千人邑不問僧尼道流男女老幼每歲十月一日人各納錢二百米一斗永給道糧不亦宜乎合郡官民爭爲敬從延及隣境之人願來預邑取父作子述之義盡天長地久之期邑無累月幾就千人其邑人姓名具書碑陰若乃吐辭爲經立行爲法見之者瞻仰聞之者皈依苟非有處世之道其孰能與於此以財好施於衰好興倡之則順從造之則成就苟非有服人之德其孰能與於此釋迦如來天竺人也去中國隔數萬程一日其教來傳不拘賢愚竟爲奉行

誠謂有出世之道也哉大尹銀青遼陽人也去興中不遠千里來尹斯府一日政治有餘修三學寺糾千人邑不拘內外咸樂助辦信謂有服人之德也哉其爲銘曰凡厥萬事有興有衰興諸衰者非賢其誰府有三學自遼而置經律論宗唱灑之地兵興以來殿宇無存三師仍設私院敷言大尹銀青下車臨治三師過廳首問其寺師將趣進具告其前位則設矣寺廢久焉大尹聞之發歎者屢京府巨鎮設此有數此幸得之胡不復修對曰大事復之何由必在所遇大大緣力緣若不遇修之烏得大尹出言吾將揆之師喜相謂遇在此時吾常佛廟興衰補弊況此三學其事非細朝廷尙重考試無私學優中選授命爲師可增聖歷綿綿長久又令佛法燈燈傳後後人受之修行無疑吾可惜此不忍見墮一日之間聽訟之暇號令從人出遊于野北登狼山有院祥巒沒爲荆榛殿缺僧殘傍徨弗去載瞻載顧壞址遺基亦可制度茲迺迺柳城形勝之方修爲三學旣利且昌爰施俸

錢及己匠梓經營堂構不日成矣大尹復言成則成諸吾將改任定闕學儲欲糾千人道糧永給僧俗老幼同爲是邑非此一郡延及其隣歡欣而至願預邑人宜此勝事常如今日傳之子孫善繼善述

利州精嚴禪寺蓋公和尚墓

金趙秉文

臨濟自佛果沿而下之至於佛日自四明沂而上之至於佛鑑俱出於五祖演而佛鑑傳南華昺傳四明達達爲今北京松林北遷第一祖師四明之孫微公之子也張其姓諱圓蓋永昌阜俗人十九棄俗而僧甘棄律而禪參玉泉名公闕安寶公以機緣不契退而歎曰大丈夫肩荷佛祖未生前大事直須全身放下始得遂退居靈巖佛警山結茅棲隱者數載山空無人以水流雲飛爲受用久之梅子將熟詣北京謁微公求印證公初不之許旣而不參而參無得而得一日舉黃龍心正不妄動話師以頌舉似有鐵樹開花之語公曰可矣汝其行乎大定六年始開堂於精嚴繼席松林靈感明昌六年五月

預告終期跣趺而逝茶毗之日瑞彰舍利戒定力也俗壽六十有四
僧臘三十師行峻而方故學者遵其道而憚其律所居不過一二載
尋返舊隱晚得瓊嗣銘曰黃龍一句諸方膽喪極盡元微全無伎倆
伶俐衲僧剔足眉稜鐵樹開花炎天造冰三上洞山九到投子一言
相契草鞋挂起臨濟法將松林道場轉身就父撒手還鄉沒眼禪和
覓不可見魚犀夜塘鹿趁陽燄松漠之北利州之東無縫塔樣八面
玲瓏一時推倒河清海晏花落清嚶月明秋雁

中書左丞姚文獻公神道碑

元姚燧

茲公諱樞字公茂事世祖潛邸十年左右宸極十有九年居近密之
地受尊寵之任可謂必世之久惟其不因富貴進退禮敬窮達一節
不易寒士故不取耻當時明哲保身以薨帝爲震悼賻楮泉爲千者
千五百閔惟子煒生十五年未授之室賜聘財如所賻明年官以禮
部郎中皆異數也後十九年當元貞二年裕聖太后以嘗侍講裕宗

言之成宗贈諡榮祿大夫少師文獻公至大三年武宗追號嘉猷程世舊學功臣太師開府儀同三司魯國公又推恩再世考仲宏贈太保儀同三司魯國康懿公祖錡銀青榮祿大夫大司徒魯國惠靖公妣張氏祖妣李氏皆魯國夫人惟姚氏爲神明之後五季梁唐六鎮節度使勅生金吾將軍漢英周廣順初太祖遣之使遼見留事世景聖三宗加安時制節宏化翊亮功臣開府儀同三司樞密使檢校太師兼政事令上柱國東陽郡公生中書門下平章事北面宣徽使衡之生給事中同中書門下平章事居正生太師左金吾衛上將軍虔州節度使景祥生太子洗馬企華生金東上閣門使金州團練使玠生閣門祇候武德將軍佺生武德將軍獲嘉令錡生安遠大將軍慶陽安化丞淵後更仲宏生公及楨格公自稚弱一力於學書則經紀其家嚮晦則讀書夜分不輟魯國夫人恐傷耽苦每止之乃塞牕不使見燭就枕必盡三鼓聞將遷關中康懿公錄事判官不許俾取師

氏姑及姑之夫子昌以來公徒行懷書困休於樹宿止於邸亦出以誦自期甚高宋內翰九嘉少登科甲時有重名方閑居許摧折行位與之游召一日賓會錄事名召公內翰怒曰公茂負佐王之畧豈可若是易之先祖曰同僚呼兒輩宜然猶竟席不樂其爲前輩見推如此壬辰許城被圍州版公軍資庫使與副夜直四鼓聞牕外歎曰人獻東門出索之無得副曰吾嘗遇兵河朔鬼物云然宜掾吾家乃相與歸街陌橫鈴索斷行見其懷印若赴州計事者至家乃盡出金銀酒具奩飾裹餼糧爲逃死計日出而東門果破邀軍將蕭姓者入家盡付所出蕭曰吾嘗受邱真人教汝軍中惟救人無殺吾掾乃死公聞太宗詔學士十八人即長春宮教之俾楊中書惟中監督則往依焉中書少公六年兄稱之與偕北覲時龍庭無漢人士夫帝喜其來甚重之乙未詔二太子南征俾公從楊中書即軍中求儒道釋鑿卜酒工樂人會破棗陽併公所招將盡坑之大將幕竹林間公辨析明

詔如此他日將何以復命乃蹙數人逃入竹中潛歸其營匿嚴侯軍中纔脫死數十人繼拔德安得江漢先生趙復仁與之言信奇士出所爲文數十篇以九族殫殘不欲北與公訣薪死公留宿帳中既覺月皓而盈惟寢衣存乃鞍馬號積尸間求至水裔脫屣被髮仰天而號欲投溺而未入也公曉以徒死無益汝存則子孫或可傳緒百世保吾而北無他也遂還盡出程朱二子性理之書付公江漢至燕學徒從者百人北方經學自茲始歲辛丑賜錦衣事符以郎中扎爾固

齊舊作魯瓦赤今改正

行臺於燕時是時事貨賂天下諸侯競以培克入媚以

公幕長必分及之乃一切拒絕人有以銀二笏來見既謝卻乃出置瓊簾間遣人追及與之徙家來輝壑荒雲門糞田數百畝修二水輪誅茅爲堂城中置私廟奉祠四世堂龕魯司寇容傍垂周兩程張邵司馬六君子像讀書其間衣冠莊肅以道學自鳴佳時則鳴琴百泉之上遁世而樂天若將終身後生薄夫或造庭除出語人曰幾褫吾

魄又汲汲以化民成俗爲心自版小學書語孟或問家禮俾楊中書
版四書田和鄉尙書版聲詩折衷易程傳書蔡傳春秋胡傳皆於燕
又以小學書流布未廣教弟子揚古爲沈氏活版於近思錄東萊經
史論說諸書散之四方時先師許魏國文正公魯齋魏出入經傳子
史泛濫釋老下至醫卜星筮兵刑貨殖水利算數靡所不究公過魏
與竇漢卿聚茅齋聽公言義正粹先師遂造蘇門盡錄是數書以歸
謂其徒曰向所授受皆非今始聞進學之序若必欲相從當盡棄前
習以從事於小學四書爲進德基不然當求他師衆皆曰惟先生命
則魏國公由窮理致知反躬踐實爲世大儒者又公所梯接云歲庚
戌盡室來輝相依以居會上在潛邸遣托克托舊作脫兀故平章趙
壁驛至彰德恐公避逃托克托留壁獨至輝以過客見審其爲公始
致見徵之皆公曰天下之人同是姓名何限恐使誤徵不敢妄應壁
曰汝非棄扎爾固齊隱此者乎公曰是則然矣壁曰良是乃偕往彰

德受命遂行既至上大喜日客遇之俾居衛從後列惟不直宿時召
與語隨問而言久之詢及治道公見上聰明神聖才不世出虛己受
言可大有爲感以一介見信之深見問之切乃許捐身驅馳宣力盡
其平生所學敷心瀝膽爲書數千百言首以二帝三王爲學之本爲
治之序與治國平天下之大經彙爲八目曰修身力學尊賢親親畏
天愛民好善遠佞次及其救時之弊爲條三十曰立省部則庶政出
一綱舉紀張令不行於朝而變於夕辟才行舉逸遺慎銓選汰職員
則不專世爵而人才出班俸祿則賊穢塞而公道開定法律審刑獄
則收生殺之權於朝諸侯不得而專邱山之罪不致苟免毫髮之過
免罹極法而冤抑有伸設監司明黜陟則善良姦竊可得而舉刺閣
徵斂則部族不橫於誅求簡驛傳則州郡不困於需索修學校崇經
術旌節孝以爲育人人才厚風俗美教化之基使士不踰於文華重農
桑寬賦稅省徭役禁游惰則民力紓不趨於浮僞且免習工技者歲

加富溢勤耕織者日就饑寒肅軍政使田里不知行營往復之擾攘
 賙匱乏恤鰥寡使顛連無告者有養布屯田以實邊戍通漕運以廩
 京都倚債負則賈胡不得以子爲母如牴生牴牛十年千頭之法破
 稱貸之家廣儲蓄復常平以待凶荒立平準以權物估卻利便以塞
 倖塗杜告奸以絕訟源各疏張弛之方其下本末兼該細大不遺文
 不具述上奇其才由是動必見詢使授太子經以太師淇陽王之兄
 故丞相特默格爾舊作土木谷
兒今改正故右丞巴哈濟達舊作不華吉
丁今改正今司
 徒瑪努勒舊作買奴
今改正爲之伴讀日以三綱五常先哲格言薰陶德性
 明年憲宗即位詔凡軍民在齊拉袞舊作赤老
溫今改正山南者聽上總之爲
 張宴羣下罷酒將出遣人止公頃者諸人皆賀汝獨默然豈有意耶
 對曰臣欲陳之他日不謂遽問且天下土地之廣人民之殷財賦之
 阜有加漢地者乎軍民吾盡有之天子何爲異時庭臣聞之必悔見
 奪不若惟手兵權供億之須取之有司則勢順理安上曰慮所不及

者遣人入聞願總兵與國戮力報可公策太祖承天大命兵取天下功未及竟而遂陟遐太祖平金遣二太子總大軍南伐降唐鄧均德安四城拔棗陽光化留軍戍邊襄樊壽泗繼亦來歸而壽泗之民盡於軍官分有由是降附路絕雖歲加兵淮蜀軍將惟利剽殺若以秋去春來之兵分屯要地寇至則戰寇去則耕積穀高廩邊備既實俟時大舉則宋可平上善之始置屯田經畧司於汴西起穰鄧宿重兵與襄陽制閫倚角東連陳亳清口桃源列嶂守之又置都運司於衛轉粟於河繼餽諸州陝西則移隴右汪義武公戍利州劉惠忠公黑馬於成都割河東解之鹽池歸陝西置從宜所中糧興元猶懼不繼置行部秦州順嘉陵漕漁關沔池轉粟入利其年大封同姓敕上於南京關中自擇其一公曰南京河徙無常土薄水淺瀉鹵生之不若關中厥田上上古名天府陸海上願有關中帝曰是地戶寡河南懷孟地狹民夥可取自益遂兼有河內壬子夏入覲受命征大理至察

遜諾爾

舊作曲先
而今改正

夜宴羣下公爲陳宋祖遣曹彬取南唐敕無效

潘美伐蜀嗜殺及克金陵未嘗戮一人市不易肆以其主歸明日早
行上據鞍呼曰汝昨言曹彬不殺者吾能爲之吾能爲之公馬上賀
曰聖人之心仁明如此生民之幸有國福也明年夏禡牙六盤大張
教條俾公以王府尙書身至京兆置宣撫司以楊中書爲使奏諸千
夫長不法奪有人室者旬月之間民大和浹道不拾遺師行留裕宗
後謂曰姚公茂吾不能離恐廢汝學今遣竇漢卿教汝先遣三使入
大理諭招許不殺掠大軍經吐番刊木求塗以前三使先至諭旨彼
以爲誑磔其尸於樹大師及城其相高祥登陴望之見吾軍威之盛
駭愕口張不收飭公盡裂橐帛爲幟書止殺之令分號街陌由是其
民父子完保軍士無一人敢取一錢直者惟急求三使之首或曰投
洱水中遣漁者網之無得也俾公爲文以祭賜其家人數千戶世無
有與及歸馬多道死公惟一馬瘠不可乘牽之襟穀數升時搖木孟

以飼雪深三尺軍馬所經踏爲冰梯惟旄牛負橐以從徒步千里中原馬至分賚之始免繭足上駐六盤公疾求諸關中教使勸農身至八州諸縣諭上重農之旨凡今關中桑成列者皆所訓植歲丙辰公入見或讒王府得中土心帝遣阿藍答兒大爲勾考置局關中集經畧宣撫官吏下及征商無遺羅以百四十二條曰俟終局日入此羅者惟劉史兩萬戶以聞餘悉不請以誅上聞不樂公曰帝君也兄也吾弟且臣事難與較遠將受禍未若盡是邸妃王以行爲久居謀疑將自釋復初好矣上難之翼日語再及曰臣過是無策思久之曰從汝從汝先遣使以來覲告時帝在河西聞不信之曰是心異矣曰來詐也再使至詔許馳二百乘傳棄輜重先及見天顏始霽大會之次上立酒尊前帝酌之拜退復坐及再至又酌之至再帝泣然上亦泣下竟不令有所白而上敕罷關西鈞考廢行部安撫經略宣撫都漕諸司帝親自將南伐與上閱地圖俾公踞指瀕江州郡津步要地可

舟越者遂復上兵遣由鄂入歲己未秋及江而憲廟崩淪問至上猶
濟江駐兵結層樓蒙以臯比日居其上臨攻鄂城東北賈似道聞公
諮謀軍中比爲王猛城垂拔前茅上及長沙下及隆興聞叛王將爲
非覲於家追前茅還遂振旅斷浮梁以歸帝即大位以王文統爲平
章盡出藩府舊臣立十道宣撫使諸侯惟嚴忠濟爲強橫難制乃以
公爲東平至居庸北制下受命即南或勸無行當入覲陛辭公曰文
統新當國彼將以我爲奪其位至治郡置勸農檢察二人以監之推
物力以均賦役罷鐵官居三月大駕北征天后留燕遣使召公兒輩
幼時汝授之書何久留彼時特默格爾爲丞相惟專從衛宮闔諸事
疑則見謀二年拜太子太師公曰皇太子未立安可先有太師還制
中書改大司農公奏在太宗世詔孔子五十一代孫元措仍襲封衍
聖公卒其子與族爭求嗣爲訟及潛藩邸時曰第往力學俟有成德
達才我則官之又聞曲阜有太常雅樂命東平守臣輦取其歌工舞

郎與樂色俎豆衣服至日月山帝親臨觀飭東平守臣員缺充補無
輟肄習臣宣撫東平嘗閱先聖大賢之後詩書不通義理不究與凡
庶等版洛士楊唐選孔顏孟三族諸孫俊秀者授之經而學夫禮蓋
眞授庸教官以成國家育才待聘風動四方之美又詳議王鏞亦善
士鍊習故實宜令提舉禮樂庶其歲久不致崩壞皆從之又具奏八
事曰舉老成以輔皇子重省臣以振朝綱定法制以齊庶政立銓選
以轉百官其四如兵衛屯田學校農桑皆所屢陳又具四事保民守
信強幹弱枝備內治外敦本抑末於兵衛又申奏曰內地之民不習
武事不耐勞苦第可使出賦財以資國用西京北京諸路之民習武
耐勞可盡復其差賦充本路保甲屯田使進有取而出有歸可鎮內
竊以禦外侮漢軍除守禦南邊可選精勇富強三萬燕京東西分屯
置營以壯神都此左右中三衛起本者詔赴中書議事講定條格其
勉諭曰姚樞辭避台司朕甚嘉焉省中庶務須賴一二老成同心圖

贊仰與左三部尚書劉肅往盡乃心其尙無隱條成與丞相史忠武公奏之帝深嘉納後詔中書右丞相安圖舊作安童今改正同知樞密院事

布延

舊作伯顏今改正

翰林學士承旨和爾果斯

舊作和禮霍孫今改正

近史天澤姚

樞講定新格朕亦親覽可行於今卿等聞否亦當一一參考速行其間一二可增損者已錄以聞李璫召其質子彥簡竊歸反有迹矣帝問卿料如何對曰使璫乘吾北征之釁留後兵寡瀕海搗燕閉關居庸惶駭人心爲上策與宋連和負固持久令數擾邊使吾罷於奔救爲中策如出兵濟南待山東諸侯應援此成擒耳帝曰若是賊將何出對曰出下策三年文統伏誅西域之人爲所壓抑者伏闕羣言回回雖時盜國錢物未若秀才敢爲叛逆帝曰在昔潛藩商訂天下人物亦及文統姚公茂云此人學術不純以游說干諸侯他日必反去年竇漢卿上書累數千言亦發其必爲亂首秀才豈盡皆斯人然文統之相參知政事商公挺實譽之至是費寅以九事中時恚忌訟商

公爲文統西南之朋引陝西郎中行宣撫使趙良弼爲徵幽商公上

都以良弼多智略疑爲文統流亞械繫於獄會遣鄂托克舊作阿脫今改正

行院成都而無輔行俾省擇人公奏惟商挺可陛下寬其前罪責成

斯行遂出而遣之公又奏方踐祚之初非良弼訶事關中恐後事會

寧身負矯擅誅東西川兩帥之罪以寬陛下西顧之憂推是爲心忠

純皎然安得與文統蓄異志者相比臣請質闔門百口必其無他常

悟出之四年拜中書左丞至元之元出省臣三罷世侯置牧守遷轉

河東山西河南山東官吏公行省河南山西明年而歸或言中書政

事大壞帝怒天降大臣罪有入不測者公上言太祖開創跨越前古

施治未遑自後數朝官盛刑濫民困財殫陛下天資仁聖自昔在潛

聽聖典訪老成日講治道如邢州河南陝西皆不治之甚者爲置安

撫經略宣撫三司其法選人以居職頒俸以養廉去污濫以清政勸

農桑以富民不及三年號稱大治諸路之民望陛下之治已如赤子

之求母先帝陟遐國難並興天開聖人繼承大統即用歷代遺制內立省部外設監司自中統至今五六年間外侮內叛繼繼不絕然能使官離債負民安賦役府庫粗實倉廩粗完鈔法粗行國用粗足官吏轉換政事更新皆陛下克保祖宗之基信用先王之法所致今陛下於基業爲守承於治道爲創始正宜息聖心答天心睦親族以固本建儲副以重祚定大臣以當國開經筵以格心修邊備以防虞蓄糧餉以待歉立學校以育才勸農桑以厚生是可以光先烈可以成帝德可以遺子孫可以流遠譽以陛下才略行此有餘邇者伏聞聰聽日煩朝廷政令日改月異如始栽之木生而復移既架之屋起而復毀遠近臣民不勝戰懼惟恐大本一廢遠業難成爲陛下之後憂國家之重害帝恚爲釋五年用兵襄陽立河南行省經理屯田以公僉省八年入覲十年拜昭文館大學士詳定禮儀事其言襄陽下問其事宜公對呂文煥以江淮一使兼上路總管生券軍縱還熟券徙

之河北皆可十一年初議大舉奏如求大將非中書右丞相安圖同

知樞密事布延舊作伯顏今改正不可七月左丞相布延陞辭付敕書准逆

戰者如軍律餘止殺掠古之善取江南者惟曹彬一人汝能不殺是

亦一彬也既濟江下鄂使至夜召見公帝憂見色曰自太祖勘定天

下列聖繼之豈固存之令久帝制南國邪蓋天命未絕朕昔濟江而

家難作天不終此大惠而歸今布延雖濟江天能終此與否猶未可

知是家三百年天下天命未在我家先在於彼勿易視之其有事宜

可書以進公言嚴兵守鄂無使荆閩斷陽羅渡先遣使責負歲幣留

行人之罪明年公又言由陛下降不殺之詔布延濟江兵不踰時西

起蜀川東薄海隅降城三十戶踰百萬自古平南未有若此之神捷

者然自夏徂秋一城不降皆由軍官不思國之大計不體陛下之深

仁利財剽殺是致降城四壁之外縣邑邱墟曠土無民國將安用比

聞揚州焦山淮安人殊死戰我雖克勝所傷亦多宋之不能為國審

矣而臨安未肯輕下好生惡死人之常情蓋不敢也惟懼吾招徠止殺之信不堅詐其來耳是用力拒宜申遣公幹官專輔布延宣布止殺之詔有犯令者必誅無赦若此則賞罰必立恩信必行聖慮不勞軍力不費老氏有曰大兵之後必有凶年疾疫隨之軍雖不試而民止得其半況今民去南畝來歲之食將安所仰帕首腰刀必倡爲亂袒臂一呼數十萬衆不難集也雖非勁軍壁山柵水卒未易平是一宋未亡復生一宋又南方官府以情破法鞭背文面或盛竹給投諸江中又鹽鐵酒酤權自漢代其後因之不廢今方新附若欲徵之人必離散制曰鞭背黥面及諸濫刑宜急除之權酤後議十三年罷昭文館拜翰林學士承旨仍詳定禮儀宋平凡其侍從之臣以士子入見者必令見公詢其學行而官之九月享廟拜大禮使明年上以自九月不雨至於三月間可以惠利斯民者公曰糜穀之多無若醪醴麴蘖京師列肆百數日釀有多至三百石者月已耗穀萬石百肆計

不可勝算與祈神賽社費亦不貲宜悉禁絕皆從之初公方奏事得疾忽蹠不能言帝急命從臣扶出登車至家未醒百日而愈後三年疾再至昏默三日薨壽七十八京師士大夫哭祭如失親戚曰自今帝側圖回天下者豈復有斯人者邪惟僉密院趙良弼賻俸半歲爲位祭其家終喪時孤侄燧仕安西燉僉准西提刑燿獨舉其柩藁葬京城東南別墅後十八年當元貞二年五月燿徙葬卜於西洛金門山祖塋別兆於輝菊山之陽公天資含宏而仁恕恭敏而儉勤理生惟務本實不事末作未嘗疑人欺已有負其德亦不留怨胸中憂患之來不見言色魏國公每譽其善於順受人莫可及在京晚屢輟祿雖奉朝請假質券劑盈束視貧甘心不一出言恃其久故人聞不足於上有來即謀必反覆忠告惟恐吾言之不盡及秉筆中書或咎公獨遣門墻故人公曰用人威權當出天子果若賢材烏避不聞其瑣尾者烏敢藉權樹親賓市私恩乎他善衆多今惟表其大益斯世

者四其一倡鳴斯道使今天下鄉校童蒙之師有知以小學四書爲先雖戴惠文身爲刀筆篋篋之行與非士人亦手披口誦是書求厠士列者往往多然故中書左丞之制有曰德全天懿學得聖傳旨固有在於斯也再則中士士夫不知爲廟作主以奉先祀自公始輝人多化之而祖考妥靈有所三征西南夷爲陳曹彬取南唐兵不血刃贊神武以不殺四當世祖淵龍規一幅員之判裂也請開屯田淮蜀移兵戍之固已起平宋之本及議南伐而難大將又上言非中書丞相安圖同知宥密布延兩人不可宋平又與諮謀其新國圖任其降臣隨有兩王作難海隅當十五年炎燼撲滅而公薨古以揆之晉羊祜首策平吳吳平而身不及見樂毅有曰善作者不必善成蓋當其時自明其身不終所事於燕惠數百年後猶能取必於祜今焉不效於公歟四夫人惟王氏先公卒繼宋氏後公七年卒公贈少師贈吳興郡夫人及國公魯與完顏氏李氏皆從封魯國夫人後公三十四

年完顏亦卒故三夫人皆祔煒李出今中奉大夫河南北廉使其忠厚清慎有克繼先烈之譽二女姊宋娣完顏出姊卒娣繼皆嫁爲開府忠武公中子杞淮東肅政廉訪使妻皆卒孫尙孩嗚呼燧生三歲而孤公卵翼之不知其蒙闇教督而急其成俾粗有聞承乏翰林復世公官恐公事業不能詳盡不敢干他詞臣故惟自述文不過華質不至俚而撫其實焉耳矣銘曰惟天聰明視聽自民沃天子心啓莫非臣舜察邇言昌言禹拜稱聖萬世臣何與在粵若世祖方龍躍淵載牽徵車遐蒐逸賢即輝起之爰置左右授太子經事靡不叩公感一介盡其平生所學與之傾敷悃誠書首八事修事以始賢親畏天愛民以次申以世條掾弊之方施治所宜如紀在綱上總兵民公請民去上受封國公擇地所上征南詔公陳遏劉上曰汝言吾行擾擾展也神武操既有要天下定一於時有兆移兵戍邊首蜀尾淮免夫春秋剽殺去來汴置經略秦以宣撫三年其民歌舞樂土治效若斯

公於之時一出爲猷不無贊彌又從濟江內難方蹶帝過其歸大統
入繼移昔已試施諸萬方帝思舊人台袞用章公拜稽首元良未建
臣何力有太師顧先改爲大農尋拜左丞申以責難書存可徵南土
旣平諮謀新國昭文禁林必首見及後聖相承言行其生沒爲法程
諡以諱名旣又進加功臣開府莫尊太師莫尊國魯哀榮若斯大書
穹碑比其生全千祀可貽

欽定熱河志卷一百十八

欽定熱河志卷一百十九

藝文十三

前代

碑誌

南京路總管張公墓誌銘

元姚燧

公諱庭珍字國寶曾大考淵大考士明以武力再世爲金千夫長家臨潢之全州考揖北京都轉運使故又加北京公于次爲中子沈信易直通毅辨彊綜經緯史尤長左氏春秋筮仕已存愛民利物志事先帝以典內帑受知先是高句驪不請徙居海中江華島上遣使問何由且詢其貳服親擇廷臣可者即命公時年二十三至其國王禮事之甚恭書言吾歲入幣大國未嘗不謹臣職非與未臣而敵已臣而叛者比而大軍歲入邊度劉吾人民奴吾子女有吾貨財蹙吾土疆吾是以捨衍而完險誠出甚不得已之謀非首鼠他圖爲也未疏

黃金以兩計白金以鎰計各千百數爲壽又言誠以是悽悽之言歸聞之上幸止邊軍無歲入願歲幣外別入如今相壽者數歲歲爲謝公勃然曰王以天子之使求貨來耶揮去歸具道王言且保其國無他避掠徙耳上亦悟曰人歲入幣事之又加兵罪之誠何以待不臣而敵已臣而叛者詔令軍止戍邊無入掠自是完東夷室家父子無慮萬億計自將伐宋從至閩中留爲安撫使施治兵間裏摩創殘外供仗糧不擾而集今上即位中統建元自將北伐以公先朝故臣熟西京入漠南路俾置傳驛兼給餽餉至元四年授同僉吐蕃經略使兵裁畔離仁革狼頑渠酋警撓滋久安順六年授朝列大夫佩金符責貢安南時已徵天下兵數十萬圍襄陽實爲蹶宋起本勳臣故相上與諮軍國謀不可一日離側者皆出行省董師公至其國王立受詔公詰曰王行非止違命于禮于利害且不熟知揆此邦人民土地不當天朝一總管治皇帝不欲郡縣王地版籍王民聽其稱藩遣使

諭旨德至渥也且王以與宋輯睦緩急爲援今百萬之師長圍襄陽鳥飛路絕朝夕將拔席卷渡江覆其國都易如振槁王猶偃岸海徼特爲唇齒自矜尊高事且上聞天威小震無煩遂召中國雲南十萬之師再月可至視邱墟王廟草棘王庭者將不難爲其審策之王屈降拜益慚憤將以兵恐公使力士白刃環衛公迺示怠弛袒寢一室盡擲所懸箭弓刀槊付衛士聽汝何爲天暑渴甚每取江水以進皆溫惡不可飲食及索井汲不許曰吾俗不相悅者多投毒井中殺人公曰自我所求毒死不恨終汲飲食自是安南君臣多慶公者八年會公以安南貢至襄陽猶未拔即授行省郎中承事勳貴巉絕不阿惟見之營衛足蹟不及其門商較事宜言宏色厲或有以凌鷲見短者故右丞相史忠武公天澤解之曰是其爲心忠正侃侃人也久親其人必實吾言十年襄陽下改省爲行樞密院以勞選中順大夫遙知歸德府行院經歷大軍南歸渡江復行省公復郎中俄軍虎符襄

陽路總管兼府尹毀城樓以完廟學散契軍以惜月廩剗弊施宜當
 其後先明年改監郢復二州位安撫使上捐魚荻之賦使人厭腥食
 家給蒸新月發倉以贍餓乏視便輒行事已劾聞十四年陞嘉議大
 夫監平江路位總管去郢復民聞去遮馬號送萬數其治平江考績
 亦最他路十五年改同知浙東道宣慰使未行改大司農卿丁內艱
 時軍興法聞喪不得輒行乞犇赴不報公願還所受制書為民行省
 知不可奪歸之旋艦枵然金玉美女色色無有惟文書衣被而已今
 中書省右丞相布延舊作伯顏今改正夙嘗疑為凌鷲者後顧為深知公嘗
 語人曰諸將渡江無不荒貪獨予與國寶清慎自持聞者以為知言
 公家居四年又終外艱十九年以才起復仍故官嘉議大夫南京路
 總管兼開封府尹至治之初見星而出見星而歸凡前政積事留獄
 旬月剖擿皆出尤善發奸伏有控鶴十餘輩比公至僦大第聚居二
 年黃金橫帶出入飲食街陌縱橫人謂其真也公曰控鶴役在京師

久此不行必劇賊也密諭有司以意期三日盡致其黨索贓以來得金帛寶玉服玩典質券契盈室鞠之皆歛服物則椎埋所獲妻妾僕使皆掠民子女或娼姬明日告曉市中皆杖死民駭其神捷闔境乏食已聞未報輒止稅勿輸明年河北大旱民流徙就饒及河朔數萬人郡縣畏損戶罪謾以逃聞省部遣使分道邀之許發倉人給三月食還所籍民聚謀曰吾得食三月負難歸重難勝鬻將何噉且各賣質田廬而南至家何爲愁歎無聊若出一喙公謂其使曰斯民非賊河南非別界皆聖上民社也非不知奉命不輒濟可以無罪誠不忍老稚頓踣吾治甘受禍以活此民則下令諸津急濟果有以專行上告者事下御史大夫即治廉之境民皆曰吾侯賢牧其爲開封明斷不阿可當今代包拯大夫察其無他薄責而歸奏請不下秋雨潦河決原武泛圯灌太康自京北東潏爲巨浸廣員千里冒垣敗屋人畜流死公括商人漁子船百千艘又編木爲筏具糗糧載吏離散四出

往取避水升邨巢樹者所全活以口計無慮百千水又齧京城入善利門波流市中晝夜董役土薪木石盡力以與水鬪不少殺乃崩城堰之城害既弭復大發數縣民增外隄防分直爲三直役一月逃罰作倍起陽武黑石東盡陳留張怒河綿亙百三十里如期三月隄防悉完以至元甲申七月二十日卒官舍年五十六河南之民識與不識如喪其親戚家纔餘俸半月將歸葬貧不能西開封市民雄財者戶賻之又遣子弟數百人持錢分程具奠越別治洛陽五百里凡千里及潼關以其年九月葬西安府咸寧縣洪同鄉少陵原都運公塋之左夫人何氏溫淑靜端男子三人岳提舉郢復魚湖崇西蜀行省宣使齧未仕女子三人一適大平州錄事韓和一適紀德信一適鞏思齊後三年其季太中大夫諸蠻夷部宣慰使庭瑞以燧素知公求銘其墓辭曰年五十六固不云天較齊耄耆孰謂壽考究其致之豈無以然國苟有利棄身若捐東北鷄林拏舟以使西南雕題登馬已

至視數萬里爲步仞餘招麾兩王嗾臺指輿吐蕃獷悍化不犯令由
積苦勞至不延命壽也無稱世不爲臧死可有迹短不害長襄陽軍
謀郢復民效已實已著猶其小小開封獨租舟民於河電擊霆馳懸
躬禍羅下燭其忠由明后聖老幹經摧霜風踰勁大浸稽天降舞龍
蛇流死所餘邱木是家仍集舟航乃筏以繼亦求以濟取置平地穴
陴摧防萬杵登登役不踰時隱其阜陵民流他疆我飫其食我疆診
傷皆手援溺顛顛公哉人之騶虞彼饑婪婪橫目虎羆雖古循吏列
傳史冊載筆今功孰忤爲匹少陵之原有坊其邱銘石道周以禱諸
幽

雲峰真人康泰真墓銘

元李闕

蓋聞陰陽始辨闕乎其不可圍天地初分淵乎其不可測涵蓋羣生
惟人爲最貴包羅萬物惟道闕三十字也或朔化或順化所以闕顯不同
論也何者或闕五字或園宿而煉真或花酒中了然得道或風雪裏卓

爾全神騎聲蓋色離見絕聞遊戲自在者予於含真體道至德真人雲峰子見之矣公俗姓康氏道諱泰真利州花務村人也世業農桑母感異夢娠二十四月而生幼而不羣長而敦厚美髯過腹自有仙風道骨淳儉恒於自心明昌元年躬耕於州西長壽山因而憩息遇至人盤石而坐公異之遂稽首而拜感至人口傳道於公心印元妙頓覺神識爽然以悟仙機因拜謝問忽失所在石上履迹迄今存焉與祖師重陽公甘河飲水得道之緣遂相符契遂棄家入道明全真之關鍵悟大教之根源合乎妙理則學於譚馬邱劉體乎元虛則達於黃老莊列於長壽山懸壁之半石窟之中下志修真雖危峰峭崿顛崑磊落林木參錯鳥飛而力倦獸走而神疲公居數年坦然自若但山下行人見之者罔不歎服後里人敦請公乃下山蓬頭跣足披木葉之衣過巡院材舅氏之舍其姑氏竊焚公之葉衣火豔飛身神亦無懼體亦無傷非有道之士孰能如是哉至永安三年闕川舊宜

州園居六年透脫淨中境界養成真氣吐而爲文亦中規矩且吾聞之天上無懵懂仙人雲峰子殆其是歟後天朝革命初定中原兵餘食艱負其老母忠誠以丐遠近慕焉公之天賦至孝恭儉終其生喜愠不見形予屢惜金鼎之地貴至人奇士比比而出如鄭狀元曹尙書蓋堂頭乃儒釋中之魁俊也今美髯仙翁亦道中之傑也斯蓋水秀山明之所鍾也公於丁丑夏間徙居霽都化自然飯有長春觀住持道人高煉真志氣堅剛性情決裂少所許予一見公貌而奇之曰殆非鍾離之後乎遂稽首曰弟子所居之院額曰長春師不棄卑猥於中盤礴可否公聞之諾而受焉煉真永爲歸依肇闡元風之勝有游宦者教之以忠政修道者導之以性命士庶者勸之以孝悌菑藹者誘之以耕耘教化勸誘接物利生千方百便無不周矣其道價藉甚聞於四方四方之人踏門受教者無慮亦不啻千數公得不傳之妙人莫能窺其涯涘也自生民以來未有如公者也雖然性近而習

遠下學上達匹夫匹婦可以與知焉孔子有言曰君子學道則愛人

小人學道則易使也斯言信矣時夏甚旱士庶懷憂太師烏庫哩作舊

烏古倫今改正公與幕下參佐知公祈求有驗率衆請公至於零壇之上公

於赫日中踟蹰而坐良久曰來朝辰正當有甘澍果依期有一犁之

足田苗淳然興之矣其言驗如影響於是民大和會德聲聞於四野

故曰修其德而天自輔豈不然哉是年仲冬凜冽霽之朝爽樓者最

為傑觀四壁曠然千山疊雪公裸袒而居以及十旬餘樓下瞻仰者

雲集紛紜曰非造道之深何以與於此乎京主留守完顏芳秀泊監

軍富森舊作滿鮮今改正公拜邀歸院丰姿愈盛道體堂堂然真寒暑不能

侵者也前後住食坐凍祈雨居園興緣建立多有事端豈可屢陳世

人讚曰眞方外之人也其後利州節度使任公帥官屬稽首於公曰

金鼎郡師之鄉也先壠存焉願建道院一區冀鶴駕時一賁臨洗滌

一方塵心以為養浩之所不亦宜乎公憫其懇誠俯而允諾至婁家

營不數載間剏構琳宇名曰玉京聖位窈窈然廊廡沉沉然香厨爽然雲堂邃焉靡不俱備歲次戊戌遇聖朝遣信臣懸金符天下搜訪高道聞公道德彌高特賜含真體道至德真人謂悟養生主可符大宗師公曰道之家風一瓢一杖生涯足矣焉敢受此大名一夕而遁去有宣授太師國王夫人完顏敬善及凝陽真人馬公君瑞大師門公望塵懇請曰公之名震天下如雷霆此豈人力也哉而能動天必有道矣非至誠一德其孰能使之公勉而受焉終不喜於虛名後卜於長壽山泉甘而土肥峰危而林茂真所謂人間之勝地也昔廣成居於崆峒希夷子隱於華山務成子潛於姑射寇謙之寓於嵩山斯聖者也清者也賢者也達者也公慕四子幽微之趣緬九衢市井之喧松軒竹塢足以給之棲遲暮讒朝霞足以似之嘯傲公方於四子亦可謂之明者也一日謂衆徒曰儲風養月枕流漱石足稱終焉之託惟所闕者十笏丈室耳門弟子聞者欣然願成於是鳩工董役梓

者斤坊者埭陶者瓦鍛者火童童薨薨丁丁登登肩相摩於其山者
日有千指輦而輸幣輿而入粟絡繹道路縷縷不絕如經如織孔子
曰天之所助者順也人之所助者信也其斯之謂歟乃丈室果不日
成之命曰葆光是年六月上旬有四日公命湯沐盥滌易衣書遺世
頌頌云平生活計得優游寄跡之間九十秋撒手這回歸去也杖挑
明月赴瀛洲書訖枕袖蛻然慟哭者數千衆聲振川谷僉云就葆光
丁字內穴地以爲窆窆之葬其徒朝夕祭祀焉至百日開棺視之信
香襲人尙如初闕人天福惠靡不冀具公演道七十餘年春秋九十
有二一日門人利州道錄康守安及楊志元不遠徑來句文于予曰
師之德恐久而沉陷焉將以刊諸翠琰以顯於世死而無憾矣予失
學空腹焉能發揚哉誠意懇求三辭不免略撫其實而爲之銘曰道
超今古一氣綿綿中間涵養雲峰老仙得遇至人口訣幽元懸流勇
退性誠超然卜隱長壽計就終焉心燈瑩潔物不著邊枕袖蛻行鸞

鳳翩翩葬於斯地以了真緣仙翁來兮鶴鳴於天仙翁去兮道誰與
傳蕙帳空月丹竈冷烟瑤臺元圃洪崖拍肩海岳飛塵師德彌堅靈
前刻石億萬斯年

中順大夫準台墓碑

元揭傒斯

國族有諱準台

舊作竹溫台今改正

者爲魯國大長公主媵臣事魯主丹巴拉

舊作淳不刺今改正

甚愛幸遂冒魯王族甕吉喇特

舊作甕吉刺今改正

氏家全寧今爲

全寧人父曰頁尙

舊作野旃今改正

有德行舉其部以父事之公善牧養畜

馬牛羊累鉅萬既擇其地必謹其人其順之若隨其視之若遺而不
亂其指麾以畜以孽而已若不知而賞罰是宜常曰使吾得其民治
之夫猶是也及事魯王魯王以其才可大用一府中亦交稱其賢數
欲獻之上復念府中去是人緩急無可使者遂奏爲管領隨路打捕
鷹房諸色人匠等戶錢糧都總管府副達嚕噶齊

舊作達魯花赤今改正

與隨

朝列大夫尋進中順大夫以爲達嚕噶齊居府中十餘年貨無悖入

亦無濫出歲節財用五十餘萬緡公室以富民生以遂猶恨不能盡其才至治三年三月十日年四十二卒於京師之仁壽里府中如失其弟兄境內之人如失其父母後闕日葬城西南五里歡喜領之麓今太皇太后魯國大長公主之女也其歸文宗文宗問準台有後否曰有有子曰薩勒奇思鑑舊作撒而吉思鑑今改正今若干年矣遂求以充媵臣以其父賢必有賢子也及即位置宮相都管府以為副總管入宿衛今皇帝尤愛之詔樹碑其父之墓以旌其賢以勸於後而以文命臣僖斯竊惟我朝以仁愛立心以廣大制國故能臣妾天下號令八方凡在國人出一言施一政不待文學以動與古聖賢合天運之所在如此若公平生尙義而好施饑而待其食寒而待其衣長而待其婚嫁沒而待其喪葬者誠不知其幾以公之志復假之年使得守封疆立廊廟當何如也而竟止此然夫人阿達里舊作阿達而今改正氏以盛年而失其所天能玉雪自守以保其節子薩勒奇思鑑以弱齡而失其所

怙能奮勵自克以善其繼致使天子賢其父以及其子因其子以追其父廣褒賢之典賜述德之碑與元勳世臣等不亦盛哉撮公平生所被賜賚大德三年裕聖太后賜白金爲兩二百有卅瓊玉束帶一至大元年武宗賜大珠首飾一副白金五十兩楮幣二千五百緡玉杯一皇廣元年魯國大長公主割賜濟寧堯河分地五十頃及金玉器各對上及后賜楮幣二千五百緡對衣材廿元聖太后賜黃金五十兩白金二百五十兩對衣材廿至治初英宗賜楮幣五萬緡對衣材十天歷初上及后賜楮幣十萬緡子男一人薩勒奇思鑑受知文宗特授奉振庫提點歷尙公署令進直省舍人進宮相副總管累階奉訓夫夫闕天地至大萬物至衆生之不齊各致其用馬不使耕牛不使乘椅桐琴瑟松柏棟楹用大而小君子之誚用小而大君子之茂公如騏驥不隨駑駘公如松柏施之桷榱以屈知己以就任使而誰爲之豈曰天子生不盡用沒有餘榮子孝孫賢茲石示徵

利州長壽山玉京觀地產傳後弭訟記

元李察

跋利州之西憑榆河之渡呀嘻高哉屹然而魁秀者長壽山也山之東僅四百步壯哉峙然而金碧輝空者玉京觀也乘高瞰下不沙不礫不垚不瀦闊而長澤而腴者觀之藝地也其他是種皆宜昔大軍漸平靖真人康泰真負紉有之傳三世而王端張定實同其主二子老白一二門人曰天下平久矣民蕃地徧以至隘境促瘠堆燥窪濡牛力農具僅可通者莫不燔荒斫枿而熟之至有盜植旁封而致訟蓋盜生乎不足訟起乎不平也我忝賴祖師明智坐享上稔不糞之地而無燔荒斫枿之勞吾耄矣泉壤日近若猶中稚而懵今不盟鄉鄰辨封畔昭昭乎審識諸石若將與人辨侵昧之訟不已是吾貽訟嫁怒於後若然則奚若一辨而熄其後訟哉竊嘗思之辨之則有狗外絃物之譏不辨則有貽訟嫁怒之患絜患度譏譏不暇恤設茲土無主以轄之無碣志以限之使貪人四侵終莫閱醜貪之口是之

謂必露吾恐其貪虛益而受實損何則法有聽復吾儕故地者使挾法復地小有昧地之罰大則因昧入人地者有之之二者不俱則一是之謂貪虛益而受實損狼所貪者豚也主人護豚而穿之狼出陷生之禍者少矣使狼知穿所雖饑餓成毘亦弗入知損而無益故也茲地猶穿耳碣所以指穿所也吾必知後訟而不早堙其漸是之謂吾心穿忍逃狗外瑣瑣之譏以穿後人乎噫汝識之祖師所以創有茲土我所以坐享成業而又早辨後訟者皆度時酌宜而然夫強弱相隨者命也得失相尋者分也天無恆命物無定主理也然則雕文於石特恤後訟姑欲弭之後之有訟無訟自有酌宜行者矣吾無恤也

重修敵樓山天宮禪院記

元僧顯月

如來正法東流震旦歧而爲二曰教曰禪教以軌持爲義禪以了性爲宗致用雖殊其揆一也達是理者其惟竊公禪師歟師諱慧竊江

淮楚地人也爰自幼歲投師出家後因大元一統飛錫天都稔聞夾山順公長老道風孤潔繼而師之戮力叢林奉師恭恪師天姿敏達夙稟慈惠洞曉五經研窮三藏六時坐而無倦一食齋以自資二十受具堅守戶羅晨夕專一所事者觀音大士也歲在辛酉乃聞閩山勝游義州賢聖遂滌志游禮而返憩止惠州觀其西南巔峰峻拔四望盤鬱率道友躡躋而登止于敵樓山之地則有古趾殿宇觀其名額號曰天宮惟設觀音神像而已於是面奉慈顏益加精謹乃結廬而止未逾半載四衆雲臻不啻三年悉爲之備復完紺殿金碧聖容供器新鮮香燈整肅齋魚粥鼓晨鐸暮鐘及鐘樓方丈僧室山門香積雲居廩庫賓館皆創構之又於寺之四顧置莊地可盈百頃牛畜騾馬亦近百餘淨人佃客春耕秋耘粟麥豐盈以延四遠經書佛像各設龕函種種莊嚴其端非一檀越欽仰徒衆瞻依遐邇道流往來如市歲丙戌間不遠千里扣予之丈室懇求咨訣乃見其機鋒峻利

知是法器謂曰獅子窟中無異獸象王行處絕狐踪遂左提右挈痛下鉗鎚深獲契悟遂以印證衣頌付之俗壽六十八僧臘四十八僧俗徒衆可滿百數長曰元聚一日造闔而相告曰老期至矣自卜居創業以來寺門內外似爲小備欲刻諸石以記其事乞師一文不亦可乎予辭讓不已直爲記之

川州重修東嶽廟記

元徐潛

祀禮之設尙矣惟五嶽號爲海內之尊凡登諸祀秩者又非他山之儷也古者帝王二月東巡狩至於岱宗柴秦漢以下封禪勒成紀諸信史者七十二君所尊之土惟魯所治之宗太皞是知五嶽者乃天下之尊而岱宗又五嶽之尊也苟無靈迹瑞產以昭其異特撮土耳焉用披誠致款以褻其敬哉季氏旅於泰山仲尼非之何則聖人治人事神一於禮而不苟如其後世建立行祠徧於寰宇兩翼列置曹司善惡二部隨民所禱吉凶孚應得非世變愈下所致然乎嗚呼後

之視今亦猶今之視古也又何異夫冉子之不能救哉白川嶽祠尊於坤隅以其歲月悠遠殿宇廊屋不無殘毀以故人莫克居神不顧享泰定內寅全真道裔劉德寧瓢笠而來於內掛搭棟焉興嘆以爲一方靈迹廢墜至此不惟民庶闕首愆之地翳彼羽流者亦無棲息之所焉於是首捐衣鉢哀工計料移創武安清源二王行化太尉合四位皆隅坐附於正寢神門虛廊各一區又東向賓位庖湍爲間者五正殿重葺斬然一新又東創元元殿以宅方士所費財物初不出於常住無煩於士庶數稔以來厥績稍著闔郡民庶高其素行爲之捨財相力以後爲耻劉師道流也昔重陽祖師唱真風於東海演大教於西秦其要皆以慈悲方便爲本濟人利物爲心首尾一紀而廟庭元宇輪奐可觀蓋由人耑其敬然後神博其惠惠所能博是享其敬也敬所能專則功易成也其功之成實勞實劬殊有非勞非劬者存焉故能交神明於虛靖位天地於中和一方年穀屢登物無疵厲

者雖神之所惠實師之所惠也彼將原神奇於臭腐造元牝於天根
凌太虛而馭六氣扶飛仙而駕靈臆顧此真積蘇耳又何屑屑焉從
事於斯而後可以爲至乎雖然元元所謂九層之臺起於壘土千里
之行始於足下而循序之功必假途於彼而後可期於自得豈與夫
離外人物繆執頑空者同日而語哉

大寧路惠州東錦川鄉月華山林泉禪寺剏建地產四至碑

元僧無際

詔書興隆佛教在處廢寺悉許贖修時歲轉大藏經寵釋氏普天梵
宇益興焉大寧之東南僅三舍餘有山名號月華突然秀出中有精
藍曰林泉實清幽勝絕之處也環寺林麓陰翳蔽日互嶺喬松聳壑
凌漢爲真聖之所宅釋子之居經始之由咸失其名有本無神足禪
者祥盤行勺屆於此覩其故基喟然歎曰烽火之所廢矣師眷羨出
古道場留心卓錫有信行軍總管白公見師奇之命一飯告曰旃檀

梭拱卉木皆薰若肯薦修余當傾心戮力師曰諾問其寺故罔然無托面山之腹有巖竇號曰崆峒今昔相傳遂剏立茅茨孤身弔影狐兔爲儔縑素聞之雲棲而輟伐除荆棘去其燼壤昔時兵火陣亡之卒骸骨不可計數師以慈心戢葬一塚命良匠貨以梓材揮斤析木特建正殿三楹壁繪毘盧聖像右翊觀音寶宮左輔威光之堂主位以丈室通幽僧廊廚舍首尾三禩歲至乙巳百廢具舉有若梵宮復立嘉名山名稱曰月華寺額榜以林泉師一日中夜而眠有鬼神告曰吾等蒙師之恩空骨深藏皆免日曝霜淒之苦請啓追悼師俄然覺悟悲愴而泣誓心濟拔隨命良工擇以霜縑繪水陸功德百二十軸特建冥陽前後兩會衆靈薦歸聖道師之行酒不濡齒過中不食非戒不履延接往來殊無難色有千戶王公敦請禪師於龍山郭家寨剏建小蘭若名曰興聖次以總管外護主劉公堅命師於仇家莊修整小剏名曰聖水院及馬家寨寺郭家寨興勝寺馬峪文殊院上

下五處附之林泉同一道場後數載間所置以供常住并衆之費地
產依施文券俱列石陰師將功畢遺囑諸徒曰甲乙而住之春秋七
十四而逝林泉郭家莊二處營塔存焉有盤公上足淨道一日茶烟
間告其昆仲曰林泉古道場也自先師經營積累方落其成二六時
中勤於香燈精於禪誦用祝吾皇萬壽無疆以保黎民十善之樂師
既功勤夥來若不鑿石以旌其德殆將泯滅後來者無所考焉衆僉
曰然即求文於無際無際曰僕若沙井之無澗空雲而無雨是林泉
者木石雲烟薄空飛翠四時一色文殊之真境也松風怒吼山禽相
鳴開軒煮茗掃榻焚香對賓客以清談聽鐘聲而受供雖事有隆替
而法無廢興矧此山皆修心體道者所居神物所護安有湮沒無聞
於世既聞通公之命義不得辭真撫其實而爲銘曰皎皎月華森森
古刹突秀梵宮鱗排萬瓦移繪聖容光流華夏水陸勝因追茲薦拔
梵刹興隆飛成大厦道德安居林幽蕭灑將此深心報國恩化

宣授興中州達嚕噶齊公平治道塗碑

元林闕名

夫青巒嶺者自古有之東連遼水西接霽川過者曷勝且歎息哉捫
參歷井信有之矣自至順壬申夏五月公來刺是郡其公廉清操雖
古之龔黃亦可肩也時有秦王太師中書左丞相布延選收鷹犬以
伯勒格舊作別里哥今改正文字付公既蒙鈞諭即入山谷間搜尋窩雛鷹鷄
兩年之間所得白鹿各一雕籠盛之遠貢京畿育諸苑囿感蒙厚賜
公每臨是嶺未嘗不咨嗟不已去歲元統甲戌農事已畢鳩集人民
鑿嶮除荒填溝補塹可謂使民以時其亦有利哉不旬日而成坦路
使負重致遠者悉無覆車牽鞵之患以此觀之實出公之勤政之所
致也鄰封金源人民聞之亦與助工鄉人田榮等刻石於嶺表以彰
使君之德丐余爲記姑述大槩云爾

瑞州海賓鄉雲谿觀碑

元張道中

夫道無形迹故不可以言傳不可以博持上天之載無聲無臭是已

洎乎我元皇闡教開示後學強謂之名曰道由茲以降太極兩儀三才之道既分陰陽天地萬彙之理已著是知道家者流其來遠矣瑞州之北相去二百里許有山曰瑞雲山洞曰天一大洞觀曰雲谿自古黃冠修煉所及金源之末天兵往來縱橫之際是洞一廢荆棘叢生虎豹恣行人跡罕至然故址猶存迨我世祖皇帝繼天立極奄有天下四海八荒玉帛交錯諸國稱臣於是招賢聘士以輔國政癸卯春詔邱神仙於海上訪問至道元風增輝四方雲朋霞侶如星拱北如水朝東名山洞府水陸嘉勝之地是以李元久先生迺錦州坊市人也父祖專恃農桑爲業先生幼而多病百藥無效父母捨入建州大王山雲峰觀禮曹大師爲引度之師曹本觀拜李先生爲師李又拜禮龐老大師綿綿相繼薪火相傳龐聞邱神仙應詔住持燕京大長春宮逕詣堂下炷香參拜懇求爲門下弟子受以密旨因得列於門人之次元久實邱神仙之法孫辛卯游歷諸方二十年欲卜勝

地以盡終焉之計庚戌篋瓢杖履來游斯洞觀其攢峰簇嶂上接層霄霽靄晴空遠連滄海乾地有泉源源而至洞之側泓池無競晝夜不息春秋變化靈異無窮山勢掩抱溪流迴合瞬目之頃而營謀之心已定遂刪荆剪棘鑿石興功朝往暮歸結良緣而爲善果星來月去開荒地以作福田鑿土播種衣食自給居山三十餘年人無識者庚辰郡人大中大夫大寧路總管崔履謙因暇訪師談元論道見其冥功實行樂清道之活計甘淡泊之家風吾今而後愛之敬之奉施淨錢三千貫張世榮曰崔公故友也知卿里有善人可敬聞予亦施鈔二千貫崔良亦施鈔二千貫荆建三清寶殿四方檀信聞而樂助不期年雲房齋廚煥然一新衆仙墳在坤方可以深藏遺蛻莊產地

在離位足以養贍緇流丙戌春呼門人而告之曰吾今壽已八旬生死無定雖然論其功績之勤如是之勞以傳不朽若事之畢一旦歸空無餘恨矣門人應曰然時僕忝大寧路道門提點因公適謁老仙

留居數日示以前後之勤勉掇其實仍系以銘曰大道無形難狀難
名元皇立教強道之稱陰陽既判天地咸寧三才已備萬物生成天
一大洞自古天庭值金之末厥廢天兵誰復興之元久先生闕三字壘
時闕七字自播自耕四十餘年惟道則亨鄉人稱善啓構三清堂廊下

闕俱

興中州大通法寺地產碑

元安思道

佛氏之道肇興西竺繼入中華綿亘往古其所由來者漸矣時或垂
滅復興稍微愈熾稽諸前史而有定論也余少時常陪緇宿輩爲方
外遊日相親好一接清談胸臆灑然終日忘倦尋閱經文粗知其略
爾大抵如來示教以方便爲門利生爲本使學者嚮善背惡去彼取
此而已故其化人也易其入人也深夫如是歷年滋久其法彌彰俾
世之俗咸願歸依奉香火而結靜緣崇祠宇而徼福利者多矣矧夫
童髮捨身服膺是教者尤難槩舉推原其理良有以焉眷此名藍第

爲壯觀襟龍岫而帶狼河接松漠而雄柳郡詢及創始罔克周知傳聞祖師琛公和尚棲息於茲有年矣元風以之而振佛日以之而明自時厥後生徒接續代不乏人嗣法僧曰添曰孝琛公之雲仍也前後歷典寺事殿宇堂廊摧圯者力爲修葺一日添與孝竊相謂曰僧務闕二井井有條惟本派上下院常住地土多寡肥瘠隨宜播種歲計所入粗供齋粥尙慮陵谷變遷迷惑畛畔殆非貽厥後昆之良謀也曷若刻諸石昭示空門永爲張本固不違歟二僧謁余以記文見屬添俗姓胡氏本郡人也與余有里閭之舊義不能辭謹撫其實姑述始末云

雜文

跋趙太常擬試賦後

金楊 奐

金大定中君臣上下以淳德相尙學校自京師達於郡國專事經術教養故士大夫之學少華而多實明昌以後朝野無事侈靡成風喜

歌詩故士大夫之學多華而少實上病其然也當泰和丙寅春二月二十五日萬寧宮試貢士總兩科無慮千三百輩上躬命賦題曰日合天統侍臣初甚難之而太常鄉北京趙公適統御前讀卷官獨以爲不難即日奏賦議乃定既而中選者纔二十有八人僕時甫冠獲試廷下而席屋偶居前列朝隙聞異香出殿櫺間一紫衣顧予起問題之難易及名氏里貫年齒而去少頃復相慶曰適駕至矣薄暮出宮傳以爲希遇退而志之後四十五年僕以河南漕長告老於燕過太常之孫承祖家得所擬賦感存歿不能不惘然爲敘其末以舊詩歸之所謂月淡長楊曉色青天題飛下寂無聲南山霧豹文章在北海雲鵬羽翼成玉檻玲瓏紅露重金爐縹緲翠烟輕誰言半夜曾前席白日君王問賈生者是余少作也無可取以其紀一時之事庶附趙氏家傳或見於後世云

題王庭筠秋山應制詩稿

明宋濂

金源之制每歲以正月幸春水九月幸秋山五日之間羣臣一進起居表其嚴愼如此之至者志非在於畋遊將修兵政而紓民賦也道陵如薊門至秋山河東王庭筠以翰林修撰扈從左右應制賦詩三十餘篇甚被獎眷蓋自大定以來累洽重熙文物聲名可擬漢唐故其一時君臣遇合天施地受雨露無際浹於太和此乃金極盛之時自當時言之孰不效上林羽獵以侈大榮觀而庭筠乃能以秋山不合圍爲風則庭筠者亦良士也哉此卷庭筠所具之稿惟十四首而逸其大半詩序中所謂九日正泰和元年九日丙辰然道陵以是月七日甲寅發京師二十九日丙子至自秋山道塗所歷凡二十有三日其幸香林平頂山溫泉等什皆可以次而推至若牡丹醪醑松影三詩則不知作於何時按庭筠以明昌三年供奉翰林八月遷修撰未幾謫鄭州防禦判官承安四年復起爲應奉翰林文字泰和改元又轉修撰明年遂亡壽甫四十七爾詩題旣曰奉旨而作雖不能必

於何年其決在禁林之日矣按春水秋山初無定處洪皓續松漠紀聞謂去國數百里逐水草而居處也

謹按平頂山在今豐寧縣

即四旗廳

境者二溫泉今在豐寧縣者三

未知庭筠所賦者屬何處然總在今境地

欽定熱河志卷一百十九

欽定熱河志卷一百二十

藝文十四

前代

詩

鐵獎館

宋劉敞

稍出盧龍塞回看萬壑青曠原青磧石別道入松亭塞馬寒隨草奚
車夕戴星勿忽田子泰寂寞向千齡

庶子嶺帳館寄隱直

宋劉敞

離腸易感歲華催更席龍沙望紫臺持節不眠宵月永聽笳無事淚
空摧扁舟何處山陰雪驛使他年嶺上梅欲寄一書愁已亂天邊應
候客星回

逢范景仁李審言二諫議

宋劉敞

怪來原隰滿光華不意相從天一涯久別崇班情未易少留傾蓋日

空斜山連木葉千峰雪地逼龍城萬里沙深愧壯心輕遠適自嫌憔悴聽悲笳

朱橋鹿兒館前作

宋劉敞

朱橋柳映潭忽見似江南風物依然是登臨昔所譖犬聲寒隔水山氣晚成嵐留恨無人境幽奇不盡探

謹按劉敞集中有宿柳河聞永叔是日宿松山詩知歐陽修與劉敞先後使契丹考歐陽修集中有憶昨呈劉原父詩云古北嶺口踏新雪馬孟山西看落霞風雲暮慘失道路澗谷夜靜聞麕麕行迷方嚮但看日度盡山險方逾沙遼宋時使臣來往例出古北口而馬孟山與中京相近詩中所詠即中京道中之景也又有奉使道中詩云兒童能走馬婦女亦彎弓又云山深聞喚鹿林黑自生風又云合圍飛走盡移帳水泉空皆指塞外土俗風物而言復有馬鬣雪及風揚沙二詩亦皆奉使道中所作

以題中未有實指之地名故不列入藝文內

奚君宅在京南中

宋蘇轍

奚君五畝宅封戶一家田故壘開都邑遺民雜漢編不知臣僕賤漫喜殺生權燕俗嗟猶在婚姻未許連

惠州

宋蘇轍

孤城千室閉重圍蒼莽平川絕四鄰漢使塵來空極目沙場雪重欲無春羞歸應有李都尉念舊可憐徐舍人會集單于渭橋畔懽呼齊拜屬車塵

神水館寄子瞻兄四絕

十一月二十六日是日大風

宋蘇轍

少年病肺不禁寒命出中朝敢避難莫倚阜貂欺朔雪更催靈火煮

鉛丹

馬上一作李若芝守一法似有功

夜雨從來相對眠茲行萬里隔長天試依北斗看南斗始覺吳山在

目前

誰將家集過幽都逢見燕人問大蘇莫把文章動蠻貊恐妨談笑臥
江湖

北庭一意向中原言語綢繆禮亦虔顧我何功慙賈陸橐裝聊復助
歸田

玉石觀音像唱和詩

遼僧智闕

見說曾爲上馬臺堪嗟當日太輕哉固將積歲舊凡石又向斯辰刻
聖胎月面渾從毗首出山儀儼似普陀來願同無用恆有用不譬莊
言木鴈材

方池波面躡花臺瞻奉無非唱善哉外現熙怡慈作相內含溫潤玉
爲胎刻雕數向生前就接救專期沒後來故我志誠無倒意三年用
盡兩重材

遼鄭若愚

文殊臺對普賢臺飾寶塗金即衆哉聖帝特鎔銀作像高人又選玉

成胎端嚴然自工鑄出光彩俱從星化來因此道元功德就給孤園
內一全材

遼 韓資讓

貞珉未用似湮埋選造觀音衆快哉募匠俄鑄大士相成形不自凡
夫胎琳琅光彩院中滿冰雪威儀天上來珍重吾師能鑒物從今免
屈非常材

遼 趙廷睦

觀音神力不思議舉世歸依頗異哉人各爭奇金作像工多街巧木
爲胎積年棄石嗟誰顧今日逢師入用來但蘊貞堅潔白德宏材未
見作遺材

遼 梁 援

七尺仙容立殿臺鑄奇鏤異最優哉模將竺域佛爲像琢破崑峰石
作胎妙相化身從地出慈尊移步下天來向非師智巧經度誰識藍

田舊玉材

遼趙長敬

昔年避地別燕臺今日因人信美哉貞性果奇成妙相睟容元不降
凡胎燒殘灰劫無彫朽拂盡銖衣任往來二像端嚴傳萬世法門師
匠肯遺材

遼馬俊

天慶寺前一片石造成觀音神在哉八萬由旬妙高骨三千世界明
月胎潛救衆生苦惱去默傳諸佛心印來十首新詩讚功德等閑難
繼貫休材

遼劉瓌

久遺貞石混纖埃二像特鑄事卓哉順俗慈悲須假相出塵神力亦
非胎紹名早授昔師記救苦分臨末世來蓋世性堅無變易會逢高
鑒豈淹材

遼 史仲愛

遺脫貞珉在地臺高人識辨事奇哉造成補洛山中像不假靡耶腹
內胎種種形容何處現巍巍神力此中來荒吟讚頌陪陪諸彥輕重纖
莖擅巨材

遼 曲正夫

塵埋雨漬近樓臺久棄通街亦命哉今日方成白玉像昔年誰議紫
金胎人存果驗功須濟物極終知泰自來元自御碑當未建四分材
內一分材

遼 王執中

堅珉刻像降蓬臺敬禮瞻容睟美哉救難龍魚鬼與火度生卵濕化
兼胎侍多諸佛未聞見善應諸方無去來足表英雄心匠力隨根通
變不遺材

遼 關 光

玉像鑄成置寶臺威嚴神在歎奇哉身披雪氎凝山谷眉放虹光剖
月胎相好盡疑如化出慈悲重爲度生來向非大士垂精鑿應被凡
工作礎材

遼王仲闕

窅雲披霧下峰臺歲久還逢藻鑿哉相爲應根方有像性因絕垢自
無胎琢磨迴出三身外具足非從一日來萬法皆由人卽顯空門觸
物願同材

遼孟初

瑞毫輝映紫金臺鏤石尊容煥赫哉山卷碧雲呈玉骨水搖白月晃
珠胎一枝楊柳光嚴住百寶蓮花影像來珍重吾師承道蔭義林高
聳豫章材

遼張識

夔峰久斲滯留臺塵履方能遇鑿哉應手刻成白玉像化身免托子

宮胎初疑入夢補陔去又訝隨緣震旦來從此睟容日瞻仰億年不
朽表良材

遼 楊滌瑕

誰認昏蒙明鏡臺吾師智見大雄哉偶窺片石非凡相特命良工刻
聖胎救苦盡隨威力去欲求必應願心來從前高士有多少不識白
山一分材

遼 李師範

相貌巍巍佛力栽立承瞻奉亦時哉誰知韞玉貞頎質自是觀音應
現胎天慶門前遺舊隱補陀山內恰新來幽巖此石知多少不遇知
人是不材

遼 李 闕

和雲巨石拔沈埋鑄作觀音字闕二哉營自師心分異體出由山腹二闕
字胎端凝相在生羣喜堅固身存字闕二來遭遇若非大龍象不過爲

字闕三材

遼張闕

何代何年棄此臺因人得用字闕二哉他山原作谿雲伴今日翻成二闕

字胎只見威儀隨相現不知示字闕三來若非早入名師眼猶被塵埃

字闕二材

遼寇闕

誰刻貞珉在寶臺威神之相字闕二哉補陁山下白雲骨極樂天中二闕

字胎能遣衆生憂患去可令千種字闕二來十篇所贊神通力方見吾

師字闕二材

遼張嶠

青松影畔昔爲臺大器今方字闕二哉拂盡暗塵披素質鑿開諸相二闕

字胎圓明獨對靈珠現溫潤常含字闕二來歷却定隨宏誓在吾師能

用字闕二材

遼韓汝礪

御運當時自隗臺豐碑餘剩

字關二

哉得逢大智鑄成像益表中心

關二

胎塵骨亂隨金鑿去珠光新入

字關二

來已聞紀社招吟客盡是皇

朝字關二材

遼僧善關

巍然獨立絕纖埃相好奇哉復關哉因覩工移珉作像方知凡與聖

關胎垂恩未省懷悲喜救苦何曾覺關來關三字材

遼僧性關

神姿劇就置層臺儼雅威靈衆異哉實智已圓千劫相權儀不關四

生胎用興體密復還往定關悲深去又來積歲未成英匠別也當遺

夢曲關材

遼僧性覺

枕道常爲避暑臺偶然易質大驚哉鑄成月面舒蟾魄斷就珠毫露

蚌胎龍岳應緣期日往鳳都乘運出塵來若非英鑒能如此千載湮

沈謂不材

謹按像及詩碑俱在今建昌縣

即塔子溝廳

境臥佛洞下四里許字

迹模糊半不可識今錄其可辨者二十六首闕數字者亦存之

雖語多未工然遼詩流傳絕少取備一代篇章爾

重九登會禪寺冷翠軒

金趙秉文

北風吹倒磨雲峰凜然雙角蟠白龍邊城雪花大如席黃花紅葉誰
爲容會禪西軒作重九登高望遠開心胸烟嵐卷盡暮山碧冷雲萬
里迷元鴻山北首豬大如馬割鮮飲食如長虹酒酣起舞望兩寺鳥
驚踏雪摧長松天低日落望不盡一徑何處來樵蹤君不見七金山
下打圍處貂裘風帽寒蒙茸跑風駿馬下平野迎霜老兔咻榛叢歸
來得雋詫朋友臨風一飲輕千鍾歡餘勝地兩蕭瑟百年聚散如飛
蓬明朝卻望登眺處城中惟見白雲封

松山道中

金趙秉文

松漢三百里飄然一日中山長雲不斷地迴雪無窮遠嶺貪殘照深
林貯晚風烟村一迴首獨鶴下晴空

七金山寺

金趙秉文

剝簷篆額蠹蝸涎象教塵埃閱百年殿棟猶題遼日月圖經不載禹
山川荒碑盤屈蜿蜒古壞壁參覃罔象拳想見當時崇奉日無邊花
雨散諸天

達北京

金趙秉文

小車日日碾征塵臥即看書坐欠伸露宿風餐二千里青山無處不
隨人

龍山怪松

金趙秉文

自笑書生骨相同倒騎驢看兩三峰天東稍喜無碑讀踏雪還來看
怪松

北都雪望

金趙秉文

千山雪盡出樵車一徑雲移去似蛇
小屋平頭墟落裏炊烟起處自
人家

北都小雪

金趙秉文

邊城小雪試年華烟冷貔貅十萬家
探使不來人半醉將軍種帳卓
平沙

題靈感寺

金趙秉文

塗河岸北白蓮東法鼓驚飛碣石鴻
塔上風烟高鳥路山頭雲氣化
人宮松林礙日蜂房冷石砌頽沙
蝘穴空欲盡休公揮麈樂鬢絲羞
對落花風

中京遇因長老

金李之翰

天涯流落偶生還古刹相逢語夜闌
歎我歸途千里遠喜君禪榻一
身安松聲不斷風吟細月影無邊
路氣寒分手山堂更寥索冷雲衰

草伴征鞍

霽川道中

金蔡珪

扇底無殘暑西風日夕佳
雲山藏客路烟樹記人家
小渡一聲櫓斷霞千點鴉
詩成鞍馬上不覺在天涯

送李天英下第

金周昂

不須寂寞恨東歸洗眼三年看一飛
試捲波瀾入毫穎莫教歐九識劉幾

送李經

金李純甫

髯張元是人中雄喜如俊鶻盤秋空
怒如怪獸拔古松老我不敢嬰其鋒
更著短周時緩頰知囊無底眼如月
斫頭不屈面如鐵一說未窮復一說
勅敵相扼已錚錚二豪同軍又連衡
屏山直欲把降旌不意人間有阿經
阿經瓌奇天下士筆頭風雨三千字
醉倒謫仙元不死時借奇兵攻二子
縱飲高歌燕市中相視一笑生春風
人憎鬼妬

愁天公經奪吾弟還遼東短周醉別默無語髯張亦作衝冠怒阿經
老淚如秋雨只有屏山拔劍舞拔劍舞擊劍歌人非麋鹿將如何秋
天萬里一明月西風吹夢飛關河此心耿耿軒轅鏡底用兒女肩相
摩有智無智三十里眉睫之間見吾弟

張謂伯玉
周謂晦之

寄李天英

金高憲

稻結蒼蒼陂已枯西風剪剪弄楸梧蒹葭水陸魚梁迴蟋蟀聲高山
驛孤社甕新成元亮酒并刀細落季鷹鱸作詩遠寄霜前鴈人在海
東天一隅

寄京父

金王渥

憶昔相從在寢邱城南城北縱懽遊杏花聯句香隨馬野水添杯浪
拍舟邂逅又成三月別飄零合負一春愁汝陽淮甸經行徧應有新
詩爲我留

祖道趙王應詔詩

金張華

崇選穆穆利建明德

一作明明

於顯穆親時惟我王稟姿自然金質金相

光宅舊趙鎮作冀方休寵曲錫備物煥章發軔上京出自天邑百寮

餞行縉紳具集軒冕峩峩冠蓋習習戀德惟懷永歎弗及

四哀詩之一

金元好問

冀京父

先公藻鑑識終童曾拔崑山玉一峰不見連城沽白璧蚤聞烈火燎
黃琮重圍急變紛紛口九地忠魂耿耿宵欲弔雲南無覓處士林能
不泣相逢

贈利州侯神童

生十四月識字予見時
生二十一月識無算

金元好問

牙牙點妝杏蕾紅阿兄抱之來學宮今春學語語未正已能見書識
名姓隨指隨讀無數重多生想曾文字中極知之無不足訝更恐誰
誦難爲功土中松粒龍爪脫萬牛邱山起毫末君不見黃金寶鼎翡翠
青未要春宮許衣鉢人間失卻麻神童明星煌煌出蒼龍只知江

陵圖籍盡一火誰謂死草生華風遺山老子未老在見汝吐焰如長

虹兒字
金鼎

會州道中

金馬舜卿

山腰薄雪炫朝曦未放陽和入燒痕一片長安世情月梨花院落幾

黃昏

飛豹行 并序

元王 惲

中統二年冬十有一月大駕北狩時在魚兒泊詔平章塔齊爾舊作

塔察今改正

公以虎符發兵於燕既集取道居庸合圍於湯山之

東逐飛豹取獸獲焉時予以事東走幕府駐馬顧盼亦有一

嚼之快因作此歌予時為左司都事

二年幽陵閱邱甲詔遺謀臣連夜發春蒐秋獮是尋常况復軍容從
獵法一聲晝鼓肅霜威千騎平崗捲晴雪長圍漸合湯山東兩翼閃
閃牙旗紅飛鷹走犬漢人事以豹取獸何其雄馬蹄蹴麋歛左興赤

綠撤鐵驚龍騰錦雲一縱飛塵起三軍耳後秋風生豹雖逸才不自
惜雨血風毛摧大敵風烟慘淡晚歸來思君更上單于臺血埋萬甲
戰方銳爪牙正藉方剛才古人以鹿喻天下得失中間繫真假元戎
茲獵似開先我作車攻補周雅大笑南朝曹景宗誇獵空驚弦霹靂
何曾夢見北方強竟墮閉車甘偃息揚鞭回首漢家營一點槍纓野
烟碧

謹按湯山在今豐寧縣即四旗廳境內大閣兒西南四十里爲開平

之東南故序云以事東走幕府也

過柳河

元貢師泰

野曠山寒露易霜短榆疎柳路茫茫雨來黃潦聚成海風過白沙堆
作岡驛館到時逢數騎馳車宿處錯羣羊客懷正爾無聊賴忽見南
飛雁一行

至正十一年秋七月巡按松州虎賁分司時山谷寒甚公事絕

少明日即還爲賦此

元貢師泰

秋風槭槭衣綿薄夜雨蕭蕭燭焰低萬里江南纔夢覺此身原是客
遼西

雲葉繽紛雪弄花小營近午卻排衙分司御史渾無事又鞚青駝踏
白沙

十八盤嶺

元周伯琦

東方尙平地近嶺書生寒拔地數千丈凌空十八盤飛泉鳴亂石危
磴護重關俯視人寰隘真疑長羽翰

謹按伯琦扈從詩自註曰兩都相望不滿千里往來者有四道
曰驛路曰東路二曰西路東路二者一由黑谷一由古北口古
北口路東道御史按行處也伯琦往年分署上京但由驛路而
已黑谷輦路未之前行因忝法曹肅法轂下遂得見所未見實

爲曠遇云據此則上都驛路實在熱河境外故凡元人上都諸
作悉不濫載惟此詩乃由黑谷一路循今豐寧縣即旗西境而
過者故特錄焉

冬至日白雲道中偶成錄呈朱叔茂郎中段惟德魯子暈二都
司仍希於張伯高參議郭幹卿治書於兩司幕長及按郭郎中
邢孟直諸公處以區區薄沆達之
元曹伯啓

榭葉蕭蕭朔吹寒山行病瘦怯衣單馳驅一帶灤江險彷彿重經蜀
道難旅邸僦牀雖自愧繡衣持斧要同看窮途卻值書雲節秣酒糠
燈語夜闌

欽定熱河志卷一百二十

重刊熱河志跋

乾隆四十六年敕修熱河志成書旋即刊行即世所稱武英殿本是也毓黻向所見者僅盛京故宮弄藏之本此外則不數數觀遼陽袁氏所藏寫本蓋自故宮本逕錄毓黻嘗假讀之譌誤不可僂指初疑鈔胥不善及取故宮本校之乃知鈔本譌誤悉出原書如田之作由太天與丈之作大大之作天廿之作甘都之作郡通之作道先之作光興之作與問與閱之作間稔之作捻巴之作已使之作便執之作孰萃之作革檄之作繳全之作金闕與闕之作關島之作鳥夫之作失失之作央鈍之作純苑之作宛客之作容裏之作裏存之作好適之作週垆之作垆迴之作迥作迴毋之作母霄之作宵曰之作日常之作帝緣之作綠乎之作手末之作未本之作木清之作清詰之作誥免之作免几之作凡脫之作晚晚之作曉放之作敖珠之作殊作蛛鴛之作駕澈之作徹稅之作稅戾之作展苦之作若嘉之作喜璧

之作壁實之作寶紫之作柴圃之作園遷與遣之作還試之作誠左
之作在時之作呼八之作入入之作八作人固之作同作因漢之作
漢頓之作須徒之作徒徒之作徒令之作今焉之作馬擅之作檀眷
之作春右之作石霸之作羈水之作永東之作束倅之作伴干之作
千千之作十後之作復始之作如惟之作帷土之作上阿之作何界
之作界咸之作盛晉之作普埋之作理貝之作具果之作杲聞之作
開珪之作經役之作投狹之作狡狡之作佼皇之作呈宋之作宗統
之作銃許之作評請之作諸恭之作忝英之作莫博之作傅船之作
鈴穫之作獲獲之作護遏之作遇祐之作祐玉之作王鱗之作鱗涉
之作陟引之作弘訴之作訢舟之作丹緩之作綏傍之作榜虛之作
處宇之作字字之作宇作子輞之作輞阪之作坡坡之作波波之作
渡敢之作散孟之作孟輦之作輩牛之作半經之作徑乳之作牝禮
之作體續之作續姓之作性白之作自政之作改蘇之作薛按之作

接彌之作彌逃之作逆又之作又帳之作悵眺之作眺詭之作脆窳
之作宰揚之作楊搏之作搏段之作段鬼之作蒐藝之作藝篚之作
僣鳴之作鳴卿之作鄉跋之作拔皆屬魯魚虛虎誤於形似故書可
按不難校改者也其有甚於此者又得二事本書卷一百四外紀叙
後燕慕容氏北燕馮氏之事蹟皆取十六國春秋後燕北燕兩錄原
本慕容熙封遼東公而此本以東作西馮跋之兄子名乳陳而此本
以乳作汝然猶可云十六國春秋明人僞作不足據也迨考晉書後
燕載記慕容熙封遼東公東亦不作西北燕載記馮跋兄子曰乳陳
乳亦不作汝皆可證十六國春秋不誤不知修書諸公依據何書而
有此改作耶此應訂正者一卷一百十八藝文載金韓長嗣興中府
尹銀青改建三學寺碑銘一首校以塔子溝紀畧所載異同之字句
尤多如孔目官孫公以孫爲係忝居治下以忝爲奈聖朝旣獲遼土
以土爲王聚五州義學以聚爲衆日與講肄以與爲興孰能傳焉以

能爲將上得聲聞以得爲德萬善之窟宅以宅爲取遠之無智以智爲忘幽關每擁以關爲門邑無累月以邑爲都壞址遺跡以跡爲基亦有制度以有爲可成則成歟以歟爲諸非此一事以事爲郡此皆應從紀畧而本書爲誤又如詳言於予則奪於字皆權於私院則衍皆字縱有如清涼宣律師慈恩之才則奪如字當糾千人邑則衍當字糾千人邑則奪人字一篇之中譌誤奪衍多至二十餘字他篇亦大抵如是此應訂正者二昔者清高宗以文淵文源文津三閣四庫全書舛譌不一而足爰有責總纂官紀昀陸錫熊覆校賠寫之旨而錫熊又以赴校盛京文溯閣書感寒而卒近檢文溯閣庫書一卷之中錯譌數四多未校改纂校諸臣經辦不善誠無可諱言矣殿本諸書號爲精覈近年以書賈稗販海舶競求十年之中價踊數倍抑知纂校諸臣漫不經心尤過於庫書蓋於書成之後交胥鈔寫未事覆勘便行發刊凡殿本書大抵如是特無好事者一一爲之發覆故仍

以精本見稱試以本書例之可知其大謬不然也第本書大體精善圖繪尤詳塔子溝紀畧雖創於前而僅局於一隅承德府志雖修於後亦未槩舉其全今世之人欲考灤陽掌故木蘭宮圍蓋舍此而莫由矣茲取袁氏鈔本付印而以刊本校之復參比諸書詳加覬正時日迫促錯譌仍多大雅君子幸教正焉吳向之先生適客瀋陽爰以本書請其審定集資重印者曰瀋陽臧氏長白熙氏遼陽袁氏孫氏吳氏同任校字之役者曰高先生毓衡孫君惺庵宿君貫中許君麟英而閻子興亞毛子成範韓子良佐蘇子富春亦有繕校之勞例得附書時距本書修成初刊之日則爲一百五十四年也遼陽金毓猷

跋

欽定熱河志勘誤表

卷	四	五	五	五	六	七	十	十五	十六	十七	三
頁	十三	八	八	十三	十五	六	五	二十	十四	九	三
行	十五	一	六	十九	四	八	十一	五	十九	十四	三
字	雷	三	三	八	十九	四	十六	四	四	小注	三
誤	鈴	蒼	靜	本	獲	昨	遇	祐	祐	伯	上御製
正	鈴	倉	淨	木	穫	作	過	祐	祐	衍文	御製詩

卷	三	三	三	三	三	三	三	三	三	三	三
頁	三	六	十二	十二	十三	二	十	十一	十八	三	九
行	十六	三	十四	四	十八	八	十七	一	四	十七	一
字	四	十四	三	三	十八	二	十二	八	三	三	十二
誤	王	麟	野	祈	陟	渡	弘	陟	大	訴	綏
正	玉	麟	圩	祁	涉	波	引	涉	丈	訴	綏

次定熱河志

勘誤表

三十五	三十五	三十五	三十四	三十三	三十三	三十三	三十三	三十三	三十	三十	二十	二十
二十四	十四	三	七	十九	十二	五	十三	八	十二	九	十九	九
九	八	三	三	三	十八	一	五	七	二	四	十二	十一
小注		三	三	九	五	十六	十六	小注	九	三	五	十九
房	戒題	椽	後居	發	人	子	處	來	榜	八	徹	丹
卷	題戒	椽	居後	撥	入	字	虛	耒	榜	入	澈	舟

五十	四十七	四十六	四十六	四十五	四十四	四十四	三十九	三十九	三十七	三十七	三十七	三十五
一	十二	七	五	六	九	九	十九	九	十六	十八	十七	十五
十	十二	十一	十一	十七	三	三	九	八	二	二	十七	十三
小注	三	五	一	二十	三	十三	十三	十一	二	一	九	七
波	攀	坡	水	洋	客	由	迴	宵	巖	輞	碑	斷
坡	攀	阪	永	羊	容	油	迴	霄	巖	輞	牌	斷

圭五	圭四	圭三	圭三	圭三	圭三	圭二	圭九	圭七	圭六	圭五	圭五	圭二
四	一	十三	一	六	二	七	十	十	三	八	五	八
六	三	十	十二	十五	三	四	十九	四	六	九	三	十四
小注	八	九	三	三	八	十七	十九	十四	十二	一	六	
牝	廳	護	美	徒	徑	稱	至	心	半	輩	散	
乳	聽	獲	矣	徒	經	稱	自	沁	牛	輦	敢	東
												遺字下 落此字

圭八	圭八	圭八	圭九	圭九	圭六	圭六	圭六	圭六	圭六	圭六	圭六	圭六
八	五	一	十	九	十六	十五	十三	十二	八	七	七	二
六	十一	十	三	三	三	八	一	九				
小注	小注	一	五	三	五		三	三	表	表	表	表
績	體	窮	穩	二	居		部所	在即	札克山	弟弟		七
績	禮	穹	隱	三	據	克	所部	即在	札木山	下弟字衍文	札	七
						楚字下 落此字					爾字下 落此字	

九十	九十	九十	九七	八六	八五	八三	八三	八三	八三	八三	八十	八十	八十
四	一	一	六	四	十八	七	七	一	三	三	十七	十四	十二
八	十	八	五	三	九	十四	一	五	五	五	二	二	五
十六	十六	十九	二四	十	九	三	三	五	十九	十七	不	記	字
眞	宋	封	性	李	隆	賽	劬	天	蔣	蔣	記	不	字
衍文	定	討	姓	孝	乾	寨	劬	大	蔣	蔣	記	不	海
													做字下 落此字

二	二	二	二	二	九	九	九	九	九	九	九	九	九
九	一	五	三	一	七	八	一	一	六	五	十一	八	八
十九	十六	十三	二十	十六	二	十一	二十	九	十一	二	二十	三	三
三	八	小注	十六	八	六		三	三	二十	一	四	五	五
界	改	未	斷	徒	九		內	兩	雉	自	揚	重	重
界	政	正	繼	徒	元	左	外	兩	錐	白	楊	里	里
						沁字下 落此字							

一頁	一頁	一頁	一頁	一頁	一頁	一頁	一頁	一頁	一頁	一頁	一頁	一頁
五	三	二	一	十一	三	一	九	三	三	二	十	九
八	二十	九	六	十一	四	三	三	十八	六	三	六	三
四	小注	小注	二	二十	十四	二	一		小注	一	十七	十七
逆	木	今	梁	刻	軍	彌	接	甸 北奴因徙	薛	等	弛	界
逃	正	改	梁	劉	衍文	彌	按	甸 北奴因徙	蘇	衍文	馳	界

一頁	一頁	一頁	一頁	一頁	一頁	一頁	一頁	一頁	一頁	一頁	一頁	一頁
九	九	六	四	四	十四	十二	九	八	七	六	四	三
三	三	十五	三	六	三	十一	三	十九	十	十九	三	十三
四	三	三	十六	三	八	六	三			三	十	二
巖	眺	迴	搏	未	樂	取	斂			悵	又	瞋
巖	眺	迴	搏	未	樂	收	斂	則	非	帳	又	瞋
								落此字下	荷此字下			

二覓	二覓	二覓	二覓	二覓	二覓	二覓	二覓	二覓	二覓	二覓
十四	十四	十一	三	三	十六	十五	十五	十三	十二	九
二十	十四	二十	十一	五	三	十七	十	十	七	十五
五	一	六	<small>小注</small>	十八	三	三	五	三	三	十六
嶺	籠	段	艘	塵	搏	搏	楊	未	宰	史
嶺	龍	段	艘	膺	搏	搏	揚	末	宰	去
										焉

二覓七	二覓七	二覓六	二覓四	二覓四	二覓三	二覓三	二覓二	二覓二	二覓二	二覓一
十	二	二十	八	七	十五	十	九	四	二十	十三
六	三	四	三	十八	三	十六	十六	五	五	十七
	十一	<small>小注</small>	十五	人名	<small>小注</small>	四	八	十二	十六	二十
	範	鳴鳴	關	行	藝	蒐	燬	間	錄	臍
悉	築	鳴鳴	閒	存	藝	蒐	躩	閒	綠	臍
<small>淨字下 落此字</small>										

